



BIBLIOTECA NAZ.
Vittorio Emanuele III

XVIII

D

22

NUMERI

III - D - 22


SPECIMEN
IVRIS MILITVM
NATVRALIS
METHODO SCIENTIFICA

CONSCRIPTVM,

A VCTORE

REGNERO ENGELHARDO,

SERENISSIMI HASSIARVM LANDGRAVII IN COLLEGIO,
CVI GENERALIS RERV BELLICARVM CVRA COMMISSA
EST, ADSESSORE.



FRANCOFVRTI ET LIPSIAE,
IN OFFICINA WEIDMANNIANA.
MDCCLIV.



SERENISSIMO PRINCIPI
AC DOMINO,
D O M I N O
W I L H E L M O,
HASSIARVM LANDGRAVIO,
PRINCIPI HERSFELDIAE,
COMITI CATTIMELIBOCI, DECIAE, ZIEGENHAINAE,
NIDDAE, SCHAVMBVRGI ET HANOVIAE,
R E L I Q V A,

PRINCIPI AC DOMINO
MEO LONGE CLEMENTISIMO
PERPETVAM FELICITATEM.

PRINCEPS SERENISSIME,
DOMINE LONGE CLEMENTIS-
SIME!



Non unica adstrictum me sentio ratione, hæc,
quas de jure militari duxi lineas, ad pedes
TUOS, PRINCEPS SERENISSI-
ME, humillime devolvere. Cum enim non modo
fors mihi contigerit felicissima, in iis terris agnoscere
patriam, quæ lenissimo TUO imperio subjacent; Sed
summis etiam TUIS alar beneficiis: Quid esse in me
poterit, aut a me provenire, quod non summo jure
TUUM sit. Singulari vero non minus TUAE cle-
mentiae acceptum fero, quod munus mihi demandare
digna-

D E D I C A T I O.

dignatus fueris, quo, quantum in me est, reipublicæ præsertim militari debitas præstem operas. Clementer itaque feras, **PRINCEPS SERENISSIME**, ostendisse, quod & horulas, quæ a sætis laboribus otio meo relinquuntur, in id impendam, ut in intimiore cognitione eorum, quæ ad officii mei partes faciunt, memet ipsum perficere, & eandem cum aliis etiam studeam communicare. Absque hac vero etiam, quam clementia **TUA** mihi præbuit, occasione, forsitan non licuisset, rei militaris sacra penitus inspicere, & in doctrinam ejusdem curatius inquirere. **Omni** itaque etiam jure, **SERENISSIME PRINCEPS, TIBI** debeo eos, quos forsitan in hoc negotio feci progressus, & fructus eorum, tanquam primitias, manibus **TUIS** benignissimis submissus offero. Si vero hæc omnia mihi deessent commoda, quæ conaminibus meis veniam aliquam possent conciliare: In ipsa certe re invenirem, cur Serenissimo **TUO** nomini opusculum hoc dicarem. Instituti enim mei rationem in eo posui, ut perscrutarer, quid ipso rectæ rationis dictamine docente circa milites jurium & obligationum daretur. Cum jus naturæ, uti **DEUM** auctorem, ita in ipsa rerum essentia & natura rationem suam agnoscat; Adeoque necessarium & immutabile sit:

Nega-

Negari non poterit, omnia jura positiva examini ejusdem subesse, si de æquitate eorundem quæstio moveatur. Per ea itaque, quæ stabilire tentavi principia, æquitas naturalis legum, quæ de rebus militaribus extant, ad examen revocatur. Temerarii sane conatus in republica, quæ æquissimis legibus non suffulcitur! Cum vero, **SERENISSIME PRINCEPS**, hæc sit **TUA**, & omnium, qui ex hac stirpe serenissima oriuntur, principum indoles, ut justitiam & æquitatem in legibus suis velint radiare: Cur hæsitarem in aprium ponere ea, quæ circa milites ipsa naturalis ratio dicitur, quæ jubet æquitas. Iisdem enim ea, quæ de militibus sapientissimis legibus fuere constituta, maxime deprehenduntur consentientia. Et quis est principum, qui majori indulgentia utatur jure in subditos, lege tam divina, quam naturali, rectoribus populorum concessio? Cum iis enim, qui & inviti legi possent milites, non tamen pro **TUA**, qua, **PRINCEPS SERENISSIME**, polles, potestate agis, sed ut & consentiant, & obligationis suæ sensu ferantur, clementissime concedis. Quis hinc majori severitate abhorret omnem in conducendis militibus violentiam? Quis majori studio jura militum tuetur? Et cui magis curæ cordique est, ut ipsis ea, quæ debentur,

DEDICATIO.


bentur, præstentur, & ut cuique tribuatur, quod suum est? Hoc TUO, PRINCEPS CLEMENTISSIME, fretus summo iustitiæ naturalis fervore, nullus dubitavi, quin a serenissimo TUO nomine conamini meo præsidium comparare humillime quæram. Quo si voto potiar: Laborum præmium, quod sperare possum, habebo maximum, & indefessus id agam, ut qua fruor clementia, non videar indignus, qui pro Principis optimi salute & serenissimæ Domus felicitate perenni summa devotione preces fundit continuas

SERENISSIME PRINCEPS,

DOMINE LONGE CLEMENTIS-
SIME,

SERENITATIS TUAE

humilissimus ac subjectissimus
REGNERUS ENGELHARD.



P R A E F A T I O.



Neglectum juris militaris omnes fere conqueruntur, qui vel ad caput quoddam ejusdem perlustrandum animum adpulerunt. Non quidem scriptores ejusdem desunt; Sed ad tantum potius numerum excurrunt, ut integræ juris militaris bibliothecæ tradantur apud LÜNIGIUM in *Corpore juris militaris*; LIPPENIUM in *Bibliotheca juridica*; STRUVIUM in *Bibliotheca juris*; BEYERUM in *Juris militaris prudentia lib. 1. tit. 2*; KNORRIUM in præfatione *der Anleitung zum Kriegsproceß*, & alios. Statim vero apparebit, omnes illos, qui recensentur, auctores vel materias plane particulares tractasse, vel observationes modo collegisse, vel adnotationes in articulos militares hujus vel illius populi constasse, vel processum solum militare enucleasse. Pauciores sane deprehenduntur, qui totum juris militaris ambitum complecti sint aggressi, & systema quoddam ejusdem exstruere, aut in formam, quam artis vocant, illud redigere. Primum forsan eorum appellare licebit ADR. BEYERUM, qui præstare hoc suscepit in eo, quod modo nominavimus, opere. Licet vero admodum de hoc molimine sibi persuasisse ex præfatione videatur: Ex ipsa tamen tractatione elucet, eundem huic labori usque eo fuisse imparem, ut ne quidem juris militaris, nedum genuinæ methodi, qua illud debeat peragi, notionem habuerit. Me-

b

lius

P R A E F A T I O.

lius quidem res successit Dno. FRID. ANDR. GOTL. GNÜ-
GEN, qui nuperrime conscripsit *Introductionem*, quam vocat, *solidam
ad Jus militare*, omnibus, quæ hæcenus de jure militari extitere, pal-
mam facile disputantem. Ipsemet vero tantum sibi non habet persuä-
sum, ut opus omne absolverit. Præter enim, quod plura imminxia vi-
deantur, quæ juris militaris publici, sive juris belli, quod dicitur, po-
rius sunt, quam juris militaris privati, quod hoc potissimum nemine
venit: Quod tradidit jus militare, nec populo cuidam soli, neque
omnibus, vel Germanorum saltem, convenit: Cum quædam ex
unius, alia ex alterius gentis constitutionibus militaribus desumpta fue-
rint, quarum tamen inter se nullus invenitur nexus. Et cum leges mi-
litares positivæ sint, quæ ab arbitrio superioris in quaque civitate de-
pendent: Non ubique militum eadem esse jura, vel easdem obligatio-
nes, intelligitur. Quamvis itaque hæcæ diversas obligationes, juraque
diversa recensere quidem liceat: Eo tamen systema juris militaris non-
dum constituitur. Et cum articuli, qui dicuntur, militares, qui ma-
ximam ut plurimum juris militaris civitatis cujusque partem conficiunt,
plerumque adeo sunt succisi, ut non nisi delicta graviora militibus inter-
dicant, & pœnas illorum comminentur, neutiquam vero proprie ob-
ligationes & jura eorum explicent: Nec ex iisdem systema componere
datur, si vel maxime constitutiones speciales, quæ passim extant, in
subsidium vocentur. In dijudicandis itaque militum causis recurri ple-
rumque solet ad observantiam & æquitatem naturalem. Cum vero ob-
servantia principium admodum vagum & incertum sit; Aequitas au-
tem naturalis a quolibet pro arbitrio fere fingatur: Principia sufficien-
tia non adesse patet, quæ militum causis decidendis inservirent, & qui-
bus adeo systema quoddam juris militaris posset superstrui. Licet
etiam jus civile commune nonnulla contineat, quæ jura præsertim mi-
litum peculiariorum eorumque privilegia spectant; Adeoque eadem juri
militari merito inferantur: Totam tamen ejusdem doctrinam eo non
absolvi, facile poterit perspicui. Ad leges militares aliarum gentium in
casu propriarum deficientium recurrendum quidem esse, putant juris
militaris doctores. Cum vero leges peregrinæ non nisi ex recepto ob-
ligent: Eadem etiam pro norma decidendi sumi non poterunt, nisi
quatenus forsitan æquitati naturali consentaneæ deprehendantur. Et
cum præterea non apud omnes eadem de rebus militaribus sint institu-

P R A E F A T I O.

ta: In casu hujus diversitatis dubia semper manebit electio. Omnia itaque, quæ in subsidium causarum militum decidendi, adeoque systematis contexendi vocari possent, sufficere minime videntur.

Hæc non ultima sine dubio fuit ratio, cur jus militare in formam artis redigere tantæ fuerit difficultatis, quanta vix superanda visa. Et est sane, si omnia, quæ circa milites juris sunt, legibus positivis sive civilibus circumscribere velis. Quemadmodum enim nec jure civili omnia determinantur, sed plura adhuc relinquuntur, prouti sunt juris naturæ; Et hinc ab ipso *Imperatore* pronuncietur, *omnes populos & in specie etiam romanum, partim suo proprio*, hoc est, civili, *partim communi omnium*, hoc est, naturali, *jure uti* (§. 1. *Inst. de Jur. nat. gent. & civ.*): Ita nec jure militari positivo omnia determinari solent, nec forsan poterunt, quæ circa milites juris sunt. Cum itaque indubitatum sit principium, ut ea, quæ jure positivo determinata non sunt, jure naturæ determinari debeant; Et ipso proficente *ULPIANO jus civile efficiatur, dum juri communi*, hoc est, naturali, *quid additur vel detrahatur, & hinc illud a naturali vel gentium jure in totum non recedat* (l. 6. ff. de J. & J.): De jure militari, tanquam positivo & illius specie, idem apparet. Quemadmodum itaque solida juris civilis absque juris naturæ cognitione non datur scientia: Ita nec absque hac ad solidam juris militaris prudentiam pervenire licebit. Nosse hinc interest, imo necessarium, quid ipso jure naturæ circa milites obtineat. Dari enim jura & obligationes, quæ militibus ipso jure naturæ competunt vel incumbunt, sive quæ ex sola militum notione principiis juris naturæ in subsidium adhibitis, erui possunt, tam in genere demonstrabitur, quam ex ipso, quod suscepi opere, specialius patebit. Hæc vero tam jura, quam obligationes militum naturalia, prorsus fere neglecta fuerunt ab iis, qui jus naturæ & gentium alias non infelici successu pertractarunt, ita ut nec a summo illo *GROTIO* eorundem saltem fiat mentio. Perillustris demum *L. B. de WOLF* in opere laudes meas longe superante de jure gentium nonnulla tradidit ad jus militare spectantia. Ipse tamen fatetur, quod instituti sui non sit, in tantas ambages descendere, ut ejusdem theoriam naturalem condat (*schol. ad §. 770.*).

Vestigiis itaque tam præclaris insistens operæ pretium duxi, hoc munitus ariadneo filo in juris militaris labyrinthum me conferre, & in

P R A E F A T I O.

jura militum obligationesque, quæ ipso jure naturæ occurrunt, curatius inquirere. Norione itaque militum prius eruta, & quæ circa constitutionem eorum juris sunt, demonstratis, simulque realitate juris militum naturalis stabilita: Ex fine, cui milites destinantur, obligationes & jura eorum deduxi. Et cum ex actione, obligationi contraria, delictum oriatur; Ex hoc vero iterum nascatur ad poenam obligatio; Ad istam vero causâ cognita demum perveniatur: De delictis etiam, de poenis & processu militum agendum fuit.

Principiis ad hoc opus habui, uti præsertim ex Jure naturæ & gentium, ita ex tota fere Philosophia. Quæ cum a perillustri L. B. de WOLF in tot operibus egregiis sint stabilita: Mihi aliud non fuit agendum, quam iisdem inniti. Et eo lubentius id feci, ut publice testarer, quantum antecessori tam celebri, & præceptori quondam nunquam non venerando debeam.

Et si vero jam solum theoriam juris militaris tradiderim, principiis fere non nisi philosophicis usus: Non prorsus tamen me fugiunt, quæ praxin ejusdem spectant. Cum enim per plurimos annos in rebus militaribus tam domi, quam militiæ versari mihi contigerit: Eorum, quæ & usu solent obtinere, cognitionem aliqualem nanciscendi occasio mihi non defuit. Et hæc ipsa præbuit ansam in plura inquirendi, quam absque ejus ope fieri forsitan potuerit. Consensum principiorum cum praxi subinde quoque indicavi, & vel illa ad ipsas leges civiles interdum applicavi, ut apparear, quod iis, quæ juris naturalis sunt, præmissis, leges militares positivas ad examen revocare, & quæ in iisdem deficiunt, supplere liceat.

Non omnia quidem exhaustisse mihi videor, quæ ad juris militaris theoriam naturalem faciunt. Ambitum ejus majorem esse, quam forte videretur, apparet ex iis, quæ tradidi. Cum enim viam nondum tritam ingressus fuerim: Facile fieri potuit, ut ad omnes recessus non penetraverim, vel sicco saltem pede tetigerim, quæ fortius fuissent calcanda. Quoniam vero hæc est rerum humanarum conditio, ut non statim ab initio in iisdem ad perfectionem deveniatur: Mihi sufficiet, viam commonstrasse, qua aliis firmiori passu incedere, & ea, quæ præteriti, perferutari, non invidebo.

Metho-

P R A E F A T I O.

Methodo usus fui, quæ quidem naturalis est, scientifica vero vel artificialis vocari suevit. Absque eadem enim solidam in ullo scientiarum genere cognitionem tradi non posse, uti prorsus persuasum mihi habeo, ita a tot illustribus viris jam satis superque demonstratum est. Non quidem desunt, qui præjudiciis inveteratis obcæcati ejus præsertim in jure applicationem ridet & allatrant. Si quibus itaque institutum meum totum forsan non displiceret: Propterea tamen solum illud ipsis contemnendum videretur, quod odiosum methodi vocabulum vel in fronte, & illustre ejus, quem illius artificem jure credunt, nomen ubique fere conspiciant. Cum vero veritatis perquisitio magis mihi cordi sit, quam placendi studium: Dolere mihi saltem relinquitur, quod in illius præjudicium huic me dari nequeam.

Erunt etiam fortasse, qui jus militum naturale cerebrinum & imaginarium reputabunt, vel omni plane utilitate destitutum. Cum enim illis jus naturæ, quod pro certo saltem rerum statu obtinet, discernere non detur ab eo, quod in statu naturali absque ullo respectu valet: Ridiculum videbitur, cum milites statu naturali exulent, & civilem supponant, de iis ex jure naturæ quid velle prædicare. Eandem itaque forsan censuram incurram, qua auctor *relationum omnium novissimarum de libris juridicis, sive der allerneuesten Nachrichten von juristischen Büchern*, quæ dicuntur, me fuit dignatus, cum duodecim abhinc annos circa jus feudale idem, quod nunc circa jus militare, tentaveram, jurisque feudorum naturalis specimen exhibueram. Auctoritati suæ, qua in orbe literario pollere sine dubio sibi videtur, tantum tribuere apparer, ut judicii sui rationem adducere operæ pretium non duxerit, sed illud saltem exclamatorio hoc effato muniat: Quantum de tali supervacaneo & inutili labore mirarentur SCHILTERUS, STRUVIUS & STRYCKIUS, ut de sancto ISERNIA, JACOBINO de St. GEORGIO, ROSENTHALIO, & aliis taceat. Injuriam sane considerasse non videtur, quam viris celebribus eo inferret, quod ipsos præcipitato tali judicio æque ac se credat capaces, sibi que in eo compareret. Cum ad mortuorum testimonium provocare pro indicio malæ causæ habeatur, & saltem impossibile sit obtentu: Videamus potius, quid sentiant de tali, quod suscepi, conamine, viri eidem superstitēs, & videbit vir celeberrimus, quod de utilitate principia juris naturalis

P R A E F A T I O.

ad jus feudale applicandi prorsus aliter judicent JCri, istis, vel ipso saltem non inferiores. Non enim solum Vir celeb. GOTTL. SAM. TREUER jam ao. 1737. in *Pavergis Göttingensibus* ipsemet edidit *Pædiam juris feudalis universalis*, quæ vero censori meo jam tunc, æque ac mihi fuit, incognita fuisse videtur; Sed & summus juris feudalis doctor, JO. JAC. MASCOVIUS in nuper edito de *Jure feudorum in imperio R. G.* libello præstantiam ejus agnovit, & ut videtur, virum celeb. UHLIUM permovit, ut pædiam hancce, quo magis publici juris & usus fieret, separatim nuperrime recudi fecerit. Eandem vero quoad usum juris naturæ in ipso jure feudali mecum prorsus consentire, vel ex eo apparet, quod Göttingenses judicaverint, me jus illud feudale naturale præstare voluisse, quod in *Pædia* fuit desideratum. Hancce vero, quod doleo, cum in Pavergis quasi latuerit, tunc adhuc ignorabam, cum nonnisi proprio motu specimen meum conscriberem. Instituto enim meo admodum infervivissent ea, quæ in ipsa traduntur.

Discat itaque, si contrarium forsan hætenus sibi persuaserit, vir celeberrimus, quem cum nominare se non lubuerit, innominatum relinquo, quod utilitas rei a suo non pendeat judicio, & quam parum tutum sit, partium cæco studio in judicium rapi, quod nulla ratione, sed dictatoria saltem confidentia, suffulcitur, & statim tanquam inutile rejicere, quod non est ad cujusdam palatum. Magnum equidem discrimen intercedit inter compilare & systematici quid componere. Licet enim laude sua privandi non sint, qui in colligendis iis operam suam navant, quæ ad incrementum scientiarum faciunt: Quam multæ tamen inutiles extent compilationes, in vulgus notum est, quæ ab iis plerumque suscipiuntur, qui cum propria non possint, aliena tradunt, ut aliquid saltem fecisse videantur. Exemplum inutilis ejusmodi compilationis conspiciere datur in Novellis Götting. de rebus eruditis anni 1751. pag. 685. seqq. quod etiam censori meo normæ esse poterit, quomodo judicia de libris, qui prodeunt, non absque rationibus additis ferenda sint.

Me quidem hæc omnia non deterrent, quo minus pro virium & circumstantiarum mearum parte illud, quam parvum sit, agam, quod
ad

P R A E F A T I O.

ad solidiorem scientiam aliquid conferre posse videtur. Tædium enim, quod ex judiciis iniquis oriri posset, facile superat voluptate, quam iudicium viri vel unius, rerum periti, affert. Scio equidem virum fama & doctrina nulli cedentem, perillustrem L. B. de WOLF, & alios conatus meos non improbasse. Ipsummet etiam postea feudorum theoriam naturalem in egregio juris naturæ opere exhibuisse, constat. Vir etiam quoad jurisprudentiam feudalem præsertim inter paucos eminens, CHRIST. GOTTL. BUDERUS, specimen meum dignum iudicavit, cui in *Bibliotheca juris Struviana* noviter edita locus concedatur. Benignius etiam de eodem iudicare Gættingenses, quibus tamen non æque probantur omnia, quæ a censore librorum iudicorum proveniunt: Licet eorum multis encomiis abundantes recommendationibus suis inferere ipse non dubitet.

De utilitate, imo necessitate juris militum naturalis tam in præsentiquædam sum præfatus, quam in ipsa tractatione demonstrare conor, absque eo leges militares neque condi, neque dijudicari, nec jurisprudentiam militarem absque eodem esse posse. Cum ea non pro arbitrio assumerim, sed ex rationibus suis deduxerim: Fulcra hæc conquatere debet, qui contrarium asserere suscipit. Eorum enim, qui ea inutilia statim reputant, quæ cum ipsis non consentiunt, irrita erunt conamina, & proverbium obtinebit: Latrat, sed non mordet. Scientiæ enim & earum doctrinæ iudicem alium non agnoscunt, nisi rationem, & veritas aliis armis non incedit. Quibus itaque nonnisi hæc curi cordique est, eorum iudicio tentamina mea lubens submitto, & ab iis me erudiri gratus patiar. Cum enim humani nihil alienum a me putare possim: Errasse me facilis agnoscam. Et cum nihil magis tentem, quam ut ad solidam scientiam perducantur, quæ hætenus non nisi tumultuarie fuere tractata: Votorum satis compotem me credam, si ad curatius examinandas veritates, quæ hætenus enucleatæ non fuerunt, & ad perficienda ea, quæ cœpi, alios conamen meum incitet. Dabam

Caissellis die 21. Martii 1754.



CON-



CONSPECTUS

SPECIMINIS JURIS MILITUM NATURALIS.

P R A E C O G N I T A.

CAP. I.

De Notione & constitutione militum, ut & Jure mi-
litari.

CAP. II.

De Obligationibus militum.

CAP. III.

De Furibus militum.

CAP. IV.

De Delictis militum.

CAP. V.

De Pœnis militum.

CAP. VI.

De Foro militum & Processu militari.

JURIS



JURIS MILITUM NATURALIS PRAECOGNITA.

§. 1.

*B*ellum est persecutio juris sui violenta adversus alterum, qui id *Belli definitio.*
ullo modo violat, aut denegat.

GROTIUS equidem bellum dicit *statum* per vim certantium (§. 2. *cap. 1. lib. 1. de J B ac P.*), & CICERONEM reprehendit, quod bellum saltem certationem per vim dixerit: Cum usus obtinuerit, ut non actio, sed status eo nomine indicetur. *Perillustis L. B. de WOLF* hoc etiam usui loquendi convenientius judicavit, & ideo bellum definivit per statum hominum, in quo unus jus suum vi prosequitur adversus alterum (§. 1102. *Part. I. Jur. nat.*) Cum vero definitio ei competere debeat, cui definitum competit (§. 253. *Log. WOLF.*), ita, ut definitio substitui possit definito; Minus commode vero in iis locutionibus, in quibus voce *belli* utimur, id fieri posse videtur, si bellum per statum definiveris, ex. gr. si *jus belli, bellum gerere seu inferre* dixeris: Magis applicabilis videtur esse definitio belli, si illud persecutionem violentam juris dicas, & statum belli speciatim definias.

Quemadmodum itaque definitio *Wolfsana* cum *Grotiana* coincidit (*I. c. Jur. nat. WOLF.*): Ita *nostra* cum *Ciceroniana*. In nostra modo clarius explicatur, quid sub certatione per vim intelligendum sit, nempe violenta juris sui persecutio (§. 98. *Instit J.N. WOLF.*).

Hæc definitio, ipso monente GROTIUS, (loco cit.) adeo generalia est, ut sub ea omnium bellorum genera comprehendantur. Dubium vero hoc videri posset de bello defensivo & punitivo.

Jur mil. nat.

A

Bellum

Bellum enim defensivum dicitur, quo quis se defendit adversum alterum, qui ipsi bellum infert (§. 615. J. G. WOLF.). Cum vero bellum persecutio juris dicatur: Bello defensivo quis se defenderet contra eum, qui jus suum persequitur. Qui vero jus suum persequitur, mihi injuriam non facit. Cum itaque injuria sit unica justa belli causa (§. 617. l. c.): Nec mihi contra talem bellum liceret. Quare cum in persecutione juris bellum consistat: Bellum defensivum pro bello habendum non esset. Sed notandum est. Qui bello defensivo utitur, illi bellum vel justum vel injustum infertur. Si injustum: Tunc alter jus suum proprie non persequitur, sed injuriam mihi facit; adeoque contra eundem defensio mihi licet. Atque tunc utique jus meum, me nempe defendendi contra injurias aliorum, persequor. Adeoque in hoc casu bellum defensivum pro bello utique habendum est. Si justum: Nec defensio mihi competit; nec adeo bellum defensivum. Quod si tamen in hoc casu me defenderem: Bello injusto dimicaret; Neque adeo proprie in hoc casu bellum defensivum gererem, sed potius jus suum persequenti vim injustam opponerem. Ulterius hoc dubium refellitur in *nota ad §. 629. J. G. WOLF.*

Similiter bellum punitivum dicitur, quo poena sumitur ab altero (§. 616. J. G. WOLF.). Videri itaque posset, quasi illud non ad persecutionem juris, sed ad poenam intelligendam intendatur. Sed cum bellum punitivum obtrineat saltem in eo casu, quo injuria facta irreparabilis est (*nota ad §. 619. & 620. l. c.*): Adeoque rationem suam habeat in jure puniendi eum, qui mihi injuriam intulit, quæ reparari non potest: Pateret utique, quod bello punitivo jus aliquod persequar, jus nempe puniendi alterum.

Nec obstat, quod posita hac definitione bellum proprie dividi non possit in justum & injustum. Negamus enim, bellum injustum, si curatius loqui velis, esse bellum. Est potius invasio, latrocinium (§. 778. J. G. WOLF.). Unde etiam ALEXANDER M. vocatus est latro propter bella injusta, quibus gentes invasit. Bello injusto ex definitione belli nihil comperit, nisi vis, quæ alteri infertur: Non vero ad persequendum jus, quippe quod non adesse supponitur: Licet is, qui bellum injustum infert, videri sapius velit, vel etiam errore ductus putare possit, se jus suum persequi. Præterea in notione belli plerumque non spectatur moralitas, nec etiam de ea semper in vulgus constat (*not. ad §. 629. J. G. WOLF.*). Unde jure gentium voluntario quoad effectus bellum utrinque pro justo habendum est (§. 888. l. c.).

§. 2.

*Status belli
definitio.*

Status hominum, in quo unus jus suum vi persequitur adversus alterum, *status belli* dicitur.

Est hæc ipsa definitio, quam de bello dedit perillustis L. B. de WOLF in egregio opere *Juris naturæ* (§. 1102. Part. 1.) Cur vero eandem statui-
be;

belli reservare, & bellum potius per actionem ipsam definire libuerit, monui jam in *nota ad §. 1.*

Cum status hominum, moralis nempe, sit, qui determinatur per jura ipsis competentia & obligationes ipsorum (§. 123. *Part. 1. J.N. WOLF.*), statum belli determinari per jura & obligationes in bello competentia & incumbentes, facile patet.

§. 3.

Bellum gerere seu inferre dicitur ille, qui jus suum adversus alterum id ullo modo violentam aut denegantem vi persequitur. *Bellum gerere s. inferre quis dicatur.*

Optime in hac locutione verbo *belli* substitui potest definitio ejusdem, quam dedimus (§. 1.). Sic enim bellum gerere seu inferre idem est, ac suscipere persecutionem violentam juris sui adversus alterum, qui id ullo modo violat aut denegat. Id, quod æque non procedit; si definitionem per statum adhibere velis.

Quod is etiam bellum gerat, qui bello tantum defensivo dimicat, evicimus jam in *nota ad §. 1.*

§. 4.

Bellum geri inter duos dicitur, si unus jus suum vi persequitur Bellum gerens adversus alterum; Hic alter vero illi, qui jus suum persequitur, resistit. *ri quid sit?*

Bellum itaque, si justiciam internam spectes, ab uno latere semper injustum est (§. 633. J. G. WOLF.). Aut enim is, qui illud infert, juste agit: Et tunc alter resistere non deberet; aut juste non agit: Et tunc alteri utique defensio licet. In priori casu bellum ab illius, qui infert, parte justum; ab hujus, cui infertur, vero parte injustum esse; Et in posteriori casu contrarium obtinere, cuique apparebit. Cum vero jura gentium obtinuerit, ut omne bellum solenniter & rite indictum pro justo habeatur (*GROT. de J. B. & P. Lib. 3. Cap. 3. §. 5.*): Hoc respectu bellum ab utraque parte, quoad effectus nempe, justum dici potest (§. 888. J. G. WOLF.).

§. 5.

Jus belli scilicet gerendi dicitur jus persequendi jus suum vi adversus alterum, qui id ullo modo violat vel denegat (§. 103. *Part. 1. Jur. definitio. nat. WOLF.*).

In hac definitione nostra, quam de bello dedimus (§. 1.), applicatur. Quod nec æque fieri posset, si bellum per statum definiatur. Dici enim oporteret, quod jus belli sit jus status hominum, in quo unus jus suum adversus alterum vi persequitur (§. 2.). Quod vero usui loquendi non convenit. Et hinc etiam elucescit, quod magis conveniat, bellum per ipsam actionem, quam per statum definire.

§. 6.

Cui competat? Jus belli tam homini unicuique a natura competit, quam gentibus, aut rectori civitatis, si nempe imperium summum seu civile in ipsum translatum est.

Quoniam hæc propositio a perillustri L. B. de WOLF partim in *J. N. Part. 1. §. 1104.* partim vero in *J. G. §. 613. & 614.* jam demonstrata est: Actum agerem, si illud de novo aggredi vellem. Adducitur eadem hic saltem in gratiam eorum, quæ sequuntur.

§. 7.

Bellum privatum & publici definitio.

Quodsi bellum a persona singulari seu privato cum privato, seu a pluribus privatis cum privatis pluribus propria auctoritate geratur, *bellum privatum*; Quod si vero geratur inter gentes, seu auctoribus iis, qui summum imperium habent, *publicum* dicitur (§. 607. 608. *J. G. WOLF.*).

Hæc duæ species sub generali belli notione (§. 1.) continentur. Jus enim belli etiam privatis a natura competere, jam evicimus (§. 6.). Cur vero bellum privatum, seu ut privatus contra privatum jus suum vi persequatur, in civitate tolerandum non sit, sed ejus loco judicia introducta fuerint, uberius explicatur & demonstratur §. 560. 561. & 562. *Part. 8. J. N. WOLF.*

Licet autem sub hac generali belli locutione bellum etiam privatum comprehendatur: Suevit tamen bellum modo publicum intelligi, si verbo *belli* absque aliquo addimento utatis. Id quod etiam in sequentibus obtinebit. Nobis enim ulterius de bello privato agere res non est: Sed hæc tantum majoris evidentie gratia adjecta sunt.

§. 8.

Bellum publicum a quo geratur.

Bellum publicum geritur a rectore civitatis, seu superiore, sive principe, si penes ipsum sit imperium summum seu civile. Bellum publicum enim dicitur, quod geritur auctoribus iis, qui summum imperium habent (§. 7.). Quare cum imperium summum penes rectorem civitatis, superiorem seu principem esse possit (§. 58. 59. *Part. 8. J. N. WOLF.*): & in casu præsentis penes ipsum esse supponatur (*per hypoth.*). Patet, quod bellum publicum geratur a rectore civitatis seu principe, si penes ipsum sit summum imperium.

Potest equidem bellum ex una parte esse publicum, & ex altera privatum. In quo casu *bellum mixtum* vocatur. Uti si rector civitatis bellum gerat cum subditis rebellibus (§. 609. & *not. J. G. WOLF.*).

§. 9.

Auctoris belli definitio.

Is, a quo, vel cujus nomine bellum geritur, *auctor belli* vocatur.

§. 10.

§. 10.

Hinc cum bellum publicum geratur a rectore civitatis seu superio- *Quinam*
re, si penes ipsum imperium summum sit (§. 8.): *Rektor civitatis sive auctor sit*
superior in bello publico auctor ejusdem est, si apud ipsum sit imperium belli publ.
summum.

In sequentibus si de rectore civitatis, superiore seu principe quædam prædicabuntur, semper supponetur, eundem habere summum imperium. Si enim summum imperium pro diverso rerum publicarum statu penes ipsum adhuc populum, aut optimates sit, uti esse potest (§. 36. *Part. 8. J. N. WOLF.*): Per se intelligitur, id, quod rectori tribuitur, populo seu optimatibus competere.

§. 11.

Pars altera, adversus quam bellum geritur, *hostis* dicitur.

*Hostis defini-
tio.*

Facile apparet, hanc denominationem esse relativam & reciprocam, ita, ut unusquisque eorum, inter quos bellum geritur (§. 4.), hostis dicatur respectu alterius. Perillustrius L. B. de WOLF hostes hinc dixit eos, quibus inter se bellum est (§. 722. J. G.).

§. 12.

Bellum publicum supponit civitatem constitutam.

*Bellum pu-
blicum
supponit
civitatem.*

Bellum enim publicum geritur inter gentes (§. 7). Gens vero est multitudo hominum in civitatem consociatorum (§. 5. *Part. 8. J. N. WOLF.*). Denominatio itaque gentis civitatem constitutam supponit. Et hinc patet, quod bellum publicum civitatis constitutionem supponat.

Hæ & aliæ propositiones ideo præmittendæ fuerunt: Quoniam ad demonstrationem eorum necessaria sunt, quæ proprie jus militum efficiunt.

§. 13.

Ad bellum publicum gerendum opus est hominibus pluribus seu multis. Multos ho-

Bellum enim requirit, ut vis inferatur (§. 1.). Quare cum bellum *mines re-*
publicum inter gentes geratur (§. 7.): In bello publico a gente una vis *quirit.*
inferri debet genti alteri. Gens vero multitudinem hominum involvit (l. c. J. N. WOLF.). In bello publico itaque vi unita multorum gens adoritur gentem, cui bellum infert (§. 607. J. G. WOLF.), adeoque a multis vis inferri debet multis. Hinc patet, quod bellum publicum absque hominibus, iisque multis seu pluribus, geri non possit.

Hæc quidem ea sunt, quæ ad notionem militum eruendam & jura æque ac obligationes eorundem de iudiciis necessaria, adeoque præmittenda duxi. Jam vero notio militis §. statim sequenti dabitur & paulatim ulterius explicabitur; Jura vero & obligationes militum suo quæque loco demonstrabuntur.

PRAECOGNITORUM FINIS.



JURIS MILITUM

NATURALIS

C A P V T I

DE NOTIONE ET CONSTITUTIONE MILITUM, UT ET JURE MILITARI.

§. 14.

Militis definitio. **H**omines, qui ad bellum publicum gerendum adhibentur vel destinantur, *militēs dicuntur.*

Olim quidem plerumque mos erat, milites non prius conscribere, quam bellum imminere, aut decerneretur. Hodie vero obtinuit, ut vel pacis tempore, & cum de bello nondum cogitetur, milites alantur. In hoc casu milites non actu semper ad bellum adhibentur, sed eidem saltem in eum casum destinantur, si bellum oriat. Ut itaque definitio utrique militum generi congruat: Necessarium fuit eidem inserere, quod milites ad bellum vel adhibeantur, vel destinentur.

Vocis *militis* etymologiam omnes fere indagare student, qui dissertationunculam quancunque ex jure militari compilaverunt. Et sollicitus jam de ea fuit ULPIANUS l. 1. §. 1. ff. de Test. mil. Plures & vel ridiculas collegit Jo. Joach. SCHOEPPER in *Diff. de milite desertore cap. 1. §. 3. seqq.* Optime tamen sentire, me iudice, videtur, Dn. de LUDEWIG, qui ducem habuit ULPIANUM c. 1., dum ex eo illam deducit, quod milites in numeros, hoc est, ordines referri debuerint; Romani vero numeros græco vocabulo *tagma*, & Græci multitudinem mille hominum *τάγμα* appellaverint; Ita ut miles dictus sit milesimus quisque, hoc est, unus ex mille (§. 4. nota (a) *Diff. de differentiis juris rom. & germ. in re milit.*). Similiter, licet ex alia ratione, denominationem militis a numero millenario deducit Steph. WAGA in *Diff. de eo, q. j. e. circa pœnas mil. ignom. §. 23.*

Æque seduli sunt in formandis militis definitionibus; Præsertim etiam modo dictus SCHOEPPER l. c. §. 14. Fas tamen nimis jus romanum sapere & non applicabiles censet Jo. Gotfr. LAURENTIUS, & sequentem illarum optimam putat, quod miles sit persona ab eo, qui jus belli gerendi habet, ad bellum lecta, in numeros relata & sacramento firmata (§. 4. tr. de Jurisd. in milites excedentes). Quæ tamen, si ad regulas logicas examinetur, abundans & definito suo nihilo fecius angustior facileprehenditur. Nam cum dicatur, quod miles sit persona

lecta;

lecta; Milites vero non modo legantur, sed etiam conducantur; Uti patebit in sequentibus (§. 20.): Milites conductitios non comprehendit; adeoque definito suo angustior est. Quod vero milites constituantur ab eo, qui jus belli habet, ex eo fluit, quod ad bellum adhibeantur. Quare cum hoc in definitione jam contineatur; Illud per hoc jam determinatur, & hinc potius demonstrari debet. Quod in numeros referri debeant, hoc instituti saltem romani fuit, uti monebitur *nota ad §. 48.* Et quod sacramento firmantur, hoc, ipso monente SCHOEPPERO (§. 18. l. c.), necessitatis non est; Uti nec apud omnes gentes, Batavos ex. gr. obtinet. Neque adeo hæc nota militi intrinseca est. Definitio itaque laudata continet & quæ per se invicem determinantur, & quæ rei definitæ intrinsecæ non sunt, adeoque plures notas comprehendit, quam ad rem definitam agnoscendam & ab aliis discernendam necessariæ sunt. Quare cum ea, quæ per se invicem determinantur (§. 950. *Log. lat. WOLF.*), & ea, quæ rei definitæ intrinseca non sunt (§. 154. l. c.), definitionem ingredi non debeant; Et definitio nec plures nec pauciores notas continere debeat, quam ad rem agnoscendam & ab aliis distinguendam necessariæ sunt (§. 153. l. c.): Et notio, quæ plures notas continet, abundans dicatur (§. 93. l. c.): Patet, quod definitio omnium optima judicata, abundans tamen simul & nimis angusta, & regulis logicis maxime sit contraria. Maxime itaque fuit necessarium, notionem militis talem formare, qualis rei convenit, & ex qua jura & obligationes militum deduci possint.

§. 15.

Quare cum bello in genere, adeoque & bello publico, vis inferatur *Per eos vis inferitur.* (§. 1.); Milites vero ad bellum publicum gerendum adhibeantur (§. 14.); Pars altera vero, adversus quam bellum geritur, hostis dicatur (§. 11.): *Per milites auctor belli vim infert parti alteri, cum qua bellum gerit, s. u. hosti.*

Per illustres L. B. de WOLF hinc milites definit per homines sive personas, per quas auctor belli vim infert parti alteri, cum qua bellum gerit (§. 610. *Jur. gent.*). Quum vero ad demonstrationem eorum, quæ sequuntur, aptius visum fuerit, in notione militum belli publici meminisse. Eandem, uti §. 14. continetur, formare, & propositionem præsentem per modum corollarii inde deducere convenientius credidi.

§. 16.

Cum per milites in bello vis inferatur (§. 15.); Feminæ vero masculis debiliores sint, neque adeo ad vim inferendam, qualem bellum *sunt, nec* requirit, æque idoneæ; Propter partum & educationem liberorum etiam *femina.* am bello æque vacare non possint; Facile patet, quod milites esse non conveniat, nisi masculos, minime vero feminas.

Licet enim de republica Amazonum, solis feminis constata, narretur, quæ bella vel gravissima gesserint: Tota res aut veritate destituitur, aut plane

plane alia apud ipsas fuisse debuit constitutio, suis difficultatibus non destituta. Exempla tamen non desunt viraginum, quæ sexum suum celantes, milites factæ sunt. Cum vero alia super accedat ratio, quæ ipsas a militia arceat; Metus nimirum seductionis militum ad libidinem: Nec volentes inter milites non tolerantur modo, sed & extra ordinem puniuntur. Cujus rei exempla refert AD. BEYER in *Juris milit. prud. L. 2. Tit. 1. §. 2. n. 473. 474.*

Simili ratione ad ministerium belli ineptos esse infantes, pueros, senes, aliasque personas debiles, item nimis timidos & alios, deduxit *perill. L. B. de WOLF (§. 752. J.G.)*. Feminas vero a bellorum ministerio non arcere naturam, retur (*sch. §. cit.*).

§. 17.

*Ad bellum
publ. neces-
sarii.*

Bellum publicum itaque geri nequit absque militibus.

Ad bellum publicum gerendum enim opus est multis seu pluribus hominibus (§. 13): Bellum itaque publicum geri nequit absque hominibus. Quare cum homines, qui ad bellum publicum gerendum adhibentur, milites dicuntur (§. 14.): Patet, quod bellum publicum geri non possit absque militibus.

Sunt nimirum milites causa belli instrumentalis, quemadmodum auctor belli ejusdem causa principalis est. Uti pluribus evincitur in *schol. ad §. 610. J.G. WOLF*. Propositio hæc equidem, quemadmodum alix, per se evidens, adenque & ejus demonstratio maxime superflua videri posset. Cum vero si solidiori via in tractandis disciplinis incedere, easque per modum scientiæ proponere velis, omnia principia certis & indubitatæ niti, & unum ex altero paulatim inferri debeat (§. 30. *Log. las. WOLF*); Hæc vero propositio, uti ex antecedentibus illata, ita ad intellectum & demonstrationem sequentium applicabitur: Ejus adjunctio & demonstratio a nemine nisi methodi naturalis ignaro & contemptore pro supervacanea habebitur.

§. 18.

*Civitatem
supponunt;*

Milites supponunt civitatem constitutam.

Milites enim ad bellum publicum gerendum adhibentur (§. 14). Quare cum bellum publicum civitatem constitutam supponat (§. 12.): Patet, quod & milites civitatis constitutionem supponant.

§. 19.

*Milites
conscribe-
re, quid?*

Milites constituere seu conscribere dicitur destinare & adstringere certas personas ad bellum publicum gerendum.

§. 20.

*A superio-
re consti-
tuuntur.*

Milites itaque a rectore civitatis seu superiore constitui debent.

Milites enim ad bellum publicum gerendum adhibentur (§. 14); Nec sine ipsis bellum publicum geri potest (§. 17.). Qui itaque bellum publicum

blicum gerere vult, milites constituere debet. Quare cum bellum publicum geratur a rectore civitatis seu superiore (§. 8.): Milites a rectore civitatis seu superiore constitui debere, patet.

§. 21.

Genti sive ejusdem rectori competit jus milites conscribendi.

Jus milites

Jus enim milites conscribendi competit ei, qui jus belli habet (§. 745. *conscribi* *Jur. gent. WOLF.*). Quare cum jus belli, publici nempe, genti seu *competat?* ejusdem rectori competat (§. 6. 7.): Genti sive ejusdem rectori jus milites conscribendi competere debet.

§. 22.

Quod si vel inviti milites conscribantur, *legi*; si vero volentes, *con-* *Milites le-*
duci dicuntur. *gere &*

Legere quidem & conscribere milites promiscue sumuntur, adeo ut *conducere,*
legi etiam dicantur volentes (§. 753. *Jur. gent. WOLF.*). Plerumque *quid?*
tamen legere solum dicitur de iis, qui vi summæ potestatis conscribuntur; Hinc *delectus* militum, militia *lecta* provincialis. Quare cum conscribi dici non soleat, nisi de volentibus; In scientiis vero conveniat cuique vocabulo certum significatum attribuere; E re visum fuit, *legi* non dici, nisi invitos.

§. 23.

Quare cum nemo invitus conscribendus sit miles, nisi necessitas *Quando*
id exigat (§. 750. *J. G. VVOLF.*); Miles vero, qui invitatus conscribitur, *non legendi?*
legi dicatur (§. 22.): Miles *extra casum necessitatis legendus non est.*

§. 24.

Cum vero necessitas milites legendi, hoc est, invitos conscriben- *Quamdiu*
di (§. 22.), non adsit, quam diu spontanei conducui possunt (*quod per se non legendi?*
patet); Extra casum necessitatis autem miles legendus non sit (§. 23.):
Milites legendi non sunt, quamdiu spontanei conducui possunt.

§. 25.

Genti itaque seu ejusdem rectori jus milites legendi non competit, Jus legen-
nisi in casu necessitatis, & si spontanei amplius conducui non possunt. *di quando*

Genti enim sive ejusdem rectori jus conscribendi (§. 21.), & cum hoc *competat?*
etiam jus legendi comprehendat (§. 22.), jus milites legendi competit. Cum vero miles legendus non sit, nisi necessitas id exigat (§. 23.); aut quamdiu spontanei conducui possunt (§. 24.): Genti seu ejusdem rectori jus milites legendi competere nequit, nisi necessitate exigente & spontaneis non existentibus, qui conducui se patiantur.

Jus mil. nar.

B

§. 26.

§. 26.

Qui legi possunt?

*Si tales in civitate deprehendantur, qui ad aliud vitæ genus, quod se-
qui debebant, inepti sunt, illi milites legi possunt.*

Superioris enim est in civitate, in quolibet vitæ genere determinan-
di numerum eorum, quibus id sequi permissum sit (§. 401. *Part. 8. Jur.
nat. WOLF*), & dispicere, ne tales desint, qui ad idem apti sunt (§. 399.
l. c.). Si tales itaque deprehendantur, qui ad aliud vitæ genus qua-
cunque de causa inepti sunt; Necesse est, ut hi potius milites consti-
tuantur, quam alii. Quare cum in casu necessitatis milites legi possint
(§. 25.): Patet, quod si tales in civitate deprehendantur, qui ad aliud
vitæ genus, quod sequi debebant, inepti sunt, milites legi possint.

§. 27.

Otiosi legi possunt.

Quare cum ii, qui otio se dedunt, ad aliud vitæ genus merito in-
epti judicentur; Inepti vero ad aliud vitæ genus milites legi possint
(§. 26.): *Otiosi cives seu subditi milites legi possunt.*

§. 28.

Militis perpetui definitio.

Si milites etiam pacis tempore in casum saltem belli alantur, *miles*
dicitur *perpetuus*.

Sic jam apud Romanos militia erat perpetua & pro diversis tempori-
bus etiam mercenaria seu stipendiaria. Germanis vero olim in pace nul-
li, neque in bello alii, quam subditi & clientes milites erant (*Jo. Pet. a
EUDEWIG in Diss. de Differ. juris rom. & germ. in re milit. p. 1. &
seqq.*). Hodie vero militia perpetua ubique fere recepta est.

§. 29.

An legi possit?

*Si miles perpetuus alatur, & eorum copia non adsit, qui sponte sua
conduci se patiantur, milites etiam legi possunt.*

Militem enim perpetuum alere, uti sivevit, ita expedire creditur. Et
cum alia civitates militem perpetuum alant, adeoque ad bellum stre-
nue inferendum semper paratae sint; Salus civitatis exigere videtur, ut
reliquae similiter agant, quo contra subitam invasionem defendere se
possint. Necessitatis itaque praesertim hodie fere est, ut miles perpe-
tuus alatur. Quare cum in casu necessitatis milites vel legere liceat
(§. 25.): Patet, quod ad militem perpetuum alendum, milites etiam le-
gere liceat. Cum vero milites legendi non sint, quamdiu spontanei
conduci possunt (§. 24.): Necesse est, ut & in casu militis perpetui co-
pia eorum non detur, qui sponte conduci se patiantur; priusquam le-
gi possint milites. Et hinc elucet veritas asserti, quod si miles perpe-
tuus

tuus alatur, & eorum copia, qui sponte conducantur, non addit, milites etiam legi possint.

An militia perpetua, an temporaria præferenda sit in republica, in universum definiti non posse, sed pro circumstantiis dijudicandum esse statuit perill. L. B. de ICKSTAT in *Diff. de Illicitis militum conquestis*. *Gr. sch. ad §. 3.* Cum vero decisio hujus questionis hujus loci non sit: Hic tantum per hypothesein militiæ perpetuæ præferentia & necessitas supponitur.

§. 30.

Princeps seu superior jus milites quocunque modo conscribendi aliis committere potest. *Conscrip-
tium a-
lis com-
mitti po-
test.*

Jus enim conscribendi milites ad jura majestatica pertinet (§. 747. *Jur. gent. WOLF.*). Exercitio vero jurium majestaticorum princeps ipsemet solus non sufficit (*quod per se patet*): Necesse itaque est, ut eorum exercitium aliis committere possit. Et hinc patet, quod princeps etiam jus milites conscribendi aliis committere posse debeat.

§. 31.

Jus milites legendi vel quocunque modo conscribendi nemini competit, nisi principi, seu ei, cui princeps ejusdem exercitium commisit. *Non com-
petit, nisi
cui com-
missa.*

Jus enim milites conscribendi, adeoque & legendi (§. 22), ad jura majestatica pertinet (§. 747. *Jur. gent. WOLF.*). Jura majestatica vero non competunt nisi ei, qui imperium civile exercere debet in republica seu superiori (§. 810. *Part. 8. Jur. nat. WOLF.*). In præsentī vero supponitur, imperium summum, seu civile esse apud principem (*nota ad §. 10.*). Jus itaque milites conscribendi adeoque & legendi nemini, nisi principi competit. *Q. e. 1.*

Cum vero princeps jus milites quocunque modo constituendi aliis committere possit (§. 30.) & ei, cui committit, illud competere debeat; Is vero, qui summum imperium habet, adeoque & in casu præsentī princeps, in ejusdem exercitio prorsus liber sit (§. 46. l. c.): Ab ejusdem arbitrio pendet, cuinam exercitium juris milites conscribendi committere velit. Patet itaque, quod præter principem jus milites legendi vel quocunque modo conscribendi nemini competat, nisi cui princeps ejusdem exercitium commisit. *Q. e. 2.*

Quoniam principi incumbit cura, ut in quolibet vitæ genere sufficiens sit numerus eorum, quibus id sequi permissum (§. 401. *Part. 8. J. N. WOLF.*): In militum conscriptione & præsertim lectione seu delectu curandum est, ne numerus eorum, qui alia vitæ genera agunt, ultra quam par est, minuat, præsertim ne agricultura & opificia inde detrimen-

tum capiant. Prævia itaque cognitio circumstantiarum eorum requiratur, qui milites legi, adeoque inviti conscribi (§. 22.), debeant. Præpositis vero præfecturarum, seu pratoribus optima datur facultas nosse circumstantias subditorum. Cum tamen non semper iudicio unius stare consultum sit: Fieri plerumque solet, ut electus militum committatur collegas ad res militares ordinandas constitutis, quæ adhibito consilio pratorum & cognita causa prospiciunt, ne alii legantur vel conscribantur, quam qui absque neglectu agriculturæ & opificiorum militiæ vacare possunt.

§. 32.

Quousque liceat? Nemo in conscribendis militibus ulterius procedere potest, quam ipsi a principe indultum est.

Jus enim milites conscribendi ad jura majestatica (§. 747. J. G. Wolf.), adeoque ad summum imperium pertinet (§. 810. Part. 8. J. N. WOLF.); Cum itaque princeps in exercitio ejusdem liber sit (§. 46. I. c.): Ab ejus arbitrio dependere debet, quousque jus milites conscribendi cuidam indulgere velit. Quare cum nemini jus conscribendi milites aliter, quam ex concessione principis competat (§. 31): Ei, cui illud indultum est, plus competere nequit, quam princeps voluit. Atque hinc patet, quod in conscribendis militibus nemo ulterius procedere possit, quam ipsi a principe fuit indultum.

§. 33.

Conducens non nisi volentes milites constituere potest. Quousque itaque cuidam jus conducendi milites concessum sit, non nisi volentes conscribit.

Non enim, nisi volentes, milites conducere possunt (§. 22.). Quare cum hic jus milites tantum conducendi concessum supponatur (*per hypoth.*); In conscribendis militibus vero quis ulterius procedere non possit, quam ipsi a principe fuit indultum (§. 32.): Facile patet, quod si cuidam jus milites conducendi concessum sit, is conscribere non possit, nisi volentes.

Cum militia perpetua certum semper numerum militum exigit, adeo, ut eorum, qui quocunque modo decedunt, loca statim restituenda sunt; Defectum militum vero optime cognoscant ii, qui ipsis præficiantur: Præfectis militum etiam optime conceditur jus loca eorum, qui decessere supplendi. Alios itaque, ut conscribantur, ipsis committi necesse est. Cum vero non nisi jus conducendi, neuriquam legendi, ipsis concedi soleat: Facile videbitur, præfectis militum, si jus conducendi milites ipsi indultum sit, conscribere non licere, nisi volentes.

§. 34.

§. 34.

Milites legi non possunt nisi subditi.

Jus enim milites legendi, quemadmodum conscribendi in genere, ad *Qui legi possint?* jura majestatica pertinet (§. 747. *Jur. gent. WOLF.*). Jura majestatica vero vi summi imperii competunt (§. 207. *Part. 8. Jur. nat. WOLF.*). Quare cum summum imperium non exerceatur nisi in subditos (§. 141. l. c.): Patet, quod milites legi non possint, nisi subditi.

§. 35.

Peregrini milites constitui non possunt, nisi volentes.

Milites enim, qui inviti constituuntur, legi dicuntur (§. 22.). Quare *Non peregrini.* cum milites legi non possint, nisi subditi (§. 34.); Peregrini vero cives seu subditi non sint (§. 7. *Part. 8. Jur. nat. WOLF.*): Peregrini inviti milites constitui nequeunt. Patet itaque, quod, si peregrini milites constitui debeant, non nisi volentes possint.

Hinc licet in alieno territorio a superiore ejusdem militem conscribere alteri permittatur: Conscribi tamen non possunt nisi volentes (§. 753. *J.G. WOLF.*). Multo magis itaque elucet, quam injustæ sint acquisitiones militum, quæ fiunt in alieno territorio inviro superiore & in invitos, ita, ut etiam peregrinus super hac re deprehensus puniri possit (§. 754. l. c.). Peculiarem de illicitis militum acquisitionibus in territorio alieno, earumque pœnis scripsit dissertationem L. B. Jo. Adam ab ICK-STATT, Wirceburgi 1738.

§. 36.

Conduci autem possunt milites tam subditi, quam peregrini.

Milites enim non conducuntur nisi volentes (§. 22.). Ab arbitrio *Qui conducere possint.* igitur eorum, qui conduci se patiuntur, dependet, an milites fieri velint, nec ne. Licet itaque subditi ad militiam obligentur, & vel inviti constitui possint: Hoc tamen ad casum saltem necessitatis restrictum est (§. 23.). Quod si itaque extra casum necessitatis milites constitui debeant; Non nisi volentes possunt. Quare cum, qui volens constituitur miles, conduci dicatur (§. 22.): Subditos conducere milites non repugnat. Et cum nec peregrini aliter constitui milites possint, nisi volentes (§. 35.): Patet, quod tam subditi quam peregrini milites possint conduci.

Perillustis equidem L. B. de WOLF statuit, quod miles conductivus esse nequeat, nisi peregrinus (*not. ad §. 765. J.G.*). Cum enim subditi naturaliter ad militiam obligentur: Nullo pacto opus esse ad inducendam ipsis obligationem, quæ natura jam adest; Et hinc superiori in subditos, etsi sponte nomen dent militiæ, jus competere, ut eos milites con-

scribat (*loc. cit.*). Cum vero nemo invitus miles conscribendus sit, nisi necessitas id exigat (§. 750. l. c.); Adeoque subditi non nisi in casu necessitatis ad militiam obligentur (§. 749. *ib.*): Extra casum necessitatis ipsis liberum esse debet, an militiae se dare velint, nec ne. Hanc etiam libertatem subditis in plerisque minimum terris actu relinqui, constat. Nec hoc jus principis ullo modo minuit. Cum enim judicium de necessitate principi relinquendum sit (§. 783. l. c.): Ipsius etiam judicio nititur, quando casum necessitatis existere, adeoque milites legendos existimet. Et in sequentibus etiam demonstrabitur, quod subdito, qui saltem miles conductitius est, obligatio naturalis superaccedere possit (§. 48.). Mihi itaque haftenus aliter judicare non licet, quam quod miles conductitius tam subditus, quam peregrinus esse possit. Id quod tamen pace tanti Viri dixerim, meliorem, si errem, sententiam lubens amplexurus.

§. 37.

Militis lecti & conductitii, item tyronis definitio. *Milites*, qui leguntur, *lecti*; Qui conducuntur, sive subditi sint, *conductitii*; Milites vero noviter aut lecti, aut conducti *Tyrones* dicuntur.

Tempus, quousque miles tyro maneant, jure naturæ definiri nequit; Proui nec legibus positivis exacte circumscriptum est. Cum vero præsertim quovis anno, ineunte vere maxime, loca militum vacua suppleri soleant, adeoque quovis anno milites noviter lecti aut conducti accedant: Convenire videtur, ut hi tamdiu tyrones dicantur, donec anno sequenti accedant alii, qui tunc tyronum nomine insigniendi sint. Ut itaque milites per anni spatium ad tyrones referatur, ipsi rei consentaneum est: Non abs re quidem est, hanc quæstionem movere. Cum enim tyrones certis juribus præ militibus jam diutius in militia versatis gaudeant; ut v. gr. mitius puniantur, si delinquant: Scire expedit, quamdiu milites in tyronum statu constituti maneant.

§. 38.

Ambo ad militiam obligantur. *Milites itaque tam lecti, quam conductitii ad militiam obligantur.* Principi enim competit jus milites conscribendi (§. 21.), & in casu necessitatis vel invitos legendi (§. 23.), ex subditis nempe (§. 34.). Princeps itaque subditis imponere potest necessitatem militiam subeundi, adeoque ipsos obligare ad militiam. Quæ obligatio ex parte principis activa est (§. 118. *Part. 1. phil. pract. univ. WOLF*). Quare cum ex obligatione activa passiva veniat (§. 119. l. c.): Juri legendi in principe respondere debet obligatio, passiva nempe, in subditis ad militiam subeundam. Patet itaque, quod subditi, qui leguntur, seu milites lecti (§. 37.), ad militiam obligentur. *Q. e. 1.*

Cum vero milites conductitii volentes milites fiant (§. 22.); Adeoque id velint, quod vult is, qui eosdem conduit: In militiam consentiunt (§. 658.

(§. 658. *loco cit.*) & declarant, quod illam præstare velint. Declaratio vero, se alteri quid præstare velle, promissio vocatur (§. 361. *Part. 3. Jur. nat. WOLF.*). Quare cum ex promisso obligetur promissor (§. 361. *l. c.*): Patet quod & milites conductitii ad militiam obligentur, *Q. e. 2.*

Per militiam statum militare denotari satis notum est. Ejus itaque significatum per notionem confusam suppono: Cum methodi ratio nondum permittat, ejus definitionem dare. Quod tamen suo loco fiet in sequentibus.

§. 39.

Obligatio militum lectorum ex subjectione civili; Conductitorum ex Unde obligatione venit.

Milites enim legi non possunt, nisi subditi (§. 34.); Et jus milites legendi ad jura majestatica pertinet (§. 747. *Jur. gent. WOLF.*). Jura majestatica vero vi imperii summi seu civilis competunt (§. 207. *Part. 8. Jur. nat. WOLF.*). Jus itaque milites legendi rationem suam habet in imperio summo sive civili. Quare cum hoc juri in subditis respondere debeat obligatio (*per dem. §. 31.*): Subditi ad militiam obligantur, quia imperio summo seu civili subiecti sunt. Subjectio vero, quæ imperio civili debetur, civilis dici solet (*per def.*). Patet itaque, quod obligatio militum lectorum ex subjectione civili veniat. *Q. e. u.*

Milites vero conductitii non nisi volentes tales sunt (§. 22.). In ipsis igitur non adest obligatio ad militiam, nisi ex voluntate eorum. Ad militiam itaque non obligantur, nisi quatenus declarant, se illum alteri præstare velle (*per dem. §. 38.*). Quare cum declaratio, se alteri quid præstare velle, promissio dicatur (§. 362. *Part. 3. Jur. nat. WOLF.*): Patet, quod obligatio militum conductitorum ex promissione veniat. *Q. e. a.*

§. 40.

Milites lecti vel subditi itaque vel naturaliter ad militiam obligantur.

Subditi enim ipso jure naturæ ad militiam obligantur (§. 749. *Jur. gent. WOLF.*), adeoque & milites lecti, qui non nisi subditi sunt (§. 34.). Milites lecti itaque & subditi vi legis naturalis ad militiam obligantur. Qui vero vi legis naturalis obligatur, naturaliter obligatur (§. 145. *Part. 1. Phil. præf. univ. WOLF.*): Patet itaque, quod milites lecti vel subditi & naturaliter ad militiam obligantur.

Non

Non obstat, quod obligatio subditorum ad militiam connata non sit, cujus ratio proxima nempe in ipsa hominis essentia & natura continetur (§. 17. *Part. 1. Jur. nat. WOLF.*); sed contracta, quæ factum quoddam interveniens supponit (§. 18. *l. c.*), quod hic est civitatis constitutio (§. 18.). Obligationes enim contractas etiam naturales esse posse, quemadmodum jura acquisita, quæ iisdem respondent, naturalia, stabilivit perillustri L. B. de WOLF (*Schol. ad §. 39. loc. cit.*).

Nulla itaque quidem pacto opus est ad inducendam obligationem, quippe quæ natura jam adest (*Schol. ad §. 765. Jur. gent. WOLF.*). Si vero rem curatius inspicias, pactum tacitum subesse videbitur. Subditorum enim obligatio ad militiam inde est, quia cives sunt (§. 749. *Jur. gent. W.*), & venit ex subjectione civili (§. 39.) adeoque rationem suam habet in statu civitatis. Civitas vero tanquam societas (§. 4. *Part. 8. Jur. nat. W.*), pacto vel quasi pacto nititur (§. 1. *Part. 7. l. c.*). Originarie itaque obligatio & subditorum rationem suam habet in pacto. Et cum id, quod rationem suam, cur sit & tale sit, habet in altero, oriri dicatur ex altero (§. 22. *Part. 1. l. c.*): Originarie etiam obligatio illa ex pacto oritur seu venit. Licet, cum pactum hoc consensu saltem tacito nitatur (§. 660. *Part. 1. Phil. pract. univ. W.*), pactum tacitum sit (§. 791. *Part. 3. Jur. nat. W.*). Quod vero, cum consensus tacitus verus utique sit (*Schol. ad §. 504. Part. 5. l. c.*), verum pactum est.

§. 41.

Subditi cogi possunt recusant. *Subditi in casu necessitatis ad militiam cogi possunt, si illam amplecti ad eam.*

Genti enim seu ejus rectori in casu necessitatis jus competit milites legendi (v. 25.). Quod, cum majestaticum sit (§. 747. *Jur. gent. WOLF.*), adeoque ex constitutione civitatis veniat (§. 207. *Part. 8. Jur. nat. W.*), quæ pacto nititur (§. 4. *l. c.*), utique perfectum est (§. 794. *Part. 3. l. c.*). Legi vero non possunt, nisi subditi (§. 34.). Quodsi itaque subditi in casu necessitatis milites fieri recusent: Genti seu ejus rectori non tribuunt vel denegant jus perfectum, quod illi competit. Si quis vero alteri jus suum perfectum tribuere non vult, vi adigi potest ad illud reddendum (§. 1101. *Part. 1. Jur. nat. W.*). Quare cum, qui vi adigitur ad perfecte debitum præstandum, quod alteri id exigenti denegat, cogi dicatur (§. 795. *Part. 3. l. c.*): Patet, quod in casu necessitatis subditi ad militiam cogi possint, si illam amplecti recusent.

§. 42.

Non alii. *Ad militiam tamen nemo potest cogi, nisi subditi in casu necessitatis.*

Subditi enim in casu necessitatis ad militiam cogi possunt, quia ad eandem in hoc casu perfecte obligantur, adeoque genti seu ejusdem rectori jus perfectum competit (*dem. §. 41.*). Nemo vero ad militiam obligatur, quam subditi in casu necessitatis (§. 749. *Jur. gent. W.*). Quare cum

cum nemo cogi possit ad quid faciendum, nisi qui ad idem perfecte obligatur (§. 80. *Inst. jur. nat. & gent. WOLF.*): Patet, quod ad militiam cogi non possint, nisi subditi in casu necessitatis.

§. 43.

Quare cum legi non possint, nisi subditi (§. 34.), & quidem non *Nemo, nisi* nisi in casu necessitatis (§. 23.); Nemo vero etiam cogi possit ad mili- ^{qui legi} ~~tiam~~ ^{tiam} nisi subditi, & quidem in casu saltem necessitatis (§. 42.): *Nemo ad* ^{poteft.} ~~militiam cogi potest, nisi qui legi potest.~~

Cum tamen casus necessitatis non ad ipsum bellum restrictum sit, sed & pacis tempore, si miles perpetuus alatur, & eorum copia non adfit, qui conduci se patiuntur, milites etiam legi possint (§. 29.): Facile apparet, etiam in eo casu vel pacis tempore, subditos otiosos & qui ad aliud vite genus inepti deprehenduntur, cogi posse ad militiam, si superior illud necessarium judicet. Cum ipsi judicium de necessitate eorum, quæ ad bellum gerendum faciant, relinquendum sit (§. 783. *Jur. gent. WOLF.*).

§. 44.

Qui milites constitui non possunt, quam si conducantur, cogi neque- ^{conduci de-} ~~non, qui~~ ^{bent.}

Ad militiam enim cogi nequit, nisi qui legi potest (§. 43.), hoc est, qui invitus miles constitui potest (§. 22.). Qui itaque non nisi volens miles constituitur, cogi nequit. Quare cum non conducantur, nisi volentes (*ibid.*): Patet, quod ad militiam cogi nequeant, qui milites constitui non possunt, quam si conducantur.

§. 45.

Subditi itaque, extra casum necessitatis, ut & peregrini cogi ne non subdi- ^{vi, extra ca-} ~~queunt ad militiam.~~ ^{sam necessi-} ^{tatis, nec} ^{peregrini.}

Peregrini enim non nisi volentes milites constitui possunt (§. 35.) Subditi vero extra casum necessitatis legendi non sunt (§. 23.), adeoque inviti constitui milites nequeunt (§. 22.) Quod si itaque subditi extra casum necessitatis constitui debeant, non nisi volentes posse, facile apparet. Quare cum milites, qui volentes constituuntur, conduci dicantur (*ib.*): Tam subditi extra casum necessitatis, quam peregrini constitui nequeunt milites, quam si conducantur. Qui vero milites aliter constitui nequeunt, quam si conducantur, cogi non possunt ad militiam (§. 44.). Hinc patet, subditos extra casum necessitatis, ut & peregrinos cogi non posse ad militiam.

Casum tamen necessitatis non præcise ad ipsum bellum restrictum esse, jam monui in scholio ad §. 43.

Jus mil. nat.

C

§. 46.

§. 46.

Ad militiam injuste coactus non obligatur.

Si quis ad militiam cogatur, quem cogere jus nullum est, ille ad eandem non fit obligatus.

Qui ad militiam cogi nequit, miles aliter constitui non potest, quam si conducatur (§. 44.). Milites vero, qui conducuntur, non nisi ex promisso obligantur (§. 39.). Nulla itaque militum, qui conducuntur, obligatio ad militiam adest, antepromissionem. Cum vero talis hic cogi supponatur (*per hypoth.*); Qui vero cogitur, vi adigatur ad quid faciendum (§. 795. *Part. 3. Jur. nat. W.*): Qui ad militiam cogitur, illi promissio militiæ vi extorquetur. Ex promissione vi extorta vero nulla nascitur obligatio (§. 576. *l. c.*): Nullam vero aliunde hic adesse, supponitur (*per hypoth.*). Patet itaque, quod si quis ad militiam cogatur, quem cogere jus nullum est, ille ad eandem non fiat obligatus.

§. 47.

nec subditus extra casum necessitatis.

Quare cum subditos extra casum necessitatis & peregrinos ad militiam cogere jus nullum sit (§. 45.); Is vero, qui ad militiam cogitur, cum jus nullum sit eum cogendi, non fiat obligatus (§. 46.): *Si subditi extra casum necessitatis, vel peregrini ad militiam cogantur, ad eandem non fiunt obligati.*

§. 48.

nisi postea velit.

Si tamen miles ad militiam injuste coactus, postea stare velit promissioni, licet invalidæ, & illud verbis aut factis declarat, ille ad militiam fit obligatus.

Ex promissione militis ad militiam injuste coacti obligatio non nascitur (§. 46.), adeoque eadem invalida est. Si vero in genere promissor promissioni invalidæ, re cognita, stare velit, illudque verbis aut factis declarat, eadem convalescit (§. 589. & 590. *Part. 3. Jur. nat. WOLF.*). Si itaque & miles injuste ad militiam coactus, postea stare velit promissioni suæ licet invalidæ, illudque verbis aut facto declarat, & eadem convalescit. Si vero promissio convalescit, ea valida efficitur (§. 588. *l. c.*). Quare cum ex promissione valida obligatio nascatur (§. 303. *ibid.*): Facile cluget, quod & si miles ad militiam injuste coactus fuerit, postea tamen stare velit promissioni, licet invalidæ, & illud verbis aut factis declarat, ille ad militiam obligatus fiat.

§. 49.

& militiam sponte continet.

Quare cum miles injuste coactus ad militiam, si eandem postea sponte continet, ipso facto declarat, se illam præstare, adeoque promissio-

missioni suæ et si invalidæ stare velle (§. 660. *Part. 1. Phil. pract. univ. WOLF*); idque etiam fiat, si per longum tempus eam continuat, et si occasio eandem deferendi non desit: *Si miles injuste coactus ad militiam eandem sponte, aut longo tempore continuat, cum non desit occasio eam deferendi, ille obligatus sit ad eandem.*

§. 50.

Si subditi extra casum necessitatis, adeoque injuste coactus sit, postea vero superveniat casus necessitatis, utique obligatus sit ad militiam. *ant in subditis casus necessitatis superveniat.*

Cum enim subditi in casu necessitatis ad militiam obligentur (§. 749. *Jur. gent. WOLF*): Si ponatur, subditum quendam, qui extra casum necessitatis ad militiam coactus est, coactum non fuisse, ille casu necessitatis ingruente, ad militiam nihilominus obligaretur. Licet itaque obligatio subditi ad militiam extra casum necessitatis coacti nulla sit (§. 47); Quemadmodum & nulla fuit, si coactus non fuerit, donec casus necessitatis existat: Illa tamen extat, ubi hic casus supervenerit. Idem itaque est, ac si antea coactus non fuisset, nec jam miles esset. Quare cum in hoc casu ad militiam obligetur subditus (§. 749. *cit.*): Patet, quod subditus licet injuste coactus, si postea casus necessitatis superveniat, ad militiam obligatus fiat.

Quoniam in pœna delicto defectionis distanda moveri solet questio, anne defector sponte militiam amplexus, aut forsan ad eam coactus fuerit; Ideo necesse fuit theoriam de coacta militum constitutione tradere, & principia suppeditare, ex quibus adjudicari possit, an coactio ad pœnam defectionis tollendam aut mitigandam exceptionem validam præbere valeat.

§. 51.

Inter auctorem belli sive rectorem civitatis & milites conductitios pactum intercedit. *Cum conductitios pactum intercedit.*

Milites enim conductitii ex promisso obligantur ad militiam (§. 39); Atque adeo militiam præstare promittunt. Cum vero a principe sive superiori civitatis conducantur (§. 21. 31.); Princeps vero seu superior in bello publico auctor sit ejusdem (§. 10.): Auctor belli in id promissum consentit. Quod & per se patet. Quare cum consensus duorum vel plurium in eandem vel easdem promissiones, pactum dicatur (§. 788. *Part. 3. Jur. nat. WOLF*): Inter auctorem belli & milites conductitios pactum intercedere, elucet.

Ad pactum quidem promissio ab una tantum parte facta & ab altera acceptata sufficit (*loco cit.*). Cum vero ex sequentibus apparebit, auctorem

rem belli etiam militi conductitio stipendium & alias præstationes debere, adeoque &, dum eum conducatur, vel tacite promittere. Patet, quod in hoc pacto mutuae sint præstationes.

§. 52.

Conductitii ex pacto obligantur. Quare cum milites conductitii ex promissione obligentur (§. 39.); Promissum vero, ex quo miles conductitius obligatur, contineatur in pacto, quod inter ipsum & auctorem belli intercedit (§. 51.): *Milites conductitii ex pacto obligantur.*

§. 53.

Contractus militaris definitio. Pactum, quod inter auctorem belli & militem conductitium intercedit, vocatur *Contractus militaris*.

Cum enim contractus vel ipso jure romano conventiones sint, ex quibus perfectæ oriuntur obligationes (§. 793. Part. 3. Jur. nat. WOLF.); Pacta vero naturaliter æque perfectæ obligent (*dem. §. 794. l. c.*); Adeoque naturaliter contractus a pactis non differant (§. cit.): Non absolum videri poterit, pactum hoc contractum vocari.

§. 54.

Quo usque incatur. *Contractus militaris vel ad dies vite, vel ad certum tantum tempus, vel etiam bellum, vel ubique tempore iniri potest.*

Contractus enim militaris pactum est (§. 53.). Quare cum pacta vel perpetua live æterna, vel temporaria esse possint (§. 804. Part. 3. Jur. nat. WOLF.); Et pactum temporarium dicatur, cujus duratio ad certum temporis intervallum restringitur (*ibid.*); Necessitas vero tempus adjiciendi non adit: Facile patet, quod contractus militaris vel ad dies vite, vel ad certum tantum tempus, vel bellum etiam, vel absque tempore adjecto iniri possit.

§. 55.

Capitulationis definitio. Si contractus militaris ad certum quoddam tempus vel bellum incatur, *Capitulatio* dici solet (§. 765. Jur. gent. WOLF.).

§. 56.

Contr. milit. & capitulatio servanda sunt. Quare cum contractus militaris pactum (§. 53.); Capitulatio vero contractus militaris (§. 45.); adeoque & pactum sit; Pacta vero sint servanda (§. 789. Part. 3. Jur. nat. WOLF.); *Contractus militares & capitulationes militum servanda sunt.*

§. 57.

Exiis obligantur milites conductitii. Quare cum miles conductitius ex pacto obligetur, quod inter ipsum & auctorem belli intercedit (§. 52.); Pactum hoc vero contractus militis

militaris (§. 53.) & pro re nata capitulatio vocetur (§. 55.); *Milites conducti ex contractu militari vel capitulatione obligantur.*

§. 58.

Licet vero subditus, qui conducitur, sive sponte sua miles sit, ex pacto saltem obligetur (§. 52.): Evenire tamen potest, ut postea simul obligetur naturaliter seu ex subjectione civili.

Evenire enim potest casus extremæ scilicet necessitatis, quo vel omnes subditi ad militiam obligarentur (§. 749. *Jur. gent. WOLF.*). In hoc itaque casu etiam ii naturaliter ad militiam obligarentur, qui antea, casu necessitatis non existente, sponte sua nomen militiæ dederunt. Quare cum hi antea saltem ex pacto obligentur (§. 52.): iidem postea necessitate ingruente naturaliter etiam obligabuntur. Pareat itaque, quod licet subditus, qui sponte sua seu conductitius miles fit, ex pacto saltem obligetur, postea tamen simul naturaliter obligari possit.

Obligationi itaque subditorum naturali non obstat, quod & conductitii milites fieri possint, uti evicimus §. 36. Non enim obligatio eorum naturalis ad militiam eo tollitur, quod conducere se pariantur. Supponitur modo, tunc non existere casum necessitatis, neque adeo tunc ipsos invitos obligari ad militiam. Quod si tamen militiam amplectantur; Fieri hoc nequit, nisi ut volentes id faciant, adeoque conducantur (§. 22.). Si vero eveniat casus, quo vel inviti conscribi, adeoque legi subditi possint: Vel maxime hi legi possent, qui per electionem militiæ jam declararunt, quod aliud vitæ genus sequi nolint (§. 26.). Licet itaque antea non nisi ex voluntate eorum obligentur (§. 52.): Accedit tamen tunc alia ratio, ut & naturaliter obligentur ad militiam, adeoque legi possint. Cum vero aliæ & strictiores dari possint obligationes militum lectorum, quam conductitorum: Uti in sequentibus docebitur: Utique tunc ipsos tenebit strictior obligatio militum lectorum. Neque a teo obligationi subditorum naturali contrariari videtur, quod conducere possint.

§. 59.

Miles lectus statim obligatur, ac ipsi voluntas superioris ipsum militem constituendi declaratur.

Subditi enim ad militiam obligantur, si necessitas id exigat (§. 749. *Jur. gent. WOLF.*); Auctori belli vero sive principi relinquendum est judicium de necessitate eorum, sine quibus jus suum obtinere nequit, sive, quæ ad bellum gerendum faciunt (§. 783. *loc. cit.*). Quare cum milites ad bellum gerendum necessarij sint (§. 17.): Subditi ad militiam obligantur, quamprimum princeps id necessarium judicat. Cum vero subditis hoc judicium principis de necessitate ipsos milites constituendi innotescat per voluntatis ipsius declarationem; Et subditus, qui vel in-

*Quampri-
mum lectus
obligetur.*

vitus miles constituitur, miles lectus dicatur (§. 22. 34.): Patet, quod miles lectus statim obligetur, ac ipsi voluntas superioris ipsum militem constituendi declaratur.

Id, quod secus erat apud Romanos. Ibi enim miles quis non erat, nisi ex eo, quo in numeros relatus, hoc est, ex quo manipulum suum attigerat, inque suum ordinem insertus atque cooptatus fuerat; Non, si nomen ejus silem matriculæ insertus; Uti evicit *Dn. de LUDEWIG in Diss. de Differ. juris rom. & germ. in re milit nota (a) pag. 23. seqq.* Ita, ut licet lecti tyrones sint, & publicis expensis iter faciant, nondum milites sint (*l. 42. ff. de Test. milit.*): Imo, nec licet sacramenta dixerint, ut ex *PLINII Epistolis* refertur loco antea citato.

§. 60.

Quamprimum consensus in militiam præstitit.
Miles conductitius ab eo tempore obligatur, naturaliter scilicet, quo in militiam consensus suum præstitit.

Miles conductitius enim ex pacto obligatur (§. 52.). Quamobrem cum pacta, jure scilicet nature, statim obligent, quamprimum consensus fuit declaratus (§. 846. Part. 3. *Jur. nat. WOLF*): Patet, quod miles conductitius statim ab eo tempore obligetur, quo consensus suum in militiam præstitit.

Maxime etiam huc faciunt, quæ monui ad §. præcedentem.

§. 61.

Contra militis probari debet.
Expedit tamen in conductione militum aliquid adhibere, quo contractus militaris confirmetur & probari possit.

Cum enim tam frequens non semper sit copia eorum, qui sponte sua militiæ nomen dent: Conducentis milites interest, ne a contractu militari recedatur. Quare cum contractus militaris, tanquam pactum (§. 43.), solo consensu nitatur (§. 788. & 846 Part. 3. *Jur. nat. WOLF*): Adeoque facile negari possit: Interest conducentis, ne illud fiat. Quare cum hoc præcaveatur, si in conductione militum aliquid adhibeatur, quo contractus militaris confirmetur & probari possit: Quod & hoc expediat, facile patet.

§. 62.

per arrhe dationem.
Quare cum pecunia vel res, quæ ab uno contrahentium alteri datur, contractus probandi & confirmandi gratia, arrha dicatur (§. 987. Part. 4. *Jur. nat. WOLF*): Et arrham ulro offerre cum expediat, eujus maxime interest, ne a contractu recedatur (§. 988. l. c.): Expedit militibus conductitiis arrham dare.

§. 63.

§. 63.

Pecunia, quæ a conducente militi conductio datur contractus *Arrhæ mi-*
militaris confirmandi & probandi gratia, *arrha militaris* dicitur. *litoris defi-*

Licet enim arrha etiam in alia re, quam pecunia, consistere possit (§. 987. *loc. cit.*): Usu tamen suevit, ut in contractu militari arrhæ loco pecunia detur. Unde etiam germanice vocari solet *Handgeld*, quod sæpius ad magnam usque pecuniæ summam excurrit. Interdum etiam lege definitum est, ne ultra certam summam in arrham detur.

§. 64.

Quoniam tamen arrha etiam in re alia, quam pecunia, consistere *Arma in*
potest (§. 987. l. c.); Contractus vero militaris ex arrha probetur (§. *arrham*
63.): *Contractus militaris etiam probatur, si miles conductitius vel ali-*
quid armorum in arrham acceperit, illudque sibi applicaverit. *dari pos-*
sunt.

§. 65.

Contractus militaris sua natura consensualis est; Per arrhæ datio- *Contractus*
nem autem realis efficitur. *militaris*
quinam sit.

Contractus enim militaris sua natura pactum est (§. 43.); Adeoque mutuo consensu nititur (§. 788. *Part. 3. Jur. nat. WOLF*). Perficitur itaque, si auctor belli five conducens & miles conductitius in militiam consentiant (§. 51.). Quare cum contractus, qui mutuo consensu perficitur, consensualis sit (§. 725. *Part. 4. loc. cit.*): Contractus militaris sua natura consensualis est. *Q. c. u.*

Quoniam vero arrhæ datio contractus realis est (§. 989. *loc. cit.*); & arrhæ datio ad contractum militare accedere supponatur (*per hyp*): Patet, quod per arrhæ dationem contractus militaris efficiatur realis. *Q. c. a.*

§. 66.

Quare cum contractus realis non nisi rei traditione perficiatur (§. *Arrhæ da-*
437. *Part. 4. Jur. nat. WOLF*); Contractus vero militaris per arrhæ *tione per-*
dationem realis efficiatur (§. 65.): *Contractus militaris sine arrhæ datio-*
ne, si hæc requiri soleat, non perficitur.

Supponitur hic per hypothesin, arrham dari militibus necesse esse. Nam cum contractus militaris sua natura consensualis sit (§. 65.); Adeoque solo consensu perficiatur (§. 725. *loc. cit.*): Sua natura arrhæ dationem ad sui perfectionem non requirit.

§. 67.

Si usu obtineat vel lege constitutum sit, ut in fidem contractus mi- *Ante ar-*
litaris arrha detur; Ante arrham acceptam miles conductitius non ob- *rbana acce-*
ligatur ptam non

obligatur miles. ligatur ad militiam; Sed poenitere ipsum adeoque a contractu recedere licet.

Contractus militaris enim in eo casu, quo arrha dari solet, realis est (§. 65.); Adeoque non nisi arrhæ datione perficitur (§. 66.). Quare cum ante perfectionem contractus & præstitionem ante rei traditionem ex reali non nascatur obligatio (§. 437. Part. 4. Jur. nat. WOLF.): In casu dato ante arrham acceptam miles conductitius non obligatur. Q. c. 1.

Quoniam itaque ante arrham acceptam miles conductitius non obligatur (*per dem. n. 1.*): nec alteri, cum quo contrahitur, ante arrham a milite conductio acceptam jus in eum competit. Quare cum quamdiu nihil agitur contra jus tertii, mutare voluntatem (§. 377. Part. 3. Jur. nat. WOLF.), & promissionem, quamdiu nemini jus ex ea quæsitum, revocare liceat (§. 595. loc. cit.); Eum vero, qui promissionem revocat, promissi poeniteat (§. 597. *ibid.*): Poenitere licet, quamdiu jus adhuc nemini quæsitum est. Patet itaque, quod in casu dato ante arrham acceptam militem conductitium poenitere liceat. Q. c. 2.

Cum porro, qui promissionem revocat, declarat, se ex ea teneri nolle (§. 595. loc. cit.); Qui promissionem revocat, non præstat, quod promissit. Quare cum is, qui non præstat, ad quod præstandum alias obligaretur, a pacto recedat (*per dem. n. 2. §. 827. l. c.*); Qui promissionem revocat, ab ea recedit. Cum itaque militi conductio ante arrham acceptam promissionem suam revocare adeoque & poenitere liceat (*per demonstr. n. 2.*): Patet, quod & militi conductitio ante arrham acceptam a contractu militari recedere liceat. Q. c. 3.

Ad quod etiam usu obtinet, ut arrha non accepta, a nexu militari absolvatur, cui quæstio de militia promissa movetur. Quare dici suevit, quod arrha militem faciat, *das Handgeld binde und mache einen Soldaten*. Et hinc ad militiam obligatus judicatur, qui vel minimum in arrham accepit.

§. 68.

Arrha obtrudi nequit. Ut miles conductitius ex arrha obligetur, necesse est, ut illam sponte accipiat, nec illa ipsi obtrudatur.

Contractus enim militaris pactum est (§. 53.); Adeoque mutuo paciscentium consensu inquit (§. 788. Part. 4. Jur. nat. WOLF.). Arrha vero solum in confirmationem illius contractus datur (§. 63.); Adeoque dari nequit, nisi ei, qui in contractum militarem consentit; & eundem per arrham confirmari cupit. Quare cum is, qui consentit, illud dari vel fieri, quod dare vel facere se velle declarat alter, accipere dicatur (§. 2.

(§. 2. loco cit.): Arrha dari nequit, nisi ei, qui illam sponte accipit. Hinc cum ante arrham acceptam non obligetur miles (§. 67.): Patet ad id, ut ex arrha obligetur miles, necesse esse, ut illam sponte accipiat. *Q. e. u.*

Cum vero, si cui quid obtruditur, illud sponte non accipiat (*Quod per se patet*): Si militi arrha obtruditur, illam sponte non accipit. Quare cum ad id, ut ex arrha miles obligetur, necesse sit, ut illam sponte accipiat (per demonstrata n. 1.): Patet, ut ad idem etiam necesse sit, ne militi conductio arrha obtrudatur. *Q. e. a.*

Dijudicare hinc licet, quid sentiendum sit de facto illorum, qui inebriatis vel dormientibus, inficiis & invitis aliquid pecuniæ clam suggerunt, vel etiam aliquid armorum veluti gladium vi vel joco applicant, & exinde obligationem ad militiam extorquere satagunt. Cum enim arrha non nisi in confirmationem contractus militaris detur (§. 63.); Illa semper eundem, adeoque consensum in militiam supponit. Qui vero in casu præfenti deficere, sumitur. Quare licet in arrham aliquid armorum dari possit (§. 64.): Et ex arrha merito obligatio inducatur ad militiam: Arrhæ tamen nomen non meretur, si quid alicui obtruditur. Neque adeo ex ejusmodi factis ulla obligatio ad militiam induci potest.

§. 69.

Ex arrha itaque accepta obligatio ad militiam probatur.

Ex ea obli-

Ex contractu enim militari obligatio ad militiam nascitur (§. 57.) Arrha vero ad confirmationem & probationem illius datur (§. 63.). Arrha autem accipi debet, non obtrudi (§. 68.). Quodsi itaque constet, arrham quis sponte accepisse; Simul liquet, illum ad militiam se obligasse. Patet adeo, quod ex arrha accepta demum militiam probetur.

gatio ad militiam probatur.

§. 70.

Si quis uni conducenti militiam saltem promiserit; Ab altero vero Si quis a

arrham simul acceperit; Huic obligatur. *duobus conductus, cui obligetur?*

Anne arrham acceptam enim, ubi illa obtinet, militi poenitere ac recedere a contractu militari adhuc licet (§. 67.). Qui itaque militiam absque arrha accepta, saltem promisit, nondum obligatur, perfecte scilicet, ita ut alteri jus competat eum cogendi (§. 236. Part. 1. Phil. pract. univ. WOLF.). Arrha accepta vero quis obligatur, perfecte scilicet (§. 69.); Et contractus militaris pro perfecto censendus est (§. 66.). Quare cum pacta (§. 789. Part. 3. Jur. nat. WOLF.); Adeoque & contractus (§. 794. ibid.) servanda sint; Nec adeo a contractu perfecto recedere liceat altero invito: Qui arrham accepit, a contractu militari

Jus mil. nat.

D

rece-

recedere nequit. Patet itaque, quod si quis uni militiam saltem promiserit, ab altero vero arrham simul acceperit, huic obligetur:

Id quod etiam observari solet in praxi, si controversia inter conductentes oriantur. Adjudicatur enim miles conductitius ei, qui ipsi arrham dedit: Licet alter ipsum forsitan prius conduxerit. Hinc etiam conductentes maxime eo allaborant, ut iis, quos conducere volunt, aliquid in arrham dent. Et maxime improbantur, qui illud omiserunt, nec eo precaverunt, ne ulterius quis se conducere pateretur.

§. 71.

Arrha absolute non potest, ut contractus militaris absque eadem perficiatur.
requiratur.

Contractus enim militaris sua natura consensualis est (§. 65.); Adeoque mutuo consensu perfici potest (§. 725. Part. 4. Jur. nat. WOLF.). Arrha vero solum confirmationis & probationis gratia ad eundem accedit (§. 63.). Quod si itaque pars utraque confirmationem & probationem illius necessariam non judicet; Sed soli consensui alterius fidat: Nec arrha requiritur. Patet itaque, quod licet arrha usu obtineat, fieri amen possit, ut contractus militaris etiam absque eadem perficiatur.

§. 72.

Assignari definitio.

Si speciatim permittatur, ut subditus, qui ad aliud vite genus, quod sequi debeat, ineptus, vel otiosus judicatur, miles legatur, hic assignari dicitur.

§. 73.

Assignare licet.

Quare cum subditi otiosi (§. 27.), & ii, qui ad aliud vite genus, quod sequi debebant, inepti sunt, milites legi possunt (§. 6.). Assignatio vero species lectionis sit (§. 72.): Subditi etiam assignari possunt.

Facile vero pater, quod cum jus milites legendi non competat nisi principi, seu cui princeps illud commisit (§. 31.): Nec jus assignandi alii competere possit. Et cum exercitium juris legendi non absque cautione committendum sit (Sebol. ad §. cit.): Hoc etiam de jure assignandi valebit, ita ut nec tuto uni soli, v. gr. prætoribus, permittatur.

§. 74.

Assignatus ab alio conducti nequit.

Subditus, qui alicui assignatus est, ab alio se conducti nequit.
 Subditus enim, qui alicui assignatur, ad milites lectos referendus est (§. 72.). Quare cum miles lectus statim obligetur, quamprimum ipsi voluntas principis eum militem constituendi, innotescit (§. 59.); Hoc vero fiat per assignationem: Subditus assignatus ad militiam alicui jam obli-

obligatus est. Quare cum duobus simul militiam quis præstare non possit; Quod per se patet: Is, qui uni jam obligatus est ad militiam, alteri se ad eandem obligare nequit. Patet itaque, quod subditus alicui in militem assignatus, ab alio conducì nequeat.

Fieri interdum solet, ut subditus, qui audit vel sentit, se certæ cohorti pedestri præsertim assignatum esse, aufugiat, & cum videat, se militiam evitare non posse, in alia potius cohorte, vel in equitatu conducì se patriatur. Hinc controversia sæpius oritur inter illam cohortem, cui quis assignatus est, & eam, in qua sponte sua militiæ se dedit. Sed cum subditus, qui alicui assignatur, ab alio conducì nequeat (*per demonstr.*): Facile vel ipsius juris naturæ ductu patet, illum semper ei cohorti adjudicandum esse, cui assignatus est. Supponit hoc vero utique, assignationem factam esse ab eo, cui illa comperit. Quodsi enim quis hoc jus sibi arroget, qui illo destituitur: Minime ex ea jus ullum oriri potest ei, cui fit assignatio.

§. 75.

Peregrinus, qui miles fit alicujus civitatis, eo fit membrum ejusdem Peregrinus seu civis.

Peregrinus enim, qui miles fit alicujus civitatis, adhibetur ad bellum ejusdem gerendum (§. 14.). Confet itaque ad jus illius prosequendum (§. 1.); Adeoque & ad felicitatem, securitatem & tranquillitatem publicam promovendam. Cum itaque civitas consistat in societate eo fine contracta, ut felicitas, tranquillitas & securitas publica conservetur & promoveatur (§. 4. Part. 8. Jur. nat. WOLF.); In eoque adeo finis civitatis consistat: Peregrinus, qui miles fit, adhibetur ad finem civitatis consequendum; Adeoque in civitatem recipitur. Quare cum is, qui in civitatem recipitur, fiat membrum ejusdem, seu civis (§. 6. loco cit.): Patet, quod peregrinus, qui miles fit alicujus civitatis, eo fiat membrum ejusdem seu civis.

Quia tamen a populi seu ejusdem rectoris voluntate unice dependet, qua lege peregrinum in civitatem velit recipere (§. 409. loc. cit.): Facile patet, eundem in omnibus civibus æquiparari, necesse non esse (§. 410. ibid.). Et cum miles conductitius, qualis peregrinus est (§. 35.), etiam ad certum tantum tempus contrahere possit (§. 54.): In hoc casu civis seu subditus saltem temporarius erit.

§. 76.

Quare cum cives respectu superioris in civitate dicantur subditi (§. adeoque & 141. Part. 8. Jur. nat. WOLF.); Peregrini vero, qui milites fiunt alicujus civitatis, eo fiant cives (§. 75.): *Peregrini, qui milites fiunt alicujus civitatis, fiunt subditi.*

§. 77.

*Milites
sunt cives.*

Milites itaque in genere sunt cives illius civitatis, cui militant.

Milites enim vel volentes, vel inviti conscribuntur; Adeoque vel leguntur, vel conducuntur (§. 22.). Quare cum milites legi non possint, nisi subditi (§. 34.): Milites lecti per se subditi sunt. Conduci autem possunt tam subditi, quam peregrini (§. 36.). Cum vero peregrini, qui milites conducuntur, etiam fiant cives (§. 75.): Patet, quod milites in genere, sive legantur, sive conducantur, sint cives.

§. 78.

*Actioes
militum
jure civili
determinantur.*

Hinc cum jus civile dicatur illud, quod determinat actiones civium, qua talium (*per definit.*); Adeoque actiones civium qua talium jure civili determinentur; Milites vero cives sint (§. 77.): *Actioes quoque militum, qua civium, jure civili determinantur.*

§. 79.

*Ipsis jura
& obliga-
tiones ci-
vium com-
petunt.*

Et cum civilis, qua talibus, in genere certæ obligationes incumbant & certa jura competant: *Militibus quoque obligationes incumbunt & jura tribui debent, qua civibus in genere.*

§. 80.

*Pagano-
rum defi-
nitio.*

Cives reliqui, qui ad bellum publicum gerendum non adhibentur, vel desinantur, adeoque milites non sunt, in oppositione horum dicuntur *Pagani.*

§. 81.

*Dantur ju-
ra & obli-
gationes
militum
propria.*

Dantur obligationes & jura militum ab obligationibus & juribus paganorum diversa, adeoque ipsi propria.

Milites enim ad bellum gerendum (§. 14.), adeoque ad certum finem consequendum adhibentur, imo obligantur (§. 38), qui per reliquos cives seu paganos non intenditur (§. 80.), vi scilicet persequendi jus principis (§. 1.). Quare cum sine mediis sine potiri non detur (§. 46. *Instit. J. n. & g. WOLF*): Necessse est, ut milites faciant omnia ea, quæ huic fini inserviunt, sive quæ media sunt ad eundem. Imponitur itaque ipsis necessitas aliqua, moralis nempe, agendi quædam, quæ paganos non tenet. Quare cum in necessitate agendi morali obligatio, passiva nempe consistat (§. 118. *Part. 1. Phil. præf. univ. WOLF*): Patet, quod dentur obligationes militum ab obligationibus paganorum diversa. *Q. e. i.*

Cum

Cum vero cuilibet liberum esse debeat, ea facere, sine quibus obligationi suae satisfieri nequit (§. 45. *Inst. Jur. n. & g. WOLF*): Militibus liberum esse debet ea facere, sine quibus obligationibus suis satisfacere non possunt. Quare cum facultas moralis agendi quid, jus dicatur (§. 954. *Part. 1. Theol. nat. WOLF*): Militibus jura competere debent. Cum vero hæc jura propter obligationes ipsorum illis competant (*per modo demonstrata*); Et dentur obligationes militum ab obligationibus paganorum diversæ (*per demonstr. n. 1.*): Nec jura hæc paganis competere possunt. Patet itaque, quod & dari debeant jura militum a juri-
bus paganorum diversa. *Q. e. 2.*

Cum adeo dentur obligationes (*per dem. n. 1.*), & jura (*per dem. n. 2.*), quæ non nisi militibus competunt; Id vero, quod non nisi alicui competit, ei proprium dicatur: Patet, quod dentur obligationes & jura militibus propria. *Q. e. 3.*

Hic saltem in genere demonstratur, quod militibus certæ obligationes incumbant, & certa jura competant. Quænam vero sint illæ obligationes & illa jura in specie, demonstrabitur inferius, si ad doctrinam specialem pervenerimus.

§. 82.

Cum itaque milites diversis obligationibus teneantur, & juribus di-
versis fruantur, quam pagani (§. 81): Intuitu eorum certam relationem inter se & alios habent. Quare cum relatio quoad jura & obligationes status dicatur (§. 123. *Part. 1. Jur. nat. WOLF*): *Milites, qua tales, peculiarem statum a statu paganorum diversum sortiuntur. Et status ipsorum per jura & obligationes eorum diversa constituitur.*

§. 83.

Status militum, qua talium, militia dicitur, five *Status militaris*. Militiæ de-
Ut adeo sit relatio militum, quoad obligationes & jura ipsis propria *statio*.
(§. 82).

§. 84.

Dantur adeo etiam *actiones militum, qua talium, ab actionibus paganorum diverse, adeoque ipsis propriæ.*

Facultas enim moralis agendi vel non agendi jus (§. 954. *Part. 1. Theol. nat. WOLF*), quemadmodum necessitas moralis agendi obligatio dicitur (§. 118. *Part. 1. Phil. pract. univ. WOLF*). Quare cum dentur jura & obligationes militum diversa ab iisdem paganorum (§. 81): Milites, qua tales, ad quid agendum jus habent, & obligantur, ad quod

pagani jus non habent, nec obligantur. Et cum proprium dicatur, quod alteri non æque competit: Patet, quod dentur actiones militum ab actionibus paganorum diversæ, adeoque ipsis propriæ.

§. 85.

lege aliqua determinantur.

Actiones militum, quæ talium, jure aliquo seu lege determinari debent.
Lex enim sive jus, quatenus pro lege sumitur, est regula, secundum quam agens actiones suas determinare necessitatur (§. 131. Part. 1. Phil. præf. univ. WOLF). Omnes itaque in genere actiones lege aliqua determinari, necesse est. Quare cum dentur actiones militum, quæ talium (§. 84.): Patet, quod actiones militum, quæ talium, jure aliquo seu lege determinari debeant.

§. 86.

diversimode, nec jure civili.

Cum vero *actiones militum, quæ talium*, diversæ sint ab actionibus reliquorum civium seu paganorum (§. 84.): Illæ etiam *diversimode determinari debent*. Et cum jure civili determinentur saltem actiones civium, quæ talium (*per definit.*); Adeoque & actiones militum, quæ civium (§. 78.): Actiones militum, quæ talium, *jure civili non determinantur, sed alio jure seu lege determinari debent.*

§. 87.

Legum militarium defunctio.

Leges, quæ determinant actiones militum, quæ talium, *Leges militares* dicuntur.

Facile patet, hic tantum actiones militum morales intelligi, quæ nempe respiciunt, quid justum vel injustum sit. Dantur equidem alix etiam actiones militum, quæ fere physica tantum sunt, utpote quales tractatio armorum, præstatio servitiorum militarium, & ministerium belli, videlicet operationes bellicæ, hostis aggressio & repulsio exigit. Nec hæ legibus suis destituuntur, sed potius legibus quam strictissime sunt circumscriptæ, quæ *Reglements*, & in specie *Exercirreglements* vocari solent.

Cum his etiam actiones militum, licet physicae determinentur: Inter leges militares quidem referri poterint. Quoniam nobis vero jam saltem res est de eo, quod vel ipso jure naturæ circa milites juris est, & eorum jura & obligationes spectat: Per leges militares hic alix non intelligantur, quam quæ determinant actiones militum morales.

§. 88.

Articuli vocantur.

Quoniam *leges militares*, si scriptis mandentur, certis periodis a se invicem distinguui solet: *Articuli militares* vocari solent.

§. 89.

§. 89.

Complexus legum militarium dicitur *Jus militare*. Quod adeo *Juris militaris* definitur per illud, quod determinat actiones morales militum, qua *tataris* definitionem. Et si pro jurisprudentia sumatur, est scientia jurium & obligationum, quae circa milites obtinent.

Definimus hic jus militare privatum, quod ab aliis dicitur: Licet forsitan distinctio ista juris militaris in publicum & privatum perperam fiat. Illis enim *jus militare publicum* dicitur, quod jura bellorum & belligerantium determinat. Sed hoc jus belli potius vocatur. Quo nomine etiam GROTIUS illud tradidit in egregio opere de Jure belli & pacis. Er cum sit pars juris gentium, in eoque tractari solet: Enia absque necessitate multiplicari videntur, & ambiguitas loquendi introduceretur, si illud etiam jus militare licet publicum, dicere velimus.

§. 90.

Hinc cum milites supponant civitatem constitutam (§. 18.), *Jus Civitatem* vero militare determinet actiones militum (§. 89.): *Jus militare civitatem supponit, tem constitutam supponit.*

§. 91.

Jus militare supponit jus civile.

Jus enim militare supponit civitatem constitutam (§. 90.); Civitas *et jus civile* vero, quemadmodum societas in genere subsistere nequit absque legibus seu jure quodam (§. 46. Part. 7. *Jur. nat. WOLF.*). Quamobrem cum jus, quod determinat actiones hominum in civitate viventium, hoc est, civium, qua talium, dicatur jus civile (*per def.*): Patet, quod jus militare supponat jus civile.

§. 92.

Jus militare a superiore in civitate constituitur.

Superiori enim in genere competit potestas leges ferendi in civitate *a principe constituitur* (§. 813. Part. 8. *Jur. nat. WOLF.*). Adeoque cum leges determinentur actiones agentium (§. 131. Part. 1. *Phil. pr univ. WOLF.*): Superiori competit potestas actiones civium determinandi. Quare cum milites cives sint (§. 77.); Dentur vero actiones militum qua talium, ab actionibus reliquorum civium diverse (§. 84.): Et has actiones militum, qua talium, determinandi jus superiori competere debet. Quare cum jus, quo actiones militum qua talium determinantur, jus militare dicatur (§. 89.): Patet, quod jus militare constitui debeat a superiore in civitate seu principe,

§. 93.

§. 93.

Jus positivum est.

Quare cum omne jus, quod a voluntate entis cujusdam rationalis dependet, jus positivum dicatur (§. 147. Part. 1. Phil. pr. univ. WOLF.); Jus vero militare a principe, adeoque ejus voluntate, constituitur (§. 92.): *Jus militare jus positivum est.*

§. 94.

Jus militare non scriptum datur.

Datur itaque jus etiam militare non scriptum.

Omne enim jus positivum ab arbitrio superioris seu principis dependet (§. 147. Part. 1. Phil. pr. univ. WOLF.). Voluntas principis vero vel expressa vel tacita esse potest: Prouti nempe vel verbis declaratur, vel ex factis aut non factis colligitur (§. 3 Part. 3. Jur. nat. W.). Et hinc jus positivum vel expressa vel tacita principis voluntate nititur. Jus, quod expressa principis voluntate nititur, scriptum; Quod tacita, non scriptum dici solet (*per def.*). Quare cum jus militare sit jus positivum (§. 93.): Dari etiam debet jus militare non scriptum.

§. 95.

Observantia militaris definitio.

Jus militare non scriptum *Observantia militaris* dicitur. Quæ adeo definiri potest jus militare, quod tacita superioris voluntate nititur (*per dem. §. 94.*).

§. 96.

Ea vim legis habet.

Observantia militaris vim legis habet.

Observantia enim militaris jus militare non scriptum est (§. 95.); Adeoque nititur tacita superioris voluntate (*dem. §. 94.*). Quare cum obligatio seu vis legis positivæ dependeat a voluntate entis rationalis (§. 147. Part. 1. Phil. pract. univ. W.); Observantia vero, qua jus militare, fit jus positivum (§. 93.): Patet, quod observantia militaris vim legis habeat.

Cum jus scriptum in genere seu consuetudo requisita sua habere debeat, ante quam vim legis consequatur; Facile intelligitur, observantias etiam militares eadem habere debere, antequam vim legis obtineant. Quæ vero requisita, cum ad generalia juris civilis nempe pertineant, & in jure communi tractari soleant, hic recensere superfluum esset: Cum non nisi applicatione indigeant.

§. 97.

Jus civile particulare.

Jus militare jus quoddam civile particulare est.

Jus civile enim dicitur, quod actiones civium determinat, & præsertim commune vocatur, quod actiones civium in genere determinat, respectu

respectu non habito, ad statum particularem quorundam (*per definit*). Jus itaque, quod actiones civium quorundam saltem in statu quodam particulari constitutorum determinat, jus civile particulare dici convenit. Quare cum milites sint cives (§. 77.): Et jus militare determinet actiones eorundem (§. 89.): Jus militare quidem actiones civium determinat. Cum vero milites statum peculiarem sortiuntur à statu reliquorum civium diversum (§. 82.): Jus militare determinat saltem actiones civium quorundam, in statu quodam peculiari constitutorum. Quare cum tale jus dicatur jus civile particulare (*per adducta*): Patet, quod jus militare sit jus quoddam civile particulare.

In jure enim civili multa disponi solent, quæ non omnes in genere cives, sed speciem quandam eorum saltem comprehendunt, v. gr. clericos, mercatores, uxores, &c. Id quod etiam circa milites, tanquam speciem civium obtinet. Sic in ipso jure romano multa de militibus disposita inveniuntur: Quæ vero jura & obligationes eorum non exhauriunt, sed ea potissimum tradunt, in quibus à jure civium communi recedunt. Et ita quoque ea, quæ in jure civili de juribus specilibus clericorum, mercatorum, uxorum & aliorum traduntur, proprie jura particularia civilia efficiunt: Nec proprie ad jus commune referri possunt, utpote quod nullum statum particularem respicit.

§. 98.

Jus militare à jure civili reliquorum civium communi diversum est. a jure civili communi diversum.

Jus enim civile commune actiones civium in genere, nullo respectu habito ad statum quandam eorum particularem; Jus militare vero actiones militum, qua talium, adeoque civium quorundam in certo statu constitutorum determinat (*per dem. §. 97.*). Quare cum actiones militum, qua talium, diverse dentur ab actionibus civium in genere (§. 84.): Jus militare alias actiones determinat, quam jus civile commune. Jus itaque militare pro jure civili communi substitui nequit. Quare cum ea, quæ sibi mutuo substitui non possunt, diversa sint (§. 13. *Ontol. H'OL.F*): Patet, quod jus militare à jure civili reliquorum civium communi sit diversum.

Nec obstat, quod in jure civili communi simul contineantur, quæ juris militaris sunt. Monui enim jam in scholio ad §. præced., quod ea, quæ in jure civili continentur, de civibus in certo statu constitutis sine juris civilis particularis, & ea saltem juris civilis communis, quæ omnes cives sine respectu ad certum statum concernunt.

§. 99.

Diversitas juris militaris à jure civili reliquorum civium communi Diversitas rationem suam habet in militia sive statu militum qua talium. unde sic?

Jus mil. nat.

E

Propter

Propter jura enim & obligationes militum diversa a juribus & obligationibus reliquorum civium dantur actiones ipsorum qua talium diverse ab actionibus civium reliquorum (§. 84.); Quæ & adeo diversimode determinari debent (§. 85.). Quare cum status militum per jura & obligationes eorundem constituatur (§. 82.): Propter statum ipsorum actiones eorundem diversimode determinantur ab actionibus reliquorum civium. In statu itaque militum, qua talium, seu militia (§. 83.), continetur ratio, cur ipsorum actiones diversimode determinentur (§. 56. *Ontol. WOLF*). Quare cum hoc fiat jure militari (§. 89.): Patet, quod in statu militum sive militia contineatur ratio diversitatis juris militaris a jure civili communi.

§. 100.

In collisione cum jure civili communi vincit. Si jus militare sive lex quædam militaris collatur cum jure seu lege quædam civili communi: Illud vincit & hoc cedit.

Militibus enim quidem, qua civibus, jura & obligationes tribui debent, quæ civibus in genere (§. 79.). Cum vero iisdem, qua militibus, peculiare obligationes incumbant, & ut his satisfieri possit, illis etiam jura peculiariter tribuantur (§. 81.); Quæ duo diversas eorum actiones constituunt ab actionibus civium in genere diversas (§. 84.): Facile apparet, actiones militum qua talium potiores esse actionibus civium in genere. Quare cum actiones eorum, qua civium, jure civili, communi nempe (§. 78.); qua militum vero jure militari determinentur (§. 89.): Jus militare potius esse jure civili, facile patet. Cum vero jus militare & civile commune a se invicem diversa sint (§. 98.): Fieri potest, ut iisdem simul satisfieri nequeat, & ut adeo sibi mutuo repugnent. Quoniam vero porro, si in casu emergente regulæ, quales & leges sive jura sunt (§. 131. *Part. 1. Phil. pr. univ. WOLF*), sibi mutuo repugnent, ita ut illis simul satisfieri non possit, inter se collidantur (§. 510. *Ontol. WOLF*): Et jus militare & civile commune inter se collidi possunt. In casu vero collisionis regularum exceptio ab una faciendâ est (§. *cit.*). In casu itaque etiam collisionis juris militaris & civilis communis exceptio ab uno fieri debet. Quoniam vero jus militare potius est jure civili communi (*per demonstr.*): Facile patet, quod in casu collisionis juri magis militari quam civili satisfaciendum, adeoque ab hoc exceptio faciendâ sit. Quare cum in casu exceptionis faciendæ lex ea vincere dicatur, cui satisfaciendum est; Ea vero, cui minime satisfieri potest, cedere alteri (§. 208. *Part. 1. Phil. pract. univ. WOLF*): Patet, quod in casu

casu collisionis juris militaris cum civili communi illud vincat & hoc cedat.

§. 101.

Jus militare ad jus civile commune se habet per modum exceptionis. *Per modum exceptionis se habet.*

In casu enim collisionis regularum exceptio fieri debet (§. 510. *Ontol. WOLF.*). Fieri autem debet ab ea regula, cui minime satisfaciendum est. Lex vero, cui minime satisfaciendum est, cedere dicitur alteri (§. 208. *Part. 1. Phil. pr. univ. WOLF.*): In casu itaque collisionis legum exceptio fieri debet ab ea, quæ alteri cedit. Quare cum in casu collisionis juris militaris & civilis communis hoc cedat (§. 100.): In casu collisionis juris militaris cum jure civili communi ab hoc exceptio facienda est. Cum itaque exceptio sit determinatio regule contraria, ob regularum simul observandarum collisionem facta (*loc. cit. Ontol.*): In casu collisionis juris militaris cum jure civili communi fit determinatio juri civili communi contraria. Quare cum hæc fiat jure militari: Patet, quod jus militare se habeat per modum exceptionis ad jus civile commune.

Adrianus BEIER hanc thesin tanquam difficultatem jus militare tractandi allegat (§. 16. *Juris milit. prud.*), & hanc proportionem juris militaris ad civile, tanquam exceptionis ad regulam se in ejusdem tractatione servasse gloriatur (*in præfat. l. c.*). Quantum autem præstiterit, cuilibet facile apparebit, qui ipsius juris militaris prudentiam evolere voluerit.

§. 102.

Jus militare variat pro varietate populorum.

Variat apud populos.

Jus enim militare jus positivum est (§. 93.); adeoque a voluntate constituentis dependet (§. 147. *Part. 1. Phil. pr. univ. WOLF.*). Quare cum a principe constituatur (§. 92.), & per illud superior actiones militum, qua talium, determinet (§. 89.): A voluntate sive ab arbitrio superioris dependet; quomodo actiones militum determinare velit. Non itaque necesse est, ut hæc apud omnes gentes eodem modo determinentur (§. 279. *Ontol. WOLF.*). Cum adeo actiones militum apud populum unum aliter determinari possint, quam apud alterum (*per demonstr.*); Populi vero variant: Patet, quod jus militare variet seu variare saltem possit pro varietate populorum.

Hoc actu etiam deprehenditur. Apud quemque enim populum invenies leges militares, quæ in alia civitate non obtinent.

§. 103.

Consentaneum sit juri naturæ.

Jus tamen militare civitatis uniuscujusque consentaneum esse debet juri naturæ.

Jus enim militare est jus quoddam civile particulare (§. 97.). Quare cum jus militare sit complexus legum militarium (§. 89.): Leges militares etiam leges civiles, particulares nempe sunt. Cum itaque leges civiles in genere naturalibus contrariari nequeant (§. 973. *Part. 8. Jur. nat. WOLF.*): Nec leges militares naturalibus contrariari possunt. Et hinc patet, quod jus militare civitatis uniuscujusque consentaneum esse debeat juri naturæ.

§. 104.

Circa milites quædam juris naturæ sunt.

Ipsa itaque jure naturæ circa milites quædam vel præcipiuntur, vel prohibentur, vel permittuntur.

Leges enim militares determinant actiones militum (§. 87.). Quare cum leges in genere vel præceptivæ, vel prohibitivæ, vel permissivæ sint (§. 163. 4. & §. *Part. 1. Phil. pr. univ.*): Per leges militares militibus vel quid præcipitur, vel prohibetur, vel permittitur. Cum vero leges militares ipsi juri naturæ consentire debeant (§. 103.): Ipso jure naturæ determinari posse debet, quid militibus præcipiendum, prohibendum vel permittendum sit. Et hinc patet, quod ipso jure naturæ circa milites quædam vel præcipiuntur, vel prohibeantur, vel permittantur.

Cum in sequentibus singula jura & obligationes militum ex solo jure naturæ demonstrabuntur: Veritas hujus asserti ulterius patebit.

§. 105.

Quænam eadem mutari debent.

Ea, quæ ipso jure naturali circa milites vel præcipiuntur, vel prohibentur, jure militari mutari nequeunt, sed eadem esse debent in omni jure militari civitatis cujusque.

Lege enim civili in genere ex naturaliter debito fieri nequit illicitum, neque ex illicito debitum (§. 974. *Part. 8. Jur. nat. WOLF.*), neque licitum (§. 975. *l. c.*). Hoc est: Ea quæ jure naturæ præcipiuntur, jure civili prohiberi nequeunt, & ea, quæ jure naturæ prohibentur, jure civili neque præcipi, neque permitti possunt (§. 163. 64. 170. *Part. 1. Phil. pr. univ. WOLF.*). Quare cum jus militare sit etiam jus civile (§. 97.): Neque etiam jure militari prohiberi possunt, quæ jure naturæ præcipiuntur; Neque præcipi aut permitti, quæ jure naturæ prohibentur. Ea itaque, quæ ipso jure naturali circa milites præcipiuntur vel prohibentur, jure militari mutari nequeunt, neque adeo hoc vel illo modo determinari.

Quare

Quare cum ea, quæ mutari, vel variis modis determinati nequeunt, sibi semper substitui possint, adeoque eadem mancant (§. 183. *Ontol. WOLF*): Patet, quod ea, quæ ipso jure naturali circa milites vel præcipiuntur, vel prohibentur, mutari nequeant, sed eadem manere debent in omni jure militari civitatis cujusque.

§. 106.

Ea vero, quæ naturaliter circa milites neque præcipiuntur, neque Quenam prohibentur, sed tantum permittuntur, jure militari mutari & pro ar. mutari bitrio determinari, atque adeo diversa esse possunt in hac vel illa civitate. possunt.

Lege enim civili ex naturaliter licito fieri potest debitum aut illicitum (§. 977. *Part. 8. Jur. nat. WOLF*). Hoc est, ea, quæ jure naturæ permittuntur, jure civili præcipi vel prohiberi possunt (§. 163. 164. 170. *Part. 1. Phil. pr. univ. WOLF*). Quare cum jus militare sit etiam jus civile (§. 97.): Jure militari præcipi vel prohiberi quoque possunt, quæ jure naturæ saltem permittuntur. Si vero ea, quæ jure naturæ permittuntur, præcipiantur vel prohibeantur jure militari: Eadem mutantur. Quæ itaque jure naturæ circa milites permittuntur saltem, jure militari mutari possunt. *Q. e. 1.*

Cum vero ea, quæ jure naturæ circa milites permittuntur, jure militari non necessario præcipiantur vel prohibeantur, sed præcipi saltem aut proliheri possint (*per demonstr. n. 1.*): Contrarium atque possibile est, ut neque præcipiantur neque prohibeantur (§. 279. *Ont. WOLF*): Ea itaque, quæ jure naturæ permittuntur saltem, non unico modo fieri debent, sed pluribus modis possunt. Si quid vero pluribus modis fieri potest, ut hoc vel illo fiat, præcipi, adeoque determinari pro arbitrio potest (§. 978. *Part. 1. Phil. pr. univ. WOLF*). Ea itaque, quæ jure naturæ permittuntur circa milites, jure militari pro arbitrio determinari possunt. *Q. e. 2.*

Et cum porro ea, quæ non unico, sed diverso modo determinantur, sibi invicem substitui non possint (*Quod per se patet*); Ea vero, quæ sibi invicem substitui nequeunt, diversa sint (§. 183. *Ontol. WOLF*): Patet denique, quod ea, quæ jure naturæ circa milites saltem permittuntur, diversa esse possint in jure militari hujus vel illius civitatis. *Q. e. 3.*

§. 107.

In jure militari cujuscunque civitatis dari debent quædam, quæ sunt In jure militari quædam sunt juris nature.

Ipso enim jure naturæ circa milites quædam præcipiuntur, vel prohibentur (§. 104.) & hæc jure militari mutari nequeunt, sed eadem esse debent.

debent in omni jure militari civitatis cujusque (§. 105). Jus vero militare civitatis uniuscujusque consentaneum esse debet juri naturæ (§. 90.). Patet itaque, quod in jure militari cujuscunque civitatis dari debeant quædam, quæ sunt juris naturæ.

§. 108.

*Quædam
vero juris vi
positivi.*

In quolibet jure militari dari etiam debent, quæ juris mere positi-

Ea enim, quæ circa milites juræ naturæ permittuntur, pro arbitrio determinari (§. 93.): Adeoque non unico, sed pluribus modis fieri possunt. Quoniam vero in civitate negotia exitum habere debent (§. 983. *Part. 3. Jur. nat. WOLF.*): Ut hoc vel illo modo fiant, determinari debent (§. 928. *l. c.*). Cum itaque jus positivum illud dicatur, quod a voluntate cujusdam dependet (§. 147. *Part. 1. Phil. pr. univ. WOLF.*). Ea, quæ in jure pro arbitrio determinantur, juris positivi sunt. Quare cum in jure militari quædam pro arbitrio determinari debeant (*per dem.*). Patet, quod in quolibet jure militari dentur, quæ juris mere positivi sunt.

§. 109.

*Juris na-
turæ hypo-
thetici
sunt.*

Quæ jure naturæ circa milites obtinent, non sunt juris naturæ ab-

soluti, sed hypothetici.
Milites enim civitatem (§. 18.) adeoque certum hominum statum supponunt. Quare cum jus naturæ absolutum non supponat certum hominis statum, sed hominem simpliciter consideret, quoad naturam suam (§. 3. *Jur. feud. nat.*), Jus naturæ hypotheticum vero sit, quod non nisi pro certo rerum statu obtinet (§. 2. *loc. cit.*): Patet, quod ea, quæ jure naturæ circa milites obtinent, non sint juris naturæ absoluti, sed hypothetici.

§. 110.

*Ex notione
militum
deducun-
tur.*

Quæ ex ipsa notione militum deduci possunt, sunt juris naturæ.

Notio enim militum non nisi bellum publicum nempe supponit (§. 14.). Quæ itaque ex notione militum deducuntur, ipsis propterea competunt, quia ad bellum publicum adhibentur. Bellum vero in genere, adeoque & publicum, tanquam species, juris naturæ est (§. 1104. *Part. 1. Jur. nat. WOLF.*). Quæ itaque ex ipsa militum notione deducuntur, juris naturæ etiam sint, necesse est.

§. III.

Juris militaris datur theoria naturalis.

Theoria

Legum enim civilium seu juris civilis in genere theoria naturalis datur (§. 966. *Part. 8. Jur. nat. WOLF*). Quare cum jus militare sit jus civile particulare (§. 97.); Adeoque species juris civilis; Speciei autem competant, quæ generi (§. 348. *Log. WOLF*): Juris quoque militaris theoria naturalis detur, necesse est.

Dari theoriam naturalem juris militaris, monuit *perillustis L. B. de WOLF schol. ad §. 770. Jur. gent. & viam eandem condendi ostendit, applicando nempe ad jus militare, quæ de theoria legum civilium in parte octava juris naturæ demonstrata sunt, attendendo modo simul ad actus bellicos; & discernendo in juribus militaribus gentium id, quod in iis naturale est, ab eo, quod mere positum est. Ipsum vero in tantas ambages descendere prolixitas, quam institutum suum respuit, prohibuit.*

§. III.

Quare cum theoria legum civilium seu juris civilis sit pars juris naturalis (*schol. ad §. 966. Part. 8. Jur. nat. WOLF*); Jus vero militare sit jus quoddam civile, particulare nempe (§. 97.): Theoria quoque juris militaris est pars juris naturæ.

§. III.

Ea igitur pars juris naturæ, quæ docet theoriam naturalem juris militaris, seu tradit ea, quæ circa milites eorumque actiones naturaliter præcipiuntur, prohibentur vel permittuntur, *Jus militum naturale* seu *universale* dicitur. Ita ut sit illud, quod determinat actiones militum, qua talium, ipso jure naturæ.

Cum jam antea evicerimus, ipso jure naturæ circa milites quædam præcipi, prohiberi, & permitti (§. 104.); Jus militum naturale vero eadem tractat (§. *buc*): Realitas juris militum naturalis in dubium vocari non poterit.

§. III.

Jus militum naturale ad condendas leges militares positivæ seu ad scitu constituendum jus militare positivum scitu necessarium est.

necessarium

Jus enim militare cujuscunque civitatis, seu positivum quodcunque (§. 93.), juri naturæ consentaneum esse debet (§. 103.); Et quæ ipso jure naturæ circa milites vel præcipiuntur, vel prohibentur, mutari nequeunt, sed eadem manere debent in omni jure militari (§. 105.); Et ea saltem, quæ jure naturæ permittuntur, pro arbitrio determinari possunt (§. 106.). Qui itaque leges militares seu jus militare positivum condere

dere velit, scire debet, quæ jure naturæ circa milites præciuntur, prohibentur aut permittuntur: Ne scilicet per imperitiam ea mutet, quæ eo præciuntur, vel prohibentur. Quare cum ea pars juris naturæ, quæ tradit ea, quæ circa milites eorumque actiones præciuntur, prohibentur vel permittuntur, jus militum naturale dicatur (§. 113.):* Patet, quod jus militum naturale ad condendas leges militares seu ad constituendum jus militare positivum scitu necessarium sit.

Cum jus militare sit jus quoddam civile (§. 97.): De illo etiam valere debent, quæ de hoc valent, & quæ de condendis legibus civilibus monuit *perillus* L. B. de WOLF in capite 5. de theoria legum civilium *Part. 8. Jur. nat.* Unum saltem adducere liceat. Quodsi, inquit, in condendis legibus civilibus (adeoque & militaribus), theoriam naturalem legum civilium sequamur: Tum demum omnis juris scientia, quemadmodum fieri debere recte observavit CICERO, penitus ex intima Philosophia hauritur, & ratio magistra est juris civilis (adeoque & militaris), quemadmodum naturalis (*Schol. ad §. 966. loc. cit.*).

§. 115.

ad dijudicandas leges militares positivæ scientia juris militum naturalis etiam necessaria est.

Jus enim militare positivum, adeoque & leges militares positivæ, quarum complexus illud est (§. 89.), juri naturæ consentaneum esse debet (§. 93.). Quare cum judicium in eo actu animi consistat, quo aliquid a re diversum eidem vel tribuimus, vel ab ea removemus (§. 39. *Log. lat. WOLF*): Qui leges militares, positivæ nempe, dijudicare vult, inquit, an juri naturæ convenient, nec ne, adeoque an sint justæ vel injustæ, æquæ vel iniquæ. Nolle itaque debet, quid circa milites ipso jure naturæ obtineat, seu quæ eodem præciuntur, prohibeantur vel permittantur. Quare cum jus militum naturale tradat ea, quæ ipso jure naturæ circa milites præciuntur, prohibentur vel permittuntur (§. 113.): Patet, quod ad dijudicandas leges militares positivæ scientia juris militaris necessaria sit.

Adducere iterum liceat, quæ *perillus* L. B. de WOLF hac de re monuit. „Prostant, inquit, jura militaria multarum gentium, quæ ad „examen facile revocantur ab eo, qui jus naturæ & gentium, ac præfer- „tim jus belli & in bello intime perspectum habet., (*Schol. ad §. 770. Jur. gent.*); Et cum applicatione eorum, quæ de legibus civilibus dicuntur: „Ex theoria naturali legum militarium ostendendum est, utrum lex „aliqua militaris recte sit statuta, nec ne, ac per consequens, utrum ea „sit æqua, an iniqua, utrum justa, an injusta., (*Schol. ad §. 966. Part. 8. Jur. nat.*)

§. 116.

Scientia juris militaris, seu juris, quod determinat actiones mili-^{Jurispru-}
tun morales nempe, qua talium (§. 89.); *Jurisprudentia militaris* di-^{dentia mi-}
citur. Quæ & adeo definiri poterit per scientiam jurium & obligatio-^{litaris defi-}
num, quæ circa milites obtinent, ^{nitio.}

§. 117.

Jurisprudentia militaris sine cognitione juris militum naturalis esse ^{Sine jure}
nequit. ^{militum}

Jurisprudentia enim militaris est scientia (§. 116.). Quare cum
scientia sit habitus asserta demonstrandi, hoc est, ex principiis certis &
immutis per legitimam consequentiam inferendi (§. 30. *prol. Log. lat.*
WOLF.): In jurisprudentia militari ea, quæ asseruntur, ex principiis
certis & immotis per legitimam consequentiam inferri, hoc est, demon-
strari debent. Jurisprudentia vero militaris est scientia juris militaris
(§. 116.); Jus vero omne militare juri naturæ consentaneum esse debet
(§. 103.): In jurisprudentia itaque militari etiam demonstrari debet, an
ea, quæ jure militari traduntur, juri naturæ convenient, nec ne. Dum
vero hoc fit: juri militari tribuitur, quod sit juri naturæ consentaneum,
vel illud ab eodem removetur. Quare cum actus animi, quo aliquid
a re diversum ipsi tribuitur, vel ab eo removetur, judicium dicatur
(§. 39. *Log. lat. WOLF.*): In jurisprudentia militari jus militare seu le-
ges militares, quarum complexus est (§. 89.), dijudicantur. Cum ita-
que ad dijudicandas leges militares scientia juris militum naturalis neces-
saria sit (§. 115.); Patet, quod jurisprudentia militaris absque scientia ju-
ris militum naturalis esse nequeat.

Plura adhuc de jure militari, & in specie militum naturali, ut & juris-
prudentia militari, quæ illius scientia est (§. 116.), afferri possent. Cum
vero illud sit species juris civilis (§. 97.); Hoc vero pars juris naturæ (§.
113.): Omnia de iis valent, quæ de jure civili & naturæ in genere præ-
dicari possunt. Quare cum ea ab aliis & imprimis a perillustri L. B. de
WOLF præsertim in egregio opere Juris naturæ abunde deducta sint,
ita, ut absque difficultate ad jus militare & militum naturale applicari
queant: Merito huic operæ supersedeo, & jam statim ad ipsam tractatio-
nem obligationum & jurium, quæ circa milites ipso jure naturæ obti-
nent, accedo capite sequenti secundo.

CAPITIS PRIMI FINIS.

Jur mil. nat.

F

JURIS



JURIS MILITUM

NATURALIS

CAPUT II.

DE OBLIGATIONIBUS MILITUM.

§. 118.

*Obligatio-
nes mili-
tum varia
sunt.* **M**ilites variis obligationibus tenentur pro varietate status eorum.

Milites enim non solum, qua tales, statum peculiarem fortiuntur (§. 82.), qui militaris, five militia dicitur (§. 83.); Sed etiam cives sunt (§. 77.); Adeoque & statu civitatis fruuntur. Et denique, non obstante statu militari & civili, homines manent; Adeoque & cum statum tenent, quem homines a natura fortiuntur, hoc est, naturalem (§. 124. *Part. 1. Jur. nat. WOLF.*). Cum vero status hominum moralis quisque determinatur per jura vi ejusdem competentia & obligationes vi ejusdem incumbentes (§. 123. l. c.): Patet, quod milites variis obligationibus pro varietate status eorum teneantur.

§. 119.

*quotupli-
ces sint.*

Quamobrem cum milites quoad statum vel homines, vel cives, vel milites sint (*per dem. §. 118.*): Pro varietate status vero variis obligationibus teneantur (§. cit.): Militibus tam qua talibus, quam qua civibus & hominibus obligationes incumbunt.

Cum ex modo Deum five ens supremum colendi, seu religione, quatenus naturalis non est, status peculiaris resultet, qui apud nos Christianismus est: Militibus nostris etiam, qua Christianis, obligationes peculiares incumbunt. Cum vero hic de militibus in genere loquamur: Nec statum ullum hic considerare licet, nisi qui omnibus idem est. Dantur enim adhuc alii status particulares, ex quibus tam jura, quam obligationes peculiares resultant, qui vero non in omnibus, sed nonnullis solum militibus obveniunt, ex. gr. status familiar, quatenus miles & maritus & pater esse potest. Hinc etiam obligatio ex tali statu veniens, singularis dicitur (§. 12. *Part. 1. Jur. nat. W.*).

§. 120.

Obligatio, quæ militi, qua tali, incumbit, siue militum propria est, *Obligatio militaris* dicitur.

Dici enim obligationes militum, quæ talium, ab obligationibus militum reliquorum diversæ, jam evicimus §. 81. Quæ obligationes, cum non nisi militibus incumbant, propriæ eorum dicuntur. Nostrum nunc erit, easdem singulas, quatenus ipso jure naturæ adsunt, deducere.

§. 121.

Milites ad ea omnia obligantur, ad quæ homines qua tales obligantur ipsa natura. Ad quæ, qua homines, obli-

Homines enim, qua tales, ad certa officia, tam erga se, quam alios & ipsum Deum obligari, ex juris naturæ tractatione satis constat, ubi & eorum explicatio traditur (§. 1. Part. 1. *Jur. nat. WOLF*). Quare cum milites non desinant esse homines, propterea, quod milites fiant (*dem. §. 118.*); Leges vero naturæ, quæ in jure naturæ demonstrantur (§. 3. l. c.), in ipsa essentia & natura hominis & rerum rationem sufficientem agnoscunt (§. 135. Part. 1. *Phil. præf. univ. W.*); Adeoque obligationes, quæ ex iisdem veniunt, immutabiles sunt (§. 142. l. c.). Hinc neque in milite mutari possunt. Patet itaque, quod milites ad ea omnia obligantur, ad quæ homines, qua tales, ipsa natura.

Obligationes hæ propterea universales dicuntur, quia iisdem quilibet, quatenus homo est, obligatur (§. 11. Part. 1. *Jur. nat. W.*).

§. 122.

Quare cum ea, ad quæ homines, qua tales, obligantur, in ipsa essentia & natura eorum & rerum rationem agnoscant (*per dem. §. 121.*); *juris naturæ sunt.* Ea vero, quæ ex ipsa essentia & natura hominis & rerum demonstrantur, juris naturæ sint (§. 2. Part. 1. *Jur. nat. W.*): *Milites, ad omnia obligantur, quæ juris naturæ sunt.*

§. 123.

Obligationes militum, qua hominum, seu, quæ ex eo fluunt, quod homines, militares non sunt. Obligationes qua hominum militares non

Obligatio enim militaris ea tantum dicitur, quæ militi, qua tali, incumbit, siue ejus propria est (§. 120.). Quare cum obligationes militum, qua hominum, iisdem non incumbant, qua militibus, sed qua hominibus tantum; Adeoque militum propriæ non sint, sed omnibus hominibus conveniant (*Quod per se patet*): Facile elucescit, quod obligationes militum, qua hominum, militares non sint.

Dantur enim ipso etiam jure naturæ obligationes naturales, quibus quis ex alia ratione tenetur, quam quia homo est, quæ singulares dicuntur (§. 12. *Part. 1. Jur. nat. WJ.*). Quare cum obligatio militaris ea sit, quæ militi, qua tali, incumbit (§. 120.): Ad eam miles tenetur ex alia ratione, quam quia miles est. Obligationes itaque militares ad singulares referendæ sunt. Quare cum obligationes militum, qua hominum, universales sint (*schol. ad §. 121.*): Vel exinde patet, quod hæc militares non sint.

§. 124.

Ad quæ, quæ cives, obligentur? *Milites ad omnia obligantur, ad quæ cives tam concivibus suis, quam reipublicæ, sive ejusdem rectori.*

Milites enim sive ex subditis legantur, sive ex iisdem, vel ex peregrinis conducantur, cives sunt (§. 77.). Tantum itaque abest, quin subditi, qui milites sunt, cives esse definant, ut potius & peregrini, qui militiæ nomen dant, membra fiant civitatis ejusdem, adeoque, vel ad tempus saltem, cives fiant (§. 76.). Quoniam itaque cives tam concivibus, quam reipublicæ sive ejusdem rectori ad certa officia vel ipsa natura obligentur, quæ demonstrata sunt in *Parte 8. Jur. nat. WOLF.*: Patet, quod milites etiam ad omnia obligentur, ad quæ cives tam concivibus suis, quam reipublicæ ejusve rectori.

§. 125.

Ea non sunt obligationes militares. *Obligationes militum, qua civium, seu quæ ex eo fluunt, quod sint cives, militares non sunt.*

Obligatio enim militaris ea dicitur, quæ militi, qua tali, incumbit, seu ejusdem propria est (§. 120.). Quare cum obligationes militum, qua civium, seu, quæ ex eo fluunt, quod sint cives, iisdem non incumbant qua militibus, sed qua civibus tantum; Adeoque militum propriæ non sint, sed omnes cives teneant (*Quod per se patet*): Obligationes militum, qua civium, militares non sunt.

§. 126.

Obligatio militaris cedit naturali. *Obligatio militaris adversari nequit naturali, neque adeo miles obligari potest ad quid, quod obligationi cuidam naturali repugnat.*

Obligatio enim naturalis necessaria & immutabilis est (§. 129. *Part. 1. Phil. pract. univ. WOLF.*); Adeoque mutari nequit. Quare cum id fieret, si militi qua tali obligatio imponeretur, quæ naturali adversetur (*quod per se patet*): Obligatio vero, quæ militi qua tali imposita est, militaris vocetur (§. 120.): Obligatio militaris repugnare nequit naturali. *Q. e. 1.*

Obli

Obligatio naturalis vero etiam necessaria est (*loco supra cit.*). Necessarium autem dicitur, cujus contrarium impossibile est (§. 279. *Ont. W.*). Impossibile itaque est, ut contrarium obligationis naturalis fiat. Quare cum nemo obligari possit ad id, quod impossibile est (§. 209. *Part. 1. Phil. pract. univ.*): Nec obligatio, quæ ad impossibile tendit, militi imponi potest. Quare cum id fieret, si miles obligaretur ad quid, quod obligationi naturali repugnat (*per dem.*): Patet, quod miles obligari ad illud non possit. Q. c. 2.

Hinc patet, quod si obligatio militaris contraria sit naturali, ambæ inter se colliduntur (§. 206. *l. c.*), adeoque exceptionem, & quidem hic, a militari, faciendam esse (§. 207. *ib.*), & naturalem vincere militarem, hanc vero cedere illi (§. 208. *l. c.*).

§. 127.

Si obligatio, quæ reliquis civibus incumbit, repugnet obligationi militari, militis illa non tenetur. *vincit civilem.*

Omnis enim obligatio, cum necessitas agendi moralis sit, ex lege venit (§. 118. *loc. cit.*); Adcoque obligatio civium in genere ex jure seu lege civili; militaris vero speciatim ex jure seu lege militari venit. Si itaque obligatio civium communis adversetur militari: Colliduntur inter se lex civilis & militaris; Adcoque ab una exceptio facienda est (§. 207. *l. c.*). Quare cum in collisione legis civilis & militaris hæc vincat & illa cedat, adeoque a civili exceptio facienda sit (§. 100.); Legi vero, quæ in collisione vincit, satisfaciendum sit, ei vero, quæ cedit, satisfieri non possit (§. 208. *Part. 1. Phil. pract. univ.*): Patet, quod miles obligatione, quæ reliquis civibus incumbit, non teneatur, si eadem militari cuidam obligationi repugnet.

§. 128.

Milites ad observantiam legum civilium obligantur, quatenus illæ obligationibus militaribus non repugnant. *Quatenus milites ex legibus civilibus obligantur.*

Cives enim in genere actiones suas determinare juxta leges civiles obligantur (§. 965. *Part. 8. Jur. nat. WOLF.*), seu, quod perinde est, leges civiles servare (§. 138. *P. 1. Phil. pract. univ. W.*). Quare cum & milites cives sint (§. 77.): Eisdem etiam ad illud obligari, facile patet. Cum vero militibus præ reliquis civibus peculiare obligationes incumbant (§. 81.), quæ militares ideo vocantur (§. 120.); In casu autem, quo obligatio, quæ reliquis civibus incumbit, repugnat obligationi militari, illa non teneatur milites (§. 127): Simul patet, quod milites ad obser-

vantium legum civilium non obligentur, quam quatenus obligationibus militaribus non repugnant.

§. 129.

Obligantur reipublice, qua tales, in genere sive lecti sint, sive conductitii, reipublice, hoc est, populo, sive ejusdem rectori obligantur, ejus milites sunt.

Militum enim lectorum obligatio, ad militiam nempe, ex subjectione civili venit (§. 39.). Subjectio imperium in altero supponit (§. 201. Part. 7. Jur. nat. WOLF.): Subjectio itaque civilis etiam supponit imperium civile, hoc est, quod in civitate universis in singulos competit (§. 32. Part. 8. l. c.). Milites itaque lecti obligari debent ei, penes quem est imperium civile. Imperium vero civile vel apud populum, vel apud eum est, in quem illud transtulit (§. 36. loc. cit.), hoc est, rectorem civitatis (§. 42. ib.). Milites itaque lectos reipublice, hoc est, populo sive ejus rectori, obligari cluget. Q. c. 1.

Porro cum milites conductitii ex pacto obligentur ad militiam nempe (§. 52.); Pactum vero illud, quo obligantur, ipsis cum rectore civitatis intercedat (§. 71.), si nempe talis adsit; Alias autem eum populo ipso (*Quod per se patet*): Milites etiam conductitios eidem obligari, simul patet. Q. c. 2.

Et cum in genere milites vel lecti sint, vel conductitii (§. 37.); Milites vero tam lecti (*per dem. n. 1.*), quam conductitii (*per dem. n. 2.*), reipublice sive ejus rectori obligentur: Milites qua tales in genere eidem obligantur. Q. c. 3.

§. 130.

Ratio obligationum militarium ubi?

In militia continetur ratio omnium obligationum militarium.

Jura enim & obligationes militum, ipsis propria, per statum ipsorum peculiarem constituuntur (§. 82.): Omnes itaque obligationes eorum, qua talium, ipsis propterea competunt, quia statum peculiarem sortiuntur; Adeoque ex statu illorum intelligitur, cur obligationibus istis teneantur. Quare cum id, ex quo intelligitur, cur aliquid sit, rationem ejus in se continere dicatur (§. 36. Ontol. W.): Status militum qua talium rationem in se continet obligationum, quæ ipsis, qua talibus, incumbunt. Status militum qua talium vero militia (§. 83.), & obligationes, quæ militibus, qua talibus, incumbunt, militares vocantur (§. 120.): Patet itaque, quod in militia contineatur ratio omnium obligationum militarium.

§. 131.

§. 131.

Obligatio militum, qua talium, generalis, in præstatione militiæ consistit. *Obligatio generalis, quam?*

In militia enim continetur ratio omnium obligationum militarium, (§. 131.), sive quod perinde est, militum, qua talium (§. 120.). Militia vero statum militum, qua talium denotat (§. 83.): Adeoque ex statu eorum seu militia omnes eorum obligationes oriuntur (§. 22. *Part. 1. Jur. nat. WOLF.*). Quodsi itaque statui ipsorum convenienter agant, sive agant, quod status ipsorum requirit, omnibus suis obligationibus satisfaciunt. Statui vero suo convenienter agunt, si agant qua milites, adeoque militiam præsent (§. 83.). Omnibus itaque obligationibus suis satisfaciunt, si militiam præsent; Quare cum genus sub se complectatur species (§. 45. *Log. W.*); Adeoque obligatio generalis sit, ut specialibus omnibus satisfiat: Obligationem militum, qua talium, generalem in præstatione militiæ consistere, apparet.

§. 132.

Obligationes militares sunt erga rempublicam, sive ejusdem rectorem. *Obligatio-*

Milites enim, qua tales, reipublicæ, hoc est, populo sive ejusdem rectori obligantur (§. 129.). Obligationes vero militum, qua talium, militares dicuntur (§. 120.): Patet itaque, quod obligationes militares sint erga rempublicam, sive rectorem ejusdem.

§. 133.

Obligationes militares perfectæ sunt.

Obligatio enim militum, qua talium, præsertim conductitiorum (§. *sunt perfectæ* 52.), ut & lectorum originarie (schol. ad §. 40.), ex pacto venit. Pactum vero promissionem involvit (§. 788. *Part. 3. Jur. nat. W.*): Obligatio itaque militum qua talium ex promissione venit. Obligatio vero militum, qua talium, generalis, in præstatione militiæ consistit (§. 131.); In militia vero continetur ratio omnium obligationum militarium (§. 130.), hoc est, militum qua talium (§. 120.). Omnes itaque obligationes militares ex promisso oriuntur. Quamobrem cum promissio producat obligationem perfectam (§. 363. *loc. cit.*): Patet, quod obligationes militares perfectæ sint.

§. 134.

Milites itaque cogi possunt ad satisfaciendum obligationibus suis, militaribus nempe. *Ad eas cogi possunt milites.*

Obli-

Obligationes enim militares perfectæ sunt (§. 133.). Obligatio vero perfectæ in altero, cui quis obligatur, operatur jus cogendi, ut obligationi satisfaciatur (§. 236. *Part. 1. Phil. pr. univ. W.*). Milites itaque cogi possunt ad satisfaciendum obligationibus suis.

Cum milites obligentur reipublicæ sive ejusdem rectori (§. 129.); Jus cogendi vero competat ei, cui quis obligatur (§. 236. *cit.*). Jus cogendi milites ad satisfaciendum obligationibus suis reipublicæ sive rectori ejusdem competere debere, facile colligitur.

§. 135.

*Juxta quid
actiones
militum
determi-
nanda.*

Milites actiones suas juxta leges militares determinare obligantur.

Lex enim in genere est regula, juxta quam actiones nostras determinare obligamur (§. 131. *Part. 1. Phil. pract. univ.*). Actiones itaque in genere secundum leges determinare obligamur. Quare cum leges militares in specie militum actiones, morales nempe, determinent (§. 87.); De specie vero valere debeat, quod de genere valet (§. 235. *Log. W.*): Apparet, quod milites actiones suas ad leges militares determinare obligentur.

§. 136.

*etiam se-
cundum
observan-
tias.*

Cum detur etiam jus militare non scriptum (§. 94.), & cum jus militare complexus legum militarium dicatur (§. 87.), dentur leges militares non scriptæ, quæ observantiæ militares dicuntur (§. 95.); Observantia vero militaris vim legis habeat (§. 96.): *Milites etiam observantiis militaribus convenienter actiones suas determinare obligantur.*

§. 137.

*servare le-
ges milit.
& callere
debent.*

Milites itaque leges militares servare, adeoque & callere obligantur.

Milites enim actiones suas secundum leges militares determinare obligantur (§. 135.). Quare cum is, qui actiones suas secundum legem quandam determinat, eandem servare dicatur (§. 138. *Part. 1. Phil. pr. univ. WOLF.*): Patet, quod milites leges militares servare teneantur.

Q. 6. 1.

Cum vero legem servare nemo possit, nisi sciat, quid in ea contineatur (*quod per se patet*): Nec milites leges militares servare valebunt, nisi easdem calleant. Quare cum ad servandas easdem obligentur (*per dem. n. 1.*): Ut etiam illas calleant, eos obligari facile videbitur.

Q. 6. 2.

§. 138.

Dantur officia militum, qua talium.

*Dantur officia mili-
tum.*

Milites enim actiones suas, qua tales, secundum leges militares determinare obligantur (§. 135.); Dari itaque debent actiones militum, qua talium, juxta leges determinatae. Quare cum actio juxta legem determinata, quatenus ad eam ita determinandam obligamur, officium dicatur (§. 224. Part. 1. Phil. pract. univ. W.): Dentur officia militum, qua talium, necesse est.

§. 139.

Officia militum, qua talium, militaria dicuntur. Quæ adeo defini-
ri possunt, quod sint actiones militum juxta leges militares determina-
tae, quatenus ad eas ita determinandas obligantur. *Officiorum
militarium
definitio.*

§. 140.

*Interest reipublicæ sive rectoris ejusdem, ut milites obligationibus suis
satisfaciant, sive officiis suis recte fungantur.* *Quid reip.
circa mili-
tes interfit.*

Obligationes enim militum, qua talium, sive militares, sunt erga rempublicam sive rectorem ejusdem (§. 132.). Ex obligatione vero jus oritur (§. 23. Part. 1. Jur. nat. WOLF.): Ex obligationibus itaque militum jus oriri debet ei, cui obligantur, hoc est, reipublicæ sive rectori ejusdem, ut nempe illis satisfaciant. Si itaque milites obligationibus suis satisfaciant, jus suum tribuunt reipublicæ, sive rectori ejusdem (§. 921. loc. cit.). Quare cum cuique interfit, ut jus suum ipsi tribuatur (*quod per se patet*); Reipublicæ sive rectoris ejusdem interesse, ut milites obligationibus suis satisfaciant, facile apparet. *Q. e. u.*

Et cum officia militum sint actiones, ad quas obligantur (§. 139.): Si agunt, ad quod obligantur, officiis suis recte funguntur. Si vero quis agit, ad quod agendum obligatur, obligationi suæ satisfacit (§. 120. Part. 1. Phil. pract. univ. W.). Quare cum reipublicæ interfit, ut milites obligationibus suis satisfaciant (*per dem, n. 1.*): Facile intelligitur, ejusdem etiam interesse, ut officiis suis recte fungantur.

§. 141.

*Interest itaque reipublicæ sive rectoris ejusdem, ut milites leges mi-
litares servant, neque adeo easdem transgrediantur.* *Quid por-
ro?*

Interest enim ejusdem, ut milites officiis suis recte fungantur (§. 140.). Officia vero militum sunt actiones eorum secundum leges militares determinate, quatenus ad easdem obligantur (§. 139.): Interest itaque etiam, ut milites actiones suas secundum leges militares determi-

Jus mil. nat.

G

nent.

nent: Qui vero actiones suas determinat secundum legem quandam, eandem servare dicitur (§. 138. *Part. 1. Phil. pr. univ. W.*): Patet adeo. interesse etiam reipublicæ, siue ejusdem rectoris, ut milites leges militares servant. *Q. c. 1.*

Qui vero legem transgreditur, actiones suas contraria ratione determinat, quam juxta legem determinari debebant (§. 139. *l. c.*); Neque adeo eandem servat. Milites itaque etiam, si leges militares transgrediantur, easdem non servant. Quare cum reipublicæ intersit, ut easdem servant (*per dem. n. 1.*): Interesse etiam debet, ne illas transgrediantur. *Q. c. 2.*

Hæ & aliæ propositiones per se claræ & superflue videri possent. Ex sequentibus vero apparebit, easdem tanquam principia adhiberi, ex quibus alia demonstrantur; Neque hæc absque iisdem facile demonstrari posse. Cum vero uti in Philosophia, ita in genere in disciplinis, urpote scientiis, nec utendum sit, nisi principiis sufficienter probatis (§. 117. *Disc. prelim. Logica W.*): Non assumendum est principium demonstrandi, quod absque sufficienti probatione dubium videri possit. Licet enim sæpius propositio quædam clara per se videatur: Non tamen de ejus veritate cuius statim constat, nisi legitimam ejus consequentiam ex principiis certis & indubitatibus intueatur. Propositiones itaque sæpius, quæ per se claræ & superflue videntur, maxime necessariæ sunt & demonstrandæ.

§. 142.

*Legibus
milit. poenæ
addendæ.*

Legibus militaribus in casum transgressionis poenæ adijci, expedit.

Pœnæ enim sunt motiva actionum committendarum, vel omittendarum (§. 287. *Part. 1. Phil. præf. univ. W.*). Si itaque legibus militaribus in casum transgressionis poenæ adijciantur: Cum legibus militaribus actiones militum determinentur (§. 87.), illæ motivum præbent militibus, ut actiones legibus militaribus præceptas committant, prohibitas vero omittant, adeoque actiones suas secundum leges militares determinent. Qui vero actiones suas secundum legem quandam determinat, servare eandem dicitur (§. 138. *l. c.*). Si itaque legibus militaribus poenæ addantur, eandem militibus motivum præbent ad illas servandas. Quare cum sine motivis nulla detur in anima volitio, nulla nolitio (§. 889. *Psych. emp. W.*); Interfit vero, ut milites leges militares servant, neque easdem transgrediantur (§. 141.): Quod illis in casum transgressionis poenæ adijciantur, expedit.

Accedit, quod sanctione pœnali, qualis est adiectio poenæ ad legem positivam (§. 289. *Part. 1. Phil. pr. univ.*), introducatur obligatio positiva (§. 291. *l. c.*), quæ majorem sensum præbet, ac naturalis (§. 767.

767. *Jur. gent. WOLF.*) Accedit etiam, quod leges naturales, si ipsis poenae addantur, civiles fiant (§. 979. *Part. 8. Jur. nat. W.*), & quod legibus tales ac tantae poenae addendae sint, quae ad cohibendam illarum transgressionem, quantum datur, sufficiunt (§. 585. *l. c.*). Videbis itaque etiam, leges militares positivas, quae extant, ubique vel gravissimis poenis esse munitas.

§. 143.

*Leges militares, scriptae scilicet, debent promulgari, antequam ob-
ligare possint.* *Leges mili-
tares pro-
mulganda,*

Leges enim militares, uti jus militare, quod earum complexus est (§. 89.), positivae sunt (§. 93.). Quare cum in genere lex positiva promulgatione indigeat, nec obligare possit, nisi promulgetur (§. 253. *Part. 1. Phil. pr. univ. W.*): Leges etiam promulgari debent, nec ante promulgationem obligant.

Cum demonstratio propositionis loco citato inveniat, eam hic repetere superfluum foret. Facile autem cognosci datur, quod si quis legem servare debeat, opus sit, ut sciat, quid in ea contineatur. Quare & in specie milites leges militares callere obligantur (§. 137.). Vel ipsi metum itaque easdem notas sibi reddere, vel eadem illis publicari debent. Cum vero ad prius militibus non facilis detur occasio: Ut expresse iisdem publicentur, convenit. Cum etiam leges militares poenis, uti convenit (§. 142.), muniti soleant: Ignorantiam earum facile praetexere possent milites, si illae ipsis non publicarentur. Durum autem esset, poena aliquem afficere, quae ipsi nota non fuerit, & quam sciens evitaturus fuisset. Hinc etiam evenit, ut in examinibus militum delicti alicujus reorum quæri soleant, an leges sive articuli militares, ipsis praestiti fuerint, & poena in crimen commissum statuta nota. Licet itaque plerumque constitutum sit, ut ii, qui praedictioni articulorum militarium non interfuerint, aequè obligentur ac ii, qui praesentes fuere: Hoc tamen sine dubio saltem de praedictione iterata, quae statis temporibus fieri debet, intelligendum est.

§. 144.

*Leges sive articuli militares, militibus noviter lectis, seu condutyonibus
suis, adeoque tyronibus, praestigi conveniunt.* *praestigi-
da*

Leges enim militares non obligant nisi promulgatae (§. 143.). Quare cum ex obligatione jus demum oriatur (§. 23. *Part. 1. Jur. nat. W.*): Nec in militem jus ex legibus militaribus resultat, nisi fuerint promulgatae. Quoniam itaque in earum transgressionem poenae statui solent (§. 142.): Nec has exequi licebit, nisi constet, militi easdem esse promulgatas. De hoc vero optime constat, si militibus noviter lectis sive conductis, hoc est, tyronibus (§. 37.), praestigantur. Quare cum in-

terfit, milites servare leges militares (§. 141.); Poenæ vero ad illas servandas motivum præbeant (*per dem.* §. 142.): Leges, sive articulos militares, uti vocari illæ solent (§. 88.), tyronibus prælegi, convenit.

Id, quod vel etiam ubique receptum est, & omiſſa prælectio articulo- rum militarium militi delicti cujusdam reo exceptionem præbere solet. Ut itaque illa in dubium vocari non possit, a persona fide publica prædita supra eadem & jurata promissione, quæ accedere suevit, scriptura con- fici debet, quæ protocolium sive attestatio vocatur. Ea enim producta, reo licet initiatante, de facta prælectione dubitari nequit.

§. 145.

*et sapias
repetenda.* *sive repetatur, convenit.* Ut prælectio legum sive articulo- rum militarium sapius fiat militibus,

Interest enim, ut milites leges militares serrent (§. 141.); Servare ve- ro easdem non possunt, nisi eas calleant (§. 137.), seu illæ ipsis notæ sint. Et cum legibus militaribus poenæ adjici soleant (§. 142.); Poenæ vero ad illas servandas motivum præbeant (*per dem.* §. cit.): Expedi- tit, ut le- ges militares cum poenis adjectis animo militum imprimantur & con- tinuo obverſentur. Cum vero leges militares numero plures esse so- leant, neque adeo ex una vel altera prælectione memoriæ statim man- dentur & retineantur (*per exper.*); Id vero exercitio, hoc est, actu- um eorundem iteratione (§. 195. *Psych. emp. W.*), obtineatur (§. 198. *loc. cit.*): Patet, quod conveniat, ut prælectio legum sive articulo- rum militarium sæpius fiat militibus, sive iteretur.

Hinc etiam in ipsis articulis militaribus constitui solet, ut earum præ- lectio subinde repetatur. Et ut vel quater quovis anno cuilibet cohorti tam pedestri, quam equestri verbotenus prælegantur, articulis militari- bus Hassiacis constitutum est.

§. 146.

*Observan-
tiæ ex usu
addiscen-
da.*

Observantia militares ex usu addisci solent.

Observantiæ enim militares jure militare non scriptum sunt (§. 95.); Non itaque expressa, sed tacita saltem principis voluntate nituntur (*dem.* §. 94.). Et cum voluntas tacita ex factis aut non factis, vel alio quo- cunque modo colligatur (§. 3. *Part. 3. Jur. nat. W.*); Adeoque obser- vantia non nisi usu introducuntur & approbentur: Promulgatio in eas- dem non cadit (§. 256. *Part. 1. Phil. pract. univ. W.*). Quoniam tamen milite- secundum eas etiam actiones suas determinare (§. 136.), & ideo illas, qua leges militares, callere debent (§. 137.): Fieri aliter nequit, quam ut in calibus obviis, jure scripto non determinatis, explorent, quid

quid in iisdem observantiæ sit. Patet itaque, easdem ex usu addiscendas esse.

Cum usus temporis alicujus spatium requirat; Tyrones vero milites noviter lecti, aut condicti (§. 37.), neque adeo in militia versati sint: Facile patet, ab iis exigi non posse, ut observantias jam calleant. Hoc itaque militem in militia jam aliquod saltem tempus versatum supponit. Hinc etiam tyronibus parcendum esse, si contra observantiam quandam egerint, suo loco demonstrabitur.

§. 147.

Interest auctoris belli, adeoque reipublicæ sive ejusdem rectoris, ne Interest, ne milites ipso invito a militia discedant.

Auctor enim belli dicitur, a quo bellum geritur (§. 9.); Bellum vero ad persequendum jus, quod denegatur, seu violatum est, tendit (§. 1.): Auctor itaque belli eodem jus suum persequi studet. Absque militibus vero bellum geri nequit (§. 17.); Neque adeo absque militibus jus suum consequi ipsi datur. Ut vero jus tribuatur, adeoque ut illud, si denegetur, vi persequi possit, cujusvis interest (*Quod per se patet*). Neitaque auctori belli milites desint, ejusdem interest. Quare cum milites facile deesse possint, si invito auctore belli discederent a militia (*Quod itidem per se intelligitur*): Patet, quod utique auctoris belli, adeoque & reipublicæ, sive ejusdem rectoris, qui belli publici, quod hic supponitur, auctor est (§. 10.), inter sit, ne milites eo invito a militia discedant.

Quod milites invito auctore belli a militia discedere non debeant, hic supponitur, suo loco ulterius demonstrandum. Cum vero milites ad præstationem militiæ obligentur (§. 131.); Hinc vero obligationi non faciant satis, si a militia discedant: Facile cuique apparet, illos a militia discedere non debere, invito scilicet auctore belli. Cum enim reipublicæ sive ejusdem rectori, qui cum auctore belli idem est (§. 10.), obligentur (§. 129.); Quivis vero alteri obligationem, qua ipsi tenetur, remittere, sive juri suo renunciare possit (§. 106 P. 3. Jur. nat. W.): Invito demum auctore belli a militia discedi non posse, necesse est.

§. 148.

Milites juramento ad militiam & observantiam legum militarium Eos juramento adstringere convenit.

Licet enim milites naturaliter jam, ex subjectione nempe civili, vel ex promisso, ad militiam (§. 39.), & ad observantiam legum militarium obligentur (§. 139.): Homines tamen plebeji hanc obligationem non satis capiunt. Li enim, qui milites invito leguntur, facile credere possunt,

ipsis fieri injuriam; Eorum vero, qui sponte militiæ nomen dant, cum plerumque ex fuga laboris id fiat, dubia admodum fides est, neque adeo satis tuta. Cum vero interfit auctoris belli sive reipublicæ, ut milites leges militares servant (§. 141), & præsertim, ne ipso invito a militia discedant (§. 147): Expediit, ut obligatio positiva introducatur, quæ ipsorum captum non transcendit, & cujus sensum habere possunt. Non vero facile quis invenitur, qui juramentum servandum esse, persuasum sibi non habeat. Quare cum in eo casu juramentum licitum sit & expediat, si de promisso, adeoque & obligatione alterius certum esse interfit, asseveranti tamen facile credi non possit (§. 916. Part. 3. Jur. nat. WOLF): Patet, quod utique conveniat, milites juramento adstringere ad militiam & observantiam legum militarium.

Demonstrationem hanc suppeditavit *perillustis* L. B. de WOLF §. 767. *Jur. gent.* Illam tamen non allegare modo, sed principiis antea stabilitis convenienter formatam integram tradere visum fuit, quia propositio, cui adjicitur, juris militaris admodum propria est. Utilitatem itaque juramenti omnes fere agnoscunt populi, quibus militia curæ cordique est. Et jam apud Romanos milites ad jurandum adacti sunt (LUDÉWIG *Diff. de Differ. juris rom. & germ. in re militari Diff. 4. nota d. p. 27.*): Necessitatis absolute vero illud non esse, monui jam in sch. ad §. 14. Novam enim obligationem non inducere, sed eandem saltem firmare, mox demonstrabitur. Miles itaque æque obligatur, licet non juraverit. Hinc articulis militaribus plerumque etiam addi solet, ut ii, qui eorum prælectioni (iteratam intellige), & juratæ assertioni non interfuerint, æque obligentur, quam qui præsentem fuerunt. Ita sunt, Baravi ex. gr. apud quos milites juramento non adstringuntur.

§. 149.

*Juramenti
militaris
definitio.*

Juramentum, quod milites præstant de servandis legibus militariibus, & præsertim de militia non deferenda, sive promissio jurata de iisdem, *Juramentum militare* vocari solet; Germanice, *der Soldateneid*.

Quoniam itaque juramentum in genere præstatum sub invocatione vindictæ divinæ (§. 852. Part. 3. Jur. nat. W.); Et Christiani præsertim cum illo dispendium salutis æternæ, quod omnium maximum est, connectant: Optandum esset, ut juramentum militare non tam vilipenderetur, ut milites illud pro vero juramento vix habeant.

Formulas juramenti militaris apud Romanos jam usitatas exhibet STEPH. WAGA *Diff. de eo, q. j. e. circa pæn. milit. ignom.* §. 23. p. 25.

§. 150.

Milites lecti, si juramento adstringantur ad militiam, ex promisso etiam specialiter obligantur. *Quid operetur in militibus lectis?*

Lecti enim milites absque speciali promisso naturaliter etiam obligantur ad militiam (§. 40.): Licet revera quoad originem pactum tacitum sublit (*sebol. ad §. cit.*). Cum vero juramentum militare jurata promissio sit de militia non deferenda (§. 149.): Si & milites lecti eodem adstringantur, quod supponitur (*per hyp.*), militiam specialiter promittunt. Quare cum ex promisso promissor obligetur (§. 353. *Part. 3. Jur. nat. WOLF.*): Milites etiam lecti ex promisso specialiter adhuc obligantur, si juramento adstringantur.

Cum vero jam ante juramentum obligentur: Obligationem illam non novam, sed accessoriam saltem esse, facile apparet. Id quod §. seq. demonstrabitur.

§. 151.

Juramentum tamen militare novam obligationem non producit, sed priorem saltem firmat. *Obligationem novam non producit,*

Cum enim in genere juramentum obligationem novam non producat (§. 903. *Part. 3. Jur. nat. W.*), actum non obligatorium in obligatorium non convertat (§. 904. l.c.), nec promissionem, quæ per se valida non est, validam reddat (§. 905. *ib.*): Hæc & de juramento militari valebunt. Quare cum hoc saltem militibus imponatur, ut majorem sensum obligationis sue habeant (*per dem. §. 148.*): Obligationem militum jam extantem saltem firmat.

§. 152.

Milites itaque injuste ad militiam coacti, licet jurent, non obligantur, nec in militiam coacti, nisi sponte juramentum præstent.

Miles enim injusto coactus ad militiam non obligatur (§. 46.): In milite itaque coacto obligatio ad militiam non adest. Juramentum vero militare novam obligationem non producit, sed priorem saltem firmat (§. 151.). Firmari autem non potest obligatio, ubi nulla adest. Pater itaque, quod milites injuste coacti ad militiam, non obligentur, etiam si jurent. *Q. e. i.*

Cum vero miles ad militiam injuste coactus obligatus fiat, si postea verbis aut factis declaret, se militiam, ad quam non obligaretur, præstare velle (§. 48.); Si vero miles injuste coactus juramentum tamen militare sponte præstet, ipso facto, imo, cum illud promissionem continet

tineat de præstanda militia (§. 149.), verbis declaret, se militiam præstare velle, ad quam non obligaretur: Miles injuste coactus ad militiam obligatus fit, si sponte juramentum præstet. *Q. c. 2.*

Facile autem apparet, quod sponte non juret, qui vi vel minis ad jurandum adigitur sive cogitur. Male itaque sibi consulunt, & vel sibi met ipsis imponunt, qui tyrones injuste coactos vi vel minis disponunt, ut juramentum præstent, & obligationem eo in illis operari nituntur, quæ locum non invenit.

§. 153.

obligatio ad illud Si juramentum militare obtineat, milites, sive qui ad militiam obligantur, obligantur etiam ad illud præstandum, adeoque si præstare nolint, cogi possunt.

Milites vel lecti vel conductitii (§. 37.); Lecti vero non nisi subditi sunt (§. 34.). Subditorum autem actiones imperio superioris in civitate subsunt (§. 141. Part. 8. Jur. nat. W.): Adeoque subditi illas pro arbitrio superioris determinare obligantur. Quodsi itaque superior convenire judicet, ut milites juramento adstringantur, uti illud expedit (§. 148.): Subditi, qui ad militiam obligantur, sive milites lecti, obligantur etiam ad idem præstandum. Conductitii vero, licet non nisi ex pacto obligentur (§. 52.): Si tamen militiam subeant, illam ad eam ita præstandam obligari, qualis illa ejusdem loci est, facile apparet. Quare cum juramentum militare obtinere supponatur (*per hyp.*): Milites etiam conductitii, adeoque in genere, ad illud præstandum obligantur. *Q. c. 1.*

Quamobrem cum obligatio militum tam lectorum (*per dem. §. 41.*), quam conductitiorum, utpote ex promisso, perfecta sit (§. 363. Part. 3. Jur. nat. W.): Ex obligatione vero perfecta alteri nascatur jus cogendi (§. 236. Part. 1. Phil. pract. univ. W.): Milites ad juramentum militare præstandum cogi possunt, si illud obtineat. *Q. c. 2.*

Facile cuivis apparebit, hic supponi ea, quæ de juramentis in genere valent, quorum theoriam dedit L. B. de WOLF in parte 3. Juris naturæ.

§. 154.

qui cogi ad illud nequeat. Ad juramentum militare cogi nemo potest, nisi qui ad militiam obligatur.

Ratio enim, cur cogi possint milites ad juramentum militare præstandum, in obligatione eorum perfecta ad militiam continetur (*per dem. n. 2. §. 153.*). Si quis itaque ad militiam non obligatur, cessat ratio, cur

ad

ad juramentum militare cogi possit. Cum vero ratio sufficiens dicatur id, unde intelligitur, cur aliud sit (§. 56. *Ontol. WOLF*): Cessante ratione sufficienti non intelligitur, cur alterum sit, adeoque cessat etiam id, quod propter eam est. Cessante itaque obligatione perfecta ad militiam cessat etiam coactio ad juramentum militare. Atque adeo ad illud cogi nequit, nisi qui ad militiam obligatur.

§. 155.

Miles, qui in leges militares jurat, in penas illis statutas, con-
sensit. *Consensum*
in penas
operatur.

Miles enim, qui in leges militares jurat, illarum observantiam juramento promittit (§. 149.). Voluntatem itaque suam servandi easdem declarat (§. 361. *Part. 3. Jur. nat. W.*). Legibus militaribus vero poenas adjici convenit (§. 142.); Et illud actu fieri, hic supponitur (*per hyp.*): Miles itaque, qui in leges militares jurat, promittit, se easdem sub istis poenis servare velle. Leges vero militares a superiore constituuntur (§. 92.); Si itaque illis poenae adjiciuntur, superior etiam easdem sub his servari vult. Miles itaque, qui in leges militares jurat, idem vult, quod superior. Quare cum is, qui vult, ut hoc fiat, quod fieri vult alter, consentiat (§. 658. *Part. 1. Phil. pract. univ. W.*): Miles, qui in leges militares jurat, consentit etiam in poenas, quae illis statuuntur.

Cum vero miles valide non juret, nisi qui ad militiam obligatur (§. 152.): Hoc etiam supponit, juramentum militare validum esse.

§. 156.

Quare cum facile appareat, nihil fieri contra jus ejus, qui in ali-
 quid consentit, dum illud fit; Injuria vero non fiat alicui, si nihil aga-
 tur contra jus ipsius (§. 859. *Part. 1. Jur. nat. W.*): *Militi, qui in leges*
militares juravit, injuria non fit, si vel gravissima pena, illis statuta, ipsi
infligatur. *injuriam*
renouet.

Non tamen quis hinc concludat, ei, qui in leges militares non juravit, injuriam fieri, si poenae iisdem constitutae ei infligantur. Cum enim jam absque juramento obligatio militum addit (§. 151.), & ad observantiam legum militarium obligentur milites (§. 137.); Transgressioni vero harum poenae addi possint (§. 142.): Contra jus perfectum eorum nihil agitur, si poenis istis afficiantur in casu transgressionis; Adeoque nec illis injuria fit. Ut vero hoc eo magis sibi persuadeant milites, juramento adstringi solent (dem. §. 143.).

§. 157.

Milites obligantur ad bellum gerendum, adeoque ea omnia, quæ ad bellum gerendum necessaria sunt.

Milites enim dicuntur, qui ad bellum gerendum adhibentur (§. 14.); Adeoque per eosdem auctor belli illud gerit (§. 9.); Nec bellum geri potest absque iisdem (§. 17.). Neceffe itaque est, ut illud gerant. Et cum bellum geri non posset, nisi milites ea omnia faciant, quæ ad illud gerendum necessaria sunt (*Quod per se intelligitur*): Neceffe etiam est, ut ea faciant (§. 279. *Ontol. WOLF*). Quare cum in necessitate morali obligatio consistat (§. 118. *Part. 1. Phil. præct. univ. W.*): Patet, quod milites tam ad bellum gerendum obligentur, quam omnia ea facere debeant, quæ ad bellum gerendum necessaria sunt.

Cum militia omnes obligationes militares comprehendat (§. 130.): Si milites omnia faciant, quæ ad bellum gerendum requiruntur, idem est, ac si militiam præstent. Quare cum militiae præstatio sit obligatio eorum generalis (§. 131.): Facile apparet, in eo hanc consistere, ut omnia faciant, quibus ad bellum gerendum opus est.

§. 158.

ad vim hosti inferendam, Cum itaque bello vis inferenda sit alteri, cum quo geritur (§. 1.), hoc est, hosti (§. 11.); Hæc vero præsertim per milites inferatur (§. 15.); *Milites obligantur ad vim hosti inferendam, adeoque ad ea omnia, quæ ad illud, ut vis inferatur, necessaria sunt.*

§. 159.

ad pugnandum cum hoste, Quare cum vim hosti resistenti inferre, pugnare vel dimicare cum eodem dicatur (*per def.*); Milites vero ad vim hosti inferendam obligentur (§. 158.); *Milites ad pugnandum sive dimicandum cum hoste obligantur.*

§. 160.

ad vim hostis arcendam, Milites etiam obligantur, ad vim hostis arcendam, adeoque ad ea faciendam, quæ ad illud, ut vis hostis arceatur, faciunt.

Cum enim bellum semper inter duos geratur (§. 7.); Adeoque in bello semper adsit unus, qui resistit ei, qui jus suum vi persequitur (§. 4.): In bello ab utraque parte vis inferitur. Alter vero, cum quo bellum geritur, hostis dicitur (§. 11.): I hostis itaque uti ipsi vis inferitur, ita vim mutuam inferre studet. Vi vero, quæ ab hoste inferitur, impeditur, quo minus eidem vis inferri possit. Ad vim itaque hosti inferendam necesse est, ut vis ejusdem arceatur. Quare cum milites obligentur

tur ad ea omnia, quæ ad vim hosti inferendam necessaria sunt (§. 158): Obligantur etiam ad vim hostis arcendam.

§. 161.

Quare cum ad vim hostis arcendam faciat, si eidem resistatur (*per ad resistendum*); Ad vim hostis vero arcendam obligentur milites (§. 160.): *Militum hosti. tes etiam ad resistendum hosti obligantur.*

Hæ quidem sunt obligationes militum maxime generales, ex quibus deinde deducuntur speciales.

§. 162.

Actiones, quæ faciunt ad vim hosti inferendam, & vim ejusdem *Ministerii* repellendam sive arcendam, uno nomine *Ministerium belli* vocantur. *belli def-*
nitio.

§. 163.

Quare cum milites tam ad vim hosti inferendam (§. 158), quam *Ad illud* ad vim ejusdem arcendam, & ad omnia, quæ ideo necessaria sunt, obli-*obligantur* gentur (§. 160.); In eo autem ministerium belli consistat (§. 162.): *Milit. milites, tes ad ministerium belli obligantur.*

§. 164.

Milites ministerium belli addiscere & eidem assuescere debent.

Milites enim ad ministerium belli obligantur (§. 163.): Notum itaque *illud ad-*
discere de-
illis esse debet, quid ad illud requiratur. Quare cum si quid notum *bent,*
studio nobis faciamus, quod ignoramus, addiscere illud dicamur (*per def*): Patet, quod milites ministerium belli addiscere debeant. *Q. e. u.*

Cum vero ministerium belli omnes illas actiones contineat, quæ ad vim hosti inferendam, vel ejus arcendam faciunt (§. 162.): Necessè est, ut milites actiones illas possint exercere, quoties iis opus est. Promittitudinem itaque agendi ea, quæ ministerium belli requirit, habere debent. Promittitudo habendi vero habitus dicitur (§. 428. *Psych. emp. W.*); Et qui habitum alicujus rei habet, eidem assuefactus dicitur (*per def.*). Patet itaque etiam, quod milites ministerio belli assuescere debeant. *Q. e. a.*

§. 165.

Quare cum habitus non nisi exercitio acquiratur (§. 430. *loc. cit.*); *ad exerci-*
Milites vero ministerio belli assuescere; adeoque habitum circa illud ha-*bitum illius*
bere debeant (§. 164.): *Milites ad exercitium functionum, quas ministe-*
obligantur.
rium belli requirit, obligantur.

§. 166.

Functio- *Functiones*, quas ministerium belli requirit, *bellicæ* vocantur. Ut
num belli- adeo sint actiones, quæ faciunt ad vim hosti inferendam, vel ejusdem
carum de- arcendam (§. 162.).
functio.

§. 167.

Milites ad Quare cum *milites* ad ministerium belli obligantur (§. 163.): *Obli-*
eas obli- *gantur etiam ad functiones bellicas.*
gantur,

Hinc apparet, functiones bellicas ad officia militaria pertinere. Fun-
 ctiones enim bellicæ actiones militum sunt (§. 166.), ad quas obligantur
 (§. hoc). Actiones vero militum, quatenus ad eas obligantur, officia mi-
 litaria dicuntur (§. 139.). • De functionibus itaque bellicis idem valet,
 quod de officiis militaribus demonstratur.

§. 168.

omni dili- *Milites ad omnem diligentiam in præstatione officiorum suorum, sive*
gentia ob- *functionum bellicarum adhibendam obligantur.*
undis,

Cum enim actiones militum, quatenus ad eas ita determinandas ob-
 ligantur, officia eorum dicantur (§. 139.): Si officiis suis fungantur, seu
 quod perinde est, functiones bellicas obeant (*schol. ad §. 167.*), obliga-
 tionibus suis satisfaciunt. Ut itaque obligationibus suis satisfaciant, of-
 ficia sua & functiones bellicas præstare tenentur. Quare cum id, pro-
 pter quod quis agit, finis (§. 932. *Ontol. W.*): Id vero, quod adhibetur
 ad finem consequendum, medium dicatur (§. 937. *I. c.*): Officia milita-
 ria, sive functiones belli se habent per modum medii ad satisfaciendum
 obligationibus suis, adeoque hoc fine præstari debent. In commissio-
 ne vero omnium eorum, quæ certo fine fieri debent, diligentia confi-
 sit (§. 731. *Part. 1. Phil. pr. intro. W.*). Quare cum mediorum cum fine
 nexus indissolubilis sit (§. 941. *Ontol.*); Adeoque is, qui obligatur ad fi-
 nem, obligetur etiam ad media, sine quibus illo potiri non datur:
 Milites ad omnem diligentiam in officiis suis fungendis, sive functioni-
 bus bellicis obeundis obligantur.

§. 169.

in exerci- *Milites vel pacis tempore in continuo exercitio functionum bellica-*
tio earum *rum, quantum potest, retinendi sunt.*
retinendi.

Si enim vel pacis tempore milites alantur, illud tamen sit in usum &
 casum belli futuri (§. 28.). Licet itaque actu vis hosti inferenda, vel vis
 ejusdem repellenda non sit, evenire tamen potest, ut eo opus sit. Quo-
 niam itaque functiones bellicæ eo tendunt (§. 166.): Milites vel pacis

tem

tempore habitum habere debent eas exercendi. Quare cum habitus usu, sive continuo exercitio conservetur, (§. 431. *Psych. emp. W.*), eo vero intermisso amittatur (§. 432. *ib.*): Patet, quod milites vel pacis tempore in continuo exercitio functionum bellicarum, quantum datur, retinendi sint.

Fieri itaque etiam solet, ut præter exercitia militaria, quæ dicuntur, etiam ad excubias & custodias agendas æque ac tempore belli adhibeantur.

§. 170.

Milites adeo vel pacis tempore ad functiones bellicas ita exacte ob-
eundas obligantur, ac si bellum actu geratur, seu hostis adisset. *in pace etiam exacte ex-*
er-
cenda.

Cum enim milites ad omnem diligentiam in obeundis functionibus bellicis adhibendam obligentur (§. 165.): Illas exacte præstare debent. Cum vero milites etiam pacis tempore in exercitio earum retineri debeant (§. 169.); Idque fiat in usum belli (*per dem. ib.*): Tempore pacis etiam ille ita debent præstari, uti in bello requiruntur. Quare cum functiones bellicæ exacte debeant præstari (*per dem.*): Hoc etiam pacis tempore fieri debet.

§. 171.

Ministerium belli operas requirit.

Ministerium enim belli consistit in actionibus, quæ ad vim inferendam & repellendam faciunt (§. 162.). Vim vero corpore inferri constat. Quare cum actiones, quæ corpore perficiuntur, operæ vocentur (*per def.*): Ministerium belli operas requirere apparet. *Ministe-*
rium belli
operas re-
quiris.

§. 172.

Operæ, quas ministerium belli requirit, militares dicuntur.

Cum functiones bellicæ itidem sint actiones, quæ ministerium belli requirit (§. 166.): Illæ cum operis militaribus eadem sunt. Cum vero utraque denominatio occurrere solet, & pro diversa relatione hæc vel illa aptior sit: Utrumque etiam definire visum fuit, ne circa ullam hæsitemus. *Operarum*
militarium
definitio.

§. 173.

Quare cum milites ad ministerium belli obligentur (§. 163.): *Obligantur etiam ad operas militares.* *Milites ad*
eas obli-
gantur,

§. 174.

Milites in bello gerendo alia facere non possunt, quam quæ auctor belli ad illud gerendum necessaria iudicat & fieri vult. *iudicio au-*
ctoris belli
adstrim-
gantur

Milites enim ad omnia obligantur, quæ ad bellum gerendum necessaria sunt (§. 157.). Judicium autem de necessitate eorum, sine quibus jus suum obtinere nequit, auctori belli relinquitur (§. 783. *Jur. gent. W.*): In faciendis itaque iis, quæ ad bellum gerendum necessaria sunt, ad judicium ejusdem adstringuntur milites, neque in iis suum judicium sequi possunt. Quare cum is, qui ad judicium alterius adstringitur, alia facere non possit, quam quæ hic necessaria judicat & fieri vult: Milites etiam in bello gerendo alia facere non possunt, quam quæ auctor belli necessaria judicat & fieri vult.

§. 175.

Et ad voluntatem ejusdem,

Milites actiones suas ad voluntatem auctoris belli, sive superioris in civitate, componere obligantur.

Milites enim ad servandas leges militares obligantur (§. 137.); Hæ vero a superiore in civitate feruntur (§. 92.). Et cum positivæ sint (§. 93.): Voluntate ejus nituntur (§. 147. *Part. 1. Phil. pract. univ. W.*). Legibus vero militaribus actiones militum, qua talium, determinantur (§. 87.). Actiones itaque militum voluntate superioris determinantur. Quare cum milites ad leges militares servandas obligentur (§. 137.); Auctor belli publici, de quo hic agitur, (*schol. ad §. 7.*) vero sit superior in civitate (§. 10.): Milites actiones suas ad voluntatem ejusdem componere debere, facile intelligitur.

§. 176.

sunt in imperio auctoris belli,

Milites itaque, qua tales, sunt in imperio auctoris belli sive superioris in civitate.

Cum enim milites actiones suas secundum voluntatem superioris sive auctoris belli determinare obligentur (§. 175.): Huic competat jus actiones illorum pro lubitu determinandi, necesse est (§. 23. *Part. 1. Jur. nat. W.*). Jus vero actiones liberas alterius pro lubitu determinandi imperium dicitur (§. 194. *Part. 7. loc. cit.*): Hinc patet, quod milites sunt in imperio auctoris belli sive superioris.

§. 177.

subjecti

sunt eidem,

Quare cum is, qui in imperio alterius est, eidem subiectus sit (§. 201. *Part. 7. Jur. nat. WOLF*): *Milites, qua tales, subiecti sunt auctori belli sive superiori in civitate.*

§. 178.

§. 178.

Et quoniam is, qui subiectus est alteri, eidem parere sive obedire *ad obedientiam* tenetur (§. 206. l. c.): *Milites in specie, qua tales, ad parendum sive obedientiam ei obligantur.*

Datur equidem jam alia obligatio militum, qua civium, ad parendum superiori. Cum vero obligationes militum, quæ ex eo fluunt, quod cives sint, militares non sunt (§. 125): Hic in specie demonstrandum fuit, quod etiam, qua tales, ad illud obligentur, ut nimirum exinde aliæ obligationes, militares deduci possint.

§. 179.

Milites speciei cuiusdam servitutis, imperfectæ scilicet, subsunt. *Servituti cuiusdam subsunt.*

Milites enim operas, militares nempe, auctori belli sive superiori præstare obligantur (§. 173), eique subiecti sunt (§. 177.). Quare cum subiectio, qua quis operas alicui præstare obligatur, servitus dicatur (§. 1080. Part. 7. Jur. nat. W.): Patet, quod milites servituti cuiusdam subsint. *Q. c. 1.*

Cum vero milites non nisi operas militares præstare obligentur (*per hyp.* §. 173.): Operæ eorum determinatæ sunt. Et cum milites etiam ad tempus fieri possint (§. 54.): Nec perpetuo semper debentur. Si vero operæ non nisi certæ, aut non perpetuo debeantur, servitus imperfecta dicitur (§. 1083. loc. cit.). Hinc simul apparet, servitutem illam non nisi imperfectam esse. *Q. c. 2.*

Alium fontem servitutis militum, dum nempe libertatem suam pro certa pecunia vendant, indicat *per illustres* L. B. de WOLF in *sebolio* ad § 765. *Jur. gent.*

§. 180.

Cum itaque milites speciei servitutis subsint (§. 179.), & quidem *Servitia* propterea, quod operas certas, militares nempe, præstare debeant (*per militaria dem. l. c.*): *Operæ militares servitia etiam militaria vocari possunt, utique dicantur,*

§. 181.

Et cum operæ militares cum functionibus bellicis eadem sint (*sub. ad §. 172.*); Hæ vero dicantur functiones, quas ministerium belli requirit (§. 166.), & sint actiones, quæ faciunt ad vim hosti inferendam, vel ejusdem arcendam (*ibid.*): *Servitia militaria cum functionibus bellicis eadem sunt,* adeoque & actiones sunt, quæ ad vim hosti inferendam & ejusdem arcendam faciunt.

§. 182.

§. 182.

*ad ea obli-
gantur mi-
lites.*

Quoniam igitur milites tam ad functiones bellicas (§. 167.), quam ad operas militares præstandas obligantur (§. 173.); Servitia vero militaria cum illis aque (§. 181.), quam his eadem sunt (§. 180.): *Milites etiam ad præstanda servitia militaria obligantur.*

§. 183.

*Imperii
militaris
definitio.*

Imperium, cui milites, qua tales, subsunt (§. 176.), sive, quod in milites, qua tales, competit, *militare* dicitur.

§. 184.

*Cuiusnam
competat.*

Quare cum milites sint in imperio auctoris belli sive superioris in civitate (§. cit.): *Auctori belli sive superiori imperium militare quidem competit.* Cum vero illud, quemadmodum & jus conscribend^{um}, ipsemet in singulos exercere non possit (§. 30.): *Necesse est, ut exercitum illius aliis committat.*

§. 185.

*Præfecto-
rum mili-
tum, s. offi-
cialium de-
finitio.*

Ii, per quos auctor belli, sive superior in civitate, imperium militare exercet, seu quibus exercitum imperii militaris ab eodem committum est, *Præfecti militum*, seu *officiales* vocantur (§. 612. *Jur. gent.* WOLF.).

Loco quidem citato definitio aliter paululum formatur, nempe quod præfecti militum sint personæ, quibus a potestate summa certum imperium in milites tributum & certæ functiones bellicæ demandatæ sunt. Quoad essentialia tamen utramque convenire, facile apparet. Et illam modo ita potius determinare duxi, ut demonstrationi reliquorum aptior evaderet.

§. 186.

*Ipsi milites
sunt.*

Præfecti militum seu officiales ipsimet milites sunt.

Ad bellum enim gerendum opus est, ut milites actiones suas ad voluntatem superioris componant (§. 175). Eoque nomine huic imperium in eos competit (§. 176.). Imperium vero illud aliis committi debet (§. 184.), qui præfecti militum seu officiales dicuntur (§. 185.). Præfectos itaque militum ad bellum gerendum necessarios esse, & adhiberi, facile apparet. Quare cum ii, qui ad bellum gerendum adhibentur, milites dicantur (§. 14.): *Præfecti militum sive officiales ipsimet milites sunt.*

Cum præfecti militum, seu officiales, militibus præesse dicantur, adeoque ab his quasi distinguantur: Dubium videri posset, an & militum nomine veniant. Cum vero intersit scire, an etiam obligationibus illis teneantur

neantur & juribus iisdem fruantur, quibus milites in genere: Thesis hanc addere, opus visum fuit, ut intelligatur, ea, quæ de militibus in genere demonstrantur, præfectis etiam eorum tribuenda esse.

§. 187.

Milites in certas classes distribuendi sunt.

Cum enim milites ad bellum, publicum nempe, gerendum, adhi-
beantur (§. 14.); Ad hoc vero opus sit multis hominibus (§. 13.): Vel
ex eo apparet, quod milites ad magnum sæpe numerum excurrere de-
beant; Et quod actu excurrant, per se notum est. Unum itaque vel
pauciores in singulos imperium exercere non posse, sed plures consti-
tui debere præfectos, facile intelligitur, qui imperium in certum quen-
dam militum numerum exerceant. Certus itaque militum numerus
cuiilibet præfecto assignari debet. Quare cum per hoc classes militum
constituantur: Patet, quod milites in certas classes distribuendi sint.

Classes, in quas apud Romanos milites distribuebantur, hinc etiam nu-
meri vocabantur. Unde in numerum referri idem est, ac certæ cuidam
classi assignari. Uti hoc plenius evincit & eos, qui hanc locutionem pro
relatione in breviculum, a qua militia incipiat, sumunt, reprehendit
Dn. de LUDEWIG in Diss. de Differentiis juris rom. & germ. in re
militari, Diss. 4. nota (a) pag. 23. seqq.

§. 188.

Infima militum classis, sive numerus militum minimus, qui
unius imperio committi solent, *Manipulus*; Classis vero tot militum,
quot commode una in acie dimicant, si pedites sint, *Agmen*; Si equi-
tes, *Turma*; Agminum seu turmarum aliquot, unius imperio subdito-
rum, *Cohors*; Cohortium vero aliquot *Legio* vocari solent.

Inter nos hodie manipulus, *eine Compagnie*; Agmen, *ein Bataillon*;
Turma, eine Esquadron; Cohors, *ein Regiment*; Legio, *eine Brigade*, dici
solet. In hac denominatione vero non omnes iidem sunt. Alii enim,
quod nobis agmen dicitur, cohortem; quod cohors, legionem, & quod
legio, agmen sive manum delectorum nominant, uti vir illustis J. O. G. E. O.
ESTOR in Diss. de Jure ordinum imperii decorandi bonoribus milit. §.
102. p. 45. Cum vero hæ denominationes a statu militiæ romanæ de-
sumantur; Legio vero romana tantæ fuerit multitudinis, quanta cohorti-
bus nostris non convenit, & ad plures myriades sæpe excurrerit (§. 37.
1. cit.), imo ex 10. cohortibus constiterit (§. 36. ib.): Denominationem
quam dedi, statui nostro, licet adæquata non sit, melius tamen convenire
dixi. Monuir hoc quoad legionem, etiam BENJ. HEDERICH in
Promt. Latinit. voce *Regiment* in fine. Sic & romani exercitus pede-
stris partes erant legio, cohortes & manipuli (ESTOR loco cit. §. 12.
pag. 6.).

Jur mil. nat.

I

Mirari

Mirari quis posset, cur in jure militari de divisionibus exercitus solliciti simus. Ex §. vero sequenti statim apparebit, iis ad notiones praefectorum militum determinandas; uti hisce ad subordinationem militum suo loco eruendam opus fuisse.

Nec est, quod haec potius capite primo, quo de constitutione militum actum fuit, tradenda fuisse, quis purer, quam hic, ubi de obligationibus eorum jam agitur. Supponunt enim notionem praefectorum, & haec illam imperii militaris. De hoc vero prius agi non licuit, quam ubi jam quaedam obligationes militares demonstratae fuerunt (§. 176.). Docendi vero methodus exigit, ut quævis non tradatur, nisi ubi praemissa fuerint ea, quæ ad illorum intellectum & demonstrationem faciunt.

§. 189.

Centurio Praefectus militum, qui manipulo praest, *Centurio*; Qui toti cohorti, sive equestri, sive pedestri, *Tribunus*; Cui vero imperium in legionem unam vel plures committitur, *Dux belli* sive stilo romano *Legati definiti* vocari poterit.

tio.

Ita etiam apud Romanos præter imperatorem sive ducem, summum scilicet, legari in secundo, tribuni in tertio, & centuriones in quarto ordine praefectorum militum constituti erant (ESTOR loci cit. §. 12. p. 6.). Manipulus olim equidem ex ducentis militibus constabat, adeoque duas centurias continebat (§. 36. p. 17. l. c.). Centuriæ praefectus itaque centurio vocabatur. Cum vero hodie classes, in quas agmina sive cohortes dividuntur, hoc est, manipuli, plerumque circiter centum homines, plures aut pauciores, comprehendere soleant; eorum praefectos etiam centuriones vocari solevit.

§. 190.

Exercitus definitio. Milites gentis cujusdam in universum summi, vel etiam multitudo militum ad bellum quoddam actu inferendum, sive expeditionem quandam bellicam, destinata, *Exercitus* dicitur.

§. 191.

Ex quibus partibus constat, Cum milites in classes distribuendi sint (§. 187.); Classes vero militum per manipulos, cohortes & legiones constituantur (§. 188.); *Exercitus ex legionibus, cohortibus & manipulis constare debeat* (§. 190.).

§. 192.

ex quot militibus. *Exercitus tot militibus constare debet, quos ad vim hosti inferendam, vel ejusdem arcendam necessarii sunt.*

Cum enim per milites auctor belli vim hosti inferre (§. 15.), seu vim ejusdem arcere studeat (§. 160.): Tot milites necessarios esse, quot huic fini consequendo sufficiunt, facile apparet. Absque mediis enim sufficienti-

ficientibus sine potiri non datur (§. 70. *Ontol. W.*). Quare cum exercitus milites illos, ad bellum, adeoque & vim, inferendum, vel arcendum destinatus contineat (§. 190.): Patet, quod tot militibus constare debeat, quot ad vim inferendam, vel arcendam necessarii sunt.

Jure itaque naturali exercitui certus numerus militum assignari nequit, sed quævis multitudo eorum ad bellum actu inferendum destinata hoc nomen meretur, licet ad tantum numerum non excurrat, quantus exercitus denominatione dignus videatur. *ULPIANUS* vero effatur, exercitum non unam cohortem, neque unam alam dici, sed numeros multos milites (l. 1. §. 2. ff. de His, qui not. inf.). Et exercitus ingenti sæpe numero constare, in vulgus notum est. Cujus peculiare exemplum exhibet exercitus ille Xerxis, quo universæ Europæ bellum meditabatur, qui memorante *CORN. NÉPOTE* in *Themistocle* undecies centum millia militum continebat (§. 5. *cap. 2.*). Exemplum exercituum romanorum numeroforum refert de *LUDEWIG* in *Diff. de Differ. jur. rom. & germ. in re milit.* §. 1. nota (a) pag. 2. & seq.

§. 193.

Præfectus militum, cui imperium in integrum aliquem exercitum *Ducis* sum-
tributum est, seu, qui toti exercitui præest, *summus belli dux* dici mi-
solet. definitio.

Apud Romanos, qui toti exercitui præerat, Imperator dicebatur
(*ESTOR* loco §. 188. cit. §. 12. pag. 6).

§. 194.

Cum legio pluribus cohortibus constet (§. 188.); Præfecti legioni *Ducum*
vero sive legati *Duces* belli dicantur (§. 189.): *Duces* belli magnæ exer-
citus parti præfunt. Inter illos vero etiam Ducem summum numeran-
dum esse, facile apparet. Quare cum huic imperium in totum exer-
citurum competat (§. 193.): *Duces belli in genere, comprehenso duce summo,*
definiri poterunt per præfectos militum, quibus imperium in totum exer-
citurum vel magnam ejus partem tributum est (§. 612. *Jur. gent. WOLF.*). belli in genere definitio.

§. 195.

Milites, qui pedibus militant, *Pedites*; Qui equo merentur, *E. Peditum*
equites dicuntur. E. Peditum & equitum definitio.

Sunt & aliæ denominationes militum, quæ a circumstantiis specialibus,
sub quibus militant, desumuntur. Ita a loco, *terrestres*, vel *navales*;
Ab armis, *velites*, *bastati*, *spiculatores*, *funditores*, reliqua, jam olim
nominati fuerunt (*ESTOR* loco cit. §. 27.). Quoniam vero hæc ad in-
stitutum nostrum non faciunt: Iis explicandis non inhæremus.

§. 196.

Defultoriorum f. Dimacharum definitio.

Licet vero equites vel maxime equo militent (§. 195.): Inter ipsos tamen dantur, qui urgente necessitate, ex equo descendere, seu ad pedes defilire debent (*per hyp. & exp.*). Unde *equites*, qui necessitate exigente, pedibus militare debent *defultorii*, sive græco vocabulo *Dimachæ* vocantur.

Hanc militum speciem propterea curatius definiendam duxi, ut iudicari possit, an ad equites vel pedites referendi sint. Cum enim species equitum, eorum nempe, qui necessitate iubente vel pedibus militare debent, dicuntur: Species vero sub genere comprehendantur: Facile apparet, eosdem ad equites referri, adeoque si his iura pecularia præ pedibus competant, etiam iisdem illos frui debere. Ceterum facile apparet, cum equites alioquin gravi armatura instructi esse soleant, hæc vero iis, qui pedibus dimicant, non conveniat, quod dimachæ leviori armatura instrui debeant.

§. 197.

Peditatus & equitatus definitio.

Milites, qui in exercitu pedibus militant, sive pedites, universim sumti, *Peditatus*; Qui equis merentur, sive equites, *Equitatus* vocantur.

§. 198.

Magistri equitum, peditum & militum definitio.

Dux belli, sive legatus, qui equitatu præest, *Magister equitum*; Qui peditatu, *Magister peditum*; Et uterque communi nomine *Magistri militum* dicuntur (ESTOR loco §. 188. cit. §. 16. p. 8.).

Patrio vel gallico potius idiomate *Generals der Cavallerie und Infanterie* dicuntur.

§. 199.

Gradus præfectorum militum.

Dantur gradus præfectorum militum.

Classes enim, in quas milites dividuntur, inter se differunt, & una pauciores, altera plures milites comprehendit (§. 188.). Singulis vero præfecti militum præfunt (§. 189.). Licet itaque præfecti militum in eo conveniant, ut omnibus imperium militare competat (§. 185.): In eo tamen differunt, quod illud vel in classem superiorem vel inferiorem, sive milites plures, aut pauciores, exerceant. Quare cum gradus dicatur id, quo qualitates eadem salva identitate differre possunt, sive gradus sit discrimen internum qualitatum earundem, scilicet, quod salva identitate in easdem cadit (§. 746 *Ontol. WOLF.*): Patet, quod dari debeant gradus præfectorum militum.

§. 200.

§. 200.

Præfæcti militum, qui paucioribus militibus, seu classi inferiori, præfæcti præfunt, *minores*; Qui pluribus, seu classi superiori, *maiores* dicuntur.

Præfæctorum minorum gymnasiorum gradus.

§. 201.

Præfæcti militum minores imperio majorum subesse debent.

Classes enim militum, quibus præfæcti majores præfunt, subseprehendunt classes inferiores (§. 188.). Classes vero inferiores æque præfæctos suos habent (§. 189.), qui respectu majorum minores dicuntur (§. 200.). Præfæcti itaque majores, dum classibus superioribus præfunt, imperium simul in classes inferiores exercent (§. 185.). Exercere vero illud non possent, nisi & harum præfæcti, qui minores dicuntur, simul imperio illorum subsint. Fieri enim tunc posset, ut hi aliud imperent, quam illi. Necessè itaque est, ut præfæcti minores majoribus subsint.

Minores majoribus subsint.

§. 202.

In quo plures milites imperium militare præfæctis competit, eo digniores seu eminentiores sunt.

Qui digniores sunt.

Dignitas enim alicujus ex amplitudine potestatis, qua pollet, aestimari solet. Ampliore vero potestate sine dubio pollet, qui in plures, quam qui in pauciores imperium habet. In casu enim priori plures actiones suas ad ejus voluntatem componere obligantur, quam in posteriori (§. 194. *Part. 7. Jur. nat. WOLF.*). Patet itaque, quod quo plures milites præfæctis subsint, eo digniores sive eminentiores hi esse debeant.

§. 203.

Quare cum dux belli summus toti exercitui (§. 193.); Duces vero *Quinque* in five legati hujus saltem parti (§. 194.); Tribuni vero & centuriones *specie* parti adhuc minori præfint (§. 189.); *Dux belli summus inter præfæctos militum eminentissimus est*; Legati vero tribunis, & hi centurionibus digniores sive eminentiores sunt.

§. 204.

Simili modo cum centuriones in pauciores milites imperium habeant, quam tribuni, hi in pauciores, quam legati (§. 189.), & hi iterum in pauciores, quam summus belli dux (§. 193.); Præfæcti vero militum, qui paucioribus militibus, quam alii præfunt, minores; hi vero majores dicantur (§. 200.): *Centuriones minores sunt tribunis, hi legatis,*

Quinque minores vel majores.

Et hi duci summo: Dux summus vero major est legatis, hi majores sunt tribunis, & hi centurionibus.

§. 205.

Quinam a- Et cum porro præfecti militum minores imperio majorum sub-
lius subfin- esse debeant (§. 201.): Centuriones imperio tribunorum, hi ducum, & hi
imperio ducis summi subsunt.

§. 206.

*Præfecti
centurione
minores.*

Dari debent præfecti militum centurione adhuc minores.
Fieri enim potest, ut minor numerus militum manipulo ad expeditionem quandam requiratur (*per hyp. & exp.*). Quare cum centurioni imperium in manipulum competat (§. 189.): Ut ipse imperium tam paucorum suscipiat, non convenit. Cum tamen neque illi, neque reliqui, ex manipulo residui, absque imperio esse possint (§. 174.): Adesse debent alii, quibus imperium in pauciores manipulo milites committi possit. Et cum hi præfecti minores dicantur (§. 200.): Patet, quod dari debeant præfecti militum centurione minores.

§. 207.

Quinam illi sint.

Quare cum in quovis manipulo ultra centurionis legatum (qui & optio vocari solet), & signiferum, alii etiam constituti sint, quibus certa negotia curanda committuntur, uti centuriae instructores, *Sergeanten*, qui in equitatu vigiliarum præfecti, *Wachtmeister*, dici solent; Designatores, *Fourters*, Decuriones, *Corporals*, & alii (*per hyp.*): Iisdem in milites manipulo minores, & quidem in partem manipuli majorem, centurionis legato sive signifero; in minorem vero, ultra tamen decem, instructoribus & designatoribus; in decem vel pauciores milites decurionibus imperium committi solet.

Officia eorum in specie refert vir excell. Dn. ESTOR loco sapienter cit.
§. 148. & seqq. Quæ vero hujus loci non sunt.

§. 208.

*Quinam
subpræfecti
vocentur.*

Cum itaque instructoribus, designatoribus & decurionibus imperium in milites, licet pauciores, committatur (§. 207.); In genere vero ii, quibus imperium militare exercendum committitur, præfecti militum dicantur (§. 185.): *Instructores, designatores & decuriones ad præfectos militum, seu officiales referendi sunt.* Cum vero imperium eorum in pauciores saltem milites extendatur (§. 207.): *Officiales inferiores sive subpræfecti, Unterofficiers, dici solent (per hyp.).* Qui adeo definiti

finiri possent per præfectos militum, quibus in manipuli partem minorem imperium militare committi solet.

§. 209.

Præfecti militum, quibus in plures milites imperium committitur, a *Præfecto* signifero usque, *Præfecti*, sive *Officiales superiores*, *Oberofficiers*, vocari solent (per hyp.). Qui adeo definiri poterunt per eos, quibus imperium in plures milites & majorem saltem manipuli partem committitur. *Præfecti* *superiorum definitio.*

§. 210.

Tribuni, eorumque legati cum supremo vigiliarum præfecto *Præfectu-Præfecti cohortis præcipui*, *Stabs-officiers*, dici solent. Cum itaque hira cohortis quidem in cohorte constituantur, non vero in manipulos distribuantur, sed illis in universum sumtis, adeoque toti cohorti prælint (per hyp.): Definire eos licebit, per præfectos militum superiores in cohorte constitutos, in manipulos vero non distributos, sed toti cohorti inservientes. Et cum in genere personæ in cohorte constitutæ, manipulis vero non adscriptæ, sed cohorti in genere inservientes, in universum sumtæ, *Præfectura cohortis* seu potius *præcipuum cohortis*, *der Regimentsstab* dicatur (per hyp.). *Præfecti cohortis præcipui ad illam sive hoc referendi sunt.*

Non enim soli præfecti cohortis præcipui præfecturam sive præcipuum cohortis efficiunt, sed dantur etiam in cohorte alia personæ, quæ eo referuntur, uti concionator castrensis, auditor, metator cohortis, adjutor, chirurgus cohortis, imo & commentariensis, ejusque servus & alii. Cum vero propter diversitatem harum personarum maximam, præcipuum cohortis distingui soleat in superius & inferius, imo & medium (per hyp.): Convenit, ut præcipuum non nisi superius, utpote quod solos præfectos præcipuos complectitur, præfectura cohortis dicatur. Vocabulum enim aliud invenire non licuit, quo germanicam illud, *Regimentsstab*, convenientius indigiteretur.

§. 211.

Duces belli eorumque legati, adeoque & magistri militum (§. 198.), *Officiales* communi nomine *Officiales generales*, *Generalspersonen*, dicuntur. Cum itaque hi in exercitu saltem, non vero in cohorte hac vel illa constituantur (§. 194.): Definiri poterunt per præfectos militum superiores, qui ad cohortem quandam specialem non referuntur, sed exercitui in genere inserviunt. Et cum personæ, quæ in exercitu cohortibus adscriptæ non sunt, sed exercitui in genere inserviant, universum sumtæ, *Præfectura*

fectura exercitus, sive generalis, der Generalstab, dicantur (per hypoth.):
Officiales generales ad praefecturam exercitus referendi sunt.

Praefecturam militum illam denominavit HENR. BROKES in *Diff. de Proc. inq. in jud. milit. usitato* §. 9. Ille vero denominatio magis generi, *dem Stabe*, conveniret, ex quo deinde species, praefectura nempe cohortis & exercitus deducerentur.

§. 212.

Milites imperio praefectorum subsumunt.

Milites sub imperio praefectorum vel infimorum sunt.

Milites enim auctoris belli subsunt (§. 176.); Quare cum imperium hoc, quod auctori belli in milites competit, praefectis eorum committatur (§. 185.): Milites imperio praefectorum subesse, liquet. Cum vero & infimi praefectorum ad eos tamen referendi sint (§. 208.): Apparet, quod infimorum etiam praefectorum imperio milites subsint.

§. 213.

Militis gregarii definitio.

Cum praefecti militum ipsimet milites sint (§. 186.); Praefectis vero imperium in milites competat (§. 185.): Dari milites, quibus imperium in alios competat, appa. et. Cum vero imperium semper alios supponat, in quos competit (§. 194. *Part. 7. Jur. nat. WOLF.*): Necessesse est, dari denique milites, qui nullum imperium in alios habent. *Miles* itaque, qui nullum imperium in alios habet, sed imperio praefectorum vel infimorum subest, *gregarius* dicitur.

§. 214.

Exempti definitio.

Miles gregarius, qui ab excubiis, seu statione eximitur, & alios saltem ad hanc ducit, *Exemptus* vocatur, *ein Gefreyer*.

Cum nunc satis sit, quid per excubias & stationem intelligatur, illud per notiones consulas supponimus, quae hic sufficiunt. Suo loco autem distinctas earum trademus, ubi iisdem ad demonstrationem & intellectum aliorum opus erit.

§. 215.

Eorum conditio.

Cum itaque milites, dum in stationes ducuntur, eatenus exemptorum imperio subijci debeant (*quod per se patet*): *Exemptis imperium quidem temporarium aliquod competit.* Quia vero illud perpetuum non est, sed tandiu saltem ipsis competit, quamdiu alios ducunt, hoc peracto vero iterum cesset (*per hyp.*): *Exempti ad praefectos militum non referuntur.*

§. 216.

Milites ad obedientiam præfectis suis vel infimis præstandam obligantur.

Milites præfectis obedire debent.

Milites enim vi imperii, quod auctori belli competit in ipsos, eidem ad obedientiam obligantur (§. 178.). Auctor vero belli imperium illud per præfectos militum exercet (§. 181.). Quare cum milites imperio præfectorum vel infimorum sublint (§. 212.): Milites etiam ad obedientiam præfectis suis vel infimis præstandam obligari, intelligitur.

Obedientia hic in genere saltem demonstratur. Quousque vero eadem procedat, in sequentibus deducetur.

§. 217.

Milites, dum in stationes ducuntur, exemptis etiam obedire obligantur.

quando & exemptis,

Exemptis enim, dum milites in stationes ducunt, imperium in eodem competit (§. 215.). Milites itaque, dum in stationes ducuntur, imperio exemptorum subsunt. Quare cum ex eo, quod quis imperio alterius sublit, sequatur, ut eidem obediat (*per dem.* §. 216.): Milites etiam, dum in stationem ducuntur, exemptis obedire debent.

Ut melius sentiant milites hanc obligationem, eadem legibus etiam positivis urgeri solet. Sic articulis militaribus patriis §. 10. expresse constitutum est, ut nemo imperio exemptorum resistat. Imo exinde videri posset, ac si vel ipsis præfectis accenserentur. Quod tamen, cum imperium eorum temporarium saltem sit, analogiæ juris non convenire evicimus (§. 215.), uti & observantiæ repugnat.

§. 218.

Imperium præfectorum militum, quantumcunque etiam sit, maxime tamen limitatum est.

superiorum præfectorum limitatum.

Cum enim imperium præfectorum militum & in magnum eorum numerum & vel totum exercitum exerceatur (§. 193. 194.); In genere vero vi ejusdem milites ad obedientiam obligentur (§. 216.): Facile apparet, illud magnum esse & vel maximum fere esse posse. Cum tamen illud ex commissione vel mandato auctoris belli saltem competat (§. 185.); Adeoque ab ejus voluntate dependeat, quantum imperii in quemque præfectum deferre velit: Si vel maximum fere imperium alicui delatum sit, illud tamen semper voluntati superioris convenienter exerceri debet. Imperium itaque militare auctoris belli majus semper manet eo, quod præfectis concessit. Quare cum limitatum dicatur, quo concipi potest majus (§. 825. *Ontol. WOLF.*): Elucet, quod imperium

Jus mil. nat.

K

præ-

præfectorum militum, quantumcunque etiam sit, limitatum tamen dici debeat.

§. 219.

quousque procedat,

Imperium præfectorum militum ultra ministerium bellinon procedit.

Imperium enim militare, quod præfectis militum concessum est, in milites, qua tales, competit (§. 183.): Imperio itaque præfectorum militum subesse nequeunt, quam ea, ad quæ milites, qua tales, obligantur. Obligationes vero militum, qua talium, in eo consistunt, ut faciant, quæ ad bellum gerendum (§. 157.), adeoque vim hosti inferendam (§. 158.), ejusque vim arcendam seu repellendam necessaria sunt (§. 160.): Imperium itaque etiam præfectorum militum ultra has obligationes extendi nequit. Quare cum actiones omnes militum, quæ faciunt ad vim hosti inferendam & ejusdem arcendam, uno nomine ministerium belli vocentur (§. 162.): Imperium præfectorum militum ultra ministerium belli procedere nequit.

§. 220.

*ex quo as-
timandum
sit.*

Imperium præfectorum militum asstimandum est, vel ex voluntate auctoris belli sive superioris in civitate, mandato sive in jure militari expresse declarata, vel ex natura functionis demandatæ, aut officii in legibus descripti.

Imperium enim in genere, adeoque & militare, jus est (§. 194. *Part. 7. Jur. nat. WOLF.*); Auctor vero belli, qui cum rectore civitatis sive superiore idem est (§. 10.), potestas summa (§. 368. *Jur. gent. W.*), & præfecti militum potestates minores in bello sunt (§. 612. *loc. cit.*). Quare cum jus potestatum minorum in bello asstimandum sit vel ex voluntate potestatis summæ sive mandato, sive in jure militari expresse declarata, vel ex natura functionis demandatæ, aut officii in legibus descripti (§. 771. *l. c.*): Quod imperium præfectorum militum inde etiam asstimandum sit, absque opera intelligitur.

§. 221.

*Milites ad
mandata
præfecto-
rum obli-
gantur.*

Milites ad omnia obligantur, quæ ipsis a præfectis suis mandantur, modo ad ministerium belli pertineant, & nisi certo appareat, eadem obligationibus suis contraria esse.

Milites enim imperio præfectorum subsumunt (§. 212.): Adeoque ipsis ad obedientiam obligantur (§. 216.). Qui vero alteri ad obedientiam obligatur, promte facere debet, quod vult alter, qui jus imperandi ha-
bet

bet (§. 1164. *Part. 1. Jur. nat. WOLF.*): Milites itaque etiam promte facere tenentur, quæ fieri volunt præfecti eorum. Si quæ vero alicui ab altero mandantur, sive jubentur, significatur, quid alter ab illo fieri velit (§. 983. *Part. 1. Theol. nat. W.*): Milites itaque ad ea, quæ ipsis a præfectis suis mandantur, obligari, necesse est. *Q. c. 1.*

Obligatio hæc vero deducitur ex imperio præfectorum, cui milites subsunt (*per dem.*). Ad alia itaque extendi nequit, quam ad quæ imperium præfectorum sese extendit. Quare cum imperium præfectorum ultra ministerium belli non procedat (§. 219.): Nec ad alia obligantur milites, quæ ipsis a præfectis suis mandantur, quam quæ ad ministerium belli pertinent. *Q. c. 2.*

Milites porro primario reipublicæ sive superiori obligantur (§. 129.). Et quod etiam obligentur præfectis, id saltem inde est, quod superior præfectis militum imperium in eosdem exercendum commiserit (*per dem. §. 216.*). Quare cum obligatio in necessitate quadam agendi consistat (§. 113. *Part. 1. Phil. pract. univ. W.*); Contrarium vero ejus, quod necessarium est, impossibile sit (§. 279. *Ontol. W.*): Impossibile est, moraliter nempe, ut milites agant, quod obligationibus suis, utpote quibus primario tenentur, contrarium est; Adeoque etiam, ut faciant ea, quæ ipsis a præfectis suis mandantur, si hæc obligationibus suis repugnent. Ad impossibile vero nemo obligari potest (§. 209. *Part. 1. loc. cit.*). Nec adeo milites etiam ad mandata præfectorum obligari possunt, si eadem obligationibus suis adversentur. *Q. c. 3.*

Cum vero milites in iis, quæ ad bellum gerendum faciunt, suum judicium sequi non possint, sed judicio auctoris belli adstricti sint (§. 174.): Neque ea, quæ ipsis a præfectis mandantur, dum hæc ministerium belli concernant (*dem. n. 2.*), judicio illorum committi possunt. Facile itaque apparet, dubium esse non debere, an ea, quæ ipsis mandantur, obligationibus suis, contraria sint, sed certo de eo constare, si ad eadem obligari non debeant. *Q. c. 4.*

Hinc etiam in articulis militaribus plerisque, ut & Hassiacis §. 10., obsequium militare ad res imperii militaris, *das Commando* sive *den Dienst*, restringitur. Levia tamen etiam extra ministerium belli militibus mandari posse conceditur Jure militari Brandenburgico §. 24. *tit. 4.*

Peculiarem *de mandatis ducum militarium* dissertationem inscripsit PET. MÜLLER, quæ recusa prodiit Jenæ 1744.

§. 222.

*ad ea, quæ
præcipiun-
tur vel ve-
tantur,*

Cum ea, quæ mandantur, vel in faciendo, vel non faciendo consistere possint (*quod per se patet*); Ea vero, quæ mandantur, ut fiant, hoc est, jubentur ab eo, qui alterum obligare potest, præcipi (§. 984. Part. 1. Theol. nat. W.), & quæ mandantur, ut non fiant, hoc est, vetantur ab eo, qui alterum obligare potest, prohiberi dicantur (§. 985. l. c.): *Militer tam ad ea, quæ ipsis a præfectis suis præcipiuntur, facienda, quam ad ea, quæ vetantur, non facienda obligantur.*

Cum jussus in genere sit significatio voluntatis suæ de eo, quod ab altero fieri debet (§. 983. loc. cit.); Jussus ejus vero, qui habet jus alterum obligandi, præceptum dicatur (§. 984 l. c.); Mandatum autem hic supponat jus alterum obligandi (§. 221.); Adeoque si mandetur, ut quid fiat, jubeatur quid ab eo, qui jus alterum obligandi habet: Facile apparet, mandatum de aliquo faciendo præceptum esse. Et contraria ratione. Cum vetatio sit significatio voluntatis de eo, quod ab altero fieri non debet (§. 985. l. c.); Et vetatio ejus, qui jus habet alterum obligandi, prohibitio dicatur (*ibid.*): Si mandetur, ut quid fieri non debeat, illud prohiberi, similiter intelligitur. Mandatum itaque tam præceptum, quam prohibitionem comprehendit, & prout aliquid fieri vel non fieri debet, illud vel hæc est, ita ut definiri possit, quod sit jussus vel vetatio ejus, qui alterum obligandi jus habet. Hoc ideo monere opus duxi, quia mandati vocabulum in alio plane significatu sumi fuerit, pro illo nempe contractu benefico, quo alteri quid nostro nomine faciendum committitur, & ab eo gratis suscipitur (§. 640. Part. 4 Jur. nat. W.). Cum vero mandatorum denominatio in rebus militaribus usui conveniat, eaque simul tam jussa, quam verata comprehendere possint: Illam & hic, ubi in jure militari versamur, retinendam, & curatius modo circumscribendam fuisse, opus visum fuit.

§. 223.

ad quid in casu dubio. Si dubium sit, an ea, quæ a præfectis mandantur, ad ministerium belli pertineant, nec ne, nihilominus milites ad ea absque resistantia facienda obligantur.

Quodsi enim dubium sit, an ea, quæ a præfectis mandantur, ad ministerium belli pertineant: Militi illud cognosci non licet (§. 564. Log. WOLF). Ut vero illud cognosci possit, judicium ferendum esset (§. 39. l. c.). Judicium vero eorum, quæ ad bellum adeoque & ministerium belli spectant, relinquendum est auctori belli (§. 783. Jur. gent. W.); Adeoque & præfectis, per quos imperium militare exercet (§. 185.). Quoniam itaque horum imperio subsunt milites (§. 212.), & præsertim judicio illi adstricti (§. 174.): neque suum judicium sequi possint (*per dem. ibid.*): Apparet, quod milites in casu dubio, ea quæ ipsis
a præ-

a præfectis suis mandantur, nihilominus absque resistantia facere obligentur.

§. 224.

Præfecti militum minores majoribus, & hi supremo, sive summo belli Præfecti duci obedientiam præstare obligantur.

Præfecti enim militum minores imperio majorum (§. 201.); Majores vero etiam imperio ducis summi subsunt (§. 205.). Quare cum is, qui imperio alterius subest, ad obedientiam ipsi præstandam obligetur (§. 206. Part. 7. Jur. nat. WOLF.): Veritas asserti facile apparet.

Hanc obedientiam subordinatam sive subordinationem etiam præfectorum, uti mox vocabitur, indigitar *perill. L. B. de WOLF.* dum ait: Sunt igitur præfecti militum potestates minores, quorum alii aliis subiecti & a potestate summa longius remoti, alii vero eidem propiores pro diversitate juris, quo pollent; Duces autem excellenter dicti summis potestatibus proximi (§. 612. Jur. gent.). Præfectos vero militum in genere, & in specie etiam duces, auctori belli sive superiori ad obedientiam obligari, absque ulla difficultate intelligitur: Tam, quod omne jus suum ab illo habeant (§. 185.); Quam, quod & ipsimet milites sint (§. 186.); De his vero in genere demonstratum sit, quod ad obedientiam auctori belli sive superiori præstandam obligentur (§. 178.).

§. 225.

Obedientia militum in genere, quam præfectis suis præstare tenent Obedientia tur, militaris dicitur. Quæ adeo definiri poterit per promittitudinem *militaris* actiones suas ad voluntatem præfectorum militum componendi, seu *fa-* definitio, ciendi, quod jubent, & non faciendi, quod vetant præfecti militum (§. 205. Part. 7. Jur. nat. WOLF.).

§. 226.

Obedientia militaris ultra ea, quæ ad ministerium belli pertinent, quousque non procedit.

Obedientia enim militaris, cum præfectis militum præstetur (§. 225.), in imperia illorum rationem suam habet (*dem. §. 216.*): Ulterius itaque extendi nequit, quam quousque imperium præfectorum procedit. Quare cum hoc ultra ministerium belli non procedat (§. 219.): Nec hæc ulterius extendi potest.

§. 227.

Obedientia militaris, quatenus ad illam milites gregarii præfectis *Subordi-* nationis vel infimis, hi aliis minoribus, minores majoribus, & ita porro, ad *sum-* definitio.

sumum usque ducem perveniatur, obligantur, stilo militari *Subordinatio* vocatur.

Hæc subordinata militum & præfectorum eorundem obedientia adeo sancta habetur, ut maximum crimen committere censeatur, qui contra eandem impingit.

§. 228.

*Obligatio
ad eandem.*

Quare cum tam milites in genere præfectis suis vel infimis (§. 216.), quam præfecti minores majoribus ad summum usque ducem ad obedientiam præstandam obligentur (§. 224.): *Milites eorumque præfecti ad subordinationem obligantur.*

§. 229.

*Imperii mi-
litaris or-
dinarii &
extraordi-
narii disti-
nitio.*

Imperium militare, quod præfectis in milites illius classis, cui specialiter præfunt, competit, *ordinarium*; Quod vero illis in milites alterius classis, cui specialiter non præfunt, extra ordinem committitur, *extraordinarium* dicitur.

Sic centurioni v. gr. imperium in milites manipuli ejus, cui præfunt, non vero milites alterius manipuli, cui alius præfunt, competit. In priores itaque imperium ejus ordinarium est. Quodsi autem in posteriores illud etiam ipsi competere debeat: illud extra ordinem committendum, adeoque in eo casu extraordinarium est. Fieri autem illud posse, dubio caret. Conveniens enim judicari potest, ut ad expeditionem quandam faciendam non omnes milites unius manipuli, sive cohortis adhibeantur, sed potius ex singulis manipulis vel cohortibus certus modo numerus delegeretur. Hi vero unius imperio subesse necesse est, cujus gradus seu qualitas pro numero eorum, qui delegantur, determinantur. Fieri itaque potest, ut imperio centurionis si e tribuni milites alius cujusdam manipuli sive cohortis committi necesse sit, quam cui ordinario præfunt. Judicium vero de necessitate eorum, quæ ad bellum gerendum faciunt, auctori ejusdem, adeoque & duci summo, competit (§. 783. *Jur. gent. WOLF.*). Actu etiam id fieri, satis constat. Circa milites enim ad excubias quotidianas delegandos, vel obtinet, ut ex singulis siletem manipulis aut cohortibus, qui præsidium alicujus loci efficiunt, tot sumantur, quot sufficiunt ad numerum illum explendum, qui excubationibus illius loci par est, iisque præfecti alterius cohortis vel manipuli cohortis præficiantur. Quod & circa milites diversarum gentium fieri obtinuit, si unum exercitum constituent.

§. 230.

*Imperio
extraordi-
nario etiam
obedi-
endum.*

Milites iis præfectis etiam obedire obligantur, quibus imperium saltem extraordinarium in eisdem, alias vero proprie nullum competit.

Imperium enim extraordinarium dicitur, quod alicui committitur in eos, qui alias imperio ipsius proprie non subfunt (§. 229.). In hoc

casu

casu itaque præfectis in milites imperium commissum esse supponitur, in quos alias ipsis nullum competit (*per hyp.*); Et hoc fieri posse, dubio caret (*schol. §. cit.*). Quare cum imperium in altero, in quem illud competit, obedientiam operetur (§. 178.): Facile apparet, quod si præfectis imperium etiam extra ordinem saltem committatur, milites ad eisdem aequè obediendum obligari.

Cum præfecti ipsimet milites sint (§. 186.): Ea, quæ de his in genere demonstrantur, ad illos etiam applicari possunt. Hinc per se intelligitur, quod si & præfecti quidam minores imperio cujusdam majoris, cui alias subiecti proprie non sunt, committantur, v.gr. centuriones tribuno cohortis alius, quam cui adscripti sunt: Ipsos etiam ad obediendum eisdem teneri.

§. 231.

Cum in bello vis debeat inferri (§. 1.); Solo corpore aut membris *Armorum* ejusdem vero non tam facile vis inferri possit (*per exper.*): Ad vim inferendam vel etiam illatam repellendam opus est aliis rebus, quibus id fieri queat. Omnes ille res, quibus ad vim alteri inferendam, aut eandem a nobis avertendam, vel adversus eam nos tuendum utimur, *Arma* dicuntur (§. 61. *Jur. gent. WOLF.*). *definitio.*

Quenam ad arma referenda sint, prolixius recensetur in scholio ad §. cit.

§. 232.

Milites armis instructi esse & ipsorum usum callere, sive habitum *Milites iis* *ipsum utendi habere debent.* *instruendi*

Per milites enim hosti vis inferri (§. 15.), seu vis ejusdem arceri debet (§. 160.). Ad vim inferendam & repellendam vero opus est aliis rebus, quam corpore (*per dem. §. 23.*). Quare cum omnes et res arma dicantur (§. cit.): Facile evincitur, quod milites armis instructi esse debeant. *Q. c. 1.*

Armis vero ad vim inferendam & arcendam utimur (§. cit.). Qui igitur vim inferre voluerit, quomodo armis utendum sit, scire debet; Et cum vis bellica non, nisi in usu armorum consistat (§. 784. *Jur. gent. W.*): Habitum ipsis utendi habere debet. Cum itaque milites vim inferre & repellere teneantur (*dem. n. 1.*): Usus armorum etiam calleant, & habitum iis utendi habeant, necesse est. *Q. c. 2.*

§. 233.

Cum habitus non nisi exercitio acquiratur (§. 430. *Psycb. Emp. W.*): *Exercitiorum militarium definitio.* Ad usum armorum addiscendum, exercitiis etiam opus esse, absque re intel-

intelligitur. *Exercitia* itaque illa, quibus usus armorum militibus necessarius addiscitur, *militaria* vocantur.

§. 234.

Ad ea obligantur milites. Quare cum milites usum armorum callere, adeoque eundem addiscere, sive habitum ipsis utendi acquirere debeant (§. 232.): *Milites ad exercitia militaria obligantur.*

Quotidianum itaque exercitium armorum etiam jure civili a militibus exigitur, quo ad bellum se præparent (*l. 15. Cod. de Re militari.*).

§. 235.

Actuum & operationum bellicorum, ut & hostilitatum definitio. Quæcunque contra hostem belli causa aguntur, *actus bellici*; Actus bellici vero, quibus hosti vel vis infertur, vel ad vim eidem inferendam aut arcendam vim ejusdem via sternitur, *Operationes bellicæ*; Operationes bellicæ vero, quibus hosti vel rebus ejus vis actu infertur, *Hostilitates* appellantur (§. 785. *Jur. gent. IV.*).

§. 236.

Ad eos milites obligantur. Quare milites ad omnia, quæ ad bellum gerendum (§. 157.), vim hosti inferendam (§. 158.) & vim ejusdem arcendam faciunt (§. 160.), obligentur: *Milites etiam ad actus bellicos committendos, operationes bellicas & hostilitates suscipiendas obligantur.*

§. 237.

Expeditionis bellicæ def. Actualis belli illatio *Expeditio bellica* vocatur.

§. 238.

Milites obligantur ad eas. Quare cum *milites* ad bellum actu inferendum obligentur (§. 157.): *Ad expeditiones bellicas etiam suscipiendas obligantur.*

§. 239.

ut & ad prælia & obsidiones. *Milites ad prælia cum hoste committenda & obsidiones munimentorum suscipiendas obligantur.*

Milites enim ad omnia, quæ ad bellum gerendum (§. 157.) & vim hosti inferendam necessaria sunt (§. 158.), in specie vero etiam ad pugnam cum hoste (§. 159.), obligantur. Pugna vero cum hoste proelium vocatur (*per def.*). Quare cum tam proelia, quam obsidiones munimentorum in bello necessaria esse possint (*per hyp. & exper.*): Patet, quod etiam milites ad eadem obligentur.

§. 240.

Milites vitæ & membrorum periculum subire obligantur, si vis hosti ad vitæ & inferendam vel ejusdem arcendam illud requirat.

Milites enim ad omnia obligantur, quæ ad vim hosti inferendam (§. 158.), ejusque arcendam (§. 160.) necessaria sunt, adeoque & ad proelia cum hoste committenda (§. 239.). Cum vero nec proelia committi, nec vis hosti inferri, aut eadem arceri semper possit, nisi periculum vitæ & membrorum subeatur: Ad vim hosti inferendam aut ejus arcendam necesse est, ut milites periculum hoc subeant. Milites itaque ad illud obligari, intelligitur.

Cum homines ipso jure naturæ obligentur, vitare, quantum in potestate eorum est, periculum vitæ (§. 371. *Part. I. Jur. nat. WOLF.*), & membrorum corporis (§. 373. l. c.); Neque ullus homo sit dominus corporis sui vel ullius organi (§. 375. l. c.): Facile videri posset, quasi obligatio hæc militaris repugnet naturali. Quod tamen fieri nequit (§. 126.). Cum vero hic supponatur, ad militiam quem obligari vel invitum, naturaliter scilicet (§. 40), vel volentem obligare se posse (§. 38.): Supposita hæc ad militiam obligatione, illam etiam admitti debere, dubium esse nequit. Obligatio enim ad finem, uti jus dat, ita etiam obligat ad media, sine quibus sine illo potiri non datur (§. 46. *Instit. Jur. nat. W.*). Accedit præterea, quod in subditis obligatio ad militiam necessaria esse possit (§. 749. *Jur. gent. W.*): Adeoque hoc casu supposito, in potestate eorum non sit, illam, nec adeo periculum illud virandi; Ad quam tamen determinationem obligatio naturalis restringitur. Quousque vero quis sponte militiam eligere, adeoque lubens periculo huic se submittere possit, hujus loci non est decidere, ubi non de conscientia, sed de jure saltem externo agitur.

§. 241.

Milites itaque precipue fortes esse debent.

Milites enim ad bellum destinati sunt (§. 14.); Adeoque ad vim hosti inferendam (§. 158.), pugnandum cum eo (§. 159.), vim ejus arcendam (§. 160.), proelia cum ipso committenda & obsidiones suscipiendas (§. 239.), imo ad vitæ & membrorum periculum subeundum obligantur (§. 240.). Quare cum hæc omnia cum periculo maximo, utpote ipsam vitam, vel corporis integritatem amittendi, connexa sint: Metu hujus periculi adduci sese minime pati debent, quo minus faciant, ad quod obligantur, vel faciant, quod facere non debent. Qui vero metu periculi imminenti sese adduci minime patitur, ut faciat, quod non facere debebat, vel non faciat, quod debebat facere, fortis dicitur (§. 600. *Part. I. Jur. nat. WOLF.*). Licet itaque in genere quilibet ho-

Jus mil. nat.

L

mo

mo fortis esse debeat (§. 601. l. c.); Milites tamen præcipue fortes esse debere, in specie apparet.

Hinc etiam species fortitudinis datur, quæ *fortitudo bellica* dicitur, & definitur per virtutem, qua moderatur metus ob periculum in certamine, aut aliis operationibus bellicis imminens, ne eodem impediatur miles, quo minus functiones suas intrepide subeat (§. 600. cit.). Fortitudo tamen hæc probe distinguenda est ab audacia, quæ vitium potius est, & in eo consistit, si quis nulla obligatione urgente pericula quævis subit, veluti vitæ ac integritatis membrorum corporis amittendæ (§. 604. l. c.). Cavendum itaque est militi, ne fortitudo ejus, ad quam obligatur, in audaciam degeneret.

Simili etiam ratione apparet, quod militibus motivum speciale accedat, probitati & pietati studendi: Cum ad tales actiones suscipiendas obligentur, cum quibus vitæ periculum præsentissimum connectitur. Ex hypothese enim Christianorum, firmissimis principis suffulta & probata, vitæ amissæ amittuntur etiam media a DEO benigniter indulta, ad salutem æternam perveniendi. Spes vero salutis æternæ absque vera pietate, qualis præsertim a Christiano requiritur, non datur. Apparet itaque, quantum interfit, uti cujusvis in genere, ita præsertim militis, ut semper in eo statu sit, quo spe vitæ æternæ nanciſcendæ gaudere possit, & ut adeo veræ pietati potissimum studeat. Quod quidem, licet hujus loci non sit, sed ad Ethicam militum potius pertineat, propter rei pondus in transitu quasi non monere non potui. Præsertim cum & ipsis legibus positivis militibus studium veræ pietatis soleat inculcari. Uti illud ab initio articularum militarium Hassiacarum statum sapientissime sancitum legimus.

§. 242.

*Timiditas contra militibus & obligationibus militaribus maxime re-
non timidi. pugnat.*

Timiditas enim illud vitium est, quo metu levissimi cujusvis periculi nos abduci patimur, ad faciendum, quod facere non debebamus, & ad non faciendum, quod debebamus (§. 602. loc. cit.). In necessitate vero morali agendi & non agendi necessitas consistit (§. 118. Part. 1. Phil. pract. univ. W.). Timiditas itaque impedit, quo minus quis obligationibus suis satisfaciat, si eadem cum periculo quodam connexæ sunt. Milites vero gravissima pericula in præstatione obligationum suarum subire (*dem.* §. 241.); Adeoque fortes esse debent (§. cit.); Hoc est, metu periculorum minime se abduci pati, quo minus obligationibus suis satisfaciant. Milites itaque timidi esse nequeunt, si obligationes suas explere velint; Neque adeo timiditas cum obligationibus eorum subsistere, nec militibus salvis eorum attributis convenire potest. Quare cum ea, quæ salvis attributis subiecto convenire nequeunt, repugna-
re

re eidem dicantur (§. 310. *Log. WOLF.*) ; Patet, quod uti in genere nemo hominum timidus esse debeat (§. 603. *Part. 1. Jur. nat. W.*), ita in specie militibus & obligationibus militaribus timiditas maxime repugnat.

§. 243.

Quare cum id, quod disconvenit euidam eorum, quæ homini in-
funt, vel inesse debent, illum dedecet (§. 195. *loc. cit.*): *Timiditas militem maxime dedecet.* *Quod dedecet militem.*

Hæc quidem ad Ethicam potius, quam ad Jus militare spectare, videri posset. Cum vero eadem principia præbeant alia demonstrandi, quæ circa milites conveniunt, præsertim quoad pœnas determinandas: his superfedere non potui. Absit vero timidum reputari, qui audax non est, hoc est, qui nulla urgente necessitate sive obligatione pericula quævis subit: Et multo minus, qui repugnante obligatione, pericula vitæ & membrorum sponte subire detrectat. Quare cum duolla tam jure naturali, quod divinum est, quam positivo plerumque verentur; Adeoque is, qui sponte duellum suscipit, obligationi suæ naturali æque, ac positivæ adversetur: Dici nequit, quod is, qui duellum sibi delatum recusat, timidus sit. Id quod etiam legibus duellorum prohibitis expresse solet declarari. Sic in Edicto Hassiaco de Ao. 1684. continetur, quod recusatio duelli famæ præjudicium asserre non debeat, nec quis propterea pro pusillanimo & timido habendus sit, sed potius honorem & laudem mereatur.

§. 244.

Inquirere, quonam in statu sint res hostium, & quidnam in nos
moliatur, si manu armata illud fiat, stilo militari, *Recognoscere*; Si ve-
ro per insidias, *Explorare hostem* dicitur. *Recognoscere & explorare hostem, quid?*

§. 245.

Milites ad recognoscendum hostem obligantur.

Per recognitionem enim hostis inquiritur, in quonam statu res ejusdem sint, & quidnam in nos moliatur (§. 244.). Facit itaque ad melius vim ipsi inferendam, vel ejusdem arcendam. Et cum illa vi fiat (*l. c.*): eadem actus bellicus est. Quare cum actus bellici, quibus ad vim inferendam, aut arcendam via sternitur, operationes bellicæ dicantur (§. 235.): Recognitio hostis operationibus bellicis accensenda est. Cum itaque ad has milites obligentur (§. 236.): Obligatio etiam eorum ad hostem recognoscendum in propatulo est.

Cum recognitio hostis, quæ proprie dicitur, & ad quam milites obligantur, operatio bellica, adeoque & actus bellicus sit (§. 235.): qui belli scilicet causa suscipitur (*ib.*); Bellum autem illationem vis involvat (§.

1.); Recognitio illa etiam ab instructis ad vim inferendam, hoc est, manu armata fieri debet. Quod ideo monendum est, quia ad explorandum hostem non eadem obligatio apparet.

§. 246.

Exploratorum definitio. Personæ clam missæ ad hostem, ut per insidias inquirent, quoniam in statu sint res ejusdem, & quidnam in nos molitur, *Exploratores* dicuntur.

L. B. de WOLF in eorum definitione (§. 883. *Jur. gent.*) non addit, quod *clam* mittantur, & *per insidias* inquirere debeant. Cum vero hoc modonon distinguantur ab iis, qui ad recognoscendum mittuntur; Id quod manu armata sit (*per hyp. & exp.*): Has determinaciones addere necessarium vitum fuit.

§. 247.

Milites esse non obligantur. *Ad explorandum hostem, sive exploratores agendum, nulla apparet militum obligatio.*

Milites equidem ad omnia obligantur, quæ ad bellum gerendum necessaria sunt (§. 15.). Quare cum ad bellum opus sit, ut sciamus, in quo statu sint res hostis, & quid in nos molitur (*per hyp.*); In hoc vero per insidias magis, quam manu armata inquirere liceat; Adeoque exploratio recognitioni præferri sapius debeat: Videri posset, milites etiam ad illam æque, atque hanc obligari. Cum vero militum destinatio tendat ad vim inferendam (§. 15.); Exploratio vero, quæ sit per insidias, æque & melius sæpe, ab alio peragi possit, quam a milite (*per exper.*): Militem, qua talem, ad exploratorem agendum obligari, dici nequit. Neque adeo ulla apparet obligatio militum, qua talium scilicet, ad explorandum hostem, sive exploratores agendos.

Cum ad exploratorem singulare ingenium & astutia requiratur: Nec quilibet ad eundem agendum aptus est. Quodli itaque talis invenitur, qui præ aliis idoneus videretur: Quæri possit, annon eundem, qua subditum, obligatio teneat, negotio huic, admodum periculoso sese submittendi. Cum vero hic non de obligationibus subditorum, sed militum saltem, qua talium, agamus; Merito decissionem ejus quæstionis ad jus civium naturale remittimus.

§. 248.

Obligantur ad internecionem hostium. *Milites ad internecionem hostium obligantur, si eadem necessaria sit.* Milites enim ad omnia ea obligantur, quæ ad vim hosti inferendam (§. 158), ejusque vim arcendam necessaria sunt (§. 160.). Quare cum in procliis & obsidionibus sine hostium internecione vis inferri nequeat (*per exp.*); Adeoque ad vim hosti inferendam aut ejus arcendam interne-

ternecio aggredientium, vel resistentium necessaria esse possit: Milites etiam ad eandem teneri, necesse est.

Quod internecio hostium, quemadmodum aggressoris injusti in genere (§. 1013. *Part. 1. Jur. nat. W.*), in bello liceat, extra dubitationis aleam ponitur (§. 781. & *seqq. Jur. gent. W.*): Licet eadem determinationibus certis adstricta sit (§. 792. *l. c.*), Quæ ideo etiam semper observandæ sunt. Sufficit, hic saltem ostendi, quod milites, determinationibus reliquis suppositis, ad internecionem hostium obligentur. Officia etiam naturalia hic minime remouentur. Licet enim in bello multa impune fieri soleant: Non ideo tamen salva conscientia fiunt. Sic ex. gr. captos in bello (§. 794. *l. c.*), sine conditione deditos (§. 797.), vitam salvam paciscentes, & arma deponentes interficere non licet (§. 798. *ib.*).

§. 249.

Milites auctorem belli, vel rempublicam sive ejusdem rectorem, contra vim hostium defendere obligantur.

Cum enim inter auctorem belli (§. 9.) & hostem bellum geratur (§. 11.): Hostis æque vim, adeoque læsionem, inferre intendit auctori belli (§. 4.), qui res publica sive rector ejusdem est (§. 10.). Actio vero, qua resistitur ei, qui læsionem intentat, defensio dicitur (§. 972. *Part. 1. Jur. nat. W.*). Quare cum milites ad resistendum hosti obligentur (§. 161.): Ad defensionem auctoris belli, vel reip. sive ejus rectoris tenentur contra vim hostis.

§. 250.

Cum vero vis ab hoste non immediate personæ auctoris belli, sed & subditis sive rebus ejus intentari soleat (*per exper.*): Milites etiam subditos & res auctoris belli contra vim hostium defendere obligantur.

§. 251.

Milites, qui munimento vel urbi ad ejus defensionem imponunt præsidium, præfidiarii, & in univ. sumti, præsidium appellantur.

§. 252.

Milites ad præsidia agenda obligantur.

Milites enim ad vim hostis arcendam, & omnia, quæ ideo necessaria sunt, obligantur (§. 160.). Munimenta vero ad vim hostium arcendam a regione aliqua, & ingressum in illam impediendum extruuntur: Cum in iis pauci pluribus resistere queant (*per exp.*). Milites itaque ipsis imponantur necesse est. Qui cum præsidia agere dicantur (§. 251.): Patet, quod milites ad præsidia agenda obligentur.

§. 253.

*ad urbem
obsessam
defenden-
dam.*

Milites urbem obsessam defendere, adeoque omnia facere obligantur, quæ ad ejus defensionem necessaria sunt.

Dum enim urbs oblidetur, hostis eam expugnare, adeoque vim inferre intendit (*Quod per se patet*). Milites vero ad vim hostis arcendam, & omnia, quæ ideo necessaria sunt, obligantur (§. 160.). Quare cum actio, qua resistitur ei, qui lesionem intentat, defensio dicatur (§. 972. *Part. 1. Jur. nat. WOLF.*): Patet, quod milites ad defensionem urbis obsessæ obligantur. *Q. e. 1.*

Cum vero urbs obsessa defendi nequeat, nisi fiant ea, quæ ad ejus defensionem necessaria sunt (§. 279. *Ontol. W.*); Milites vero ad defendendam urbem obsessam obligantur (*dem. n. 1.*): Milites etiam ad omnia obligari, quæ defensionis gratia necessaria sunt, necesse est. *Q. e. 2.*

Ut hæc omnia enumerentur & demonstrentur, quæ defensionis ergo necessaria sunt, opus non erit. De genere enim demonstrata valebunt etiam de speciebus sub eodem comprehensis (§. 235. *Log. W.*). Peculiarem de *Obsequio militum in defendendo præsidio* dissertationem conscripsit HALE 1701. HENR. BODINUS, quæ ibi recusa fuit 1739.

§. 254.

*Militum
regulari-
um & irregu-
larium
definitio.*

Milites, qui expeditionibus bellicis destinati sunt, regulares; Qui vero defensioni modo urbis vel totius alicujus provinciæ destinantur, irregulares dicuntur.

Non impedit, quo minus etiam milites regulares ad defensionem urbis vel provinciæ adhibeantur. Sufficit, quod ad eandem non proprie destinantur, sed potius ad obviam eundum hosti.

§. 255.

*Militum
præsidia-
riorum &
provincia-
lium defi-
nitio.*

Milites irregulares, qui præsidiiis perpetuis destinantur, præsidia-rii sive defensionarii; Subditi vero, qui defensioni patriæ sive provinciæ cujusdam in casu necessitatis destinati sunt, Milites provinciales dicuntur.

Milites quidem in genere, qui urbi ad ejus defensionem imponuntur, præsidarii vocari solent (§. 251.). Proprie tamen hæc denominatio illis convenit, qui præsidiiis perpetuis destinantur. Et si milites regulares etiam urbi defendendæ imponantur, illi potius saltem præsidia agere dicuntur (§. 252.).

Facile vero patet, obligationes militum tam præsidiariorum, quam provincialium ultra finem, cui destinantur, non procedere.

§. 256.

Milites provinciales in universum sumti, *Militia provincialis* di-*Militia*
cuntur. Ita ut sit ea, quæ defensionis patriæ sive provinciæ cujusdam *provincia-*
in casu necessitatis destinatur. *lis definitio.*

Militia hic in alio significatu sumitur, quam eandem §. 83. definivimus, per statum nempe, quem milites, qua tales, fortiuntur. Suevit vero, ut milites etiam universum sumti, militia vocentur, & ut militia lecta, militia conducticia, dicatur. Præmissis vero hæc denominatio in militia provinciali occurrit. Licet itaque verbis determinata significatio tribuenda sit: Usui tamen loquendi in eo indulgere absolum visum non fuit. In casibus enim obviis absque opera intelligitur, in quoniam sensu vocabulum illud sumendum sit.

§. 257.

Militia provincialis legi potest.

Subditi enim ad militiam in casu necessitatis obligantur (§. 749. *Jur. test,*
gent. IV); Adeoque in casu necessitatis milites legi possunt (§. 2.).
Quare cum militia provincialis ad defensionem patriæ in casu necessita-
tis constituatur (§. 256.): Patet, quod illa legi possit.

Hinc etiam plerumque dici solet *militia lecta provincialis*. De qua
peculiarem dissertationem scripsit J. O. SAM. STRYCK, Hæc 1705.,
quæ recusa prodit Vitebergæ 1735.

§. 258.

Militia provincialis ad servitia militaria continua non adhibetur. ad servitia

Militia enim provincialis ad defensionem saltem patriæ in casu neces-
sitatis destinata est (§. 256.). Adeoque in hoc casu saltem, defensionis *continuum*
nempe patriæ necessariæ militat, sive ad servitia militaria adhibetur. *non adhi-*
Quare cum hic casus non continuo existat, sed potius frequens adeo non *betur,*
sit (*per exp.*): Facile patet, quod eadem servitia continuo non præstet.

§. 259.

Milites provinciales ad milites referendi non sunt, nisi quatenus ad quatenus
servitia militaria adhibentur. *ad milites*

Milites enim provinciales subditi sunt in casu saltem necessitatis ad mi-
litiam destinati (§. 255.); Neque adeo ad servitia militaria continua adhi-
bentur (§. 258.). Quare cum milites non dicantur, nisi quatenus ad
bellum gerendum, adeoque servitia militaria præstanda (§. 181.), adhi-
bentur, vel destinantur (§. 14.): Patet, quod milites provinciales ad mi-
lites referendi non sint, nisi quatenus servitia militaria præstant.

§. 260.

§. 260.

*Et obligationibus
militaribus
teneantur.*

Milites provinciales, si ad servitia militaria actu adhibentur, ad eadem obligantur, ad quæ milites in genere.

Milites enim provinciales, si servitia militaria actu præsent, ad milites referendi sunt (§. 259). Quare cum militibus certæ obligationes, quæ militares dicuntur (§. 120.), incumbant, quas in præsent deducimus; De specie vero valeant, quæ de genere (§. 235. Log. W.): Milites provinciales, si actu ad servitia militaria præstanda adhibeantur, iisdem obligationibus teneri, quibus in genere milites, facile patet.

§. 261.

*ministerium
belli
scire de-
bent,*

Milites etiam provinciales ministerium belli addiscere, eique assuescere debent.

Milites enim provinciales ad defensionem patriæ in casu necessitatis destinati sunt (§. 265.). Cum itaque defensio in eo consistat, ut resistatur ei, qui læsionem intentat (§. 972. Part. 1. Jur. nat. W.); Quod hic ab hoste fieri supponitur (*per hypoth*): Milites provinciales ad resistendum hosti, & cum resistendo vis alicujus arceatur (*dem. §. 161.*), ad vim hostis arcendam adhibentur. Dum vero vis alicujus arceatur, ipsi simul vis infertur (*dem. §. 160.*). Milites itaque provinciales tam ad vim hosti inferendam, quam ejus arcendam adhibentur. Actiones vero, quæ faciunt ad vim hosti inferendam & ejusdem arcendam ministerium belli dicuntur (§. 162.): Milites itaque provinciales ministerium belli callere debent. Quare cum ad hoc opus sit, ut illud addiscatur, adeoque eisdem adfuescatur (*dem. §. 164.*): Milites etiam provinciales eorum tenentur.

Ex generali equidem obligatione militum provincialium §. 260. demonstrata specialis hæc statim deduci posset. Cum enim illi, si ad servitia actu adhibentur, iisdem obligationibus teneantur, quæ milites in genere (§. 215.); Præstatio vero servitiorum in ipso ministerio belli consistat (§. 181.): Ad ministerium quoque belli obligantur, dum servitia militaria præstant. Quare cum propterea milites in genere ad illud addiscendum & eidem assuescendum teneantur (§. 164.): Hoc etiam de provincialibus patet. Majoris tamen perspicuitatis gratia peculiariter obligationem eorum demonstrare opus visum fuit.

§. 262.

*Et usum
armorum.*

Milites provinciales usum armorum callere, adeoque exercitia militaria facere, sive in armis exerceri debent.

Milites enim provinciales ad ministerium belli obligantur (§. 261.); Ministerium belli vero actiones eas comprehendit, quibus vis infertur
vel

vel repellitur (§. 162.). Vim itaque inferre & illatam repellere posse debent. Quare cum armis vis inferatur aut repellatur (§. 231.); Vim inferre aut repellere non poterunt, nisi armis uti sciant. Patet itaque, quod milites provinciales usum armorum callere debeant, *Q. e. 1.*

Cum vero usus armorum per exercitia militaria addiscatur (§. 233.): Acque elucet, eosdem exercitia militaria facere sive in armis exerceri debere. *Q. e. 2.*

§. 263.

Convenit, ut militibus provincialibus tales interdum actiones mandentur, quæ vis alicujus illationem requirunt. *Quinam a-
liis ipsis
conveni-
ant.*

Milites enim provinciales ministerio belli assuehieri debent (§. 261.). Hoc vero illationem & repulsionem vis requirit (§. 162.). Habitum itaque consequantur vim inferendi & repellendi, opus est. Quare cum habitus non acquiratur nisi exercitio (§. 430. *Psych. emp. WOLF.*): Convenit, ut ipsis tales interdum actiones mandentur, quæ vim quandam inferendam aut repellendam etiam requirunt.

Tales sunt ex. gr. exactio tributorum, captio delinquentiam, ductio & custodia captivorum, sedatio tumultuum, & id genus alia. Ad quas etiam si copia militum regularium non adsit, provinciales adhiberi solent.

§. 264.

Milites ad omnia obligantur, quæ faciunt ad præcavendum, ne quid hostilis accidat, & ne auctori belli, sub litis vel rebus ejusdem aliquid detrimenti eveniat. *ligantur
ad præca-
vendum ho-
stilia.*

Hostile enim dicitur, quicquid ab hoste nobis inferitur, vel intentatur (*per def.*). Cum itaque hostis bellum supponat (§. 11.); Bello vero vis inferatur (§. 1.): Ad præcavendum, ne quid hostilis accidat, requiritur, ut vis hostis arceatur. Quare cum milites obligentur ad omnia, quæ faciunt, ut vis hostis arceatur (§. 160.): Eosdem obligari ad ea, quæ ad præcavendum necessaria sunt, ne quid hostilis accidat, facile patet. *Q. e. 1.*

Actio, qua resistitur ei, qui lesionem intentat, defensio dicitur (§. 972. *Part. 1. Jur. nat. WOLF.*); Præcavere itaque, ne quid detrimenti alicui eveniat, ad defensionem ejus requiritur; Et qui ad hanc obligatur, etiam ad illud tenetur. Quare cum milites ad defensionem auctoris belli (§. 249.), ut & subditorum & rerum ejus obligentur (§. 250.): Eos etiam obligari necesse est ad præcavendum, ne his vel illi aliquid detrimenti eveniat. *Q. e. 2.*

Jus mil. nat.

M

§. 265.

§. 265.

Excubiarum & vigiliarum definitio. Si milites hic vel illic ponantur, ut observent, ne quid hostilis accidat, vel detrimenti eveniat, *excubare*; Et actio eorum *Excubiae*, in specie autem, si noctu agantur, *Vigiliae*; Milites vero, qui eos agunt, *Excubitores* seu *stationarii* dicuntur.

De excubiis Dissertationem habuit ERN. JOH. FRID. MANZEL in academia Rostochiensis 1735. quæ vero de excubiis in genere, tam civilibus, quam militaribus agit.

§. 266.

ad eas milites obligantur.

Milites ad excubias & vigilias agendas obligantur.

Milites enim obligantur ad præcavendum, ne quid hostilis accidat, & ne auctori belli, & subditis vel rebus ejus ullum detrimentum eveniat (§. 264.). Quare cum observare, ne quid tale accidat vel eveniat, excubias vel vigilias agere dicatur (§. 263.): Facile intelligitur, quod milites ad excubias & vigilias agendas obligentur.

§. 267.

Stationis definitio.

Locus, quo miles ad excubias agendas ponitur, *Statio* dicitur.

Statio quidem a STEPH. WAGA in *Comment' de Restitutione famæ per vexillum* distinguitur ab excubatione; Et per illam indicari videtur locus, quo tota militum universitas ad excubias delegata commoratur; Excubatio vero præsertim locum denotet, quo unus vel alter in specie ponitur, alio vicem ejus postea subeunte (§. 10. p. m. 47.): Auctoritatem sibi conciliare studet l. 3. §. 5. & 6. ff. de Re milit. Mihi autem in d. LL. vocabula hæc pro synonymis summi videntur. Quod vero gravius puniendus dicatur, qui hanc, quam qui illam, stationem nempe, relinquit, id inde est, quod supponatur, militem ab excubatione prædis vel præpositi cujusvis delinere. Quod gravius adeo reputatur, quam si a statione alibi discedat.

§. 268.

A statione recedere non licet.

Militi a statione recedere non licet. nisi alius vicem ejus subeat.

Miles enim in statione positus excubias agit (§. 267.); Excubiae vero aguntur ad observandum, ne quid hostilis accidat, vel detrimenti eveniat (§. 265.). Quod si itaque a statione recederet absque alio vicem ejus subeunte, observari illud nequit; Adeoque hostilis aliquid accidere aut detrimentum evenire posset. Cum vero miles ad illud præcavendum obligetur (§. 264.): Facile apparet, quod militi a statione recedere non liceat, nisi alius vicem ejus subierit.

Hoc supponit, quod militibus ea licere nequeant, quæ obligationibus ipsorum contrariantur. Quod per se quidem intelligitur, & suo loco postea demonstrabitur.

§. 269.

§. 269.

Si cui cura committitur observandi, ne personæ quædam evadant, *Custodia* vel res quædam auferantur, aut detrimentum capiant, *custodire* illam, *definitio*. & ipse *Custos*; Actio vero ejusdem *Custodia* vocatur.

Cum hic supponatur interesse, ne personæ quæ evadant: Si hoc conveniat, detrimentum inde nasci facile intelligitur. Quare cum in genere, cura, ne quid detrimenti eveniat, excubiæ dicatur (§. 265.): Custodiæ species excubiarum sunt.

§. 270.

Milites itaque ad custodias agendas personarum & rerum, quarum Milites ob-
interest, ne evadant, vel auferantur, obligantur. *obligantur*
ad eas.

Milites enim obligantur ad ea omnia, quæ faciunt ad præcavendum, ne detrimenti quid auctori belli eveniat (§. 264.). Quod cum fieri possit, si personæ evadant, aut res auferantur, quas servare ipsius interest (*quod per se patet*): Etiam ad hoc præcavendum obligari milites elucescit. Quare cum observare, ne illud fiat, custodias agere dicatur (§. 269.): Milites ad custodias obligantur earum nempe personarum & rerum, quarum interest, ne evadant vel auferantur.

§. 271.

Milites ad excubias vel custodias constituti omnia facere debent, quæ & quæ ea-
rum gratia
vel ipsis expresse injunguntur, vel quæ necessitas aut finis, cujus gratia
excubiæ aguntur, exigat. *excubiæ*
aguntur
necessaria
sunt.

Milites enim ad ea, quæ ipsis mandantur, obligantur (§. 221.). Quod si itaque vel excubiarum, aut custodiarum gratia ipsis aliquid mandetur (*per hyp.*): Ad illud etiam obligari, dubium esse nequit. *Q. c. 1.*

Cum vero excubiæ fieri nequeant, nisi etiam fiant ea, sine quibus finis, cujus gratia aguntur, obtineri nequit (§. 941. *Ontol. WOLF.*): Ad excubias vero obligentur milites (§. 270.): Obligari etiam debent ad faciendâ ea, quæ necessitas aut finis exigat, cujus gratia excubias vel custodias agunt. *Q. c. 2.*

Plura officia militum excubantium recenset MANZEL loco §. 265. citato §. 25. & seqq. Quæ vero ex officio hoc generali absque opera deduci poterunt.

§. 272.

Miles in statione ad excubias vel in specie custodias agendas positus Quousque
ibi eo usque manere debet, usque dum alius vicem ejus subeat, aut ipse *in statione*
manere de-
beant.
discedere jubetur, aut etiam vi cogatur.

M 2

Mili-

Milites enim tam ad excubias (§. 266.), quam in specie custodias agendas obligantur (§. 270.); Adeoque & omnia facienda, quæ earum gratia necessaria sunt (§. 271.). Cum vero finis excubiarum & custodiarum sit, ne hostilis quid accidat, & in genere, ne detrimentum ullum eveniat (§. 265. 269.): Requiritur, ut non desit in excubiis vel custodiis, qui observet, ne tale quid eveniat. Deesset vero, si miles a statione recederet, nullo alio vicem ejus subeunte. Atque adeo patet, quod tamdiu manere debeat, usque dum alius vicem ejus suscipiat. *Q. c. 1.*

Quum vero miles ad obedientiam tam auctori belli (§. 178.) quam præfectis præstandam (§. 216.), adeoque & facienda, quæ præcipiuntur, obligetur (§. 222.): Eum a statione discedere posse, si jubeatur, facile intelligitur. *Q. c. 2.*

Et cum si vi cogatur discedere, supponatur, quod impossibile sit manere; Ad impossibile vero nemo obligari possit (§. 209. *Part. 1. Phil. pract. univ. WOLF.*): Patet, quod si vi cogatur discedere, manere non possit. *Q. c. 3.*

§. 273.

*Circuitio-
nis defini-
tio.*

Quoniam excubiæ & vigiliæ sunt ad prævenendum, ne quid hostilis accidat (§. 265.), ut & custodiæ, ne quid detrimenti eveniat (§. 269.): Ex eorum neglectu maximum detrimentum evenire posset. Maxime itaque interest, easdem rite agi; Adeoque curandum est, ut hoc fiat. Milites hinc emitti solent ad videndum, an excubiæ, & præsertim vigiliæ, ut & custodiæ rite peragantur, qui easdem *circuire*, & ipsi *Circitores* aut *Circuitores* dicuntur. Universitas vero militum id simul agentium, *Cohors circulatoria*, & actio eorum *Circuitio* sive *Circulatio* dicitur.

Divisiones circuitionum dedit MANZEL in *diff. de Excubiis* §. 32.

§. 274.

*Milites ad
eas obli-
gantur.*

*Milites ad excubias circumeundas & circulationes agendas obli-
gantur.*

Ut enim excubiæ rite agantur, circuitiones necessariae sunt (§. 273.). Quare cum milites omnia ea facere debeant, quæ excubiarum gratia necessaria sunt (§. 271.): Eos etiam ad easdem circumeundas sive circulationes faciendas obligari facile apparet.

Officia specialia in circumeundis excubiis observanda explicare hujus loci non est: Cum eadem a legibus positivis ut plurimum pendeant.

§. 275.

Milites ad servitia continuo parati, adeoque quovis tempore præsto continuo esse debent. *præsto sunt,*

Actus enim militares celerrimæ expeditionis esse, fatis constat (*per exper.*). Fieri itaque potest, ut quocunque tempore & vel maxime inopinato militibus opus sit. Militum vero usus tunc non daretur, si ad servitia parati & præsto non essent. Quia itaque milites ad omnia, quæ belli causa necessaria sunt (§. 157.), & omnes actus bellicos obligantur (§. 236.); Servitia militaria vero idem significant (§. 181.): Patet, quod ad servitia continuo parati & quoque tempore præsto esse debeant.

Hoc sילו romano *signis jugiter in hære* dicitur (*l. 31. Cod. de Locato*).

§. 276.

Milites a loco commorandi gratia ipsis assignato absque permissione a loco assignatorum abesse & alibi discedere nequeunt. *gnato discedere nequeunt.*

Si enim milites a loco ipsis assignato abessent & alibi divergerentur: Commoratio eorum incerta evaderet; Neque illi ad servitia militaria parati, ant præsto essent. Cum vero ad hoc obligentur (§. 275.); Adeoque moraliter necessarium sit, ut illud faciant (*s. 118. Part. 1. Phil. præf. univ. WOLF.*): Impossibile est, moraliter nempe, ut contrarium agant (§. 279. *Ontol. II.*), adeoque ut absint & alibi discedant. *Q. e. 1.*

Cum vero actiones eorum a præfectis ipsorum pendeant, vi imperii, cui subsunt (§. 185.): Quin præfecti illud militibus pro modo potestatis sue permittere possint, dubitari nequit. Patet itaque, quod absque permissione saltem præfectorum milites a loco ipsis assignato abesse & alibi discedere nequeant. *Q. e. 2.*

Hoc vel ipso jure civili ad tribunos extenditur (*l. 11. Cod. de Re milit.*). Et per se intelligitur, quod nec præfecti absque permissione eorum, quorum imperio subsunt, aut ipsius auctoris belli sive superioris a mansionibus suis, uti d. l. locus assignatus vocatur, discedere possint.

§. 277.

Cum permissio militi data a loco commorationis assignato, sive *Veniæ* designatione sua alibi discedendi & commorandi, vocabulo sive sילו *militario*. *Veniæ* dicatur (*per def.*): *Milites absque veniæ impetrata a mansione sua alibi discedere nequeunt* (§. 276.).

§. 278.

Literæ, quæ militi in testimonium *veniæ* impetratæ dari solent, *Commeatus* sive literæ *venię* testes, sילו *militari Commeatus* dicuntur. *tus definitio.*

Vocabulum commercii quidem etiam tam pro annona militari, quam pro salvo conductu sumitur. Cum vero aliud vocabulum invenire non licuerit, quo literæ veniæ testes indigantur: Has eo denominare non dubitavi, cum illud in legibus vel pro ipsa venia accipiat, uti §. 7. l. 3. ff. de Re militari.

§. 279.

ad quid ob- Si bellum actu geratur, adeoque hostis adsit, & ejus invasio metu-
ligentur. si enda sit, milites continuo invigilare & quovis momento parati esse debent
hostis adsit, ad vim hostis arcendam.

Si enim hostis adsit & ejus invasio imminet, hostile quid facile contingere posset, nisi continuo invigiletur, & omnia parata sint, ad vim ejus, quam inferre contenderet, arcendam. Quod per se patet. Ut itaque hoc fiat, necessarium est. Quare cum milites ad omnia obligentur, quæ belli causa necessaria sunt (§. 157.) & in specie ad vim hostis arcendam (§. 160.), & præcavendum, ne quid hostile accidat (§. 264.): Milites etiam bello actu existente & hoste imminente continuo invigilare & quovis momento parati esse debent ad vim ejus arcendam.

§. 280.

ad quid pa- Milites, pacis præsertim tempore, ad alias etiam functiones adhibe-
cis temporari possunt, quam quas proprie ministerium belli exigit.

adhiberi Functiones enim, quas ministerium belli exigit, bellicæ dicuntur (§.
possint. 166.), adeoque proprie eæ sunt, ad quas milites obligantur (§. 167.). Cum vero ministerium belli in vi hosti inferenda & ejus arcenda consistat (§. 162.); Si bellum actu non geratur, aut hostis non adsit, & adeo præsertim tempore pacis functiones bellicæ aut plane cessant, aut frequentes adeo non sunt, ut milites satis occupent. Si itaque & pacis tempore milites alantur, quod hic supponitur (*per hypoth.*): Illi aut nihil aut parum agerent. Cum vero militibus sustentatio præberi & stipendium propterea solvi soleat, ut operas suas auctori belli præstent; Uti notum est, & quod fieri debeat, suo loco demonstrabitur: Nemo vero teneatur alteri gratis dare, si is vicissim dare vel facere possit (§. 268. Part. 4. Jur. nat. WOLF.): Si operæ five functiones militares præstandæ, aut plane nullæ, aut sufficientes non adsint, ut alias præstent, ad quas idonei judicantur, æquissimum est. Elucet itaque, quod milites, præsertim pacis tempore ad alias etiam functiones adhiberi possint, quam quas proprie ministerium belli exigit.

Quod militibus aliæ functiones aut operæ mandentur, si militares aut nullæ aut sufficientes non adsint, ipsa etiam ratio suadet. Fieri enim im-
hoc

hoc casu posset, & fieri plerumque, experientia testatur, ut milites ad orium facile seduci se patiantur, nisi extra functiones suas aliis occupationibus teneantur. In civitate vero, qualem milites supponunt (§ 18.), ferendum non est, ut orio diffuant, quibus vires ad laborandum suppetunt (§. 472 Part 8. *Jur. nat. WOLF.*).

Ceterum in genere hic saltem demonstratur, milites ad alias etiam functiones adhiberi posse. Cum vero ipsis a praefectis suis mandari nequeant, nisi quae ad ministerium belli pertinent (§. 221): Facile apparet, quod a solo superiore sive auctore belli hoc pendere debeat, neque a praefectis pro lubitu milites ad alia adhiberi possint. Ab illo enim sustentationem suam accipiunt, adeoque & eidem ad operas obligantur. Horum vero potestas arbitrio illius subjacet, & ex voluntate ejus aestimanda est.

Divi, quod ad alias etiam actiones adhiberi possint, quam quas ministerium belli proprie requirit. Nam quod praesidia locorum & excubias in iisdem peragant, hoc potius ad functiones bellicas ipsas referendum erit.

§. 281.

Convenit tamen, ut ea, quae militibus extra functiones bellicas, proprie tales, mandantur, aliquam cum his relationem habeant. *Quid c. veniat,*

Milites enim vel pacis tempore in continuo exercitio functionum bellicarum, quantum possunt, retinendi sunt (§. 169.); Exercitium vero consistit in actuum specie vel genere eorundem iteratione (§. 195. *Psych. emp. W.*). Si itaque ea, quae militibus extra functiones bellicas proprie tales mandantur, cum his specie vel genere eadem sint, sive relationem aliquam habeant, ad exercitium functionum bellicarum faciunt. Patet itaque, quod militibus talia mandari conveniat.

§. 282.

Quare cum functiones bellicae tendant ad vim inferendam & ar-
cendam (§ 166.): *Militibus extra functiones bellicas mandari tales actiones
actiones convenit, quae cum vi quadam inferenda, vel arcenda connec-
tae sunt.* *ipsas mon-
danda,*

§. 283.

Quoniam itaque captura & custodia delinquentium, ductio capti-
vorum, exactio onerum a morosis, sedatio tumultuum, coercitio ple-
bis, si ejus multitudo conveniat, & similia, vim aliquam inferendam
vel arcendam requirant (*per exper.*): *Milites extra excubias peragendas,
ad capturam & custodiam delinquentium, ductionem captivorum, exactio-
nem oneri in, sedationem tumultuum, coercionem plebis & similia adhi-
beri convenit.* *quenam ea
sint,*

§. 284.

§. 284.

*ad munitiones ex-
truendas obligantur,*

Milites, uti ad excitandas munitiones in bella obligantur, ita & tempore pacis ad exstructionem sive reparationem munimentorum adhiberi possunt.

Cum enim in bello sæpius contingat, ut vel castra vallo sepicienda, vel coram urbe obfessa fossæ sive cuniculi aperiendi, vel aliæ etiam munitiones excitandæ sint (*per hyp. & exper.*): Facile patet, quod excitatio munitionum ad bellum gerendum necessaria esse possit. Et cum in bello non adeo semper facile detur copia aliorum, qui ad muniendum & fodiendum adhiberi possint: Aliter fieri nequit, quam ut milites eo adhibeantur. Quare cum milites in genere ad omnia ea obligentur, quæ belli causa necessaria sunt (§. 157.): Et ad munitiones in bello excitandas eosdem obligari, dubitari nequit. *Q. c. 1.*

Licet vero tempore pacis facilius copia aliorum adsit, qui exstructioni aut reparationi munimentorum inservire queant: Eadem tamen relationem quandam seu similitudinem habet cum iis, quæ tempore belli milites peragere debent, sive functionibus bellicis, utpote ad quas excitatio munitionum merito refertur (*per dem. n. 1.*). Quare cum & pacis tempore milites ad alias functiones adhiberi possint, quam quas ministerium belli proprie exigit (§. 280.); iis vero talia mandari conveniat, quæ cum functionibus bellicis relationem quandam habent (§. 281.); Præterea vero munimenta ad vim hostis arcendam exstruantur (*per hyp.*); Et milites ad omnia obligentur, quæ ad vim hostis arcendam necessaria sunt (§. 160.): Apparet, quod & pacis tempore milites ad exstructionem munimentorum adhiberi possint. *Q. c. 2.*

Non quidem obligatio militum principalis est excitatio munitionum, sed accidentalis saltem. Fieri hinc etiam solet, ut vel in exercitu sint, qui huic labori præferri vacare debent, qui cunicularii, *Minews* vocantur; Vel etiam eidem rustici, præsertim hostiles, adhibeantur, si eorum copia haberi possit. Quodsi vero hoc nequeat, aut auctor belli, si ve, qui ejus nomine bellum gerit, dux summus, necessarium judicet, militibus eo uti: Quin illud possit, dubium esse nequit: Cum illi judicium de eorum, quæ ad bellum gerendum faciunt, relinquendum sit (§. 783. *Jur. gent. WOLF.*).

Ceterum in sequentibus demonstrabitur, quod, cum militibus stipendium proprie pro operis militaribus solvatur, ad quas exstructio munimentorum, si pacis tempore fiat, proprie referri nequit, iisdem præter stipendium aliquid solvi conveniat. Quo supposito itaque eo minus iniquum videri potest, illos tali labori admoventi, qui proprie sub ministerio belli non continentur.

§. 285.

*Milites ad omnes actus vis alicujus illativos obligantur, ad quos ne- ad omnes
cessarii judicantur.* *actus vis il-*

Milites enim & vel pacis tempore ad alias functiones adhiberi possunt, quam quas ministerium belli proprie exigit (§. 280.). Convenit vero, ut eadem vim aliquam inferendam aut arcendam concernant (§. 282.). Ad actus itaque vis cujusdam illativos eos adhiberi & posse & convenire, apparet. Penes autorem belli vero judicium est eorum, quæ ad bellum necessaria sunt (§. 183. *Jur. gent. WOLF.*); Adeoque, cum milites ad usum belli destinati sint (§. 14.), & eorum, quæ ab ipsis peragenda sunt. Milites itaque etiam alia facere non possunt, quam quæ auctor belli necessaria judicat (§. 174.). Adeest itaque ex parte militum necessitas moralis ea faciendi. Quare cum in hac obligatio consistat (§. 118. *Part. 1. Phil. pract. univ. W.*): Patet, quod milites ad omnes actus vis alicujus illativos obligantur, ad quos necessarii judicantur.

§. 286.

*Si quæ militibus extra functiones, quas proprie ministerium belli re- omnia ex-
quirit, mandantur, eadem æque exacte ab ipsis fieri debent.* *actus pera-*

Functiones enim bellicæ, hoc est, ex, quas ministerium belli exigit (§. 166.), exacte peragenda sunt (§. 170.). Quare cum milites & pacis tempore in continuo exercitio earundem retineri debeant (§. 169.): Ea, quæ ad hoc faciunt, exacte etiam fieri debent; Ut nempe exactitudini assuecant. Quare cum ea, quæ militibus extra functiones bellicas proprias mandantur, eo tendant, ut in exercitio illarum retineantur (*per dem. §. 281.*): Eadem etiam æque exacte ab ipsis peragenda sunt.

§. 287.

Milites arma alienare vel in pignus dare non debent.

Milites enim ad vim inferendam vel arcendam obligantur (§. 158. 160.). *ad arma*
Quare cum arma sint instrumenta, quibus vis inferitur vel repellitur *non alie-*
(§. 231.): Absque armis obligationi suæ satisfacere nequeunt. Cum ve- *nanda.*
ro id, ad quod obligamur, moraliter necessarium (§. 118. *Part. 1. Phil. pract. univ. W.*); Adeoque contrarium ejus moraliter impossibile sit (§. 279. *Ontol. W.*): Impossibile etiam est moraliter, ut faciant, quo armis destituantur. Quare cum per alienationem res ad alium transferatur (§. 662. *Part. 2. Jur. nat. W.*): Patet, quod arma alienari nequeant a militibus. *Q. e. 1.*

Jus mil. nat.

N

Et

Et cum oppignoratio via sit ad alienationem (§. 1144. *Part. s. l. c.*): Id, quod quis alienare nequit, nec in pignus dari potest. Quare cum miles arma alienare nequeat (*per dem. n. l.*): Illa nec oppignorare potest. *Q. c. 2.*

Demonstratio hic in genere traditur absque respectu, an arma militum propria sint, nec ne. Obtinuit enim olim, & adhuc forsitan obtinet, ubi subditi non nisi in casu necessitatis ad militiam evocantur, ut armis instructi apparere debeant. Uti præsertim de vasillis constat. Si vero arma militibus suppeditentur, uti hodie solet, & pro statu militari præenti fieri debet: Alia ratione strim elucet, eadem neque alienari neque oppignorari posse. Sunt enim non militum propria, sed aliena, auctoris nempe belli. Nemo vero rem non nisi propriam, neuriquam alienam nec alienare (§. 606. *Part. 2. Jur. nat. W.*), nec oppignorare potest (§. 1164. *Part. s. l. c.*). Cum vero in casu priori arma militum propria esse possint: Et item aliena esse, supponere non licuit in demonstratione. Adeoque hanc ita formandam duxi, quo utrique casui adaptaretur.

§. 288.

Quamdiu in militia gantur. Milites tamdiu in militia manere debent, quamdiu ad eandem obli-

manere debeant,

Cum enim obligatio in necessitate morali consistat (§. 118. *Part. 1. Phil. præf. univ. W.*): Necessè est, ut qui ad militiam obligatur, eandem etiam præstet, adeoque in ea maneat. Ut itaque quis miles esse debeat, rationem suam habet in obligatione ejus ad militiam. Quare cum posita ratione sufficiente poni etiam debeat, quod propter eam potius est, quam non est (§. 118. *Ontol. W.*): Quamdiu ponitur obligatio cujusdam ad militiam, tamdiu etiam ponendum est, ut in militia, siue miles, manere debeat.

§. 289.

quamdiu milites lectionis adest. Milites lecti tamdiu in militia manere obligantur, quamdiu casus ne-

cti,

Cum enim milites propter casum necessitatis legantur (§. 23.); Milites vero lecti ad militiam obligentur (§. 38.): In casu necessitatis continetur ratio sufficiens, cur milites lecti ad militiam obligentur (§. 36. *Ontol. W.*). Quamdiu itaque ponitur casus necessitatis, ponitur etiam ratio obligationis militum lectorum ad militiam. Posita vero ratione sufficiente poni etiam debet, quod propter eam potius est, quam non est (§. 118. *l. c.*): Quamdiu igitur casus necessitatis adest, tamdiu milites lecti ad militiam obligantur. Quare cum consue in militia quis manere

manere debeat, quam ad eandem obligatur (§. 288.): Milites lecti in militia manere obligantur, quamdiu casus necessitatis existit.

§. 290.

Milites itaque lecti invito auctore belli a militia discedere non possunt. *invito auctore belli discedere nequeunt,*

Quod enim milites a militia discedere nequeant, quamdiu in eadem manere obligantur, cuivis perspicuum erit. Quare cum milites lecti tamdiu in militia manere obligentur, quamdiu casus necessitatis adest (§. 289.): Illos etiam tamdiu discedere non posse, facile apparet. Judicium vero de necessitate casus necessitatis militibus ipsis relinqui nequit, sed est penes auctorem belli (§. 783. *Jur. gent. WOLF.*). Quamdiu itaque non consentit, ut milites lecti discedant, tamdiu presumendum est, quod casum necessitatis adhuc adesse existimet; Adeoque tamdiu discedere non possunt. Qui vero non consentit in id, quod alter vult vel facit, invitus est. Patet itaque, quod milites lecti invito auctore belli discedere nequeant a militia.

§. 291.

Milites conductitii tamdiu in militia manere obligantur, quamdiu ad quamdiu eandem contractu militari, sive capitulatione se adstrinxerunt. *conductitii obligentur,*

Militum enim conductitiorum obligatio ex contractu militari sive capitulatione est (§. 57.). Quare cum contractus militaris vel ad dies vite vel ad certum tantum tempus vel bellum iniiri possit (§. 54.), & in posteriori casu capitulatio dicatur (§. 55.): Milites conductitii ad militiam tamdiu obligantur, quamdiu contractu militari sive capitulatione se ad eandem adstrinxerunt. Cum itaque milites tamdiu manere debeant in militia, quamdiu ad eandem obligantur (§. 288.): Milites tamdiu manere debent, quamdiu contractu militari sive capitulatione se adstrinxerunt.

§. 292.

Quodsi vero subditus vel ad certum tantum tempus miles factus sive si subditus capitulatus sit: Casu necessitatis ingruente tamen tamdiu manere debet miles, quamdiu casus ille existit, si vel maxime tempus capitulatione expressum fuerit elapsum.

Licet enim subditus miles etiam conduci (§. 36.); Adeoque et ad certum tantum tempus miles fieri sive capitulari possit (§. 54.): Et cum milites conductitii ex contractu sive capitulatione obligentur (§. 57.); Etiam tamdiu saltem in militia manere debeat, quamdiu se adstrinxit (§. 291.): Fieri tamen potest, ut subditus, qui sponte sua miles

factus, adeoque conductitius saltem est, & ex pacto obligatur (§. 52.), postea tamen, casu nempe necessitatis ingruente, obligetur etiam naturaliter (§. 58.). Quoniam itaque obligatio subditorum ad militiam ad casum necessitatis restricta est (§. 749. *Juris gent. WOLF.*): Obligatio subditi, qui ad certum tempus saltem capitulatus est, necessitatis casu superveniente tandiu, quam hic adeit, durat. Licet itaque tempus, ad quod capitulatus est, elapsum, adeoque obligatio ejusdem ex capitulatione sublata sit (§. 291.): Alia tamen adhuc ejusdem obligatio, naturalis nempe, superest (*per dem.*). Quare cum milites tandiu in militia manere obligentur, quamdiu ad hanc tenentur (§. 288.): Subditus, qui ad certum tantum tempus capitulatus est, casu necessitatis superveniente, tandiu tamen in eadem manere obligatur, quam hic subsistit, licet tempus illud fuerit elapsum.

Hinc iterum apparet, obligationi subditorum naturali ad militiam eo nihil derogari, quod etiam conduci saltem se pati possint; Adeoque si hoc ad certum deum tempus factum sit, eo elapso liberari etiam debeant. Casu enim superveniente, quo subditi ad militiam naturaliter obligantur, obligatio alia in locum illius ex pacto succedit. Atque adeo capitulatio obligationem naturalem minime tollit.

§. 293.

Si in contractu militari tempus, ad quod militia duret, non fuit expressum, milites conductitii invito auctore belli ab ea discedere nequeunt.

Cum milites belli causa constituentur (§. 14.); Adeoque per eisdem auctor belli jus suum persequi intendat (§. 1.): Si milites conducantur, adeoque inter illos et auctorem belli pactum intercedat (§. 51.), quod contractus militaris vocatur (§. 53.), hunc potissimum auctoris belli gratia celebrari, facile apparet. Cum vero non nisi volentes conducantur (§. 22.); Adeoque et liberum ipsis esse debeat, an ad certum tantum tempus conduci se velint: Jus illis est, contractui militari tempus adjiciendi, ad quod militia duret (§. 54.). Quodli vero hoc non faciunt: Significant se jure hoc uti nolle; Adeoque eidem renunciant (§. 103. *Part. 3. Jur. nat. WOLF.*). Et cum renunciatio semper fiat in gratiam alterius (§. 47.); Hic vero cum auctore belli agatur (§. 51.): Renunciationem hanc juri suo ad tempus saltem certum sese obligandi in gratiam auctoris belli fieri, intelligitur; Cum ejusdem interlit potissimum contractus militaris (*per d. m.*). In hoc casu itaque in arbitrium auctoris belli posuisse censendi sunt, quousque illos in militia retinere voluerit. Tandiu itaque ad eandem obligantur, quamdiu auctor belli vult. Quamobrem

obrem cum milites tamdiu in militia manere debeant, quam ad eandem obligantur (§. 288.); Adeoque nec prius ab ea discedere (*Quod per se patet*): Milites etiam conductitii, tempore nullo in contractu militari expresso, a militia discedere non possunt, nisi auctore belli volente, adeoque non eodem invito.

Propositio præsens demonstrari equidem etiam potuerit ex eo, quod contractus militaris sit pactum (§. 53.); A pacto vero uni paciscentium altero invito recedere non liceat (§. 840. *Part. 3. Jur. nat. WOLF.*); Adeoque nec militi conductitio, si certum tempus stipularus non sit, ad quod militia duret. Ex eo vero facile quis inferre potuisset, quasi sic nec auctori belli liceret, militem conductitium ipso invito dimittere. Cum vero dubitandum non sit, quod, quem dmodum fœdera, ita & pacta dentur inæqualia (§. 398. *Jur. gent. W.*), in quibus ab una parte major obligatio esse possit, quam ab altera; Naturam vero contractus militaris pactum tale inæquale involvere, jam demonstratum fuerit: Non absolum erit, jus hoc auctori belli live principi asserere. Uti suo loco evinceretur. Contractui enim militari, cui certum tempus adjectum non fuit, clausula semper tacite subest, quod miles militiam continuare velit, *quousque principi placuerit*.

§. 294.

Quare cum, si miles conductitius neque expresse ad dies vitæ, neque *nec expresse* ad certum modo tempus capitulatus sit, facile appareat, contractui *nisi ad dies* militari tempus, ad quod militia duret, adjectum non esse (§. 55.); In *vitæ capitulati sint*, hoc casu vero illi a militia discedere invito auctore belli non liceat (§. 293.): *Et si miles conductitius neque expresse ad dies vitæ, nec etiam ad certum saltem tempus capitulatus sit, pro lubitu ac invito auctore belli a militia discedere nequit.*

§. 295.

Si miles conductitius tempore capitulatione expresse elapso militiam si tempore sponte continuet, postea, aut saltem ante tempus æquale elapsum, invito elapso auctore belli ab ea discedere nequit. *sponte continuent,*

Cum enim suo loco demonstrabitur, militem conductitium ultra tempus, ad quod capitulatione se adstrinxit, retineri non posse: Evidens est, & etiam absque probatione forsan concedetur, quod miles conductitius tempore eo elapso, si discedere ipsi recusetur, etiam invito auctore belli, illud possit. Quod interea hic supponi liceat (*per hyp.*). Si itaque militiam ultra tempus illud sponte continuet, declarat, jure suo, quod ipsi ex contractu militari competeret, uti se nolle; Adeoque juri suo renunciat (§. 103. *Part. 3. Jur. nat. W.*). Pactum itaque, quo contractus

militaris nititur, pro temporario amplius haberi nequit, sed idem est, ac si illi tempus certum adjectum non fuerit. Quare cum in hoc casu miles conductitius invito auctore belli a militia discedere non possit (§. 293.): Nec illud poterit, si militiam ultra tempus capitulatione expressum sponte continet. *Q. c. 1.*

Cum vero si pacto temporario finito, ab uno contrahentium quid fiat, quod nonnisi vi ejusdem fieri poterat, altero conscio, nec dissentiente, pactum tacite renovetur (§. 820. *loco cit.*): Si miles conductitius ultra tempus capitulatione expressum militiam continet, capitulatio siue contractus militaris, qui pactum est (§. 53.), tacite renovatur. Quare cum, si pactum tacite renovetur, illud per tantum temporis intervallum denuo valeat, quanto antea duraverat (§. 823. *ibidem*): Si miles conductitius tempore capitulatione expresso elapso militiam sponte continet, ante tempus aequale saltem ab ea invito auctore belli discedere nequit. *Q. c. 2.*

§. 296.

abique per- Milites in genere, siue lecti, siue conductitii, absque permissione au-
missione thoris belli a militia discedere nequeunt.

discedere
nequeunt. In militia enim continetur ratio omnium obligationum militarium (§. 130.); Adeoque vi ejusdem certis obligationibus tenentur milites in genere, siue lecti sint, siue conductitii. Quod si itaque a militia discedere, siue eadem solvi velint: Solvantur obligationibus istis, necesse est. Obligationes vero militares sunt erga reipublicam siue rectorem ejusdem (§. 132.), hoc est, auctorem belli (§. 10.). Cum itaque ex obligatione jus oriatur (§. 23. *Part. 1. Jur. nat. WOLF*): Auctori belli jus competit, militibus, qua talibus utendi. Ut itaque milites ab obligationibus suis liberentur, jus illud remittere debet auctor belli (§. 97. *Part. 3. loc. cit.*). Quoniam itaque hoc facere censei nequit, nisi illis permittat, ut a militia discedant: Apparet, quod milites in genere, siue lecti, siue conductitii, absque permissione auctoris belli a militia discedere nequeant.

Cum tam milites lecti (§. 290.), quam conductitii ad certum tempus non capitulati (§. 293.) invito auctore belli a militia discedere non possint: Vel ex eo pater, quod illud nec absque ejusdem permissione facere queant. De illis vero dubium nasci posset, qui ad certum tantum tempus capitulati sunt. Tempore enim illo elapso, obligationem illorum ad militiam simul finiri, constat, adeoque & si illud recusetur, invito auctore belli discedere posse, negari non poterit (*per dem.* §. 295.). Alia vero plane questio est: An miles absque permissione discedere: Et: an auctor belli eandem in omni casu denegare possit? Quod enim illud militibus

liribus conductitiis, quorum tempus effluxit, denegari nequeat: Suo quidem loco demonstrabitur. Interim hoc non obstat, quo minus a militia absque permissione, rogata minimum, discedere nequeant.

§. 297.

Miles, cui a militia discedere permittitur, seu qui eadem solvitur, *dimissionis* mitti dicitur. Ita ut *missio* sive *Lunssio* sit permissio militi data discedendi a militia, sive solutio ab eadem. De qua ut coniet, neque miles pro eo habeatur, qui invito auctore belli a militia discesserit, *Littera dimissoria*, sive missionis testes, uti elegantiori locutione dicuntur, dari solent. Quæ itaque testimonium sunt de solutione a militia, sive de permissione militi data discedendi a militia. *dimissio-
rum dimissoria-
rum definitio.*

Missio jam olim, & ipso iure romano in honestam & ignominiosam, ut et alias etiam species, uti causariam, distingui suevit (*l. 2. §. 2. ff. de His, qui not.*). Quam vero differentiam, uti per se satis intelligitur, hujus saltem loci non est explicare. Suo etiam loco ostendetur, quod illa vel voluntaria, vel necessaria esse possit.

§. 298.

Milites tam lecti, quam conductitii in genere, si militia solvi vel ab eadem discedere cupiant, dimissionem petere sive exigere debent. *dimissio-
nem peten-
dam obli-
gantur,*

Milites enim in genere, sive lecti, sive conductitii, absque permissione auctoris belli a militia discedere nequeunt (§. 296.). Quodli itaque discedere cupiant, ut permissionem illam consequi studeant, necesse est. Quare cum id fiat petendo, sive exigendo (*Quod per se patet*); Permissio vero, quæ militi datur discedendi a militia, dimissio vocetur (§. 297.): Patet, quod tam milites lecti, quam conductitii in genere, si discedere velint a militia, dimissionem petere sive exigere debeant.

Studio additur, quod aut petere aut exigere debeant dimissionem. Fieri enim posse, ut dimissio recusari non possit, jam indigavimus in scholio ad §. 296. Hoc itaque casu dimissionis petito iure perfecto fit. Fieri vero etiam potest, ut iure imperfecto saltem petatur, ita ut recusari possit. Quare cum priori casu *exigi*, posteriori saltem *peti* quid dicatur proprie, si curatius loqui velis (§. 745. Part. 3. Jur. nat. WOLF.): Utroque vocabulo non absque ratione nos uti, intelligitur.

§. 299.

Contractus militaris ita etiam iniri potest, ut militi conductitio a militia discedere liceat, quando ijsi liberit. *an militi
conductitio
licere possit
pro lubien
discedere.*

Contractus enim militaris pactum est (§. 53.); Adeoque a mutuo paciscentium consensu sive voluntate dependet (§. 788. Part. 3. Jur. nat. WOLF.). Quare cum paciscentes in eodem sint auctor belli & miles condu-

conductitius (§. 51.): Ab illorum etiam voluntate pendere debet, quomodo contractum illum celebrare, vel quasnam illi condiciones adijcere velint. Licet itaque, si tempus illi expresse non adjiciatur, in arbitrio auctoris belli positum sit, quousque militem conductitium retinere voluerit (*dem.* §. 293.): Non tamen repugnat, id etiam in arbitrium militis conductitii collocari, si auctor belli consentiat. Atque adeo patet, quod contractus militaris etiam sub hac conditione possit iniri.

§. 300.

Voluntario- Qui ultro, & vel absque mercede, quousque tamen saltem ipsi li-
rum defini- buerit, militiam subeunt, cum alias ad eandem cogi non possint, *Volun-*
tio, *tarii* milites scilicet dicuntur.

Ita & olim voluntarios vocatos esse, ex LIVIO refert PET. MUL-
LER in *Diff. de Mandatis ducum milit.* cap. 2. §. 6. Cum hic supponan-
tur, qui ad militiam alias non obligantur, adeoque, qui si milites fieri
debeant, conducere debent; Militibus vero, qui conducuntur, merces sol-
vi solet (*per hypoth.*): Additur in definitione, quod *absque mercede* mi-
litent voluntarii. Quod enim hoc possit, dubitandum non est. Mercedem
enim saltem in gratiam militum solvi, ut nempe sustentationem, cui
ipsimet prospicere nequeunt, inde accipiant, suo loco evincetur. Jure
vero suo vel favori pro se introducto quemlibet renunciare posse, vul-
gati juris est. Quodsi & milites, si velint absque mercede, si eadem
non indigeant, militare possint, dubitari nequit. Voluntarii plerumque
esse solent personæ dignitate eminentiores, quæ artis militaris studio sal-
tem eo ducuntur, ut in bello aliquantum versentur.

§. 301.

consensu
auctoris
belli mili-
tant.

Auctor belli in militiam voluntariorum consentire debet.

Cum enim milites a rectore civitatis sive superiore, utpote auctore
belli (§. 10.), constituentur (§. 20.): Ab ejus voluntate dependet, an
eum militem esse velit, qui miles esse cupit. Ut itaque voluntarius, qui
ultro scilicet militiam subit (§. 300.), miles fiat, auctor belli velle de-
bet, quod vult ille. Quare cum is, qui vult, quod vult alter, consen-
tiant (§. 658. *Part. 1. Phil. pract. univ. W.*): Auctor belli in militiam vo-
luntariorum consentire debet.

Addenda fuit hæc propositio, ut intelligatur, neminem exercitui se
pro lubitu associare, & cum ipso militare posse. Fieri itaque etiam solet,
ut debet, ut ii, qui voluntariorum nomine in exercitu aliquo militare cu-
piunt, permissionem prius auctoris belli, sive, qui ejus nomine exercitui
præest, ducis belli supremi nancisci debeant.

§. 302.

§. 302.

Quare cum consensus duorum in eandem promissionem pactum *Pactum in-*
 sit (§. 788. *Part. 3. Jur. nat. IV*); Miles voluntarius vero militiam ul- *eum cum*
 tro quidem, sed quousque libuerit, promittat (§. 300.), & auctor belli *auctore*
 in hanc promissionem consentire debeat (§. 301.): *Inter auctorem belli belli,*
 & militem voluntarium pactum intercedit de militia quousque huic libue-
 rit, præstanda.

§. 303.

Voluntarii itaque, quamdiu militant, ad omnia obligantur, ad quæ ad omnia
milites in genere. obligantur, ad quæ mi-

Voluntarii enim pactum ineunt de militia præstanda (§. 302.); Adeo- *ad quæ mi-*
 que eandem promittunt (§. 788. *cit.*). Quare cum ex promissione oria- *lites,*
 tur obligatio ea faciendi, quæ quis promittit (§. 361. *loco cit.*): Volun-
 tarii ad militiam præstandam obligantur. In militia vero continetur ra-
 tio omnium obligationum militarium (§. 130.). Quare cum posita ra-
 tione sufficienti ponendum etiam sit, quod propter eam potius est, quam
 non est (§. 118. *Ontol. W.*): Voluntariis omnes obligationes militares in-
 cumbunt. Quare cum obligationes militares dicantur, quibus milites,
 quæ tales, tenentur (§. 120.): Voluntarii ad omnia obligari debent, ad
 quæ milites in genere. Sed cum militiam saltem promittant, quousque
 libuerit (§. 302.); Ex promissione vero obligatio eorum nascatur (*per*
dem.): Eo usque etiam modo obligantur, quo militent, sive militare
 ipsis libuerit.

Cum milites jurato militiam promittere debeant propterea, ut eo for-
 tius adstringantur, ne ab eadem discedant (§. 148.): Cum auctoris belli
 interfit, ne hoc fiat (§. 147.); Voluntariis vero hoc liberum relinquatur
 (§. 302.); Adeoque nec proprie numerentur, sed supra numerum ha-
 beantur: Cessat etiam ratio juramenti militaris. Hinc nec fieri solet, ut
 voluntarii illud præstent.

§. 304.

Voluntarii in militia diutius manere non obligantur, quam ipsis li- *quamdiu*
buerit. manere de-

Cum enim obligatio voluntariorum ex pacto veniat (§. 303.): Idem
 ultra pactum non obligantur. Quare cum pactum ineant de militia sal-
 tem, quousque libuerit præstanda (§. 302.): Diutius etiam ad eandem
 non obligantur. Cum itaque milites eousque modo in militia manere
 debeant, quo ad eam obligantur (§. 288.): Voluntarii diutius manere
 non obligantur, quam ipsis libuerit.

Jur. mil. nat.

O

Hoc

Hoc tamen non obstat, quo minus illud indicare debeant, si discedere velint, & permissionem exigere. Licet enim milites ad certum tempus capitulari illo effluxo nec ulterius ad militiam obligentur: Nihilominus eosdem ad permissionem discedendi exigendam teneri, demonstravimus §. 296 & 298.

§. 305.

Quamdiu miles ad militiam obligatur, miles esse non desinit.
quamdiu milites sint, Status enim militum, qua talium, militia dicitur (§. 83.). Quamdiu itaque milites ad militiam obligantur, tamdiu statum militum, qua talium, retinere debent. Quamdiu vero miles statum, qua talis, retinet, tamdiu eundem militem esse, adeoque non desinere, per se intelligitur. Quousque itaque miles in militia manere debet, eousque miles esse non desinit. Quare cum milites in militia manere debeant, quamdiu ad eam obligantur (§. 283.): Miles etiam esse non desinit, quamdiu ad militiam obligatur.

§. 306.

Si milites ab hoste capiuntur, propterea milites esse non desinunt, sive captivitate a militia non solvantur.
captivitate a militia non solvantur, In bello enim captorum jura et obligationes non amittuntur, sed in suspenso relinquuntur (§. 905. *Jur. gent. WOLF.*). Quare cum hic milites ab hoste, adeoque in bello, capti supponantur (*per hyp.*); Milites vero in genere ad militiam obligentur (§. 38.): Hæc obligatio ipsorum ad militiam per captivitatem non tollitur. Quare cum milites esse non desinant, quamdiu ad militiam obligantur (§. 305.): Milites ab hoste capti milites esse non desinunt, sive a militia non solvantur.

Quod hic generaliter ponatur, milites ab hoste captos non desinere esse milites, non ita sumendum est, quasi non detur casus, quo miles captus a militia sive obligatione ad eandem solvatur. Afferitur modo, per captivitatem in se eandem non solvi, seu hanc non esse causam solutionis a militia. Casus enim, quo miles captus solvitur, (§. seq.) statim quidem exhibebitur. In eo vero causa solutionis non est captivitas, sed alia quedam superaddens.

§. 307.

Milites ab hoste capti obligationibus suis non solvantur, nisi in quarantam per captivitatem impediuntur, quo minus iisdem satisficiant.
nec ab obligationibus suis liberantur,

Milites enim capti a militia non solvantur (§. 306.). In militia vero continetur ratio omnium obligationum militarium (§. 130.). Licet itaque milites ab hoste capiuntur, ratio tamen obligationum ipsorum adhuc

huc subsistit; Neque adeo iisdem solvuntur. Quare cum posita ratione sufficiente ponendum etiam sit, quod propter eam est (§. 118. *Ontol. W.*): Patet, quod milites capti obligationibus suis non solvantur. *Q. e. 1.*

Cum vero per captivitatem impediuntur obligationibus suis satisfacere (*Quod per se patet*); Hoc vero vi externa, qua capti detinentur, efficiatur: Impossibile physice quidem est, ut iisdem satisfaciant. Quare cum ad impossibile nemo obligari possit (§. 209. *Part. 1. Phil. pract. univ. W.*): Nec milites capti ad satisfaciendum obligationibus teneri possunt, quatenus per captivitatem impediuntur, adeoque eatenus iisdem solvantur. *Q. e. 2.*

Consentit vir perillustis L. B. de WOLF, dum asserit, jura in bello captos non extinguere, sed in suspenso saltem esse (§. 905. *Jur. gent.*). Cum enim jus ex obligatione nascatur (§. 23. *Part. 1. Jur. nat.*): Hoc simul involvit, quod in bello capti obligationibus suis non solvantur, ex quibus jura in illos comperunt. Apparet itaque, quod obligationes militares per captivitatem non tollantur penitus, sed suspendantur modo.

§. 308.

Si tempus, ad quod miles conductitius capitulatus est, durante ea captivitate expiret, ille a militia solvitur.

Cum enim miles conductitius ex contractu militari saltem ad militiam obligetur (§. 57.); Hic vero contractui illi certum tempus adjectum esse, ad quod militia duret, supponatur (*per hyp.*): Ultra illud tempus ad militiam non obligatur. Quare cum & hoc tempus durante captivitate expirare supponatur (*per hyp.*): Miles conductitius ab hoste captus in hoc casu ad militiam amplius non tenetur. Cum itaque quamprimum miles ad militiam non obligatur amplius, miles esse desinat, sive quod perinde est, eadem solvatur (§. 305): Hoc etiam de milite conductitio intelligitur, si tempus, ad quod capitulatus est, durante captivitate expiret.

Causam solutionis a militia hic non esse captivitatem, sed lapsum temporis, ad quod miles conductitius nomen suum militiae dedit, cuivis erit perspicuum. Generalitati itaque asseri, quod milites capti militia non solvantur (§. 306.), præjudicium non affertur. Nec obstat, quod milites in genere, adeoque & conductitii ad certum tempus capitulati, si militia solvi cupiant, dimissionem petere sive exigere debeant (§. 298.). Militi enim capto aditus ad auctorem belli non pater. Per captivitatem itaque impeditur, quo minus dimissionem petere, adeoque obligationi huic suae satisfacere possit: Cum vero eatenus milites capti obligationibus suis solvantur (§. 307.): Nec militi conductitio, cujus tempus durante captivitate elabitur, dimissionis defectus obesse potest, quo minus militia solvatur.

§. 309.

*an milites
capti hostis
militiam
amplecti
possint,*

*Milites itaque ab hoste capti, apud eundem servitia militaria susci-
pere sive milites fieri nequeunt, nisi conductitii sint, quorum tempus capi-
tulatione expressum effluxerit, aut alio modo a militia solvantur.*

Cum enim milites ad bellum gerendum obligentur (§. 157.); Hostis vero sit, cum quo bellum geritur (§. 11.): Ad bellum contra hostem gerendum obligantur. Si vero milites militiam hostis amplecterentur.: Huic potius obligarentur ad bellum pro ipso gerendum. Obligationi itaque militum illud repugnat. Licet vero milites capti obligationibus suis satisfacere nequeant: Non tamen iidem solvuntur (§. 307.). Et hinc licet milites capti auctori belli militiam actu præstare & hosti bellum inferre non possint: Obligatio tamen eorum ad illam non tollitur, sed in suspensio saltem est. Quare cum obligatio in necessitate morali consistat (§. 118. Part. 1. Phil. pract. univ. W.); Adeoque impossibile sit, moraliter nempe, ut contrarium ejus faciant, ad quod obligantur (§. 279. Ontol. W.): Impossibile etiam est moraliter, ut milites capti militiam hosti amplecti possint. Adeoque illud facere nequeunt. *Q. e. 1.*

Cum vero miles conductitius militia solvatur, si tempus, ad quod capitulatus est, durante captivitate expiret (§. 308.): Ejusdem amplius in eo casu, aut si quis alio modo militia solvitur, nulla ad militiam obligatio est. Quare cum hæc obstat, quo minus milites capti hostis partes sequi possint (*per dem. n. 1*): Illa sublata tollitur hujus ratio sufficiens. Sublata vero ratione sufficiente poni nequit id, quod propter eam esse deberet (§. 118. loc. cit.). Neque adeo asseri potest, quod miles conductitius, cujus tempus effluxit, aut si quis alio modo solvatur a militia, captivitate impediatur, quo minus hostis militiam amplectere-
tur. Q. e. 2.

In genere hic rursus saltem demonstratur, militem captum propterea hostis militiam amplecti non posse, quia captus est. Dari enim casus, quibus militi capto id impune licere debet, vel ex adducto militis conductitii exemplo, cujus tempus expiravit, intelligitur. & ex sequentibus apparebit. Toties enim illud fieri posse debet, quoties miles captus obligatione ad militiam solvitur. Hinc vero simul elucet, captivitatem ejus causam non esse, sed solutionem a militia. Cum vero ingratum admodum videatur, arma stringere contra eum, pro quo modo illud factum est, licet ad hoc nulla amplius obligatio sit: Quæri utique posset, an salva conscientia miles captus, cujus obligatio solvitur, hostis partes amplecti queat. Cum vero hic de jure saltem externo agatur: Decisio questionis illius hujus loci non est. Militi etiam conductitio alia superaccedere potest obligatio, quæ obstat, quo minus apud hostem militiæ
se

se dare possit, licet vel maxime tempus effluxerit; Nimirum, si subditus sit. Subditis enim sive civibus vi obligationis generalis, qua tenentur, salutem civitatis promovendi, nec quicquam faciendi, quod ei contrariatur (§. 24. *Part. 8. Jur. nat. WOLF.*), nec arma in propriam civitatem inferre licere potest. Quare cum ab obligatione hac civili per captivitatem non liberentur (§. 905. *Jur. gent. W.*); & cives maneant, licet vel a militia solvantur: Nec miles conductitius, si subditus sit, impune hostilem militiam amplecti poterit, licet tempus capitulatione expressum effluxerit. Cum vero hoc impedimentum ex alia prorsus ratione, quam lapsu temporis resultet; Et lapsus hic saltem per se impunitatem illam concedat (*per dem. n. 2.*): Nec universalitati asserti illud derogat. Qua miles enim conductitius posset; Qua civis vero prohibetur.

§. 310.

Obligationes militares cessant, quamprimum milites tales esse de quando obligationes militares cessant,

In militia enim continetur ratio omnium obligationum militarium (§. 130.). Quare cum cessante ratione sufficiente, cessare etiam debeat, quod propter eam est (§. 118. *Ontol. W.*): Quamprimum militia sive obligatio ad eandem cessat, cessare etiam debent obligationes militares. Cum vero militia dicatur status militum, qua talium (§. 83.): Si milites tales esse desinant, militiam etiam & obligationem ad eandem cessare, facile intelligitur. Patet itaque, quod obligationes militares cessent, quamprimum milites tales esse desinunt.

Aliter.

Obligationes enim militares militibus, qua talibus, incumbunt (§. 120.); Adeoque propterea, quod milites sint. Ratio itaque sufficiens, cur iis incumbant, in eo continetur, quod milites sint (§. 56. *Ontol. WOLF.*). Quamprimum itaque milites tales esse desinunt, cessat ratio, propter quam ipsis obligationes militares incumbunt. Quare cum uti posita ratione sufficiente, ponendum sit, quod propter eam est (§. 118. *l. c.*); Ita cessante eadem illud cessare debeat: Patet, quod obligationes militares cessent, si milites tales esse desinant.

§. 311.

Quare cum militia solvantur, adeoque milites esse desinant, qui *dimissione*, quovis modo dimittuntur (§. 297.): *Obligationes militares dimissione finiuntur.*

§. 312.

Morte itaque militum civili, qua dicitur, obligationes militares si morte civili,

Mortem enim civilem stilo juridico, pati dicuntur, qui capitis deminutionem patiuntur (HOTOMANNI *Comment. verb. jur.* p. 227.). Capitis vero mutatio in prioris status mutatione consistit (*princ. Inst. de capit. demin.*). Mors itaque civilis in mutatione status consistit. Et milites mortem civilem patiuntur, si statum suum amittunt. Cum igitur status militum, qua talium, militia dicatur (§. 83.): Mortem civilem subeunt, si militia solvantur, adeoque milites esse desinant. Quare cum obligationes militares cessent, si milites desinant esse tales (§. 310.): Easdem morte civili militum finiri apparet.

Hæc locutio juris saltem civilis est, & idem exprimit, quod jam §. 310. verbis simplicibus enunciatum fuit. Propterea vero eadem uti libuit, ut appareat, quomodo ea, quæ juris naturalis sunt, applicentur ad ea, quæ jure civili continentur.

§. 313.

sunt personales,

Obligationes militares sunt personales.

Obligationes enim militares militibus, qua talibus, incumbunt (§. 120.), & hinc si milites tales esse desinant, cessant (§. 310.). Personæ itaque militum ita inhaerent, ut ab eo in alium nullo modo transire possint. Quare cum illud, quod dicto modo personæ inhaeret, in genere personale dicatur (§. 543. *Part. 3. Jur. nat. W.*): Patet, quod obligationes militares personales sint.

§. 314.

morte naturali exspirant.

Obligationes militares morte militum naturali exspirant, nec ad heredes eorum transmittuntur.

Obligationes enim militares cessant, quamprimum milites tales esse desinunt (§. 310.). Quare cum milites, si moriantur, in genere, adeoque & qua tales in specie esse desinant (*Quod per se patet*): Morte militum naturali eadem exspirant. Et cum per se intelligatur, id, quod morte alicujus exspirat, ad heredes ejus non transire: Hoc etiam de obligationibus militaribus elucet.

Aliter.

Obligationes militares personales sunt (§. 313.). Ea vero, quæ personalia sunt, morte personæ extinguuntur, consequenter in heredes ejus non transmittuntur (§. 865. *Part. 8. loc. cit.*). Obligationes itaque militares morte militum naturali exspirant, nec ad heredes eorum transmittuntur.

Hæc quidem ea sunt, quæ de obligationibus militum, qua talium, quotquot earum ipso jure naturæ noscuntur, dicenda nobis obvenire, &

•••

ex quibus, specitalia si quæ supersunt, levi opera deduci poterunt. Non enim omnia exhausta credimus: Principia tamen forsân non deerunt, quæ ceteris demonstrandis sufficient. Occurrent etiam in sequentibus, quæ ad obligationes militum adhuc reſerri poterint; Reponenda tamen fuerunt, quoniam hoc loco nondum datur eadem demonstrare, sed alia antea præmittenda sint, quibus ad illa deducenda tanquam principiis uti, necesse est.

FINIS CAPITIS SECUNDI.

JURIS MILITUM
NATURALIS
CAPUT III.
DE JURIBUS MILITUM.

§. 315.

Militibus ea omnia facere, liberum esse debet, sine quibus obligationibus Quæ facere suis satisfacere nequeunt. *re militibus liberum esse debet.*

Dantur enim varix militum obligationes, quæ hæctenus fuisse expofitæ (cap. 2.). Quare cum in genere cuilibet liberum esse debeat ea facere, sine quibus obligationi suæ satisfacere nequit (§. 45. *Inſtit. jur. nat. & gent. WOLF*): Necesse est, ut militibus etiam liberum sit, ea facere, sine quibus obligationibus suis nequeunt satisfacere.

§. 316.

Militibus itaque jus esse debet ad omnia, sine quibus satisfacere nequeunt obligationibus suis. *Ad quæ jus ipsis esse debet.*

Militibus enim liberum esse debet ea facere, sine quibus obligationibus suis satisfacere nequeunt (§. 315.). Facere itaque ea posse debent. Quare cum possibilitas agendi facultas dicatur (§. 716. *Ontol. IV.*): Ipsi competat facultas ea faciendi, sine quibus obligationes suas adimplere nequeunt, necesse est. Facultas vero agendi, moralis nempe, jus dicitur (§. 954. *Part. 1. Theol. nat. III.*): Militibus itaque jus esse debet ad ea, sine quibus obligationibus suis nequeunt satisfacere.

§. 317.

§. 317.

Quæ licere debeant. Quare cum ad ea, ad quæ nobis jus est, licita dicantur (§. 170. Part. 1. Phil. pract. univ. IV.): Militibus licere debent ea, sine quibus obligationibus suis satisfacere nequeunt.

§. 318.

Jura quæ talibus non competunt. Militibus itaque, quæ talibus, jura competere debent, quæ paganis non competunt.

Militibus enim jus est ad ea omnia, sine quibus obligationibus suis satisfacere non possunt (§. 316.); Obligationes vero militares militibus, quæ talibus, competunt (§. 120.): Ipsis itaque etiam quæ talibus jus ad eadem competere debet. Et cum plures obligationes militares sint; Unicuique vero satisfaciendum sit (*quod per se patet*): Plura etiam jura militibus, quæ talibus, competere debent. Cum vero jura hæc militibus, quæ talibus, competant (*per dem.*); Pagani vero dicantur cives reliqui, qui milites non sunt (§. 80.); Et dentur jura militum a juribus paganorum diversa (§. 81.): Jura hæc, quæ militibus, quæ talibus, competere debent, paganis non competunt.

§. 319.

Jurium militarium definitio. Jura, quæ militibus, quæ talibus, competunt, sive eorum propria sunt, *militaria* dicuntur.

De juribus militum singularibus præter alias dissertationem scripsit ERN. FRID. SCHROËTER, qui tamen, uti reliqui, qui hoc argumentum attigerunt, maxime ea saltem jura singularia sive privilegia, quæ militibus in causis civilibus jure romano indulta sunt, recenset; De iis, quæ ex obligationibus militum, quæ talium, fluunt, parum sollicitus: Cum tamen hæc potiora sint.

§. 320.

Ea perfecta sunt. Jura *militaria perfecta* sunt.

Jura enim *militaria* propter obligationes militares competunt (§. 316.); Obligationes vero militares ex promisso veniunt (*per dem.* §. 133.): Jura itaque & *militaria* ex promisso sunt. Jura vero ex promisso perfecta sunt (§. 364. Part. 3. Jur. nat. W.): Jura itaque & *militaria perfecta* sunt.

Jure itaque perfecto milites exigunt ea, quæ ipsis, quæ talibus, debentur. Et cum quisque ipso jure naturæ obligetur, neminem in exercitio juris sui impediendi (§. 66. Inst. jur. n. & g. W.); Huic perfectæ obligationi vero respondeat jus perfectum non patiendi, ut impediamur (§. 81. l. c.); Milites etiam pati non tenentur, ut in usu jurium *militarium* impediantur, sed cogere possunt eos, qui eos impedire voluerint.

§. 321.

§. 321.

Ratio jurium militarium continetur in militia.

eorum ra-

Jura enim militaria militum propria sunt (§. 319.). Jura vero militum *tia*. propria per statum ipsorum peculiarem constituuntur (§. 82.). Jura itaque militaria militibus propterea competunt, quia statum peculiarem sortiuntur. Ex statu itaque eorum intelligitur, cur obligationibus istis teneantur. Quare cum id, ex quo intelligitur, cur alterum sit, ratio hujus dicatur (§. 56. *Ontol. W.*): Status militum, qua talium, rationem in se continet jurium militarium. Status vero militum, qua talium, militia dicitur (§. 83.). Patet itaque, quod in militia contineatur ratio jurium militarium.

§. 322.

Jura militaria, sine quibus nempe milites obligationibus suis satisfacere nequeunt, necessaria sunt, sive necessario ipsis competunt. *Necessaria sunt,*

Cum enim obligatio in necessitate agendi consistat (§. 118. *Part. 1. Phil. pract. univ. W.*): Necessarium esse facile apparet, ut milites ea faciant, ad quæ obligantur, sive ut obligationibus suis satisfaciant. Facere vere hoc non possunt sine juribus militaribus (*per hyp.*). Impossibile itaque est, ut hæc jura militaria ipsis non competant. Quare cum illud, cujus contrarium impossibile est, necessarium sit (§. 279. *Ontol.*): Jura militaria, sine quibus nempe obligationibus suis satisfacere nequeunt, necessaria sunt, sive necessario ipsis competunt.

Cum privilegia militum etiam ad jura militaria referri soleant; Dantur vero privilegia militum, quæ rationem necessariam in militia non habent; Neque adeo necessaria, sed arbitraria tantum sint; Uti in sequentibus demonstrabitur: Videri posset, quasi jura militaria saltem non omnia, necessaria non sint. Ut itaque eo minus dubium oriatur: Dixi quod jura militaria, sine quibus milites obligationibus suis satisfacere non possunt, necessaria sint. Talia vero proprie sunt omnia jura militaria; Jura enim & privilegia militum arbitraria proprie militaria non sunt. Hæc enim militibus, qua talibus, competere & eorum propria esse debent (§. 319.). Utrumque vero de illis dici nequit. Sic ex gr. beneficium restitutionis in integrum privilegium quidem militum est (*per hyp.*): Non tamen illis, qua talibus, sed qua reipublicæ causa absentibus competit; Et adeo cum omnibus, qui reipublicæ causa absunt, illis commune, neque ipsorum proprium est.

§. 323.

Jura militaria, sine quibus nempe milites obligationibus suis satisfacere nequeunt, ipso jure nature competunt. *Jure nature competunt.*

Jus mil. nat.

P

Ratio

Ratio enim jurium militarium in militia continetur (§. 321.). Posita itaque militia, ponantur etiam jura militaria, necesse est (§. 118. *Ontol. WOLF.*). Cum vero militia dicatur status militum, qua talium (§. 83.): Posita notione militum ponitur etiam militia; Adeoque & ponuntur jura militaria. Jura itaque militaria ex notione militum deduci possunt. Quæ vero ex notione militis deduci queunt, juris naturæ sunt (§. 110.). Jura itaque militaria, sine quibus nempe milites obligationibus suis satisfacere nequeunt, ipso jure naturæ ipsis competere debent.

Simili ratione, quam in scholio ad §. præced. adduximus, apparet, cur juribus militariis, quæ jure naturæ competunt, determinationem addiderimus, sine quibus milites obligationibus suis satisfacere nequeunt. Dantur enim quidem jura & privilegia militum, quæ jure naturæ ignorant, & quæ solo jure positivo ipsis conceduntur. Hæc vero proprie militaria non sunt. Uti in sequentibus suo loco evincetur.

§. 324.

Militibus competunt jura naturalia, Militibus jura ea competere debent, quæ hominibus, qua talibus, in genere, ipsa natura competunt, sive naturalia.

Hominibus enim, qua talibus, ipsa natura jura competere, & competere debere, per se notum est (§. 45. *Instit. jur. n. & g. WOLF.*), utpote quæ in jure naturæ traduntur & naturalia dicuntur. Milites vero non desinunt esse homines propterea, quod milites fiant (*dem.* §. 118.). Patet itaque, quod militibus etiam competere debeant jura ea, quæ hominibus in genere, qua talibus, competunt.

Hoc vero supponit, quod eorum jurium quoddam vel quædam specialiter ipsis jure positivo ademta non sint. Cum enim in genere in civitate ex naturaliter licito lege civili fieri possit illicitum (§. 977. *Part. 8. Jur. nat. W.*); Milites autem civitatem supponant (§. 18.); Et leges militares sint etiam civiles (§. 97.): Quod lege etiam militari ex naturaliter licito fieri possit illicitum, dubium esse nequit. Cum vero licitum dicatur, ad quod nobis jus est (§. 170. *Part. 1. Phil. pract. univ. W.*); Et legibus militariis teneantur milites (§. 135.): Jura etiam iisdem adimi posse apparet, quæ natura ipsis, sive qua hominibus, competere. Uti suo loco demonstrabitur. Jura etiam naturalia militibus competere non posse, si quæ obligationibus illorum contrariantur, mox evincetur.

§. 325.

ut & civilia. Similiter militibus ea jura competere debent, qua civibus, qua talibus, in genere, competunt, sive civilia.

Cum enim cives, qua tales, statum peculiarem fortiantur, qui civilis dicitur (§. 127. *Part. 1. Jur. nat. W.*); Status autem, moralis nempe, uti obligationes, ita & jura pecuniaria involvat (§. 123. *loco cit.*): Civibus

bus etiam, qua talibus, jura pecuniaria competere, apparet & per se notum est, quæ civilia dicuntur. Quare cum & milites sint cives (§. 77.): Militibus etiam jura ea competere debere, quæ in genere civibus, qua talibus, competunt, sive civilia, intelligitur.

Pari vero ratione ut in scholio ad §. præc. patet, militibus etiam adimi posse jura, quæ aliis civibus competunt. Cum enim dentur jura militum diversa a juribus civium reliquorum (§. 81.): Illa vero per statum ipsorum determinentur (§. 82.): Jura civium, quæ statui eorum repugnant, ipsis competere nequeunt. Id quod & §. statim sequenti demonstrabitur. Suo vero loco etiam ostendetur, militibus jura ea adimi posse.

§. 326.

*Si quæ jura naturalia vel civilia repugnant obligationibus militari- Quænam
bus, eadem militibus competere non possunt. competere
non possunt.*

Jus enim saltem in facultate agendi consistit (§. 954. Part. 1. Theol. nat. W.). Quare cum facultas sit possibilitas agendi (§. 716. Ontol. W.): Possibile saltem est, ut agas, ad quod tibi jus est. Quare cum militibus jura naturalia (§. 324.) & civilia competant (§. 325.): Possibile saltem est, ut agant ea, quæ homines, aut cives reliqui agere possunt; Ut vero agant, necessitas non adest. Obligatio contra in necessitate agendi consistit (§. 118. Part. 1. Phil. pract. univ. W.): Necessarium itaque est, ut agas, ad quod obligaris. Quare cum necessarium dicatur, cujus contrarium impossibile est (§. 279. Ontol. W.): Impossibile est, ut agas contrarium ejus, ad quod obligaris. Quare cum hic jura naturalia aut civilia obligationibus militariibus repugnare supponantur (*per hyp.*): Obligationes militares vero militibus, qua talibus, incumbant (§. 120.): Impossibile est, moraliter nempe, ut ea faciant, quæ ei illorum jurium facere possent. Patet itaque, quod jura naturalia et civilia militibus competere non possint, si quæ obligationibus militariibus repugnant.

§. 327.

*Jura, quæ militibus, tam qua hominibus, quam qua civibus compe- Ea milita
tunt, militaria non sunt. ria non
sunt.*

Jura enim, quæ militibus, qua hominibus, vel qua civibus competunt, tribui etiam debent hominibus & civibus in genere (*dem.* §. 324. 325.). Militum adeo non propria, sed illis cum aliis communia sunt. Quare cum jura militaria dicantur, quæ militum propria sunt, sive, quæ ipsis, qua talibus, competunt (§. 319.): Facile apparet, quod jura, quæ militibus, qua hominibus, aut qua civibus, competunt, militaria non sunt.

§. 318.

*Ad quam
namque
jus sit in
genere.*

Militibus jus esse debet ad omnia, quæ ad bellum gerendum necessaria sunt.

Milites enim obligantur ad bellum gerendum, adeoque ea omnia, quæ ad bellum gerendum necessaria sunt (§. 157.). Quare cum militibus jus esse debeat ad omnia, sine quibus satisfacere nequeunt obligationibus suis (§. 315.): Ipsis etiam jus esse debet ad omnia, sine quibus obligationi huic bellum gerendi satisfieri nequit, sive, quæ ad illud gerendum necessaria sunt.

Est hoc jus militum generale, quod specialia sub se eo comprehendit.

§. 319.

*Ad quam
namque
in specie.*

Simili modo, cum milites ad vim hosti inferendam (§. 158.), vim ejusdem arcendam (§. 160.), adeoque ad ministerium belli (§. 163.) actus bellicos committendos, operationes bellicas & hostilitates suscipiendas (§. 236.) & alia huc facientia obligentur, sine quibus bellum geri nequit, sive, quæ ad illud gerendum necessaria sunt: *Militibus jus esse debet ad ea faciendæ, sine quibus vis hosti inferri, sive vis ejusdem arcere nequit, & adeo, ad ea quæ ministerium belli exigit, & sine quibus actus bellici committi, operationes bellicæ & hostilitates suscipi nequeunt.*

Nonnulla hic saltem recensentur, ad quæ militibus in specie jus esse debet, quæ vero reliqua omnia involvunt. Sic ad vim hosti inferendam etiam requiritur, ut cum illo pugnent, prælia committant, obsidiones suscipiant, & alia; Ad vim ejus arcendam, ut ipsi resistant, urbem obsessam defendant, et alia. Facile itaque patet, militibus etiam jus esse debere ad ea, sine quibus hæc fieri nequeunt. Quæ vero singula recensere operæ pretium non erit: Cum statim intelligantur, modo obligationes eorum cognoveris.

§. 330.

*Quousque
jus illorum
res procedat.*

Milites tamen non majorem vim hosti inferre, nec plures aut majores hostilitates committere queunt, quam fieri vult auctor belli.

Milites enim in bello gerendo alia facere non possunt, quam quæ auctor belli ad idem gerendum necessaria judicat, & fieri vult (§. 174.). Ut vero hosti vis inferatur, hostilitates committantur, reliqua, ab bellum gerendum pertinere, per se patet. Milites itaque & in vi hosti inferenda, hostilitatibus exercendis, reliquis, alia facere nequeunt, sive ulterius procedere nequeunt, quam auctor belli necessaria judicat, & fieri vult.

Rursus

Rursus hoc de quibusdam saltem juribus exempli loco demonstratur, quod milites in eorum exercitio ultra voluntatem auctoris belli procedere non possint. Facili autem applicatione parebit, idem etiam de reliquis omnibus valere.

§. 331.

Milites itaque hostilitates committere nequeunt sine jussu aut concessione expressa vel tacita auctoris belli sive præfectorum (§. 912. *Jur. gent.* *WOLF.*). *Quousque hostilitates committere possint,*

Milites enim alias hostilitates committere nequeunt, quam quas vult auctor belli (§. 330.). In hostilitatibus itaque exercendis sequi debent voluntatem ejusdem. Voluntas vero verbis vel factis declarari, adeoque vel expressa, vel tacita esse potest (§. 3. *Part. 3. Jur. nat. W.*). Quare cum significatio voluntatis de eo, quod ab altero fieri volumus, jussu dicatur (§. 983. *Part. 1. Theol. nat. W.*); Concessione vero live permissione significetur voluntas de eo, quod alius facere possit, licet facere non obligetur: Patet, quod milites absque jussu live concessione expressa vel tacita auctoris belli hostilitates committere nequeant. *Q. c. 1.*

Et cum facile quisque largietur, hoc ex imperio illo provenire, quod auctori belli in milites competit (§. 176.); Auctor vero belli per præfectos militum imperium hoc exerceat (§. 185.); Facile patet, quod pro voluntate ipsius auctoris belli habenda sint, quæ a præfectis jubentur sive conceduntur. Quare cum & milites ad ea obligentur, quæ a præfectis ipsis mandantur (§. 221.): Nec hostilitates committere queunt absque jussu live concessione tacita vel expressa præfectorum. *Q. c. 2.*

In exercitio tamen eorum, quæ in bello licent, officia naturalia observanda esse, jam alibi monuimus. Licet enim, si superior illicita, naturaliter nempe talia, permittat, impunitatem quidem der agendi (§. 975. *Part. 3. Jur. nat. W.*); Non tamen conscientia eo salvatur.

§. 332.

Quare cum contributiones militares (§. 843. *Jur. gent. WOLF.*), ut & direptiones (§. 845. *loc. cit.*) & depradationes (§. 849. *ibid.*) ad hostilitates referantur; Milites vero hostilitates ultra voluntatem auctoris belli sive præfectorum exercere non possint (§. 331.); Et præfecti militum imperio aliorum, & tandem ducis summi, uti & hic, auctoris belli, subsint (§. 201. 205.): *Milites & eorum præfecti contributiones militares exigere, direptiones & depradationes committere nequeunt absque expressa vel tacita voluntate sive concessione auctoris belli & præfectorum, quorum imperio subsint.*

Legi sane merentur, quæ de restricta militum & præfectorum libertate, hostilitates committendi monuit vir perillustis L. B. de WOLF in scholio ad §. 912. egregii operis Juris gentium.

§. 333.

*& pugnare
cum hoste.*

Milites absque mandato pugnare cum hoste non possunt.

Pugnare enim cum hoste ad hostilitates sine dubio referendum est (§. 235.); Hostilitates vero sine jussu aut concessione expressa vel tacita committere, militibus non licet (§. 331.). Pugnare itaque etiam licere nequit, nisi voluntas sufficienter declarata adlit (§. 3. Part. 3. Jur. nat. WOLF.); Nec eandem præsumere licet (schol. §. 912. Juris gent.). Quare cum voluntas de eo, quod a militibus fieri debeat, mandato demum sufficienter declaretur (schol. §. 222.): Apparet, milites absque mandato pugnare non posse.

§. 334.

*Res hostiles
capere.*

Militibus etiam jus esse debet, res mobiles hostium abripiendi sive capiendi.

Militibus enim jus esse debet ad omnia, quæ ad vim hosti inferendam necessaria sunt (§. 329.). Vis vero non semper immediate personæ hostis, sed & rebus ejusdem inferre datur (§. 250.). Quod cum & fiat, si res ejusdem mobiles abripiantur sive capiantur: Militibus quoque illud faciendi jus esse debet.

Quod naturaliter licitum sit, res hostiles in bello capere, demonstratur §. 849. Jur. gent. WOLF. Hic vero supposita permissione juris naturæ, saltem deducitur, quod & militibus hoc jus competere debeat. Nec hoc frustra fieri crediderim. Licet enim in genere hostilitates in bello licitæ sint: Non tamen a quovis committi possunt; Sed hoc jus militibus solis vindicandum est. Cum vero milites jura sua hostilitates committendi absque permissione auctoris belli, sive præfectorum exercere nequeant; Illud etiam de hoc valere, me etiam non monente intelligitur.

§. 335.

*Præda de-
finizio.*

Res mobiles hostiles, quæ in bello abripiuntur sive capiuntur a militibus, Præda dicuntur.

Quomodo a manubiis differat, & quænam ad eam referenda sint, pluribus explicatur §. 848. Jur. gent. W. & scholio ad eundem.

§. 336.

*Milites
prædam fa-
cere pos-
sunt.*

Quare cum militibus jus sit res mobiles hostium capiendi (§. 334.); Res vero hostiles mobiles præda dicantur (§. 335.): Militibus jus etiam esse debet prædam faciendi.

Quæ vero in scholio ad §. 334. moneatur, huc etiam debent applicari.

§. 337.

Milites tamen prædam suam facere sive sibi retinere non possunt, nisi non vero sibi retinere.
 & quatenus illud ab auctore belli permittitur.

Præda enim est summarum potestatum, quorum est bellum (§. 852. *Juris gent. WOLF.*), hoc est auctoris belli (§. 9.); Neque jus ullum ad eandem militibus sive eorum præfectis competit (§. 853. *loco cit.*). Quodsi itaque auctor belli non consentiat, ut milites illam retineant: Si hoc faciant, illo invito rem, quæ ejusdem est, sibi attribuant. Quoniam vero nemo alteri invito rem suam auferre debet (§. 497. *Part. 2. Jur. nat. W.*): Nec milites absque consensu auctoris belli prædam suam facere, sive sibi retinere possunt. Cum vero invitum non sit, si vel quatenus illud permittit: Quod milites prædam retinere possint, si & quatenus auctor belli illud permittit, simul intelligitur.

Depredatio enim, etsi fiat a militibus, non tamen fit jure militum, sed jure summæ potestatis, quæ iisdem utitur tanquam instrumentis in actibus bellicis, seu juris sui executione in bello (*Schol. §. 852. cit.*). Jure quidem romano, ea quæ ex hostibus capiuntur, asservuntur, & jure quasi gentium, capientibus (*l. 5. §. 7 ff. de Adq. rer. dom.*), & GROTIUS disputationem illam, cui res hostium acquirantur, propter dissensum juris interpretum pro graviore reputat (§. 8. *Cap. 6. lib. 3. de J. B. & P.*). Omnem vero difficultatem inde evenire, quod non ex ipsis rerum notionibus quæstiones definire soleant, sed per rationes extrinsecas opiniones defendant præconceptas, monuit L. B. de WOLF in *scholio ad §. 854. loc. cit.* Si pristinæ spectes, variam eam invenies: Plerumque tamen præda, vel certa quædam ejus pars militibus concessa, aut inter eos distributa fuit. Quorum plura exempla recenset GROTIUS loco citato. Res privatas, capientibus relinqui, publicas vero auctori belli reservari, plerisque legibus militaribus constitutum est; Quarum summam dedit CHRIST. WILDVOGEL in *Diss. de Præda militari, habita Jenæ 1713. & recussa 1745* Quibus & consentiunt Hassiacæ art. 75. Licet itaque jure naturæ præda non nisi auctori belli asseri queat: Ab ejus tamen arbitrio dependet, quomodo de eadem disponere velit, cum illud pro lubitu possit (§. 855. *l. c. WOLF.*). Et cum in sequentibus evinceretur, quod conveniat, militibus præmia etiam constitui: In præmium illam militibus aliquatenus relinqui, maxime convenit.

§. 338.

Militibus ab auctore belli ea præstari debent, sine quibus obligationibus sive officiis suis satisfacere nequeunt. *Quenam ab auctore belli præstanda sint.*

Militibus enim jus est ad omnia ea, sine quibus obligationibus suis satisfacere nequeunt (§. 316.). Quodsi itaque ad satisfaciendum obligationibus suis requiratur, ut quædam ipsis præstentur (*per hyp.*): Ad eandem

dem etiam illis jus esse debet. Cum vero jus ex obligatione oriatur (§. 23. *Part. 1. Jur. nat. W.*): Jus illud etiam competere debet contra eum, cui obligantur. Obligantur vero populo sive ejus rectori, cujus milites sunt (§. 129.), hoc est, auctori belli (§. 10.): Jus itaque illud contra auctorem belli competit. Jus vero obligationem supponit (§. 23. *cit.*): Auctor itaque belli obligari debet ad militibus ea præstanda, sine quibus obligationibus suis satisfacere nequeunt. Atque adeo patet, quod militibus ab auctore belli præstari debeant ea, sine quibus obligationibus, sine officiis suis satisfacere non possunt.

Idem itaque est, ac si assereretur, auctorem belli ad ea præstanda obligari. Quoniam vero hic jura militum explicantur; Illud potius per modum juris militibus competentis, quam obligationis auctori belli incumbentis enunciari, e re visum fuit. Quod etiam de sequentibus notandum erit.

§. 339.

*Sustentatio
illis præ-
standa est.*

Militibus itaque sustentatio debet præstari ab auctore belli.

Milites enim operas suas ad ministerium belli impendere debent (§. 173.). Alii itaque rebus ipsis vacare non datur, quibus aliquid acquirere, adeoque sustentationem sibi acquirere possent. Per ministerium itaque ipsum belli impediuntur, quo minus de sustentatione sibi met ipsi prospicere queant. Absque tamen sustentatione ministerium belli præstari non posse, nullo negotio intelligitur. Quare cum ad illud obligentur (§. 163.): Milites absque sustentatione obligationi huic satisfacere nequeunt. Si itaque hoc fieri debeat: Sustentatio ipsis porrigenda est. Quare cum ea, quibus milites indigent ad satisfaciendum obligationibus suis, ipsis præstanda sint, ab auctore belli (§. 338.): Et sustentatio illis præstari debet.

Pro statu militiæ fieri equidem etiam potest, ut milites proprio sumtu se alere debeant; Prout de Romanis veteribus & Germanis illud comprobatur Sam. STRYCK in *Diff. de Provisione militum* §. 2. Et quod Vassalli propriis sumtibus militare debeant, nemo ignorat. Paucis etiam hoc effici posse, si ei, qui militat, bona sint, ex quibus de sustentatione sibi prospicere queat; Vel etiam statu reipublicæ alia ratione constituto, cives, si hoste imminente tantum ad arma vocentur, quantum possunt, semet ipsos alere teneri, dubium esse nequit. Cum vero casus hic specialis non supponatur, ubi de jure in genere agitur: Aliud asseri nequit, quam quod si homines quidam militiæ se dedant, eoque impediuntur acquisitionem facere eorum, quæ ad eorum sustentationem requiruntur, eadem ipsis suppeditari debere. Hodiernæ militiæ ratio, quæ mercenaria et perpetua est, præsertim vero hoc exigit. Et eo res reedit, ut per militiam sustentationem quærant homines, qui alia ratione illam sibi comparare aut non possint, aut non æque commodum reputent.

§. 340.

Militibus provincialibus sustentatio non præstanda est, nisi actu ad *Quando*
servitia militaria adhibeantur. *militia*

Militibus enim sustentatio propterea dari debet, quia propter ministerium belli ab illis præstandum, ipsimet eidem prospicere, & aliquid acquirere nequeunt (*dem. §. 339.*). Milites vero provinciales ad servitia militaria continuo non adhibentur (§. 258.). Adeoque etiam aliis negotiis, quibus quid acquirere licet, vacare ipsis datur. In militibus itaque provincialibus cessat ratio, cur sustentatio militibus continuo dari debeat. Quare cum uti posita ratione sufficiente ponendum sit, quod propter eam est (§. 118. *Ontol. W.*); Ita & cessante eadem, etiam hoc cesset: Patet, quod militibus provincialibus sustentatio continuo præstanda non sit. *Q. c. 1.*

Cum vero si ad servitia actu adhibeantur, impediuntur, aliquid acquirere, quo ipsimet sustentationi suæ consulere possint (*dem. §. 339.*); Ratio adest, cur militibus sustentatio porrigi debeat (*per dem. n. 1.*). Quare cum posita ratione sufficiente ponendum etiam sit, quod propter eam est (§. 118. cit.): Sustentatio etiam militibus provincialibus in illo casu præbenda est. *Q. c. 2.*

§. 341.

Sustentatio militibus vel in natura sive specie præberi, vel ad ejus *Quomodo*
comparationem pecunia solvi potest. *sustentatio*
præbeatur.

Cum enim sustentatio hominis requirat, tam ut corpus alatur, quam contra injuriæ temporum tegatur (*per not.*): Ea, quæ ad alendum corpus vel tegendum faciunt militibus, vel in natura præstari, vel aliud quid ipsis dari debet, quo eadem comparari possint. Quare cum res ea, qua res aliæ comparari possunt, pecunia dicatur (*per hyp. & §. 290 Part. 4. Jur. nat. W.*): Sustentatio militibus vel in specie potest præberi, vel ad eandem comparandam pecunia solvi.

Quodnam præster, hujus loci proprium non est, definire, ubi de prudentia militari non agitur. Unum tamen vel alterum indigitandi forsitan occasio dabitur, si ad specialia venerimus. Romani jam olim partim cibaria, partim pecuniam dabant (de L U D E W I G in *Differ. juris rom. & germ. in re militari Differ. 1. notab. pag. 4.*

§. 342.

Aes sive pecunia, quod vel quæ militibus sustentationis, victus præ- *Stipendii*
 ærtim, gratia datur, *Stipendium* dicitur (§. 760. *Jur. gent. WOLF.*). *definitio.*
Jus mil. nat. *Q* *Ab*

Ab initio quidem militibus stipendia non præbebantur, ita ut Romanis illud saltem anno U. C. 359. receptum fuerit. Nec apud Germanos olim militia mercenaria fuit. Uti jam monui ad §. 339. Postea vero stipendium adeo proprium factum fuit militum, ut stipendia mereri idem sit, ac militare, & apud nos milites a stipendio, *Solde*, denominationem *Soldaten*, delinquerint (LUDEWIG loco cit. §. 1. nota b. & c. p. 4 & 12. Stipendium vero non pro omni sustentatione, sed quædam hujus pars etiam in natura dari solet, uti apud Romanos jam obtinuisse, ad §. præced. adnotavimus.

§. 343.

Pecunia diurna de- finitio. *Stipendium*, quod militibus provincialibus, si actu ad servitia adhibeantur, solvi solet, cum in singulos dies solvatur, in specie *diurnum*, sive *pecunia diurna*, *Tagegeld*, dici solet.

Militibus provincialibus enim, si actu serviant, sustentatio etiam præbenda est (§. 340.). Et cum id vel in natura, vel mediante pecunia fieri possit (§. 341.); Pecunia vero, quæ sustentationis gratia militibus solvitur, stipendium dicatur (§. 342.); his etiam vel sustentatio reipsa porrigenda, vel stipendium solvendum est. Cum ad sustentationem re ipsa præstandam apparatus requiratur, qui non statim adiungitur, ac milites provinciales servitiis adhiberi, necesse est. Cum id inopinato sæpe eveniat: Eo casu stipendium potius illis solvi solet, & quidem, cum servitia eorum pacis præsertim tempore paucis sæpe diebus absolvantur, in singulos dies, per quos servi erunt. Præfatis vero eorum, cum rei militaris gnari esse debeant, adeoque ex veteranis sumi soleant, qui acquæstum alium facere nequeunt, stipendii continua solvi quidem solet. Quæ vero cum sint exigua: Nonnunquam, si actu serviant, diurna adduntur.

§. 344.

Stipendium merces est. Cum sustentatio militibus propter operas militares, quas nempe ministerium belli requirit, præbeatur (*dem.* §. 339.); Stipendium vero sustentationis gratia militibus solvatur (§. 342.), & pretium operarum merces dicatur (§. 327 Part. 4. *Jur. nat. W.*): *Stipendium merces est, quæ pro operis militaribus, sive labore militari solvitur* (§. 760. *Jur. gent. W.*).

§. 345.

Contractus milit. est locatio conductio. *Contractus* itaque *militaris est locatio conductio*. Milites enim ad certas operas, militares nempe, præstandas obligantur (§. 172.), & conductitii quidem vi contractus militaris (§. 57.). Pro illis vero ipsis merces quædam datur (§. 344.). Ex contractu itaque militari certæ operæ præstandæ sunt pro certa mercede. Quare cum contractus, quo certa opera pro certa mercede præstatur, locatio conductio

ctio vocetur (§. 194. *Pari. 4. Jur. nat. W.*): Contractum militare locationem conductionem esse apparet.

Hinc etiam est, quod miles, qui ex contractu militari talis sit, conductus appellatur (§. 37). Professor quidem in academia Rinteliensi cel. PAUL. PHIL. WOLFHARD in programmata, quod *de locatione militum* inscripsit, pag. 3. contractum militare, locationem conductionem esse, propterea negavit, quod opera militares, cum periculo vitæ & membrorum sint conjunctæ; Libertas vero, vita & membra pro rebus taxari solitis censeri nequeant; Neque adeo pretium recipiant. Si tamen rem curatius inspicias: Facile elucescer, objectionem hanc nullam esse. Non enim libertas, vita & membra locantur, sed opera militares. Hæ vero non necessario vitæ sur membrorum privationem involvunt. Quod autem cum ipsorum periculo connestantur, hoc saltem ex accidenti est. Dantur enim etiam aliæ opera, quæ cum eodem periculo conjunctæ sunt, quas tamen nemo locati posse negabit. Exemplum vulgare habemus in contegularioribus, qui tecti ædium exstruunt, vel reficiunt, & aliis. Hoc equidem certum esse existimo, contractum militare, secundum regulas juris civilis de locatione conductione dijudicari non posse, & in eo lubens accedo. Si vero ex notionibus ratiocinari velis, eundem locationem conductionem esse, qualem ipso jure naturæ obtinere evincitur, negari nequit. Determinationes enim, quæ notionem hujus ingrediuntur, insunt etiam contractui militari. Cui vero definitio competit, ei & comparat definitum, necesse est (§. 36. *Log. WOLF*). Er cum de specie valere debeant, quæ de genere (§. 235. *ib.*): De contractu militari etiam valere debent, quæ de locatione conductione juris naturæ sunt: Nisi quatenus forsan determinationes peculiares accedant. Quare & vir supra laudatus eundem jure gentium, quod ipsi dicitur, locationem appellare ipse non dubitat.

§. 346.

Stipendia militibus præcise sive prompte solvenda sunt.

*Stipendia
prompte sol-
venda.*

Stipendia enim militibus sustentationis gratia solvuntur (§. 342.). Cum itaque milites propter ministerium belli impediuntur, sustentationem alio modo acquirere: Si stipendia ipsis non præcise seu prompte, hoc est, debito tempore solverentur, evenire facile posset, ut sustentatione carerent. Militem vero, ut in genere quemque, sustentatione carere & obligationibus suis satisfacere non posse, facile intelligitur. Quoniam itaque militibus ea præstanda sint, sine quibus obligationibus suis satisfacere non possent (§. 338.): Militibus etiam stipendia præcise seu prompte solvenda sunt (§. 761. *Jur. gent. WOLF*).

Incommoda, quæ ex non præcisa sive negligenti solutione stipendiorum emergunt, recensentur in scholio ad *loc. cit.* Simul vero patet, pro prompta solutione stipendiorum militibus nihil detrahendum esse. Pro

stipendiis enim milites operas militares præstant (§. 344.). Adeoque cum illa ipso jure præcise sive promte solvenda sint (*per dem.*): Ratio non adest, cur præter operas militares aliud quid adhuc pro eorum solutione darent. Quare cum absque ratione sufficienti nihil admittendum sit (§. 70. *Ontol W.*): Nec pro prompta stipendiorum solutione militibus aliquid detrahendum est, utpote quæ ipsis ipso jure competit.

§. 347.

*Quando
quid præ-
ter stipen-
dia.*

Si milites pacis tempore ad exstructionem vel reparationem munimentorum, aut alios etiam labores graviores, qui ad ministerium belli non pertinent, adhibeantur, ipsis præter stipendia mercedem aliquam solvi convenit.

Milites enim quidem & pacis tempore ad exstructionem vel reparationem munimentorum (§. 284.), vel alias etiam functiones, quas ministerium belli proprie non exigit, adhiberi possunt (§. 280.). Proprie tamen ad operas modo militares obligantur (§. 173.), & pro his ipsis stipendia solvuntur (§. 344.). Si itaque ad alia, præsertim labores graviores adhibeantur: Operas præstant, pro quibus ipsis nihil solvitur, & ad quas non proprie, nec ex alia causa, obligantur. Quod hic supponitur. Quare cum nemo teneatur alteri gratis dare, vel facere, si is vicissim dare vel facere possit (§. 268. *Part. 4. Jur. nat. WOLF.*): Patet, quod utique conveniat, militibus præter stipendia mercedem aliquam solvi, si pacis tempore ad exstructionem vel reparationem munimentorum, vel alios labores graviores adhibeantur, qui ad ministerium proprie non pertinent.

Aequitatem hanc naturalem praxis etiam agnoscit. Fieri enim suevit, ut in ejusmodi casibus tam pari, quam stipendio militum additamentum aliquod fiat. In levioribus negotiis vero, & quæ brevi tempore peraguntur, extraordinariam mercedem jure exigere posse non apparet. Ex eodem enim principio jam allegato, quod nemo gratis quid dare vel facere teneatur, si alter vicissim quid dare vel facere possit, simili modo elucet, quod, cum stipendia militibus pacis æque atque belli tempore solvantur, isdem etiam extra functiones belli proprias alia etiam committi possint. Cum enim functiones bellicæ tempore pacis aut plane cessent, aut frequentes adeo non sint, ut milites satis occupent (*per dem.* §. 280.): Pro mercede, quam recipiunt, aut nihil aut parum vicissum facerent. Quod æquitati naturali repugnat.

§. 348.

*Quando
stipendia
augenda.*

Militibus tempore belli stipendia augeri, vel majora exsolvi, quam pace, convenit.

Quoniam is, qui aliquid dat vel facit, tantundem ab altero recipere debet

debet (§. 270. *loc. cit.*), si nempe ille gratis dare vel facere nolit; Quod hic non supponitur: Et adeo ratio rerum & operarum determinanda fit (§. 271. *ibid.*): Qui operas plures vel majores præstat, plus etiam seu majorem mercedem ab altero recipiat, necesse est. Milites vero tempore belli plures & graviores operas præstare, quisque facile concedet. Quare cum militibus pro operis militaribus stipendia solvantur (§. 344.): Hæc etiam tempore belli augeri, vel majora exsolvi, quam pace, convenit.

Hoc etiam praxi rursus comprobatur. Militibus enim actu militantibus pinguiora solvi stipendia, cuivis constat. Hanc etiam est, quod tempora belli militibus adeo sint exoptata. Præter rationem illam juris intrinsecam vero aliæ externæ etiam accedere possunt. Tempore enim belli pretia rerum augeri solent. Non itaque eadem pecuniâ ea, quæ ad vitæ sustentationem requiruntur, comparari possunt. Quare cum stipendia sustentationis gratia dentur, & in pecuniâ consistant (§. 342.): Eadem etiam ex hac ratione augeri necesse est. Imo etiam illud nonnunquam propterea fieri solet, quia pretia rerum majora sunt in ea provincia, in qua militatur. Sic v. gr. copiis germanicis, quamprimum Rhenum transgressæ fuerint, stipendia in ejusmodi speciei solvi solent, qua illa ad tertiam usque partem augentur.

§. 349.

Militibus victus & amictus, qui dici solent, dari debent, & qui victus & amictus dem vel in specie vel pecunia ad eorum comparisonem. *amictus præbendus.*

Victus enim & amictus ad sustentationem requiruntur (*per exper.*). Quare cum militibus sustentatio præbenda fit (§. 339.): Iisdem etiam victus & amictus præberi debere, apparet. *Q. e. 1.*

Et cum sustentatio vel in specie præberi, vel pecunia ad ejus comparisonem solvi possit (§. 341.): Idem quoque de victu & amictu facile intelligitur. *Q. e. 2.*

§. 350.

Præstat militibus victum, saltem præcipuum, in specie, adeoque fru victum in menta sive panem ex iis costum dari, quam pecuniam ad ejus comparationem. *specie dari præstat.*

Milites enim ad ministerium belli (§. 162.), & operas, quas illud involvit, sive militares obligantur (§. 173.). Ut itaque in eo statu conserventur, quo illas præstare possint, maxime interest auctoris belli Ad operas vero militare robur corporis requiri, nemo est, qui negabit. Hoc autem cum sanitate admodum connexum est. Ut adeo milites ad ministerium belli, sive operas militares apti maneant, requiritur, ut sanitas

nitatis eorum conservetur; Et cum hæc etiam a cibo magnam partem dependeat (*per not.*), ut cibo sano utantur. Tutius itaque est, ut ipsis talis, præcipuus saltem, præbeatur, quam ut arbitrio eorum relinquantur, quo uti velint; Præterea, cum pecunia, quæ ipsis ad ejus comparationem datur, facile alio modo dilapidare & dein cibo necessario plane egerere possent. Cum itaque cibus præcipuus, apud nos saltem, & qui sanum se exhibet, sit panis, qui ex frumentis coquitur; Coctio vero panis varios apparatus, quibus milites, præsertim in expeditione constituti carent, & labores, quibus propter negotia bellica vacare ipsis non datur, requirat (*per exper.*): Nemini dubium erit, quod præstet, militibus, præsertim in expeditione constitutis, victum saltem præcipuum, in specie, adeoque frumenta sive panem ex iis coctum præbere, quam pecuniam ad ejus comparationem.

Maxima hinc etiam apud Romanos cura fuit, ut annonæ militari, quæ dicitur, rite prospiciatur. Quo faciunt toti tituli Cod. *de Erogatione*, ut & *de excoctione & translatione militaris annonæ*. Quare & in formando exercitu a ventre incipiendum esse, illustrem Gallia Admiralæ, COLLI- NIUM dixisse, ex THUANI Lib. 42. memorat BEIER in *Juris milit. prud.* §. 1065. p. m. 473. Propter alias quidem rationes convenientius equidem haberi potest, ut annona militibus non in specie præbeatur, v. gr. si per agros nimis sparsi sint. Quod vero casus saltem particularis est, & præstantiam generaliorem non tollit. Hujus autem loci non est, ad specialiora descendere. Cum hæc quasi in transitu dicantur,

§. 351.

*Annona
militaris
definitio.*

Quæcunque militibus ad eorum sustentationem in specie præbentur, præsertim vero frumenta, sive panis, qui ex iisdem coquitur, *Annona militaris* dicuntur.

Commeatus equidem etiam dici solet. Quoniam vero hoc vocabulum & in alio significato sumitur, pro literis nempe veniæ testibus (§. 278.): Consuetius erit, ab eodem hic abstinere, & voce *annonæ* uti.

§. 352.

*Vestes dan-
dæ sunt,*

Cum militibus sustentatio (§. 339.) & in specie amictus præberi debeat (§. 349.); Vestes vero ad sustentationem pertineant, & amictus nomine præsertim veniant (*per notoria*): *Militibus etiam vestes dandæ sunt.*

§. 353.

*uniformes
sint.*

Vestitum militum uniformem esse convenit.

Refert enim in acie præsertim, ut milites tam ab hoste, quam militum cohortis sive classis unius a ceteris distinguere possint. Diffusi enim
ita

ita facilius in unum colligere se possunt, & ne in proprios, hostes eos putantes, arma sua converant, cavetur. Quare cum milites tam ab hostibus, quam diversarum classium inter se distinguere possint, si vestitus eorum uniformis, hoc est, ejusdem coloris & structuræ sit; Nequeant vero, si varius, aut pro lubitu cujusque sit (*quod per se patet*): In ipsa re ratio aliqua invenitur, cur uniformis potius, quam varius sit; Adeoque & illud convenit.

§. 354.

Vestes itaque militibus in natura sive specie dari præstat, quam pecunia in specie danda.

Cum enim sustentatio (§. 341.) & in specie amictus vel re ipsa, vel pecunia ad ejusdem comparisonem dari possit (§. 349.): Vestes quoque vel in ipsa specie, vel pecunia ad eas comparandas dari possent. Si vero posterius fieret, adeoque militibus cura vestis ipsimet sibi comparandi relinqueretur: Facile apparet, uniformitatem earundem aut difficiliorem saltem evadere obtentu aut plane impossibilem; Quare cum conveniat, ut vestitus militum uniformis sit (§. 353.): Patet, quod præstet, vestes militibus dari in ipsa specie, quam pecuniam ad earum comparisonem.

Accedit, ut & in vestu, ratio alla, quod gregariis aurum non tuto committatur. Fieri itaque facile posset, ut pecuniam vestitui destinatam, dilapident, & hoc deinde careant, adeoque ad servitia præstanda inhabiles reddantur. Jure hinc etiam romano constitutum est, ut minoribus gregariisque militibus vestis in ipsa specie præbeatur (*l. 4. Cod. de Vest. militari.*).

§. 355.

Militibus habitacula sive hospitia personalia debentur.

Habitacula debentur.

Ad vitæ enim sustentationem opus quoque est, ut corpus contra injurias temporum tegatur (*per not.*). Quare cum ad hoc præter vestes, requiratur commoda habitatio (*per exper.*): Milites æque ac alios homines, eadem indigere, si alicubi locorum commorantur, per se patet. Cum itaque ipsis sustentatio præbenda sit (§. 339.): Habitacula etiam iisdem debentur.

Licet enim sustentationis gratia stipendia solvantur (*per hyp.*): Hoc tamen victus potissimum causa sit (§. 342.). Et cum militibus liberum esse nequeat, ubi velint, commorari; Sed id ab voluntate auctoris belli dependeat; Et ministerium belli requiratur, ut milites certo loco, modo hic, modo illic juxta se invicem certo quodam ordine degant: Habitacula illorum arbitrio relinqui non possunt, sed ipsis assignanda sunt. In repu-

republica itaque etiam singuli ædium possessores obligantur milites personali hospitio suscipere (§. 752. *Jur. gent. WOLF*), nisi forsan casæ aut ædes ipsorum habitationi destinatæ peculiares sint, quæ tamen publicis fumibus sustineri solent & *Baraguen* vel *Casernen* dicuntur (*Schol. ad loc. c.*).

§. 356.

*ut & lecti
& ligna,*

Militibus quoque lecti & ligna præberi debent.

Ad vitæ enim sustentationem requiritur, ut corpus tam quiescat, quam contra injurias temporum tegatur (*per exper.*). Inter has vero etiam frigus præsertim hyemale est. Quare cum contra hoc se tueri detur mediante liguorum usu, uti ad quiescendum lecti faciant (*per not.*): Lecti etiam & ligna ad sustentationem pertinent. Quare cum hæc militibus debeatur (§. 339.): Et illa ipsis præstari debent.

§. 357.

*non alia ab
hospitibus.*

Milites ab hospitibus præter ea, quæ ad habitationem faciunt, alia, ad victum præsertim pertinentia, poscere nequeunt, nisi lex aut observantia comprobata illud permittat.

Militibus enim hospitia tantum personalia, sive habitacula debentur (§. 355.): Victus vero iisdem vel in specie præbetur, vel ejus comparandi gratia pecunia solvitur (§. 349.). Quare cum ex obligatione demum jus oriatur (§. 23. *Part. 1. Jur. nat. WOLF*); Adeoque nemo ab altero poscere possit, nisi ad quod hic illi obligatur: Milites etiam præter habitationem ab hospitibus alia poscere nequeunt. *Q. c. 1.*

Cum vero cives onera reipublicæ ferre debeant (§. 775. *Part. 8. Jur. nat. W.*); Et hinc vel extraordinaria iisdem imponi possint (§. 925. l. c.); Ad onera reipublicæ vero sine dubio sustentatio militum referenda sit: Dubium esse nequit, civibus, milites hospitantibus, injungi etiam posse, ut iisdem præter habitationem & alia præbeant, si illud e re esse videatur. Cum vero onera a superiore imponantur (§. 925. *cit.*); Voluntas hujus ad illud requiritur. Quare cum hæc prout vel expressa, vel tacita est, legem aut observantiam constituat (*per notoria*): Patet, quod si lex aut observantia illud permittat, nihil obstat, quo minus ab hospitibus præter habitationem alia etiam poscere queant milites. *Q. c. 2.*

Ufus quidem, minime tamen approbatus, obtinuit, ut milites etiam alia præter habitationem, ab hospitibus exigendi jus sibi arrogent, uti v. gr. fæl, acerum, ligna, ad coquendum scilicet, luminaria; Quales præstationes Romanis salsama dicebantur. Solent ejusmodi exactiones in transitu præsertim militum per territorium alienum duriores subinde esse, & vel plerumque ad illicitas usque res, uti meretrices extendi. Multus

in

in hac re est Vir ill. JO. GEO. ESTOR in der *Vorstellung der Geschäfte bey einem Reichskriege* §. 37. 38. & 46. ut & BEIER in *Juris milit. prud.* §. 1078. seqq. Cum vero cavendum sit, ne hospitia militum malitia nimis evadant molesta, nec præter necessitatem sint sumtuosa (§. 763. *Jur. gent. W.*); Transientes vero etiam ab omni injuria abstinere debeant (§. 687. l. c.): Nec injustæ tales exactiones comprobari, aut concedi possunt. Quare & legibus prohiberi solet, ne hospites ultra quam par est, onerentur. Uri in ipso jure civili passim sancitur.

§. 358.

Militibus in expeditione constitutis tentoria præbenda sunt.

*Tentoria
in expedi-
tionibus.*

Militibus enim ut contra injurias temporum tegantur, habitacula debentur (§. 355.). Adeoque cum habitationis gratia ædes comparatæ sint: In ædes recipiendi sunt. Aedium vero usus in expeditionibus non datur (*per exper.*). Interim, cum ad sustentationem requiratur, ut corpus contra injurias temporum tegatur (*dem. §. cit.*); Sustentatio autem militibus debeatur (§. 339.): Alio modo prospiciendum est, ut ab injuriis temporum, quantum potest, liberentur. Quare cum eo faciant tentoria (*per hyp.*): Militibus tentoria suppeditanda esse apparet.

§. 359.

Habitacula militum sive exercitus totius sub tentoriis uno nomine *Castrorum definitio.*
Castra dicuntur.

§. 360.

Militibus in expeditione constitutis prospiciendum est, ut quantum datur, commode quiescere, & contra frigus tueri se possint. De quibus-
nam mili-
tibus in expe-
ditione pro
spicien-
dum.

Ad sustentationem enim etiam requiritur, ut corpus quiescat, & contra frigus tegatur; Proptereaque militibus & lecti & ligna præberi debent (§. 356.). Lectos vero, qui tam ad commode quiescendum, quam frigus avertendum faciunt, pro singulis militibus in expeditionibus secum duci non posse, facile apparet. Cum vero militibus ea præbenda sint, quæ ad eorum sustentationem necessaria sunt (§. 339.): Prospiciendum est alio modo, ut milites in expeditione constituti, quantum datur, commode quiescere, & contra frigus se tegere queant.

Hinc militibus in expeditione sive castris constitutis, stramen & tegumenta solent suppeditari. Non tamen & hoc semper procedit. Fieri enim etiam solet, ut nec illud possit; Sed milites & vel absque tentoriis humi saltem jacere debeant. Quare ad virtutes militum refertur, ut & necessitate exigente, absque ullis subsidiis vitam sub diu agere possint. Additur itaque, ut, quantum datur, ipsis prospiciendum sit.

Jus mil. not.

R

§. 361.

§. 361.

Ad sustentationem necessaria exigi possunt.

Milites sustentationem, & quæ ad eandem necessaria sunt, veluti stipendia, annonam, vestes, hospitia & quæ huc faciunt, ab auctore belli exigere possunt.

Militibus enim sustentatio (§. 339.) & quæ ad eandem necessaria sunt, veluti stipendia (§. 342.), annona (§. 351.), vestes (§. 352.), hospitia (§. 355.) & quæ huc faciunt (§. 356.), ab auctore belli debentur. Quare cum debitum dicatur, ad quod agendum vel præstandum obligamur (§. 170. Part. 1. *Pbil. pract. univ. W.*): Auctorem belli ad ea præstanda obligari militibus apparet. Ex obligatione vero jus oritur (§. 23. Part. 1. *Jur. nat. WOLF.*). Militibus itaque etiam jus ad eadem competit, quæ ipsis ab auctore belli debentur. Cum vero eadem illis, quæ militibus debeantur (*per dem.*): Jus ad eadem illis etiam quæ militibus competit; Adeoque ad jura militaria reterendum est (§. 319.). Jura militaria vero perfecta sunt (§. 320.). Jus itaque illud perfectum esse debet. Quare cum id, ad quod alteri jus perfectum est, perfecte etiam debeatur (§. 401. Part. 3. *loc. cit.*): Militibus sustentatio, & quæ ad eandem necessaria sunt, perfecte debentur. Cum itaque ea, quæ perfecte debentur, exigi possint (§. 795. Part. 3. *loc. cit.*): Patet, quod milites eadem ab auctore belli exigere possint.

Hic aliud nihil asseritur, quam ut milites jure perfecto velle possint, ut ipsis ea præstentur, quæ ipsis debentur, adeo ut eadem denegari nequeant ab auctore belli, & quod justam conquerendi causam habeant, si eadem ipsis denegentur. Ceterum cum inter milites & auctorem belli, qui simul superior est in civitate (§. 10.), index non constituatur, qui hunc impellere possit ad faciendum, si non præstet, ad quod obligatur: Milites vero simul cives, sive subditi sint (§. 77.), qui ad obedientiam cum patientia obligantur (§. 1043. Part. 8. *l. c.*): Apparet, quod jus cogendi, cum jure perfecto alias conexum (§. 235. Part. 1. *Pbil. pract. univ. W.*) in militibus admodum restrictum sit.

§. 362.

Quid juris, si a præfectis vel aliis, quibus auctor belli præstationem eorum committit, quæ ad sustentationem ipsorum requiruntur, eadem non præstentur, illi exigere possunt, ut hi vi adigantur ad præstandum.

Militibus enim ea, quæ ad sustentationem necessaria sunt, jure perfecto debentur (*dem.* §. 361.). Quare cum jus perfectum involvat jus cogendi (§. 235. *cit.*): Militibus etiam jus esse debet cogendi eos, qui ipsis ea non præstant, quæ debentur. Quod quatenus quoad auctorem belli restrictum sit, modo ostendimus (*Schol. ad §. 361.*). Quod si itaque

que præfectis militum vel aliis præstatio eorum, quæ ad sustentationem requiruntur, commissa sit (*per hyp.*): Si eadem non præstant, ad præstandum cogi possunt. Si quis vero cogitur, vi impellitur ad præstandum, quod alteri debetur, sed denegatur. Si itaque milites cogerent illos, qui ipsis denegant, quæ ipsis debentur: Jus suum vi persequerentur adversus eos, qui illud denegant; Adeoque bellum (§. 1.), & cum hic non nisi privati supponantur, privatum (§. 7.) oriretur. Milites vero civitatem supponunt (§. 18.). Quare cum in civitate bellum privatum tolerari nequeat (§. 560. *Part. 8. Jur. nat. WOLF.*) & in ejus locum judicia successerint (§. 561. *ibid.*): Milites ipsimet vi adigere nequeunt eos, qui ipsis non præstant, quæ debentur, exigere vero possunt, ab auctore scilicet belli, ut ad præstandum vi adigantur.

Per se patet, quod hoc fieri debeat ab iis, quorum imperio sive jurisdictioni subsunt illi, quibus cura sustentationis militum commissa est. Quoniam vero materiam de jurisdictione militum supponere nondum licet: In genere saltem diximus, quod exigere possint, ab auctore nempe belli, qui ad sustentationem militum obligatur. Cum enim ejusdem, quæ superioris in republica (§. 10.), sit curare, ut unicuique jus suum tribuatur (§. 535. *loco cit.*): Ab ejus arbitrio dependet, quidnam de modo constituerit, quo & ii, qui militibus non præstant, quæ ipsis debentur, ad illud vi adigi possint.

§. 363.

Præfectis militum jus competit cogendi milites, ad satisfaciendum obligationibus suis, militaribus nempe, qui idem non faciunt. *Præfectis militum jus cogendi competit.*

Cum enim obligationes militares perfectæ sint (§. 133.): Milites ad eisdem satisfaciendum cogi possunt (§. 134.). Obligationes vero militares sunt erga rempublicam aut ejusdem rectorem (§. 132.), seu quod perinde est, auctorem belli (§. 10.); Et propter eandem huic imperium in milites competit (§. 176.). Vi hujus imperii itaque auctori belli competere debet jus cogendi milites ad satisfaciendum obligationibus suis. Quare cum præfectis militum imperium militare commissum sit ab auctore belli (§. 185.): Præfectis etiam militum idem jus competere debet.

§. 364.

Equitibus equi suppeditandi & pabulum eorum præbendum est.

Equites enim milites sunt, qui equo militant (§. 195.). Quare cum milites ad ministerium belli obligentur (§. 163.): Equites ad illud equo præstandum obligantur. Absque equis itaque obligationibus suis satisfacere

facere nequeunt. Cum igitur militibus ea præstanda sint, sine quibus obligationibus suis satisfacere non datur (§. 338.): Equitibus equi dari debent. *Q. c. 1.*

Equi vero absque pabulo conservari nequeunt. Quod per se patet. Equis itaque mox carerent equites, si pabulum deficeret. Cum vero absque equis obligationibus suis satisfacere non possint (*per dem. n. 1.*): Ex eadem etiam ratione, qua ante patet, quod equitibus pabulum equorum præberi debeat. *Q. c. 2.*

Non obstat, quod vasalli equis instructi ad militiam sistere se debeant, aut olim potius debuerint. Licet enim & hodiernum obtineat, quod v. gr; status imperii tempore belli certum equitum equis instructorum, numerum Imperatori subministrare debeant: Equi tamen non ab ipsis equitibus, sed a Stratis, qui eos sistunt, comparantur. Hæc vero omnia specialibus pactis nituntur, quæ hic non supponuntur. Propter pinguiora stipendia, quæ præfectis equitum solvuntur, obtinet equidem, ut hi ipsi equis sibi prospicere teneantur. Sed cum in militiam tali modo subeundam consentiant: Idem speciali pacto hoc efficitur. Et cum ea, quæ militibus præstanda sunt, vel ipsa re, vel ære præstari possint (§. 341.): Pabulum equitibus etiam hoc vel illo modo præstari posse apparet. Unde & præfectis illorum pacis præsertim tempore certa pecunia pro eodem comparando solet exsolvi.

§. 365.

Arma præbenda sunt.

Militibus arma præberi debent.

Milites enim ad vim in bello inferendam (§. 158.) & arcendam obligantur (§. 160.). Quare cum vis bellica sine armis inferri nequeat (§. 231.): Absque armis obligationibus suis satisfacere non possunt. Quare cum ea, sine quibus milites hoc nequeunt, ipsis præbenda sunt (§. 338.): Quod et arma militibus debeant præstari, facile intelligitur.

Monenda tamen itidem veniunt, quæ ad §. præced. jam monuimus.

§. 366.

Quid competat in excubiis & custodiis positis.

Milites in excubiis & custodiis positi tuti & securi reddendi sunt, ab omni injuria aliorum.

Milites enim in excubiis et custodiis positi ad certa observanda & facienda obligantur (§. 265. 269.). Quare cum militibus ea omnia competere debeant, sine quibus obligationibus suis satisfacere nequeunt (§. 16.): Et ea competant necesse est, sine quibus facere aut observare non possent, quorum gratia in excubiis & custodiis ponuntur; Nec adeo pati tenentur, ut alii faciant talia, quibus impedirentur obligationibus istis satisfaciendi: Cum vero qua milites ad excubias & custodias obligantur

gentur (§. 266. 270.); Jus quoque hoc militare (§. 319.) adeoque perfectum est (§. 320.). Qui itaque aliquid agunt, quo minus milites in excubiis vel custodiis constituti obligationibus suis satisfacere possint, agunt contra jus illorum perfectum; Et cum quævis actio contra jus alterius, injuria sit (§. 859. *Part. 1. Jur. nat. WOLF.*): Illis injuriam faciunt. Patet itaque, quod ab omni injuria aliorum tuti & securi reddendi sint.

Hinc legibus etiam civilibus maxima ipsis securitas præstatur, ita ut graviter puniantur & vel capite plestantur, qui milites in statione positos violant. Quod pluribus recenset MANZEL in *Diss. de Excubiis* §. 34.

§. 367.

Militibus itaque in excubiis vel custodiis positis jus esse debet arcere Jus arcendi omnem, qui eisdem in officio suo quocunque modo turbant. *Jus arcendi turbatores.*

Cum actio, quatenus ad eam ita determinandam obligamur, officium dicatur (§. 224. *Part. 1. Phil. pract. univ. W.*); Milites vero excubitores vel custodes ad certa agenda obligentur (§. 265. 269.): In eo officium eorum consistit, ut ea agant. Qui itaque aliquid faciunt, quo minus milites illa agere possint, hos in officio suo turbant; Quoniam vero pati non tenentur, ut alii faciant talia, quibus impedirentur obligationibus suis satisfaciendi (*per dem.* §. 366.); Adeoque ab injuria aliorum securi reddendi sint (§. *cit.*): Arcere posse debere omnes, qui ipsos in officio suo quocunque modo turbant, facile intelligitur.

§. 368.

Militibus in excubiis vel custodiis positis licere hinc debent omnia, Quænam que faciunt ad arcendos alios, qui ipsos in officio suo turbant. *hinc licent.*

Cui enim jus est ad rem quandam, illi etiam jus esse debet ad ea, sine quibus re illa potiri nequit; hoc est: Cui jus est ad finem, illi etiam jus esse debet ad media finem illum consequendi necessaria (§. 46. *Instit. I. N. & G. WOLF.*). Quoniam itaque militibus excubitoribus vel custodibus jus est arcendi eos, qui illos in officio suo turbant (§. 367.); Ea vero, quæ ad alios arcendos faciunt, pro mediis habenda sint (§. 937. *Part. 1. Phil. pract. univ. W.*): Ad eadem etiam illis jus esse debet. Quare cum ea licere dicantur, ad quod nobis jus est (§. 170. *loc. cit.*): Ipsis etiam ea licere debent, quæ ad alios arcendos faciunt, qui ipsos in officio suo turbant.

§. 369.

*Turbatores
vi arceri
possunt.*

Quodsi itaque absque vi arceri non possunt eos, qui ipsos turbant, militibus in excubis vel custodiis positus & illud licere debet.

Cum media leniora durioribus preferenda sint (§. 982. *Part. 1. Jur. nat. IV.*): Quamdiu absque vi arceri possunt turbatores excubitorum vel custodum, a vi abstinendum esse facile patet. Cum vero omnia licere debeant, quæ ad arcendum turbatores faciunt (§. 368.): Si absque vi arceri nequeant, etiam hanc militibus licitam esse debere apparet.

Jura excubitorum & custodum satis late patent, ita ut pro ratione circumstantiarum etiam occidere possint eos, qui eos turbant. Uti pluribus explicat MANZEL in *Diss. de Excubiis* §. 34.

§. 370.

*Usus juris
civium
competit.*

Militibus usus juris civium communis concessus esse debet, nisi quatenus ille per obligationes militares limitatur.

Militibus enim in genere omnia ea jura competunt, quæ civibus in genere (§. 325.). Quare cum jura civium, qua talium, jus civium commune vocari soleant (*per hyp.*): Patet, quod hoc jure civium communi uti militibus etiam concedi debeat. *Q. e. 1.*

Quum vero milites iis juribus civilibus, quæ militaribus obligationibus contrariantur, uti nequeant (§. 326.): Simul apparet, quod usus juris civium communis militibus concessus per obligationes militares limitatus sit. *Q. e. 2.*

§. 371.

*Privilegia
competere
debent,*

Militibus privilegia competere debent.

Milites quidem ad ea obligantur, ad quæ cives in genere tam concivibus suis, quam reipublicæ sive ejusdem rectori (§. 124.). Quodsi tamen obligatio quædam, quæ reliquis civibus incumbit, contrarietur obligationi militari: Milites illa non tenentur (§. 127.). Milites itaque ab obligationibus quibusdam, quæ civibus reliquis incumbunt, liberari debent. Quare cum obligatio in necessitate aliquid faciendi, adeoque & non faciendi, consistat (§. 118. *Part. 1. Phil. pr. univ. W.*): Militibus liberum esse debet, aliquid non facere, aut facere, ad quod alii faciendum vel non faciendum tenentur. Jus aliquid faciendi, positivum; Jus vero aliquid non faciendi, quod ab aliis faciendum est, negativum dicitur (§. 851. *Part. 8. Jur. nat. W.*). Militibus itaque jura tam positiva, quam negativa concedi debent, quibus alii careant. Quare cum concessio juris cujusdam sive positivi, sive negativi, uni vel pluribus, aut certo

certo personarum ordini facta, quo ceteri carent, privilegium dicatur (§. 353. *loc. cit.*): Patet, quod militibus privilegia concedenda sint.

Privilegia militum etiam reipsa adeo numerosa sunt, ut integri de iisdem tractatus extent, quales sunt ENENCKELII, COTEREI, LANFRANCI, MARCI MANTUAE, qui posterior invenitur in *Tract. tract. vol. 12. aut edit. nov. vol. 16.*

§. 372.

Dantur adeo privilegia militum, quæ rationem suam habent in militia & quidem militia, seu quæ militibus, quæ talibus, sive propterea competunt, quia militibus, quæ talibus.

Militibus enim ideo privilegia competere debent, quia peculiares eorum sunt obligationes, ab obligationibus civium reliquorum diversæ (*dem. §. 371.*): Per jura vero & obligationes militum diversæ ab iis, quæ reliquis civibus adherent, status eorum peculiaris constituitur (§. 82.), qui militia dicitur (§. 83.). Ex statu itaque militum sive militia intelligitur, cur iisdem privilegia competere debeant. Quare cum id, ex quo intelligitur, cur aliquid sit, ratio ejusdem sufficiens dicatur (§. 56. *Ontol. W.*): Dari debent privilegia militum, quæ rationem suam habent in militia; Sive, cum militia sit status militum, quæ talis (§. 83.), quæ militibus, quæ talibus, sive propterea competunt, quia milites sunt.

§. 373.

Privilegia, quæ militibus, quæ talibus, competunt, militaria dicuntur. Privilegio-

Cum militibus etiam alia privilegia concedi soleant, quæ rationem in militia, saltem necessariam non habent; Eadem nec proprie militaria esse ^{rum militarium desinitio.} apparet.

§. 374.

Privilegia militum, quæ rationem suam in militia habent, necessaria sunt. Quenam ^{necessario desinitio.}

Posita enim ratione sufficiente ponitur id, quod propter eam potius est, quam non est (§. 118. *Ontol. W.*). Quare cum dentur privilegia militum, quæ rationem suam in militia habent (§. 372.): Posita militia eadem etiam ponantur, necesse est. Fieri itaque nequit, ut posita militia eadem privilegia ab sint; Adeoque contrarium eorum impossibile est. Cum igitur illud, cujus contrarium impossibile est, necessarium dicatur (§. 279. *loc. cit.*): Patet, quod privilegia militum, quæ rationem suam in militia habent, necessaria sint.

§. 375.

§. 375.

Et jure natura com- petant, Privilegia militum, quæ rationem suam in militia habent, ipso jure natura competere debent.

Privilegia enim hæc rationem suam habent in militia (*per hyp.*): Posita itaque militia & eadem ponuntur (§. 118. *Ontol. W.*). Et cum militia dicatur status militum, qua talium (§. 83.): Posita notione militum, ponitur etiam militia; Adeoque & ponuntur privilegia, quæ in eadem rationem suam habent. Hæc itaque ex notione militis deduci possunt. Quæ vero ex notione militis queunt deduci, juris naturæ sunt (§. 110.): Privilegia itaque militum, quæ rationem suam habent in militia, ipso jure naturæ competere debent.

§. 376.

nec lege positiva auferri possint. Jura & privilegia militum, quæ rationem suam in ipsa militia habent, lege positiva auferri nequeunt.

Jura enim & privilegia militum hic ponuntur, quæ rationem suam in ipsa militia habent (*per hyp.*); Et cum militia, sive status militum per jura & obligationes eorum constituatur (§. 82.): Sine quibus adeo obligationibus suis satisfacere nequeunt. Ea vero jura, sine quibus obligationibus suis satisfacere nequeunt milites, (§. 322.), ut & ea privilegia, quæ in ipsa militia rationem suam habent, necessaria sunt (§. 374.). Quare cum contrarium ejus, quod necessarium est, impossibile sit (§. 279. *Ontol. W.*): Impossibile est, ut posita militia jura & privilegia eadem non ponantur (§. 118. *loc. cit.*). Quod cum fieret, si lege civili auferrentur (*per hyp.*): Patet, quod eadem lege civili auferri nequeant.

§. 377.

Milites bene merentur de rep. Militum in rempublicam singularia sunt merita; Sive: Milites de republica peculiariter bene merentur.

Milites enim ad bellum publicum gerendum adhibentur (§. 14.); Et cum bellum publicum inter gentes geratur (§. 7.): Non solum jus rei-publicæ sive ejusdem rectoris vi persequuntur (§. 1.); Sed & eandem contra vim hostilem defendere (§. 250.), & propterea vitæ & membrorum periculum subire debent (§. 240.). Hæc inter summa merita in rempublicam referenda esse, nemo negabit. Quare cum cives alii sive pagani eadem non agant (*per hyp.*): Militum hæc propria sunt. Patet itaque, quod militum singularia in rempublicam sint merita; Sive, quod milites de republica peculiariter bene mereantur.

§. 378.

§. 378.

Interest reipublicæ, ut a militia homines non deterreantur, sed ad Homines eandem potius alliciantur. *alliciendi ad militiam.*

Cum enim bellum publicum absque militibus geri nequeat (§. 17.); Bellum publicum autem pro gente, sive ejusdem rectore geratur (§. 7.): Nec absque militibus jus populi sive rectoris ejusdem persequi datur (§. 1.). Cum vero cujusvis intersit, ut jus suum ipsi tribuatur (§. 922. *Part. 1. Jur. nat. W.*); Adeoque si non tribuatur, ut ipse vi illud persequi possit (§. 1101. *loco cit.*): Maximam ex militibus respublica percipit utilitatem. Quare cum illud, ex quo nobis obvenit utilitas, nostrum intersit: Reipublicæ etiam maxime refert, ut milites non desint. Licet itaque casu necessitatis exigente vel inviti milites conscribi possint (§. 749. *Jur. gent. WOLF.*): Evenire tamen potest, ut eorum, qui legi possunt, numerus sufficiens non detur. Exactior etiam servitiorum præstatio expectanda est ab iis, qui sponte sua militiæ nomen dant, quam qui hoc invito animo faciunt. Ut vero tales adsint, qui sponte militiam amplectantur, requiritur ut ad militiam alliciantur potius homines, quam ab ea deterreantur; Patet itaque, quod reipublicæ intersit, homines a militia non deterreci, sed potius ad eandem allici.

§. 379.

Militibus præmia constituenda sunt.

Interest enim reipublicæ, tam ut homines ad militiam sponte sub- *Premia constituenda.*
eundam alliciantur (§. 378.), quam ut obligationibus suis satisfaciant, sive officiis suis recte fungantur (§. 140.). Quoniam vero absque motivis nulla datur in anima volitio (§. 889. *Psych. emp. W.*); Quo magis refert, ut, quid faciant homines, eo majora sive plura motiva ipsis etiam præbenda sint. Convenit itaque etiam, ut quantis potest motivis tam homines ad militiam suscipiendam, quam milites ad rite fungendum officiis suis, ducantur. Quare cum præmia motivum præbeant actionum committendarum (§. 296. *Part. 1. Phil. præf. univ. W.*); Et præterea in genere meritis in rempublicam præmia constituenda sint (§. 659. *Part. 8. Jur. nat. W.*). Militum vero singularia in rempublicam sint merita (§. 377.): Patet, quod conveniat, militibus præmia constitui.

§. 380.

Militibus itaque etiam privilegia per modum præmiorum constitui possunt. *privilegia in præmiis.*

Jur. mil. nat.

S

Premium

uni.

Premium enim bonum est, quod in alterum confertur (§. 295. *Part. 1. Phil. pract. univ. W.*): Bona itaque quæcunque in præmium dari sive constitui possunt. Quare cum bonum sit, quod nos vel statum nostrum perfectiorem reddit (§. 554. *Psycho. emp. W.*): Jura etiam, utpote quibus status noster perfectior redditur, ad bona referenda sunt. Et hinc intelligitur, quod in præmium etiam concedi possint jura, quæ aliis non competunt. Concessio vero juris euidam facta, quo alteri carent, privilegium dicitur (§. 853. *Part. 8. Jur. nat. W.*). Patet adeo, quod militibus etiam privilegia per modum præmiorum concedi possint.

§. 381.

Ea necessaria non sunt, Dantur itaque etiam privilegia militum, quæ rationem necessariam in militia non habent.

Privilegia enim militibus etiam per modum præmiorum constitui possunt (§. 380.). Cum vero præmium sit bonum, quod propter actionem quandam confertur in alterum ab eo, qui ad id conferendum eidem non obligatur (§. 298. *Part. 1. Phil. pract. univ. W.*): Ad præmium is non obligatur, qui idem concedit. Si itaque militibus privilegia per modum præmiorum constituuntur: Nec adeest obligatio ad ea concedenda; Et cum obligatio in necessitate agendi consistat (§. 118. *loc. cit.*): Nec necessitas, illa concedendi, adeest, adeoque eadem necessario concedenda non sunt. Quare cum privilegia illa, quæ rationem suam in militia habent, necessaria sint (§. 374.): Patet, quod & dari debeant privilegia militum, quæ rationem necessariam in militia non habent.

Sunt hæc nimirum ipsa ea privilegia, quæ per modum præmiorum constituuntur. Uti ex ipsa demonstratione apparet. Hinc etiam dici potest, quod privilegia, quæ militibus in modum præmiorum constituuntur, rationem necessariam in militia habere non debeant.

§. 382.

Privilegia militum, quæ per modum præmiorum constituuntur, sive, sed arbitraria. quæ rationem necessariam in militia non habent, arbitraria sunt.

Privilegia enim militum, quæ per modum præmiorum constituuntur, rationem necessariam in militia non habent; Nec adeo necessaria sunt, sive necessario non constituuntur (*per dem. §. 381.*). Cum itaque necessarium dicatur, ejus contrarium impossibile est (§. 279. *Ontol. W.*): Contrarium eorum impossibile non est; Sed æque possibile est, ut eadem concessa non sint. Quare eum illud, ejus contrarium æque possibile est, contingens sive arbitrium dicatur (§. 294. *Part. 1. Phil. pract. univ.*): Patet, quod ea militum privilegia, quæ per modum præmiorum consti-

constituuntur, sive, quæ rationem necessariam in militia non habent, arbitraria sint.

Dependet nimirum ab arbitrio auctoris belli, an & quænam privilegia militibus in premium constituere velit.

§. 383.

Concessio privilegiorum, quæ rationem necessariam in militia non habent, militibus facta *Favor militiæ* dicitur. *Favoris militiæ definitio.*

Multa quidem loquuntur de favore militum & militiæ JCti, & plura afferunt, quæ ex favore militibus jure civili concessa sint. Confusis vero plerumque notionibus inniruntur, neque satis explicant, quid per favorem illum intelligendum sit. Ejusdem itaque notionem distinctam suppeditare, necessarium visum fuit; Et eam ita formatam speramus, ut & rei naturæ & usui loquendi conveniat. Notionem etiam favoris in genere inde abstrahere facile licebit, quod nempe sit concessio privilegiorum cerro ciuam ordini hominum, aut etiam causarum facta, quæ rationem necessariam in illorum statu, sive harum conditione non habent. Privilegiorum dico, non jurium. Licet enim & privilegia jura sint; Non tamen sunt, nisi ea, quibus alii promiscue non æque gaudent. Rationem vero etiam necessariam in ipso statu hominum, vel conditione rerum, quibus indulgentur, habere non debent. Sic v. gr. cum subditi in genere ad militiam obligentur, quod feminæ tamen legi non possint, hoc quidem privilegium earum est, cum jure negativo nempe gaudeant, quo subditi reliqui sive mares carent; Sed cum in ipso eorum statu, sive sexu rationem suam habeat, necessarium est (§. 16.); Neque adeo ad favorem illarum referri poterit. Quod vero ex fidejussione non obligentur, cum hoc necessariam in statu ipsarum rationem non habeat, ad privilegia earum ex mero favore concessa referendum erit.

§. 384.

Quare cum militibus multa privilegia in legibus positivis concedi soleant, & ipso jure civili concessa inveniuntur, quæ in militia necessariam rationem non habent (*per hyp.*): *Militum sive militiæ singularis in legibus favor est.* *Favor militum in legibus est.*

Per modum hypotheseos hoc saltem sumitur. Cum vero in sequentibus inquirendum erit, quænam privilegia militibus ipso jure naturæ competant: Simul videbitur, quænam ex mero juris civilis favore ipsis concessa sint; Et quænam eorum, quæ militibus jure civili indulta sunt, ad hæc vel illa referri debeant.

§. 385.

Privilegia, quæ militibus ex mero favore conceduntur, juris saltem positivi sunt. *Quæ privilegia juris positivi sunt.*

Privilegia enim, quæ militibus ex mero favore conceduntur, rationem necessariam in militia non habent (§. 383.): Privilegia vero, quæ

rationem necessariam non habent in militia, arbitraria sunt (§. 382.). Quare cum jus privilegia concedendi in civitate, qualem milites supponunt (§. 18.), superiori competat (§. 855. *Part. 8. Jur. nat. W.*): Ab arbitrio superioris in civitate dependere debet, quænam privilegia, præter necessaria nempe, militibus adhuc concedere velit superior. Privilegia itaque ista superioris voluntate constituuntur. Quare cum jus, quod voluntate superioris constituitur, positivum dicatur (§. 147. *Part. 1. Phil. pract. univ. W.*); Privilegia vero jura sint (§. 853. *loc. supra cit.*): Patet etiam, quod privilegia, quæ militibus ex mero favore conceduntur, juris saltem positivi sint.

Jure quidem positivo militibus etiam firmari solent & possunt privilegia, quæ ipso jure naturæ ipsis competere debent. Et ut hoc fiat, expedit. Cum enim non cuivis detur, nosse jura, quæ ex ipsa essentia & natura rerum consequuntur: Non etiam agnosci, adeoque in dubium vocari possunt privilegia ea, quæ militibus necessario competere debent. Optime itaque militibus consulitur, si ipsis eadem jure etiam positivo stabiliantur, & adeo aliis positiva etiam inducatur obligatio, in exercitio eorundem ipsos non turbandi. Non abs re tamen erit, ea simul indagare, ut pateat, quanta sit eorum necessitas, nec vel lege positiva eadem auferri posse (§. 376.).

§. 386.

An privilegia juris romani aliud statum sit. Privilegia militum jure romano ipsis concessa, hodie adhuc militibus competere debent, nisi legibus imperii vel constitutionibus provincialibus aliud statutum sit.

Jus enim romanum ex receptione apud nos hodiernum etiam adhuc valet instar legis, & vel in subsidium saltem (*per hyp. & not.*): Valere itaque etiam debent ea, quæ eodem constituta sunt. Quare cum jure romano militibus plura privilegia concessa deprehendantur (*per hyp.*): Eadem etiam apud nos adhuc hodie, & vel in subsidium saltem valere debere, dubium esse nequit. *Q. c. 1.*

Cum vero ex unanimi fere omnium consensu leges imperii & constitutiones provinciales juri romano derogent (*per hyp.*): Ea quæ hoc jure constituta sunt, valere nequeunt, si istis aliud sit statutum. Atque hinc etiam patet, militibus nostris privilegia juris romani competere non posse, si legibus imperii vel constitutionibus provincialibus aliud statuatur. *Q. c. 2.*

In demonstratione hujus theses non supponimus, nisi quod omnes facile largientur, jus nempe romanum vel in subsidium saltem apud nos valere. Jam enim litem, quæ inter doctores de auctoritate juris romani agitur, non ingredimur. Eandem vero cum aliis contra dissentientes defend.

defendit LAURENTIUS in tractatu von der Jurisd. über die excessirenden Soldaten §. 8. pag. 11. SCHOEPPER in Diss. de milite deserto cap. 1. §. 33. seq. & quoad testamenta in specie BEYER in *Juris milit. pract.* §. 1127. p. 498. alii. Nos vero ejusdem veritatem propterea hic stabiliendam duximus, quoniam in sequentibus jura & privilegia militibus jure romano concessa ad examen revocantur. Supervacaneum enim laborem eo ageremus, si privilegia ista nullius amplius valoris essent hodiernum.

§. 387.

Privilegia militum eos liberant ab obligationibus, quæ paganis incumbunt. Effectus privilegiorum.

Privilegia enim militum consistunt in concessione juris positivi aut negativi, quo ceteri carent (§. 853. Part. 8. Jur. nat. W.). Quare cum jus positivum in facultate aliquid faciendi; Negativum vero in facultate non faciendi consistat (§. 851. loc. cit.): Si privilegia ipsis conceduntur; Aliquid facere possunt, quod alii nequeunt; Et non facere, quod alii debent; Sive, quod idem est, ad quod non faciendum, vel faciendum alii obligantur. Quare cum ab obligatione liberetur, si quis facere potest, ad quod non faciendum alias obligaretur, & non facere debet, ad quod faciendum alias obligaretur (*Quod per se patet*): Patet, quod per privilegia milites liberentur ab obligationibus, quæ ipsis alias qua paganis incumberent.

§. 388.

Si milites ad legem quandam civilem sive præceptivam sive prohibitiveam, servandam obligari non debeant, privilegium illis concedendum est. Quando concedenda sint.

Milites enim ad observantiam legum civilium in genere obligantur (§. 128.). Quare cum leges, vel præceptivæ, quibus aliquid fieri (§. 164. Part. 1. Phil. pr. univ. W.), vel prohibitivæ sint, quibus aliquid non fieri injungitur (§. 163. l. c.): Milites vi obligationis hujus ad leges civiles servandas aliquid facere aut non facere debent, ad quod nempe cives reliqui obligantur. Quod si itaque lege quadam civili obligari non debent milites: Si illa præceptiva sit, non opus est, ut faciant; Si prohibitiva, facere possunt, ad quod faciendum aut non faciendum alii obligantur. Quare cum in facultate non faciendi aliquid, jus negativum; In facultate verò faciendi, jus positivum consistat (§. 851. ante cit.): In casu priori jus negativum; in posteriori vero jus positivum militibus concedendum est, quo ceteri carent. Quoniam itaque concessio juris negativi vel positivi, quo ceteri carent, privilegium dicitur (§. 853. loc. cit.): Patet, quod militibus pri-

vilegium concedendum sit, si lege quadam civili præceptiva aut prohibitiva teneri non debeant.

Hinc statim apparet, cum milites ad leges civiles servandas non obligentur, quam quatenus illæ obligationibus militaribus non repugnant (§. 128.). militibus privilegia esse concedenda, quam primum lex quadam civilis cum obligatione militari colliditur.

§. 389.

*Se habent
per modum exceptionum.*

Privilegia militum se habent ad obligationes paganorum per modum

exceptionum. Si enim militibus privilegia conceduntur, liberantur ab obligationibus paganorum (§. 387.). Concedi vero illa debent, si milites ad legem quandam civilem non teneantur (§. 388.). Id quod fieri nequit, si lex civilis obligationi cuidam militari contrarietur, sive cum ea collidatur (§. 12. .). Privilegia itaque militibus concedenda sunt, si lex quadam civilis cum obligatione seu lege militari, ex qua illa venit, colliditur. In hoc casu vero a lege civili, sive ab obligatione, quæ ex ea venit, exceptio facienda est (§. 100.): Patet itaque, quod privilegia militum ad obligationes civiles sive paganorum se habeant per modum exceptionum.

§. 390.

Ad quæ milites obligari nequeunt.

Milites ad ea obligari nequeunt, quibus a servitiis suis detinerentur.

Milites enim ad servitia militaria præstanda obligantur (§. 182.). Quare cum obligatio in necessitate agendi consistat (§. 118. Part. 1. Phil. præf. univ. W.): Necessè est, ut milites eadem præstent. Cum itaque contrarium ejus, quod necessarium est, impossibile sit (§. 279. Ontol. W.): Impossibile etiam est, moraliter nempe, ut eadem non præstent. Non vero illa præstarent, si ab iisdem detinerentur. Quod per se patet. Quare cum ad impossibile obligari nemo possit (§. 209. loc. ab initio cit.): Nec milites ad ea queunt obligari, quibus a servitiis suis detinerentur.

§. 391.

A servitiis non detineantur.

Interest reipublicæ, ut milites a servitiis suis non abstrahantur sive non detineantur.

Cum milites ad servitia militaria præstanda obligentur (§. 182.): Si ab iisdem abstraherentur sive detinerentur, obligationi suæ non satisfacerent. Quare cum intersit reipublicæ, ut milites obligationibus suis satisfaciant (§. 140.): Interesse etiam debet, ut a servitiis non detineantur.

§. 392.

Milites deterioris conditionis esse nequeunt, sed melioris esse debent, Melioris quam pagani. *conditionis esse debent quam pagani.*

Milites enim, dum corpus & vitam periclitantur (§. 240.), peculiariter de republica merentur (§. 377.). Quare cum in præclara de republica merita adeoque & militibus (§. 379.), præmia constituenda sint (§. 659. Part. 8. Jur. nat. W.): Ii qui magis de republica merentur, deterioris conditionis esse nequeunt, quam ii, qui minus de eadem merentur. Et hinc patet, quod milites deterioris conditionis esse nequeant, quam pagani. *Q. e. 1.*

Cum vero quilibet homo statum suum reddere studeat meliorem, & obligetur (§. 128. Part. 1. Phil. pract. univ. W.): Si militum conditio melior non sit, pagani ad militiam amplectendam non allicerentur. Quare cum reipublicæ interfit, ut alii ad militiam vel sponte subeundam alliciantur (§. 378.): Milites melioris potius conditionis esse debent, quam pagani. *Q. e. 2.*

§. 393.

Cum actualis belli illatio expeditio bellica dicatur (§. 237.): *Milites in expeditione constitui* dicendi sunt, si bellum actu inferant, adeoque hostis adsit, aut invasio ab eodem metuatur. *In expeditione quando constituantur,*

§. 394.

Quare cum, si proelia vel pugnae cum hoste committantur, quod in quibus configere dicitur, aut milites castra hostilibus opposita habeant, urbem obsideant, aut obsessam defendant, bellum actu geratur, hostis adsit & ejus invasio metuenda (*Quod per se patet*): *Si milites in conflictu, incastris, quæ hostilibus opponuntur, coram vel in urbe obsessa sunt, in expeditione constituuntur.* *casibus in specie.*

§. 395.

Cum operationes bellicæ æstate, quantum potest, absolvi soleant, *Hiberno- & hyeme militibus a laboribus bellicis quiescere detur*: Milites hyeme in talia hospitia mitti solent, quibus ipsis ab hoste metuendum non est. Hospitia hæc, quæ militibus hyeme ad quiescendum a laboribus bellicis concedantur, *Hiberna* vocantur. *rum definitio.*

§. 396.

In hibernis milites in expeditione constituti dici nequeunt.

Hiberna enim hospitia militum supponunt, in quibus ipsis ab hoste metuendum non est (§. 395.): In hibernis itaque hostem non adesse, *Ad expeditionem non referenda,*
aut

aut invasionem ejusdem non metuendam, aut saltem presentaneam non esse, apparet. Quare cum in expeditione constitui milites dicantur, si bellum actu geratur, & hostis adlit, vel ejus invasio metuatur (§. 393.): Facile patet, quod in hibernis milites dici nequeant in expeditione constituti.

§. 397.

*nec indu-
cia.*

Similiter, cum induciæ dicantur, suspensio actuum bellicorum ab utraque parte belligerantium intra tempus conventum (§. 913. *Jur. gent. IV.*); Adeoque induciarum tempore bellum actu non geratur, & cum hostis adesse quidem possit, invasio tamen ab eo metuenda non sit: *Nec induciarum tempore milites in expeditione constituti dici queunt.*

§. 398.

*Quatenus
milites
ignorantia
juris excu-
sentur,*

Naturaliter milites ignorantia juris civilis nempe, non excusantur, nisi in expeditione constituti sunt.

Ignorantia enim invincibilis non est, quæ evitari potest, modo velimus (§. 28. *Part. I. Phil. præf. univ. WOLF.*). Si itaque detur tempus & copia eorum, qui de jure consuli possint: Ignorantia juris invincibilis dici nequit. Militi vero, quamdiu in expeditione non constituitur, sed vel in hibernis, vel pacis etiam tempore in præfidiis commoratur, tempus & occasionem esse alios consulendi, si ipse jura ignoret; In expeditione vero eadem deesse, constat. Pacatis itaque temporibus & in hibernis militis ignorantiam quoad jura vincibilem; In expeditione vero constituti pro invincibili habendam esse apparet. Quare cum naturaliter ignorantia non excuset, nisi invincibilis sit (§. 550. *loc. cit.*): Naturaliter milites ignorantia juris, civilis nempe, non excusantur, nisi in expeditione constituti.

§. 399.

*Quatenus
jure civili.*

Quod jure civili milites ignorantia juris in genere sive indistincte excusentur, privilegium eorum, sed juris saltem positivi est, & ipsi analogia juris contrarium.

Cum enim jure civili constitutum sit in genere absque ullo discrimine, ut milites ignorantia juris excusentur (*l. 1. Cod. de jur. & facti ignor. & l. 9. §. 1. ff. eodem*); In genere vero ignorantia juris cives non omnes, neque adeo paganos, excuset (*l. 11. §. 5. ff. de his, qui not. inf.*): Militibus concessum est jus, quo ceteri carent. Quare cum concessio juris, alicui facta, quo alii carent, privilegium dicatur (§. 853. *Part. 8.*

Jur.

Jur. nat. W.): Patet, quod hoc sit privilegium militum, quod jure civili ignorantia juris in genere excusetur. *Q. v. 1.*

Cum vero naturaliter milites non, nisi in expeditione constituti, ignorantia juris excusetur (§. 398.): Privilegium hoc in militia rationem necessariam non habet (§. 375.). Quare cum concessio privilegiorum, quæ rationem in militia necessariam non habent, favor militum dicitur (§. 383.): Illud ex mero favore concessum est. Cum itaque privilegia, quæ militibus ex mero favore constituuntur, juris positivi sint (§. 385.): Juris etiam saltem positivi est, quod milites ignorantia juris in genere excusari debeant. *Q. c. 2.*

Quoniam autem ipso jure civili simul statuitur, ignorantiam juris tunc non prodesse, si jureconsulti copia habere possit (*l. 9. §. 3. ff. de Jur. & facti ignor.*); Adeoque in adjudicatione, an ignorantia juris alicui profit, respiciendum sit, an jureconsulti copia haberi potuerit. Dispositio hæc pro principio juris sumenda est. Cum vero milites jure civili in genere excusari debeant ignorantia juris (*per allegata*): Et tunc excusabuntur, etsi jureconsulti copia haberi potuisset. Privilegium itaque hoc militum cum principio quodam juris alibi stabilito non consentit. Quare cum in consensu cum principiis juris analogia juris ponenda sit (*per def.*): Patet, quod ipsa dispositio juris civilis de excusatione ignorantie militibus indistincte concessa, analogie juris non conveniat; Adeoque eidem contraria sit. *Q. c. 3.*

Hinc etiam dispositionem juris civilis ad eos casus restringendam esse puramus, quibus copia juris periti haberi nequit, vel, si miles in expeditione constituitur. Militibus equidem in jure nimia imperitia (*princ. Inst. de mil. test.*), & simplicitas tribuitur (*l. ult. §. fin. Cod. de Jure delib.*), & in specie hæc pro ratione dispositionis illius allegatur (*l. 1. Cod. de Jur. & f. ignor.*). Arma enim potius, quam leges scire existimatur. Cum vero ratio imperitiæ cesset, quamprimum detur tempus & occasio alios de jure consulendi: Illam pro ratione adequata haberi posse non videtur. Aliud tamen sentit ADR. BEYER (*n. 1125. & seq. Jur. mil. prud.*).

§. 400.

Juris vero militaris, sive legum militarium ignorantia milites nullo modo excusantur, nisi tyrones. Ignorantia juris militaris non excusatur.

Cum enim milites actiones suas tam secundum leges militares scriptas (§. 135.), quam observantias determinare obligentur (§. 136.); Adeoque easdem callere debeant (§. 137.); Necessæ est, ut milites eas sciant, & si vel ignorent, peritiam earum sibi comparent. Ut vero hoc eo facilius

Jas mil. nat.

T

lius

lius fiat, illæ iisdem publicari debent (§. 143.) & prælectio earum sæpius repeti solet (§. 145.). Ignorantia itaque eorum quoad leges militares invincibilis nullo modo dici potest. Quare cum ignorantia non excuset nisi invincibilis (§. 549. 550. *Part. 1. Phil. pract. univ. W.*): Nec milites ignorantia juris militaris ullo modo excusantur. *Q. e. 1.*

Cum vero leges militares numero plures esse soleant (*per hyp.*), & observantia militares ex usu demum addisci debeant (§. 146.): Facile apparet, tempus aliquod requiri, ut miles has addiscere & illas retinere possit. Tyro vero miles noviter lectus sive conductus est (§. 37.). Ut itaque tyro leges & observantias militares statim calleat, impossibile fere, adeoque ignorantia ejusdem vix invincibilis est. Quare cum ignorantia invincibilis excuset (§. 550. *loc. cit.*): Tyrones etiam ignorantia juris militaris excusari debent. *Q. e. 2.*

Cum itaque hoc modo tyronibus competat jus, quod aliis militibus non comperit (*per dem.*): Hoc eorum privilegium est (§. 853. *Part. 8. Jur. nat. W.*). Rationem vero illud in statu tyronum, sive militia eorum, brevi scilicet, habet (*per dem. n. 2.*); Concessio vero demum privilegiorum, quæ rationem in militia non habent necessariam, favor dicitur (§. 383.). Privilegium itaque hoc ad favorem tyronum proprie referri nequit, sed necessarium potius est (§. 374.). Ceterum ipsum jus civile quoad thesin in genere adsentit. Turpe enim reputatur jus, in quo quis versatur, ignorare, (*l. 2. §. 43. ff. de O. J.*).

§. 401.

Ad subtilitates juris non tenentur,

Milites in expeditione constituti ad subtilitates juris observandas teneri nequeunt.

Subtilitates juris enim dicuntur consequentia ex principiis juris civilis mere arbitrariis fluentes, jure civili approbatae (*per def.*). Profundior itaque juris scientia ad subtilitates juris cognoscendas requiritur. Quare cum in genere ignorantia juris excusentur milites in expeditione constituti (§. 398.): Multo magis iisdem subtilitatum ignorantia excusari debent. Patet itaque, quod nec ad subtilitates juris observandas teneri queant.

Id quod jus etiam civile agnoscit (*l. 22. §. ult. Cod. de Jure delib.*).

§. 402.

nec ad solennitates juris tenentur.

Milites in expeditione constituti ad observantiam solennitatum juris civilis teneri nequeunt.

Cum enim solennitates juris dicantur circumstantia mere arbitrariae ad validitatem actus cujusdam jure civili requisita (*per def.*): Si milites in

in expeditione constituti ad observantiam illarum obligarentur, omnes illas circumstantias observare deberent, sine quibus actus, ad quos requiruntur, irriti redderentur. Quodli vero bellum actu geratur, & hostis adsit, aut ejus invasio metuatur, hoc est, si milites in expeditione constituantur (§. 393.): Illi continuo invigilare & quovis tempore parati esse debent ad vim hostis arcendam (§. 279.); Adeoque aliis rebus vacare nequeunt. Si itaque nihilominus ad observantiam solennitatum juris obligarentur: Aut a servitiis militaribus detineri, aut per omissionem cujusdam illarum actus eorum irriti facile reddi possent. Si vero per militiam fieret, ut actus eorum, quos & in expeditione suscipere opus esse potest, irriti redderentur, deterioris eosdem fore conditionis, quam paganos, apparet. Quare cum milites obligari non possint ad ea, quibus a servitiis suis detinerentur (§. 390.), nec deterioris, sed melioris potius conditionis esse debeant, quam pagani (§. 392.): Patet, quod milites in expeditione constituti ad solennitates juris civilis observandas teneri nequeant.

§. 403.

Milites itaque in expeditione constituti ad solennia testamentorum & solennia adstringi nequeunt, si qua jure civili præcipiuntur.

Milites enim in expeditione constituti ad solennia juris civilis in genere teneri nequeunt (§. 402.). Quare cum & testamenta ad eos actus referenda sint, quos & in expeditione suscipere opus esse potest; Et ad eorum confectiorem solennia varia requiri queant (*per hyp.*); Milites etiam si in expeditione constituantur, ad eadem teneri non posse, intelligitur.

Hinc ipso quoque jure civili romano militibus solennitates testamentorum remissa sunt, uti plenius constituitur *tot. tit. Inst. de Militari test. §. ff. & Cod. præsertim l. 17. de Test. militis*. Et jam antiquissimis temporibus ante decemviros testamenta in procinctu, quæ dicuntur, facta inveniuntur, quibus milites in procinctu stantes, 3. aut 4. testibus audientibus heredem suum nuncupabant. Uti ex PLUTARCHO refert HIEINECCIUS in *Synt. antiq. b. t. §. 1. & 3.* Ab ipso quidem Imperatore ratio remissionis solennitatum militibus in testamentis condendis nimia eorum imperitia adducitur. Cum vero si vel maxime scirent solennia ad testamenti factionem necessaria, eadem tamen ipsis propter servitia militaria observare non detur (*per dem. §. 402.*): Imperitia pro ratione adæquata remissionis haberi nequit. Et cum uti posita ratione sufficienti, ponendum, ita etiam sublata eidem tollendum sit, quod propter eam potius est, quam non est (§. 118. *Ontol. W.*): Remissio solennitatum cessaret, ubi imperitia cessat. Cum itaque inveniantur etiam mili-

tes aut præfeti juris periti, qui jura calleant: Illi privilegio hoc militum non fruerentur; Cum in ipsis ratio ejusdem non adsit. Quia vero multum refert & expedit, militari modo testari posse; Cum tale testamentum non adeo facile possit impugnari (*per nos.*): Milites juris periti deterioris essent conditionis non modo aliis jurium ignaris, sed & paganis. Quod cum fieri non possit (§. 392.): Vel ex hoc patet, quod imperitia pro ratione adequata haberi nequeat. Accedit SCHROETER in *Diff. de jur. milit. sing. sect. 1. cap. 8. §. 1.*

§. 404.

Hoc privilegium necessarium est.

Quod milites in expeditione constituti absque omni solennitate testari possint, privilegium eorum est quidem necessarium est.

Paganos enim in testamentis condendis ad certas solennitates teneri, aperti juris est, & per hypothesein hic supponitur. Cum vero milites ad has solennitates teneri nequeant (§. 403): Concedi militibus debet jus aliquid non faciendi, quod alii facere debent. Jus aliquid non faciendi, negativum vocatur (§. 81. *Part. 8. Jur. nat. II.*). Quare cum concessio juris tam negativi, quam positivi, quo alii carent, privilegium dicatur (§. 83. *l. c.*): Patet, quod remissio solennitatum in testamento condendo, militibus facta privilegium sit. *Q. e. 1.*

Cum vero ad solennia testamentorum ideo non obligentur, quia ad solennitates juris in genere teneri nequeunt (*per dem. §. 403*); Ad solennitates vero in genere propterea adstringi non possint, quia a servitiis detineri, & adeo obligationibus suis satisfacere non possent: Et in eo ratio hujus privilegii continetur. Obligationes vero militum ad statum eorum pertinent (§. 82.); Privilegium itaque hoc rationem suam habet in statu militum, sive militia (§. 83.). Quare cum privilegia militum, quæ rationem suam in militia habent, necessaria sint (§. 374.): Patet, quod & illud necessarium sit. *Q. e. 2.*

Hinc consequitur, quod milites hodierni seculi privilegiis testamentariis præsertim militia indultis adhuc gaudere debeant. Quæ quidem quæstio alias moveri solet. Cum enim privilegia, quæ in militia rationem suam habent, adeoque necessaria sunt, militibus auferri nequeant lege positiva (§. 376.): Nec illa poterunt; Adeoque militibus cujuscunque temporis competere debent; Licet vel maxime jure positivo indulta non sint specialiter. In genere etiam jam demonstravimus, quod privilegia militum jure romano concessa ipsis adhuc hodie competere debeant (§. 386.). Quoad testamenta in specie affirmativam quoque rueretur BEIER in *jur. mil. prud. §. 1123. p. 498.*

§. 405.

Milites itaque in expeditione constituti privilegiato modo testari possunt. *Privilegiato modo testari possunt.*

Cum enim milites in expeditione constituti ad solennia testamentorum non obligentur (§. 403.): Absque omni solennitate testari possunt. Et cum hoc privilegium eorum sit (§. 404.): Eisdem privilegiato modo testari posse facile apparet.

§. 406.

Quare cum milites, si in conspectu, in castris, quæ hostilibus opponuntur, coram vel in urbe obsessa sint, in expeditione constituantur (§. 394.): *Milites in conspectu, in castris, quæ hosti opponuntur, coram vel in urbe obsessa privilegiato modo, hoc est, absque omni solennitate testari possunt.* *Ubinam.*

§. 407.

Testamentum a milite in expeditione constituto sine omni solennitate conditum, militare dicitur. *Testamenti militaris definitio.*

Est hæc testamenti militaris definitio, quam dedit LAUTERBACH *Comp. ff. de Test. milit.* Quam, cum omnes rei notas necessarias contineat, eo magis retinendam credidimus, ut videatur, a terminorum significatu, qualis ab ipsis JCtis tribuitur, nos quantum potest, in ipsa juris militaris theoria naturali non recedere.

§. 408.

Testamentum itaque militare privilegiatum est.

Quod enim milites in expeditione constituti absque omni solennitate testari possint, privilegium eorum est (§. 404.). Quare cum testamentum a milite in expeditione constituto sine omni solennitate conditum, militare dicatur (§. 407.): Facile patet, quod testamentum militare privilegiatum sit. *Illud privilegiatum est.*

§. 409.

In testamento militari subtilitates locum non habent.

Testamentum enim militare a milite in expeditione constituto conditur (§. 407.). Quare cum milites in expeditione constituti ad solennitates juris non teneantur (§. 401.): Patet, quod nec in testamento militari locum inveniant. *Subtilitates non admittit.*

§. 410.

Quenam in eodem cef- fent. Testamentum itaque militare valet, etiamfi illud uno contextu non fuerit conditum, non præcise 7. testes adhibiti, vel iidem non fuerint rogati, aut testamenti tabulas non subscripserint & subsignaverint.

Quod enim testamentum uno actu confici, septem præcise testes adhiberi, iidem rogati esse, & tabulas testamenti subscribere & subsignare jure civili debeant, aut ad subtilitates, aut ad solennitates juris referendum est. Uti per vulgata juris constat & ex notionibus earundem §§. 401. & 402. traditis demonstrari facile poterit. Quare cum milites, si in expeditione constituentur, in testamentis suis condendis neque ad solennitates juris civilis teneantur (§. 403.); Neque in testamento militari subtilitates juris locum habeant (§. 409.): Testamentum militare valere etiam debet, licet illud non uno contextu fuerit conditum, non præcise 7. testes adhibiti, aut iidem non rogati fuerint, vel tabulas testamenti non subscripserint & subsignaverint.

§. 411.

Quenam ad illud re- quirantur. Milites in expeditione constituti ad plura in testamentis suis condendis non tenentur, siue, ad testamentum militare plura non requiruntur, quam quæ ipso jure naturæ ad testamentum requiruntur.

Cum enim subtilitates juris sint consequentiæ ex principiis juris civilis mere arbitrariis, (dem. §. 401.), & solennitates sint circumstantiæ mere arbitrariæ jure civili ad validitatem actus cujusdam requisitæ (dem. §. 402.); Milites vero in expeditione constituti neque ad has (§. 403.), neque ad illas in testamentis suis condendis teneantur (§. 409.); Illos ad ea, quæ juris mere civilis sunt in testamentis, non adstringi, facile apparet. Cum vero milites ad omnia obligentur, quæ juris naturæ sunt (§. 422.): Ad ea etiam teneri, quæ ipsum jus naturæ circa testamentum constituit, absque opera intelligitur. Patet itaque, quod milites in testamentis suis condendis ad plura non teneantur, quam quæ jure naturæ ad eadem requiruntur.

Litem hic non ingredimur, quæ moveri alias solet, an testamenta sint juris naturalis. Cum enim affirmativa tam a GROTTIO asserta (§. 14. cap. 6. lib. 2. de J. B. & P.), quam a Viro perillustri, L. B. de WOLF. demonstrata (§. 999. Part. 7. Jur. nat.), & ab objectionibus PUFENDORFII & FELDENI liberata sit (schol. ad §. cir.): Eandem hic supponere licebit.

§. 412.

§. 412.

Ut itaque testamentum militare, quoad modum scilicet testandi validum sit, plus non requiritur, quam ut quocunque modo constet, hanc esse ejus validitatem voluntatem defuncti.

Naturaliter enim testamentum validum est quoad modum testandi, si quocunque modo hoc constet (§. 1026. loc. cit.). Quare cum ad testamentum militare plura non requirantur, quam quæ juris naturæ sunt (§. 411.): Facile etiam patet, ad testamenti militaris validitatem quoad modum testandi plus non requiri, quam ut de voluntate defuncti quocunque modo constet.

Licet itaque jure etiam civili militis testamentum sola voluntate perficiatur, adeoque & si miles testamentum imperfectum relinquat, scripturam, quæ profertur, perfecti testamenti potestatem obtineat (l. 35. ff. de Test. mil.): Utique tamen prius constare debet, testamentum factum esse (l. 24. & 40. ff. eod.). Et in ipsum favorem eorum, qui privilegiato modo testantur, hoc constitutum est, ne ipsi præter opinionem heredes existant (§. 1. Inst. de Mil. test.).

§. 413.

Testamentum militare validum est, si miles vel in schedula aut alibi voluntatem suam de herede scripserit, vel ab alio scriptam subscripserit, vel coram testibus declaraverit.

Ad testamentum enim militare plura non requiruntur, quam quæ juris naturæ sunt (§. 411.). Quare cum naturaliter ad testamenti factionem non requiratur, quam ut testator voluntatem suam vel declaret coram testibus, vel in scripturam redigat, vel ab alio in scripturam redactam subscribat (§. 1027. Part. 7. Jur. nat. WOLF.): Testamentum etiam militare validum esse debet, si unum vel alterum horum fiat.

Jure hinc etiam civili statutum est, ut quocunque modo voluntas militis in expeditione occupati inveniat, sive scripta, sive sine scriptura, valere testamentum ex ejus voluntate (pr. Inst. de Mil. test.), & ut, si quid in vagina, aut clypeo literis sanguine suo rutilantibus adnotaverit, aut in pulvere inscripserit gladio suo, ipso tempore, quo in prælio vitæ sortem derelinquit, hujus etiam voluntatem stabilem esse (l. 15. Cod. de Test. mil.). Imo Doctores tuerentur, quod, si miles in conflictu vel globulum plumbeum applanet, & in eo nomen heredis ita inprimat, ut manus ejusdem agnoscere possit, illud valeat.

§. 414.

Testamentum militare vel scriptum vel nuncupativum esse potest.

Testamentum enim militare condi potest, vel voluntatem suam coram testibus declarando, vel illam in scripturam redigendo (§. 413.).

Quare

Quare cum in priori casu testamentum dicatur nuncupativum, in posteriori scriptum (§. 1028. *Part. 7. Jur. nat. W.*): Facile intelligitur, testamentum militare vel scriptum vel nuncupativum esse posse.

Hæc differentia jure etiam civili nititur (*l. 24. ff. de Test. mil.*).

§. 415.

Quid ad scriptum requiratur.

Ad validitatem testamenti militaris scripti requiritur, ut constet, hanc esse scripturam testatoris.

Ad validitatem enim testamenti militaris in genere requiritur, ut constet, hanc esse voluntatem defuncti (§. 412.). Quare cum in testamento scripto voluntas per scripturam declaretur (*p. r. hyp. & §. 414.*); Quæ vel ab ipso conficitur, vel ab alio confecta subscribitur (§. 413.): Facile apparet, quod ad validitatem testamenti militaris scripti opus sit, ut constet, hanc esse scripturam, vel subscriptionem saltem testatoris.

§. 416.

Quotuplici modo probetur.

Quare cum de scriptura alicujus constet, si vel chirographum ejusdem notum sit, vel testes inveniantur, qui probent, illam ab eodem esse confectam (*Quod per se patet*): *Testamentum militare scriptum valet, modo scriptura pro chirographo defuncti agnoscat, aut testes adsint, per quos probetur, illud a defuncto scriptum vel subscriptum esse.*

Quoniam tamen fraus facile in subornando testamento per imitationem chirographi committi posset; Ipsorum autem militum interit, ut de eorum voluntate ultima certitudo, quanta potest, obtineatur (*Schol. §. 412.*). Ab Imp. MAXIMILIANO optime cautum est, ut ad testamentum militare etiam scriptum extra consilium in castris duo adhibeantur testes (*ordin. Notar. de ao. 1512.*).

§. 417.

Quid ad nuncupativum requiratur.

Ad testamentum militare nuncupativum ipso jure natura duo requiruntur testes.

Ad validitatem enim testamenti militaris in genere requiritur, ut constet, hanc esse voluntatem defuncti (§. 412.). Quare cum in testamento nuncupativo voluntas coram testibus declaretur (*dem. §. 414.*): Per hos etiam constare, adeoque probari debet, hanc esse voluntatem defuncti. Ad testamentum itaque nuncupativum tot testes requiruntur, quot ad aliquid probandum sufficiunt. Quare cum ipso jure naturæ per unum testem sufficienter non probetur (§. 1037. *Part. 5. Jur. nat. W.*); Sed ad minimum duo requirantur (§. 1044. *ib.*); Ad testamentum vero militare ea requirantur, quæ juris naturæ sunt (§. 411.): Patet, quod &

& ad validitatem testamenti militaris nuncupativi ipso jure naturæ duo testes requirantur.

Id quod etiam jus civile saltem requirere videtur, ut nempe duo sufficiant. Convocatis enim hominibus voluntatem suam testari debere militem, dicitur (§. 1. *Inst. de Mil. test. & l. 24. ff. eod.*). Ubi vero numerus non adjicitur, etiam duos sufficere, ipso jure civili censetur. Cum pluralis elocutio duorum numero contenta sit (*l. 12. ff. de Testibus*). Idem sentit SCHROETER *Diff. de Jur. milit. sing. sect. 1. cap. 2. §. 2.*

§. 418.

In testamento militari testimonio heredis credendum non est, sive heres testis esse nequit. *Heres nequit esse testis.*

Cum enim per testamentum in heredem bona defuncti transferantur (§. 958. & 994. *Part. 7. Jur. nat. W.*): Heres ex testamento commodum percipit. Heres itaque in testamento testis in propria causa esset. Quare cum ipso jure naturæ nemo in propria causa, ex qua commodum percipit (§. 1048. *Part. 5. loc. cit.*), nec adeo heres in testamento heres esse possit (§. 1027. *Part. 7. ib.*); Ea vero, quæ juris naturæ sunt, in testamento militari obtineant (§. 411.): Facile apparet, nec in testamento militari heredis testimonio credendum, sive eundem testem esse posse.

Hoc etiam jure civili & quidem, uti additur, in favorem militum, statutum est, ne scilicet heredi credatur (§. 1. *Instit. de Milit. test.*). Cum vero illud ipsius juris naturæ sit (*per dem.*); Quæ vero ex favore conceduntur, juris saltem positivi esse debeant (§. 385.): Ex favore saltem introductum proprie dici nequit, sed necessarium potius est.

§. 419.

Si milites in expeditione constituti non sint, ad solennitates juris civilis, uti in genere, ita & in testamentis condendis obligantur, adeoque solennitates privilegiato modo testari sive testamentum militare conficere non possunt. *Quando ad testes obligentur,*

Ratio enim, cur milites ad solennitates juris civilis tam in genere quam in specie circa testamentum non obligentur, in eo continetur, quod in expeditione constituentur (§. 401. & 403.). Quodsi itaque in expeditione constituti non sint, cessat ratio remissionis solennitatum. Quoniam vero uti posita ratione sufficiente ponatur, ita & cessante eadem cesset id, quod propter eam est (§. 118. *Ontol. WOLF*): Si milites in expeditione non sint constituti, ad solennitates eos tam in genere, quam in specie circa testamentum condenda obligari apparet. *Q. e. 1.*

Quare cum propterea milites, quod absque solennitate testari possint, privilegiato more testari dicantur (§. 405.): Si in expeditione non con-

Jur. mil. nat.

U

stituantur

stituantur, eos nec privilegiato modo posse testari, facile intelligitur.
Q. c. 2.

Hoc rursus constitutioni juris civilis conforme est, quod nempe privilegia militibus in condendis testamentis concessa circa expeditionum necessitatem non extendantur (*l. 17. Cod. de Test. mil.*), sed iidem tunc juri communi adstringantur (*prin. & §. 3. Inst. eod.*). Quod etiam Recessus imperii de ao. 1612. confirmat (§. *Und s' von verbis: die Ritter, so nicht in Übung der Streites, noch zu Felde liegen &c.*). Cessat enim tunc ratio testamenti militaris: Cum majori otio vacent, & tempus facile inveniant, quo per observantiam solennitatum a servitiis non detrahantur; Nec illarum neglectus metuendus sit. Cum si ipsimet solennia, quæ requiruntur, ignorent, alios consulere possint.

§. 420.

in hibernis, Quare cum milites, si in hibernis commorantur, in expeditione non constituantur (§. 396.): Milites in hibernis privilegiato modo testari nequeunt, sed ad solennia juris civilis tenentur.

§. 421.

ut & pacis Milites pacis tempore, vel si in urbe non obsessa præsidia agant, pri-
tempore & privilegiato modo testari nequeunt, sed ad solennitates juris civilis obli-
in præsi- *gantur.*
diis.

Cum milites in expeditione constitui dicantur, si bellum actu geratur, & hostis adsit, aut ejus invasio metuenda sit (§. 393.): Pacis tempore, vel si in urbe non obsessa, & invasioni inopinate hostis non exposita, quod hic supponitur, præsidia agant, in expeditione eosdem non constitui facile apparet: Quare cum milites, si in expeditione non constituantur, nec privilegiato modo testari possint (§. 419.): Nec pacis tempore & in urbe non obsessa hoc posse, sed ad solennitates juris civilis teneri, clucet.

§. 422.

Quamdiu Testamentum militare validum manere nequit, si conditor ejusdem
testamen- in expeditione non moriatur. Optime tamen constituitur, ut aliquod sal-
tum mili- tem tempus post expeditionem finitam adhuc valeat.
tare va-
leat.

Quod enim milites privilegiato modo testari, sive testamentum militare condere possint, propterea est, quod in expeditione constituantur (§. 405.): Ratio itaque testamenti militaris & solennitatum in eo remissarum in eo continetur (§. 56. *Ontol. W.*); Et eadem cessat, si in expeditione non constituantur amplius milites. Quare cum uti posita ratione sufficiente ponatur, ita ea cessante, cesset etiam id, quod propter eam est

est (§. 118. l. c.); Adcoque milites in expeditione non constituti ad solennia juris civilis circa testamenta obligeantur (§. 419.): Si miles testator in expeditione, qua privilegiato modo testatus est, non moriatur, testamentum ejus etiam cessat, aut solennitates propter expeditionem omisit, eidem addi debent. Quare cum per se intelligatur, quod, si testamentum cesset aut desinat, illud validum manere nequeat: Nec testamentum militare validum manet, si testator in expeditione non moriatur. *Q. c. 1.*

Cum tamen expeditione finita militibus tempus aliquod concedi conveniat & soleat ad se reficiendum & a laboribus bellicis quiescendum (*per hyp. & not.*): Ut eo ipso momento, quo expeditionem finiunt, de solennitatibus supplendis solliciti sint, ab ipsis exigi nequit. Quod si itaque testamentum militare post expeditionem statim corrueret: Facile fieri posset, ut absque testamento decederent. Cum vero eorum possit interesse, voluntatem suam, quam modo militari declararunt, salvam manere (*per hyp.*): Deterioris essent conditionis, quam pagani, si hoc fieret. Quare cum non deterioris sed melioris potius conditionis esse debeant, quam pagani (§. 392.): Patet, quod aliquod adhuc tempus post expeditionem concedendum sit, quo testamentum militare valeat. *Q. c. 2.*

Tempus hoc præcise definire, non juris naturalis, sed mere positivi est. Cum vero tempus, quod militibus expeditione finita ad se reficiendum & quiescendum conceditur, sufficiens ad minimum esse debeat; Temporis vero majus apud nos spatium annus sit: E re esse videtur, ut anno post expeditionem finitam testamentum militare validum adhuc maneat. Jure itaque etiam civili constitutum est, ut anno post missionem valeat adhuc testamentum militare, si vel conditio, sub qua heres institutus, post annum elapsum demum extiterit (§. 3. *Inst. de Milit. test. & l. 26 ff. eod.*). Eadem vero ratio est, sive expeditione finita statim mittatur, sive miles adhuc maneat. Quare & in genere illud demonstravimus.

§. 423.

Si miles vel durante adhuc expeditione, vel ante illud tempus, quo An valeat alias post expeditionem finitam testamentum militare validum adhuc manet, si testator ignominiose dimittatur, testamentum ejus militare amplius non va-
let, licet alias missis, honeste scilicet, illud concessum sit.
se mistatur.

Quod enim miles in expeditione constitutus absque solennitatibus testari, hoc est, testamentum militare condere possit (§. 407.), privilegium, & quidem necessarium est (§. 404.): Privilegia vero militum necessaria in militia rationem suam habent (§. 374.). Quare cum uti

posita ratione sufficiente ponatur, ita ea cessante cesset etiam, quod propter eam est (§. 118. *Ontol. W.*): Militia finita, cessare etiam debet testamentum militare. Cum itaque militia finiatur, si in genere miles, adeoque & si ignominiose dimittatur (§. 257.): In genere si miles ignominiose mittitur, testamentum ejus militare corrumpit, si vel expeditionem adhuc durare supponatur. *Q. e. 1.*

Cum vero conveniat, ut testamentum militare expeditione finita aliquod adhuc tempus valeat (§. 422.); Et ipso jure civili etiam constitutum sit, ut & militibus missis hoc privilegium concedatur (§. 3. *Inst. de Milit. test.*): Illud tamen necessarium non esse, sed per modum præmii saltem concedi, facile apparet. Quare cum præmia saltem in bene meritis conferenda sint (§. 659. P. 8. *Jur. nat. W.*); Militem vero, qui ignominiose dimittitur, deliquisse, adeo minus recte officio suo functum esse supponat (*per hyp.*); Adeoque pœnam potius, quam præmium, promeritus sit: Patet, quod militis ignominiose dimissi testamentum militare etiam statim corrumpat, licet alias tempus aliquod expeditione finita vel missione secuta adhuc valeat. *Q. e. 2.*

Jure itaque etiam civili hoc dispositum est, ut testamenta eorum, qui ignominie causa missi sunt, statim desinant militari jure valere (*l. 26. ff. de Test. mil.*). Ceterum cum hic de delictis & eorum pœnis, ut & de amissione jurium, & de præmiis in veteranos sive honeste missos conferendis nondum actum sit: Supponi aut omitti plane debuerunt, quæ suo loco demonstrabuntur, & demonstrationi præsentī inservirent.

§. 424.

An testamentum ante militiam vel etiam ante expeditionem testamentum missis solennitatibus condiderit, & postea miles factus & in expeditione constitutus illud suam esse voluntatem declaraverit, testamentum hoc qua militare validum est.

Solennitatibus condidit. Si enim miles in expeditione constitutus testamentum ante militiam vel etiam ante expeditionem condidit absque solennitatibus pro voluntate sua declarat, satis constat, quæ sit voluntas defuncti. *Quod per se patet.* Quare cum ad testamentum militare plus non requiratur, quam ut hoc constet (§. 412.); Militi vero in expeditione constituto absque solennitatibus testari liceat (§. 403.). Patet, quod testamentum ante militiam vel expeditionem absque solennibus conditum, a milite factum vero & in expeditione constituto pro voluntate sua declaratum, pro militari habendum, adeoque validum sit.

Est & hoc juris civilis, quod tale testamentum quasi ex nova militis voluntate valeat (§. 4. *Inst. de Milit. test.*).

§. 425.

§. 425.

Ut miles, qui filiusfamilias est, testari possit de peculio castrensi, ipso Miles filius-jure romano, non militum, sed peculii saltem castrensis privilegium est. sam. testari

Licet enim ab initio non nisi filiisfamilias militibus concessum fuerit, ^{potest.} ut de peculio castrensi testari potuerint (*princ. J. Quib. non est perm.*): Postea tamen hoc jus de peculio castrensi vel quasi castrensi testandi, ad omnes filiosfam. extensum fuit (*ibid. & §. 6. J. de Milit. test.*). Militibus itaque filiisfamilias, aliud jus non competit, quam aliis; Sed hi eodem jure fruuntur. Quare cum concessio juris, quo ceteri carent, privilegium demum dicatur (§. 853. *Part. 8. Jur. nat. W.*): Patet, quod hoc privilegium militum non sit. *Q. e. 1.*

Cum vero filiosfamilias sive militi, sive pagano, testari non liceat, nisi de peculio castrensi, vel quasi (*pr. J. Quib. non est perm.*). Cum his peculii jus connexum est, quo reliqua peculia destituuntur. Quare cum si jus quoddam cum re quadam connectatur, quod intuitu rerum aliarum non competit, illud privilegium, reale scilicet, dicatur (*per def.*); Jus testandi filiisfamilias militibus concessum saltem privilegium est peculii castrensis. *Q. e. 2.*

Filiusfamilias jure civili dicitur, qui in patria potestate adhuc constitutus est (HERM. *VULTEJI Jurispr. rom. lib. 1. cap. 17.*). Quam ob rem cum jure naturæ patria potestas finiatur, quam primum liberi ad eum statum perducti sunt, quo educatione non amplius indigent (§. 775. *Part. 7. Jur. nat. W.*); Jure autem civili patria potestas eo non desinat, sed, nisi alia causa accedat, morte patris vel avi demum solvatur (*princ. Inst. Quib. mod. jus patr. pot. solv.*), adeoque persistat, quousque pater vel avus vixerit: Jure civili filiusfamilias adhuc esse potest, qui jure naturæ talis amplius non est. Filiusfamilias itaque jure civili tali utique privilegium constitui potuit, ut de certis licet tantum bonis testari potuerit. Cum vero filiosfamilias jure naturæ tales, sive minores, non absque consensu parentum alienare (§. 770. l. c.), neque adeo testari possint: Nec militi filiosfamilias natura tali hoc concedi potest. Atque hinc apparet, quod juris naturæ non sit, filiosfamilias naturali scilicet, in genere, neque adeo & militi, testamenti fictionem concedere; Cum propria ipsorum utilitas in eo versetur (§. 769. *loco cit.*): Si vero natura talis esse desinat, eandem etiam cuilibet, sive militi sive pagano absque bonorum discrimine concedendam esse.

§. 426.

*In hypothese juris civilis, quod miles etiam filiusfamilias testari possit. Testamen-
fit, principii ejusdem convenienter testamentum militis irritum fieri non
debet, si arrogetur.* <sup>tum militis
subsistit, li-
cet arroge-</sup>

U 3

Cum tur.

Cum enim per adoptionem, adeoque & arrogationem, quæ ejusdem species est, jure civili patria potestas constituatur (*princ. J. de Ad. pr.*); Is, qui arrogatur, in patriam potestatem venit; Adeoque sit filius-familias (*schol. §. 415.*). Cum autem is, qui arrogatur, supponatur esse persona sui juris (§. 1. *Inst. loc. cit.*); Qui vero in patria potestate constituuntur, alieni juris sint (*princ. J. de Hic, qui sunt sui &c.*): Qui arrogatur, ex persona sui fit alieni juris; Adeoque capitis deminutionem, quæ jure civili dicitur, patitur (§. 3. *J. de Capit. dem.*). Quare cum capitis deminutione irrita fiant testamenta (§. 4. *J. Quib. mod. test. infirm.*); Principiis his convenienter, si quis, qui sui juris testamentum fecerit, postea arrogetur, testamentum ejus irritum fieri debet. Cum vero miles testari possit, licet filius-familias sit (*pr. J. de Milit. test.*); De peculio licet saltem castrensi vel quasi (*princ. Inst. Quib. non est perm.*); Adeoque etiam arrogetur, factionis testamenti tamen catenus capax maneat: Patet, quod secundum principia juris civilis testamentum militis de peculio castrensi vel quasi castrensi irritum fieri non debeat, licet arrogetur.

Non vero hoc militis proprium; Sed cum filiofamilias unicuique de peculio castrensi vel quasi testari liceat (*per add.*) cum aliis commune est. Hanc & alias propositiones mere civiles ideo addimus, ut appareat, quod certis principiis, licet vel maxime arbitrariis assumtis, alia inde necessaria consequentia fluant. Nec liberum sit, hypothese quadam semel posita, reliqua pro arbitrio determinare. Ex eo vero perfectio juris positivi intelligitur, si omnes ejus leges inter se possint concatenari, & una posita ponendæ etiam sint reliquæ. Leges vero civiles ita sub examen rationis vocare, ad theoriam eorum naturalem sine dubio spectat. Quæ cum partem juris nature constituat (§. 966. *Part. 8. Jur. nat. W.*); Non absolum videbitur, ejusdem etiam, quoad jura militum, si non totant absolvere, specimina tamen exhibere, ubi specimen juris militum naturalis dare allaboramus.

§. 427.

Miles capite damnatus Quod miles ex militari delicto capite damnatus testari possit, privilegium jure romano quidem fuit, hodie vero amplius non est, uti nec jure testari nature.

Jure enim romano ad ultimum supplicium damnatis, quia nempe civitatem & libertatem perdunt, in genere testari non licebat (*arg. l. 29. ff. de Penis*); Militibus vero ex militari delicto capite damnatis illud & modo quidem militari concedebatur, licet super bonis duntaxat castrensibus (*l. u. princ. ff. de Test. mil. & l. 6. §. 6. ff. de Injsto, rupto &c.*). Militibus itaque ex delicto militari capite damnatis jus competeat, quo

alii

alii supplicii ultimi rei non gaudebant. Quare cum concessio juris, quo ceteri carent, privilegium dicatur (§. 853. *Part. d. Jur. nat. W.*): Illud etiam jure romano privilegium militum fuit. *Q. c. 1.*

Cum vero hodiecum ad mortem damnatis in genere testari per obsequiam permittatur (§. 10. *Tit. 4. lib. 2. O. con. jur. BERGER.*): Milites in eo amplius jure non gaudent, quo ceteri carent. Et hinc facile intelligitur, quod illud nec hodie pro privilegio haberi possit. *Q. c. 2.*

Cum porro dispositio juris civilis, quod ad mortem damnati testari nequeant, in principio mere civili rationem suam habeat, quia nempe iidem jure civitatis priventur; Cum hoc vero connexa sit facultas testandi: Ratio hujus prohibitionis mere civilis est, neque ulla naturalis apparet; Nec si vel maxime lege civili testamenti factio ad mortem damnatis in genere prohibeatur, cur eadem militibus in hoc casu licere debeat, in militia ulla ratio invenitur. Quare cum privilegia ea militum saltem sint juris nature, quæ rationem in militia habent (§. 385.): Facile apparet, quod uti prohibitio testamenti factionis capite damnatis in genere, ita & concessio ejusdem militibus speciatim facta, juris nature non sit. *Q. c. 3.*

§. 423.

Militem ad mortem damnatum jure militari testari posse, non consuequitur, sed analogie juris repugnat. *Non modo militari.*

Absque enim solennitatibus testari militibus propterea concedi debet, ne a servitiis militaribus detineantur & deterioris sint conditionis, quam pagani (*dem. §. 402. 403.*). Deterioris vero conditionis propterea esse non debent, quia vitam & corpus periclitantur, & eo peculiariter de republica merentur (*dem. §. 392.*). Miles autem capite damnatus ad servitia militaria amplius non tenetur, nec adeo periculis istis, reipublicæ saltem causa, subicitur; Adeoque cum capite damnavi non soleat, nisi qui graviter deliquerit; Tantum abest, ut talis de republica bene mereatur, quin potius eandem maxime læsisse facile videatur. Ratio itaque, cur militibus solennitates testamentorum remissæ vel remittendæ sint, cessat in capite damnatis. Cum vero, uti posita ratione sufficiente, ponendum sit, ita etiam ea cessante cesset, quod propter eam est (§. 18. *Ontol.*): Patet, militem ad mortem damnatum jure militari testari non posse. *Q. c. 1.*

Et cum ratio solennitatum militibus, ut in genere, ita & in testamentis remissarum (§. 403.), in eo contineatur, ne a servitiis detineantur & ne deterioris conditionis sint, quant pagani (*per dem. §. 402.*); Id vero, quod

quod in se continet rationem alterius, ejusdem principium dicatur (§. 866. loco cit.): Quod milites a servitiis distrahi & deterioris conditionis esse non debeant, principia juris sunt. Principiis vero his non convenit, ut miles capite damnatus jure militari testari possit (*per dem. n. t.*). Quare cum in consensu sive convenientia cum principiis juris analogia juris consistat (*per def. §. 399.*): Apparet, quod & analogiæ juris repugnet. *Q. e. 2.*

Imperator itaque etiam hæsitavit in decidenda hac quæstione; Tandem vero militi capite damnato militari jure testari concessit, ex hac ratione, quod ei quasi militi tribuatur jus testandi. Addit tamen, quod hoc ita intelligi debeat, si sacramenti fides non sit rupta (*l. 11. princ. ff. de Test. mil. & l. 6. §. 6. ff. de Injusto, rupto &c.*). Cum vero ratio testamenti militaris cesset in capite damnatis (*per dem. §. 427.*): Ad mortem damnatis vero jus testandi, non qua militibus, sed in genere competere debeat (*dem. §. 427. n. 3.*); Et cum milites in leges militares jurent (§. 148.); Ad mortem damnatum vero deliquisse, adeoque has transgressum esse appareat; Et hinc etiam juramentum violasse necesse sit: Ratio ab Imperatore adducta sufficiens minime videtur.

§. 429.

Miles pro parte testari potest.

Militi in expeditione constituto concedendum est, ut ex parte testatus & ex parte intestatus decedere, adeoque pro parte saltem testari possit.

Quod enim quis ex parte testatus, & ex parte intestatus decedere jure romano non possit (*l. 2. ff. de R. J.*), consequitur ex hypothese illa seu principio juris illius, quod testamentum indicet dispositionem de universis bonis (BERGER *Oecon. jur. lib. 2. tit. 4. p. 455.*). Cum vero jure naturali testamentum non requirat dispositionem de tota hereditate (§. 994. *Part. 7. Jur. nat. WOLF.*): Principium hoc mere juris civilis atque arbitrarium est. Quare cum consequentiæ ex principiis juris civilis mere arbitrarie fluentes, subtilitates juris dicantur (*def. §. 401.*): Thesis illa, quod nemo ex parte saltem testatus decedere queat, ad subtilitates juris referenda est. Quamobrem cum milites in expeditione constituti ad has non obligentur (§. 401.): Facile adparet, quod iisdem etiam concedendum sit, pro parte saltem testari, adeoque & pro parte ab intestato decedere posse.

Aliter.

Milites in expeditione constituti ad plura in testamentis suis condendis teneri nequeunt, quam quæ juris naturæ ad eadem requiruntur (§. 411.). Quare cum naturaliter etiam de quibusdam saltem testari liceat, & re-

& reliqua tunc cedant heredi ab intestato (§. 1046. loco cit.): Etiam hoc modo patet veritas asserti.

Jure itaque etiam civili militibus hoc concessum est, ut pro parte testari, & pro parte intestati decedere possint (l. 6. ff. de Test. milit.). Quod enim naturale harum rerum pugnam esse dicatur (l. 7. ff. de Reg. jur.), hoc ex hypotheli juris civilis intelligendum esse, optime monuit BERGERUS (loco cit.). Juri naturali non repugnare, sed ejusdem porius esse, modo demonstravimus. Ceterum facile intelligitur, quod cum hoc jus paganis non competat, illud sit privilegium militum; Et quidem, cum rationem suam habeat in ipsa militia (per dem. §. 401.), necessarium (§. 374.).

§. 430.

Si miles de parte saltem bonorum testatus fuerit, pars reliqua cedit Cui cedat hereditibus ab intestato. pars reliqua.

Cum enim miles pro parte testatus, & pro parte intestatus decedere possit (§. 429.): Si de parte saltem bonorum testatus sit (per hyp.), quoad reliquam partem testamentum non extat. Quare cum ab intestato succedatur, si testamentum non adsit (§. 1021. Part. 7. Jur. nat. W.); Heres vero dicatur, qui in bona defuncti succedit (§. 958. ibid.): Patet, quod si miles de parte bonorum saltem testatus fuerit, pars reliqua cedat hereditibus ab intestato.

Jure civili res aliter se habet cum paganis. Cum enim nemo pagano- rum ex parte testatus, & ex parte intestatus decedere queat, & testamen- tum esse debeat dispositio de universitate bonorum (per sup.): Si paga- nus de parte saltem bonorum testetur. Pars hæc, licet minima totam hereditatem trahit ad heredem institutum (§. 5. Inst. de Hered. instit.). Cum causa testati prior habeatur causa intestati. Illud vero ratione naturali destitui, commonstrat SAM STRYCK (§. 13. cap. 1. de Causelis testam.). Cum autem militi liceat de parte saltem testari (§. 429.); Ad- eoque partem ab intestato relinquere; Naturali etiam ratione patet, quod hæc non heredi instituto accrescere, sed porius hereditibus ab inte- stato relinqui debeat. Uti etiam statutis & moribus quorundam locorum hodie obtinere docet citatus auctor §. 8. Lib. 28. Tit. 5. Us mod. pand.).

§. 431.

Ut ex hereditate militis pars quædam sive corpus quoddam cedat Prefecto præfecto ejus, non juris natura, sed mere positivi est. militis ex hereditate nihil com- petit.

Cum enim naturaliter testamentum facere liceat (§. 999. loco cit.): Quod in hoc casu ii succedant in bona defuncti, qui heredes institui sunt, per se intelligitur. Si vero quis intestatus succedat, ipso jure natura succedunt liberi, dein parentes, & ultimo denique agnati reliqui

Jus mil. nat.

X

(§. 1033.

(§. 1033. *seq. ibid.*). Quare cum præfectus militis inter hos referri, aut ipsi ex alia causa, veluti promisso, quid deberi, hic non supponatur (*per hyp.*): Jure etiam naturæ ratio non adest, cur ipsi aliquid ex hereditate militis cedere debeat. Quodsi itaque dispositum sit, ut hoc fiat: Illud juris mere positivi esse facile apparet.

§. 432.

*Jus optimi
caballi ju-
ris natura
non est.*

Jus itaque optimi caballi, quod dicitur, juris natura non est, sed mere positivi.

Jus enim optimi caballi dicitur, vi cujus præfecto militum superiori ex hereditate inferioris imperio suo subiecti sumere licet equum optimum & instructum (*per dis.*). Quare cum juris naturæ non sit, ut pars quædam hereditatis militis defuncti cedat præfecto ejusdem (§. 431.): Facile apparet, quod nec jus optimi caballi sit juris naturæ, sed mere positivi.

Facile intelligitur, hic non supponi equum militi sive præfecto ab auctore belli in usus bellicos datum; sed proprium. Illum enim milite moriente jure suo vindicari, dubium esse nequit. Quare cum & equitibus gregariis equi suppeditari soleant: Hos illis mortuis domino rursus obvenire, per se liquet. Supponitur itaque miles, seu præfectus, qui equos proprio sumtu, ab auctore licet belli accepto, comparat & alit, adeoque eosdem proprios habet.

De hoc jure optimi caballi specimen nuperrime adhuc conscripsit GEO. AUG. RITTMAYER, a cognitionibus præsidii Lüneburgensis, editum Lüneburgi 1749., qui sedulus admodum fuit in origine ejus indaganda. Ex qua satis patet, ejusdem neque naturalem rationem, neque & in militia necessariam adesse. Quamquam enim putet, quod illud præter consuetudinem ratione etiam bellica fulciatur (§. 10.): Hæc tamen minus sufficiens videtur, ut heredibus jus adimatur, quod illis competit. Cum enim equus bellator supponatur: Rationem bellicam ponit in raritate, usuque equorum in castris præsentissimo, talium nempe, qui ad fuetos armorum strepitus loco stare sciant. Hos ex castris in manum heredum transire, qui forte vel apud ipsos hostes commorantur, forte domi in agris aut urbibus degunt, forte vendere plane nolunt, aut non nisi enormi pretio, id intolerabile dicendum esse existimat (*not. a*) ad §. cit.). Facile autem apparet, quod ad hoc, ut militiæ conserventur tales equi tractari, non requiratur, ut heredes iis absque pretio careant. Quodsi enim publica utilitas id requirat, hi utique ad eosdem in castris vendendos adstringi poterunt. Et ne pretium eorum slet arbitrio: Aequitas ejusdem vel judicio peritorum, vel plus licitando determinari poterit. Ex ipsa etiam, quam tradidit (§. 8.), origine satis elucet, aut supponi equum illum militi ab auctore belli fuisse traditum, aut militem vasallum esse, a quo relevii loco servet eum dominus. Agnoscit itaque ipsemet

met etiam, quod hodie nexu clientari in milite cessante, ratio ejusdem juris proprie cesset, & illud solum sub inveteratæ semel consuetudinis titulo passum remanserit (§. 9.). Quodsi itaque & hodie jus hoc concedatur: Restringsi tamen illud solet tam ad casum expeditionis, quam præfati absque vidua & liberis, ut & absque ære alieno vires hereditatis superante decedentis. Quod optime monuit auctor laudatus §. 2.

§. 433.

Milites etiam legata absque heredis institutione testamento relinquere possunt. *Milites legata solum relinquere possunt.*

Cum necesse non sit, ut miles de tota hereditate sive universitate bonorum testetur, sed de parte etiam testari possit (§. 429.): Nec ad heredem instituendum teneri potest, sed partes etiam bonorum suorum, sive rem quandam, sive certam pecuniæ summam testamento relinquere posse debet. Quare cum donatio rei cujusdam sive certa pecuniæ summa ultima voluntate facta, legatum dicatur (§. 1003. *Part. 7. Jur. nat. WOLF.*): Patet, quod miles legata etiam sine heredis institutione relinquere possit.

Aliter.

Naturaliter in testamento tantummodo relinqui possunt legata, tumque heres est, qui ab intestato succedit (§. 1046. *loco cit.*). Jure naturæ itaque & legari potest absque heredis institutione. Quare cum milites in testamentis suis condendis ad plura non teneantur, quam quæ jure naturæ requiruntur (§. 411.): Etiam hoc modo statim assertum probatur.

Hanc ut & alias, quæ sequuntur, propositiones de milite in expeditione constituto intelligendas esse, facile patet. Talis enim saltem pro parte (§. 429.) & alio privilegiato modo testari potest (§. 405.). Brevitatis studio vero hæc determinatio non semper adjicitur: Cum per se satis intelligatur. Singulare hic quidem proprie nihil tribuitur militibus, quod nec jure civili pagani competat, postquam legata fideicommissis exæquata sunt (*l. 1. ff. de Leg. 1.*). Sic enim & legata codicillis relinqui possunt (*l. 8. §. 1. ff. de Jur. codicill. Et l. 43. de Manum. testam.*), adeoque cum hi absque heredis institutione conficiantur (§. 2. *Inst. de Codicillis*), & absque herede instituto: Quæ tamen dispositio jure civili testamenti nomine non venit. Licet jure naturæ, utpote quod discrimen testamentorum & codicillorum ignorat testamento relinqui posse legata absque heredis institutione, alienum non videatur (*per dem*).

§. 434.

Miles in expeditione constitutus plura testamenta facere posse debet. Plura testam.
Militi enim in expeditione constituto de parte saltem hereditatis testam.
facere.

flari licet (§. 429.). Datur itaque testamentum militis in expeditione constituti de parte etiam hereditatis. * Quare cum plures dentur partes hereditatis totius; Cum partes simul sumte totum denique conficiant: Patet, quod miles in expeditione constitutus de partibus singulis hereditatis separatim testari, adeoque plura testamenta condere possit.

Per se autem intelligitur, quod eadem simul valeant. Cum enim jure civili testamentum paganorum sit dispositio de tota hereditate: Facile patet, quod nemo paganorum plura testamenta ad eum scilicet effectum facere possit, ut valeant simul. Absurdum enim viderur, si quis plus una de eadem re disponere & utrumque valere veller. Quoniam vero ipsum jus civile militibus facultatem pro parte testandi concessit (*l. 6. ff. de Test. mil.*): Opus etiam fuit, ut ipsis plurimum testamentorum factionem indulgeret. Uri expresse factum est (*l. 19. & 35. eod.*).

§. 435.

Heredem ex tempore & ad tempus instituere. Miles in expeditione scilicet constitutus, in testamento militari heredem vel ex certo tempore vel ad certum tempus instituere posse debet, tam jure naturæ, quam civili.

Heres enim in diem etiam, vel quod idem est, ex certo demum tempore jure naturæ potest institui (§. 1039 *Part. 7. Jur. nat. W.*); Et quod etiam ad certum saltem tempus possit, dubium esse nequit (*dem. §. 1036. l. c.*). Quare cum milites in testamentis suis condendis ad plura non teneantur, quam quæ sunt juris naturæ (§. 411.): Patet, quod miles jure naturæ heredem vel ex tempore, vel ad tempus instituere possit. *Q. e. 1.*

Si quis vero ex certo demum tempore heres instituatur: Interëa heres ex testamento non esset; Adeoque hereditas ad heredem ab intestato veniret (§. 1021 *Part. 7. Jur. nat. W.*). Quod etiam fieret, si post aliquod tempus heres quis esse desineret. Idem itaque est in utroque casu, ac si quis ex parte testatus, ex parte vero intestatus deederet. Quod cum jure civili paganus non possit (*l. 7. ff. de Reg. jur.*): Jure quoque civili constitutum est, ut heres ex certo tempore vel ad certum tempus institui non possit a pagano, sed tempus adjectum pro supervacaneo habeatur (§. 9. *Inst. de Hered. instit. l. 34. & 88. ff. eod. l. 8 Cod. eod.*). Ex hoc itaque intelligitur, cur illud fieri nequeat (*JO. SAM. STRYCK ad §. 9. Inst. l. c.*). Quare cum id, ex quo intelligitur, cur aliquid sit, ratio ejusdem dicatur (§. 56. *Ontol. W.*): Ratio hujus constitutionis in eo continetur, quod paganus non possit ex parte saltem testatus deedere. Cum vero militi hoc liceat ipso jure civili (*l. 6. ff. de Test. milit.*): In milite cessat ratio, cur heres ex die vel ad diem institui non possit.

Quare

Quare cum uti posita ratione sufficiente ponatur, ita etiam eadem cessante cesset, quod propter eam est (§. 118. *Ontol.*): Militi ipso etiam jure civili licere debet heredem ex certo tempore, vel ad certum tempus instituere. *Q. e. z.*

Iterum hinc patet, quomodo principio quodam, arbitrario licet, assumto, inde fluant alia, quæ licet expresse disposita non sint, propter convenientiam tamen cum principiis, admitti debeant. Quæ, cum analogia juris in convenientia propositionis vel asserti cujusdam cum principiis juris ponenda sit (*per def. §. 399.*), analogiæ juris conformia dicenda sunt.

§. 436.

Milites heredem etiam aliarum inhabilem instituere posse debent.

heredem inhabilem instituere.

Milites enim in expeditione constituti, quales hic supponuntur (*schol. §. 433.*), ignorantia juris excusantur (§. 399.); Nec ad subtilitates juris civilis observandas tenentur (§. 401.). Quare cum id peritiam juris supponat, quis sit heres habilis, vel non; Et plerumque subtilitate quadam nitatur, quod quis heres esse non possit (*per hyp.*): Patet, quod milites instituere etiam posse debeant heredem alias inhabilem.

Jure itaque civili etiam constitutum est, ut deportati, & fere omnes, qui testamenti factionem, passivam scilicet, non habent, a milite heredes institui possint (l. 13. §. 2. ff. de *Test. milit.*) & liberum arbitrium ipsis concedi debeat, quibus velit quid relinquendi, nisi lex specialiter prohibuerit (l. 5. *Cod. cod.*). Specialiter vero prohibitum est militibus instituere heredes servos pænæ (d. l. 13. §. 2.), mulierem in quam turpis suspicio cadit (l. 41. §. 1. *cod.*) & concubinam, sive quæ in contubernio militis fuit (l. 14. ff. de *His, quæ ut indignis aus.*). Cum vero ratio, cur militibus heredes etiam inhabiles instituere, concedi debeat, generalis sit (*per dem. §.*): Quod tamen quidam excipiuntur, ratio adesse non videtur. Et quod mulieri turpi testamento aliquid relinquere non possint, eo magis mirandum est, cum paganis hoc licere ex l. 3. §. 1. ff. de *Donat. int. vir. & ux.* tueatur ULR. HUBER. in *Prælect. juris civ. ad Pand. de Test. mil. §. 1.* Favore quidem militaris disciplinæ hoc jus singulare constitutum esse putat BERGER *Oecon. jur. Lib. 2. Tit. 4. §. 5. nota 6.* Cum vero eadem ratio sit, & paganos a turpium mulierum consortio detinendi: Quodsi & in pænâ quasi militum hoc statutum sit, non tamen apparet, cur paganis in eo indulgeatur.

§. 437.

Ad testamentum militare sufficit, ut heres in eo institutus tempore mortis testatoris vel ad eundem hereditatis saltem habilis sit; Nec necesse est, ut etiam tempore facti testamenti habilis fuerit.

Ipso enim jure naturæ obtinet, ut testamentum ante mortem testatoris validum non fiat (§. 998. *Part. 7. Jur. nat. W.*); & heres translationis

nem domini testamenti factam non nisi post mortem testatoris acceptare possit (§. 994. l. c.). Quare cum in acceptatione translationis domini testamenti factæ hereditatis aditio consistat (*per def.*): Ut tempore adeundæ hereditatis habilis sit heres, requiritur. Cum vero tempore facti testamenti non statim acceptare possit aut debeat heres translationem domini (*per dem.*): Ratio naturalis non apparet, cur etiam tempore testamenti factionis habilis esse debeat heres. Quoniam itaque ad testamentum militare plura non requiruntur, quam quæ juris naturæ sunt (§. 411.): Si vel jure civili ponatur dari etiam heredes respectu militum inhabiles (*schol.* §. 436.), sufficere tamen debet ad testamentum militare, ut heres tempore mortis testatoris vel adeundæ hereditatis habilis fuerit. *Q. c. 1.*

Cum vero ratio naturalis non inveniatur, cur etiam testamenti conditi tempore habilis esse debeat heres (*per dem. n. 1.*): Quod hoc jure civili requiratur (*arg. l. i. ff. de Reg. Cution.*), merito ad subtilitates ejusdem referendum est (*def.* §. 401.). Quare cum ad has milites in expeditione constituti non teneantur (§. 404.); Testamentum militare vero in expeditione condi supponatur (§. 407.): Nec necesse est in testamento militis, ut etiam testamenti facti tempore habilis fuerit heres. *Q. c. 2.*

Ipsam jus civile hanc consequentiam agnoscit. „Disponit enim sequenti modo si servum pœnæ heredem scribar miles: Institutio non valebit. Sed si mortis tempore in civitate inveniatur: Institutio incipit convallescere, quasi nunc data hereditate. Et generaliter in omnibus id poterit dici, quos miles instituit, ut institutio incipiat vires habere, si mortis tempore talis inveniatur, ut a milite institui potuerit (*l. 13 §. 2. ff. de Test. milit.*).

§. 438.

Milites tam jure naturæ, quam civili liberis suis testamentum facere substituere & quidem ipsi pupillariter substituere posse debent, etiamsi sibi met ipsi possint absque non testamento proprio.

Ipsa enim jure naturæ parentes liberis suis in eum casum heredem substituere possunt, si infra pubertatem moriantur (§. 1061. *Part. 7. Jur. nat. W.*). Adeoque cum in hoc actu pupillaris substitutio consistat, & hæc juris naturalis sit, (§. 1062. *loco cit.*): Pupillariter substituere possunt. Cum vero naturaliter in testamento disponi etiam tantum possit de aliis, quæ post mortem suam fieri vult testator, neque heredis institutio necessaria sit (§. 1046. l. c.): Naturaliter substitui etiam solum potest pupillariter, absque herede sibi met ipsi relicto, vel testamento proprio facto. Quare cum milites in testamentis suis condendis ad plu-

ra non teneantur, quam quæ sunt juris naturalis (§. 411.): Ipso etiam jure naturæ militibus licere debet pupillariter substituere, et si sibi met-
 ipsis non testentur. *Q. e. 1.*

Jure vero civili, cum pupillare testamentum pro parte & sequela paterni habeatur, nemo liberis suis testamentum facere potest, nisi & sibi faciat (§. 5. *Inst. de Pupill. substit.*); Adeoque in pupillari substitutione duo quodammodo testamenti requiruntur (§. 2. *ibid.*). Cum vero principium illud juris naturæ non sit (*per dem. n. 1.*): Consequentia inde deducta principio jure civili innititur. Quare cum consequentia ex principio jure civili sive arbitrario deducta, & jure civili adprobata, ad subtilitates juris referenda sit (*def. §. 401.*); Milites vero vel ipso jure civili ad easdem non teneantur (*schol. §. cit.*): Jure etiam civili licere ipsis debet, absque testamento sibi met ipsis relicto, illud facere liberis in casum, si infra pubertatem decedant, sive pupillariter illis substituere.

Q. e. 2.

Hoc utique jus civile expresse constituit (*l. 15. §. 5. & l. 41. §. fin. ff. de Test. milit.*). Et facile apparet, cum pagani eodem jure non fruantur (*dem. n. 2.*), quod sit privilegium militum.

§. 439.

Milites etiam liberis ultra pubertatem, imo & extraneo in casum, si etiam ultra intra certum tempus moriatur, substituere posse debent.

Cum enim jure naturæ testator heredi instituto alium substituere possit, ut, illo quacunque de causa deficiente, hic succedat (§. 1058. *Part. 7. Jur. nat. W.*): Naturaliter etiam substituere licere debet in casum, quo ante certum tempus heres moriatur. Si vero ejusmodi substitutio fiat: Idem est, ac si ad certum modo tempus vel ex certo demum tempore heres instituitur. Quod cum in testamento paganorum fieri non possit (§. 9. *Inst. de Hered. instit. l. 34. & 88. ff. eod.*): Nec hos liberis ultra pubertatem vel extraneo ad certum tempus substituere posse, intelligitur (§. 9. *Inst. de Pupill. substit. l. 7. & 14. ff. de Vulg. & pup. substit.*). Cum vero militi & jure civili illud liceat (§. 435.); Præterea vero ad testamentum militare plura non requirantur, quam quæ ad testamenti in genere (§. 411.): Milites etiam tam liberis ultra pubertatem, quam extraneo in casum, si intra certum tempus moriatur, substituere posse debent.

Quoad liberos ultra pubertatem eis etiam hoc privilegium expresse jure civili concessum est (*l. 15. ff. de Vulg. & pup. substit.*).

§. 440.

§. 440.

liberos præteriri non possunt. Quod jure civili liberi in testamento militari præteriri saltem possint, nec expresse exheredari debeant, juris naturæ non est.

Ipsium enim jus naturæ requirit, ut liberi vel heredes instituantur vel iusta de causa exheredentur (§. 1016. Part. 7. Jur. nat. W.), ita, ut testamentum quoad heredis institutionem non valeat, si liberi in eodem saltem præteriti sint (§. 1015. loc. cit.). Quare cum jure civili contrarium statuatur, quod nempe in testamento militari liberi quoad effectum scilicet exheredationis præteriri possint (§. 6. Inst. de Exher. lib.): Facile patet, quod hoc juris naturæ non sit; Et cum milites in condendis suis testamentis observare debeant ea, quæ sunt juris naturæ, (§. 411.), quod milites liberos suos quoad effectum exheredationis præterire non possint.

Rationem hujus dispositionis non invenimus, nisi forte in eo ponatur, quod juris mere civilis creditum fuerit, parentes liberos præterire non posse, sed nominatim eos exheredare debere; Milites vero ad ea in testamentis suis condendis non teneri, quæ juris mere civilis sunt. Cum vero jam demonstratum fuerit, hoc ipsius esse juris naturalis (*dem.* §.); Et cum jus liberorum hereditarium, quod perfectum est (§. 955. loc. cit.), in eo versetur, quod absque iusta causa exheredari non possint; Quod nec adeo citra injuriam adimi potest (*dem.* §. 1015. cit.): Ratio illa non sufficiens, sed nulla potius est. Alia forsitan reddi posset, quod, si parentes saltem prætereant liberos, præsumendum sit, eos hoc non absque iusta causa facere, licet eandem non exprimant. Cum adeo milites ignorantia juris civilis excusentur (§. 398.); Hoc vero disponat, liberos vel instituendos vel nominatim exheredandos esse (*princ.* Inst. de Exher. lib.): Militibus hoc remittendum, & iustam saltem exheredationis causam in iis præsumendam esse, videri posset. Cum vero dispositio hæc de expressa liberorum exheredatione juris non mere civilis, sed naturalis etiam sit (*per add.*); Milites vero ad omnia maneant obligati, quæ sunt juris naturæ (§. 122.), præcipue etiam in testamentis suis condendis (§. 411.): Nec hanc adæquaram putaverim. Licet enim utique præsumi possit, parentes adeo non fore iniquos, ut liberos suos absque iusta causa privent hereditate, quam ipsa natura tribuit: Fieri tamen æque potest, ut pro iusta causa habeatur, quæ non est. Tutius itaque videbitur, tantum in eo non relinqui iudicio militum, facile erroneo, sed eos etiam per expressam causæ allegationem ad ejus rationem reddendam obligari, uti juris naturæ est (§. 1018. P. 7. Jur. nat.).

§. 441.

nec posthumum.

Quod posthumus in testamento militari præteriri, adeoque quoad effectum exheredari possit, juris naturæ non est.

Post-

Posthumus enim inter liberos etiam referendus est (§. 1017. *loc. cit.*). Quare cum in genere liberi ad effectum scilicet exheredationis præteriri non possint in testamento militari (§. 440.): Nec posthumum posse, facile intelligitur.

Hoc iterum repugnat dispositioni juris civilis (§. 6. *Inst. alleg.*). Quod tamen, uti si ignoraverit, se habere liberos (§. *cit.* & l. 9. *Cod. de Test. mil.*), ita & quoad posthumum eo restringitur, nisi ignoraverit, uxorem esse prægnantem (l. 10. *ibid.*). In utroque enim casu præteritio non haberetur pro exheredatione, nec testamentum valet. Iniquitas vero illius constitutionis etiam ex iis facile perspicietur, quæ ad §. præced. monuimus.

§. 442.

Quod testamentum militare querela inofficiosi testamenti impugnari Querela inofficiosi locum habet.
nequeat, juris quidem civilis, non vero naturalis est.

Cum enim jure civili in testamento militari quoad effectum exheredationis præteriri possint liberi (§. 6. *Inst. de Exher. lib.*): Multo magis in eodem vel sine vel falsa causa adjecta exheredari posse debent. Liberi itaque de iniqua exheredatione vel præteritione, in testamento militari facta, queri nequeunt. Quare cum querela inofficiosi testamenti detur liberis præteritis aut inique exheredatis (*princ. Inst. de Inoff. test.*): Facile patet, quod secundum principia juris civilis illa contra testamentum militare locum habere nequeat. *Q. c. 1.*

Cum vero juris naturæ non sit, ut in testamento militari liberi quoad effectum exheredationis præteriri possint (§. 440.); Sed jure naturæ liberi vel instituendi, vel iusta de causa sint exheredandi (§. 1016. *Part. 7. Jur. nat. W.*); Et quidem causa exheredationis alleganda sit (§. 1018. *l. c.*): Liberi secundum jus naturæ utique conqueri possunt, si in testamento militari vel plane prætereantur, vel exheredentur quidem, causa vero vel nulla, vel iniqua adjiciatur. Quare cum querela inofficiosi ad hoc detur (*per sup.*): Patet, quod jure naturæ testamentum militare impugnari quoque posse debeat querela inofficiosi, si in eo nempe liberi aut plane præteriti, aut nulla vel iniqua causa adjecta exheredati fuerint. *Q. c. 2.*

Controversiam doctorum, an hodie indifferenter supersit querela inofficiosi, vel an eo casu, quo rite quidem, sed non iuste facta est exheredatio, querela nullitatis competat, ingredi, & discrimen inter utramque, statuere, hic nostrum non est. Sufficit enim demonstrasse, quod liberis, in testamento militari sive præteritis saltem, sive nulla plane aut injusta causa adjecta exheredatis, jus de eo conquerendi, atque adeo testamentum paternum impugnandi competere debeat. Quomodo vero hoc jus

Jus mil. nat.

Y

agendi

agendi dicere volueris, sive inofficiosi, sive nullitatis querelam, hic perinde & juris saltem civilis est.

§. 443.

*Et natura-
liter jus
accrescen-
di.*

Jus hereditum accrescendi, quoad rationem juris romani, cessare debet in testamento militari, jure naturæ vero in eodem valet, si de omnibus bonis fuerit dispositum; Non aequè si de parte saltem.

Jus enim accrescendi dicitur, quo portio heredis cujusdam ex testamento, sive legatarii deficientis, sive vacans, attribuitur coheredibus reliquis (*per def.*). Si vero portio heredis alicujus vacans reliquis non accresceret: Illa ab intestato maneret (*l. 64. ff. de V. S.*). Idem adeo esset, ac si quis pro parte testatus, & pro parte intestatus deederet. Quum vero jure romano hoc absurdum habeatur (*l. 7. ff. de R. l.*): Jus accrescendi admittendum fuit. Ex hoc itaque principio intelligitur, cur jus accrescendi quoad heredes admittatur. Quare cum illud, ex quo intelligitur, cur aliquid sit, ratio illius dicatur (§. 56. *Ontol. WOLF.*): Ratio juris accrescendi, quoad heredes, secundum jus romanum in illo principio continetur, quod nemo ex parte testatus & ex parte intestatus decedere possit; Uti & sentiunt HUBERUS (§. 27. *Prælect. jur. civ. ad Inst. de Legatis*), HOPPIUS (*Comment. ad §. 8. eodem*) & alii. Cum vero & vel ipso jure civili principium hoc cesset in testamento militari (§. 429.): In eodem cessat ratio juris accrescendi, quæ secundum jus romanum obtinet. Quare cum uti posita ratione sufficiente ponendum sit, ita & eadem cessante cesset etiam id, quod propter eam est (§. 118. *Ont. W.*): Patet, quod secundum jus romanum jus heredum accrescendi cessare debeat in testamento militari. *Q. e. 1.*

Quoniam vero, si quis testamentum de tota scilicet hereditate constituit, declaret, quod ab intestato sibi succedi nolit, seu eos heredes esse, qui ipsi ab intestato alias succedant (§. 994. *Part. 7. Jur. nat. WOLF.*): Si heres unus deficiat, adeoque portio ejus vacet, ipso etiam jure naturæ præsumendum est, testatorem voluisse, ut in illam portionem heredes instituti reliqui potius simul succedant, quam heredes ab intestato. Jure itaque etiam naturæ jus accrescendi obtinet (§. 1055. *loc. cit.*). Si itaque portio quædam vacans coheredibus reliquis non accresceret, sed ad heredes ab intestato veniret: Voluntas testatoris, qualis præsumi debet, non adimpleretur. Cum vero jure naturæ tota successio sive ab intestato sive ex testamento voluntate domini expressa vel præsumta nitatur (§. 994. & 1031. *loc. cit.*), & præsertim in testamento militis spectari debeat voluntas ejusdem (§. 412.): In eoque valere debeant, quæ sunt

sunt juris naturæ (§. 411.): Jus accrescendi in testamento militari si de tota hereditate dispositum fuerit naturaliter locum obtinet. *Q. e. 2.*

Si vero de parte quadam hereditatis testamento militari saltem fuerit dispositum, adeoque pars reliqua cedat heredi ab intestato (§. 430.): Evidens est, non voluisse testatorem, ut nihil ad hunc veniat, sed potius eo declaratur voluntas ejusdem, ut id omne cedat heredi ab intestato, quod aliis non legavit, & quod hi plus non accipiant, quem expresse ipsis assignavit. Quodsi itaque unus horum deficiat: Præsumi aliter nequit, quam testatorem voluisse, illud non heredibus aut legatariis institutis, sed heredi ab intestato accrescere. Accrescit itaque portio illa vacans quidem heredi, non vero testamentario, sed ab intestato. Cum vero jus accrescendi heredes ex testamento supponat (*per def. n. 1.*): Et ex militis voluntate ipsi succedatur (*dem. n. 2.*): Nec jure naturæ in testamento militari juri accrescendi locus tribui poterit, si de parte bonorum illud saltem sit confectum. *Q. e. 3.*

Jure itaque etiam civili ex ea, quam adduximus, ratione jus accrescendi tollitur in testamento militari (*l. 37. ff. de Test. milit.*). Additur tamen ibidem: Nisi voluntas defuncti probata fuerit, ut omittente altero, ad alterum vellet totam redire hereditatem. Probatur autem voluntas ea defuncti, si eadem præsumi debeat. Ratio itaque naturalis juris accrescendi, quam dedimus, eo firmatur. Quare & non ita universaliter ac indistincte negari illud in hereditate militis, existimat HUBERUS loco citato. Et vel ipso jure naturæ illud tantum cessat, si de parte saltem testatus fuerit miles (*per dem. n. 1.*). Quod vero jure civili cessare debeat saltem, quoad heredes, non absque studio monuimus. Quodsi enim legatarius tantum deficiat, portio ejus ab intestato non fieret, etsi reliquis collegatariis non accresceret, sed cederet heredi. Quare & ratio juris accrescendi quoad legatarios poni nequit in eo, quod nemo ex parte testatus & ex parte intestatus decedere possit. HUBERUS itaque etiam quoad hos aliam adducit rationem, præsumtam nempe testatoris voluntatem (*loco cit.*). Qualis vero hæc jure naturæ præsumi debeat, monuimus *n. 2.* Jure itaque etiam naturæ portio legatarii vacans accrescit heredi (§. 1055. *P. 7. Jur. nat. W.*). Uti hæc omnia pluribus demonstrari & enucleari possent, si tantum campum, quantum materia de jure accrescendi exhibet, hic emetiri daretur.

§. 444.

Detractio quartæ Falcidie, quæ jure civili dicitur, a legatis in testamento militari relictis cessare debet.

Quarta Falcidia cessat.

Quarta enim Falcidia dicitur quarta pars hereditatis, quam heres legatis nimis gravatus ab his deducere potest (*per def.*), & concessa est jure civili heredi, ne propter nullum aut minimum lucrum ex testamen-

to sperandum, hereditatem recuse, sed ad hanc adeundam & testamentum sustinendum permoveatur (*princ. Inst. de Lege Falcid.*). Absque enim herede testamentum jure civili non subsistit, nec adeo legata in eo relicta valent (§. 34. *Inst. de Legatis*). Jure vero nature absque etiam heredis institutione testamentum subsistit & legata relinquere possunt (§. 1045. *Part. i. Jur. nat. W.*) & praesertim milites legata etiam absque heredis institutione relinquunt (§. 433.). Testamentum itaque militare nihilo minus subsistit, quoad reliqua capita & inprimis legata, etsi heres institutus hereditatem repudiet. Detractio itaque quartae Falcidiae ex principio juris mere civili consequitur, juris nature non est, & ejusdem etiam ratio in testamento, militari cessat. Consequentia vero ex principio mere civili subtilitas juris dicitur (*def. §. 401.*): Detractio itaque quartae Falcidiae ad subtilitates juris civilis referenda est. Quare cum haec in testamento militari locum non habeant (§. *cit.*); Nec plura requirantur, quam quae juris nature sunt (§. 411.); Et cessante ratione sufficiente cesset etiam, quod propter eam est (§. 118. *Onol.*): Ex ratione non unica intelligitur, quod detractio quartae Falcidiae in testamento militari locum habere nequeat, sed cessare debeat.

Rationem hanc cessantem agnovit etiam jus civile, dum testamenta militaria eodem privilegio dotantur (*l. 17. §. 4. ff. de Test. mil. l. 12. Cod. ib. & l. 7. Cod. ad L. Falc.*). Cum vero jure civili testamentum propterea absque herede non sustineatur, quia non nisi de tota univervitate testari licet; Nec adeo quis pro parte testatus, & pro parte intestatus cedere possit (*dem. §. 429.*): Hoc etiam principio ultimo nixitur detractio Falcidiae. Quod cum in testamento militari cesset (§. *cit.*): Eadem etiam cessare debet. STRYCKIUS quidem in eo plus favoris indultum fuisse paganis quam militibus, censere videtur: Dum per Falcidiam testamentorum destitutioni succurratur (§. 8. *m. i. cap. 21. de Cant. test.*): Cum vero testamentum militare nihilominus quoad reliqua capita subsistat, etsi heres deficiat; Neque adeo in hoc casu proprie destitutum fiat: Nec remedia hoc in eodem opus fuit.

§. 445.

confectione Testamentum militare per confectionem alterius non rumpitur, etiam
alterius secundum principia juris civilis, nisi illud expresse declaretur, aut in po-
*non rumpi-*stiori contineantur, quae priori contraria sunt.
tur.

Si enim testamento militari jam facto, alterum conficiatur, plura testamentum condi per se patet. Quare cum milites plura testamentum facere possint (§. 434.), & quidem ad eum effectum, ut ambo valeant (*si bol. ibid.*). Uno confecto alterum adhuc aequè validum addere possunt. Testamentum itaque militare eo non fit invalidum, quod aliud addatur.

Quare

Quare cum testamentum invalidum fiat, quod rumpitur, dum nempe circa illud ipsum quid accidit, quo vitatur (*per def.*): Patet, quod testamentum militare per alterius confectionem non rumpatur. *Q. c. 1.*

Cum vero quoad principia juris civilis testamentum de tota hereditate conficiatur; Adeoque absurdum videatur, aliquem de una eademque re bis disponere velle (*per not.*): Jure civili communi duo testamenta simul subsistere nequeunt. Necessse itaque fuit, ut per posterius prius rumperetur (*l. 2. ff. de Injusto, rupto & irr. facto test.*). Cum vero ipso etiam jure civili miles & pro parte testari (*l. 6. ff. de Test. mil.*), adeoque testamentum militare de parte saltem quadam hereditatis, de reliqua vero parte aliud adhuc confici possit: Secundum principia juris civilis quoque intelligitur, quod testamentum militare alterius confectione non rumpatur. *Q. c. 2.*

Quod si vero in testamento posteriori dispositum quid fuerit, quod priori contrarium est, vel expresse declaraverit testator, se prius valere nolle: Tunc voluntatem suam mutasse censendus est. Quare cum ipso jure naturæ testator voluntatem suam mutare possit, quamdiu vixerit (§. 997. *Part. 7. Jur. nat. W.*); Et in testamento militis voluntas ejus potissimum spectetur (§. 412.); Nec plura requirantur, quam quæ sunt juris naturæ (§. 411.): Apparet, quod testamentum militare alterius confectione utique tunc rumpatur, si in eo testator declaraverit expresse, se prius valere nolle, vel etiam disposuerit, quæ priori contrariantur. *Q. c. 3.*

Jure civili hoc itaque usque eo extenditur, si testamentum posterius modo militare sit (*l. 2. alleg.*). Cum vero tunc testamentum prius de tota hereditate confectum supponi debeat (*dem. n. 2.*): Per posterius necessario quidam disponi debent, quæ priori contraria sunt. Atque adeo quoad hæc tamen prius rumpi sive mutari necesse est (*dem. n. 3.*).

§. 446.

Testamentum militare vel nuda declaratione voluntatis revocari nuda declaratione revocatur,
potest.

Jure enim naturæ testator testamentum suum mutare potest, quamdiu vixerit, imo testamento alio non facto intestatus decedere (§. 997. *Part. 7. Jur. nat. W.*). Cum vero testamentum declaratio voluntatis sit (§. 994. *ibid.*): Facile patet, quod testamentum mutari sive revocari debeat, si voluntas contraria declaretur. Quare cum in testamento militari eadem valeant, quæ sunt juris naturæ (§. 411.), & in eo potissimum voluntas militis spectanda sit (§. 412.): Facile elucet, quod nuda voluntatis declaratione testamentum militare revocari possit.

Theſin hanc jam ſuppoſuimus in demonſtrando aſſerto n. 3. §. *præced.* Jure vero civili communi ex eo ſolo non poteſt inſirmari teſtamentum, quod poſtea teſtator i. l. noluerit valere (§. 7. *Inſt. Quib. mod. teſt. inſirm.*); etiamſi coram aſtis aut tribus teſtibus eam mentem declaraverit, niſi in hoc caſu poſt decennium demum (l. 27. *Cod. de Teſtam.*). Sed vel teſtamento alio perfectò, vel factò quodam, veluti deletione, ad id opus eſt. Controverſiam tamen, quæ circa hanc rem moveretur, enucleat IUBERUS in *Præſc. ad Inſtit. b. t. §. 8. ſeqq.*

§. 447.

Quinam ad milites re- in expeditione conſtitutos comitari debent, ad milites referendi ſunt, quoties de eorum commodo agitur.

Cum milites in expeditione conſtituti in conſictu cum hoſte vel aſta ſint, vel in eundem facile venire poſſint (§. 393. & 394.); Conſictus cum hoſte vero periculum vitæ & membrorum involvat (*per not.*): Milites in expeditione conſtitutos maximis periculis expoſitos eſſe, facile patet. Quare cum hic ſupponantur, qui propter auxilia militibus præbenda ipſos in expeditionem ſequi debeant (*per hyp.*): Et hos periculis iſtis belli ſubjici, facile patet. Quare cum milites propter hæc pericula non deterioris, ſed melioris conditionis eſſe debeant, quam pagani (§. 392.), adeoque commoda ipſis concedantur; Id vero, ex quo intelligitur, cur aliud ſit, ratio hujus dicatur (§. 56. *Omol. W.*): Ratio illorum commodorum etiam adeſt in iis, qui militibus quomodocunque auxilia præbent, & propterea eoſdem in expeditione ſequuntur. Quare cum poſita ratione ſufficiente poni etiam debeat, quod propter eam eſt (§. uſ. l. c.): Patet, quod illis etiam eadem commoda concedi debeant, quæ militibus in expeditione conſtitutis, ſive quod ad milites referendi ſint, quoties de eorum commodo agitur.

§. 448.

Iis privilegia militum concedenda.

Quare cum militibus in expeditione conſtitutis ſingularia jura concedantur, quæ aliis non competunt (§. 398. *ſeqq.*); Conceſſio vero juris, quo alii carent, privilegium dicatur (§. 853. *Part. 8. Jur. nat. W.*); Adeoque militibus propterea, quod in expeditione conſtituantur, privilegia tribuantur: *ſis, qui quocunque modo militibus auxilia præbent, & propterea ipſos in expeditionem ſequuntur, privilegia etiam competere debent, quæ militibus in expeditione conſtitutis.*

Idem omnes ſere ſentiunt juris doctores, quorum nonnullos aſſert SCHOEPPER in *Diff. de Milite deſertore cap. 1. §. 23.*

§. 449.

Quare cum concionatores bellici, auditores, chirurgi, & vel lixe; Quibus-
 ut & famuli eorum & præfectorum militum, alique, militibus auxilia ^{nam in spe-}
 præbeant, ac propter ea hos in expeditionem sequi debeant (per exp.^{cie.}
 & not.): Hi omnes etiam ad milites referendi sunt, quoties de ipsorum
 commodo agitur (§. 447.); Et adeo privilegia militum in expeditione con-
 sultorum ipsis competere debent (§. 448.).

Hinc jure etiam civili dicitur, quod ii, qui eadem pericula cum mili-
 tibus experiantur, jura quoque eadem merito sibi vindicent (l. un. pr. ff.
 de Bon. poss. ex test. mil.).

§. 450.

Et cum testamentum militare ad privilegia militum referendum sit Testamenti
 (§. 408.), quæ iisdem in expeditionibus constitutis competere debent ^{militaris}
 (§. 407.); Privilegia militum vero in expeditione constitutorum etiam ^{factio.}
 concionatoribus bellicis, auditoribus, & aliis competere debeant (§. 449.):
 Concionatoribus bellicis, auditoribus & aliis, qui militibus quomodocum-
 que auxilia præbent, & propterea ipsos in expeditionem sequuntur, testa-
 menti militaris factio etiam competere debet.

Idem jus civile concessit (l. ult. ff. de Test. milit.). Hæc tamen diffe-
 rentia intercedente, ut, cum testamentum militis annum adhuc post ex-
 peditionem valeat (sebol. §. 422.), testamentum militare eorum, qui
 proprie milites non sunt, statim desiciat, si in periculo isto, quo condi-
 tum fuit, non decesserint. Uti ex d. l. argumentatur BERGER (§. 5.
 nota 4. Lib. 2. tit. 4. Oecon. jar.). Quod rationi etiam consentaneum
 videtur. Testamentum enim militare post expeditionem tempus aliquod
 adhuc valere, ad privilegia non necessaria, sed ea potius pertinet, quæ
 per modum præmiorum conceduntur (deu. §. 422.). Præmia vero mi-
 litibus proprie sic dictis conferri tantum convenit (§. 379.).

§. 451.

Amicis militum, qui horum visendorum gratia, aut in genere omni-
 bus, qui præter necessitatem in castris, sive loco expeditionis commorantur, ^{Amicis mi-}
 militaris testamenti factio competere nequit. ^{litum non}
^{competit.}

Testamenti enim militaris ratio postulat, ut tam milites, quam alii,
 quibus ea competit, ex officii necessitate in expeditione constituentur,
 ejusque periculis subjiciantur, neque propterea deterioris sint conditio-
 nis, quam alii (§. 403. 450.). Si qui itaque præter necessitatem in ca-
 stris aut aliis locis expeditionum commorentur, cessat in iis ratio testa-
 menti militaris. Quare cum hic tales, vel amici militum supponantur,
 qui

qui horum visendorum saltem gratia adeoque præter necessitatem ad-
sunt (*per hypoth.*): In iisdem quoque cessat ratio illius Cessante vero
ratione sufficiente, uti illa posita ponitur (§. 118. *Ontol. W.*), cessat etiam
id, quod propter eam est; Atque hinc patet, quod testamenti militaris
factio apicis militum, qui horum visendorum gratia, & in genere omni-
bus, qui præter necessitatem in castris vel locis expeditionum aliis com-
morantur, competere nequeat.

Hæc etsi juris ex ipsa rei natura deducti esse facile intelligatur: Du-
bia tamen in eo videretur dispositio juris romani. Licet enim idem statue-
re videatur l. 16. *Cod. de Test. mil.*, quæ nonnullis testamenti militaris
factionem denegat, etsi vel nomina eorum marriculis militaribus referri
videantur: Contrarium tamen disertis fere verbis innuere videntur l. fin.
ff. de Test. mil. & l. un. ff. de Bon. poss. ex test. mil., utpote quibus
omnibus, qui ejus sunt gradus, ut jure militari testari non possint, si in
hostico deprehendantur, & illic decedant, quo modo velint & possint,
permittitur. GEO. AD. STRUVIUS itaque etiam, qui posteriorem
sententiam tueretur, legem illam obstantem 16 explicat de iis, qui non
sunt in hostico vel periculo constituti (*Exercit. 34. Evolut. controuv. pag.*
461.); Cum vero nec tunc militibus militari modo testandi facultas sit,
si in expeditione non constituantur (l. 12. *Cod. de Test. mil. & princ. &*
§. 3. *Inst. cod.*): Frustraneum esset, non milites eximere ab eo, quod
nec militibus competit. Ex ratione potius, quæ ipso jure civili affertur,
nec aliis testamenti militaris factio concessa videtur, quam qui ex officii
necessitate in expeditione constituuntur. Ratio enim illa in eo ponitur,
quod eadem cum militibus pericula experiantur (l. un. *princ. ff. de Bon.*
poss. ex test. mil.). Cum vero militibus in expeditione constitutis pro-
pterea privilegia concedantur, quod periculorum illorum subitionem of-
ficii ipsorum ratio postulet: Nec aliter eadem aliis concedi, præsumen-
dum est, si recte ratiocinari velis, quam si officii necessitate adigantur ad
periculis istis se subjiendum; Non si hoc sponte præter necessitatem fa-
ciant. Id quod etiam agnoscere viderur S I R Y C K, dum addit: Qui
necessario in hostico degunt (§. 6. *Cap. 3. de Cautelis testam.*).

§. 452.

*Uxoribus
militum
competit.*

*Uxoribus militum, si maritos in expeditionem sequuntur, privilegia
horum, adeoque & testamenti militaris factio, competere debent.*

Jure enim nature uxor a marito pro lubitu discedere nequit (§.
503. *Part. 7. Jur. nat. W.*). Quod si itaque milites uxores suas in expe-
ditionem secum ducere expresse non prohibeantur: Hæ maritos suos
vel in expeditionem sequi tenentur. Adest itaque ipso jure nature ne-
cessitas moralis, ut uxores militum hos, si velint, in expeditionem se-
quantur (§. 118. *Part. 1. Phil. pract. univ.*). Obligantur vero etiam uxo-
res ad auxilia præbenda maritis suis in omnibus, quæ vitæ consuetudo
exigit

exigit (§. 474. Part. 7. *Jur. nat.*). Quare cum ii, qui militibus quocunque modo auxilia præbent, & propterea eosdem in expeditionem sequi debent, privilegia illorum competere debeant (§. 449.); Ad privilegia militum in expeditione constitutorum vero etiam testamentum militare pertineat (§. 408.): Uxoribus etiam militum, quæ maritos suos in expeditionem sequuntur, privilegia illorum, & in specie testamenti militaris factio competat, necesse est.

Plures hinc etiam Juri idem tuebantur, ut refert WALDSCHMID (*ib. 4. lit. f. Diss. de Cælibatu militum p. 13.*) & de aliis etiam privilegiis, præsertim restitutione in integrum GER. von STÖCKEN (§. 22. *seqq. Diss. ad L. Temporalibus Cod. de Uxoribus militum.*).

§. 453.

*Milites in expeditione constituti pacta de successione valide inire possunt. Pacta successoria si-
se debent.*

Pactum enim successorium dicitur, quo alteri promittitur, ut post mortem in bona alicujus succedere, sive heres ejus fieri debeat (*per def.*). Per illud itaque voluntas alicujus de eo, quod post mortem suam fieri vult, declaratur; Quæ ultima dicitur (§. 996. Part. 7. *Jur. nat. W.*). Quamobrem cum militis in expeditione constituti voluntas ultima quocunque modo declarata valere debeat (§. 412.): Nec ad id plura requirantur, quam quæ juris naturæ sunt (§. 411.); Pacta vero successoria sive hereditaria naturaliter valida sint (§. 1072. *loco cit.*): Patet, quod milites in expeditione constituti pacta de successione sive hereditate valide inire possint debeant.

Licet itaque jure civili ejusmodi pacta in genere improbenentur (*l. fin. ff. de Suis & Legit. l. 3. Cod. de Collat. & l. 15. ib. de Pactis*): Militibus tamen eadem per modum privilegii concessa sunt (*l. 19. ibid.*). In qua etiam ratio ejusdem adjungitur, quia nempe voluntas ultima militum quoquo modo contemplatione mortis in scripturam redacta vim postremi judicii obineat. Hodie tamen pacta talia indistincte licere, plerique prebatur (STRYCKII *Uf. mod. Pand. ad tit. de Pactis* §. 13. 18. *seqq.*).

§. 454.

Quare cum naturaliter pacta servanda sint (§. 789 Part. 3. *Jur. nat. Ab iis recept.*); Et non nisi mutuo consensu dissolvantur (§. 840. *ibid.*): Militibus a
pacto successorio invito altero discedere non licet.

Aliter hoc se habet in testamento militari, quod pro lubitu revocari potest (§. 446). Cujus rei ratio in eo ponitur, quod testamentum morte demum testatoris validum fiat (§. 998. Part. 7. *l. c.*); Adeoque antea
Jur. mil. nat. Z nemi-

nemini jus ex eo nascitur. Ex pacto vero, sive promisso, quod illud continet (§. 788. Part. 3. *ibid.*), jus nascitur promissario (§. 364. *ibid.*), quod ipsi extra injuriam auferri nequit.

§. 455.

*Immunita-
tes conce-
denda.*

Militibus immunitates concedi, quæ paganis non competunt, con-

venit. Immunitas enim est liberatio a munere, vel ab onere quodam publico, illud nempe non subeundi & hoc non præstandi (*per des.*). Quare cum hic munus vel onus publicum supponatur, quod adeo cives in genere subire vel præstare tenentur (*per hyp.*): Per immunitatem quis liberatur ab onere quodam, quod aliis incumbit; Adeoque per eam melioris conditionis elicitur, quam sunt alii. Immunitas itaque statum nostrum, externum nempe, perfectiorem reddit, adeoque bonum quoddam est (§. 554. *Pfych. Emp. W.*). Quare cum bonum, quod cum actione quadam committenda connectitur, præmium dicitur (§. 295. Part. 1. *Phil. præf. univ.*): Si immunitates militibus concedantur, sive cum statu militum, qui militia dicitur (§. 83.), connectantur, ex per modum præmiorum spectari possunt. Præmia vero sunt motiva actionum committendarum (§. 296. *loc. cit.*); Quare cum motivis opus sit, ut quis aliquid velit (§. 889. *Pfych. Emp.*): Per immunitates militiæ concessas allici possunt homines, ut eandem eo lubentius amplectantur. Cum itaque hoc intersit reipublicæ (§. 378.): Patet, quod immunitates militibus concedi conveniat.

Hinc etiam varix immunitates militibus concessæ deprehenduntur, uti est; a tutela, a tributis, vestigalibus & aliis oneribus publicis.

§. 456.

*Ad privile-
gia refe-
renda
sunt.*

Immunitates, quæ militibus conceduntur, ad privilegia eorum re-

ferenda sunt. Cum enim per immunitatem quis liberetur ab onere, quod aliis incumbit (*per dem.* §. 455.); Hoc onus vero in necessitate aliquid faciendi vel præstandi consistat (*per des. ibid.*): Per immunitatem quis liberatur a necessitate aliquid faciendi, quæ alios tenet; Adeoque ipsi conceditur jus aliquid non faciendi, quo alii carent. Quod adeo negativum est (§. 851. Part. 8. *Jur. nat. W.*). Quare cum concessio juris aliqujus sive affirmativi, sive negativi, quo ceteri carent, privilegium dicitur (§. 853. *loc. cit.*); Militibus vero privilegia competere debeant (§. 371.): Patet, quod immunitates, quæ militibus conceduntur, ad privilegia eorum referenda sint.

§. 457.

§. 457.

*Immunitates, quæ militibus conceduntur, vel in militia rationem Quotupli-
necessariam habere debent, vel per modum præmiorum saltem consti- ces sint.
tuuntur.*

Immunitates enim, quæ militibus conceduntur, ad privilegia eorum referenda sunt (§. 456.). Quare cum privilegia vel rationem necessariam in militia habeant (§. 372.); Vel per modum præmiorum saltem constituantur (§. 380.); Nec adeo rationem in militia necessariam agnoscant (§. 381.): Facile intelligitur, quod & immunitates, quæ militibus conceduntur, eodem se habeant modo.

Sic v. gr. immunitas militum a tutela vel cura suspicienda rationem in ipsa militia habet. Per negotia enim, quæ tutela vel cura exigit, facile a servitiis suis detineri possent milites. Quare cum milites ad ea obligari nequeant, quibus hoc fieri posset (§. 390.): Nec ad tutelam vel curam suscipiendam teneri possunt; Imo si velint eam suscipere, prohibentur. Uti in sequentibus demonstrabitur. Immunitatis a tributis & vectigalibus contra ratio necessaria in militia non invenitur: A servitiis enim militaribus per eorum solutionem non detinerentur. Cum vero milites alio modo ad salutem reipublicæ suæ conferant, ipsius nempe vitæ & membrorum periculo: Aequum est, ut a reliquis oneribus; quantum id porest, liberentur. In præmium itaque potius, quam ex ratione quadam necessaria immunitas ab iisdem militibus indulgetur.

§. 458.

Quare cum privilegia militum, quæ rationem necessariam in ipsa *Quamam
necessario
conceden-
da.* militia habent, necessario ipsis concedenda sint (§. 374.); Quæ vero ratione necessaria destituuntur, arbitraria sint (§. 384.); Immunitates vero militum ad privilegia eorum referenda sint (§. 456.): *Immuni-
tates, quæ rationem necessariam in militia habent, militibus necessario
concedende sunt; Quæ vero eadem destituuntur, pro lubitu saltem con-
ceduntur.*

Ita facile apparet, quod immunitas a tutela militibus necessario sit concedenda; An vero & in quantum a tributis & vectigalibus immunes esse debeant, ab arbitrio superioris pendet (schol. §. 457.).

§. 459.

*Militibus, qui propter ætatem vel adversam valetudinem militia con- Stipendi-
tractam mereri amplius nequeunt, neque tamen sibi met ipsi de sustentatio- um ex gra-
ne sua prospicere possunt, stipendium ex gratia præberi, convenit. tis præben-
dum militi
bus emer-
tis.*

Cum enim militia sive status militaris (§. 83.) robur corporis requirit, quod ætate procedente deficit (per exper.): Milites per ipsam ætatem

ætatem ad militiam inidoneos reddi, facile patet. Cum vero & milites vitæ & membrorum periculum subire obligentur (§. 240.) & præterea propter militiam multos labores sustinere debeant (*per exp.*): Per ipsam etiam militiam fieri potest, ut corpus eorum mutiletur, vel debilitetur, vel adversam quandam valetudinem sibi contrahant, atque adeo ad militiam inepti efficiantur. Cum autem milites durante militia exercitiis militaribus vacare (§. 234.), & ad servitia continuo parati esse debeant (§. 275.): Per ipsam militiam impediuntur plerumque alia addiscere, quibus sustentationem suam demum querere possent. Fieri itaque facile posset, ut si milites per ætatem aut malam valetudinem ipsa militia contractam emeriti reddantur, sustentatione necessaria careant. Cum vero per hoc status militum emeritorum imperfectior redderetur. Ex ipsa militia malum denique quoddam metuendum esset (§. 565. *Psyche. emp. W.*). Representatio mali vero motivum est nolitionis (§. 890. *loc. cit.*). Quodsi itaque ex militia cgestas demum metuenda sit, homines ab ea amplectenda facile deterrentur. Quare cum reipublicæ intersit, ne hoc fiat, sed ut potius ad eandem alliciantur (§. 378); Hoc vero fiat, si & emeritis de sustentatione prospiciatur, atque adeo iisdem stipendium vel ex gratia præbeatur: Facile intelligitur, quod hoc etiam conveniat.

Per modum etiam præmii considerari potest, ut militibus emeritis sustentatio adhuc porrigatur. Militibus enim præmia constituenda esse, jam evicimus (§. 379.). Et cum præmia motiva sint actionum (§. 296. *Part. I. Phil. pract. univ. W.*): Eo facilius homines ad militiam allici possunt, si sciant, se eadem demum finita, de sustentatione metueri non debere.

§. 460.

*Veterani
definitio.*

Milites, qui propter ætatem vel adversam valetudinem militia contractam ad hanc amplius habiles non sunt, adeoque ab ea dimittuntur, *Veterani* dicuntur.

Jure quidem romano veteranus dicitur, qui viginti annos meruit (*l. ult. Cod. de His, qui non impl. stip. mil. soluti sunt*); Et differunt veterani ab *exaucloratis*, honestis scilicet talibus, qui post decimum sextum annum sacramento solvebantur, signis aquilisque ademtis, non tamen protinus dimittebantur, sed seorsim in exercitu agebant sub uno aliquo vexillo, immunes a laboribus, vigiliis, excubiis & omni munere castrensi, excepta pugna in hostem, testante HUBERO (§. 5. *Prælect. jur. civ. ad Inst. de Milit. test.*). Sed cum ipsa natura annorum numerus non definiatur, quibus quis ad militiam ineptus fiat: Jure naturæ veterani in genere dicendi sunt, qui propter ætatem aut adversam valetudinem ad militiam inhabiles redduntur.

§. 461.

Quare cum militibus, qui propter ætatem, vel italem valetudinem militia contractam mereri amplius nequeunt, stipendium ex gratia, quod dicitur, præbendum sit (§. 459.); Milites vero hujus conditionis veterani dicantur (§. 460.): *Veteranis suscitationis causa stipendium quoddam, ex gratia hæc, porrigendum est.* *Veteranis stipendium præbendum.*

Ex gratia quidem porrigi dicitur, quoniam pro eodem operas non præstant, uti faciunt milites (§. 344.); Stipendium itaque, quod veteranis solvitur, proprie merces non est, utpote quæ in pretio operarum consistit (§. 327. *Part. 4. Jur. nat. W.*); Merces gratiæ tamen dici poterit.

§. 462.

In veteranos præmia conferri convenit.

Milites enim de republica singulariter bene merentur (§. 377.). Quare cum veterani sint, qui cursum militiæ absolverunt (§. 460.): *Præmia conferenda.* *Præmia conferenda.* *li-*dem de republica optime meriti supponuntur. Quare cum in bene de republica meritos præmia conferenda sint (§. 659. *Part. 8. Jur. nat. WOLF.*): Quod in veteranos respectu ipsorummet præmia conferri conveniat, patet. *Q. e. 1.*

Quum vero præmia sint etiam motiva actionum committendarum (§. 296. *Part. 1. Phil. pract. univ.*): Per præmia veteranis concessa alii quoque moveri possunt, ad ea facienda, propter quæ veterani eadem merentur. Quare cum veteranis præmia propterea conferantur, quia militiam & bene quidem gesserint (*per dem. n. 1.*): Alii etiam moveri possunt tam ad militiam suscipiendam, quam eandem bene gerendam. Cum itaque reipublicæ intersit, tam ut homines ad militiam sponte suscipiendam alliciantur (§. 378.), quam ut milites officiis suis recte fungantur (§. 140.): Propter alios etiam veteranis præmia conferri convenit. *Q. e. 2.*

§. 463.

Si veteranis immunitates & privilegia concedantur, eadem ad præmia referenda sunt. *Immunitates & privilegia conferenda.*

Immunitates enim & privilegia, quæ militibus conceduntur, vel in militia rationem suam habent (§. 372.), vel per modum præmiorum constituuntur (§. 380. 457.). Cum vero veterani militiam absolverint, neque adeo eandem amplius præstent (§. 460.): Ut immunitates & privilegia ipsis concedantur, in ipsa militia rationem habere nequit. Cum vero præmia in eos conferri possint & debeant (§. 362.): Facile patet, quod

quod si ipsis immunitates vel privilegia concedantur, eadem ad præmia eorum referenda sint.

§. 464.

Immunitates & privilegia concedenda, Quare cum in veteranos præmia conferri conveniat (§. 462.); Immunitates vero & privilegia si veteranis concedantur, ad præmia referenda sint (§. 463.): *Veteranis etiam immunitates & privilegia concedi convenit.*

Jure itaque romano immunes erant a muneribus publicis & omnibus oneribus personalibus, non vero realibus. Uti exemplis illustratur l. 2. 4. & 5. ff. de Veteranis. Discrimen tamen insuper habitum fuit, an miles pleno stipendiorum numero functus, an ob provectæ ætatis senium tantum dimissus sit (l. 2. & 3. Cod. de His, qui non impl. stip.).

§. 465.

juris positivi sunt. Immunitates & privilegia, quæ veteranis conceduntur, juris saltem positivi sunt.

Licet enim conveniens sit, ut veteranis immunitates, adeoque & privilegia, ad quæ illæ referendæ sunt (§. 456.), concedantur (§. 464.): Ea tamen necessariam rationem in militia non habent, sed per modum præmiorum conceduntur (§. 463.). Quare cum privilegia ea, quæ per modum præmiorum conceduntur, necessariam autem rationem in militia non habent, arbitraria sint (§. 382.): Licet in genere juris naturæ sit, ut veteranis immunitates adeoque privilegia tribuantur; Quænam tamen præcise tribuenda sint, jure naturæ non definitur, sed arbitrio superioris relinquitur (§. 978. Part. 8. Jur. nat. W.). Ab arbitrio itaque superioris dependet, quasnam immunitates, & quænam in specie privilegia veteranis concedere velit. Quoniam itaque ea, quæ a voluntate superioris dependent, juris positivi sunt (§. 147. Part. 1. Phil. pract. univ.): Patet, quod immunitates & privilegia, quæ veteranis conceduntur, juris tantum positivi sint.

§. 466.

Testamentum post missionem valet. Quod testamentum militare intra annum post missionem adhuc valet, et præmia veteranorum referendum est.

Quemadmodum enim convenit, ut testamentum militare expeditione finita aliquod adhuc tempus valeat (§. 422.): Ita jure civili constitutum est, ut illud anno post missionem, honestam scilicet, adhuc valeat (§. 3. Inst. de Milit. test.). Cum itaque ad milites honeste missos veterani referantur (§. 460.); Privilegium vero sit cum testamento militari de-
dere

dere (§. 408.): Per hanc constitutionem juris civilis veteranis utique privilegium concessum est. Quare cum privilegia, quæ veteranis conceduntur, ad præmia eorum referenda sint (§. 463.): Quod testamentum militare anno adhuc post missionem valeat, ad præmia eorum pertinet.

§. 467.

Milites, qui propter inhabilitatem non militia, sed aliunde contractam, Quinam dimittuntur, veterani non sunt, neque adeo privilegiis horum gaudere possunt. *veterani non sunt,*

Veterani enim solum dicuntur, qui per ætatem aut malam valetudinem militia contractam ad hanc inhabiles facti sunt, adeoque dimittuntur (§. 460.). Quare si supponantur milites, qui propter inhabilitatem non militia, sed aliunde contractam dimittuntur (*per hyp.*): Hos ad veteranos referri minime posse facile patet. *Q. e. 1.*

Et cum hic saltem supponantur privilegia, quæ veteranis, qua talibus scilicet, competunt (*per hyp.*); Milites vero propter inhabilitatem non militia, sed aliunde contractam, veterani non sunt (*per dem. n. 1.*): Nec illis privilegia veteranorum competere possunt. *Q. e. 2.*

§. 468.

Militer ad eorum instantiam dimissi veterani non sunt, neque adeo nec ad eorum privilegiis gaudere possunt. *stantiam dimissi.*

Supponitur enim hic, milites, qui ad instantiam eorum dimittuntur, habiles alias adhuc esse, saltem propterea eos non dimitti (*per hyp.*). Quare cum veterani dicantur, qui propter ætatem aut inhabilitatem aliam militia contractam dimittuntur (§. 460.). Illi nec ad veteranos referri possunt. Et hinc eadem, qua antea (§. 467.), ratione patet, nec privilegia veteranorum iisdem competere posse.

§. 469.

Militibus licere ea nequeunt, quæ obligationibus ipsorum, qua talium, Quæ militibus militaribus repugnant, sive, quibus ab obligationibus suis detinerentur. *sibus licere nequeunt.*

Cum enim obligatio in necessitate morali agendi consistat (§. 118. *Part. 1. Phil. pract. univ. W.*); Ejus vero, quod necessarium est, contrarium impossibile sit (§. 279. *Ontol.*): Impossibile etiam est, moraliter nempe, ut milites faciant contraria eorum, ad quæ obligantur. Facultas itaque moralis ea faciendi militibus non est, quæ obligationibus eorum, qua talium, sive militaribus repugnant. In facultate vero morali aliquid faciendi jus consistit (§. 954. *Part. 1. Theol. nat.*). Militibus itaque

itaque jus esse nequit ad ea, quæ obligationibus ipsorum repugnant. Quare cum licitum dicatur, ad quod nobis jus est (§. 170. *loc. prim. cit.*): Patet, quod militibus ea licere nequeant, quæ obligationibus ipsorum, qua talium, sive militaribus repugnant. *Q. e. 1.*

Et cum facile concedatur, quod ea, quibus milites ab obligationibus suis detinerentur, iisdem repugnent; Hæc vero militibus licere nequeant (*per dem. n. 1.*): Nec ea militibus licere poterunt, quibus ab obligationibus suis detinerentur. *Q. e. 2.*

Ex hoc principio adjudicari poterit, quænam vel ipso jure naturæ militibus licere nequeunt, & an ea, quæ per juris civilis dispositionem militibus non licent, jure prohibeantur, si acquiratorem naturalem spectes. Quemadmodum enim plura militibus licere debent, ad quæ aliis jus nullum est: Ita etiam aliis licent, quæ militibus recte interdiciuntur. Et quemadmodum ex obligationibus eorum jura resultant, quæ aliis non competunt (§. 318.): Ita quoque propter easdem obligationes fieri potest, ut ipsis quædam non permittantur, quæ aliis licent, si nempe per eandem fiat, quo minus obligationibus istis satisfacere possunt. Non vero verendum est, milites eo deterioris fieri conditionis. Cum enim status militum per jura & obligationes eorundem constituatur (§. 82.): Perfectio vero rei in consensu plurium in uno, sive in eo consistat, quod plures se invicem diversa ad idem aliquod obtinendum tendant (§. 503. *Ontol. W.*): Perfectio status militum sine dubio in eo consistit, si omnia jura, omnesque eorum obligationes ad unum idemque tendant; Et quod adeo ea, quæ vel juribus vel obligationibus eorum contrariantur, obstant etiam perfectioni status eorum. Hæc itaque, si militibus licerent, impedirent potius perfectionem status ipsorum, quam ut eandem promoverent. Tantum itaque abest, ut statum militum deteriorarent, ut potius ipsum perfectiorem reddant. Quod vero statum alicujus perfectiorem efficit, illud hunc deterioris conditionis constituere dici nequit. Et quod milites non deterioris, sed melioris conditionis esse debeant (§. 392.), hoc non de iis intelligendum est, quæ statui ipsorum intrinsecæ sunt, utpote mutari nescia (§. 300. *loc. cit.*); sed ad ea pertinent, quæ ab arbitrio superioris pendent.

§. 470.

et si jure natura aut civili permittantur.

Si quæ jure naturæ, aut civili communi permittuntur, quæ obligationi cuicumque militari contrariantur, eadem militibus licere nequeunt.

Lex, quæ dat jus aliquid agendi vel non agendi, permissiva dicitur (§. 165. *Part. 1. Phil. pract. univ.*); Quæ vero obligat ad quid agendum vel non agendum, præceptiva (§. 164.), vel prohibitiva vocatur (§. 163. *ibid.*). Quare cum obligatio militaris sit, quæ militem, qua talem, tenet (§. 120.); Actiones vero militum, qua talium, legibus militaribus determinentur (§. 87.); Obligatio militaris legem quandam militarem præce-

præce-

præceptivam aut prohibitivam præsupponit. Et cum jure naturæ aut civili jus aliquid agendi dari supponitur (*per hyp.*): In casu dato, si jure naturæ aut civili permittatur aliquid, quod obligationi cuidam militari contrariatur, lex permissiva, civilis nempe, aut naturalis et præceptiva aut prohibitiva, quæ militaris est, sibi mutuo repugnant, ita ut iisdem simul satisfieri nequeat. Si vero pluribus legibus simul satisfieri nequeat, eadem inter se colliduntur (§. 206. *loc. cit.*), adeoque exceptio facienda est (§. 207. *ibid.*). Quare cum in casu, si lex præceptiva vel prohibitiva atque permissiva inter se colliduntur, hæc cedat & illa vincat (§. 211. *ib.*), hoc est, illi, minime vero huic satisfaciendum sit (§. 208. *ib.*): Patet, quod si quæ jure naturæ & civili communi permittantur, quæ obligationi militari repugnant, ea militibus licere nequeant.

Brevius etiam quoad ea, quæ jure civili permittuntur, hoc modo demonstratio procedit. In casu dato lex quædam militaris cum lege civili colliditur (*per dem.*). Quare cum si hoc fiat, illa vincat, & hæc cedat (§. 100.); Legi vero, quæ in collisione vincit, satisfaciendum sit; minime vero ei, quæ cedit (§. 208. *loc. cit.*): Apparet veritas asserti.

Ita propius accedimus ad dijudicanda ea, quæ militibus jure civili prohibentur, dum aliis permittuntur. Quod vero ea, quæ jure naturæ licent, jure positivo, quale & militare est (§. 93.), prohiberi possint, dubium esse nequit (§. 977. *Part. 8. Jur. nat. W.*).

§. 471.

Adest itaque ratio militibus specialiter prohibendi ea, quæ obligationibus eorum repugnant, aliis licet jure naturæ, aut civili permissa.

Cum militibus licere ea nequeant, quæ obligationibus ipsorum repugnant, licet jure naturæ aut civili permittantur (§. 470.); Adeoque necesse moraliter scilicet sit, ut eadem non faciant (*per dem.* §. 469.): Per se quidem ad eadem non facienda obligantur. Cum vero non cuivis pugna hæc eorum, quæ aliis ipso jure positivo permittuntur, cum obligationibus militaribus adeo perspecta esse possit: Nec obligationis hujus eadem non faciendi sensum habere possent milites, atque adeo ad faciendam facile permoveri. Cum vero supponantur talia, quæ obligationibus ipsorum repugnant (*per hyp.*); Evenire facile posset, ut obligationibus suis non satisfacerent. Interest vero reipublicæ, ut hisce satisfaciant (§. 140.): Interesse igitur etiam debet, ut milites sciant, eadem ipsis licere non posse. Ut vero quis obligetur ad aliquid non faciendum, quod alias licet, illud prohiberi debet (§. 163.): Convenit itaque, ut militibus specialiter ea prohibeantur, quæ aliis licent, obligationibus mi-

Jur. mil. nat.

A 2

litari-

litaribus contrariantur. Intelligitur hinc, cur illud fieri debeat. Quare cum si quid adsit, ex quo intelligitur, cur aliud quid fieri debeat, illud ratio hujus dicatur (§. 56. *Ontol. W.*): Patet etiam, quod adsit ratio militibus specialiter prohibendi ea, quæ obligationibus ipsorum contrariantur, aliis vero permittuntur.

In eadem sententia est vir perillustis, GEO. FRID. de PLÖN-NIES, dum demonstrat, regulis politicæ conveniens esse, ut milites lege positiva ab istiusmodi negotiis prohibeantur, quæ exercitiis militariibus impedimento esse possint (§. 40. *Diff. inaug. de Controversiis locat. eund. capitibus*).

§. 472.

Jura ipsa adimi possunt. Militibus adimi possunt jura, quæ hominibus vel civibus in genere competunt, sive jura tam naturalia, quam civilia, si nempe eadem obligationibus ipsorum militaribus contraria sunt.

Cum jus in facultate morali aliquid agendi consistat (§. 954. *Part. 1. Theol. nat. W.*); Ea vero, ad quæ agenda nobis jus est, licita dicantur (§. 170. *Part. 1. Phil. pract. univ.*): Facile patet, quod jura eadem sint, cum iis, quæ licent. Jura vero, quæ ipso jure naturæ, sive hominibus in genere competunt, naturalia; Quæ jure civili sive civibus in genere, civilia dicuntur (*per vulg.*). Ea itaque, quæ jure naturali vel civili licent, jura sunt. Cum autem, si quid prohibeatur, ad illud non agendum obligemur (§. 163. *loc. cit.*); Adeoque necessitas oriatur illud agendi (*per def. oblig.*): Facultas illud faciendi, si quæ antea adest, aufertur. Patet itaque, quod si quæ prohibeantur, quæ licebant, eo jus adimatur. Quare cum militibus prohiberi possint ea, quæ jure naturæ aut civili licent (§. 471.); Patet, quod & iisdem jura tam naturalia quam civilia adimi possint, si nempe ea obligationibus militaribus contraria sint.

§. 473.

Agri comparatio re-militant, ratione non destituitur. Quod milites agrum comparare prohibeantur in ea provincia, in qua re-militant, ratione non destituitur.

Cum enim agricultura singulares operas requirat (*per exp.*): Per eandem a servitiis suis facile avocarentur milites. Quare cum ad hæc obligentur (§. 182.): Agricultura obligationibus militaribus contrariatur. Licet itaque aliis agrorum comparatio permittatur; Cum tamen adsit ratio militibus ea prohibendi, quæ obligationibus ipsorum repugnant, aliis licet permissa (§. 471.): Adest etiam ratio militibus prohibendi, ne agricultura se dedant, nec adeo agrum comparent in ea provincia, in qua militant. Quoniam igitur hoc jure civili constitutum est (*l. 9. §. 13. ff. de Re*

de Re milit.): Patet, quod dispositio hæc juris civilis ratione non destituatur.

In d. l. 13. ratio etiam additur, ne scilicet studio culturæ a militia sua avocentur. Exceptio tamen est, si paternæ militum siccus distrahat (*l. 9. princ. l. c.*). Et si heredes exiterint, possidere ibi prædia non prohibentur (§. 1. *ibid.*). Cujus prioris ratio in singularibus filiorum privilegiis ponitur ab ERN. FRID. SCHROETERO in *Diatr. de Jur. militum sing. Sect. 2* §. 5. Posterioris vero ratio sine dubio invenitur in principio illo, quod officium suum nemini debeat esse damnosum. Quod fieret, si militibus prohiberetur hereditate acquirere agum. Licet vero in hoc casu possidere eundem possint, non tamen ideo quoque ejusdem cultura ipsismet permittitur. Aliud vero plane est, si agri comparatio res mera facultatis sit. Cum enim illa pretio fieri debeat: Hoc servant, si eum non comparent. Adeoque ipsis nullum ex prohibita comparatione damnum enascitur.

§. 474.

Quod milites alienas res conducere & procurare prohibeantur, simili ut & alienarum rerum conditio ratione non destituatur.

Quodsi enim milites alienas res conducere & procurare possent, a servitiis suis facile avocarentur. Quod per se patet. Quare cum ad servitia militaria obligentur (§. 182.): Conductio & procuratio rerum alienarum obligationibus eorum repugnat. Cum itaque ratio adsit, cur ea, quæ obligationibus militaribus contrariantur, militibus prohibeantur (§. 471.): Ratione etiam non destituatur, quod prohibeantur alienas res conducere & procurare.

Hanc propositionem addidi in gratiam *l. 31. & 35. Cod. de Locato*, qua prohibetur, ne milites alienarum rerum conductores, seu procuratores sint, & elegans ratio adducitur: Ne omisso armorum usu ad opas rustre se conferant, & vicinis graves presumptione cinguli militaris existant. Imo illud adeo severe prohibetur, ut sine aliquo facto vel aliqua sententia militia cadant, imo infames fiant (*l. 35. cit.*).

§. 475.

Cavendum est, ne milites litibus & negotiis implicentur, & eo a servitiis suis abstrahantur.

Neceffe enim est, milites vel pacis tempore in continuo exercitio functionum bellicarum retinere (§. 169.), & propterea functiones easdem adeo exacte obire debent, ac si hostis actu adesset (§. 170.); Imo si actu servitia militaria non præstent, ad eadem tamen continuo parati esse debent (§. 275). Eosdem itaque aliis rebus distrahi, concedendum non est. Quare cum lites & negotia multum sæpius temporis requirant,

& circumstantias causentur, quibus simul servitiis militaribus adeo exacte, quam opus est, vacare non detur (*per exp.*): Milites a servitiis suis facile abstrahi possent, si litibus & negotiis implicarentur. Cum igitur interlit reipublicæ, ne illud fiat (§. 391.): Cavendum etiam est, ne litibus & negotiis implicentur, eoque a servitiis suis abstrahantur.

Armis, non negotiis occupari, sed numeris & signis suis jugiter inhærere debere milites, sentit ipsum jus civile (*l. 31. Cod. de Locato.*).

§. 476.

Fidejungere nequeunt.

Milites fidejungere non posse, recte prohibetur.

Per fidejussiones enim litibus & negotiis facile quis implicatur. Uti ex BACHOVIO ad TREUTLERUM adducit SCHROETER in *Diarr. de Jur. milit. sing. Sect. 1. cap. 2. §. 4.* Per lites vero & negotia a servitiis suis abstrahi facile possunt milites (*dem. §. 475.*). Quare cum cavendum sit, ne hoc fiat (§. *cit.*), & recte militibus ea prohibeantur, quibus fieri posset, ut obligationibus suis, quarum summa est servitiorum præstatio (§. 182.), contrariantur (§. 471.): Milites etiam fidejungere recte prohibentur.

Jure civili constitutum hoc est *l. 31. Cod. de Locato & l. 2. §. 1. ff. Qui satisd. cogantur.* Nec ad fidejussores colonorum hoc saltem restringendum, sed ad omnes potius fidejussiones propter generalitatem rationis extendendum esse, optime monet SCHROETER (*loco cit.*).

§. 477.

*Dominium
ipsis compe-
paratis, domi-
nium competi-
tatis in rebus
eorum pec-
cunia com-
paratis.*

*Quod militibus in rebus, eorum pecunia apud alterum deposita com-
petat, adeoque illi easdem vindicare possunt, privile-
gium est, sed juris saltem positivi, sive arbitrarium.*

Regulariter enim dominium rei, quæ alicujus pecunia ceditur, eidem non acquiritur, neque propterea ipsi rei vindicatione competit (*l. 6. Cod. de R. V.*). Militibus vero jus hoc conceditur (*l. 8. ibid.*). Concessum itaque militibus jure civili jus est, quod aliis non competit. Quare cum concessio juris alicui facta, quod aliis non competit, privilegium dicatur (§. 853. *Part. 3. Jur. nat. W.*): Patet, quod hoc privilegium militum sit, ipsis competere dominium in rebus eorum pecunia comparatis, & illos easdem vindicare posse. *Q. c. 1.*

Cum vero privilegii hujus ratio necessaria in militia non inveniatur (*per hyp.*): Illud ex mero militiæ favore concessum esse facile intelligitur (§. 383.). Quare cum privilegia, quæ militibus ex mero favore conceduntur, juris saltem positivi sint (§. 381.): Et illud hujus modo juris, sive arbitrarium esse, facile apparet. *Q. c. 2.*

§. 478.

§. 478.

Quod milites propter omillas professiones, hoc est, merces apud publicanos non indicatas pœna commissi non teneantur, privilegium itidem eorum, sed juris aequè saltem positivi atque arbitrarium est. *Pœna commissi non tenentur.*

Generaliter enim, qui merces non profitentur apud publicanos, in commissum cadunt; Hoc est, merces non professæ publicantur (*tot. tit. Cod. de Vectig. & comm.*). Militibus vero peculiariter prospectum est, ut ob omillas professiones pœna commissi non teneantur (*l. 3. ibid.*). Militibus itaque iterum concessum est jus, quo pagani non gaudent. Quare cum concessio juris, quo alii carent, privilegium dicatur (*loc. §. 853. cit.*): Apparet quoque, quod hoc privilegium militum sit. *Q. e. 1.*

Cum vero ejus ratio necessaria in militia non detur, sed alia dari nequeat, quam ipsa legum constitutio sive favor erga militiam: Eodem, quo antea, modo patet, illud juris tantum positivi, sive arbitrarium esse (*§. 477. n. 2.*). *Q. e. 2.*

§. 479.

Milites a tutela vel cura suscipienda non excusantur modo, sed & A tutela prohibentur. *prohibentur.*

Tutela enim vel cura negotiorum pupilli vel minoris administrationem requirit (*per def.*). Per tutelam vel curam adeo milites negotiis vel alienis implicarentur. Per negotia vero milites a servitiis suis facile detineri possunt (*dem. §. 475.*): Cum vero ad servitia militaria obligentur (*§. 182.*); Neque obligari possint ad ea, quibus a servitiis detinentur (*§. 395.*): Nec ad curam vel tutelam suscipiendam eosdem obligari posse, facile apparet. Cum itaque a tutela vel cura excusari, aut potius, excusare se dicatur, qui invitus ad eandem suscipiendam cogitur (*per not.*): Patet primo, quod milites a tutela vel cura suscipienda excusentur, vel excusare se possint. *Q. e. 1.*

Non vero militum modo, sed & reipublicæ maxime interest, ne a servitiis detineantur (*§. 391.*), & ut obligationibus suis satisficiant (*§. 140.*). Quare cum per tutelam aut curam administrationem a servitiis detineri possint (*per dem. n. 1.*); Ad hæc vero prestanda obligentur (*§. 182.*): Tutelæ aut curæ susceptio obligationibus ipsorum contrariaretur. Cum itaque militibus ea licere nequeant, quæ obligationibus ipsorum contrariantur, & quibus a servitiis suis detineri possint (*§. 469.*): Nec licere ipsis potest tutelam vel curam suscipiendi, etsi velint. Quoniam itaque prohiberi dicitur, qui ad quid non faciendum obligatur (*§. 163. Part. 1.*

Phil. pract. univ. W.): Patet, quod milites a tutela vel cura suscipienda non excusentur in modo, sed & prohibeantur. *Quæ. 2.*

Idem juris civilis est, ut nec volens miles ad tutelæ onus admittatur (§. 14. *Instit. de Excus. tut. & l. 4. Cod. Qui dare tut. & curat.*). Pupillos enim & rempublicam simul rueri nequeunt, uti censet HUBERUS (§. 17. *Pract. jur. civ. ad Instit. d. tit.*). Commodum itaque pupillorum etiam subest, ne milites ad tutelam admittantur. Per servitia enim militaria impediri facile possent, ne debitam curam in administranda tutela adhiberent. Pupillis vero inde detrimentum metuendum foret. Horum itaque etiam interest, ne ipsis miles tutor constituitur.

Male vero hinc inferre videtur SCHROETERUS, quod hoc milites castris inhærentes saltem concernat (§. 2. *Cap. 5. Sect. 1. Diatr. de Jur. mil. sing.*). Cum enim ad servitia militaria pacis etiam tempore continuo parati esse debeant (§. 275.); Adeoque in genere cavendum sit, ne litibus & negotiis implicentur (§. 475.); Præterea etiam milites sedem fixam non habeant, sed omni tempore expeditionibus aut mutationi saltem hospitiorum obnoxii sint (*per exp.*): Ratio generalitatis facile patet. Male etiam sentire videtur, quasi nostri temporis milites immunitate hac non gauderent (*loc. cit.*): Cum in genere milites hodierni privilegiis jure romano concessis frui debeant (§. 386.); Romanis vero æque ac nobis miles jam fuit mercenarius & perpetuus (*schol. §. 28.*). Miles autem perpetuus etiam, qui nempe pacis tempore alitur (§. *cit.*), ad servitia æque continuo debet esse paratus (§. 275.). In eo vero ratio immunitatis militum a tutela continetur (*per ded.*). Quare cum hæc & hodie adsit: Quin etiam ipsi immunitas multis concedi debeat, dubitari nequit (§. 118. *Ontol. W.*).

§. 480.

Veterani etiam immunes a tutela.

Quod immunitas a tutela vel cura suscipienda in veteranos etiam extendatur, juris saltem positivi est.

Immunitates enim in genere, quæ veteranis conceduntur, juris mere positivi sunt (§. 465.). Quare cum jure civili veteranis immunitas a tutela vel cura, vario licet discrimine concedatur (*l. 8. princ. & §. 2. & 3. ff. de Excus. tut.*): Patet, quod hoc sit juris mere positivi.

Facile enim apparet, rationem immunitatis a tutela militibus concessæ in specie cessare in veteranis, utpote quæ est obligatio ad servitia militaria (*per dem. §. 479.*). Veterani vero a militia soluti supponuntur (§. 460.); Neque adeo eadem obligatione amplius tenentur.

§. 481.

Milites

procuratores non sunt.

Milites procuratores esse nequeunt.

Procurator enim dicitur, qui negotia aliena ex mandato administrat (*per def.*). Si itaque miles procuratorem ageret, negotiis alienis implicaretur.

câretur. Quare cum cavendum sit, ne hoc fiat (§. 475.): Patet etiam, quod militibus concedi nequeat, procuratores agere.

Id quod etiam jure civili constituitur (§. ult. *Inst. de Except. l. 8. §. 2. & l. 54. ff. de Procur. & l. 7. Cod. eod.*). Restrictiones & exceptiones quasdam recentiter SCHROEËTER (§. 3 *Cap. 1. Sect. loco cit.*). Addit etiam hæc: *nisi in causa cohortis*, LUDOVICI in *Doct. Pand. tit. de Procur.* Quas vero ad examen revocare jam instituti ratio non patitur. Ceterum hoc veteranos non tangere, quemadmodum etiam jure civili statuitur (*l. 8. §. 2 ff. de Procur.*), facile apparet. Cum enim ratio, quod milites negotiis implicandi non sint, in eo ponatur, ne a servitiis distraherentur (*per dem §. 4-5.*): Facile intelligitur, quod hæc ratio in veteranis cesset, adeoque & juris dispositio, quæ illa nititur.

§. 482.

Quod uxores militum in expeditionibus constitutorum secundas nuptias inire nequeant, antequam de morte eorum certo constet, jure civili privilegium militum, ipsius vero juris naturæ est.

Cum enim olim jure civili uxores militum quadriennium saltem expectare debuerint (*l. 7. Cod. de Repud.*), & quadriennium hoc in decennium postea mutatum sit (*Nov. 22. cap. 14.*): Tandem constitutum est, ut tamdiu expectare teneantur, usque de morte maritorum certo constet (*Nov. 17. cap. 11.*). Quoniam itaque jure civili uxores paganorum absentium tamdiu expectare non debent, sed desertionis processu experiri possunt (*per vulg.*): Militibus aliud jus in hoc casu competit, quam paganis. Quare cum concessio juris, quo alii carent, privilegium dicatur (§. 853. *Part. 8. Jur. nat. W.*). Hoc utique jure privilegium militum est, quod uxores eorum in expeditionibus constitutorum secundas nuptias inire nequeant, antequam de morte ipsorum certo constet. *Q. e. t.*

•Cum vero & ipso jure naturæ matrimonium perpetuum esse debeat (§. 1078 *Part. 7. loc. cit.*), & hic ex pacto partium, vel constitutione juris civilis tale præsumatur (*per hyp.*), saltem parti uni ab eodem altera invita recedere non liceat (§. 508. *ibid.*): Si alia causa non adsit, non nisi morte dissolvitur (§. 510. *loc. cit.*). Quare cum hic alia causa dissolutionis matrimonii sive divortii adesse non supponatur (*per hyp.*), & licet maritus miles ab uxore absit, hoc tamen saltem expeditionis & militiæ causa fieri, neque malitiosam desertionem subesse præsumatur, utpote quæ ipso jure naturæ causa est divortii (§. 514. *ibid.*): Matrimonium cum marito milite in expeditione constituto ante mortem ejusdem non dissolvitur: Cum itaque ante matrimonii prioris solutionem

nuptiæ

nuptiæ secundæ iniri nequeant (§. 519. *ibid.*): Juris ipsius naturæ est, ut uxores militum in expeditione constitutorum ad secundas nuptias transire nequeant, antequam de morte horum certo constet. *Q. e. 2.*

§. 483.

nec processum desertionis instituere,

Uxores itaque militum in expeditione constitutorum, vel scienter ab hoste captorum, contra eisdem processu desertionis agere non possunt, nisi maritus cum uxoris invitæ desertione vitam militarem ultro elegerit.

Matrimonium enim cum marito milite in expeditione constituto, & ita etiam, ab hoste capto, non nisi morte dissolvitur (*per dem.* §. 482. n. 2.). Quare cum processus desertionis ad dissolvendum matrimonium instituatur (*per def.*): Cessat ratio ejusdem, finalis nempe. Quare cum uti posita ratione sufficiente ponatur, ita etiam eadem cessante cesset etiam id, quod propter eam est (§. 118. *Ontol. W.*): Patet, quod uxores militum in expeditione vel captivitate constitutorum desertionis processu agere non possint contra eisdem. *Q. e. 1.*

Cum vero marito ipso jure naturæ non liceat pro libitu ab uxore discedere (§. 508. *Part. 7. Jur. nat. W.*): Si ponatur, aliquem cum uxoris invitæ derelictione vitam militarem ultro elegisse (*per hyp.*): Hoc utique pro malitiosa desertione habendum erit. Quare cum hæc ipso jure naturæ sit justa causa dissolutionis matrimonii (§. 514. *loc. cit.*): In eo casu ad hanc agi non repugnat. Quoniam itaque in casu malitiosæ desertionis ad dissolutionem matrimonii agitur processu desertionis (*per not.*); Et hoc saltem evincatur, an maritus justas habuerit causas vitam militarem cum uxoris derelictione eligendi: In eodem casu utique uxoribus militum processu desertionis experiri contra maritos licebit. *Q. e. 2.*

Hoc etiam contra doctores dissentientes statuit CAR. AUG. BOEHMER in Opusculo de *Jure militum ecclesiastico* (§. 10. nota (e) Cap. 3), ut & SCHROETER (§. 1. cap. 6. *Secl. 1. de Jur. mil. sing.*).

§. 484.

nisi vita dubia evadat.

Quodsi militum in expeditione constitutorum vel ab hoste captorum vita dubia evadat, contra eisdem post certum tempus processum desertionis instituere eorum uxores, convenit.

Cum enim milites in præliis præsertim sæpius perdantur, ita ut non constet, an morte perierint, vel ab hoste capti sint, vel aliunde evaserint (*per exp.*): Vitam militum in expeditione constitutorum ut & captorum dubiam fieri posse, facile patet. Quodsi ab hoste capti sint: Tunc ipsum est, hoc notum facere iis, quorum interest. Si aliunde evaserint, nec revertantur: Tunc absentia eorum, uti in expeditione conti-

constitutorum, aut captorum (*l. ult. Cod. de Restit. milit.*), laudabilis amplius & necessaria non est; Adeoque turpiter absunt. Quodsi itaque miles, ejus vita dubia est, illam per aliquod tempus notam non faciat, aut certo tempore non revertatur: Merito præsumitur, illum vel periisse, vel turpiter abesse; Adeoque & uxorem malitiose deseruisse. In utroque casu matrimonium dissolvitur (§. 510. & 514. loc. cit. *WOLF.*). Maritus vero absens supponitur (*per hyp.*). Quoniam itaque, ut matrimonium cum absente dissolvatur, processu desertionis opus est (*per not.*): Patet, quod si militum absentium vita dubia evadat, uxores eorum desertionis processum instituere posse debeant.

Consentire videtur *Novella 117. cap. 11.* & ad hos etiam restringi debere constitutionem juris civilis §. 482. allegatam de quadriennio vel decennio saltem militibus indulgendo, quorum vita dubia evadit. In *l. 7. Cod. de Repud.* qua constitutio quadriennii continetur, expresse dicitur, si uxor nullum sospitatis ejus potuit habere indicium. Licet *Nov. 22. cap. 14.* militem vivum supponere videatur. Qualiscunque vero sensus sit dispositionis juris civilis: Hic demonstrasse sufficit, quoniam ipso jure naturæ obtinere debeant.

§. 485.

Quod donatio a milite concubinæ suæ facta revocari possit, privilegium juris tantum positivi est.

Cum enim in genere donatio concubinæ facta revocari non possit (*l. 1. §. 31. ff. de Donat.*); Donationem talem vero revocare militibus concessum sit (*l. 2. Cod. de Donat. int. vir. & ux.*): Militibus aliquid facere licet, adeoque jus concessum est, quod aliis non competit. Quare cum concessio juris alicui facta, quod aliis non competit, privilegium dicatur (§. 853. Part. 8. Jur. nat. *W.*): Patet, quod militibus jure civili in eo privilegium constitutum sit. *Q. e. 1.*

Cum vero ipso jure naturæ donatio quæcunque acceptance non facia, uti supponitur, revocari nequeat (§. 89. Part. 4. loc. cit.): Privilegii hujus ratio nulla naturalis, neque alia apparet, quam favor militiæ. Ab Imperatore enim expresse dicitur, se non velle, milites suos fictis adulationibus a focariis suis spoliari (*d. l. 2.*). Quare cum privilegia militum, quæ rationem suam in favore saltem militiæ habent, juris mere positivi sint (§. 385.): Hoc etiam de illo dicendum erit. *Q. e. 2.*

§. 486.

Similiter, quod etiam donatio 500. aureos excedens militibus a præfecto vel duce facta judicialiter infirmari non debeat, privilegium juris tantum positivi est.

Jus mil. nat.

Bb

In

Donatio
concubinæ
facta revo-
catur.

Donatio
militibus
facta infir-
mari judi-

cialiter non debet. In genere enim donatio 500. aureos excedens actis publicis insinuari debet, si nempe jus civile species (l. 34. *princ.* l. 35. §. 3. & tot. tit. *Cod. de Donat.*). Quare cum ducibus & præfectis, qui suis militibus ultra 500. aureos donant, insinuatio judicialis renoussa sit (l. 36. §. 1. *ibid.*): Duces & præfecti militum, sive potius, milites ipsi jure gaudent, quo ceteri carent. Quare cum jus tale privilegium dicatur (*per alleg.* §. 485.): Militibus in eo privilegium concessum est. *Q. e. t.*

Cum vero ratio neque naturalis, neque in militia illa apparet, cur a dispositione generali juris civilis exempti sint milites: Eodem iterum, quo §. 481. modo, apparet, illud juris mere positivi esse. *Q. e. z.*

Favorem militiæ etiam tanquam ejusdem rationem adducit SCHROETER (§. 3. *Cap. 6. Sect. 1. loc. sapiens cit.*). Eandem vero in eo quoque ponit, quia ejusmodi donatio aliquo modo remuneratoria esse videtur; Hujus vero insinuationem non requirant leges. Si autem modo rem considerare; Privilegium militum non erit: Cum quoad donationem remuneratorem quisque hoc jure fruatur jure civili, ut eandem actis insinuare non debeat (*per add.*). Iste tamen Imperator privilegium illud deprædicat dicens: *A gestorum absolvimus ordinatione donationes &c.* Insinuationis judicialis ratio alias etiam adduci solet, præcipitantia præcavenda. Quam cessare putant in ducibus & præfectis militum. Cum vero & hæc præsumptio cessantis præcipitantie rationem non habeat, nisi in favore militiæ: Illa etiam ratione posita, privilegium nihilominus juris mere positivi est.

§. 487.

Absentes in integrum restituantur. Quod jure civili miles, si quid de bonis eorum, dum reipublica causa absint, deminutum est, in integrum restituantur, privilegium militum non proprium, sed cum omnibus, qui reipublicæ causa absunt, ipsis commune est.

Cum enim non in genere omnibus, qui dum absunt, bonorum suorum deminutionem patiuntur, restitutio in integrum concedatur (*per not.*); Militibus vero, qui reipublicæ causa absunt, eadem indulgeatur (l. 2. *Cod. de Restit. milit.*): Militibus reip. causa absentibus jus quo alii carent, adeoque privilegium (*loc. §. 485. cit.*) competit. Cum vero beneficium hoc restitutionis in integrum non militibus modo, sed omnibus, qui reipublicæ causa absunt, concedatur (l. 4. ff. *Ex quib. caus. maj.*): Privilegium illud militum non proprium, sed cum omnibus ipsis commune est, qui reipublicæ causa absunt.

§. 488.

Quod militibus armorum usus etiam extra militiam concessus sit, olim Armorum privilegium eorum fuit, sed hodie amplius non est.

Cum enim usus armorum præter milites aliis fere omnibus fuerit interdicitus (arg. l. ult. Cod. de Præp. sacr. cubic. ; l. i. ff. ad L. Jul. de vi publ. & 2. Feud. 27. §. Si quis rusticus); Militibus vero etiam extra militiam concessus (l. 15. Cod. de Re milit.): Militibus in eo utique jus competiit, quo alii caruerunt. Cum vero hodie usus armorum etiam extra militiam aliis, quam militibus concedatur (per exp.); In jure vero alicui concessio, quo alii carent, demum privilegium consistat (§. 853. Part. 8. Jur. nat. W.): Usus armorum extra militiam olim quidem privilegium militum fuit, hodie vero amplius non est.

§. 489.

Quod magisterium liberat a patria potestate, privilegium juris saltem positivum est.

Jure enim naturæ liberi tamdiu manent in patria potestate, usque ad eum statum fuerint perducti, quo sibi et ipsis prospicere possint de iis, quibus ad conservationem sui indigent, & actiones suas juxta legem naturæ determinare (§. 775. Part. 7. Jur. nat. W.): Jure itaque naturæ nulla alia ratione extrinseca solvitur patria potestas. Licet itaque magister militum dicatur, qui toti aut equitatus, aut peditatus præest (§. 198.); Adeoque ad magisterium militum non facile admittetur, nisi qui in eo statu est, quo ipso jure naturæ a patria potestate solvi debeat: Ratio tamen solutionis ab eadem tunc non in magisterio militum, sed in statu eo, jure naturæ requisito, continetur. Jure itaque naturæ in eo militibus nihil indulgetur præ aliis. Cum vero jure civili patria potestas morte demum patris vel avi paterni, aut emancipatione solvatur (per vulg. juris); Magistri vero militum ab ea liberati sint (Auth. Sed episcopalis Cod. de Episc. & cler.): Jure civili magistri militum utique per eum jure gaudent, quo alii destituuntur. Quare cum in concessione juris ejusmodi privilegium ponendum sit (dem. §. 138.); Illud vero jure saltem positivo concedatur (per dem.): Patet, quod liberatio a patria potestate per magisterium militare privilegium sit juris saltem positivi.

Cum magisterium militare dignitas adeo eminens sit, ad quam non facile eveheretur, qui non ipso jure naturæ a patria potestate solutus sit (per dem. §.); Hodie vero hoc sufficere solet (per hyp.): Superfluum videri posset propositionis hujus enucleatio. Nō Dn. de BERGER vero sub vocabulo magistri militum intelligi vult milites superiorum ordinum

in genere (§. 16. Tit. 3. Lib. 1. Oecon. jur.). Et cum hodie ad dignitates militares etiam eminentiores principum præsertim filii sæpius adhuc teneri evehantur: Non omni usu destitui possent. Dubitem licet, quod in tali casu de solutione a patria potestate cogitaretur.

§. 490.

Naturaliter militia in genere a patria potestate debent esse soluti; Sive: Miles esse nequit, qui adhuc est in patria potestate.

Milites enim actiones suas, qua tales, ad voluntatem auctoris belli (§. 175.), & mandata præfectorum (§. 221.) determinare obligantur. Quare cum militibus libera esse debeant, sine quibus obligationibus suis satisfacere nequeunt (§. 313.): Liberum ipsis etiam esse debet, actiones suas ad voluntatem auctoris belli & mandata præfectorum determinandi. In determinandis itaque actionibus suis ad arbitrium alius adhuc adstringi nequeunt: Cum vero liberi in patria potestate constituti parentibus obedire adeoque actiones suas ad horum arbitrium determinare obligentur (§. 666. Part. 7. Jur. nat. W.); Obligatio vero in necessitate agendi consistat (§. 118. Part. 1. Phil. pract. univ.): Milites in determinandis actionibus suis liberi non essent, si in patria potestate adhuc constituerentur. Atque hinc patet, quod naturaliter milites a patria potestate debeant esse soluti; Seu, quod miles esse nequeat, qui adhuc est in patria potestate.

Jure contra civili militia in genere a patria potestate non liberabat (§. 4. Inst. quib. mod. Jus P. P. solv.). Hoc vero interim non impediēbat libertatem imperio militari obediendi; Sed alios saltem effectus, quoad bona præsertim, producebat. Patria enim potestas alia est jure naturæ, quam jure civili, utpote quæ non nisi imperium, neutiquam dominium involvit (§. 664. & schol. Part. 7. supra cit.).

§. 491.

Peculii militaris jussu, nec conferri debeat, jure quidem civili privilegium est, ad favorem ipsius juris militiae referendum; Per se autem juris naturæ, neque adeo eodem privilegio est.

Peculium dicuntur bona liberorum in patria potestate adhuc constitutorum (§. 764. Part. 7. Jur. nat. WOLF.); Et castrense in specie, quod filius acquisivit in militia, sagata scilicet, sive occasione ejusdem (schol. ad §. cit.). Quare cum jure civili alia, licet non omnia, bona liberorum aliunde, quam in militia acquisitionum, vel plane nullo, vel non pleno jure vario discrimine ad liberos spectent, & in hereditate parentum conferri debeant (per vulg. jur.); Peculium vero militare & in specie

specie castrense pleno jure ad liberos pertineat (*l. 6. princ. & §. 3. Cod. de Bonis, quæ lib.*); Nec conferri debeat (*l. 1. §. 15. ff. de Collat.*): Intuitu peculii militaris & in specie castrensis, jure civili concessum est jus, quod intuitu aliorum peculiorum non competit; Rationem vero necessariam in militia illud non habet (*Quod per se patet*). Cum itaque concessio juris etiam rei indulti, quo res aliæ carent, privilegium dicatur (§. 853. Part. 8. loc. cit.); Privilegia vero, quæ rationem necessariam in militia non habent, ad favorem militiæ referendæ sint (§. 385): Patet, quod illud jure civili privilegium sit, ad favorem militiæ referendum. *Q. e. 1.*

Quum vero jus naturæ peculiorum discrimina non agnoscat, & inter bona liberorum, unde quæsitæ, non distinguat (*schol. ad §. 764. supra cit.*); Sed omnia bona liberorum ad eodem pleno dominio spectent (§. 757. seqq. loc. cit.): Bona etiam liberorum in militia vel occasione ejusdem acquisita ipso jure naturæ ad liberos pleno jure spectant, & quod adeo in hereditate parentum conferri non debeant, facile patet. Cum autem jure naturæ bona etiam aliunde quæsitæ eodem jure gaudeant (*per add.*); Neque adeo jure naturæ bonis in militia acquisitis, sive peculio militari, quod dicitur, in eo jus competat, quo reliqua destituuntur: Juris ipsius naturæ neque eodem privilegium esse, ut peculium militare, & in specie castrense, ad filium pleno jure spectet, nec conferri debeat, facile apparet. *Q. e. 2.*

§. 492.

Matrimonia militum militia non conveniunt, & reipublice onerosa sunt. *Matrimonia militia non conveniunt.*

Cum enim matrimonium sit societas sobolis procreandæ & educandæ gratia (§. 270. Part. 7. Jur. nat. W.); Educatio liberorum vero tam patri, quam matri incumbat (§. 265. loc. cit.): Miles etiam maritus educationi liberorum prospicere tenetur. Educationem vero, si quidem rite fieri debeat, plura negotia involvere per se constat. Quare cum non conveniat, milites negotiis implicari, adeoque ne implicentur, cavendum sit (§. 475): Quod nec matrimonia militiæ sive statui militari conveniant, facile intelligitur. *Q. e. 1.*

Hoc vero alio quoque modo ostendi poterit. Cum enim maritus maxime onera matrimonii ferre debeat (§. 524. 525. loc. cit.): Et marito militi hoc onus incumbit. Cum vero militibus, gregariis præsertim, sustentatio non adeo superflua dari soleat, nec possit, ut præter semet

ipfos alios adhuc alere valeant (*per exp. & hyp.*): Facile evenire posset, ut ipsemet sustentatione necessaria careret, si eadem uxorem & liberos prospicere deberet. Quoniam tamen absque sustentatione esse nequeunt, & ejus defectu ad servitia militaria rite præstanda inhabiles fierent (*Quod per se patet*): Ut eandem alio modo quærerent, ipsa necessitas exigere posset. Hac ratione vero tam aliis negotiis implicarentur, quam a servitiis facile detineri possent. Quare cum cavendum sit, ne hoc fiat (§. 475.): Ex eo etiam patet, quod matrimonia statui militari non convenient.

Cum porro conjuges ad vitæ consuetudinem (§. 473 *loc. cit.*), & mutuum adjutorium sibi invicem præstandum obligentur (§. 474 *ibid.*): Quod uxor cum marito una habitare debeat, facile colligitur. Quoniam itaque militibus habitatio præstari debet (§. 35.): Illa etiam uxori- bus & liberis præstanda erit. Hospitationem militum vero reipublice onerosam esse, res nota est. Et eandem molestiorem adhuc fieri, si & uxores militum cum liberis illa prospiciende sint, facile intelligitur. Quum vero molestia hæc ex matrimoniis militum oriatur (*per dem.*): Patet, quod matrimonia militum reipublice onerosa sint. *Q. e. 2.*

Accedit etiam, quod milites tam propter præstationem servitiorum, quam crebram absentiam educationi non adeo vacare possint. Ut ita nec militia matrimonio conveniat. Uxores vero & liberos vel in expeditionem secum ducere, militibus conce- ti nequit, nec fieri potest. Cum vero rationes, propter quas matrimonium militiæ non convenit, in hoc vel illo subiecto minuantur, ita ut tam educationis, quam servitiorum neglectus adeo facilis inde metuendus non sit: Quod saltem in genere militiæ non conveniant, asserimus. Prorsus vero eidem repugnare, tueri non licebit. Tunc enim militibus in distincte prohibenda essent. Quod tamen fieri non posse, §. sequenti demonstrabitur.

§. 493.

*Militibus
pro libitu
non per-
mittenda.*

Militibus matrimonium neque pro libitu incundum permitti, neque indistincte prohiberi potest.

Cavendum enim est, ne milites a servitiis suis retrahantur, aut ad eadem inhabiles reddantur (§. 475.), & ne reipublice præsertim quoad hospitia oneri nimio sint (§. 763. *Jur. gent. W.*). Quare cum matrimonia milites tam a servitiis suis abstrahere, quam propter habitationem reipublice oneri esse possint (*dem.* §. 492.); Neque adeo militiæ conveniant (§. *eod.*); Militibus vero ea licere nequeunt, quibus ab obligationibus, adeoque & servitiis detinerentur (§. 469.): Patet, quod militibus permitti nequeat, matrimonium pro libitu inire. *Q. e. 1.*

Quo-

Quoniam vero ad matrimonium obligatio generalis est, eorum nempe, qui requisita necessaria habent (§. 524. *Part. 7. Jur. nat. W.*): Matrimonii contractio jure naturæ illis præcipitur, qui iisdem requisitis gaudent (§. 164. *P. 1. Phil. pract. univ. W.*). Quare cum ea, quæ jure naturæ præcipiuntur, lege civili, qualis & est militaris (§. 97.), prohiberi nequeant (§. 973. *P. 8. Jur. nat.*): Nec militibus matrimonium indistincte prohiberi potest. *Q. c. 2.*

Obligationem tamen naturalem ad matrimonium restrictam admodum esse, pluribus monet *perill. L. B. de WOLF (schol. ad §. 524. cit.)*. Et cum illa judicio nitatur, an quis in iis constituatur circumstantiis, quibus matrimonium inire possit & debeat (§. *cod.*); Matrimonia militum vero simul in militiam influunt (§. 492.); & in iis, quæ militiam concernunt, milites ad judicium auctoris belli adstricti sint (§. 174.): Utrique ab hoc pendere debet, quousque militibus matrimonia ineundi licentiam concedere velit, & quandonam militi hoc convenire judicet. Fieri enim potest, ut matrimonium contrahi etiam possit, cum persona, quæ sola oneribus ejusdem abunde sufficit (§. 525. *loc. cit.*), vel ut miles ipse præter stipendia bona alia habeat, unde & uxori & liberis de sustentatione prospicere & onera matrimonii ferre possit. Si itaque vel ipsimet educationi liberorum vacare continuò non detur propter servitia militaria: Ipsi tamen adfunt media, quibus eidem & per alios consulere & uxorem in eadem curanda adjuvare queat. Non adeo itaque verendum est, ut per matrimonium a servitiis detrahatur, aut reipublicæ molestus fiat. Prostratu itaque etiam rei militaris, qualis hic vel illic fuit, matrimoniorum quoque licentia deprehenditur. Sic apud Romanos, quibus militia perpetua erat & mercenaria, matrimonium militibus interdictum & cælibatus adjunctus deprehenditur; Apud Germanos vero, qui militia ut plurimum lecta urebantur, medio à huc ævo, matrimonia militum ullo modo restricta fuisse non apparet. Prout pluribus adstruit *JO. WILH. WALDSCHMID in Diss. de Cælibatu militum, prælim. & §. 2. & 3.* Hodie, quo militia iterum mercenaria & perpetua, partim tamen simul lecta est, neque in totum prohibentur, neque permittuntur, sed ad consensum præfectorum restringuntur.

§. 494.

Ab arbitrio itaque auctoris belli dependere debet, quousque matrimonia militibus licere debeant.

Auctori belli enim relinquendum est judicium de iis, quæ ad bellum faciunt (§. 783. *Jur. gent. WOLF*). Quare cum matrimonia militum in militiam quoque influunt (*dent §. 492.*); Neque militibus pro lubitu concedi, neque etiam indistincte prohiberi possint (§. 493.): Patet, quod ab arbitrio sive judicio auctoris belli pendere debeat, quousque militibus matrimonia ineundi licentiam concedere velit.

§. 495.

Ab arbitrio auctoris belli pendens.

§. 495.

Milites ad ea consen- Milites itaque pro lubitu matrimonium inire, seu uxorem ducere
nequeunt, sed ad illud ineundum permissionem sive consensum auctoris belli
sum petere aut praefectorum petere debent.
debent.

Militibus enim matrimonium pro lubitu ineundum permitti nequit (§. 493.), & actu permissum non esse supponitur (*per hyp.*); Sed ab arbitrio auctoris belli pender, quousque illud permittere velit (§. 494.). Quare cum milites actiones suas ad arbitrium sive voluntatem auctoris belli componere obligentur (§. 1. 5.): Patet, quod nec pro lubitu matrimonium inire possint, sed ad illud ineundum consensum sive permissionem auctoris belli sive praefectorum, si ille ipsis hoc jus concesserit, petere debeant.

Legibus positivis hoc etiam constitui solet, uti pluribus refert WALD-SCHMID loco §. 493. cit. *ib. 6. seqq.* Studio autem dicimus, quod petere debeant. Quicquid enim peritur, jure saltem imperfecto deberi supponitur (*schol. §. 795. P. 3. Jur. nat. W.*). Statim autem demonstrabitur, quod consensus matrimonium ineundi reculari etiam possit.

§. 496.

Qui recu- Consensus ad matrimonium ineundum, si petatur, militibus recusari
sari potest. potest.

Et si enim matrimonium militibus indistincte prohiberi nequeat (§. 493.): Ab arbitrio tamen auctoris belli dependet, quousque illud permittere velit (§. 494.). Nulla itaque adiecit necessitas moralis, ut auctor belli matrimonium permittat militi, qui ejusdem permissionem petit. Quare cum ejus, quod necessarium non est, contrarium aequè possibile sit (§. 279. *Ontol. W.*): Aequè possibile est moraliter, ut princeps militi permissionem uxorem ducendi petenti illam recuset. Quare cum id, quod moraliter possibile est, salva actionis rectitudine fieri possit (§. 952. *P. 1. Theol. nat. W.*): Patet, quod consensus militi ad matrimonium ineundum recusari queat.

Equidem cum judicium in genere certis regulis circumscribitur; Et matrimonium militibus indistincte prohiberi nequeat (§. 493.): Licet auctori belli in ejus permissione judicium relinquatur (§. 494.); Hoc tamen utique suis regulis adstringitur. Fieri itaque potest, ut in casu dato recte non agatur, si militi consensus denegetur. Cum vero hoc conscientiae ejus relinquendum sit, cui facultas consensum impertiendi competit: Eius amplior explicatio hujus loci non est, quo de jure saltem externo agitur. Et cum ad consensum concedendum obligatio nulla sit, saltem perfecta (*per dem.*): Nec militi jus perfectum est illum exigendi (§. 23. *P. 1. Jur. nat. W.*). Cum adeo nihil agatur contra jus ipsius perfectum, si recusetur (*per dem.*): Nec eo ipsi sit injuria (§. 851. *I. c.*).

§. 497.

Milites nec sponsalia ante consensum impetratum celebrare possunt, Sponsalia nisi hoc fiat sub conditione, si consensum impetraverint. *absque consensu celebrari nequeunt.*

Sponsalia enim sunt pactum de matrimonio ineundo (§. 359. *Part. 7. Jur. nat. IV.*). Quoniam itaque ex pacto nascitur obligatio (§. 789. *Part. 3. l. c.*): Per sponsalia milites obligarentur ad matrimonium ineundum. Cum vero milites hoc absque consensu inire nequeant (§. 495.): Neque etiam ante consensum in matrimonium impetratum sponsalia celebrare posse, facile patet. *Q. e. 1.*

Cum autem sponsalia sub conditione contracta, hac non existente ad matrimonium non obligent (§. 413. *Part. 7. l. c.*): Neque etiam miles obligabitur ad matrimonium consummandum, si sponsalia sub conditione consensus impetrati celebrarit, nisi conditio hæc existat, adeoque consensum impetraverit. Quare cum consensu impetrato militibus matrimonium inire liceat (§. 495.): Facile apparet, quod non repugnet, militem sub hac conditione sponsalia celebrare. *Q. e. 2.*

Brevius etiam hoc modo demonstrari poterit. Qui matrimonium inire non possunt, nec sponsalia contrahere possunt (§. 391. *P. 7. Jur. nat. W.*). Quare cum milites absque consensu matrimonium inire nequeant (§. 495.): Patet, quod nec absque consensu sponsalia contrahere possint. *Q. e. 1.*

Cum vero consensu impetrato matrimonium inire queant (§. cit.): Sponsalia vero sub conditione consensus impetrati celebrata non obligent, nisi hæc existente (§. 413. *loc. cit.*): Nec repugnat, milites celebrare sponsalia, si id fiat sub conditione consensus impetrati. *Q. e. 2.*

§. 498.

Præfæctis militum superioribus prohiberi etiam, ne matrimonium absque consensu incant, ratio adest. *Præfæctis etiam matrimonium prohiberi potest.*

Quoniam præfæctis militum præsertim superioribus uberior sustentatio præberi solet, aut ipsi bona alia possideant, vel per matrimonia acquirant; Adeoque rei domesticæ & educationi liberorum melius prospicere possint; Non etiam habitacula ipsi in persona præstari soleant: Rationes, cur matrimonia militibus non conveniunt (§. 493.) & militibus gregariis promiscua matrimonium ineundi licentia adimatur (§. 493.), in præfæctis militum superioribus cessare videntur. Cum vero stipendia præfectorum superiorum, licet aliis pinguiora, vix tamen ad eorum sustentationem plerumque sufficere soleant; Et hinc si uxor & liberi ac-

Jur. mil. nat.

C e

cedant,

cedant, tantum ut plurimum non adsit, quo dignitati suæ convenienter vivant, & ad servitia debite præstanda idonei maneant; Hoc vero saltem dijudicationem requirat, quæ principi relinquenda est (§. 494.): Facile patet, quod etiam adsit ratio præfectis militum etiam superioribus prohibendi, ne absque consensu matrimonium incant.

Quod illis hoc prohiberi possit, dubitari nequit: Cum & præfecti absque dubio ad milites referendi sint (§. 186.); Matrimonia vero militum ab arbitrio auctoris belli, sive superioris, dependant (§. 494.). Hic vero insuper ostenditur, quod & ratio adsit, promiscuum ipsius matrimoniorum licentiam prohibendi.

§. 499.

Specialiter prohiberi debet. Si milites, & præsertim præfecti eorum superiores, matrimonia sine consensu inire non debeant, illis specialiter prohiberi debet.

Cum enim militibus matrimonium indistincte prohiberi non possit (§. 493.): Contrarium ejus æque possibile est, ut nempe permittatur; Licet hoc pro lubitu fieri non debeat (§. cit.). Quare cum illud, cujus contrarium æque possibile est, necessarium non sit (§. 279. *Ontol. W.*): Ratio necessaria non adest, ut militibus matrimonium prohibeatur; Sed quousque prohibitum aut permissum esse debeat, ab arbitrio superioris pendet (§. 494.). Quodsi itaque milites matrimonium absque consensu inire non debeant, superior voluntatem hanc suam declarare debet. Quare cum significatio voluntatis, ne quid fiat, ab eo facta, qui jus obligandi habet, prohibitio dicatur (§. 985. *P. I. Theol. nat. W.*): Patet, quod militibus in genere specialiter prohiberi debeat, ut matrimonium absque consensu incant. *Q. e. 1.*

Præterea vero, cum rationes, quæ suadent, matrimonium militibus gregariis aut præfectis inferioribus prohiberi, cessare soleant in præfectis superioribus (*dem.* §. 498.); Cessante vero ratione cesset etiam, quod propter eam est (§. 118. *Ontol. W.*): Videri facile posset, quasi prohibitio matrimonii militibus in genere facta, præfectos superiores non tangeret. Quodsi itaque superior velit, nec hos absque consensu matrimonium inire (*per hyp.*): Illud specialiter etiam prohiberi debet. *Q. e. 2.*

Hanc prohibitionem præfectis superioribus specialiter factam passim etiam invenies, ut apud Borussos per edictum de a. 1709. & apud Saxones per edictum de a. 1724. Quorum primum ad LUNIGIUM in *Corp. jur. milit. p.* 904. & alterum apud BERTOCHIUM §. 29. legi memorat GNÜGÉN in *der Anleitung zum Kriegerrechte schol. ad* §. 240. Apud Hispanos idem obtinere apparuit ex Novellis Francofurtensibus anni 1750. ubi referebatur, regem Hispaniæ occasione desponsationis filiz suæ principis cum principe hereditario Pedemontii veniam generalem concess-

concessisse officialibus, qui absque ipsius consensu matrimonia inierant, secundum legis dispositionem alias ab officio renovendit. Et a rege Siciliarum eandem prohibitionem novissime emanasse, & strenue super ea haberi, alio loco relatum legimus. Hinc etiam factum est, ut, cum alias praefectis superioribus apud Hassos matrimonium lege speciali non fuerit interdictum; Ut tamen absque consensu liceat, e re visum non fuerit, prohibitio specialis articulis, quos vocant, militariibus inserta fuerit, cum hi anno superiore adjectis quibusdam mutationibus prodirent.

§. 500.

Milites lecti casu necessitatis finito, petere possunt, ut dimittantur, Milites lecti non tamen jure perfecto. *quando dimittendi.*

Ad casum enim necessitatis saltem leguntur milites (§. 23.); Adeoque milites lecti tamdiu saltem in militia manere obligantur, quamdiu ille exiit (§. 289.). Finito itaque casu necessitatis petere posse debent, ut a militia solvantur. Quare cum solvi a militia dimitti vocetur (§. 297.): Patet, quod milites lecti finito casu necessitatis petere possint, ut dimittantur. *Q. e. 1.*

Cum vero judicium de casu necessitatis sit penes auctorem belli (§. 783; *Jur. gent. WOLF.*): Neque adeo invito eodem a militia discedere queant (§. 290.): Ipsi jus cogendi non est auctorem belli, si dimissionem recuset. Casum enim necessitatis, quem milites lecti cessare autumant, existere adhuc judicare potest. Quare cum jus perfectum non sit, cum quo non connectitur jus cogendi alterum (§. 235. *Part. 1. Pbil. pract. univ.*): Patet etiam, quod jure non perfecto saltem petere possint dimissionem. *Q. e. 2.*

Ipsam etiam vocabulum *petere*, si determinato significato circumscribatur, jus saltem imperfectum innuit (*schol. ad §. 495.*). Accedit & hoc, quod milites lecti esse non possint, nisi subditi (§. 31.), qui ad obedienciam cum patientia obligantur (§. 1043. *P. R. Jur. nat. W.*): Adeoque, si vel ultra casum necessitatis ad militiam adstringantur, id patienter ferre debeant.

§. 501.

Militibus conductitiis ad certum tempus non capitulatis jus quidem competit petendi, ut dimittantur, sed non perfectum. *Conductitii ad certum tempus non capitulati.*

Milites enim conductitii, si in contractu militari tempus, ad quod militia duret, non fuit expressum, invito auctore belli ab eadem discedere nequeunt (§. 293.): Non itaque ipsis in hoc casu jus est cogendi auctorem belli, si dimissionem, quam petunt, detrectet. Quare cum jus, quod jure cogendi alterum desinitur, perfectum non sit (§. 235.

cit. §. præc.): Patet, quod et si militibus conductitiis ad certum tempus non capitulatis jus petendi dimissionem concedatur, hoc tamen perfectum non sit.

Hoc equidem ex pacto inæquali procedit, quo niritur contractus militaris. Huic enim, si tempus expressum non contineat, clausulam tacite semper subesse, quod miles militiam continuare velit, *quousque principi placuerit*, monuimus jam ad §. 293. Ex pacto itaque miles eousque manere obligatur, & principi jus competit illum eousque retinendi. Princeps itaque, qui hoc agit, a pacto non recedit: Neque adeo & militi recedere licet (§. 827. P. 3. *Jur. nat. WOLF.*).

§. 502.

Quando milites conductitii ad certum tempus capitulati. Milites conductitii ad certum tempus capitulati, hoc effluxo amplius in militia manere non obligantur, sed ut dimittantur exigere possunt, jure scilicet perfecto.

Milites enim conductitii in militia tamdiu saltem manere obligantur, quamdiu ad eandem contractu militari sive capitulatione se adstrinxerunt (§. 291.). Quamobrem cum hic supponatur, eosdem ad certum tantum tempus capitulatos esse (*per hyp.*): Si hoc effluxerit ad amplius in militia manendum obligari nequeunt. *Q. e. 1.*

Milites vero in genere, adeoque & conductitii, si in militia diutius manere nolint, sed ab ea solvi cupiant, dimissionem petere, sive exigere debent (§. 298.): Milites equidem etiam conductitii ad certum licet modo tempus capitulati, si hoc effluxo diutius manere nolint, dimitti debent. Cum vero diutius manere non obligentur (*dem. n. 1.*); Ex obligatione vero jus oriatur (§. 23. P. 1. *Jur. nat. W.*): Ut dimittantur, jus ipsis competere debet. Cum itaque obligatio militum conductitiorum ex promisso (§. 39.); Adeoque perfecta sit (§. 363. *Part. 3. loc. cit.*): Jus hoc eidem respondens, perfectum quoque est (§. 235. P. 1. *Phil. pract. univ. W.*). Quare cum si velimus, ut perfecte debitum nobis præstetur, id exigere dicamur (§. 795. *Part. 3. cit.*): Patet, quod milites conductitii ad certum tempus capitulati, si hoc effluxerit, jure perfecto velle, hoc est, exigere possint, ut dimittantur. *Q. e. 2.*

Obstare nequit, quod hoc modo fieri posset, ut vel belli tempore, & in ipsa expeditione, ubi militum usus præcipuus est, dimitti deberent. Urique enim hoc incommodum capitulationum est. Impudent vero sibi, qui militibus capitulationem ad certum tempus concedunt, neque de eo casu sibi prospiciunt. Adjici enim facile posset clausula, quod si lapsus temporis in bellum vel expeditionem incidat, hujus vel illius finem expectare teneantur. Propter incommoda etiam, quæ ex capitulationibus resultant,

resultant, non ubique licet, easdem dare militibus, sed iis, quibus jus con-
ducendi committitur, hoc tamen prohibitum est. Uti apud nos in Italia.

§. 503.

Miles conductitius, qui ad certum tempus capitulatus est, neque ante illius lapsum dimitti, neque ultra retineri potest. *Qui nec antea dimitti possunt.*

Cum militibus sustentatio debeatur ab auctore belli (§. 339.): Militi conductitio, qui ad certum tempus capitulatus est, intra illud sustentatio debetur; Adeoque ipsi ad eandem jus est. Jura vero militaria, sive militum, qua talium (§. 319.), ex pacto, adeoque perfecta sunt (§. 320.). Cum vero sustentatio pro praestatione militiae detur (*dem.* §. 339.): Nec eam amplius praestari ei, qui a militia solvitur, sive dimittitur, facile potest. Quodsi itaque miles conductitius ad certum tempus capitulatus, ante illius lapsum dimitteretur, ageretur contra jus ipsius perfectum. Quare cum hoc fieri jure non possit (§. 86. *Instit. j. n. & g. WOLF.*): Patet, quod nec miles conductitius ante lapsum temporis capitulatione expressi invitus scilicet dimitti possit. *Q. c. 1.*

Cum vero miles conductitius elapso tempore capitulationis jure perfecto exigere possit, ut dimittatur (§. 502.): Si non dimitteretur, sed ultra illud retineretur, contra jus ipsius perfectum iterum ageretur. Quare cum hoc non possit (*per alleg.*): Eodem, quo antea, modo patet, militem conductitium ultra tempus capitulationis retineri non posse. *Q. c. 2.*

Hoc iterum incommodum capitulationum est, quod milites ante tempus conventum dimitti nequeant, saltem absque sustentationis praestatione; Licet iisdem opus forsitan amplius non sit. Eidem vero etiam facile medela offerri poterit, si adjiciatur, quod auctor belli teneri nolit, si ante lapsum temporis opus iisdem amplius non habeat. Clausula quidem hae capitulationibus tacite vel inesse, videri possit. Si vero jura, quae ex pacto oriuntur, curatius inspicias: Rem stricto jure aliter definire non licebit: Licet in eo potestati summae aliquid dandum esse, facile concedi poterit.

§. 504.

Miles conductitius, qui ad certum tempus capitulatus non est, pro lubitu auctoris belli dimitti potest. *Quinam conductitii pro lubitu dimittantur.*

Cum uti obligatio (§. 57.), ita & omne jus militis conductitii saltem sit ex contractu militari (*dem.* §. 320.); Hic vero ad certum tempus initus non supponatur (*per hyp.*): Neque militi conductitio, qui ad certum tempus capitulatus non est, jus ad certum quoddam tempus est, quo pro praestazione militiae sustentatio ipsi praebere debeat. Si itaque

quoquo tempore dimittatur, nihil sit contra jus ipsius, neque adeo ipsi sit injuria. Contra vero cum milites belli causa conducantur (§. 14.); Auctori vero belli judicium de iis, quæ ad bellum necessaria sunt, relinquendum sit (§. 783. *Jur. gent. IV.*): Judicium quoque ipsi relinqui debet, quamdiu militibus opus habeat. Quare cum militi conducto ad certum tempus non capitulato injuria non fiat, si quocunque tempore dimittatur (*per dem.*): Patet, quod talis pro lubitu auctoris belli dimitti possit.

Hinc rursus sese exserit inæqualitas pacti, quo contractus militaris absolvitur. Cum enim milites conductitii, certum tempus, ad quod militia daret, non stipulati, pro lubitu & invito auctore belli ab ea discedere nequeant (§. 293.): Huic tamen integro jure licet illos pro lubitu invitos etiam dimittendi (*per dem.*). Uti jam pluribus monuimus *schol. ad §. cit.* Ita ut jus principis circa milites jure etiam naturali quam late pateat.

§. 505.

*Dimissione-
cessaria vel
voluntaria
est.*

Hinc cum milites conductitii, qui ad certum tempus capitulati sunt, illo effluxo, si sponte manere nolint, dimitti debeant (§. 502.); Conductitii vero, certum tempus non stipulati, ab auctore belli pro lubitu, dimitti possint (§. 504.): *Dimissio militum vel voluntaria vel necessaria esse potest.*

§. 506.

*Captis sus-
tentatio
præbenda.*

Militibus ab hoste captis sustentatio præberi debet ab auctore belli. Milites enim ab hoste capti a militia non solvuntur, seu milites esse propterea non desinunt (§. 306.). Quare cum propter militiam militibus sustentatio præstari debeat ab auctore belli (§. 339.): Patet, quod & illa militibus ab hoste captis durante captivitate præstari debeat.

§. 507.

*Capti liber-
vari debent.*

Milites ab hoste capti liberari debent ab auctore belli. Militibus enim ab auctore belli præstari debent ea, sine quibus obligationibus suis satisfacere nequeunt (§. 338.). Quodsi vero capiantur ab hoste, illos obligationibus suis, quæ milites, satisfacere non posse, palam est. Fieri itaque debet, ut ab auctore belli reddantur in eum statum, quo illud possunt. Quare cum hoc fiat, si ex captivitate liberentur (*per not.*): Patet, quod milites capti ab hoste liberandi sint ab auctore belli.

§. 508.

Quomodo.

Quare cum liberatio ex captivitate fieri possit, aut permutatione, aut relictione, aut pactione alia (*per not.*): *Milites ab hostibus capti aut*

aut cum aliis permutandi, aut pecunia redendi, aut alia denique pacto-
ne liberandi sunt.

§. 509.

Pecunia, quæ pro liberatione ab hoste captorum solvitur, *Lytrum* *Lytri* desig-
nabitur.

§. 510.

Militibus ab hoste captis jus est exigendi ab auctore belli, ut eos quocumque modo liberet, & interea ipsi sustentationem præstet. *Militibus inde jus oritur.*

Milites enim ab hoste capti ab auctore belli liberari (§. 507.), & interea sustentari debent (§. 506.). Quare cum debitum dicatur, ad quod obligamur (§. 170. P. 1. *Phil. pract. univ. W.*): Auctorem belli ad liberandos & sustentandos milites captos obligari facile apparet. Cum vero ex obligatione jus oriatur (§. 23. P. 1. *Jur. nat. W.*): Obligatio vero illa sit erga milites captos (*per dem.* §. 506. 507.): Militibus captis jus etiam esse debet, flagitandi, ut auctor belli eos liberet & interea sustentet. Et enim jura militaria perfecta sunt (§. 320.): Jus hoc quoque perfectum est. Quare cum ea, quæ jure perfectio posci possunt, exigi dicantur (§. 795. *Part. 3. loc. cit.*): Patet, quod militibus captis jus sit exigendi ab auctore belli, ut ipsos sustentet & liberet.

§. 511.

Si auctor belli sustentationem & liberationem militum ab hoste captorum omittat vel negligat: Hi a militia solvuntur. *Quando capti a militia solvuntur.*

Auctor enim belli ad sustentationem & liberationem militum ab hoste captorum obligatur (*per dem.* §. 510.). Quodsi itaque sustentationem & liberationem omittat vel negligat (*per hyp.*): Obligationsi suæ non satisfacit. Cum vero, si duorum paciscentium unus obligationi suæ non satisfacit, nec alter præstare obligetur, ad quod alias teneretur (§. 827. *Part. 3. cit.*): Militum vero obligatio generalis, qua auctori belli tenentur, in præstatione militiæ consistat (§. 131.): Nec milites in eo casu militiam amplius præstare obligabuntur. Quare cum facile intelligatur, quod is, qui militiam amplius præstare non obligatur, ab eadem solvatur: Patet etiam, quod milites ab hoste capti solvantur a militia, si auctor sustentationem & liberationem eorum omittat.

§. 512.

Si vero præstatio sustentationis vel liberatio non statim sequatur, sed aliquatenus protrahatur: Milites ab hoste capti non statim solvuntur a militia; tamen.

litia; Sed tunc demum, si certo constet, auctorem belli eandem studio omittere vel negligere.

Cum enim milites & eorum præfectos captivos tamdiu retinere ipsa ratio suadeat, donec bellum fuerit finitum (§. 815. *Jur. gent. W.*); Fieri etiam possit, ut hostis eosdem durius haberi velit (*per hyp.*): Evenire potest, ut hostis liberationem eorum recuset, & ipsis uberiores, quam ipsi lubet, sustentationem porrigi deneget. Non itaque in omni casu ab auctore belli pender, quo minus ab hoste capti liberentur, & debita ipsis sustentatio porrigatur. Dici itaque nequit, si hæc vel illa non statim sequatur, auctorem belli eam omittere vel negligere. Quare cum milites capti tunc demum solvantur a militia, si hoc fiat (§. 511.): Apparet, quod etiam a militia non statim solvantur, si eorum liberatio, aut sustentationis præstatio protinus non sequatur, sed tunc demum, si certo constet, auctorem belli eandem studio omittere vel negligere.

Cum vero præsumi nequeat, auctorem belli milites suos captos studio neglecturum esse; Et cum variz esse possint causæ, quæ liberationem vel sustentationem eorum impedian, ita ut si vel negligatur aut studio omitatur, de eo tamen non adeo facite constare poterit: Frequens etiam non erit casus, quo milites capti ab obligatione sua solvantur. Hinc etiam nullo modo inde metuendum est aliquid præjudicii, quod statuatur, fieri posse, ut milites capti a militia solvantur.

§. 513.

*Solutionis
a militia
effectus.*

Si miles quocunque modo militia solvatur: Licere debet ipsi, alteri se dare in militiam.

Cum enim quis duobus simul militare non possit (*quod per se patet*): Qui uni ad militiam obligatus est, alteri ad eandem se obligare nequit (*per dem. §. 74.*). In militia itaque, ad quam quis uni obligatur, continetur ratio, cur alteri se dare in eandem nequeat (§. 56. *Ontol. W.*). Si quis itaque a militia, ad quam cuidam obligatur, solvitur, cessat ratio, cur alteri militare non possit. Quare cum uti posita ratione sufficienti ponatur, ita eadem cessante cesset, quod propter eam est (§. 118. *ibid.*): Patet, quod si miles, quomodoecunque militia solvatur, licere debeat ipsi, alii se dare in eandem.

Hic merito supponitur, aliud impedimentum non ob stare, quo minus quis cuidam militare possit. Sic si v.gr. subditis indigenis prohiberetur sit, exterorum se dare militiæ: Facile patet, militem hoc non posse, et si a militia patria solvatur. Ratio vero, cur istud nequeat, hic non est in nexu militiæ, quo cuidam jam teneretur sed in lege quadam, ad quam qua subditus indigena obligatur. Hic itaque ultem asseritur, quod si militia fuerit ratio, cur quis alienam militiam sequi non possit, illam cessare, si mili-

si militia solvatur. Potissimum itaque de militibus conductitiis, & peregrinis quidem, illud erit intelligendum. Licet enim & hi subditi fiant (§. 76.): Diutius tamen tales non manent, quam militent. Quodsi itaque militia solvantur: Desinunt esse subditi; Nec legibus adstringuntur, quibus indigenæ tenentur. Quoniam vero etiam ratio necessaria non adest prohibendi subditis, ne extra civitatem militent (§. 407. P. 8. *Jur. nat. W.*): Adeoque etiam in hoc casu militum subditorum idem jus esse debeat: Propositionem demonstratam universaliter enunciari & posse & debere duximus.

§. 514.

Quare cum milites, si ab hoste capiantur, propterea a militia *Captis non* non solvantur (§. 306.): *Militibus ab hoste captis propterea, quod capti licet hosti* *sunt, non licet eisdem se dare in militiam.* *militare.*

Utique vero alia accedere potest causa, propter quam captis hæc licentia erit asserenda; Quemadmodum statim evinceretur. In sola vero captivitate ratio ejusdem non continetur.

§. 515.

Militi conductio ad certum tempus capitulato, si ab hoste capiatur, Quid si ca-
& durante captivitate tempus illud exspiret, licere debet, *hosti se dare* *pitulatio*
in militiam. *durante*
captivitate
finiatur.

Quodsi enim tempus, ad quod miles conductitius capitulatus est, durante captivitate exspiret: A militia ille solvitur (§. 308.). Quare cum miles, si quocunque modo militia solvatur, alteri se dare possit in eandem (§. 513.); Patet, quod in casu dato militi conductio hoc quoque licere debeat.

Nec obstat, quod & milites conductitii, si eorum tempus effluxerit, & militiam ultra continuare nolint, ad dimissionem tamen petendam obligentur (§. 298. & *schol.* §. 296.). Cum enim inter milites capros & auctorem belli liberum commercium non detur: Facile apparet, militi etiam ipsum de dimissione concedenda adeundi copiam non esse. Ad impossibile vero nulla est obligatio (§. 209. P. 1. *Phil. pract. univ. W.*). Et cum a militibus, quorum capitulatio finita est, dimissio jure perfecto exigatur (§. 502.); Neque adeo recusari possit ab auctore belli; Consensum vero in id, ad quod alter obligatur, præsumere liceat (§. 563. *Part. 5. Jur. nat. W.*): Præsumere etiam licebit, auctorem belli militi conductitio, cujus tempus elapsum est, dimissionem recusaturum non esse. Pone vero etiam, quod recusaturus esset. Cum in sequentibus demonstrabitur, militem conductitium proprie non delinquere, si effluxo tempore dimissione rogata sed recusata discedat: Nec hoc ipsi impedimento esse poterit, quo minus hosti se det in militiam.

Jus mil. nat.

Dd

§. 516.

§. 516.

*Non idem
est in sub-
dito.*

Cum vero subditus, licet ad certum tempus capitulatus sit, casu tamen necessitatis ingruente militiam continuare obligetur, etsi tempus illud effluxerit (§. 292.); Adeoque in eo casu a militia non solvatur (§. 305.); Captivitas autem bellum, adeoque necessitatis casum supponat (*per hyp.*); Solutio a militia vero demum rationem in se contineat, cur quis alteri se dare possit in eandem (§. 513.): *Milites capti, si cives sint, hostis militiam amplecti nequeunt, etsi ad certum tantum tempus capitulati fuerint, & hoc effluxerit.*

§. 517.

*Quando-
nam captis
liceat hostis
milit. an
amplecti.*

Si sustentatio vel liberatio militum captorum protinus non sequatur, antea tamen hosti se dare in militiam nequeunt, quam certo constet, auxilium belli eandem studio omittere vel negligere.

Cum enim milites capti, si eorum liberatio, aut sustentatio ab auctore belli omittatur vel negligatur, a militia solvantur (§. 511.); Miles vero, qui militia quocunque modo solvitur, alteri se dare possit in eandem (§. 513.). Utique etiam asserendum erit, quod milites capti hostis militiam amplecti posse debeant, si eorum sustentatio aut liberatio omittatur, vel negligatur. Cum vero milites capti non protinus solvantur a militia, si liberatio aut sustentationis præstatio statim non sequatur; sed tunc demum, si certo constet, eandem studio omitti, vel negligi (§. 512.): Utique etiam in hoc denique casu, captis licere debet, hosti se dare in militiam.

Rursus vero hic supponitur, aliam causam non adesse, quo minus quis, licet a militia solutus, alteri se dare possit in eandem; Uti jam monuimus ad §. 513. Et an salva conscientia fieri possit, ut quis militer hosti ejus, cujus antea militiam securus est, paucis etiam indigitavimus ad §. 309. Si enim civibus in genere non liceat, apud externos arma sumere: Multo minus hoc licebit militi civi apud hostem.

§. 518.

*Capti jura
non amit-
tunt.*

Milites ab hoste capti jura sua non amittunt.

Milites enim ab hoste capti militia propterea non solvantur (§. 306.). In militia vero continetur ratio jurium militarium (§. 321.). Licet itaque milites ab hoste capiantur, ratio tamen jurium eorundem adhuc adest. Quare cum posita ratione sufficiente ponendum etiam sit, quod propter eam est (§. 118. *Ontol. W.*): Patet, quod milites ab hoste capti jura sua non amittant,

Con-

Consentit Vir perillustis L. B. de WOLF (§. 905. *Jur. gent.*). Ubi etiam jura captorum in genere demonstrantur, quæ absque ullo negotio ad milites captos applicari possunt. Sic v. gr. facile patet, eos etiam quoad alia jura præter militaria postliminio restituendos esse (§. 896. *ib.*).

§. 519.

Milites ab hoste capti, si revertantur, in pristinum statum restituti. Quid si revertantur,

Milites enim ab hostibus capti neque obligationibus suis solvuntur (§. 307.), neque jura sua amittunt (§. 318.); Sed in exercitio amborum saltem impediuntur (*Quod per se patet*). Si itaque revertantur, liberum ipsis eorum exercitium reddi debet. Quare cum jura & obligationes militum statum eorum constituent (§. 82.); Adeoque si militibus captis & reversis ipsis reddatur liberum exercitium jurium & obligationum, quibus antea gaudebant vel tenebantur, in pristinum statum restituantur: Patet, quod milites capti si revertantur, in pristinum statum restituendi sunt.

§. 520.

Quare cum restitutio rerum & personarum ab hoste captarum & *iis jus postliminii* in potestatem gentis suæ redeuntium statum pristinum postliminium dicatur (§. 896. *Jur. gent. W.*): *Militibus ab hoste captis, si revertantur, jus postliminii competere debet.*

Hoc jus postliminii juris etiam esse civilis romani, notissimum est, & toti de eo inveniuntur tituli tam in Codice, quam Digestis. Facile autem & per se intelligitur, quod si milites capti hostis partes secuti fuerint, eo frui nequeant. Desinunt enim tunc esse capti, & hostes potius evadunt. Merito itaque etiam privantur juribus, quibus antea gaudebant.

§. 521.

Si milites provinciales ad servitia militaria actu adhibeantur, jura etiam & privilegia militaria ipsis debent competere. *Quando militibus provinc. jura milit. competant.*

Propter obligationes enim, quæ militibus incumbunt, jura etiam ipsis pecuniaria competunt (*dem. §. 318.*), quæ militaria dicuntur (§. 319.); Ut & privilegia pecuniaria, quæ rationem in militia habent (*dem. §. 372.*); Adeoque & militaria appellantur (§. 373.). Quare cum milites provinciales, si actu servitiis adhibeantur, ad eadem obligentur, ad quæ milites in genere (§. 260.): Intelligitur, quod tunc iisdem etiam jura & privilegia militaria competere debeant.

§. 522.

*Competunt
etiam vo-
luntariis.*

Voluntariis etiam jura & privilegia militaria competere debent.

Voluntarii enim, cum milites sint (§. 300.), ad omnia etiam obligantur, ad quæ milites in genere (§. 303.). Quare cum propter obligationes militum, quæ talium, jura & privilegia militaria ipsis etiam competere debeant (*dem.* §. 521.): In voluntariis etiam adest ratio horum sufficiens (§. 56. *Ontol. W.*). Cum itaque, ubi ponitur ratio sufficiens, ibi etiam ponendum sit id, quod propter eam est (§. 118. *ibid.*): Patet, quod & iisdem jura & privilegia militaria competere debeant.

Quoad privilegia hoc negat CHRIST. WILDVOGEL (§. 10. *Diff. de Præda milit.*), qui vero nec militibus eos accensendos putat (*ib.*). Quod tamen, cum obligationibus eorum teneri eosdem demonstratum sit, facile refellitur. Accedere quidem videtur jus civile romanum & fori minimum privilegio eodem excluduntur (*l. 3. Cod. de Offic. mag. mil. & l. fin. C. de Apparit. mag. milit.*). Quod vero sine dubio rationem suam habet in hypothese illa, quod miles non sit, nisi in numerum relatus; Voluntarii vero supra numerum sint, & quasi nec militare censeantur. Uti ex *l. fin. cit.* apparet. Quæ vero in numerum relatio principium saltem positivum est, neque adeo juri naturæ obstat.

§. 523.

*Quenam
privilegia
non compe-
tant.*

Privilegia vero militum, quæ rationem necessariam in militia non habent, sive ex mero favore conceduntur, ut voluntariis vel militibus provincialibus competant, necesse non est.

Dantur enim privilegia militum, quæ rationem necessariam in militia non habent (§. 381.); Adeoque ad favorem militiæ referenda sunt (§. 383.). Quum itaque privilegia hæc arbitraria sint (§. 382.): Facile patet, quod posita militia non ponantur, sed quod æque possibile sit eorum contrarium. Licet itaque in militibus voluntariis & provincialibus, si quidem hi actu serviant, militia adsit, adeoque & illis privilegia, quæ rationem sufficientem in hac habent, ipsis concedi debeant (§. 521. §22.): Ratio tamen necessaria non adest, ut ipsis etiam ea concedantur, quæ ex mero favore profluunt; Adeoque contrarium ejus æque possibile est. Quare cum id cujus contrarium æque possibile est, necessarium non sit (§. 279. *Ontol. W.*): Nec necesse est, ut voluntariis & militibus provincialibus ea militum privilegia concedantur, quæ rationem necessariam in militia non habent, sed ex mero favore procedunt.

§. 524.

Si tamen privilegium quoddam ex mero favore militibus in genere In quo casu concessum, neque voluntarii & milites provinciales eo specialiter exempti tamen sint, illud & his competit. *competant.*

Licet enim privilegia, quæ militibus ex mero favore conceduntur, voluntariis & militibus provincialibus necessario competere non debeant (§. 523.): Quod tamen non repugnet, iisdem illa competere, facile & per se intelligitur. Cum itaque tam voluntarii (§. 300.), quam milites provinciales, si actu serviant (§. 259.), ad milites in genere referantur; Adeoque eorum species sint; Ea vero, quæ generi competunt, competere etiam debeant speciei (§. 235. *Log. WOLF.*): Privilegia etiam, quæ militibus in genere conceduntur, competere etiam debent voluntariis & militibus provincialibus; nisi specialiter eximantur. Quare cum hoc hic non supponatur (*per hyp.*): In eo casu illis etiam privilegia, militibus ex mero favore concessa, competere debent.

§. 525.

Milites juribus & privilegiis suis renunciare possunt, quatenus id Quatenus non est contra jus tertii. *juribus suis renunciare possunt.*

Cum enim jus questitum dicatur, quod actu competit (§. 102. *Part. 3. Jur. nat. W.*): Jura & privilegia militum vero ipsis actu competere, per se pateat: Jura & privilegia militum, quæ ad illa referuntur, jura quæsitæ sunt. Quare cum naturaliter quilibet juri suo quæsito renunciare possit, quatenus id non est contra jus tertii (§. 118. *loc. cit.*): Militibus etiam licere debet, renunciare juribus suis & privilegiis, quatenus juri tertii inde præjudicium non inferatur.

Exemplum est in eo, quod tutelam etiam volentes suscipere (§. 479.) adeoque privilegio immunitatis a tutela renunciare nequeant; Item, quod jurisdictionem prorogare non possint, & alia.

§. 526.

Milites itaque juribus & privilegiis suis renunciare nequeunt, quæ Quibus cum obligationibus eorum connexa sunt. *non possunt.*

Cum enim obligationes militum, qua talium, sint erga reipublicam sive ejus rectorem (§. 129.); Ex obligatione vero jus nascatur (§. 23. *Part. 1. Jur. nat. W.*): Ex obligationibus etiam militum, qua talium, reipublicæ sive ejusdem rectori jus oritur. Quod si itaque obligationibus illis non satisfacerent: Facile apparet, fieri aliquid contra jus tertii. Quare cum dentur tam jura (§. 322.), quam privilegia (§.

372.) militum, sine quibus obligationibus suis satisfacere nequeunt; Quæ adeo cum his connexa sunt: Si illis uti nolint, sed iisdem renunciare mallent; Agerent contra jus tertii. Cum vero milites juribus suis & privilegiis renunciare non possint, si illud sit contra jus tertii (§. 525.): Patet, quod etiam renunciare nequeant illis, quæ cum obligationibus eorum connexa sunt.

§. 527.

Quibus in specie non possint.

Quare cum in militia contineatur ratio obligationum militarium (§. 130.); Adeoque & jura & privilegia, quæ rationem in eadem habent, cum obligationibus eorum connexa sint: *Milites juribus & privilegiis, quæ rationem necessariam in militia habent, renunciare nequeunt.*

§. 528.

Non proprie militibus.

Porro cum jura & privilegia, quæ militibus, quæ talibus, competunt, sive quod perinde est, rationem necessariam in militia habent, proprie militaria dicantur (§. 319. 373.): *Juribus & privilegiis militaribus, proprie sic dictis, renunciare nequeunt.*

§. 529.

Quibus in specie possint.

Contra vero cum dentur privilegia, quæ rationem necessariam in militia non habent (§. 372.), sed ex mero favore conceduntur (§. 383.); Adeoque cum obligationibus militaribus connexa non sint; ut ita juri tertii non adferantur (*dem.* §. 526.): *Privilegiis, quæ ex mero favore militibus conceduntur, renunciare possunt (§. 525.).*

§. 530.

Quando milites jura amittant.

Milites jura & privilegia sua amittunt, quamprimum milites esse

Jura enim & privilegia militibus saltem qua talibus competunt (§. 319. 373.); Adeoque propterea, quod sint milites. Quare cum id, propter quod al. erum est, ratio ejusdem sufficiens dicatur (§. 56. *Ontol. W.*): Ratio jurium & privilegiorum militarium in eo continetur, quod milites sint. Quamprimum itaque desinunt esse milites, cessat ratio illorum. Quare cum uti posita ratione sufficiente ponatur, ita etiam ea cessante cesset, quod propter eam est (§. 118. *loc. cit.*): Quod milites jura & privilegia sua amittant, quamprimum tales esse desinant, apparet.

Obstare nequit, quod veterani, qui tamen milites esse desinunt (§. 460.), servant adhuc jura quædam & privilegia; quæ militibus competunt. Ea vero illis, non qua militibus, sed qua veteranis relinquuntur. His enim etiam privilegia conferri convenit (§. 464.). Patet vero, quod

quod cum privilegia, quæ veteranis conceduntur, juris *saltem* positivi sint (§. 465.): Eadem ex mero favore concedantur (§. 385.), neque rationem in militia, utpote qua soluti sunt, habeant (§. 383.).

§. 531.

Quare cum militia solvantur, atque adeo milites esse desinant, qui *Si dimittuntur* quovis modo dimittuntur (§. 297.): *Milites quocumque modo dimissi jura amittunt.* & privilegia militibus competentia amittunt.

Dubium, quod circa veteranos oriri posset, remotum jam fuit ad §. præced. Et revera etiam jura & privilegia proprie militaria amittunt. Ea vero, quæ ipsis relinquuntur, ex mero favore conceduntur, & quæ veteranis, non qua militibus competunt. Uti ibidem monuimus.

§. 532.

Porro cum ii, qui militiam deserunt, eandem debito modo non *Si militiam præsentent*; Adeoque obligationibus suis minime satisfaciant (§. 131.); *Ju. deserant.* ra vero & privilegia propter obligationes militibus competant (§. 318. 371.); Adeoque illa minime competere possint iis, qui his non satisfaciunt: *Milites, qui militiam deserunt, jura & privilegia militibus competentia amittunt.*

Per notionem confusam hic præsupponitur, quid sit militiam deserere: Cum hujus loci nondum sit, distinctam reddendi. Quod si vero eam in sequentibus explicaverimus; Plenius etiam patebit, desertione utriusque finiri jura & privilegia militum: Non quidem desertor miles esse desinit, seu a nexu militiæ propterea solvitur, quod ipse semet ab eo solvere velit. Neque etiam ideo inde demonstrationem petii, quod miles esse desinat: Actu licet miles non sit. Si vero revertatur aut capiatur, utriusque obligabitur ad militiam, quam deseruit, reassumendam, si auctor belli ipsum recipere, neque potius pœnæ promeritæ dare malit. Utique autem is indignus est, ut juribus & privilegiis militiæ fruatur, qui ejus obligationibus non satisfacere, sed potius ab ea solvere se crimine licet studet.

§. 533.

Morte militum civili amittuntur jura & privilegia eorum.

Cum enim mortem civilem capitis deminutionem sive potius status *vili.* mutationem, stilo juridico dici, supra jam evicerimus (*dem* §. 312.): Milites eandem pati facile intelligitur, qui statum suum mutant vel amittunt. Cum itaque status militum, qua talium, militia dicatur (§. 83.): Mortem civilem subeunt, qui militia solvantur, sive, qui milites esse desinunt. Quare cum milites jura sua & privilegia amittant, quamprimum milites esse desinunt (§. 530.): Morte eorum civili eadem amitti, statim apparet.

Cur locutione hac mere civili uti libuerit, monuimus jam ad §. 312. citat.

§. 534.

*Personalia
sunt.*

Jura & privilegia militum personalia sunt.

Jura enim & privilegia militum saltem, qua talibus, competunt (§. 319. 373.); Adeoque cessant, si milites tales esse desinant (§. 530.). Cum itaque milites eadem non servant, si tales esse desinant, multo minus in alium illa transferri possent, facile intelligitur. Jura itaque & privilegia eorum ad personam eorundem restricta sunt, seu subiecto physico inhaerent. Quare cum jura, quae ad personam, cui competunt, ita restringantur, ut ab ea in aliam transferri non possint (§. 539. Part. 3. Jur. nat. W.), & privilegia, quae subiecto physico dantur (§. 864. Part. 8. I. c.), personalia dicantur: Facile etiam patet, quod jura & privilegia militum personalia sint.

Licer enim uxores militum quodammodo participes reddantur jurium & privilegiorum eorundem (§. 452.): Dici tamen nequit, quod in hoc casu proprie a militibus in alium transferantur: Cum maritus & conjux ita arctissime uniantur, ut instar unius personae spectari debeant (§. 469. loc. cit.).

§. 535.

*Morte naturali
exspirant.*

Jura & privilegia militum morte eorum naturali exspirant, consequenter in heredes non transeunt.

Jura enim & privilegia militum personalia sunt (§. 534.); Morte vero naturali personam exstingui per se constat. Quare cum tam jura personalia cum persona extinguantur (§. 542. Part. 3. Jur. nat. W.), quam privilegia personalia mortuo privilegiato exspirent (§. 865. Part. 8. loc. c.); Atque adeo utraque ad heredes non transeant (*ibid.* & §. 965. Part. 7. loc. cit.): Pater, quod jura & privilegia militum morte eorum civili exspirent, neque adeo ad heredes illorum transmittantur.

Ex ita absolvimus ea, quae de juribus militum, qua talium, dicenda nobis obvenere, si quidem privilegium fori excipias. Cum vero hoc processum etiam militarem a communi, quoad formam saltem, admodum diversum involvat, adeoque majoris ambitus sit, qui peculiari tractatione dignus videatur: Eandem capiti hujus speciminis ultimum reservamus. Quod & ideo necessarium fuit, quoniam processus militaris criminalem simul comprehendit. Doctrinam itaque de delictis militum & illorum poenis praemittere ipsa methodus requirit. Ad quam adeo nos statim sequenti capite convertimus.

FINIS CAPITIS TERTII

JURIS

JURIS MILITUM

NATURALIS

CAPUT IV.

DE DELICTIS MILITUM.

§. 536.

*Si milites ea non faciunt, ad quæ facienda obligantur; Vel faciunt ea, Quando-
ad quæ non facienda, sive omittenda, obligantur: Iidem obligationi-
bus suis adversantur, sive iisdem contraria agunt.* *nam mili-
tes obliga-
tionibus
suis adver-
sentur,*

Si enim milites ea non faciant, ad quæ facienda obligantur: Tunc
idem non est, ac si eadem facerent. Et si faciant ea, ad quæ non fa-
cienda sive omittenda obligantur: Itidem non est idem, ac si eadem
omitterent. Unum itaque horum pro altero substitui nequit (§. 183.
Ontol. WOLF.). Quare cum ea, quorum unum pro altero substitui
aut sumi nequit, contraria dicantur (*ibid.*): Milites, qui ea faciunt, aut
non faciunt, ad quæ omittenda vel facienda obligantur, contraria agunt
eorum, ad quæ obligantur. Patet itaque, quod in utroque casu mili-
tes obligationibus suis adversentur, sive iisdem contraria agant.

§. 537.

*Milites, qui obligationibus suis adversantur, sive iisdem contraria exavefi-
ciunt, a rectitudine actionum suarum deficiunt.* *tudine a-
ctionum de-
ficiant.*

Cum enim obligationes militum ad actiones eorum referendæ sint
(*dem.* §. 84.); Omnes vero actiones lege aliqua determinentur (*dem.* §.
85.); Et milites præsertim actiones suas, qua tales, juxta leges milita-
res determinare obligentur (§. 135.): Obligationes eorum legi quoque
subiunguntur, seu actiones eorum, ad quas obligantur, lege aliqua determi-
nari debent. Quod si vero obligationibus suis contraria agant: Facile
patet, quod actiones suas legi non convenienter, sed contrario potius
modo determinent. Cum autem lex regula sit (§. 131. *P. 1. Phil. pract.
univ. W.*) (Determinatio vero regulæ contraria in genere defectus dica-
tur (§. 477. *Ontol. W.*): Milites etiam, qui obligationibus suis contraria
agunt, defectum committunt. Cum vero actio hic non determinetur,

Jus mil. nat.

Ec

prout

prout determinari deberet (*per dem.*): Defectum hunc esse a rectitudine actionum, intelligitur (§. 81. P. 1. loc. cit.). Et hinc patet, quod milites, qui obligationibus suis adversantur, sive iisdem contraria agunt, a rectitudine actionum suarum deficiunt.

§. 538.

Quotuplici modo.

Quare cum defectus a rectitudine actionum vel ex parte intellectus, vel voluntatis ac noluntatis, vel facultatis denique locomotivæ esse possit (§. 81. cit.): *Milites etiam, qui obligationibus suis contraria agunt, a rectitudine actionum suarum vel quoad intellectum, vel quoad voluntatem ac noluntatem, vel quoad facultatem denique locomotivam deficiunt.*

§. 539.

Dolo vel culpa.

Si itaque milites obligationibus suis non satisficiant, sed iisdem potius adversentur, aut eorum contraria agant: Illud fieri potest vel dolo, vel culpa.

Si enim milites obligationibus suis contraria agunt, a rectitudine actionum suarum deficiunt (§. 537.), & quidem vel quoad intellectum, vel quoad voluntatem & noluntatem, vel denique quoad facultatem locomotivam (§. 538.). Cum vero penes aliquem stare possit, ut a rectitudine actionis deficiat, vel non deficiat (§. 691. loc. cit.), adeoque defectus vel vincibilis, vel invincibilis esse possit (§. 692. *ibid.*); Defectus vero actionis a rectitudine quoad voluntatem & noluntatem, dolo (§. 701. *ibid.*); Quoad intellectum vero, si vincibilis sit, culpa vocetur (§. 717. *ibid.*): Patet, quod milites, qui obligationibus suis contraria agunt, illud dolo vel culpa facere possint.

Deficere equidem etiam possunt a rectitudine actionum quoad facultatem locomotivam. Quoniam vero hæc, quatenus motus liberos comprehendit, a voluntate vel noluntate dependet (§. 68. 69. loc. cit.); Hic vero non nisi actiones liberas supponi, ex sequentibus patebit: Defectus actionis a rectitudine quoad illam sub dolo etiam contineri poterit.

§. 540.

Quando delinquant. quunt.

Si milites obligationibus suis dolo vel culpa contraria agunt, delinquant. quunt.

Si enim milites obligationibus suis dolo vel culpa contraria agant, eosdem actiones dolosas vel culposas obligationibus suis contrarias committere, per se patet. Quare cum actio dolosa vel culposa obligationi alicujus, sive qua quis tenetur aliquid faciendi vel non faciendi contraria

ria

ria; delictum dicatur (*per defn.*): Facile apparet, quod milites, qui obligationibus suis contraria agunt, delicta committant, sive delinquant.

Lubuit quidem Viro perillustri, L. B. de WOLF, maleficium, tanquam genus delictorum, definire per factum dolosum vel culpofum, quo alteri damnum datur, vel injuria inferitur (§. 580. *Part. 8. Jur. nat.*), & in specie maleficium, quo privato damnum vel injuria inferitur, delictum; maleficium vero, quo reipublice damnum vel injuria inferitur, crimen; Sive illud delictum privatum, hoc publicum appellare (§. 581. *ib.*). Cum vero damnum alteri non detur, vel injuria non inferatur, nisi ipsi ad quid obliger; Quod per definitionem damni & injurie statim patet (§. 859. *Part. 1. loc. cit.*); Apparet delictum ex eo potissimum oriri, quod quis obligationi suae adversetur. Et per modum corollarii inde fluit, quod per delictum, in alterum scilicet commissum, damnum ipsi detur, vel injuria inferatur. Magis itaque e re esse visum fuit, definitionem delictorum generi ipsorum magis appropinquare, praesertim cum tali modo formata aptior videatur ad deducenda delicta militaria. Sub hac etiam delicta erga se invicem commodius forsan comprehendere licebit.

§. 541.

Quare cum milites obligationibus suis aut dolo, aut culpa, contra-^{Voce vel}ria agere (§. 539.), adeoque etiam dolo vel culpa delinquere possint (§. ^{quasi delin-}540.); Delictum vero dolo commissum, verum, & culpa patratum, ^{quere pos-}quasi delictum appellari soleat (*per def. & §. 580. antea cit.*): ^{sunt.}Milites etiam vera vel quasi delicta committere possunt.

Vera tamen solum plerumque delicta intelligi solent, si vocabulo absque addito utaris. Quod ex materia substrata erit dijudicandum.

§. 542.

Si milites obligationi cuidam militari adversentur, qua tales delin- ^{Qua tales}
quant.

Obligatio enim militaris vocatur, quae militi, qua tali, incumbit (§. 120.). Si itaque milites obligationi cuidam militari adversentur, qua tales hoc faciunt. Quare cum milites, qui obligationibus suis contraria agunt, delinquant (§. 540.): Patet, quod si milites obligationi cuidam militari contraria agant, qua tales delinquant.

§. 543.

Delictum a milite, qua tali, commissum, *Delictum militare* vocatur. ^{Delicti mi-}Quod adeo definiri potest per actionem obligationi cuidam militari con-^{litaris defi-}trariam dolo vel culpa admissam. ^{nizio.}

Consentit cum hac definitione illa, quam ipsum jus civile tradit, dum pronunciat: Proprium militare est delictum, quod quis uti miles admittit (*l. 2. pr. ff. de Re milit.*).

§. 544.

Vel verum, vel quasi delictum est. Cum itaque delicta, quæ milites admittunt, vera vel quasi delicta esse possint (§. 541.). Delicta vero, quæ a milite, quæ tali, committuntur, militaria dicuntur (§. 543.): *Delicta militaria vera vel quasi delicta esse possunt.*

Si itaque de delictis militaribus simpliciter loquamur, utrumque intelligitur, nisi materia subtrata indigiter, ut non nisi vera supponantur.

§. 545.

Actiones liberae & imputabiles esse debent. Delicta militaria, quemadmodum delicta in genere, actiones liberae

sunt. Delicta enim militaria, quemadmodum in genere, vera vel quasi delicta sunt (§. 544.); Adeoque vel dolo vel culpa committuntur (*dem.* §. 541.). Dolus vero in defectu actionis a rectitudine quoad voluntatem ac noluntatem consistit (*loc.* §. 539. *cit.*). Quare cum voluntas attributum animæ (§. 830. *Pfych. emp. WOLF.*); Hæc vero in volendo & nolendo libera sit (§. 942. *ibid.*): Dolus, adeoque & actiones, quæ dolo committuntur, a libertate animæ pendent. Cum itaque actiones, quæ pendent a libertate animæ, liberae sint (§. 12. *Part. 1. Phil. pract. univ. WOLF.*); Delicta vero militaria vera actiones sunt, quæ dolo committuntur (§. 543. 544.): Patet, quod delicta militaria vera esse debeant actiones liberae. *Q. c. 1.*

Cum vero quasi delictum culpa committatur (§. 541.); Et hæc in defectu actionis a rectitudine quoad intellectum consistat (*loc.* §. 539. *cit.*); Intellectus vero per se liber non sit, nisi ex decreto animæ agat (§. 32. *Pfych. emp. WOLF.*): Videri etiam posset, ac si quasi delicta in genere, & in specie militaria, actiones liberae non sint. Quoniam tamen defectus, in quo culpa consistit, vincibilis supponitur (*per sup.*); Adeoque evitari potuisset, modo eundem committens voluisset (§. 99. *P. 1. Phil. pract. univ. WOLF.*): Utique culpa, quemadmodum ignorantia vincibilis (§. 29. *ibid.*), accensenda erit actionibus liberis. Quare cum quasi delicta culpa admittantur (*per sup.*): Eadem etiam in genere & in specie militaria, actiones liberae esse debent. *Q. c. 2.*

Actiones autem liberae etiam imputari possunt, sive imputabiles sunt (§. 528. *loc. cit.*). Quare cum delicta tam vera, quam quasi delicta, in genere & militaria in specie actiones liberae sint (*per dem.*): Patet, quod eadem etiam esse debeant actiones imputabiles. *Q. c. 3.*

§. 546.

§. 546.

Si milites necessitate quadam externa vel physica impediuntur, quo minus obligationibus suis satisfaciant, sed impelluntur potius ad iisdem milites non delinquant.

Cum necessarium dicatur, cujus contrarium impossibile est (§. 279. *Ontol. W.*): Physice necessarium est, cujus contrarium physice impossibile est. Quoniam itaque physice impossibile dicitur, quod potentie agentis, vel viribus ejus repugnat (§. 952. *Part. 1. Theol. nat. W.*): Si necessitate physica quis impediatur aliquid faciendi, vel impellatur ad quid faciendum, impossibile est, ut id faciat, vel non faciat, sive aliter agat; Neque adeo illud a libertate animæ pendet (§. 941. *Pfych. emp.*). Actiones vero, quæ a libertate animæ non pendent, liberæ non sunt (§. 12. *P. 1. Phil. pr. univ. W.*). Milites itaque etiam, qui necessitate aliqua externa sive physica impediuntur obligationibus suis satisfaciendi, sed impelluntur potius ad iisdem contraria agenda, libere non agunt. Quare cum ad delicta actiones liberæ requirantur (§. 545.): Patet, quod milites in eo casu non delinquant.

Demonstrari etiam posset ex eo, quod in casu dato neque dolus, neque culpa, adsit. Alterutrum vero ad delictum requiratur (*def. §. 540.*).

§. 547.

Delicta militaria publica sunt, sive crimina.

Delicta enim militaria actiones sunt obligationi cuidam militari contrariæ (§. 543.). Quare cum obligationes militares sint erga rempublicam (§. 132.): Facile apparet, quod delicta militaria committantur contra rempublicam. Cum vero ex obligatione jus oriatur (§. 23. *P. 1. Jur. nat. W.*): Ex obligationibus militaribus etiam jus esse debet reipublicæ, ne iis contra agatur. Quare, cum si quid fiat contra jus tertii, huic injuria inferatur (§. 859. *loc. cit.*): Per delicta militaria reipublicæ injuria inferitur. Delictum autem, quo reipublicæ damnum datur, vel injuria inferitur, publicum, seu crimen dicitur (§. 581. *Part. 8. loc. cit.*): Patet itaque, quod delicta militaria publica sint, sive crimina.

§. 548.

Delicta militaria inter graviora referenda sunt.

Delicta enim militaria publica sunt (§. 547.); Adeoque iisdem damnum inferitur reipublicæ (§. 581. *cit.*). Uti vero bonum publicum majus habendum est bono privato (§. 25. *loc. cit.*): Ita sine dubio damnum etiam, quod reipublicæ datur, majus est damno, quod privato

Inter graviora referenda.

infertur. Quamobrem cum gravitas delicti ex majori nocimento, quod illud affert, sive periculo, quod inde imminet, aestimanda sit (§. 62. l. c.): Patet, quod delicta militaria inter graviora referenda sint.

§. 549.

Milites alia etiam delicta committunt.

Milites alia etiam, quam militaria delicta committere possunt.

Militibus enim etiam, qua hominibus (§. 121.), & civibus obligationes incumbunt (§. 124.), quæ militares non sunt (§. 123. 125.). Milites itaque aliis quoque obligationibus, quam militaribus, tenentur. Illis vero etiam contraria agi posse, per se patet. Quare cum actio obligationi, qua quis tenetur, contraria, dolo scilicet vel culpa admissa, delictum sit (*per def. §. 540.*); Actio vero obligationi in specie militari contraria delicti militaris nomine veniat (§. 543.): Facile patet, quod milites alia etiam, quam militaria delicta committere possunt.

Ipso jure civili hoc agnoscitur, dum pronunciat: Militum delicta sive admissa, aut propria sunt, aut cum ceteris communia (l. 2. *princ. ff. de Re milit.*).

§. 550.

Quæ ad communia referenda.

Delicta, quæ a militibus præter militaria committuntur, ad delicta communia referenda sunt.

Delicta enim, quæ contra leges sive obligationes naturales aut civiles committuntur, in oppositione delictorum militarium, communia dici solent (*per def. & hyp.*). Quare cum milites & qua homines aut cives, adeoque alia etiam delicta committere possint, quam militaria (*dem. §. 549.*): Patet, quod hæc ad delicta communia referenda sint.

§. 551.

Es publica vel privata sunt.

Delicta, quæ milites præter militaria committunt, sive communia (§. 550.), vel privata vel publica esse possunt.

Naturales enim obligationes sunt tam erga se ipsum, quam erga alios; Civiles vero maxime erga rempublicam & concives (*per not.*). Delicta vero, quæ milites præter militaria committunt, sive communia, obligationibus naturalibus aut civilibus repugnant (*dem. §. 550.*); Adeoque iisdem vel aliis hominibus in specie sive toti reipublicæ damnum datur, aut injuria infertur. Quare cum delictum, quo privato damnum datur, vel injuria infertur, privatum; Quo vero reipublicæ, publicum sive crimen appellari soleat (§. 581. *Part. 8. Jur. nat. W.*): Apparet, quod delicta, quæ milites præter militaria committunt, sive communia, vel privata vel publica esse possint.

§. 552.

§. 552.

Interest reipublicæ, ne milites delinquant.

Hoc non unico modo poterit ostendi. Cum delictum actio obligationi ejusdam contraria sit (*per def. §. 540.*): Milites, qui delinquant, obligationibus suis adversantur. Qui vero obligationibus suis adversatur, cum iisdem non satisfacere, per se intelligitur. Milites itaque, qui delinquant, obligationibus suis non satisfaciunt. Quare cum reipublicæ intersit, ut milites satisfaciant obligationibus suis (§. 140.): Statim apparet, quod ejusdem etiam debeat interesse ne delinquant.

*Reipublicæ
interest, ne
milites de-
linquant.*

Aliter.

Delicta militaria publica sunt (§. 547.), & reliqua delicta, quæ milites præter illa committunt, publica saltem esse possunt (§. 551.). Cum itaque per delicta publica reipublicæ damnum detur, vel injuria inferatur (§. 551. P. 8. *Jur. nat. W.*): Si milites delinquant, sive qua tales, sive qua homines aut cives, eo reipublicæ damnum dari aut injuriam actui inferri, vel saltem inferri posse, facile apparet. Et licet etiam delicta tantum privata supponantur (*per hyp.*), quæ in privatos saltem committuntur (*loc. cit.*); Cum milites civitatem supponant (§. 13.); Adeoque hic membra civitatis supponere liceat, quibus damnum detur, aut injuria inferatur; Mediate saltem hanc vel illud tangere etiam rempublicam; Atque adeo quæcunque delicta milites committant, damnum vel injuriam inde resultare in rempublicam dici poterit. Interesse vero ejusvis, ne damnum ipsi detur, vel injuria inferatur, per se intelligitur. Interesse itaque etiam debet reipublicæ, ne milites delinquant.

Alio vero adhuc modo illud demonstrari potest, qui magis forsan ad hominem erit, quod dici solet, seu majorem evidentie sensum præbebit, cum anteriores abstracti magis videri possent. Multitudo nimirum militum exercitum constituit (§. 190.). Quo plures itaque sunt milites: Eo major est exercitus. Et cum per milites vis inferatur (§. 15.): Quo major est exercitus, eo major etiam vis inferri poterit. Vis illa vero, quæ bello inferitur, ad jus suum persequendum ab altero tendit, qui idem denegat, vel violat (§. 1.): Quo major itaque vis inferitur hosti; Eo facilius ab eo obtineri potest, quod bello intenditur, ut nempe jus nostrum tribuat. Cujusvis vero interesse, ut ipsi tribuatur jus suum, per se patet. Quodsi vero numerus militum, adeoque & exercitus minuatur, eo difficilior evadet consecutio juris sui. Interesse itaque etiam debet, ne numerus militum minuatur, & quidem reipublicæ, utpote
cujus

cujus jus bello publico, quale supponitur, persequendum est (§. 7.). Quoniam autem delictis, præsertim militaribus, graviores poenæ irrogari soleant, quæ vitam sæpius, aut corpus saltem ita petant, ut milites, qui iisdem afficiuntur, militiæ subducantur (*per hyp. & exper.*): Per delicta militum numerum eorundem minui facile apparet. Quare cum reipublicæ interfit, ne hoc fiat (*per dem.*): Interesse etiam debet, ne milites delinquant.

Cum quisque facile forsitan concedat, & demonstrari poterit, interesse etiam reipublicæ, ne in genere cives delinquant: Vel ex eo etiam illud de militibus ostendi potuerit, quod cives sint (§. 77.). Præstare tamen visum fuit, illud in specie de militibus, qua talibus, demonstrare, ut appareat, majus adhuc interesse reipublicæ in eo versari. Opus vero fuit hoc principio ad alia, & præsertim graviorum poenarum militibus delinquentibus statuendarum æquitatem inde demonstranda.

§. 553.

Delicta communia specialiter prohibenda.

Delicta etiam communia militibus specialiter prohiberi legibus militaribus, convenit.

Cum enim interfit reipublicæ, ne milites delinquant (§. 552.); Milites vero etiam delicta communia committere possint (§. 550.): Ut nec hæc committant, interest illius. Quare cum poenæ sint motiva actionum, adeoque & delictorum (*def. §. 540*), omittendorum (§. 282. *P. I. Phil. præf. univ. W.*): Convenit, ut militum animo obversetur, adeoque sæpius inculcetur, delicta etiam communia, præsertim etiam in militibus, gravissimis poenis plecti. Legibus itaque etiam militaribus in casum transgressionis poenas adjici expedit (§. 142.) Etcum leges istæ militibus non publicentur modo (§. 143.), sed sæpius prælegi debeant (§. 145.): Patet, quod conveniat, delicta quoque communia militibus legibus militaribus specialiter prohiberi.

Id quod praxi etiam conveniens deprehenditur. Articulis enim militaribus in universum forsitan omnibus delicta etiam communia continentur. Necessitatis vero hoc etiam propterea est, quoniam in delicta communia, si a militibus perpetrentur, graviores poenæ statui soleant, uti fieri debere suo loco demonstrabitur. Necesse itaque etiam est, ut milites hoc sciant, adeoque ab eorum commissione eo magis deterreantur.

§. 554.

Eo non fiunt militaria.

Si delictum commune in legibus militaribus militi prohibeatur specialiter: Eo non fit militare.

Delictum enim commune dicitur, quod obligationibus naturalibus aut civilibus repugnat (*def. §. 550.*). Quare cum milites iisdem obligationi-

tionibus teneantur (§. 121. 124.); Eadem tamen militares non sint (§. 123. 125.): Facile apparet, quod milites ad delicta communia non committenda obligentur extra respectum, quod sint milites. Quodsi itaque delictum commune legibus etiam militaribus militibus speciatim prohibeatur, uti fieri convenit (§. 553.): Nova iisdem obligatio non inducitur, sed ea saltem, quæ ipsi qua hominibus aut civibus saltem incumbit, firmatur & inculcatur. Licet itaque legibus militaribus propriæ actiones militum, qua talium, determinentur (§. 87.): Dici tamen nequit, quod propterea delictum commune a milite, qua tali, committatur. Quare cum delictum demum, quod a milite, qua tali, committitur, militare sit (§. 543.): Patet etiam, quod delictum commune eo non fiat militare.

§. 555.

Perfectio militis, qua talis, moralis nempe, in eo consistit, ut omnibus suis Perfectio obligationibus satisfaciatur, sive, quod perinde est, ut officiis suis bene fungatur. militis in

Cum enim perfectio in genere sit consensus in varietate (§. 503. *On. quo confis- sol. WOLF.*), & in specie perfectio moralis consistat in consensu actionum illarum, ad quas qua miles obligatur. Quoniam autem consensus est tendentia ad idem aliquod obtinendum (§. 503. *cir.*): Actiones militis, qua talis, consentient, si tendant ad eundem finem, propter quem milites constituuntur. Milites belli causa constitui constat (§. 14.). Consentient itaque actiones eorum, qua talium, si ea faciant, quæ ad bellum gerendum necessaria sunt, sive belli causa fieri debent. Ad hæc vero facienda obligantur (§. 157.); Et hæc quidem obligatio ejus ambitus est, ut reliquas omnes sub se comprehendat (*schol. ad eund.*). Si itaque omnibus suis obligationibus satisfaciatur: Actiones eorum qua talium consentient. Quare cum in hoc consensu perfectio eorum ponenda sit (*per dem.*): Patet, quod perfectio militis, qua talis, moralis nempe, in eo consistat, ut omnibus suis obligationibus satisfaciatur. *Q. c. 1.*

Et cum actiones militum juxta leges militares determinentur (§. 87.); Eatenus vero, quatenus ad eas ita determinandas obligentur milites, officia militaria dicantur (§. 139.): Facile intelligitur, quod obligationibus suis satisfaciatur, si officiis suis recte fungantur, & quod adeo dici possit, perfectionem militum in eo consistere. *Q. c. 2.*

Dari etiam perfectionem militum physicam, facile apparet. Cum enim per milites vis inferri debeat (§. 15.); Vim vero corpore, licet
Jus mil. nat. ff non

cujus jus bello publico, quale supponitur, persequendum est (§. 7.). Quoniam autem delictis, præsertim militaribus, graviore poenæ irrogari soleant, quæ vitam sæpius, aut corpus saltem ita petant, ut milites, qui iisdem afficiuntur, militia subducantur (*per hyp. & exper.*): Per delicta militum numerum eorundem minui facile apparet. Quare cum reipublice interfit, ne hoc fiat (*per dem.*): Interesse etiam debet, ne milites delinquant.

Cum quisque facile forsitan concedat, & demonstrari poterit, interesse etiam reipublicæ, ne in genere cives delinquant: Vel ex eo etiam illud de militibus ostendi potuerit, quod cives sint (§. 77.). Præstare tamen visum fuit, illud in specie de militibus, qua talibus, demonstrare, ut appareat, majus adhuc interesse reipublicæ in eo versari. Opus vero fuit hoc principio ad alia, & præsertim graviorum poenarum militibus delinquentibus statuendarum æquitatem inde demonstranda.

§. 553.

Delicta communia specialiter prohibenda.

Delicta etiam communia militibus specialiter prohiberi legibus militaribus, convenit.

Cum enim interfit reipublicæ, ne milites delinquant (§. 552.); Militares vero etiam delicta communia committere possint (§. 550.): Ut nec hæc committant, interest illius. Quare cum poenæ sint motiva actionum, adeoque & delictorum (*def. §. 540*), omittendorum (§. 282. *P. I. Phil. præf. univ. IV.*): Convenit, ut militum animo obverfetur, adeoque sæpius inculcetur, delicta etiam communia, præsertim etiam in militibus, gravissimis poenis plecti. Legibus itaque etiam militaribus in casum transgressionis poenas adjici expedit (§. 142.) Et cum leges istæ militibus non publicentur modo (§. 143.), sed sæpius prælegi debeant (§. 145.): Patet, quod conveniat, delicta quoque communia militibus legibus militaribus specialiter prohiberi.

Id quod praxi etiam conveniens deprehenditur. Articulis enim militaribus in univ. forsan omnibus delicta etiam communia continentur. Necessitatis vero hoc etiam propterea est, quoniam in delicta communia, si a militibus perpetrentur, graviore poenæ statui soleant, uti fieri debere suo loco demonstrabitur. Necessè itaque etiam est, ut milites hoc sciant, adeoque ab eorum commissione eo magis deterreantur.

§. 554.

Eo non fit unus militaria.

Si delictum commune in legibus militaribus militi prohibeatur specialiter: Eo non fit militare.

Delictum enim commune dicitur, quod obligationibus naturalibus aut civilibus repugnat (*def. §. 550.*). Quare cum milites iisdem obligationi-

tionibus teneantur (§. 121. 124.); Eadem tamen militares non sint (§. 123. 125.): Facile apparet, quod milites ad delicta communia non committenda obligentur extra respectum, quod sint milites. Quodsi itaque delictum commune legibus etiam militaribus militibus speciatim prohibeatur, uti fieri convenit (§. 553.): Nova iisdem obligatio non inducitur, sed ea saltem, quæ ipsis qua hominibus aut civibus saltem incumbit, firmatur & inculcatur. Licet itaque legibus militaribus proprie actiones militum, qua talium, determinentur (§. 87.): Dici tamen nequit, quod propterea delictum commune a milite, qua tali, committatur. Quare cum delictum demum, quod a milite, qua tali, committitur, militare sit (§. 543.): Patet etiam, quod delictum commune eo non fiat militare.

§. 555.

Perfectio militis, qua talis, moralis nempe, in eo consistit, ut omnibus suis Perfectio obligationibus satisfaciatur, sive, quod perinde est, ut officiis suis bene fungatur. militis in

Cum enim perfectio in genere sit consensus in varietate (§. 503. *On. quo conf. rol. WOLF.*), & in specie perfectio moralis consistat in consensu actionum liberarum (§. 9. *Part. 2. Phil. pract. univ.*): Perfectio moralis militis, qua talis, sine dubio consistit in consensu actionum illarum, ad quas qua miles obligatur. Quoniam autem consensus est tendentia ad idem aliquod obtinendum (§. 503. *cit.*): Actiones militis, qua talis, consentient, si tendant ad eundem finem, propter quem milites constituuntur. Milites belli causa constitui constat (§. 14.). Consentient itaque actiones eorum, qua talium, si ea faciant, quæ ad bellum gerendum necessaria sunt, sive belli causa fieri debent. Ad hæc vero facienda obligantur (§. 157.); Et hæc quidem obligatio ejus ambitus est, ut reliquas omnes sub se comprehendat (*schol. ad eund.*). Si itaque omnibus suis obligationibus satisfaciatur: Actiones eorum qua talium consentient. Quare cum in hoc consensu perfectio eorum ponenda sit (*per dem.*): Patet, quod perfectio militis, qua talis, moralis nempe, in eo consistat, ut omnibus suis obligationibus satisfaciatur. *Q. c. 1.*

Et cum actiones militum juxta leges militares determinentur (§. 87.): Eatenus vero, quatenus ad eas ita determinandas obligentur milites, officia militaria dicantur (§. 139): Facile intelligitur, quod obligationibus suis satisfaciatur, si officiis suis recte fungantur, & quod adeo dici possit, perfectionem militum in eo consistere. *Q. c. 2.*

Dari etiam perfectionem militum physicam, facile apparet. Cum enim per milites vis inferri debeat (§. 15.): Vim vero corpore, licet
Jur. mil. nat. ff non

non semper immediate, sed mediantibus etiam armis, inferri constat: Opus est, ut corpus militum ad vim inferendam valeat; Ita ut in milite robur corporis requiratur. Cum vero ad vim inferendam etiam arma faciant (§. 231.), adeoque eorum usum callere debeant milites (§. 232.), qui vero in actionibus physicis consistit (*per nos.*): Ad perfectionem militum physicam tam robur corporis, quam habitus armis utendi requiritur. Quoniam autem juris militaris objectum proprie non sunt nisi actiones militum morales (§. 89.), quorum consensus perfectionem moralem constituit (*per dem.*): Non etiam nisi de his tractandi locus hic est. Cum vero milites obligentur, usum armorum callere, adeoque habitum iis utendi sibi comparare (§. 232.): Patet, quod & ad perfectionem eorum moralem referendum sit, ut obligationi huic satisficiant.

§. 556.

Fama militis in quo consistat.

Fama militis, qua talis, in eo consistit, ut alii judicent, ipsum obligationibus suis satisfacere, sive officiis suis recte fungi.

Fama enim dicitur iudicium aliorum de alicujus perfectione (§. 553. *P. i. Jur. nat. W.*): Fama itaque militis, qua talis, consistere debet in iudicio aliorum de ejus perfectione. Quare cum perfectio militis, qua talis, moralis nempe, in eo consistat, ut obligationibus suis satisficiat, sive officiis suis recte fungatur (§. 555.): Patet etiam, quod fama ejusdem in eo consistat, si alii iudicium hoc de ipso ferre possint.

Famam bonam hic intelligi, cuivis facile apparebit. Licet enim eadem & mala esse possit. Voce tamen simpliciter posita, non nisi bona intelligi solet, & mala potius infamia dici (§. 862. *loco cit.*).

§. 557.

Quando non subsistat.

Fama itaque militis subsistere nequit, si obligationibus suis non satisficiat, sed iisdem potius contraria agat.

Si enim milites obligationibus suis non satisficiant, sed iisdem potius adversentur: Judicare etiam non licet aliis, quod milites obligationibus suis satisficiant, sive officiis suis recte fungantur. Quodsi itaque milites illud non agant: Tollitur ratio iudicii hujus. Quemadmodum vero posita ratione sufficienti ponitur; Ita & ea sublata tollitur, quod propter eam est (§. 118. *Ontol.*). Si itaque milites obligationibus suis non satisficiant: Tollitur etiam iudicium illud aliorum. Quare cum in hoc aliorum iudicio fama militis consistat (§. 556.): Patet, quod hæc subsistere nequeat, sed tollatur potius, si milites obligationibus suis non satisficiant, sed iisdem contraria agant.

§. 558.

\$5. 58.

Fama itaque militis subsistere nequit, sed tollitur potius, si delin-
quant. *linquant.*

Cum enim delictum sit actio obligationi cuiusdam contraria (*def.* §. 540.): Si milites delinquant, obligationibus suis contraria agunt. Quare cum fama militis subflittere nequeat, sed tollatur potius, si hoc agant (§. 558.): Patet, quod idem etiam fieri debeat, si delinquant.

§. 559.

Imperfectio militis, qua talis, moralis nempe, in eo consistit, sive Imperfecta nascitur, si obligationibus suis non satisfaciat, sive officii sui recte non sitio militis fungatur, sed inde potius contrarium agat.

Perfectio enim ejusdem in eo consistit, ut obligationibus suis satisfaciat, sive officiis suis recte fungatur (§. 555.). Si itaque hoc non agat, perfectioni suae contrarium agit. Quare cum contrarium perfectionis sit imperfectio (*per uor.*): Patet etiam statim, quod imperfectio militis inde enascatur, si obligationibus suis non satisfaciat, sive officiis suis recte non fungatur.

Poterit vero etiam ostendi sequenti modo. Actiones militum tunc demum consentiunt, si obligationibus suis satisfaciant (*per dem. § 555.*). Quodsi itaque hoc non agant, sed potius iisdem contraria: Actiones eorum non consentiunt; adeoque ad eundem finem, propter quem milites constituuntur, non tendunt (*ibid.*). Quodsi vero quædam non tendant ad commune aliquod obtinendum, inter se dissentiant (§. 503. *Ontol. IV.*). Patet itaque, quod in eo casu actiones militum inter se dissentiant. Quare cum in hoc dissensu plurium a se invicem differentium in uno imperfecto ponatur (*ibid.*): Intelligitur, quod imperfectio militis in eo ponenda sit, si obligationibus suis non satisfaciatur, sed iisdem contraria agat.

§. 560.

Cum itaque milites obligationibus suis contraria agant, si delin- *Ex delictis*
quunt (*per dem. §. 558.*); Imperfectio vero militis in eo consistat, si ob- *enascitur.*
ligationibus suis non satisfaciunt, sed contraria iisdem agant (§. 559.):
Ex delictis militum imperfectio eorum enascitur.

§. 561.

*Infamia militis, qua talis, in eo consistit, si alii judicent, eum. Infamia
dign obligationibus suis non satisfacere, aut officiis suis recte non fungi. militis in
quonam
Ff 2. Infamia consistat.*

Infamia enim dicitur iudicium aliorum de imperfectione cuiusdam (§. 562. P. 1. *Jur. nat. IV.*). Infamia itaque militis, qua talis, consistere debet in iudicio aliorum de ejusdem imperfectione. Quare cum imperfectio militis, qua talis, ex eo oriatur, si obligationibus suis non satisfaciatur, sive officiis suis recte non fungatur, sed iisdem potius contraria agat (§. 559.): Patet, quod infamia ejusdem in eo consistat, si alius iudicium hoc de ipso ferre liceat.

Infamiam facti hic intelligi, per se patet & ex sequentibus clarius apparebit.

§. 562.

Per delicta contrahitur. Delicta militum, & militaria in specie, naturaliter ipsis infamiam contrahunt.

Delicta enim, tam in genere (*dem. §. 540.*), quam militaria in specie (§. 543.) actiones sunt, obligationibus contrarie. Milites itaque, dum delinquant, obligationibus suis contraria agunt, adeoque iisdem non satisfaciunt. Si vero hoc agunt: Nec alii judicare possunt aliter. Quare cum in hoc iudicio aliorum de milite obligationibus suis non satisfaciente, infamia ejusdem consistat (§. 561.): Patet, quod per delicta militum, & militaria in specie, naturaliter infamia contrahatur.

§. 563.

Qua saltem infamia facti est. Infamia, quæ per delicta militum naturaliter contrahitur, facti saltem est, quæ dicitur.

Cum enim delicta maleficia (§. 581. P. 8. *Jur. nat. IV.*), adeoque facta sint (§. 580. *ib.*): Si per delicta infamia contrahitur, eadem ipso facto contrahitur. Et cum infamiam hic per delicta contrahi supponatur (*per hyp.*): Rationem ejusdem in solo jure nature contineri evidens est. Quare cum infamia, quæ ipso facto contrahitur, sive, si iudicium illud, quod infamiam constituit, rationem suam habeat in solo jure nature, infamia illa facti dici soleat (*per def. & not.*): Patet, quod infamia illa, quæ per delicta militum naturaliter contrahitur, facti tantum sit.

§. 564.

Ex effectibus civiles non civiles non producit. Infamia, quæ per delicta militum naturaliter contrahitur, effectus civiles non civiles non producit.

Quod enim effectus civiles a jure civili, adeoque voluntate superioris in civitate pendeant, per se intelligitur. Solo itaque jure civili efficitur, ut quid effectus civiles producat. Quare cum infamia ea, quæ per delicta

delicta militum contrahitur naturaliter, in solo jure naturæ rationem suam habeat (*dem. §. 563.*): Patet etiam, quod eadem effectus civiles producere non possit.

§. 565.

Ut delicta militum infamiam juris, quæ dicitur, contrahant, juris infamia positivæ est. *juris quando contrahatur.*

Infamia juris enim dicitur, quæ rationem suam habet in lege civili, factum aliquod pro infami declarante (*per def.*). Quare cum a lege civili effectus civiles proveniant (*dem. §. 564.*): Quod illa effectus civiles producere debeat, facile intelligitur. Infamia vero, quæ per delicta militum naturaliter contrahitur, effectus civiles non producit (*§. eod.*). Quare cum hi a lege civili, adeoque jure positivo pendeant (*per dem.*): Patet, quod hoc juris positivi sit, si delicta militum infamiam juris contrahant.

Sic plura delicta pro infamibus declarantur jure civili (*l. 1. ff. de His, qui not. inf.*), & in specie miles, qui lege Julia de adulterio fuit damnatus, ita infamis declaratur, ut etiam ipsa sententia eum sacramento ignominie causa solvat (*l. 2. §. 3. eod.*). Item milites, qui aliena prædia conducunt, infames constituuntur (*l. fin. Cod. de Locat.*). Pater vero, infamiam juris intelligi, si quædam modo delicta pro infamibus declarantur: Cum naturaliter infamia sint omnia (*per dem. §. 562.*).

§. 566.

Delicta militum, quæ ex timiditate oriuntur, famæ eorum maxime Quenam delicta po-
nocent, & infamiam præcipue contrahunt. *tissimum*

Fama enim militis in eo continetur, quod obligationibus suis satisfaciat (*§. 556.*); Uti ex adverso infamia oritur ex eo, si iisdem contraria agat (*§. 561.*); Adeoque in utroque casu alii ita judicare debeant. Quare cum timiditas obligationibus militum, in specie militaribus, maxime repugnet (*§. 242.*); Delicta vero militum cum fama eorum subsistere nequeant (*§. 558.*), sed infamiam potius contrahant (*§. 562.*): Patet, quod delicta militum, quæ ex timiditate oriuntur, famæ eorum maxime noceant, & infamiam ipsis præcipue contrahant.

§. 567.

Delicta militum & militaria in specie, quemadmodum delicta in ge. Fiunt sub
nere, non nisi sub certis circumstantiis fiunt. *circum-*

Cum mundus sit series entium finitorum tam simultaneorum, quam successivorum inter se connexorum (*§. 48. Cosmol. WOLF.*); Omnia vero, quæ sunt vel fiunt, in hoc mundo esse vel fieri, facile intelligatur:

Nihil est, aut fieri potest, absque quod etiam sint vel fiant alia extra illud, cum eo tamen connexa. Quare cum ea, quæ cum re simul fiunt extra eandem, cum ea tamen connectuntur, circumstantiæ ejusdem dicantur (*per def.*): Omnia, quæ sunt, vel fiunt, adeoque & actiones, esse vel fieri sub certis circumstantiis apparet. Quare cum delicta tum in genere, tum militum & militaria in specie, actiones sint (*Id. §. 540*): Patet, quod & eadem non nisi sub certis circumstantiis fiant.

Cum circumstantiæ dicantur ea, quæ cum re simul fiunt, & connectantur (*per dem.*); Tempus vero sit ordo successivorum (§. 572. *Ontol. IV.*); Spatium ordo coexistentium (§. 589. *loco cit.*), & locus in specie determinatus modus, quo unum cum aliis simul coexistit (§. 602. *ibid.*): Facile apparet tempus & locum circumstantias delictorum esse, quarum tamen plures adhuc inveniuntur.

§. 568.

Quæ delictum gra- aut minus nocementum infertur, vel majus aut minus periculum imminuit vel le- net, quam absque iisdem vel positis aliis, delictum iis gravius vel levius redditur.

Gravitas enim delicti ex nocemento, quod eo infertur, & periculo, quod inde imminet, æstimanda est (§. 625. *Part. 3. Jur. nat. WOLE.*). Quare cum hic supponatur, circumstantias, sub quibus committitur delictum, nocementum vel periculum inde emergens majus vel minus reddere, quam absque iisdem, vel positis aliis, foret (*per hypoth.*): Patet, quod & illæ in casu dato delictum gravius vel levius reddant.

Sic v. gr. circumstantiæ loci & temporis delicti gravitatem augent vel minuunt: Delictum enim in aula principis commissum pro graviore habetur, quam si alibi perpetretur. Et furtum nocturnum periculosius, adeoque gravius, reputatur diurno.

§. 569.

Aggravantia & mitigantia dantur. Quare cum circumstantiæ, quæ faciunt, ut delictum gravius reddatur, aggravantia; Quæ vero faciunt, ut levius evadat, mitigantia ejusdem dicantur (*per def.*); Delicta vero sub ejusmodi circumstantiis committi possint (§. 568.): Dantur etiam delictorum militum & militarium in specie aggravantia & mitigantia. Quæ adeo definiiri possunt circumstantiæ, quæ faciunt, ut delictum militum, & militare in specie, gravius vel levius reddatur.

§. 570.

Miles, qui negligens est in præstatione officiorum suorum, delinquit. Negligentia delictum est.
 Milites enim ad diligentiam in præstatione officiorum suorum adhibendam obligantur (§. 163.). Quare cum diligentia consistat in commissione eorum, quæ certo fine fieri debent (§. 751. Part. 1. Phil. præf. univ. W.); Negligentia vero in omissione eorundem (§. 750. *ibid.*); Adeoque hæc illi opponatur (§. 751. *cit.*) & per omissionem diligentiae definiri possit (§. 757. *loc. cit.*): Milites, qui negligentes sunt in præstatione officiorum suorum, diligentiam in eadem non adhibent; Atque adeo obligationi suæ non satisfaciunt, sed eidem potius contrarium agunt. Cum itaque milites, qui obligationibus suis, dolo scilicet vel culpa, contraria agunt, delinquant (§. 540.); Negligentia vero, cum non-usui facultatum cognoscendi debeatur (§. 751. *cit.*); Adeoque vincibilis sit (§. 632. *loc. cit.*) & a rectitudine actionis quoad intellectum deficiat (§. 81. *ibid.*), culpa committatur (§. 717. *ibid.*): Patet, quod miles, qui negligens est in præstatione officiorum suorum, delinquat.

§. 571.

Miles itaque etiam culpa delinquere possunt.

Culpa delictum est.
 Negligentia enim consistit in omissione eorum, quæ certo fine fieri debent, non-usui facultatum cognoscendi debita (§. 750. *loc. cit.*). Cum itaque in negligentia quoddam non fiat, quod fieri deberet; Idem vero libere fieri supponatur: Si negligentia committitur, in actione libera quid desideratur, & quidem cum id a facultate cognoscendi proveniat (*per alleg.*), ex parte intellectus. Si quid vero in actione libera vel ex parte intellectus, vel voluntatis, vel facultatis locomotivæ desideratur; Defectus rectitudinis oritur (§. 81. *ibid.*). Miles itaque, qui negligens est in præstatione officiorum suorum, a rectitudine actionis quoad intellectum deficit. Cum vero negligentia non-usui facultatis cognoscendi debeatur (*per add.*); Adeoque evitari posset, si usus hic adhiberetur: Defectus ille vincibilis est (§. 632. *l. cit.*). Quare cum defectus rectitudinis actionis quoad intellectum vincibilis culpa dicatur (§. 717. *ib.*): Miles, qui negligens est in præstatione officiorum suorum, culpam committit. Quoniam itaque miles, qui negligentiam admittit in præstatione officiorum suorum, delinquit (§. 570.): Patet, quod milites etiam culpa delinquere possint.

Quare cum delictum, quod culpa committitur, quasi delictum dicatur (§. 580. 581. Part. 8. Jur. nat. WOLF.); Milites quasi delicta etiam committere posse (§. 541.), & delicta præferrim militaria vera vel quasi delicta esse posse (§. 544.), jam demonstravimus.

§. 572.

§. 572.

*Delictum
militare
quosuplex.*

Delictum militare tot modis potest committi, quot sunt obligationes militares.

Cum enim obligationibus militaribus contrarium agi possit (§. 536.): Illud tot modis fieri posse apparet, quot sunt earundem. Quare cum actio obligationi cuidam militari contraria delictum militare dicatur (§. 543.): Patet, quod hoc tot modis possit committi, quot sunt obligationes militares.

§. 573.

*Qui legibus
milit. contra-
ria agunt, delin-
quunt.*

Milites, qui faciunt ea, quæ legibus militaribus prohibentur, vel non faciunt, quæ iisdem præciuntur, delinquent.

Si enim milites faciunt, quæ legibus militaribus prohibentur, vel omittant, quæ iisdem præciuntur, actiones suas non juxta illas, sed contraria potius ratione determinant (§. 138. Part. 1. *Pbil. pract. univ. WOLF*). Cum vero milites obligentur actiones suas determinare secundum leges militares (§. 135.): Milites, qui id agunt, obligationi suæ non satisfaciunt, sed eidem potius contrarium agunt. Quare cum milites, qui obligationibus suis non satisfaciunt, sed iisdem potius adversantur, delinquant (§. 540.): Patet etiam eodem delinquere, si faciant ea, quæ legibus militaribus prohibentur, vel omittant, quæ iisdem præciuntur.

Cum ad omne delictum dolus vel culpa requiratur (*def. §. 540.*): Facile apparet, quod milites dolo aut culpa facere ea, sive omittere debeant, ut delicti arguantur. Hoc itaque semper supponitur, si factum quoddam delictum esse in sequentibus demonstrabitur, illud dolo vel culpa committi vel omitti.

§. 574.

*Item, qui
leges milit.
non serv-
vant, sed
transgre-
diuntur.*

Cum itaque legem servare dicatur, qui actiones suas juxta eam determinat (§. 138. *loc. cit.*); Transgredi vero, qui easdem contraria ratione determinat, quam juxta illam determinare debebat (§. 139. *ibid.*); Milites autem, qui faciunt ea, quæ legibus militaribus prohibentur, & omittunt, quæ iisdem præciuntur, actiones suas non secundum illas, sed contraria potius ratione determinent (*dem. §. 573*): Iidem etiam leges militares non servare, sed transgredi potius, apparet. Quare cum milites in eo casu delinquant (§. 573.): *Milites, qui leges militares non servant, sed easdem transgrediuntur, delinquent.*

§. 575.

Milites, qui invito auctore belli a militia discedunt, delinquant. *Aut a militia discedunt.*

Cum enim milites in genere ad militiam obligentur (§. 38.); Nec absque permissione auctoris belli ab ea discedere possint (§. 296.): Milites, qui eo invito discedunt, obligationi suæ contrarium agunt. Quare cum milites in hoc casu delinquant (§. 540.): Patet, quod milites, qui invito auctore belli a militia discedunt, delinquant.

Supponit hoc vero, auctorem belli jure invitum esse, sive in discessum dissentire posse. Pro dissentiente enim non habetur, qui non jure dissentit. Quare & milites conductitii, quorum tempus effluxit, recusata licet ipsis dimissione, proprie & naturaliter non delinquere, si discedant, mox demonstrabitur. In eo casu enim pro invito non habetur, qui nullum dissentientiendi jus competit.

§. 576.

Milites, qui sponte sua, invito vero auctore belli, a militia discedunt, illam *deserere*, adeoque *Desertores* dicuntur. Et discessus militis a militia sponte sua sed invito auctore belli susceptus, *Desertio* vocatur. *Desertoris & desertionis definitio.*

Cum milites ad militiam, vario licet discrimine, obligentur (§. 38.); Auctor belli vero non in omni casu dissentire possit in discessum a militia (§. 503.): Apparet, quod tam in milite obligatio ad militiam, quam in auctore belli jus dissentiendi supponendum sit, ut desertio veri nominis committatur, quæ nempe pro delicto haberi debeat. Uti in sequentibus pluribus demonstrabitur: MODESTINUS quidem desertionem definit per eum, qui per prolixum tempus vagatus, (reducitur) (l. 3. §. 3. ff. de Re milit.). Hanc vero minus adæquatam esse, uti facile apparet, monuit J. O. KOSTKA (§. 3. art. 30. Observ. milit.).

§. 577.

Milites, qui militiam deserunt, delinquant, & quidem, quatenus. *Qui militiam deserunt, delinquant.*

Milites enim in genere, tam lecti, quam conductitii, ad militiam obligantur (§. 38.); Neque adeo invito auctore belli ab eadem discedere possunt (§. 296.). Cum itaque milites, qui deserunt militiam, invito auctore belli ab ea discedere supponantur (§. 576.): Milites, qui deserunt, obligationi suæ adversantur. Quare cum milites, qui obligationibus suis agunt contraria, delinquant (§. 540.): Milites etiam, qui militiam deserunt, delinquere apparet. Sive brevius. Milites enim, qui militiam deserunt, ab eadem invito auctore belli discedunt (§. 576.). Quare cum milites, qui invito auctore belli a militia discedunt, delinquant (§. 575.): Patet, quod milites, qui militiam deserunt, delinquant. *Q. e. l.*

Jus mil. nat.

Gg

Et

Et cum militia sit status militum, qua talium (§. 83.): Obligationem ad eam militi, qua tali incumbere, facile concedetur. Quare cum obligatio, quæ militi, quatali, incumbit, militaris dicatur (§. 120.): Obligationem ad militiam militarem esse, nullus poterit dubitare. Cum itaque milites, qui deserunt, obligationi huic adversentur (*per dem. n. 1.*): Eosdem obligationi militari contrarium agere, clucet. Milites autem, qui obligationi militari adversantur, delinquant qua tales (§. 542.): Patet itaque, quod milites, qui militiam deserunt, in specie qua tales delinquant. *Q. e. 2.*

Dolum semper aut culpam supponi, si milites delinquere dicantur, monuimus jam ad §. 573.

§. 578.

Quid desertio supponat.

Ut desertio pro delicto haberi possit, eadem obligationem ad militiam supponit.

Cum cuius delictum sit actio obligationi cuiusdam contraria (*def. §. 540.*): Illud semper in delinquente obligationem quandam supponere, cui ille adversatur, palam est. Desertio itaque etiam, si pro delicto haberi debeat, supponere debet obligationem quandam, cui adversetur. Quare cum desertio in discessu a militia consistat (§. 576.): Hic vero obligationi ad eandem contrarius sit (*per dem. §. 577.*): Patet etiam, quod desertio obligationem ad militiam supponere debeat, ut pro delicto habeatur.

§. 579.

Injuste coactus desertio non committit.

Si itaque miles, qui ad militiam injuste fuit coactus, ab eadem discedat, sive eam deserat, naturaliter non delinquit, neque pro desertore, quoad effectum nempe pene, haberi potest, etsi juraverit.

Miles enim, qui ad militiam injuste cogitur, ad eandem non fit obligatus (§. 46.): In milite itaque, ad militiam injuste coacto, obligatio ad eandem non adest. Quare cum desertio, ut pro delicto habeatur, supponat obligationem ad militiam (§. 578.): Desertio vero in discessu a militia consistat (§. 576.): Si miles, qui injuste ad militiam fuit coactus ab eadem discedat, naturaliter non delinquit. *Q. e. 1.*

Cum vero desertio proprie non intelligatur absque delicto (§. 577.): Ea vero pro delicto haberi non possit, nisi obligatio ad militiam ponatur (§. 578.): Licet miles injuste coactus a militia discedat (*per hyp.*), adeoque desertionem committere videatur (§. 576.), proprie tamen pro desertore haberi nequit. *Q. e. 2.*

Et

Et cum milites injuste ad militiam coacti non obligentur, licet jurent (§. 152.); Propter deficientem obligationem ad militiam autem miles, injuste coactus, si discedat, neque delinquat (*per dem. n. 1.*); Neque pro desertore haberi possit (*per dem. n. 2.*): Patet, quod & hoc non possit, etsi juraverit.

Cum hic *injuste* coactus supponatur ad militiam: Nullum ex hac thesi præjudicium metuendum est. Cogi enim etiam jure ad militiam posse subditos (§. 41), & milites ad juramentum (§. 153.), in superioribus jam demonstravimus. Justitiæ autem auctoris belli cujusvis tantum erit tribuendum, ut supponi liceat, ipsum omnem vim injustam a conductiane militum abesse velle, & improbare, si quæ forsitan ab iis injuste suscipiantur, quibus exercitium juris majestatici milites conducendi commisit. Ne etiam defectus obligationis in injuste coacto ad abusum trahatur: Statim casus quidam adjiciuntur, quibus ille cesset, sive purgetur, & quibus miles, licet quondam injuste fuerit coactus, delinquat tamen, si deserat.

§. 580.

Quod si tamen miles, ad militiam injuste coactus, postea stare voluerit, & illud verbis aut factis declaraverit, se promissioni illi invalide stare promissioni velle; Ille, si discedat a militia invito auctore belli, utique delinquit, & stare voluerit, pro desertore habendus est.

Miles enim, licet injuste ad militiam coactus, in casu dato ad eandem fit obligatus (§. 48.). Si itaque ab eadem invito auctore belli discedat, obligationi suæ adversatur. Quare cum miles, qui hoc agit, delinquat (§. 540.), & in specie, si a militia discedat, desertor fiat (§. 576.): Patet, quod in casu dato miles, injuste licet coactus, si a militia discedat, utique delinquat & pro desertore habendus sit.

§. 581.

Similiter, si miles injuste ad militiam coactus, libere eam continuaverit, etsi occasio deserendi non defuerit: Ille, si tandem a militia invito etiam sponte continuaverit, auctore belli discedat, delinquit & pro desertore habendus est.

In eo enim casu miles, injuste licet coactus, ad militiam fit obligatus (§. 49.). Quare cum plus ad defectionem, ut pro delicto haberi possit, non requiratur (§. 578.): Eodem, quo antea modo (§. 580.) patet, militem etiam in eo casu, si discedat, delinquere & pro desertore recte haberi.

§. 582.

Denique etiam, cum subditus extra casum necessitatis, adeoque injuste, coactus ad militiam, casu tamen necessitatis superveniente, ad

G g 2

mili-

necessitatis militiam obligetur (§. 50.); Obligatio hæc vero ex desertione delictum efficiat (§. 578.): *Subditus etiam, qui extra casum necessitatis injuste ad militiam coactus fuit, si casus iste supervenerit, delinquit & pro desertore recte habetur, si invito auctore belli a militia discedat.*

Hæc positis limitationibus, uti poni debent (*per dem.*), non facile eveniet casus, quo miles injuste licet ad militiam coactus, absque delicto eam deserere poterit. Fieri enim plerumque solet, ut consensum, quem ab initio recusarunt, postea vel tacite declarent, & militiam libere continuant, quam non nisi coacte susceperunt. Renunciant itaque hoc modo juri, quod ex coactione ipsis competebat, & obligationem sibi impositam inducunt, quæ antea non aderat. Eo minus itaque aliquid rei militari præjudicii metuendum erit ex ea, quam duce jure naturali, tueri licet, thesi, quod miles injuste coactus non delinquit, neque pro desertore, quoad effectum scilicet pænæ habendus sit, si a militia discedat.

§. 583.

Qui non rogata dimissione discedit, delinquit.

Miles, qui a militia non rogata dimissione discedit, delinquit.

Milites enim in genere ad dimissionem rogandam obligantur, si a militia solvi cupiant (§. 298.). Si itaque absque rogata dimissione discedant, obligationi suæ contrarium agunt. Quare cum miles, qui hoc facit, delinquat (§. 540.): Idem etiam patet de milite, qui non rogata dimissione discedit a militia.

Videri posset, quasi miles, qui absque dimissionis rogatione discedit, non delinquat modo, sed & desertor sit. Et plerumque etiam hoc ita se habet, uti §. seq. statim evincetur. Cum vero detur etiam casus, quo miles id agens delinquat quidem, naturaliter tamen proprie desertionem non committat, uti §. subsequenti demonstrabitur: Ideo desertionem in genere cessari non licuit de omni, qui absque dimissione rogata discedit a militia.

§. 584.

Inspecie miles lectus est, si absque rogata, aut rogata quidem, sed non impetrata dimissione a militia discedat, delinquit & desertor est.

Miles lectus & conductitius, qui ad certum tempus capitulatus non est, si ad certum tempus capitulatus non est, si non rogata dimissione discedat a militia, non delinquit modo, sed & desertor sit.

Milites enim tam lecti (§. 290.), quam conductitii ad certum tempus non capitulati invito auctore belli a militia discedere non possunt (§. 291.). Quod si itaque hoc agant: Obligationi suæ adversantur. Quare cum miles, qui obligationi suæ contrarium agit, delinquat (§. 540.), & in specie, qui invito auctore belli a militia discedat, desertor sit (§. 576.): Patet, quod miles lectus & conductitius, qui ad certum tempus capitulatus non est, si non rogata dimissione discedat a militia, non delinquit modo, sed & desertor sit. *Q. e. i.*

Licet

Licet vero militibus lectis casu necessitatis cessante (§. 500.), ut & conductitiis ad certum tempus non capitulatis (§. 501.), jus competat dimissionem rogandi: Hoc tamen jus perfectum non est (*ibid.*). Auctor itaque belli nec jure perfecto obligatur, ad dimissionem eiusdem concedendam, si illum rogent: Quodsi itaque eandem recuset: Dici nequit, quod obligationi suæ adversetur. Quare cum in hoc demum casu duorum paciscentium alter etiam ab obligatione sua liberetur (§. 327. *Part. 3. Jur. nat. WOLF.*): Nec milites lecti & conductitii, ad certum tempus non capitulati, ab obligatione sua ad militiam solvuntur, sed capotius adhuc subsistit, licet dimissio ipsis recusetur. Quare cum discessus a militia utique pro desertione, scilicet quoad effectum delicti habendus sit, si in milite obligatio ad militiam supponatur (§. 578.): Utique tam miles lectus, quam conductitius, si dimissione quidem rogata, sed non impetrata, discedant a militia, delinquent & desertores sunt. *Q. c. 2.*

§. 585.

Miles conductitius, qui ad certum tempus capitulatus est, si illo An miles, elapso absque rogatione dimissionis discedat, delinquit quidem, naturali- qui ad cer- ter tamen desertor proprie dici nequit. tum tem- pus capit-
latus est.

Milites enim in genere, sive lecti, sive conductitii, ad dimissionem rogandam obligantur, si discedere cupiant a militia (§. 298.). Miles itaque etiam conductitius, licet ad certum tempus saltem capitulatus fuerit, si illo elapso discedere velit, eadem obligatione tenetur, adeoque si non rogata dimissione discedat, obligationi suæ non satisfacit, sed adversatur. Quare cum miles in hoc casu delinquat (§. 540.): Patet, quod miles conductitius etiam delinquat, si elapso quidem tempore, ad quod capitulatus est, absque tamen dimissionis rogatione discedat. *Q. c. 1.*

Cum vero ad certum tantum tempus capitulatum illum fuisse, supponatur (*per hypoth.*); Capitulatio vero pactum sit (§. 53. 55.); Adcoque mutuo consensu niritur (§. 788. *Part. 3. Jur. nat. WOLF.*): Auctor belli etiam consensit, ut tempore illo elapso miles discedere possit. Quodsi itaque tempus capitulatione expressum actu effluxerit, auctor belli dissentire nequit in discessum a militia (§. 503.); Adcoque pro consentiente habendus est (§. 563. *Part. 5. Jur. nat. WOLF.*). Licet itaque miles dimissionem non rogaverit, neque adeo consensum expresse impetraverit: Hunc tamen presumere licebit. Si itaque miles effluxo illo tempore discedat a militia, quod hoc fiat invito eodem proprie dici nequit. Quare cum desertor demum sit, qui invito auctore belli a mi-

litia discedit (§. 576.): Patet, quod miles conductitius ad certum tempus capitulatus, si hoc effluxo absque dimissione rogata discedat, et si delinquat, pro desertore tamen haberi proprie non possit. *Q. c. 2.*

Legibus tamen positivis constitui posse, ut & in hoc casu pro desertore quoad effectum scilicet poenae habeatur miles, vix dubitari poterit. Cum enim milites ad servandas leges militares obligentur (§. 137.), & hanc obligationem juramento firmare soleant; Miles vero, qui in leges militares jurat, in poenas etiam ipsis statutas consentiat (§. 155.); Adeoque illi per harum infractionem injuria non fiat (§. 156.): Militem etiam conductitium, cum in militiam hoc pacto suscipiendam consentiat, pro desertore recte haberi, si expressa lege hoc fuerit statutum, apparet. Naturaliter enim etiam, cum delinquat (*per dem. n. 1.*), ipsum plechti posse, et si non eadem, qua desertores, poena, juris erit.

§. 586.

Si ipsi dimissione recusata, a militia discedat, proprie non delinquit, sed multo minus pro desertore haberi poterit.

Miles conductitius, ad certum tempus capitulatus, si illo elapso, dimissione rogata, sed recusata, a militia discedat, proprie non delinquit, sed multo minus pro desertore haberi poterit. Cum enim milites conductitii effluxo illo tempore, ad quod capitulati sunt, ad militiam amplius non obligentur (§. 502.); Attamen si ab ea discedere velint, dimissionem rogare debeant (§. 298.): Si & hoc fecerint, obligationis eorum nihil reliqui est. Et cum dimissionem jure perfecto exigant (§. 502. cit.); Neque adeo eadem ipsis jure possit recusari (§. 235. *P. 1. Phil. pract. univ. WOLF.*): Ex recusatione ejusdem militibus nova obligatio induci nequit. Si itaque milites conductitii, tempore convento, dimissione rogata sed recusata discedant, obligationi suae non adversantur. Quare cum in hoc demum casu delinquant milites (§. 540.): Patet, quod nec iidem proprie non delinquant. *Q. c. 1.*

Cum vero desertio delictum involvat (§. 377.); Milites autem conductitii, si tempore capitulationis elapso, & dimissione rogata sed recusata, discedant, proprie non delinquant (*dem. n. 1.*): Nec iidem pro desertoribus haberi poterunt. *Q. c. 2.*

§. 587.

Desertio delictum proprie militare, & quidem omnium maximum quale delictum sit. & praeipuum est.

Desertio enim delictum est, & a militibus, qua talibus, committitur (§. 577.). Quare cum delictum, quod a milite, qua tali, committitur, militare dicatur (§. 543.): Patet, quod desertio sit delictum proprie militare. *Q. c. 1.*

Deser-

Desertio vero in discessu a militia consistit (§. 576.); Et in militia continetur ratio omnium obligationum militarium (§. 130.). Quare cum uti posita ratione sufficienti ponatur, ita eadem sublata, tollatur etiam, quod propter eam est (§. 118. *Ontol. WOLF.*): Per desertionem tolluntur omnes obligationes militares. Desertio itaque iisdem omnibus repugnat. Cum itaque actio quælibet obligationi saltem cuidam militari contraria delictum militare sit (§. 543.): Si delictum quoddam obligationibus militaribus omnibus simul repugnat, eo majus dari nequit (§. 352. *loc. cit.*). Quo vero majus non datur, illud maximum est. Patet itaque, desertionem delictorum militarium omnium maximum & præcipuum esse. *Q. e. 2.*

§. 588.

Desertio delictum gravissimum est.

Delictum

Delicta enim militaria inter graviora referenda sunt (§. 548.). Quare cum desertio non modo sit delictum militare, sed præterea omnium maximum (§. 587.): Patet etiam, quod eadem delictum gravissimum sit. *Quænam*

§. 589.

Desertio simul perfidiam & perjurium involvit.

Quænam

Milites enim ad militiam juramento adstringi solent (*per hypoth.*); *delicta involvat.* Uti fieri convenit (§. 148.): Juramentum vero militare est promissio jurata de servandis legibus militaribus, & præsertim de militia non deserenda (§. 149.). Qui itaque militiam deserit, sive desertionem committit, contrarium facit ejus, quod faciendum alteri promisit, sive, ad quod se alteri obligavit, & quod se facturum juravit, neque adeo juramentum servat (§. 931. *Part. 3. Jur. nat. WOLF.*). Quare cum is, qui contrarium facit ejus, ad quod faciendum sese alteri obligavit, perfidiam (§. 767. *loc. cit.*), & qui juramentum non servat, perjurium committat (§. 932. *ibid.*): Patet, quod desertio perfidiam simul & perjurium involvat.

Ex hac ratione turpitudinem desertionis naturalem deduxit perill. L.B. de WOLF (§. 768. *Jur. gent.*).

§. 590.

Desertio naturaliter delictum maxime infame est.

Delictum

Delicta enim militaria in genere naturaliter infamiam militibus contrahunt (§. 561.); Infamia vero militis in eo consistit, si alii judicare de infamia ejus debent, ipsum obligationibus suis non satisfecisse, sed potius contraria egisse

egisse (§. 561.). Cum itaque desertio omnibus obligationibus militari-
bus simul repugnet (§. 587. *dem. n. 2.*); Adeoque delictorum milita-
rium maximum & præcipuum sit (§. *cit.*): Eandem etiam infamiam
maximam contrahere militi, qui eam suscipit, apparet. Cum vero de-
sertio perfidiam simul & perjurium involvat (§. 589.); Ex his vero eidem
maxima nascatur turpitudine naturalis (§. 768. *Jur. gent. WOLF.*): Quod
desertio delictum naturaliter maxime infame sit, intelligitur.

§. 591.

*Miles
transfuga
desertor
est,*

Miles transfuga, sive, qui ad hostem transfugit, desertor est.

Transfugæ enim dicuntur, qui a nostris ad hostes fugiunt, & eorum
in bello causam contra nos sequuntur (§. 803. *loc. cit.*). Quare cum ho-
stis dicatur, adversus quem bellum geritur (§. 11.); Milites vero sint,
per quos bellum geritur (§. 14.): Si milites ad hostem transfugiunt,
eisdem bellum amplius contra hostem gerere non posse, apparet. Cum
vero milites ad hoc obligentur (§. 157.); Idque obligatio eorum genera-
lis (*schol. ad §. cit.*); Adeoque cum præstatione militiae idem sit (§. 131.):
Militem transfugam a militia discedere, intelligitur; Et illud ipso spon-
taneo, invito vero auctore belli fieri, supponitur, & per se patet. Cum
itaque miles, qui a militia sponte sua, sed invito auctore belli, discedunt,
desertores sint (§. 576.): De militibus transfugis idem patet.

Omnis itaque miles transfuga desertor, sed non omnis desertor trans-
fuga est: Licet hoc plerumque fiat in bello. Transfugium itaque ad
hostes a milite susceptum non simplex, sed qualificata desertio est, ut-
pote cui circumstantia quædam accedit, quæ desertionis delictum gra-
vius adhuc reddit (§. 569.). Cum enim per simplicem desertionem hoc
saltem damnum oriatur, ut respublica careat ope militis desertoris: Per
transfugium eadem hoc adhuc detrimentum sentit, ut cum debilitatione
ejusdem vires hostis simul crescant. Majus itaque sine dubio est damnum,
quod reipublicæ ex desertione cum transfugio connexa, quam quod ex
simplici emergit; Adeoque etiam desertio per illud gravior redditur (§.
568.), uti ex sequentibus patebit.

§. 592.

*& perduel-
lis.*

Transfugium militis ad hostem crimen perduellionis simul involvit.

Cum enim miles transfuga ad hostes se conferat (*per def. §. 591.*); Ho-
stis vero dicatur, cum quo bellum geritur (§. 11.); Adeoque bellum sup-
ponatur: Per milites transfugas hostis comperit, quæ belli causa apud
nos aguntur (SCHOEPPER *D. de milit. def. cap. 2. §. 24.*); Sicque
status potissimum exercitus inde ipsi innotescit. Hoc vero exercitui,
adeoque & reipublicæ, cujus partes ille agit, perniciosum esse posse,
nemo

nemo est, qui dubitet. Per militem itaque transfugam ea aguntur, quæ in everfionem aut labefactionem reipublicæ tendunt. Quare cum, qui hæc agit, crimen perduellionis committat (§. 1067. Part. 8. Jur. nat. WOLF.): Patet, quod transfugium militis ad hostem crimen perduellionis simul involvat.

Aliter.

Transfuga miles simul fit miles hostis (*per def. & hyp.*); Quare cum hostis sit, cum quo bellum geritur (§. 11.); Et miles ad bellum gerendum adhibeatur (§. 14.): Miles transfuga jam bellum infert ei, cui antea militabat, sive reipublicæ, cujus subditus est (§. 77.). Cum vero bello vis inferatur (§. 1.): Hæc vero tendat ad labefactandas aut evertendas res alterius (*per not.*): Miles transfuga vires suas consert ad everendam rempublicam, cujus tamen membrum fuit. Quare cum eo crimen perduellionis committatur (§. 1067. cit.): Etiam hoc modo patet, illud cum transfugio militis ad hostem esse connexum.

Crimen perduellionis etiam desertores committere putat SCHOEPPER (§. 37. loc. cit.): Et jus civile desertionem lege Julia majestatis comprehendit (l. 2. & 3. ff. ad L. Jul. maj.). Cum vero simplex desertio nihil contineat, quod contra personam superioris committatur, vita aut imperio ipsum privando; Neque ex simplici alicujus desertione everfio, aut labefactatio saltem reipublicæ metuenda sit; In quibus tamen crimen perduellionis consistit (§. 1067. cit.): Simplicem desertionem ad illud referendam esse, mihi quidem non videtur.

§. 593.

Transfugium ad hostem in milite præsertim, delictum gravissimum; Transfugium quale fit delictum. Proprie tamen militare non est, quam quatenus simul desertionem involvit.

Transfugium enim, si a milite committatur, desertionem simul involvit (§. 591.). Quare cum desertio delictum gravissimum (§. 588.), & militarium omnium maximum sit (§. 587.); In transfugio militis vero crimen perduellionis insuper accedat (§. 592.), quod iterum per se gravissimum est (§. 1063. Part. 8. Jur. nat. WOLF.): In transfugio militis gravissima duo delicta, desertio nempe & perduellio concurrent: Patet itaque, illud in milite delictum esse gravissimum. Q. e. l.

Cum vero delictum transfugarum a quovis etiam subdito committatur, qui a suis ad hostes fugit (§. 803. Jur. gent. WOLF.); Ab aliis itaque, quam militibus, committi etiam potest. Non itaque militum proprium est, neque a milite, qua tali, committitur. Quare cum delictum, quod militum proprium non est, neque ab iis, qua talibus, committitur.

Jus mil. nat.

Hh

mitti.

mittitur, militare dici nequeat (§. 543.); Transfugium tamen militis simul desertionem (§. 591.), adeoque delictum militare (§. 537.), involvat: Transfugium militis ad hostem delictum militare proprie non est, quam quatenus desertionem simul involvit.

§. 594.

Miles ab hoste captus, qui hujus militiam amplectitur, antequam accedat alia causa, quæ ipsum a militia solvit, delinquit.

Capti delinquant, si cedat alia causa, quæ ipsum a militia solvit, delinquit.

Ut enim miles alteri se dare possit in militiam, a militia priori solvatur, necesse est (§. 513.). Ut itaque miles captus militiam hostis amplecti possit, a militia saltem, quam hæcenus præstitit, solvi debet. Quare cum capti propterea non solvantur a militia (§. 306.), neque ab obligationibus suis liberentur (§. 307.), adeoque nec hosti se dare possint in militiam (§. 514.), propterea, quod capti sint: Milites capti utique obligationi suæ adversantur, qui hostis militiam propterea solum amplectuntur, quod capti sint: Quare cum milites, qui obligationibus suis contraria agunt, delinquant (§. 540.): Patet etiam, quod milites capti sola captivitate ducti ad militiam hostis amplectendam delinquant, *Q. e. 1.*

Cum vero captivitati aliæ accedere possint causæ, quibus miles captus a militia solvatur (§. 308. 511.); Adeoque in iis casibus ad militiam amplius non obligetur (§. 305.), sed vel hosti se dare possit in militiam (§. 515. 517.): Milites capti in iisdem casibus, si nempe captivitati alia accedat causa, quæ ipsos a militia solvit, obligationi suæ non adversantur. Quare cum milites tunc demum delinquant, si hoc faciant (§. 540.): Patet, quod miles ab hoste captus, qui hujus militiam amplectitur, tunc demum etiam delinquat, si alia causa non accedat, quæ ipsum solvit a militia, *Q. e. 2.*

Quæ licentiæ huic ipso jure naturæ concedendæ ob stare possent, removinimus jam ad §. 513. & 309. Hic enim saltem quaeritur, an obligationi suæ militari adversetur, si caprus hosti se det in militiam? Alia enim accedere potest causa, cur licet a militia solutus, alienam tamen, & multo minus hostilem militiam amplecti quis nequeat. Quæ vero, si penitus inspicientur, dubio subesse non possunt; Uti pluribus ostendimus loc. cit.

§. 595.

Miles ab hoste captus, qui, alia causa non accedente, quæ ipsum a militia solvit, hostis partes amplectitur, pro desertore & transfuga habendi.

Cum

Cum enim causa solutionis a militia non sit captivitas (§. 306.); Alia vero causa solvens a militia hic non supponatur (*per hypoth.*): Obligationem ad militiam hic adhuc adesse patet. Cum vero obligationi huic jus respondeat (§. 23. *Part. 1. Jur. nat. WOLF.*): Auctori belliciam jus est dislentiendi, ne a militia discedat miles ab hoste captus. Jure itaque pro invito habendus est auctor belli in casu presenti. Quod si itaque miles captus, alia non accedente causa, quæ militia ipsum solvit, hostis partes sequatur: Invito auctore belli a militia discedit. Quare cum miles, qui invito auctore belli a militia discedit, desertor dicatur (§. 576.): Patet etiam, quod miles in eo casu pro desertore habendus sit. *Q. c. 1.*

Et cum in specie transfuga dicatur, qui partes suorum deserendi, hostiles contra suos amplectitur (*dem. §. 591.*); Hoc vero hic fieri supponatur (*per hypoth.*): Intelligitur etiam, quod miles captus, qui hostis militiam amplectitur, alia causa non superveniente, quæ ipsum a militia priori solvit, pro transfuga habendus sit. *Q. c. 2.*

Si enim alia quacunque ratione militia solvatur: Dici nequit, quod a suis ad hostem transfugiat. Sui enim non sunt, quibuscum militare amplius non obligatur. Et cum hostis sit, contra quem bellum geritur (§. 11.); Si vero militia solvatur, nec ad bellum contra eundem gerendum obligetur (§. 310.): Hostis incuitu ejus amplius dici nequit, qui antea erat. Simul vero apparet, quod in milite capto alia adesse possit causa, quæ ipsum, a militia licet solutum, arceat tamen ab amplexu militiæ ejusvis & multo magis hostilis; Si v. gr. subditus sit. Uti hoc pluribus jam monuimus & demonstravimus (*Schol. ad §. 513. & 309 & §. 516.*).

§. 596.

Quare cum tam desertio (§. 587.), quam transfugium ad hostes (*Ad eoque §. 593.*) delictum gravissimum sit; Utrumque verò committat miles ab hoste captus, si absque alia causa accedente, ejusdem militiam amplectatur (§. 595.): *Amplexus servitorum militarium apud hostem a milite capto susceptus, alia non accedente causa, delictum gravissimum est.* *gravior delinquant.*

§. 597.

Si miles ab hoste captus cogatur, vel vi adigatur ad militiam ejusdem (*Non. si co-* amplectendam, nec delinquit, nec pro desertore aut transfuga haberi *gatur ad militiam hostilem.* potest.

Si quis enim cogatur, sive vi externa adigatur (§. 579. *P. 1. Phil. pract. univ. WOLF.*), ad quid faciendum; Hoc a libertate animæ non pendet. Cum itaque actiones, quæ a libertate animæ non pendent, liberae

dici nequeant (§. 12, *loc. cit.*); Neque etiam actio coacta imputari possit coacto (§. 586. *ibid.*): Si miles ab hoste captus cogatur ad militiam ejusdem amplectendam, actio ejusdem neque libera, neque imputabilis est. Quare cum actio libera & imputabilis supponatur, ut quis delinquit (§. 545.): Facile patet, quod si miles ab hoste captus, non nisi vi externa coactus militiam ejusdem amplectatur, ille non delinquit. *Q. e. 1.*

Cum vero tam desertio (§. 587.), quam transfugium (§. 593.) delictum sit: Qui non delinquit, dum quid agit, nec desertionem aut transfugium committit. Quare cum miles ab hoste captus, si cogatur ad ejusdem militiam amplectendam, non delinquit (*per dem. n. 1.*): Eundem nec pro desertore aut transfuga haberi posse, apparet. *Q. e. 2.*

Cavendum vero est, ne pro actione coacta statim habeatur, quæ non nisi invita est, qualis est, si quis vel metu mali cujusdam imminentis permoveatur ad quid faciendum, quod non facere mallet (§. 582. *loc. cit.*). Quoniam enim hæc utique actio libera & imputabilis est (§. 589. *ibid.*): Miles captus utique delinquit, si vel minis, vel etiam durioribus quibusdam mediis, statim sibi permoveri patiatur ad hostis partes amplectendas.

§. 598.

Captus, qui non revertitur, delinquit.

Miles ab hoste captus, qui non revertitur, cum posset, delinquit.

Milites enim capti ab obligationibus suis non solvuntur, nisi in quantum per captivitatem impediuntur, quo minus iisdem satisfaciant (§. 307.). Quare cum ad militiam præstandam obligentur (§. 131.): Milites capti ad idem obligati manent; Licet captivitate impediuntur, quo minus obligationi isti possint satisfacere. Quod si vero ex captivitate redeant: In eum statum reducuntur, quo obligationi suæ satisfacere queunt. Si itaque non revertantur, eum possint: A voluntate ipsorum dependet, quod obligationi suæ non satisfaciant; Adeoque a rectitudine actionis deficiunt quoad voluntatem. Defectu itaque voluntatis obligationi suæ non satisfaciunt. Quare cum defectus a rectitudine actionis quoad voluntatem dolus dicatur (§. 701. *P. 1. Phil. præf. univ. WOLF.*): Milites vero, qui obligationibus suis dolo non satisfaciunt, delinquant (§. 540.): Miles etiam ab hoste captus, qui non revertitur, cum posset, delinquit.

Jure quidem civili delictum hoc pro tanto sumitur, ut qui captus, cum poterat redire, non rediit, pro transfuga habeatur (*l. 5. §. 5. ff. de Re milit.*). Si vero notionibus velis inniti, neque transfuga, neque desertor haberi poterit. Desertio enim discessum a militia, vel derelictionem ejusdem (§. 576.); Transfugium vero amplexum militiæ hostilis (*dem. §. 591.*) supponit. Neutrum vero a milite capto suscipi, ponitur (*per*

(*per hypoth.*). Licer itaque delinquat, si non revertatur, cum possit (*per dem.*): Neutiquam tamen pro transfuga aut desertore haberi poterit; Cum neque militiam suam derelinquere, neque hostilem amplecti supponatur. Forſan vero ARRIUS MENANDER in d. l. caſum illud reſpicit, quo miles ex captivitate dimiſſus ad ſuos non revertitur, ſed aut alibi digreditur, aut apud hoſtem manere ſponte eligit. Utique enim tunc in priori caſu deſertionem, & in poſteriori transfugium committit.

§. 599.

Miles, qui miniſterium belli detrectat, ſive ſervitia militaria quaecunque recuſat, delinquit.

Milites enim tam ad miniſterium belli (§. 163.), quam ad ſervitia militaria præſtanda obligantur (§. 182.). Si itaque hæc recuſent, ſive illud detrectent, obligationi ſuæ repugnant. Quare cum milites, qui hoc agunt, delinquant (§. 540): Patet etiam, quod miles, qui miniſterium belli detrectat, vel ſervitia militaria quæcunque recuſat, delinquat.

§. 600.

Si ſtipendium debito tempore non ſolvatur, ſed ultra tempus remaneat, hoc militibus jus non dat, ſervitia militaria recuſandi.

Militibus equidem ſtipendium præciſe, adeoque debito tempore, ſolvendum eſt (§. 346.). Et cum pro præſtatione operarum, ſive ſervitiorum militarium (§. 180.), ſolvatur (§. 344.); Si vero ab una parte paciſcentium non præſtetur, quod debet, nec altera præſtare teneatur, quod hæc debet (§. 827. *Part. 3. Jur. nat. WOLE.*); Videri poſſet, quaſi in eo caſu nec milites ad præſtationem ſervitiorum tenerentur. Quoniam vero cauſis ſaltem extrinſecis fieri poſſe conſtat, ut belli præſertim tempore, ſtipendiorum ſolutio impediatur (*per exper.*); Neque adeo auctor belli in præſtatione ejus, ad quod obligatur, deficiat; In hoc vero demum caſu & alter ab obligatione ſua liberetur (*loc. cit.*): Nec milites ab obligatione ſua ſervitia debita præſtandi liberabuntur, ſi ſtipendia debito tempore non ſolvantur, ſed ultra illud remaneant. Cum enim id ex aliis cauſis fieri poſſit, præſumi nequit, quod ſtudio omittatur; Sed potius inter adverſa referendum eſt, quæ cum patientia ferenda ſunt (§. 593. *Part. 1. loc. cit.*). Quare cum obligatio militum ſervitia præſtandi in eo caſu adhuc ſubſiſtat (*per dem.*); Obligatio vero neceſſitatem agendi involvat (§. 118. *Part. 1. Phil. præſt. univ. WOLF.*); Neque adeo eum facultate contrarium agendi ſubſiſtere poſſit, in qua jus recuſandi conſiſtit (§. 156. *ibid.*): Patet etiam, quod militibus jus eo non eveniat ſervitia militaria recuſandi, ſi ſtipendiorum ſolutio ultra debitum tempus remaneat.

§. 601.

Sed & in eo casu delictum est, *Milites itaque, qui servitia militaria propterea recusant, quod stipendiorum solutio debito tempore non fiat, delinquant.*

Cum enim militibus in eo casu jus non sit servitia recusandi (§. 600.); Sed potius eosdem obligatio adhuc teneat illa præstandi (*per dem. ib.*): Si eadem recusent, obligationi suæ nihilo secius adversantur. Quare cum milites, qui contra obligationem, qua tenentur, agunt, delinquant (§. 540.): Patet, quod fiat etiam in eo casu, si servitia recusent propterea, quod stipendia debito tempore non solvantur.

§. 602.

Et quidem militare.

Detrectatio ministerii belli delictum militare est.

Milites enim ad vim hosti inferendam constituuntur (§. 15.). Quare cum ministerium belli omnes actiones comprehendat, quibus hosti vis inferitur, vel ab ipso illata repellitur (§. 162.); Milites vero ideo ad illud obligentur (§. 163.): Milites ad ministerium belli, qua tales, obligari facile apparet. Obligatio vero, quæ militi, qua tali, incumbit, militaris dicitur. Cum itaque detrectatio ministerii belli delictum sit (§. 599.); Atque adeo actionem obligationi cuidam contrariam supponat (*def. §. 540.*): Si milites ministerium belli detrectent, illos obligationi militari adversari intelligitur. Quare cum milites, si obligationi cuidam militari contraria agant, qua tales delinquant (§. 542.); Delictum vero a milite, qua tali, commissum, militare dicatur (§. 543.): Patet, quod detrectatio ministerii belli delictum militare sit.

§. 603.

Ut & recusatio servitiorum militarium.

Similiter recusatio servitiorum militarium delictum militare est.

Servitia enim militaria cum operis militaribus idem sunt (§. 180.). Operæ vero militares dicuntur, quas ministerium belli exigit (§. 172.). Quod si itaque hæc sive servitia militaria recusentur, ministerium belli simul detrectari, absque re elucet. Cum vero detrectatio ministerii belli delictum militare sit (§. 602.): Idem etiam esse recusationem servitiorum militarium, apparet.

§. 604.

Recusatio pugne delictum est,

Milites, qui pugnare cum hoste recusant, delinquant.

Milites enim ad pugnandum cum hoste obligantur (§. 159.). Si itaque pugnare recusant: Contrarium faciunt ejus, ad quod obligantur. Quare cum milites, qui contrarium faciunt obligationum suarum, delin-

delinquant (§. 540.): Patet, quod etiam delinquant milites, si cum hoste pugnare recusant.

§. 605.

Recusatio pugne cum hoste delictum militare est.

*Es quidem
militare.*

Cum enim pugna cum hoste ad vim ipsi inferendam tendat (*per not.*); Ut vero vim inferat hosti, in notione militis contineatur (§. 15.): Ad pugnam cum hoste militem, qua talem, obligari (§. 159.), apparet. Quare cum miles, qui pugnare recusat, propterea delinquat, quia ad idem obligatur (§. 604.): Eundem etiam, qua talem, delinquere patet. Quare cum delictum a milite, qua tali, commissum, militare dicatur (§. 543.): Intelligitur etiam, quod recusatio pugne cum hoste delictum militare sit.

§. 606.

Milites, qui ex acie fugiunt, delinquant.

*Fuga ex
acie deli-
ctum est,*

Milites enim ad proelia committenda obligantur (§. 239.); Proelium vero pugna cum hoste dicitur (*per def. ibi t.*). Qui itaque ex proelio sive acie fugiunt, pugnare recusant. Quare cum milites hoc agentes delinquant (§. 605.): Patet etiam, eos delinquere, qui ex acie fugiunt.

§. 607.

Fuga ex acie delictum militare, & quidem, præsertim, si a pluribus simul suscipiatur, gravissimum est.

*Es quidem
militare
gravissi-
mum.*

Fuga enim ex acie recusationem pugne continet (*dem. §. 606.*). Recusatio pugne vero delictum militare est (§. 605.): Idem itaque etiam esse debet fuga ex acie. *Q. e. 1.*

Cum vero acies sive proelium pugna cum hoste dicatur (*def. §. 606.*); Per pugnam vero hosti vis inferatur (*dem. §. 605.*): In proelio sive acie vis hosti actu inferitur & inferri debet. Quoniam itaque vis hosti inferitur (§. 15.): Quo plures in acie sunt milites, eo major vis etiam hosti poterit inferri. Si itaque milites, & præsertim plures simul, ex acie aufugiant, minuitur vis, quæ hosti inferri debet; Adeoque vis hostis major evadere potest nostra. Vi vero majori facile repellitur minor. Per fugam itaque militum ex acie, præsertim si a pluribus simul suscipiatur, fieri facile potest, ut proelium amittatur, & exercitus cladem experiatur. Cladem vero tum exercitui, tum reipublicæ, cujus causam ille agit, perniciosissimam esse, res notissima est. Ex fuga itaque ex acie, a pluribus præsertim simul suscepta reipublicæ maximum periculum imminet, & detrimentum maximum inferri poterit. Quare cum

ex

ex incumento, quod infertur, & periculo, quod imminet, gravitas delicti æstimanda sit (§. 625. Part. 8. Jur. nat. WOLF.): Patet etiam, quod fuga ex acie, præsertim si a pluribus simul fiat, delictum gravissimum sit. Q. c. 2.

Hæ quidem & aliæ propositiones, quas jam demonstramus, etiam absque probatione a plerisque facile concedentur. Cum vero ad determinandas pœnas faciat nosse, quale sit delictum quodcumque, & quousque gravitas ejusdem extendatur; Methodus vero tum cognoscendi, tum cognita tradendi solidior non admittat, nisi sufficienter demonstrata: Superfluum reputari non poterit, quod in demonstrandis iis commoremur, quæ per se nota videri possent.

§. 608.

Præcipue infamat.

Fuga ex acie fama militum maxime nocet, & infamiam ipsis præcipue contrahit.

Cum enim proelia cum periculo amissionis vitæ, aut integritatis membrorum connexa sint (dem. §. 240.): Fugam ex acie metu hujus periculi suscipi, judicare aliter non licet. Cum vero fuga ex acie delictum (§. 606.); Adeoque actio obligationi contraria sit (def. §. 540.): Qui ex acie aufugiant, metu periculi abduci se patiuntur ad quid faciendum, quod facere non debebant. In hoc vero vitio timiditas consiluit (def. §. 242.). Fugam itaque ex acie delictum esse, quod ex timidine oritur, facile apparet. Quare cum delicta militum, quæ ex timidine oriuntur, famæ eorum maxime noceant, & infamiam præcipue contrahant militibus (§. 566.): Hoc etiam de fuga ex acie patet.

Cum delictis poenæ imponendæ sint, uti in sequentibus demonstrabitur; Dentur vero etiam poenæ infamæ; Quæ ut delictis etiam potissimum infamiam contrahentibus, irrogentur, convenit: Scire etiam expedit, quænam sint ea delicta, quæ famam militum maxime sugillant.

§. 609.

Resistentia imperii præfectorum delictum est.

Milites, qui imperii præfectorum vel infimorum resistunt, vel obedientiam ipsis recusant, delinquant.

Milites enim imperio præfectorum vel infimorum subiecti sunt (§. 212.); Adeoque vi hujus subjectionis ad obedientiam ipsis præstandam obligantur (§. 216.). Quodsi itaque obedientiam iisdem recusent, vel imperio eorum resistent, obligationi suæ contrarium agunt. Quare cum milites, hoc facientes, delinquant (§. 540.): Milites etiam, qui imperio præfectorum vel infimorum resistunt, aut obedientiam ipsis recusant, delinquant.

Hinc

Hinc legibus positivis graves poenæ statutæ sunt in eos, qui præfectis suis vel inimis, veluti exentis, in rebus imperii militaris se opponunt, ita ut, si gladio nudato præsertim fiat, manu vel capite plectentur.

§. 610.

Milites, qui præfectis suis, ipsos castigare volentibus, resistunt, & Etiam si re-
linquunt. *sistatur*

Jus enim milites castigandi concessum esse eorum præfectis, adeoque cum horum imperio connecti (§. 185.), hic supponitur (*per hypoth.*). Si itaque milites præfectis suis ipsos castigare volentibus se opponunt: imperio horum resistunt. Quare cum milites, si hoc faciunt, delinquant (§. 609.): Delinquent etiam, si castigationi præfectorum se opponant.

Cum jus milites castigandi proprie ad jurisdictionem in eosdem pertineat, de qua agendi locus nondum datur: Hic saltem per hypothesin præsupponitur, illud præfectis concessum esse. Suo vero loco clarius patebit, quod concedi conveniat. Dispositionem jurium positivorum de hac re affert PET. MÜLLER (§. 6. cap. 5. *Diff. de Mand. Ducum milit.*). Jure etiam civili in hanc resistantiam severissime jam fuit animadversum (*l. 13. §. 4. ff. de Re milit.*).

§. 611.

Milites itaque, qui ea non faciunt, quæ ipsis a præfectis suis vi imperii his competentis mandantur, adeoque præcipiuntur, vel faciunt, quæ faciant, prohibentur, delinquant. *que mandantur,*

Milites enim ad omnia obligantur, quæ ipsis a præfectis suis vi imperii mandantur (§. 221.); Adeoque facienda, quæ præcipiuntur, & non facienda, quæ vetantur (§. 222.). Si itaque ea non faciunt, quæ mandantur, & in specie præcipiuntur, vel faciunt, quæ prohibentur, contrarium agunt eorum, ad quæ obligantur. Quare cum milites, qui hoc agunt, delinquant (§. 540.): Patet etiam, quod in casu dato delinquant.

Ex modo demonstratis etiam ostendi illud facere poterit. Milites enim, qui non faciunt, quæ ipsis a præfectis suis vi imperii mandantur, & in specie præcipiuntur, vel faciunt, quæ prohibentur, obedientiam iisdem non præstare (*dem. §. 221.*), sed imperio potius eorum resistere (*dem. §. 216.*), palam est. Quare cum milites, qui imperio præfectorum resistunt, vel debitam ipsis obedientiam recusant, delinquant (§. 609.): Eosdem delinquere, hoc etiam modo evincitur.

Jus mil. nat.

II

§. 612.

§. 612.

*Modo ad
ministerium
belli
spectant,*

• *Milites, qui imperio præfectorum alia mandantium, quam quæ ad ministerium belli spectant, resistunt, proprie non delinquant.*

Milites equidem, qui imperio præfectorum vel minimorum resistunt, delinquant (§. 609.). Cum vero imperium præfectorum ultra ministerium belli non procedat (§. 219.): Si quæ a præfectis militum mandantur, quæ ministerium belli non concernunt, hæc ad imperium eorum non pertinent. Dici itaque nequit, quod in iis milites imperio illorum resistant. Obligatio itaque militum ad ea, quæ ipsis a præfectis mandantur, restricta etiam est ad ea, quæ ministerium belli concernunt (§. 221.). Si itaque talia mandentur, quæ ad hoc non pertinent: Milites obligationi suæ adversari dici nequeunt. Quare cum milites tunc demum delinquant, si obligationibus suis contraria agunt (§. 540.): Patet, quod milites etiam proprie non delinquant, si imperio præfectorum alia mandantium, quam quæ ad ministerium belli faciunt, resistunt.

Consentiunt in hac re tam doctores juris, uti PET. MÜLLER (§. 1. seqq. cap. 6. *Diff. de Mandatis Duc. milit.*); STEPH. WAGA (§. 6. *Diff. de Resist. famæ per vex.*) & alii, quam jura militaria positiva, uti Suecicum §. 24. art. 4. & Tigurinum §. 25 art. 25. Quorum priori constitutum est, ut in eo casu, si talia mandentur, cognitio ad judicium militare deferatur. Resistentis itaque etiam solum ad res imperii militaris restringi solet, uti juri militari patrio art. 10. & aliorum. Resistentia imperii etiam dici nequit, quæ fit in rebus ad imperium non pertinentibus, quales hic supponuntur. Omnem vero resistentiam, si etiam jure fieri possit, debita tamen reverentia fieri debere, facile patet, & adeo resistentiam in rebus quibuscunque absque hac factam delictum esse, mox demonstrabitur. Quantum etiam jus hoc resistendi restrictum sit, §. sequenti statim apparebit.

§. 613.

*Licet dubium hoc
sit.*

Quodsi tamen dubium sit, an ea, quæ a præfectis mandantur, ad ministerium belli pertineant nec ne, milites utique delinquant, si eadem non faciant, sed imperio talia mandantium resistant.

Si enim dubium sit, an ea, quæ a præfectis mandantur, ad ministerium belli pertineant, nec ne: Nihilominus milites ad ea absque resistentia facienda obligantur (§. 213.). Quodsi itaque in eo casu non faciunt, quæ mandantur; Obligationi suæ adversantur. Quare cum milites, qui hoc agunt, delinquant (§. 540.): In casu etiam dato eosdem delinquere, appareat.

Judi-

Judicium enim de iis, quæ ad ministerium belli faciunt, nec ne, militibus relinqui nequit, uti nec in genere de iis, quæ ad bellum gerendum necessaria sunt (§. 783. *Jur. gent. IVO LF.*). Nullum itaque præjudicium ex eo metuendum est, quod resistere ipsis liceat in iis, quæ ad ministerium belli non pertinent (§. 612.). Cum judicium ipsis de iisdem ademptum sit. Nec facile eveniet casus, quo milites hoc jure suo uti poterunt.

§. 614.

Si certo appareat, quod ea, quæ militibus a præfectis suis mandantur, obligationibus ipsorum repugnent; Milites minime delinquant, si ea mandata dem non faciant; Sed delinquerent potius, si iisdem obtemperarent. *obligationibus suis repugnent.*

Milites enim ad ea facienda non obligantur, quæ ipsis a præfectis suis mandantur, si certo appareat, quod eadem obligationibus suis contraria sint (§. 211.). Si itaque eadem non faciant, obligationi suæ non adversantur. Quare cum milites tunc demum delinquant, si hoc agant (§. 540.): Minime delinquent non facientes ea, quæ ipsis a præfectis mandantur, si hæc obligationibus ipsorum contraria sint. *Q. c. 1.*

Contra vero, cum hic mandari supponantur, quæ obligationibus militum contraria sunt (*per hypoth.*): Si milites eadem facerent, obligationibus suis adversarentur. Cum vero milites in hoc casu delinquant (§. 540.): Eisdem etiam delicturos esse, apparet, si quæ mandantur, facerent. *Q. c. 2.*

In genere vero dicimus, si obligationibus militum contraria mandantur. Cum enim milites aliis etiam obligationibus, quam militaribus, tam quæ homines (§. 121.), quam quæ cives (§. 124.), teneantur: Fieri etiam posset, ut mandentur, quæ non quidem militaribus, aliis tamen militum obligationibus repugnent. Quare cum milites obligari nequeant ad ea, quæ obligationi cuidam naturali repugnant (§. 126.), & ab obligatione civili tunc demum solvantur, si eadem militari contraria sit (§. 127.): Nec si hæc obligationibus contraria mandentur, absque delicto eadem facerent. Optime itaque sentit P E T. M Ü L L E R, quod ad mandata legi naturæ obstantia non teneatur miles (§. 2. *cap. 6. Diff. de Mand. ducum milit.*).

§. 615.

Licet itaque dentur casus, quibus milites præfectis imperio suo absque reverentibus resistere possint: Omnis tamen militis resistentia, absque debita reverentia facta, delictum est. *Absque reverentia nunquam resistere licet.*

Milites enim non delinquere, si imperio præfectorum extra ministerium belli alia, vel obligationibus militum contraria mandantium resistent, demonstratum jam fuit (§. 612. 614.). Et cum præfecti mili-

tum, si talia mandent, fines imperii militaris excedant (§. 219.): Eosdem hoc abuti facile apparet. Licet vero imperio suo abutantur; Præfecti tamen adhuc manent, adeoque intuitu militum superiores. Quare cum superiori reverentia debeat (§. 1049. Part. 8. Jur. nat. WOLF.); Præfectis vero imperium ex concessione superioris in civitate competat (§. 185.): Quin etiam illis a militibus reverentia debeat, dubitari nequit. Si itaque milites absque hac debita reverentia imperio præfectorum in iis etiam, quibus licet, resisterent: Obligationi suæ adversarentur. Cum itaque in hoc delictum ponatur (§. 540.): Patet, quod, etsi dentur casus, quibus absque delicto resistere liceat imperio præfectorum, omnis tamen resistentia absque debita reverentia delictum sit.

Cum superiore in civitate imperante, quod nimis durum, vel iniquum videretur, subditi supplicare tamen liceat (§. 1051. loc. cit.); Supplicare autem dicatur cum reverentia precari, ut quid fiat, vel non fiat (§. 1050. *ibid.*): Multo minus alienum etiam videri poterit, quod militibus vindicaretur jus resistendi imperio injusto mandantium, modo id debita fiat reverentia. Et cum hæc consistat in magnificatione cujusdam actibus externis nihilominus declarare debent, quod superioritatem præfectorum & suam ad obsequendum obligationem agnoscant. Hoc modo itaque restrictum jus in quibusdam resistendi, quod vel interdum in obligationem degenerat (§. 614), nunquam vitio verti poterit.

§. 616.

Res bene cessæ delictum tollit. Milites, qui in bello faciunt, quæ prohibita sunt, etsi res bene cesserit, nihilominus delinquant.

Milites enim in bello gerendo alia facere non possunt, quam quæ auctor belli ad illud gerendum necessaria judicat, adeoque fieri vult (§. 174.). Et hinc ad judicium auctoris belli & præfectorum sequendum obligantur; Neque suo in rebus ad bellum necessariis judicio stare possunt. Quod si itaque contrarium ejus, quod prohibetur, melius judicent: Hoc tamen suum judicium ipsis sequi non licet; Adeoque si faciant, quod prohibetur, obligationi suæ adversantur. Licet itaque evenire possit, ut res bene cedat: Cum tamen eventus rerum a voluntate & viribus hominum non pendeant; Idem non illi, sed casui potius tribuendum est. Et æque in detrimentum reipublicæ res male cedere potuisset. Quare cum milites, qui obligationibus suis contraria agunt, delinquant (§. 540.): Patet, quod miles etiam delicto non vacet, qui facit, quod prohibitum est, etsi res bene cesserit.

Legi

Legi utique merentur, quæ circa hanc rem monuit L. B. de WOLF (*schol. ad §. 912. Jur. gent.*) Et quod olim in tales, re licet bene cessâ, rigidissime tamen ab ipsis etiam patribus ipsorum animadversum fuerit, ex antiquitate exempla re'erunt PET. MÜLLER (§. 4. *cap. 5. Diff. de Mand. duc. milit.*) & ADR. BEIER (*n. 1237. Jur. milit. prud.*).

§. 617.

Milites itaque, qui absque mandato cum hoste pugnant, delinquant, etsi res bene cesserit. *Pugna absque mandato delictum est.*

Militibus enim absque mandato pugnare cum hoste non licet (§. 333.). Obligationi itaque suæ adversantur, qui illud faciunt. Quare cum milites in eo casu delinquant (§. 540.): Delinquent etiam, qui absque mandato cum hoste pugnant. *Q. e. 1.*

Et cum militibus absque mandato pugnare non liceat (*per alleg.*): Inter prohibita hoc referendum est. Quare cum miles delinquat, si faciat, quod prohibitum est, etsi res bene cedat (§. 616.): Patet, eodem, re licet bene cessâ, delinquere, si absque mandato cum hoste pugnent. *Q. e. 2.*

In hoc etiam potissimum delictum eorum constitit, quos adeo severe punitos esse ad §. præced. monuimus.

§. 618.

Resistentia imperii militaris, sive recusatio obedientia militaris delictum militare est. *Resistentia imperii delictum militare est.*

Milites enim imperio militari, qua tales, subesse (§. 212.), & ad obedientiam militarem, qua tales, obligari (§. 216.), facile intelligitur. Resistentiam itaque illius, & recusationem hujus a militibus, qua talibus, suscipi, simul concipitur. Quare cum tam hæc, quam illa delictum sit (§. 609.); Delictum vero, quod a milite, qua tali, committitur, militare dicatur (§. 543.): Patet, quod utraque delictum militare sit.

§. 619.

Detractio servitiorum militarium & resistentia imperii militaris, Et seditio si a pluribus suscipiatur, seditio est.

Detractio servitiorum militarium supponit, quod hæc a militibus exigantur ab eo, cujus jus est, auctoris scilicet belli, sive præfectorum. Si itaque milites eadem detractant, non faciunt, quod hic vult, adeoque actiones suas ad ejus voluntatem non componunt. Quare cum in hoc obedientia consistat (§. 205. *Part. 7. Jur. nat. WOLF*): Qui servitia militaria detractant, obedientiam recusant & quidem ei, cui imperium in eos competit. Imperium militare vero species imperii est (§. 183.).

Imperio itaque utique resistunt, qui militari resistunt. Quare cum resistentia imperii & recusatio obedientiæ superiori debita a pluribus suscepta, seditio sit (*per def.*): Patet, quod & detrectatio servitiorum militarium, & resistentia imperii militaris seditio sit, si a pluribus suscipiatur.

§. 620.

*Seditionis
militaris
definitio.*

Seditio, quæ a militibus suscipitur, *militaris* sive *bellica* vocatur. Quare cum facile pateat, si imperio militari resistatur, & servitia militaria detrectentur, illud fieri a militibus; Resistentia imperii militaris & detrectatio servitiorum militarium vero seditio sit (§. 619.): *Seditio militaris* definiri poterit, quod sit resistentia imperii militaris & recusatio obedientiæ militaris, in specie servitiorum militarium, a pluribus suscepta.

§. 621.

*Delictum
militare
gravissimum
est.*

Seditio militaris delictum militare & quidem gravissimum est.

Seditio enim militaris in resistentia imperii militaris, & recusatione obedientiæ, in specie vero servitiorum militarium consistit (§. 620.). Tam vero resistentia imperii militaris, quam recusatio obedientiæ (§. 618.) & in specie detrectatio servitiorum militarium (§. 603.) delictum militare est. Patet itaque, quod seditio militaris delictum militare sit.

Q. c. 1.

Cum seditio militaris delictum sit (*per dem. n. 1.*); Delictum vero actionem obligationi contrariam involvat (*def. §. 540.*): Seditionem militarem obligationibus militum adversari apparet; Et quidem cum in præstatione militiæ, sive servitiorum militarium obligatio eorum generalis ponenda sit (§. 131.), toti ipsarum complexui. Quare cum obligationes militum ad bellum gerendum tendant (§. 157.); Per bellum vero jus nostrum persequamur (§. 1.): Si milites obligationibus suis obstantur, auctori belli jus suum persequi non licet. Et cum seditio a pluribus committatur (*def. §. 619.*); Bellum vero homines plures requirat (§. 13.): Seditio militaris efficit, quo minus persecutio juris, quæ bello intenditur, obtineri possit. Cum vero cujusque maxime interfit, ut jus suum persequatur; Quod per se patet: Per seditionem militarem maximum detrimentum inferri auctori belli, hoc est, reipublicæ sive ejusdem rectori (§. 10.) apparet. Quare cum ex nocumento, quod inferitur, gravitas delicti æstimanda sit (§. 625. Part. 3. *Jur. nat. WOLF.*): Patet, quod seditio militaris delictum militare gravissimum sit. Q. c. 2.

Aliter.

Aliter.

Seditio militaris delictum militare est (*per dem. n. 1.*); Cum itaque delicta militaria ad graviora referenda sint (§. 548.): Illam delictum gravius esse, statim patet. Eadem vero simul a pluribus committitur (*def. §. 619.*). Quare cum delictum militare eo augeatur, si a pluribus perpetretur (*per dem. §. 607.*): Hoc modo etiam patet, quod seditio delictum gravissimum sit.

Id inde etiam statim elucet, quod seditio in genere delictum gravissimum sit; Adeoque idem multo magis de militari in specie prædicandum veniat: Cum ex hac majus adhuc periculum imminere possit; Præsertim, si in expeditione fiat. Pone enim casum, quod milites in eo ipso momento obedientiam recusent, & servitia militaria detrectent, quo hosti vel vis inferenda, vel vis ab ipso illata repellenda sit: Quis non perspicit, per seditionem illam militarem, irrita fieri, quæ suscepta felices progressus effectura forent, vel ab hoste maximum damnum dari posse, si tale quid accadat, quo minus vi ejusdem resistatur.

§. 622.

In seditione militari, quemadmodum in genere, adesse debet unus, Quomodo vel quidam, qui faciunt, ut reliqui ad seditionem commoveantur. *eadem
oriatur.*

Seditio enim in genere a pluribus suscipitur (*def. §. 619.*). Ut itaque hi plures in unum consentiant, necesse est. Cum vero consensus sit volitio, ut fiat, quod vult alter (§. 27. *Inst. J. N. & G. WOLF.*): Omnes, qui seditiosi sunt, consentire debent in id, quod vult unus vel alter eorum. Adesse itaque debet quis, qui prius declaret, quid fieri debeat, antequam reliqui possint consentire. Declaratio vero voluntatis verbis vel factis absolvitur (*per not.*): In seditione itaque adesse quis debet, qui faciat, ut reliqui ad seditionem commoveantur.

Cum enim seditio militaris in resistentia imperii & detrectatione servitorum militarium consistat (§. 620.): Omnes, qui seditiosi sunt, imperio resistere, & servitia detrectare debent. Fieri vero nequit, ut hic animus in omnibus eodem momento simul oriatur. Ut itaque unus vel alter initium hujus resistentiæ faciat, opus est, cujus exemplo reliqui ad idem faciendum incitentur. Quod etiam actu contingere, exempla seditionum docent; Licet interdum difficilius sit, detegere eos, qui iisdem initia dederunt.

§. 623.

Qui quid faciunt, per quod alii commoveantur ad seditionem suscipiendam, *Concitare* dicuntur, ad seditionem nempe. Ita ut *Concitat- nis definitio*, ad seditionem nempe, definiti possit, per factum, seu actio-
tio.

nem

nem quamcunque, qua alii ad seditionem suscipiendam commoveri possunt.

Concitatio ad seditionem militarem Germanis peculiari vocabulo dici solet *Meuterey*. Quod licet & pro ipsa seditione a nonnullis interdum sumatur: Minus tamen recte fieri videtur; Cum alii adhuc extent termini, qui hanc indignant, veluti *Aufbruch, Aufstand*; In scientiis vero vocabulis determinatus significatus tribui debeat. Stilo romano quidem concitatio ad seditionem, *factio* etiam dici possit. Cum vero vocabulum hoc consociationem ad quoddam delictum studio intentatam magis significare videatur; In concitatore vero non semper adesse possit animus alios etiam ad idem delictum, quod suscepit, commovendi; Licer id facto suo actu fiat: Neque illud proprium visum fuit ad concitationem seditionis exprimendam.

§. 624.

*Quinam
ejus rei
sunt.*

Concitationis ad seditionem rei sunt, qui per verba seditiosa occasionem dant seditioni militari.

Qui enim per verba seditiosa occasionem dant seditioni militari, faciunt, ut alii ad eandem suscipiendam commoveantur. Quod per se facile patet. Quare cum quævis actio seu quodvis factum, quo alii ad seditionem suscipiendam commoveri possunt, concitatio dicenda sit (§. 623.): Patet, quod ejus etiam rei sint, qui per verba seditiosa seditioni militari occasionem dant.

§. 625.

*Qui sedi-
tionem
concitant,
quomodo
delin-
quant.*

Milites, qui seditionem concitant, non modo ipsimet delinquant, sed etiam ut alii simul delinquant, faciunt.

Qui enim concitant ad seditionem, aliquid faciunt, per quod alii ad eandem commoveantur (§. 623.). Cum itaque seditio, militaris nempe, in resistentia imperii & detractione servitiorum consistat (§. 620.); Ad eandem vero alii verbis aut factis commoveri possunt (*per dem.* §. 622.): Qui seditionem concitant, vel ipsimet primi solum imperio resistentes & servitia detrahentes, ipso suo facto alijs commoveant, vel simul alios verbis ad eandem invitant, adeoque in utroque casu faciunt, ut & alii imperio resistant & servitia detrahant. Quare cum resistentia imperii (§. 609.) & detractione servitiorum (§. 599.) delictum sit: Patet, quod milites, qui seditionem concitant, non delinquant modo, sed &, ut alii delinquant simul, faciunt.

§. 626.

*Auctoris
delicti des-
criptio.*

Qui facit, ut alii simul cum ipso delinquant, Auctor delicti dicitur.

§. 627.

§. 627.

Qui alios ad seditionem, in specie militarem, concitant, auctores ejusdem sunt. *Quisnam sit auctor seditionis.*

Qui enim seditionem, in specie militarem, concitant, non delinquant modo, sed &, ut alii simul delinquant, faciunt (§. 625). Quare cum is, qui facit, ut alii cum ipso simul delinquant, auctor delicti dicatur (§. 626.); Seditio vero militaris delictum, & gravissimum quidem sit (§. 621.): Patet, quod auctores seditionis sint, qui alios ad eandem concitant.

§. 628.

Auctores delictorum militarium gravius delinquant iis, qui per eos Auctores ad illa commoventur. *delictorum gravius delinquant.*

Auctores delictorum enim non ipsimet solum delinquant, sed & ut alii simul delinquant, faciunt (§. 626.). Faciunt itaque, ut delictum a pluribus committatur. Quare cum delicti militaris gravitas eo augeatur, si a pluribus perpetretur (*per dem.* §. 607.): Auctores delicti militaris gravitatem ejus augent. Quod cum non facere supponantur, qui saltem per auctores ad idem seduci se passi sunt: Patet, quod illi gravius his delinquant.

Alia quidem ratione, & in genere etiam ostendi poterit, auctores delictorum gravius delinquere iis, qui per ipsos commoventur. Cum vero hic delictorum militarium doctrina potissimum nos occupet; De his etiam solum illud facillimo, qui se præbuit, modo, demonstrasse sufficiet.

§. 629.

Concitatio ad seditionem militarem delictum gravissimum est. *Concitatio delictum*

Qui enim alios ad seditionem militarem concitant, auctores ejusdem sunt (§. 627.). Quare cum seditio militaris delictum militare sit (§. 621.): Qui alios ad eandem concitant, sunt auctores delicti militaris. Auctores vero delictorum militarium gravius delinquant iis, qui per eos ad illa commoventur (§. 628.). Concitatores itaque gravius delinquant iis, qui per ipsos commoti seditiosi fiunt. Quare cum seditio militaris delictum gravissimum sit (§. 621.): Concitatores delictum gravissimo gravius adhuc, si potest, committunt. Atque hinc satis patet, quod concitatio ad seditionem militarem delictum gravissimum sit.

Hinc etiam jure romano sollicitatio sive concitatio militum ad seditionem ad crimen illud majestatis gravissimum refertur (*l. 1. ff. ad L. Jul. maj.*).

Jus mil. nat.

Kk

§. 630.

§. 630.

*Est seditio
actu non
sequatur.*

Qui ad seditionem milites quovis modo concitant, licet eadem actu non sequatur, nihilominus delinquant.

Per seditionem enim militarem maximum detrimentum inferitur rei publicæ (per dem. §. 621.). Si itaque seditio actu non oriatur, ad quam milites concitantur (per hypoth.): Damnum illud actu quidem non inferitur. Cum vero per factum eorum, qui alios concitant, fieri posset, ut ad seditionem commoverentur alii (§. 623.): Periculum damni hujus reipublicæ tamen imminet. Quare cum delicta non modo ex damno, quod actu inferitur, sed & ex periculo, quod inde imminet, æstimentur (§. 625. Part. 8. Jur. nat. WOLF.): Patet, quod concitatio ad seditionem delictum sit, licet hæc actu non fuerit secuta.

§. 631.

*Quinam
auctores
fugæ ex acie
sint.*

Qui initium faciunt fugæ ex acie, ejusdem adeoque delicti auctores sunt.

Qui enim initium facit fugæ ex acie, sive quod perinde est, primus ex acie fugit, facit aliquid, quo & alii commoveri possent, ad idem faciendum. Quod per se patet. Cum vero fuga ex acie delictum (§. 606.), & quidem militare gravissimum sit (§. 607.): Qui ex acie primus fugit, non ipsemet modo graviter delinquit, sed & ut alii simul cum ipso delinquant, efficere potest, & quod actu faciat, supponitur. Quare cum is, qui facit, ut alii simul cum ipso delinquant, auctor delicti dicatur (§. 626.): Patet, quod ii, qui initium faciunt fugæ ex acie, ejus adeoque delicti auctores sint.

§. 632.

*Milites pacis tempore
æque delinquant.*

Milites, qui vel pacis tempore obligationibus suis contraria agunt, æque delinquant, ac in bello actu constituti.

Milites enim vel pacis tempore ad functiones bellicas ita exacte obligantur, ac si hostis adesset, adeoque in bello actu constituerentur (§. 170.). Pacis itaque tempore milites etiam obligationibus suis æquæ, ac in bello contraria agere posse, apparet. Quare cum milites, si obligationibus suis contraria agant, delinquant (§. 540.): Patet, quod milites æque possint delinquere pacis tempore, quam si in bello actu constituerentur.

Dantur quidem delicta, quæ non nisi in bello committuntur, qualia sunt transfugium ad hostem, recusatio pugnæ, fuga ex acie, festinata deditio, & alia. Hæc itaque a militibus pacis tempore committi non posse,

posse, per se patet. Sunt vero alia & quidem quam plura, quæ & pacis tempore locum sibi vindicant. Qualia ex. gr. sunt desertio, seditio, concitatio ad eandem, & alia, quorum milites prohi dolor! vel quotidie reos se reddunt.

§. 633.

Milites tamen belli tempore, & præsertim in expeditionibus constituti Gravius delinquant, quam pacatis temporibus. *tamen belli tempore.*

Cum enim omnes obligationes militum ad vim hosti inferendam (§. 158.), & ab ipso illatam repellendam (§. 160.), tendant; Hostis vero sine bello non intelligatur (§. 11.); Et in expeditione constitui dicantur milites, si hostis actu adsit, aut ejus invalio metuatur (§. 393.): Facile apparet, quod obligationes militum belli tempore & præsertim in expeditionibus potissimum sese exerant. Cum vero per hostem maximum detrimentum inferri possit reipublicæ; Uti absque demonstratione facile quisque concedet: Belli etiam tempore & præsertim si in expeditionibus constituentur milites, majus quam pacis tempore, inferri posse nocumentum, apparet, si hi obligationibus suis non satisfaciant, sed iisdem potius agant contraria. Si vero milites hoc agunt, delinquant (§. 540.). Cum itaque ex majori, quod inferitur, damno, aut, quod imminet, periculo gravitas delicti æstimetur (§. 625. Part. 8. Jur. nat. WOLF.): Milites etiam belli tempore, ac præsertim in expeditionibus constituti, gravius, ac pacatis temporibus delinquere, consequitur.

Quod delicta æqualia supponantur, absque opera intelligitur. Cum enim delictum unum sua natura gravius esse possit altero (*loco cit.*): Fieri etiam potest, ut delictum quoddam a milite pacis tempore commissum gravius sit alio, quod in bello perpetratur. Sic irreverentia levis licet erga præfectum delictum æque est (§. 615.), ac desertio (§. 577.) aut seditio (§. 621.): Hæc tamen sine dubio gravius illa. Licet itaque irreverentia levis contra præfectum a milite belli etiam tempore; Desertio vero pace committi supponatur: Hæc tamen illa gravius adhuc erit delictum. Sed si ponamus unum idemque delictum, desertionem ex. gr. ab uno pacis, & ab altero belli tempore perpetrari: Tunc utrique hic illo gravius delinquet. Hoc propterea nosse interest, quoniam delicta graviora gravioribus quoque penis punienda veniunt (§. 626. loc. cit.); Adeoque ad harum determinationem requiratur, ut sciamus, quodnam delictum, aut sub quibus circumstantiis idem delictum sit gravius.

§. 634.

Miles desertor, qui res ab auctore belli in usum hujus ipsi saltem suppeditatas veluti arma vel vestitum secum abripit, furtum simul committit. *Desertor quando furtum committat.*

Kk 2

Arma

Arma enim (§. 365.), & vestitus (§. 352.) militibus ab auctore belli suppeditantur, & in genere res in usum belli saltem suppeditatæ hic supponuntur (*per hypoth.*). Intuitu itaque militum eadem sunt res alienæ, & auctor belli ipsorum dominus est. Desertio vero fit invito eodem (§. 576.), adeoque etiam eo infcio; Uti per se patet. Si itaque a milite desertore arma & vestitus simul auferantur: Auferuntur res alienæ infcio & invito domino. Auferuntur vero simul animo easdem sibi habendi, vel saltem vendendi, adeoque lucrum sibi inde faciendi. Ablatio vero rei alienæ infcio ac invito domino animo eam sibi habendi vel suam faciendi facta furtum dicitur (§. 498. Part. 2. Jur. nat. WOLF.): Patet itaque, quod miles desertor, qui res ab auctore belli in usum hujus ipsi saltem suppeditatas, veluti arma vel vestitum secum abripit, furtum simul committat.

Si desertor vestitum modo abripit, furtum plerumque quidem ab eo non intenditur. Sed cum alio vestitu milites destituantur; Absque vestitu tamen aufugere nequeant: Ut militarem secum ducant, necessitatis fere est, quam crimen desertionis involvit. Fieri itaque etiam nonnunquam solet, ut desertores vestitum remittant, si alio potiri ipsi contingat. Cum vero plerisque occasio eum remittendi non detur; Potius etiam levi animo ducantur, ut ex ejus venditione lucrum faciant: Furtum licet primario non intendatur desertione, ex ea tamen ut plurimum consequitur. Arma vero vel equum simul abripere, minoris adhuc necessitatis reputari potest: Nisi illis in augmentum criminis desertionis adversus insequentes, hoc vero forsan ad celerandam fugam abuti velint malitiosi signorum suorum desertores. Plerumque tamen sine dubio per eorum venditionem lucrum aliquod sibi comparare intendunt. Eo magis itaque hi furti simul rei censendi sunt, & delictum suum malitia, quæ illud comitatur, augent vel aggravant (§. 632. Part. 8. loc. cit.).

§. 635.

*Desertio
eo aggra-
vatur.*

Delictum itaque militis desertoris, qui res in usum belli ipsi saltem suppeditatas secum abripit, sive: Desertio, quæ fit cum ablatione rerum in usum saltem belli militi suppeditarum, aggravatur.

Cum ea, quæ cum re simul fiunt extra eandem, cum ea tamen connectuntur, circumstantiæ ejusdem dicantur (*des. §. 567.*); Hic vero res in usum belli suppeditatæ a desertore simul abripi, sive, desertionem cum ablatione earundem simul fieri & connexam esse, supponatur (*per hypoth.*): Ablatio hæc ad circumstantias delicti desertionis pertinet. Per ablationem vero rei suæ domino damnum inferri, per se intelligitur. Et si ponatur, desertorem arma eo animo secum ferre, ut contra forsan insequentes ea tendere possit, ex ea etiam periculum adhuc singulare immi-

imminet. Si itaque desertor res ab auctore belli suppeditas, & in specie arma, secum auferet: Ex hac circumstantia, quæ desertionem comitatur, majus nocumentum consequitur, & majus periculum imminet, quam absque eadem fieret. Quare cum si propter circumstantias, sub quibus delictum committitur, majus nocumentum inferatur, aut majus periculum imminet, quam absque iisdem, illud gravius reddatur (§. 568.): Patet, delictum desertionis ablatione rerum in usum belli saltem militi suppeditarum aggruari.

§. 636.

Miles, qui a statione sua cedit absque mandato, vi hostili, vel alio vi- *Discessus a statione delictum est.*
cem ejus subeunte, delinquit.

Militi enim a statione sua recedere non licet (§. 268.), sed ibi eo usque manere obligatur, usque dum alius vicem ejus subeat, aut ipsi discedere jubetur, aut vi cogatur (§. 272.). Miles itaque, qui absque mandato, vi hostili, vel alio vicem ejus subeunte, a statione sua discedit, obligationi suæ contrarium agit. Quare cum milites, qui hoc agunt, delinquant (§. 540.): Militem etiam delinquere, qui absque mandato, vel alio locum ejus subeunte, & vi nulla coactus discedit a statione sua, apparet.

Cum itaque miles delinquit, si a statione discedat absque alio vicem ejus subeunte (*per dem.*): Facile intelligitur, quod a delicto non liberetur, si justo tempore non adveniat, qui vices ejus subeat. Licet enim mutatio stationum statutis temporibus fieri soleat: Excubiarum tamen lex est, non, ut tempore statuto effluxo, sed vicibus earum per alios demum susceptis, discedere possint a statione. Casu enim aut etiam delicto aliorum evenire potest, ut statim tempore non adveniat, seu mittatur, qui vices subeat. Quoniam vero excubiæ ponuntur, ad animadvertendum, ne quid hostilis aut detrimenti accidat (§. 265.): Accidere tale quid posset, si non expectatis vicibus discederent. Cum vero milites obligentur ad præcavendum, ne quid hostilis aut detrimenti eveniat (§. 264.): Ad excubias continuandas etiam sine dubio obligabuntur, licet suero tempore ab alio non liberentur; Adeoque si discedant, utique obligationi suæ adversantur & delinquant. In qua sententia etiam est *Ern. Joh. Frid. MANZEL* (§. 30. *Diff. de Excubiis*), qui etiam causas quasdam excusantes recenset (*loc. cit.* *). Quæ vero, quousque valeant, ex hic & alibi demonstratis, facile intelligitur.

§. 637.

Miles, qui in excubiis sive statione dormit, delinquit.

Item dor-

Excubiæ enim eo fine aguntur, ut observetur, ne quid hostilis acci- *Item dor-*
dat, vel detrimenti eveniat (§. 265.). Si quis vero dormit, observare *dem.*

Kk 3

nequit,

nequit, quæ accidunt (*quod per se patet*). Neque adeo dormiens excubias agere poterit. Quare cum milites ad excubias agendas obligentur (§. 266.): Obligationi suæ minime satisfaciunt, si in excubiis, sive statione, quæ locus dicitur, ubi illæ aguntur (§. 267.), dormiant, sed ejus potius contrarium agunt. Quoniam itaque milites, qui obligationibus suis adversantur, delinquant (§. 540.): Patet, quod milites delinquant, si in excubiis, sive statione dormiant.

Cum omne delictum dolum aut culpam saltem supponat (*def. §. 540.*): Apparet, quod & militi in statione dormienti hæc vel ille debeat attribui. Quodsi enim ponatur, militem in statione positum deliquit animi aut alio morbo, propria culpa sibi non contracto, surripi & in somnum abjici: Delicti reus minime haberi poterit: Cum culpa æque atque dolo vacare supponatur. Quam ut & alias delictum quidem minuente, non vero penitus tollente causas adducit etiam MANZEL (§. 26. *loc. cit.*).

§. 638.

Vel ebrium esse. Miles, qui in excubiis sive statione inebriatur, sive ebrius deprehenditur, delinquit.

Per ebrietatem enim tam usus rationis, quam sensuum non turbatur modo, sed penitus etiam tolli potest (§. 423. *Part. 1. Jur. nat. WOLF.*). Absque usu vero rationis integro judicare non licet, quæ forsan hostilia esse, aut detrimenti aliquid asferre possent. Et absque usu sensuum integro observare non datur, quæ aguntur. Quod per se patet. Per ebrietatem itaque aut actu fit, aut fieri saltem potest, ut miles in excubiis sive statione positus, non observet, ad quod observandum ibidem ponitur, scilicet, ne quid hostilis accidat, vel detrimenti eveniat (§. 265.). Cum vero milites obligentur ad omnia, quæ ad hoc præcavendum faciunt (§. 264.): Obligantur etiam, ne in excubiis sive statione ebrii sint. Miles itaque, qui in excubiis sive statione ebrius est, obligationi suæ satisfacere nequit, atque potius eidem adversatur. Quare cum milites, qui obligationibus suis contraria agunt, delinquant (§. 540.): Hoc etiam de milite in excubiis vel statione ebrio patet.

Præterquam itaque, quod ebrietas in genere juri naturali repugnet (§. 424. *loc. cit.*); In specie eadem statui militari contraria est. Cum enim res militares celerrimæ sint expeditionis, & evenire possent, ut vel inopinato milites ad servitia adhibeantur; Adeoque & hi quovis momento ad eadem parati esse debeant (§. 279.): Studere etiam debent, ut continuo in eo deprehendantur stitu, quo ad eadem sint apti. Per ebrietatem eos vero inidoneos reddi, vel ex demonstratis patet. Licet itaque ebrietas in genere poenis coerceri non soleat: Ratione tamen non desti-

destituitur, cur & in milites animadvertatur, qui eidem nimis se dedunt. Tristia enim non desunt exempla, quæ ex ebrietate militum ortum traxerunt, ut vel integrorum exercituum clades eidem debeantur. Pariter autem delinquit, si quis in ipsa jam positus statione, siue sciens, quod excubiarum ordo ipsum tangeret, inebriatur. Quod si enim hoc fiat tempore, quæ servitorum præstatio aut excubiæ expectari non potuerunt: Nec eidem esse poterit poena, utpote quæ gravissima & pro circumstantiis vel capitalis esse solet (§. 25. *cit. Diff. de Excubiis*). Ceterum cum ebrii somno facile abripiantur; Fieri etiam posset, ut miles in excubiis ebrius somno obrueretur. Cum vero dormire in excubiis delictum sit (§. 637.): Vel ex hoc patet, quod idem etiam esse debeat ebrietas in excubiis.

§. 639.

In genere milites, si quid agant, vel non evitent, quo ad satisfaciendum obligationibus suis inidonei redduntur, delinquant.

Si inidoneos ferendunt ad officia sua.

Obligationi enim satisfacere idem est, ac agere, vel non agere, ad quod agendum, vel non agendum obligamur (§. 120. *Part. 1. Phil. pract. univ. WOLF.*). Quare cum obligatio in necessitate morali agendi vel non agendi consistat (§. 118. *ibid.*); Adeoque oppositum ejus, ad quod obligamur, moraliter impossibile sit (§. 119. *ibid.*): Posita obligatione quadam, eidem etiam satisfaciendum esse, facile apparet. Quare cum dentur obligationes militum peculiares (§. 81.): Milites etiam ad iisdem satisfaciendum obligantur. Cum vero ad impossibile nemo obligari possit (§. 209. *loc. cit.*): Possibilitas agendi ea, ad quæ quis obligatur, requiritur ad id, ut quis obligationibus suis satisfaciat. Quare cum possibilitas agendi aptitudo siue idoneitas dicatur (*per def.*): Requiritur, ut quis idoneus sit ad satisfaciendum obligationibus suis. Si itaque milites quid agunt vel non evitant, quo ad satisfaciendum obligationibus suis inidonei redduntur: Per ipsos fit, ut iisdem satisfacere nequeant. Si quis vero ad quid obligatur, eundem etiam obligari ad ea, sine quibus obligationi illi satisfieri nequit, constat; Hoc est, qui obligatur ad finem, obligatur etiam ad media, sine quibus illo potiri non datur. Milites itaque etiam obligantur, ad ea non facienda siue evitanda, quæ ipsos inidoneos reddunt ad satisfaciendum obligationibus suis. Si itaque eadem faciunt, siue non evitant, contrarium agunt ejus, ad quod obligantur. Quare cum milites, qui obligationibus suis contraria agunt, delinquant (§. 540.): Delinquant etiam, qui faciunt, aut non evitant, per quod ad satisfaciendum obligationibus suis inidonei redduntur.

Hinc cum milites, qui in excubiis vel statione dormiunt, vel ebrii sunt, inidonei reddantur ad satisfaciendum obligationibus suis (*per dem.*

§. 637.

637. & 638.): Ex hoc etiam principio faciliori adhuc, quam factum est, modo demonstrari poterit, illos delinquere.

§. 640.

*Quomodo
ebrietate
porro de-
linquant.*

Miles, qui sciens, quod excubiis destinatus sit, inebriatur, delinquit.

Miles enim ebrius inidoneus est ad excubias agendas (*per dem. §. 638.*). Quare cum milites ad excubias agendas obligentur (§. 266.): Si miles excubiis destinatus ebrium se reddit, sive inebriari se patitur, agit quid sive non evitat, quo ad satisfaciendum obligationi suæ inidoneus redditur. Quare cum miles in hoc casu delinquat (§. 639.): Eundem etiam delinquere apparet.

Si enim ebrietas in milite percipitur, in excubiis quidem non ponetur, adeoque damnum, quod ab ebrio in statione metuendum est, cessat. Cum itaque demonstratio §. 638. allata huic modo casui adaptata sit: Ostendendum quoque fuit, militem delinquere, si modo per ebrietatem ineptum sese reddat ad officia sua debite præstanda. Quod & §§. seqq. latius adhuc extendetur.

§. 641.

*Quod ulte-
rius exten-
ditur.*

In genere etiam milites, servitiis militaribus quibuscunque destinati, si ebrietatem sibi contrahant, delinquant.

Per ebrietatem enim milites ad servitia militaria qualiacumque præstanda inidoneos reddi, ex iis facile apparet, ex quibus de excubiis in specie illud fuit demonstratum (§. 638.). Cum vero ad servitia militaria præstanda obligentur (§. 182.): Milites, qui ad eadem destinati ebrietatem sibi contrahunt, quid agunt, quo inidonei redduntur ad satisfaciendum obligationi suæ. Quare cum milites in hoc casu delinquant (§. 639.): In genere etiam eosdem delinquere patet, si servitiis quibuscunque destinati ebrietatem sibi contrahant.

Minime vero quis inde inferat, milites ebrietate non delinquere, si sciant, se servitiis actu præstandis jam non destinari. Cum enim ebrietas in genere juri naturæ repugnet (§. 424. *Part. 1. Jur. nat. WOLF.*); Milites vero obligationibus naturalibus soluti non sint, sed iisdem etiam, æque ac reliqui homines, teneantur (§. 124.): Nec militi ebrietas unquam licere poterit. Hic vero saltem ostenditur, quandonam milites speciali adhuc obligatione teneantur, eandem virandi, adeoque quales delinquant, si ei se dedant. Tantum itaque abest, ut hæc ebrietatis restrictio militibus ullo modo patrocinetur, ut potius arctior eorum obligatio ad ipsam vitandam inde eluceat. Quemadmodum ex corollario statim subsequente clarius adhuc patebit.

§. 642.

§. 642.

Cum itaque sæpiissime accidat, ut vel præter opinionem milites ad *Ad omne* servitia actu præstanda quam celerrime adhibendi sint (*p. r. exper.*); *fere sem-* Adeoque ad servitia continuo parati, & quoquo tempore præsto esse *pus.* (§. 275.); Belli vero præsertim tempore continuo invigilare & quovis momento parati esse debeant (§. 279.); Et in genere milites servitiis militaribus quibuscunque destinari delinquant, si inebrientur (§. 641.): *Milites quovis fere, & belli præse- tim tempore delinquant, si ebrietati se dedant.*

Qua tales nempe. Qua homines enim omni tempore delinquant. Uti jam monui ad §. præced. Patet hinc vero, quam late sese extendat obligatio militum, qua talium etiam, vitandi ebrietatem.

§. 643.

Recedere a statione, & dormire in eadem delicta militaria graviss- *Recedere*
ma sunt. *& dormi-*

Statio enim dicitur locus, quo quis ad excubias agendas ponitur *re, quan-* (§. 267.). Excubiae vero aguntur ad observandum, ne quid hostilis *nam sine* aut damnosi eveniat (§. 265.). Si autem miles a statione discedat; *delicta.* Item etiam si dormiat in statione, hoc observare nequit. Quod per se patet; Neque adeo obligationi suae excubias agendi satisfacit; Atque adeo in utroque casu delinquit (§. 636. 637.). Cum vero ad excubias, qua tales, obligentur milites (§. 266.): Per discessum a statione, vel somnum in eadem, etiam qua tales delinquere eos, apparet. Quare cum delictum a milite, qua tali, commissum, militare dicatur (§. 543.): Patet, quod recedere a statione vel dormire in eadem delicta militaria sint. *Q. c. 1.*

Cum vero excubiae tendant ad præcavendum, ne quid hostilis accidat, vel detrimenti eveniat (§. 265.); Per neglectum illarum fieri posse, ut hostilis quid accidat, vel detrimenti eveniat, facile apparet. Damnum vero maximum inde enasci reipublicæ, si hostile quid, aut detrimentum aliud ipsi, aut ejus rectori, emergat, similiter patet. Quare cum ex damno, quod affertur, & periculo, quod imminet, gravitas delicti aestimetur (§. 625. Part. 3. *Jur. nat. WOLF.*): Recedere a statione vel dormire in eadem pro delictis gravissimis censenda sunt. *Q. c. 2.*

Dormire in statione hinc etiam adeo severe puniri solet, ut ex. gr. jure militari belgico miles in excubiis positus, dormiens deprehensus, stante pede occidi possit. Uti refert ADR. BEIER (*n. 1289. Jur. milit.*

Jus mil. nat.

L1

prud.

prud.). Et in discedentem ab excubiis pœna capitalis jure romano jam fuit statuta (*L. 10. ff. de Re milit.*).

§. 644.

*Desertio
stationis
famæ ma-
xime no-
cet.*

Desertio stationis, si ex metu præsertim periculi imminuentis fiat, famæ militis maxime nocet et infamiam ipsi præcipue contrahit.

Cum enim timiditas vitium illud sit, quo metu periculi cujusvis nos abduci patimur ad faciendum, quod facere non debebamus, vel ad non faciendum, quod debebamus (*def. §. 242.*): Si desertio stationis ex metu periculi imminuentis fieri ponatur (*per hypoth.*), eandem ex timiditate oriri, apparet. Desertio vero stationis delictum militare est (§. 643.). Quare cum delicta militum in genere (§. 562.), potissimum vero ea, quæ ex timiditate oriuntur, famæ eorum maxime noceant, & infamiam ipsis præcipue contrahant (§. 566.): Hoc etiam de desertione stationis, si ex metu præsertim periculi imminuentis fiat, apparet.

§. 645.

*Desertio-
nem ag-
gravat.*

Desertio, si fiat cum derelictione stationis, aggravatur.

Cum enim ea, quæ cum re simul fiunt extra eandem, cum ea tamen connectuntur, circumstantiæ ejusdem dicantur (*def. §. 567.*). Si derelictio stationis simul cum desertione fiat, sive desertio ex statione suscipiatur, illa pro circumstantia hujus sine dubio habenda est. Ex derelictione stationis autem maximum nocumentum asferri potest, adeoque et maximum periculum imminet (*dem. §. 643.*): Si vero propter circumstantias, sub quibus delictum committitur, majus aut minus nocumentum inferitur, vel ejusdem periculum saltem imminet, quam absque iisdem fieret, delictum aggravatur (§. 568.). Cum itaque desertio jam per se delictum gravissimum (§. 588.), idem vero etiam derelictio stationis sit (§. 643.): Patet, quod desertio aggravetur, si fiat e statione, sive cum derelictione ejusdem.

§. 646.

*Ebrietas
in milite
quale sit
delictum.*

Ebrietas in excubiis, sive statione, vel si a milite ad excubias, vel etiam servitia militaria quæcunque destinato, et belli præsertim tempore contrabatur, delictum militare gravissimum est.

Miles enim, qui in excubiis sive statione inebriatur, sive ebrius deprehenditur (§. 638.), item etiam, qui ad excubias (§. 640.), vel servitia quæcunque destinatus (§. 641.), adeoque & belli præsertim tempore (§. 642.), ebrietatem sibi contrahit, delinquit. Cum vero

propterea delinquat, quoniam obligationibus suis, quibus qua miles teneretur, satisfacere non possit (*per dem. ibid.*): Eundem qua militem etiam delinquere, apparet. Quare cum delictum a milite, qua tali commissum, militare dicatur (§. 543.): Patet etiam, quod ebrietas militis in casibus enumeratis delictum militare sit. *Q. c. 1.*

Cum vero per delictum hocce neglectus excubiarum vel in genere servitorum oriatur, aut metuendus saltem sit (*per alleg. n. 1.*); Ex neglectu vero excubiarum & in genere servitorum militarium maximum nocumentum inferri possit, vel periculum saltem immincat (*dem. §. 643.*): Facile intelligitur, quod ex ebrietate militis in casibus datis maximum nocumentum et periculum immincat. Quare cum gravitas delicti ex nocumento, quod ipso assertur, & periculo, quod inde imminet, aestimetur (§. 625. *Part. 3. Jur. nat. WOLF.*): Patet etiam, quod ebrietas militis in casibus enumeratis delictum gravissimum sit. *Q. c. 2.*

Apparet hinc discrimen inter ebrietatem in genere & ebrietatem militis officiis suis intenti. Ebrietas enim in genere, utpote obligationi naturali contraria (§. 424. *Part. 1. loc. cit.*) delictum quidem; Ebrietas vero militis, officiis suis intenti, delictum in specie militare est. Quare cum delicta militaria ad graviora sint referenda (§. 548.): Ebrietatis hujus in milite gravitas inde comprehenditur, et elucescit obligatio specialis, quæ milites tenet, illam fugiendi. Gravissimas hinc etiam pœnas in ebrietatem militum, præsertim in expeditione constitutorum, plerisque juribus positivis statutas esse, refert STEPH. WAGA (§. 10. *Diff. de Restit. fama per vex.*).

§. 647.

Miles in excubiis vel custodiis positus, qui ea non facit, quorum Miles in gratia ad easdem constituitur, sive ipsi expresse injunguntur, sive necessest. excubiis sitas aut finis, quorum gratia excubie vel custodias aguntur, ea exigat, vel castro- delinquit. diis quando delin-

Milites enim ad excubias vel custodias constituti omnia facere debent, quæ vel ipsi expresse injunguntur, vel quæ necessitas aut finis, ejus gratia excubie aguntur, exigat (§. 271.): Miles itaque in excubiis vel custodiis positus, qui eadem non facit, obligationi suæ adversatur (§. 536.). Quare cum milites, qui obligationibus suis contraria agunt, delinquant (§. 540.): Idem etiam de illo patet.

§. 648.

Miles, qui captivum, custodia sue commissum, finis evadere, de-Si capti- linquit. vum finat

Ll 2

Cum evadere.

Cum enim custodia consistat in cura observandi, ne personæ quædam evadant, vel res quædam auferantur (§. 269.): Si captivus custodiæ alicujus committatur, finis hujus exigit, ne ille evadat. Quodsi itaque miles captivum custodiæ suæ commissum evadere finat, ea non facit, quæ finis custodiarum requirit. Quare cum in hoc casu miles delinquat (§. 647.): Delinquit etiam, si captivum, qui custodiæ suæ committitur, finat evadere.

§. 649.

Delictum dolo commissum gravius est. Miles gravius delinquit, si dolo id faciat, quam si culpa; Sive: Delictum militis gravius est, si dolo, quam si culpa committatur.

Cum enim dolo ex proposito committatur (§. 712. Part. 1. Phil. pract. univ. WOLF.); Culpa vero intentionem mali excludat (§. 730. ibid.): Si miles dolo delinquat, ex proposito, adeoque data opera agit; Si culpa, non item. Quare cum malitia dicatur, si quis agat data opera (schol. §. 631. Part. 1. Jur. nat. W.): Miles qui dolo delinquit, malitiose agit. Cum itaque delicta ex malitia commissa graviora sint (§. 632. ibid.): Patet, quod delictum militis gravius sit, si dolo committatur, quam si culpa saltem.

§. 650.

Hinc verum gravius quasi delicto. Cum itaque delicta, quæ dolo committuntur, vera; Quæ culpa saltem, quasi delicta dicantur (def. §. 541.); Delicta vero tam militum in genere (§. cit.), quam militaria in specie (§. 544.), vera vel quasi delicta esse possint; Delicta autem militum, quæ dolo committuntur, graviora sint iis, quæ non nisi culpa contingunt (§. 649.): Delicta militum, & in specie militaria, vera graviora sunt quasi delictis illorum.

§. 651.

Miles, qui dolo evade-vius delinquit, si dolo ipsius id contingat, quam si culpa saltem. Miles, qui captivum custodiæ suæ commissum, evadere finit, gravius delinquit, si dolo ipsius id contingat, quam si culpa saltem.

re finit captivum, gravius delinquit, quam si culpa. Miles enim, qui captivum custodiæ suæ commissum evadere finit, delinquit (§. 648.). Gravius vero delinquit miles, si dolo id faciat, quam si culpa saltem (§. 649.). Quod si itaque ponatur, miles dolo captivum custodiæ ipsius commissum evadere (per hypo. b.): Gravius etiam eundem delinquere apparet, quam si culpa ejus hoc saltem contingat.

§. 652.

Cum hostis sit, cum quo bellum geritur (§. 11.); Bello vero vis *Milites præ* inferatur (§. 1.): Ab hoste violentam invasionem metuendam esse, *hostibus* facile intelligitur, & per se notum est. Præcavendum itaque est, ne *agnosci* hostis vel furtim appropinquet, vel irrepat. Quod cum fieri facile *posse, expedit.* posset, si a nostratibus distingui non possent, qui ab ejus partibus sunt: Expedit adhiberi aliquid militibus, quo agnosci, adeoque ab hostibus distingui, & ex cujus defectu hostes agnosci possint. Fieri vero hoc, si militibus symbolum quoddam aut vocabulum mandetur, cujus prolacione pro nostratibus agnosci, adeoque ab hostibus distingui possint, experientia comprobatur: *Expedit itaque militibus symbolum quoddam aut vocabulum committere, cujus prolacione agnosci, & ab hostibus, uti hi ab illis distingui possint.*

§. 653.

Symbolum, sive vocabulum, quod militibus committitur, sive re-*Tessera* tinendum datur, ad eum usum, ut ejus prolacione agnoscantur & ab *definitio.* hostibus distinguantur, *Tessera* dici solet, germanice die *Lösung*, vel vocabulo a Gallis recepto, *die Parole*.

§. 654.

Miles, qui tesseram aperit, delinquit.

Cum enim tessera detur in eum usum militibus, ut agnosci & ab *Ejus revelatio delictum est.* hostibus distingui possint (§. 653.); Hoc vero in bello utique expediat & necessarium sit (§. 652.): Tesserae etiam usum ad bellum gerendum necessarium esse, facile apparet. Cum itaque milites ad omnia obligentur, quæ ad bellum gerendum necessaria sunt (§. 157.): Milites etiam ad eum usum tesserae faciendum obligantur, qui eodem intenditur. Usus vero tesserae in eo consistit, ut nostrates agnosci & ab hostibus distingui possint (*per alleg.*). Quodsi itaque hostes tesseram comperiant, fieri potest, ut pro nostratibus habeantur. Hostes vero eandem comperiunt, vel comperire saltem possunt, si milites eam quoquo modo aperiant. Milites itaque, qui hoc agunt, ejus usum non faciunt, qui intenditur; Adeoque cum ad hoc obligentur (*per dem.*) obligationi suæ adversantur (§. 536.). Quare cum milites, qui faciunt, quæ obligationibus ipsorum repugnant, delinquant (§. 540.): Militem etiam, qui tesseram aperit, delinquere apparet.

In genere, *qui aperiunt*, dicimus, ut eo intelligatur, milites delinquere, qui vel ex inconsiderantia tesseram aperiant coram iis, quorum

nosse eam jus non est; Adeoque culpa eorum saltem fieri possit, ut hostis eandem comperiat. Quodli enim studio adeoque dolo illam hosti notam faciant: Gravius ipsos delinquere, & vel proditoris crimen committere, patet.

§. 655.

Et quidem militare gravissimum.

Revelatio tesserae delictum militare et quidem gravissimum est.

Cum enim tessera detur in eum usum, ut milites eo agnoscantur, & ab hostibus discernantur (§. 653.): Non nisi militibus eadem datur. Ejusdem itaque etiam revelatio non nisi in militem cadit. Hinc cum eadem delictum sit (§. 654.): Delictum hoc a milite, quatenus talis est, committitur. Quamobrem cum delictum a milite, qui tali commissum, militare dicatur (§. 543.): Apparet, revelationem tesserae esse delictum militare. *Q. c. 1.*

Cum vero si tessera aperiatur, hostis eam comperire, adeoque fieri possit, ut ille amplius a nostratibus discerni nequeat (*dem.* §. 654.): Hostis in eo casu facile sub specie nostratum irrepere & invasionem facere poterit (§. 652.). Ex revelatione itaque tesserae invasio hostilis metuenda est. Per hanc vero maximum detrimentum inferri, & vel totum exercitum perdi posse, constat. Si itaque tessera aperiatur, maximum nocumentum dari potest, adeoque summum periculum inde imminet. Quare cum ex nocumento, quod inferitur, & periculo, quod imminet, gravitas delicti aestimetur (§. 625. *Part. 8. Jur. nat. WOLF.*): Patet, quod revelatio tesserae crimen etiam sit gravissimum. *Q. c. 2.*

§. 656.

Oblivio tesserae nonne militum, eandem non oblivisci, sive oblivionem ejus declinare.

Oblivio tesserae delictum proprie non est, nisi quatenus est in potestate.

Cum enim oblivio involvat impotentiam ideas rerum antea perceptarum reproducendi (§. 216. *Psych. emp. WOLF.*), & reproducitas recognoscendi (§. 215. *ibid.*): Oblivio etiam actionibus liberis non accenseri (§. 25. *Part. 1. Phil. pract. univ. WOLF.*), neque imputari potest (§. 547. *ibid.*), quam quatenus est in potestate nostra ideas perceptas reproducendi, & impotentiam illam impediendi, adeoque oblivionem declinandi. Quare cum ad delicta, uti in genere, ita & militaria in specie, requirantur actiones liberae & imputabiles (§. 545.): Patet, quod oblivio etiam tesserae proprie pro delicto reputari nequeat, quam quatenus est in potestate militum eandem non oblivisci sive oblivionem ejus declinandi.

Cum

Cum dentur media ad retinenda ea, quæ non oblivisci interest: Miles utique delinquit, si eadem, quantum ipsi adsunt, negligat. Sic cum officiis, etiam inferioribus, deesse non possint media, literis ea mandandi, quæ ipsis retinenda sunt; Sed potius officii eorum ratio hoc postulet: Utique delinquent, si illud omittant, adeoque oblivionem tessere non declinent, utpote, quod in eorum potestate est. Contra vero, cum in militibus gregariis literarum peritia requiri aut supponi nequeat, neque etiam ipsis media scribendi, & pugillares, qui dicuntur secum ducendi, adeo facile suppeditentur: Vitio iisdem verti non poterit, si tesseram literis non mandarint, adeoque oblivionem ejus eo declinarint. Præterea cum in tesseram sæpius dari soleant vocabula exoticarum linguarum, aut talia, quibus res militibus plane ignotæ indigantur, & quorum a leo ipsis distincta notio esse nequit: Facilius etiam ignoscenda erit in eo casu oblivio tessere, cum adminiculo prorsus destituantur milites, quo reminiscantiam ejusdem adjuvare possent.

§. 657.

Miles, qui absque venia a loco ipsi assignato sive mansione sua discedit sive abest, delinquit. *Discessus absque venia a mansione delictum est.*

Milites enim absque venia impetrata a mansione sua discedere nequeunt (§. 277.). Miles itaque, qui absque venia a loco sibi assignato, sive statione sua, discedit, aut abest, obligationi suæ adversatur (§. 536.). Quare cum milites, qui obligationibus, suis contraria agunt, delinquant (§. 540.): Idem etiam de illo patet.

§. 658.

Si miles ultra veniam emanet, delinquit.

Venia enim dicitur permissio militi data a mansione sua discedendi & alibi commorandi (§. 277.). Cum vero eadem indistincte concedi nequeat, quod per se patet: Ad certum tantum tempus illa restringi solet. Venia itaque ultra tempus hoc non durat; Adeoque si miles diutius emanet: Reliquo tempore absque venia abest. Cum vero hoc non possit (§. cit.), sed si faciat, delinquat (§. 657.): Patet, quod si miles ultra veniam emanet, delinquat.

Ut et emanatio ultra veniam.

§. 659.

Si miles, veniam nactus alicubi eundi, alibi discedat, delinquit. *Vel si alicubi discedat.*

Cum enim supponatur, militem saltem ad certum locum eundi veniam impetrasse (per hypoth.): Eadem etiam ultra eundem non extenditur; Adeoque si alibi divergat, absque venia abest. Cum vero milites absque venia abesse nequeant (§. 277.), sed delinquant, si absint (§. 657.): Miles etiam delinquit, si veniam nactus alicubi eundi, alibi divergat.

§. 660.

§. 660.

*Emanforis
definitio.*

Miles, qui absque venia a mansione sua discedit, vel abest, vel ultra veniam emanet, aut alibi discedit, *Emanfor*; Discessus vel absentia vero militis a mansione sua, absque venia vel ultra eandem *Emanfio* dicitur.

§. 661.

*Emanfio
delictum
est.*

Quare cum miles, qui absque venia a mansione sua abest (§. 657.), vel ultra illam emanet (§. 658.), aut alibi discedit (§. 659.), delinquat; Discessus vero talis emanfio dicatur (§. 660.): *Emanfio delictum est, & quidem*, cum militem supponat, adeoque a milite, qua tali committatur, *militare*.

Cum vero delicta absque dolo vel culpa non committantur (§. 540.): Facile intelligitur, emanfionem etiam dolo vel culpa saltem committi debere, ut delicti nomen mereatur. Nec milites eandem proprie committere, si necessitate quadam externa emanent (§. 546.).

§. 662.

*Non ta-
men deser-
tio.*

Emanfor pro desertore statim haberi nequit.

Licet enim emanfor absque venia, adeoque invito auctore belli (§. 277.), a loco mansionis suæ discedat vel absit (§. 660.): Illum tamen non animo a militia discedendi, vel hanc derelinquendi, abesse, supponitur. Quod itaque emanfor invito auctore belli a militia discedat, dici nequit. Quare cum desertor dicatur, qui invito auctore belli a militia discedit (§. 576.): Patet, quod emanfor pro desertore statim haberi nequeat.

Perperam itaque desertoribus accensentur emanfores a STEPH. WAGA (§. 10. *Diff. de Resist. fama per vex.*). Nec allegata lege 3. §. 2. *ff. de Re milit.* illud probatur. Ibi enim tantummodo dicitur, emanforem esse, qui diu vagatur, ad castra regreditur. Non itaque animum militiam deserendi, sed potius ad eandem revertendi supponi in emanfore apparet. Merito itaque illud etiam reprehendit SCHOEPPER (§. 45. *cap. 1. Diff. de Milite desertore*).

§. 663.

*Discessus a
statione
gravior
emanfione.*

Miles, qui a statione recedit, *gravius quidem delinquit, emanfore*; Si vero non simul plane discedat, *pro desertore haberi nequit*.

Emanfor enim dicitur, qui in genere a mansione sua, sive loco sibi commorandi gratia assignato, absque venia discedit (§. 660.). Quare cum militi, in statione posito, locus certus quidem assignatus etiam sit (§. 267.): Miles, qui a statione recedit, emanfor etiam forsitan

forſan dici poterit: Licet hæc differentia adhuc intercedat, quod ſtatio non commorandi, ſed excubandi ſaltem gratia aſſignetur. Cum vero militi in ſtatione poſito, excubiæ agendæ ſimul commiſſæ ſint (§. cit.), quæ adeo ſi a ſtatione recedat, negliguntur; Ex neglectu vero harum maximum emergere poſſit detrimentum (*dem.* §. 643.); Adeoque diſceſſus a ſtatione delictum graviffimum ſit (§. cit.): Patet, quod miles, qui a ſtatione recedit, gravius delinquat emanſore: Cum ab hoc tantum nocumentum non metuendum ſit, vel periculum non immineat, quam ab illo. *Q. e. 1.*

Cum vero hic ſupponatur, militem, qui ſtationem relinquit, non plane diſcedere, ſed ad ſuos reverti (*per hypoth.*): Quod militiam ſimul deſerat, dici nequit. Quare cum deſertor demum dicatur, qui a militia animo ſcilicet eandem deſerendi diſcedit (§. 277.): Patet, quod miles, qui a ſtatione recedit, ſi non plane diſcedat, pro deſertore haberi nequeat. *Q. e. 2.*

Hæc propoſitio adjicitur occasione l. 3. §. 5. & 6. ff. de Re milit. ubi dicitur: *Qui ſtationis munus relinquit, plus quam emanſor eſt: Si quis vero ab excubatione præſidis, vel cujuſvis præpoſiti deſiſtat, peccatum deſertionis ſubibit.* Ex demonſtratis autem apparet, quod, qui a ſtatione, adeoque & ab excubatione præpoſiti recedit, ſi hoc non animo plane diſcedendi faciat, deſertor dici nequeat. MODESTINUS etiam in d. l. nihil aliud indigirare videtur, quam quod delictum ejus, qui ſtationem relinquit, gravius ſit emanſione, adeoque gravius etiam puniendum; Si vero ab excubatione præpoſiti in ſpecie deſiſtat, deſertori, quoad poenam æquiparandus ſit. Id quod etiam verba adjecta arguunt: *Itaque pro modo delicti aut caſtigatur, aut gradu militiae deſicitur.* Quæ ſine dubio innuunt, quod hic ad poenam potiſſimum reſpiciatur.

§. 664.

*Delicta animo non committuntur, ſed ad eadem requiritur actio Delicta n-
externa, qua animus delinquendi declaratur.* nimo non
committ-
untur.

Delicta enim facta ſunt (§. 580. Part. 3. Jur. nat. WOLF). Quare cum facta dicantur actiones, quatenus his quidpiam ab agente diverſum ad actum perducitur (§. 153. Part. 2. Phil. præſt. univ. WOLF.): Delicta non niſi motu organorum corporis perfici, facile patet. Cum itaque actiones, quæ non niſi motu organorum corporis perficiuntur, externæ dicantur (§. 1. Inſt. J. N. & G. WOLF.): Delicta actiones externas requirunt. Actiones externas vero internis opponi, per ſe intelligitur. Hinc cum idem ſimul eſſe, & non eſſe nequeat (§. 28. Ontol. WOLF.): Nec oppoſita ſimul eſſe poſſe, apparet. Delicta itaque actionibus
Jur. mil. nat. Mm nibus

nibus internis absolvi non posse, palam est. Quare cum actiones internæ dicantur, quæ sola vi animæ eliciuntur (§. 1. cit.): Patet, quod delicta animo non committantur, sed ad ea requiratur actio externæ, qua animus delinquendi declaratur.

Propositio hæc juri quidem militari non propria, sed juris criminalis universalis sive naturalis est. Cum vero hujus theoria hætenus tradita non sit; Nec propositionem illam alibi demonstratam invenerimus: Eadem demonstranda nobis fuit, ut ea pro principio uti possimus ad eruenda alia, & potissimum ad desertionis delictum clarius inspicendum. Quod quidem, quantum extra nexum cum aliis principiis generalibus licuit, agere studuimus. Negari enim non poterit, quod si in systemate tradatur, rigidiori adhuc modo illud fieri, & majori luce illam affundi forsitan posse.

§. 665.

*Veratamen non
absque animo.*

Delicta vera tamen absque animo, delinquendi scilicet, non committuntur.

Delicta vera enim dolo committuntur (*def. §. 541.*). Dolus vero in defectu a rectitudine actionis quoad voluntatem consistit (§. 701. *Part. 1. Phil. pract. univ. WOLF.*). Delicta vera itaque cooperante voluntate committuntur. Quare cum voluntas sive propositum delictum committendi animus delinquendi dici solet (*per def. & hypoth.*): Patet, quod delicta vera absque animo, delinquendi scilicet, non committantur.

Idem monendum erit de hac, quod de propositione proxime præcedenti monitum fuit. Doctrinam enim de animo delinquendi supponit. Quam vero ex instituto tractare, hujus loci non est. Notionem itaque ejusdem aliqualem supponere, opus fuit, suo loco plenius explicandam. De delictis etiam veris tantummodo hic demonstramus, quod non absque animo committantur: Cum hoc fini nostro sufficiat. Licet enim quasi delicta culpa tantum committantur (*def. §. 541.*): Culpa vero in defectu a rectitudine quoad intellectum saltem consistat (§. 717. *Part. 1. Phil. pract. univ. WOLF.*): Videri poterit, quasi delicta absque animo delinquendi committi. Cum vero defectus ille, qui culpam constituit, vincibilis supponatur (§. cit.): Adeoque evitari potuisset, modo committens voluisset (§. 692. *loc. cit.*): In quasi delictis voluntas etiam, aut noluntas saltem concurret. De quasi delictis itaque forsitan etiam evinci poterit, quod non absque animo committantur. Quoniam vero hoc altioris indaginis, nec proprie hujus loci est: Jam illud non aggredimur, sed juri criminum universali, si fortasse hoc tradere nobis semel contigerit, reservamus.

§. 666.

§. 666.

Delictum defectionis non nisi dolo committitur.

Defectio enim consistit in discessu a militia sponte, sed invito auctore belli facto (§. 576.). Liberam itaque voluntatem in eo, qui eam committit, supponit, sive supponit, ut libera voluntate committatur. Quoniam vero defectio delictum est (§. 577.); Adeoque qui illam committunt, obligationi suæ adversentur (*def. §. 540.*): Qui defectionem committunt, a rectitudine actionis deficiunt (§. 537.). Cum vero defectio liberam voluntatem in committente supponat (*per dem.*): Eosdem a rectitudine actionis quoad voluntatem deficere, apparet. In defectione itaque semper adest defectus a rectitudine actionis quoad voluntatem. Quare cum defectus a rectitudine actionis quoad voluntatem dolus dicatur (*per alleg. §. 665.*): Patet, quod delictum defectionis non nisi dolo committatur.

*Defectio
dolo com-
mittitur.*

§. 667.

Cum itaque delictum defectionis non nisi dolo committatur (§. *Est deli- 666.*); Delictum vero, quod dolo committitur, verum dicatur (*def. §. 641.*): *Delictum defectionis est delictum verum.*

*Sum ve-
rum.*

§. 668.

*Ad delictum defectionis itaque requiritur, ut discessus militis non modo fiat animo militiam deferendi, sed etiam ut animus hic actu quodam eam requi- Quid ad
externo declaretur. ratur.*

Defectio enim delictum verum est (§. 667.). Quare cum delicta vera non absque animo, delinquendi scilicet, committantur (§. 665.): Nec defectio admitti potest absque animo eandem committendi, hoc est, militiam deferendi. Quare cum in discessu militis, a militia nempe, consistat defectio (§. 576.): Patet, quod ad eam requiratur, ut discessus militis fiat animo militiam deferendi. *Q. e. 1.*

Cum vero delicta in genere non solo animo committantur, sed etiam ad eadem requiratur actio externa, qua animus delinquendi declaratur (§. 664.): Statim apparet, quod ad defectionem non sufficiat, discessum fieri animo deferendi, sed etiam requiri ad eandem, ut animus iste actu quodam externo declaretur. *Q. e. 2.*

§. 669.

*Si miles discedens quid agat, quocum militia subsistere simul nequit, Quando
seu, quo posito, eadem tollitur, actu externo declarat, se militiam deferens. actu exter-
se, adeoque, se animo militiam deferende discessisse. no eadem
declaretur.*

M m 2

Cum

Cum idem simul esse & non esse nequeat (§. 28. Ontol. WOLF.): Si quid ponatur, quocum militia subsistere nequit, eandem tolli facile intelligitur. Cum itaque hic ponatur, militem discedentem tale quid agere, quocum militia subsistere nequit (*per hypoth.*): Ille simul in militia manere nequit. Et cum hoc sponte sua agere itidem supponatur (*per hypoth.*): Quod amplius in militia manere nolit, adeoque eam deseruerit, apparet. Quare cum ex actu quodam externo hoc constare supponatur (*per hypoth.*): Patet, quod si miles discedens quid agat, quocum militia simul subsistere nequit, seu quo posito eadem tollitur, actu externo declaret, se militiam deseruisse. *Q. c. 1.*

Et cum desertio delictum verum sit (§. 667.). Delicta vera autem non absque animo committantur (§. 665.): Nec desertio absque animo deferendi scilicet committitur. Quare cum miles discedens, qui quid agit, quocum militia subsistere nequit, actu externo declaret, se eam dereliquisse (*per dem. n. 1.*): Simul apparet, quod animo deferendi discesserit. *Q. c. 2.*

§. 670.

Quando desertio perficitur.

Si miles sponte sua, invito vero auctore belli discedens, actu quodam externo declaret, se militiam deseruisse, desertionem perfecit, sive consummavit.

Ad desertionem enim requiritur, ut discessus militis non modo fiat animo militiam deferendi, sed etiam ut animus hic actu quodam externo declaratur (§. 668.). Cum itaque hic ponatur, militem sponte sua, invito vero auctore belli discedentem actu externo declarare, se militiam deseruisse (*per hypoth.*): Adeoque simul declaret, se animo deferendi discessisse (*per dem. §. 669. n. 2.*): Reliqui nihil est, quod ad desertionem committendam requiritur. Quare cum delictum perfectum, sive consummatum dicatur, si nihil reliqui est, quod ad illud committendum requiritur (*per d. finit.*): Patet, quod si miles sponte sua, invito vero auctore belli discedens, actu externo declaret se militiam deseruisse, desertionem perfecit, sive consummavit.

§. 671.

Quod ulterius explicatur.

Hinc cum, si miles discedens quid agat, quocum militia subsistere nequit, ille actu externo declaret, se militiam deseruisse (§. 669.); In hoc casu vero desertionem perfecit sive consummaverit miles discedens (§. 670.): *Si miles discedens quid agat, quocum militia subsistere nequit, desertionem perfecit, sive consummavit.*

§. 672.

§. 672.

Desertio perfici itaque dicitur, si miles sponte sua, invito vero auctore belli discedens, actu quodam externo declaret, se militiam deservisse. Ut adeo *desertio perfecta* sive *consummata* definiri possit per discessum militis spontaneum, invito vero auctore belli factum, & connectum cum actu quodam externo, quo declaratur, quod militiam deseruerit (§. 670.), sive, quocumq; militia subsistere nequit (§. 671.).

§. 673.

Si miles discedens alteri se det in militiam, defectionem perficit. *Perficitur*

Cum enim quis duobus simul militare non possit (*per dem.* §. 74.): Si miles alteri se det in militiam, in militia, quam hactenus secutus fuit, simul manere nequit. Miles itaque discedens, qui alteri se dat in militiam, agit quid, quod cum militia consistere nequit; Adeoque actu externo declarat, quod militiam deseruit (§. 669.). Quare cum miles discedens, si quid agat, quod cum militia subsistere nequit (§. 671.), sive actu quodam externo declaret, se eam deseruisse (§. 670.), defectionem perficiat: Idem dicendum erit de eo, qui alteri se dat in militiam.

Quod quis duobus simul militare nequeat, exceptionem admittere videri posset in summis ducibus, qui nonnunquam militiae plurium adhuc, quam duorum, nomen præ se ferunt. Et cum præsentis propositionis demonstratio thesi huic innitatur (*per dem.*): Videri etiam posset, quasi assertum pro generali haberi nequeat. Sæpius enim accidit, ut dux quidam belli summus unius jam servitiis adstrictus, etiam in alterius se conferat militiam, quem tamen ideo defectionem admittere, tantum abest, ut potius militiam priorem retineat. Constat vero, militiam personarum talium genere & dignitate eminentium ut plurimum honorariam magis, quam realem esse, nec ut plurimum actu præstari, sed nominatenus saltem geri. Quod si enim militia actu præstari debeat, eandem duobus vel pluribus simul præstari non posse, absque opera intelligitur. Cum itaque, ubi in scientiis versamur, non rerum species, sed ipsas res supponere liceat; Adeoque, si de militia agatur, talis, quæ actu præstari debet, non quæ honoris saltem & nominis gratia geritur, intelligi possit: Utique firmo pede nititur, quod quis duobus simul, actu scilicet, militare nequeat. Quod vero etiam dux belli summus, qui & alterius militiæ nomen suscipit, pro desertore habendus non sit, res ipsa loquitur. Fieri enim hoc non solet, neque potest, absque consensu ejus, cujus militiæ nomen jam gerit. Dici itaque nequit, quod invito illo discedat, sive alterius militiæ se dedat. Quare cum desertio non intelligatur, nisi quæ sit invito auctore belli (§. 576.); Tali definitio non competit; Neque adeo definitum (§. 256. *Log. WOLF.*). Quod si enim ponatur, ducem belli vel summum & cujuscuq; demum dignitatis invito principe alterius servitiis se addicere: Quin pro desertore haberi possit, dubitari

non poterit. Licet utique dignitati ejus tantum soleat concedi, ut leniori modo cum ipso agatur.

§. 674.

Vita generis alius electione.

Similiter, si miles invito auctore belli discedens aliud vite genus eligat, desertionem perficit.

Cum enim milites ad servitia continuo debeant esse parati (§. 275.), nec negotiis aliis implicari (§. 475.); Illud vero fieri nequeat, & hoc fiat, si aliud vite genus eligant (*quod p. r. se patet*): Facile apparet, quod in hoc casu quid agant, quocumque militia simul subsistere nequit. Quare cum miles, qui quid agit, quocumque militia nequit subsistere, actu externo declaret, se eandem deseruisse (§. 669.); Et in hoc casu desertio perfecta habenda sit (§. 670.): Patet, quod etiam miles discedens, si aliud vite genus eligat, desertionem perficiat.

§. 675.

Desertionis attentata definitio.

Si miles actu quodam externo declaret animum a militia discedendi sive militiam deserendi, desertionem vero non perficiat: *Desertio tantum dicitur attentata.* Quæ adeo definiti poterit per actum militis externum, quo animum militiam deserendi declarat, quem tamen ipsa desertio, sive perfectio ejusdem non sequitur.

In genere enim delictum dicitur attentatum, si quis in actus externos ad idem committendum facientes, quibus animus illud committendi declaratur, erumpat, consummatio vero ejusdem non sequatur (*per def.*). Idem itaque etiam ad desertionem attentatam, qua speciem delicti, requiri, apparet. Suos autem gradus eandem admittere, æque intelligitur. Uti mox ostendetur.

§. 676.

Committitur preparatio.

Miles itaque, qui quocumque modo ad desertionem committendam se preparat, eandem attentat.

Preparatio enim ad aliquid committendum actus externos involvit, ex quibus animus illud agendi elucescit (*per hypoth.*). Si itaque miles ad desertionem quocumque modo se preparat, agit quid, quo animus illam committendi declaratur. Quare cum miles desertionem attentare dicatur, si actu externo declaret animum militiam deserendi (§. 675.): Patet, quod miles attentet desertionem, si ad eandem quocumque modo se preparat.

Sic si miles vasa sua, qualiacumque sint, colligat, ea, quæ secum ducere non poterit, vendat, & duplici v. gr. indutio sese induat: Animum deserendi prodit. Cum enim desertor, nescius, an alibi statim conducatur,

tur, opus habeat pecunia, ut sustentare interea se possit; Præparatio vero in iis actibus consistat, qui ad aliquid agendum necessarii, illud præcedunt (*per def.*): Miles utique ad desertionem se præparare dicendus erit, qui talia suscipit.

§. 677.

Miles, qui cum discessu a mansione sua desertionem attentat, pro- *Quando*
prius illam attentat. *propius at-*
tentetur.

Desertio enim in discessu militis, a militia nempe, consistit (§. 576.). Ut itaque desertio committatur, opus est discessu militis; Et eadem non consummatur, nisi discessu a militia, actu quodam externo declarato (§. 672.). Cum vero desertio jam absque discessu attentari possit (§. 676.): Facile apparet, desertionem a consummatione longius adhuc abesse, si absque discessu, quam si cum eodem attentetur; Adeoque consummationi magis appropinquare, si eadem cum discessu, a mansione nempe, quam si absque eo attentetur. Quare cum facile appareat, quod desertio propius attentata dicenda sit, si eadem ad consummationem magis accedit: Patet etiam, quod miles, qui cum discessu a mansione sua, desertionem attentat, propius illam attentet.

§. 678.

Desertio attentata delictum est. Sive: Miles, qui desertionem at- *Delictum*
tentat, delinquit. *est.*

Qui enim desertionem attentat, agit quid, actu scilicet externo, quod ad eandem committendam facit (§. 675.). Cum itaque desertionem obligationi militum contrariam esse, constet (*dem.* §. 577.): Facile etiam apparet, militem, qui desertionem attentat, agere quid, & actu quidem externo, quod obligationi suæ repugnat. Quare cum milites, qui quid agunt, actu scilicet externo, qualis ad delictum requiritur (§. 664.), quod obligationibus eorum contrarium est, delinquant (§. 540.): Patet, quod miles etiam delinquat, qui desertionem attentat; Sive, quod desertio attentata delictum sit.

§. 679.

Desertio commissa dici nequit, nisi fuerit consummata sive perfecta; Desertio
Sive: Desertionem commisisse dici nequit, nisi qui eandem consummavit, quando
fuit perfecta. *commissa*
dicenda
fit.

Desertionem enim commissam dici non posse, facile intelligitur, si aliquid reliquum sit, quod ad eam committendam requiritur. Ut itaque commissa dici queat, nihil hujus superesse debet. Quare cum, si
nihil

nihil reliquū sit, quod ad desertionem committendam requiritur, eadem demum dicatur perfecta, sive consummata (*dem. §. 670.*): Patet, quod desertio tunc demum dici possit commissa, sive miles eam commisisse, si fuerit consummata sive perfecta.

§. 680.

Attentata Qui desertionem propius attentat, actu eandem committit, jam vero dici nequit commississe dici nequit.
commissa.

Cum enim desertio in discessu a militia consistat (§. 576.): Facile apparet, quod eandem actu committat; qui a militia discedit, sive qui in discessu est a militia, hoc est, qui animo militiam deferendi discedit. Quare cum desertio attentata conjuncta sit cum animo deferendi sive a militia discedendi (§. 675.); Ea vero, quæ sit cum ipso discessu a mansione, propius attentata dicatur (§. 677.): Qui desertionem propius attentat, animo militiam deferendi discedit, sive in ipso discessu est a militia. Cum itaque miles, qui est in ipso discessu a militia, desertionem actu committat (*per dem.*): Miles etiam, qui desertionem propius attentat, eandem actu committit. *Q. e. 1.*

Commisisse vero dici nequit desertionem, nisi qui eandem perfecit (§. 679.). Quare cum desertionem nondum perfecit, qui eam saltem attentat (§. 675.): Miles, qui desertionem, propius licet, attentat, commisisse tamen eandem dici nequit. *Q. e. 2.*

§. 681.

Quando Miles, qui desertionem absque discessu a mansione sua attentat, eandem actu committere dici nequit.
attentando non committatur.

Desertio enim discessum, a militia nempe, adeoque & a mansione supponit (§. 576.); Neque hinc absque discessu committitur. Quare cum hic desertionem absque eodem attentari, uti illud fieri potest (§. 676.), ponatur (*per hypoth.*): Apparet, quod miles, qui eandem absque discessu a mansione sua attentat, eam actu committere dici nequeat.

§. 682.

Quinam Pro desertore haberi nequit, nisi qui desertionem aut jam commisit, aut actu saltem committit.
pro desertore habendus.

Cum enim desertor dicatur, qui invito auctore belli a militia discedit (§. 576.); Discessus vero hic militis a militia, desertio dicatur (*ibid.*): Facile apparet, quod desertor sit, qui desertionem committit, & adeo quoque sine dubio, qui eam jam commisit. Quare cum definitum compe-

competere nequeat, nisi eui convenit definitio, sive notæ in hac enumeratæ (§. 256. *Log. WOLF.*): Patet, quod pro desertore haberi nequeat, nisi qui desertionem aut jam commisit, aut actu saltem committat.

§. 683.

Hinc cum miles, qui desertionem absque discessu attentat, eandem actu committere dici nequeat (§. 681.), & multo minus, quod eandem commiserit (*per dem. §. 680. n. 1.*): Statim apparet, quod pro desertore haberi nequeat, qui desertionem absque discessu attentat (§. 682.).

§. 684.

Contra eum desertionem commiserit, qui eandem perfecit sive consummavit (§. 679.): Hic etiam pro desertore habendus est.

§. 685.

Si miles, desertionem propius attentans, deprehendatur, pro desertore recte habetur; neutiquam vero, si ante desertionem perfectam animum deserendi deponat, & sponte revertatur.

Si enim miles desertionem propius attentans deprehendatur: Supponitur, quod actu adhuc versetur in attentando. Quare cum miles, qui desertionem propius attentat, actu eandem committat (§. 680.): Si talis deprehendatur, actu adhuc desertionem committit. Cum itaque is, qui desertionem actu committit, pro desertore habendus sit (§. 682.): Pro tali etiam recte habetur miles, qui desertionem propius attentans, deprehenditur. *Q. c. 1.*

Cum vero desertio absque animo deserendi & discessu non committatur (§. 668.): Si miles, qui desertionem propius licet attentavit, animum deserendi deponat, a discessu desistat, & revertatur, eundem desertionem adhuc committere, dici nequit. Et cum ante desertionem perfectam hoc fieri supponatur (*per hypoth.*); Desertio vero tunc deum commissa dici possit, si fuerit perfecta (§. 679.): Multo minus desertionem jam commississe dici poterit. Quoniam itaque pro desertore haberi nequit, nisi qui desertionem aut jam commisit, aut actu adhuc committit (§. 682.): Pater, quod miles desertionem propius licet attentans, si in eo non deprehendatur, sed animum deserendi deponat & ante desertionem perfectam revertatur, pro desertore haberi nequeat.

Q. c. 2.

Supponitur, aliam rationem, juris præsertim positivi, hic non superaccedere, propter quam pro desertore haberi quis debeat. Nam si v. gr. *Jus mil. nat.* Nn *Natu-*

statutum sit, ut miles, qui absque venia discedens, tertio die pro desertore reputari debeat: Utrique etiam talis desertor habebitur miles, qui absque venia discesserit, & post hoc demum tempus, ultro licet, revertatur, etsi vel desertionem non attentaverit; Et multo magis adeo, si propius hoc fecerit. Hoc vero in eo niritur, quod desertio in illo casu præsumentur. Id quod tamen contraria probatione elidi adhuc poterit.

§. 686.

Quis in flagranti deprehensus dicatur.

Cum si delinquens in committendo delicto, sive in ipso actu, quo delictum committit, deprehendatur, in flagranti, scilicet delicto, deprehensus dicatur (*per not. & hypoth.*): Desertor in flagranti deprehensus dicendus erit, si deprehendatur in committendo desertionem, sive in ipso actu, quo desertionem committit.

§. 687.

Si propius attentans deprehendatur.

Quare cum miles desertionem propius attentans sit in ipso actu illam committendi (§. 680.): Si miles desertionem propius attentans deprehendatur, in flagranti deprehenditur (§. 683.).

§. 688.

Pro desertore habendus.

Et cum miles, qui est in ipso actu committendi desertionem (§. 682.), adeoque & propius eam attentans, si deprehendatur (§. 685.), pro desertore habendus sit: Pro desertore etiam habendus erit miles, qui super desertione in flagranti deprehendatur (§. 686. 687.).

§. 689.

Quando miles discedens pro desertore habendus.

Miles a mansione sua discedens, qui actibus externis declarat, quod animo militiam deferendi discedat, si deprehendatur, pro desertore recte habetur.

Cum enim hic ponatur, quod miles animum militiam deferendi actu externo declarat (*per hypoth.*): Apparet eundem desertionem attentare (§. 675.). Ponitur vero simul, quod hoc faciat discedens a mansione sua (*per hypoth.*). Desertionem itaque cum discessu a mansione sua, adeoque propius attentat (§. 677.). Quamobrem cum miles propius attentans desertionem pro desertore recte habeatur, si deprehendatur (§. 685.): Patet, quod pro eo habendus etiam sit miles, qui a mansione sua discedens actibus externis declarat, quod animo deferendi discedat, si nempe deprehendatur.

§. 690.

Si quid agat militiam tollens.

Si miles discedens quid agat, quocum militia subsistere nequit, pro desertore recte habetur.

Si enim miles discedens quid agat, quocum militia subsistere nequit, declarat, quod vel actu militiam deseruerit, vel animo saltem eam deferendi discesserit (§. 669.). Quare cum miles discedens, qui actu externo vel animum deferendi declarat, pro desertore recte habeatur (§. 689.): Pro eodem etiam utique habendus erit, qui quid agit, quocum militia subsistere nequit.

§. 691.

Si miles longo tempore absque venia, vel ultra veniam absit, pro de- *Qui longo
tempore
absit.*
sertore recte habetur.

Cum enim milites ad servitia continuo parati, adeoque quoquo tempore praesto esse debeant (§. 275.): Diuturna absentia absque venia cum militia subsistere nequit. Milites itaque, qui longo tempore absunt, & quidem sponte sua, invito vero auctore belli, quid agunt, quocum militia nequit subsistere. Militem vero, qui absque, vel ultra veniam absit, sponte quidem sua, invito vero auctore belli abesse, facile intelligitur (§. 277.). Et cum absit (*per hypoth.*): Eundem discessisse, a mansionem nempe sua, simul apparet. Quamobrem cum miles discedens, qui quid agit, quocum militia subsistere nequit, pro desertore habendus sit (§. 690.): Patet, quod pro eodem recte etiam habeatur miles, qui longo tempore absque vel ultra veniam absit.

Legibus positivis definiri solet tempus, a quo miles absque venia discedens pro desertore habeatur. Sic jure patrio statutum est, ut tertio die hoc fiat. Cum enim miles, qui absque venia discedit, vel ultra eam emanet, emanator quidem sit (§. 660.), adeoque delinquat (§. 661.): Pro desertore tamen statim haberi noquit (§. 662.). Quare cum desertio gravior delictum sit emansione; Adeoque poena etiam graviore plectendum (§. 626. Part. 8. Jur. nat. WOLF.): Nolle utique interest, ex quo tempore emanator pro desertore debeat haberi.

§. 692.

Si miles absque venia discedens reducere ipsum volentibus resistat, sive *Qui reduci
se pati non
vult.*
contra eorundem se defendat, pro desertore recte habetur.

Si enim miles absque venia discedens reduci se detrectat, & potius resistit iis, qui reducere ipsum volunt, actu externo declarat, quod reverti nolit. Si vero non revertatur, eundem militiam debere deserere, facile patet. Si itaque discedens reduci se non patiat, declarat animum deferendi. Discedendo vero hoc fieri a milite, & eundem desuper deprehendi supponitur (*per hypoth.*). Quare cum si miles discedens actu externo declarat animum militiam deferendi, si deprehenda-

tur, pro desertore habendus sit (§. 689.): Patet etiam, quod pro tali recte habeatur miles, qui absque venia discedens resistit, reducere eum volentibus.

§. 693.

Non qui sponte revertitur. Miles, qui animo quidem deserendi discedit, ante vero desertionem perfectam animum hunc deponit, & sponte revertitur, delinquit quidem, alia vero causa non accedente, pro desertore proprie habendus non est.

Cum enim miles animo deserendi discessisse supponatur (*per hypoth.*); Discessus vero actum externum efficiat: In casu presenti militem actu externo declarasse animum deserendi sumitur. Desertionem vero non perfecisse, simul ponitur. Quare cum miles, qui actu externo declarat animum militiam deserendi, desertionem vero non perficit, attentasse eam dicatur (§. 675.); Attentatum vero desertionis delictum sit (§. 678.): Utique etiam miles, qui animo deserendi discedit, ante vero desertionem perfectam revertitur, delinquit. *Q. e. 1.*

Cum vero hic militem discedere ponatur (*per hypoth.*); Adeoque desertio cum discessu attentetur (*per dem. n. 1.*): Miles, qui animo deserendi discedit, desertionem propius attentat (§. 677.). Quare cum miles desertionem propius attentans pro desertore haberi nequeat, si ante desertionem perfectam animum deserendi deponat, & sponte revertatur (§. 685.): Patet, quod miles, qui animo deserendi quidem discessit, desertione vero nondum perfecta, animum illum deponit & revertitur, pro desertore habendus non sit, licet delinquat. *Q. e. 2.*

Supponitur merito aliam rationem juris præsertim positivi non accedere, propter quam quis pro desertore recte habeatur. Sic si v. gr. statutum sit, ut miles, qui absque venia discedit, tertio die pro desertore æstimeretur (*scilicet* §. 691.): Utique etiam desertor habebitur miles, qui absque venia discessit, si post hoc demum tempus, ultro licet, revertatur.

§. 694.

An ex alia ratione dif- Si miles discedens absque venia actu externo declaret sive probet se ratione dif- ex alia, quam militiæ deserende ratione discedere, pro desertore haberi cedit. *nequit.*

Pro desertore enim miles a mansione sua discedens, tunc demum habetur, si actibus externis declaret, quod animo deserendi discedat (§. 689.). Quare cum hic non supponatur, quod hoc actu externo declararet, sed contrarium potius, nempe quod ex alia ratione, quam militiam deserendi animo discedat (*per hypoth.*): Patet etiam, quod pro desertore talis haberi non possit.

Aliter.

Aliter.

Desertio enim absque animo deferendi, actu externo declarato, non committitur (§. 663.). Quare cum hic ponatur, militem discedentem non animum deferendi sed aliam discessus sui rationem actu externo declarare (*per hypoth.*): Pro eo, qui desertionem committat, haberi non poterit. Quare cum pro desertore haberi nequeat, qui desertionem non committit, aut commisit (§. 682.): In casu etiam dato miles pro eodem habendus non erit.

§. 695.

Si miles, qui cum venia discessit, a mansione sua, ultra illam vero emanet, five alibi divergit, actu externo declarat, se hoc facere animo deferendi, pro desertore utique habendus est. Bene vero, qui ultra veniam emanet, vel alibi diver-

Cum enim venia in permissione militi data a mansione sua discedendi consistat (§. 277.): Si miles cum venia discedat a mansione sua, dici quidem nequit, quod invito auctore belli discesserit; Neque adeo pro desertore habendus est (§. 576.). Quod si vero miles ultra veniam emanet, vel alibi discedat, idem est ac si absque venia ablit five discesserit (*dem.* §. 658. 659.): Cum venia ad certum tantum tempus vel locum indulta intelligatur. Licet itaque hic ponatur, militem cum venia discessisse (*per hypoth.*): Si tamen ultra eam emanet vel alibi divergat, utique habendus est pro tali, qui absque venia abest five discessit. Quare cum si miles absque venia a mansione sua discedens actu externo declarat, se hoc facere animo deferendi, pro desertore habeatur (§. 689.): Patet etiam, quod si miles, qui cum venia quidem discessit, ultra eam vero emanet, vel alibi divergit, actu externo declarat, se animo deferendi hoc facere, pro desertore habendus sit.

§. 696.

Si miles cum venia discedens, intra venia terminos quid agat, quo cum militia subsistere nequit, pro desertore habendus est. Quando etiam durante venia.

Cum enim militem cum venia discedere, hic supponatur (*per hypoth.*): Adeoque dici nequeat, quod invito auctore belli discesserit (§. 277.): Videri posset, quasi miles, qui cum venia discedit, durante eadem pro desertore haberi nequeat: Cum in desertore discessus invito auctore belli susceptus supponatur (§. 576.). Cum vero venia sit saltem permissio discedendi a mansione, neququam vero a militia (§. 277.), uti dimissio (§. 297.): Si miles veniam nactus a militia discedat, utique invito auctore belli discedere dici potest. Militem vero discedentem, si

quid agat, quod cum militia subsistere nequit, a militia discedere apparet (§. 609.); Miles itaque etiam cum venia discedens, si durante venia quid agat, quo militia tollitur, invito auctore belli discedere dici potest. Si vero miles, invito scilicet auctore belli, discedens, quid agat, quocum militia subsistere nequit, desertionem perficit (§. 671.). Quare cum miles, qui desertionem perficit, pro desertore habeatur (§. 684.): Patet, quod pro eodem etiam habendus sit miles, qui cum venia discedens quid agit, quocum militia nequit subsistere.

Non infrequens etiam est locutio, militem in vel cum venia deseruisse. Quod in specie fit ab iis, qui veniam in aliquem saltem locum eundi nati, alibi & vel extra territorium se convertunt, & cum ultra simplicis emanationis terminos emanant, eo declarent animum militiam deserendi. Cum hi alibi discedere supponantur, quam ipsis concessum est: Invito auctore belli discedere eo clarius apparet (*dem.* §. 659.). Fieri vero etiam potest, ut locum veniæ non egrediatur miles, & tamen quid agat, quocum militia non subsistit. Sic si v. gr. in aliam regionem, ex qua oriundus est miles, cum venia missus ibidem militiæ se dedat. Non ad eum itaque saltem, qui locum veniæ egreditur, restringenda fuit propositio, sed ita generaliter formanda, ut casus hic etiam sub eadem comprehendatur.

§. 697.

Si alii se det in militiam, Si itaque miles cum venia discedens alteri se det in militiam, pro det in militiam desertore recte habetur, licet vel venia finita revertatur, & vel adcomitiam. litiam hanc denuo reliquerit.

Si enim miles alteri se det in militiam, agit quid, quocum militia subsistere nequit (*dem.* §. 673.). Quare cum si miles cum venia licet discedens, & vel durante eadem tale quid agat, pro desertore habendus sit (§. 696.): Statim etiam apparet, quod pro eodem recte habeatur miles, qui cum venia discedens, & vel intra huius terminos alii se det in militiam. *Q. e. 1.*

Licet vero ponatur, talem venia finita ultro reverti, militiam priorem denuo amplexurus (*per hypoth.*); Adeoque videri posset, cum ultra tempus concessum non absit, nec invito auctore belli eum discessisse; Neque propterea pro desertore haberi posse: Desertionem tamen vere perficit (§. 673.); Adeoque cum factum infectum fieri nequeat (*per vulg.*): Neque desertio consummata eo fit infecta, quod miles revertatur, & militiam, quam iniuste subiit, iterum relinquit. Quare cum, qui desertionem perficit, pro desertore habendus sit (§. 684.): Patet, quod pro tali recte etiam habeatur miles, qui durante venia alienam mili-

militiam suscipit, etsi venia finita ultro revertatur, & militiam injuste susceptam relinquat. *Q. e. 2.*

Ex militiæ alterius susceptione desertio alio quidem etiam modo sequi potest. Cum enim militis ad tam breve tempus iniri non soleat, ad quod, saltem plerumque, venia conceditur: Miles, qui alienæ militiæ se dedit, venia finita hanc remittere, aut reverti saltem pro lubitu non poterit. Quodsi vero etiam ponatur, illum reverti consentiente novo domino posse, vel ipso invito discedere & militiam ejusdem deferere, adeoque veniæ tempus non excedere: Hoc tamen non obstante pro desertore, uti jam ostensum fuit, recte habebitur. Aliud vero plane est in præfectis militum superioribus, quibus quandoque permittitur, militiam alibi voluntariorum instar præstare. Cum enim specialis permissio factio huic accedat (*per hypoth.*): Dici nequit, quod invito auctore belli fiat; Nec pro factio, quocum militia non subsistat, haberi poterit: Cum ab hujus actuali præstatione talis ad tempus solvatur, consentiente nempe belli domino.

§. 698.

Miles, qui absque venia discedit, aut ultra eam emanet, aut alibi Ante divergit, si sponte revertatur, pro desertore quidem absque alia causa su. sersionem peraccidente haberi nequit, desertionem tamen attentasse recto censetur, attentasse si alias absentia sue rationes allegare non poterit. quis censendus.

Cum enim miles, qui & animo deferendi discedit, pro desertore habendus non sit, si ante desertionem perfectam sponte revertatur (§. 693.); Hic vero animus deferendi in discedente nondum ponatur (*per hypoth.*): Multo minus miles pro desertore statim haberi poterit, qui absque venia discedat, ultra eam emanet, aut alibi divergat, modo sponte revertatur. *Q. e. 1.*

Cum vero aliæ accedere possint causæ, propter quas miles, qui vel absque venia, vel ultra veniam abest, pro desertore habeatur, uti si vel longo tempore absit (§. 691.), vel actu externo animum deferendi declaret (§. 695.): Pater, quod hoc demum intelligendum sit, si talis causa non accedat. *Q. e. 2.*

Quoniam autem porro nihil est, vel sit sine ratione sufficienti, cur potius sit, quam non sit aut fiat (§. 70. *Ontol. WOLF.*): Ratio etiam adesse debet, cur miles vel sine venia discesserit, vel ultra eam emanerit, vel alibi divagatus sit. Cum vero cuique rationes, cur quid faciat, optime debeant esse notæ (*quod per se patet*): Miles, qui vel sine vel ultra veniam absuit sive discessit, optime etiam nosse debet rationes, cur illud fecerit. Quodsi vero probabiles absentia sue rationes allegare non poterit: Probabiliter eas colligere, adeoque præsumere licebit (§. 245.

Part.

Part. 2. Jur. nat. WOLF.) Si vero rationes nullæ peculiare præstant, præsumendum est id, quod plerumque fit (§. 248. *loc. cit.*). Quare cum hic aliæ rationes peculiare & probabile non supponantur (*per hypoth.*): Ratio alia præsumi nequit, cur miles vel sine venia discesserit, vel ultra eam emanerit, quam ex qua plerumque hoc fieri solet. Cum vero ipsa desertio in discessu militis invito auctore belli suscepto consistat (§. 576.); Ordinario etiam milites absque venia discedentes, vel ultra eam emanentes, aut alibi divergentes, animo deferendi hoc faciant (*per exper.*): Si miles vel absque venia discedat, vel ultra emanet, aut alibi divergat, præsumi etiam aliud nequit, quam quod animo deferendi illud egerit, si nempe rationes aliæ non appareant. Quod hic non supponitur. Actu itaque externo, qualis est discessus, animum deferendi declaravit. Illum vero sponte reverti & desertionem saltem non perfecisse itidem sumitur (*per hypoth.*). Quamobrem cum si miles actu quodam externo animum deferendi militiam declaret, desertionem vero non perficiat, attentare eandem dicatur (§. 675.): Apparet etiam, quod miles eandem attentasse recte censetur, si absque venia discedat, vel ultra eam emanet, aut alibi divergat, & absentie sue rationes alias probabiles allegare nequeat. *Q. c. 3.*

§. 699.

*In specie
quando
emanfor.*

Quare cum miles, qui absque venia a mansione sua abest, vel ultra eam emanet, aut alibi discedit, emanfor dicatur (§. 660.): *Emanfor* si sponte revertatur, alia causa non superaddente pro desertore quidem haberi nequit; Si vero rationes alias absentie sue allegare non poterit, desertionem attentasse recte censetur (§. 698.).

§. 700.

*Quando
prodeser-
tore habendus.*

Si emanfor deprehensus reverti detrectet & reduci se non patiat ab iis, qui ipsum deprehendunt, pro desertore recte habetur. Cum enim desertio fiat animo militiam deferendi (§. 668.); Adeoque non revertendi (*quod per se patet*): Si emanfor deprehensus reverti detrectet, animum deferendi utique declarat. Emanforem vero a mansione sua discedere, constat (§. 660.). Quare cum miles a mansione sua discedens, qui actu externo animum deferendi declarat, pro desertore recte habeatur, si deprehenditur (§. 689.): Pro eodem etiam habendus erit emanfor, deprehensus, si reverti detrectet, & reduci se pati nolit ab iis, qui ipsum deprehendunt.

§. 701.

§. 701.

*Si miles, qui ad certum tempus & locum veniam impetravit, an- Quando-
mo deferendi alibi discedat, vel animum eundem alio declaret modo, de- nam miles
sertionem autem non perficiat, sed venia expirante redeat, desertionem desertio-
quidem attentasse censendus est, pro desertore vero haberi nequit. nem atten-
tet intra
veniam.*

Miles enim, qui actu externo declarat animum militiam deferendi, desertionem vero non perficit, eandem attentasse tantum dicitur (§. 675.). Quare cum hic supponatur, militem, qui veniam nactus est ad certum tempus & locum, alibi quidem discedere, eoque vel alio modo animum deferendi declarare, sed desertionem non perficere & redire (*per hypoth.*): Patet, quod talis desertionem attentasse quidem censendus sit. *Q. e. 1.*

Cum vero miles, qui animo deferendi discedit, sive desertionem attemptat, ante vero desertionem perfectam redeat, pro desertore haberi nequeat (§. 693.): Simul apparet, quod multo minus pro tali habendus sit miles, qui cum venia discedens, animum quidem deferendi declaret, desertionem vero non perficiat, & vel ante veniam expirantem redeat. *Q. e. 2.*

§. 702.

*Si miles non ad diem commeatus, sed serius revertatur, emanfor Si ad diem
quidem est, adeoque si dolus aut culpa ejus subsit, delinquit, non vero pro commeatus
desertore statim habendus. non rever-
sus.*

Cum enim commeatus dicantur literæ, quæ militi in testimonium veniæ impetratæ dantur (§. 278.): Militem, qui non ad diem commeatus, sed serius revertitur, ultra veniam emanere, facile intelligitur. Quare cum miles, qui ultra veniam emanet, emanfor dicatur (§. 660.): Patet, quod miles etiam, qui non ad diem commeatus, sed serius revertitur, emanfor sit. *Q. e. 1.*

Quare cum emanfor delictum sit (§. 661.), supposito scilicet, quod dolo vel culpa fiat (*schol. ib.*): Apparet simul, quod talis, si nempe dolo aut culpa, nec forsan necessitate quadam externa impeditus debito tempore non revertatur, delinquat. *Q. e. 2.*

Cum vero emanfor, si revertatur, alia causa non accedente, pro desertore haberi nequeat (§. 699.); Alia vero causa, quæ desertorem constituit, hic non supponatur (*per hypoth.*): Intelligitur etiam, quod miles non ad diem commeatus, sed serius rediens pro desertore statim habendus non sit. *Q. e. 3.*

Jus mil. nat.

O o

Opti-

Optime consentit cum hac & aliis thesibus constitutio juris romani, dum pronunciat, *si ad diem commeatu quis non veniat, perinde in eum statuendum esse, ac si emanisset, vel deseruisset, pro numero temporis: Facta prius copia docendi, num forte casibus quibusdam detentus sit, propter quos venia dignus videatur* (l. 3. §. 7. ff. de Re milit.). Crassa itaque nimis applicatione hujus legis milites ad diem commeatu non revertentes, nullo habito discrimine, ad desertores, vel capitali poena afficiendos, referre videtur SCHOEPPER (§. 65. cap. 2. Diff. de Milit. def.), sibi merque ipsi contradicere, dum inter desertorem & emanforem differentiam tamen admittat (§. 45. cap. 1. loc. cit.). Quod enim dicatur, in talem statuendum esse, ac si emanisset, vel deseruisset: Illud non indistincte sumendum esse, facile intelligitur. Addebat enim *pro numero temporis, & facta prius copia docendi, num forte casibus quibusdam detentus sit.* Quare cum & in anterioribus sit demonstratum, militem, si longo tempore ultra veniam absit, pro desertore recte haberi (§. 691.), & in emanfore etiam rationes alia probabiles attendenda sint (§. 698.): Principiis antea stabilitis dispositionem hanc juris convenire apparet.

§. 703.

*Si miles
animum
deserendi
saltem ha-
buerit.*

Si miles animum deserendi habuerit, actibus vero externis illum non declaraverit, pro desertore haberi nequit.

Ad desertionem enim animus deserendi non sufficit, sed requiritur etiam, ut hic actu quodam externo declaretur (§. 668.). Qui itaque animum deserendi actibus externis nondum declaravit, desertionem committere aut commississe dici nequit. Quare cum pro desertore haberi nequeat, nisi qui desertionem aut committit aut commisit (§. 682.): Patet, quod talis dici nequeat miles, qui animum saltem deserendi habuit, actu vero quodam externo illum nondum declaravit.

§. 704.

*Desertio-
nis propo-
sita desui-
tio.*

Si miles animum saltem habuerit deserendi, actu vero externo eundem nondum declaraverit, Desertio saltem dicitur proposita. Quare adeo definiri poterit per animum deserendi actu externo nondum declaratum.

§. 705.

*Attentata
dici nequit.*

Miles itaque, qui desertionem tantum sibi proposuit, eandem attentasse dici nequit, nec pro desertore haberi.

Attentare enim dicitur desertionem miles, qui actu quodam externo animum deserendi declarat (§. 675.). Quare cum miles, qui desertionem tantum sibi proposuit, animum deserendi actu externo nondum declarasse ponatur (§. 704.): Patet, quod talis desertionem attentasse dici nequeat. Q. e. i.

Et

Et cum nec pro desertore haberi possit miles, qui animum deserendi actu externo non declaravit (§. 703.): Nec pro eodem haberi poterit, qui desertionem tantum sibi proposuit. Q. e. 2.

§. 706.

Si miles de desertione facienda tantum cogitaverit, aut secum etiam Quando deliberaverit, nondum vero animo secum eandem decreverit, desertionem desertio sibi proposuisse dici nequit. *proposita dici nequeat.*

Propositum enim decretum animæ sive actum voluntatis involvit (§. 503. Part. 1. Theol. nat. WOLF.); Cogitatio vero, quemadmodum etiam deliberatio, sive consultatio (§. 499. loco cit.), non idem, sed ad intellectum saltem spectat (§. 23. Psychol. emp. WOLF.). Quare cum hic supponatur, militem de desertione facienda saltem cogitare, aut secum deliberare, nondum vero eam animo secum decernere (*per hypoth.*): Patet etiam, quod desertionem sibi proposuisse dici nequeat, qui de eadem admittenda saltem cogitat, nondum vero animo eandem secum decernit.

§. 707.

Si miles de desertione forsan suscipienda saltem cogitet, aut se-Desertio-cum deliberet, eandem vero animo nondum decernat, Desertio dicitur nis cogitata. Quæ definiri adeo poterit per cogitationem sive deliberatio-ze definitio-nem de desertione forsan suscipienda cum decreto animæ nondum conjuncta.

§. 708.

Miles itaque, qui de desertione saltem cogitavit, eandem attentasse Dicitur nequit minime dici, multo minus pro desertore haberi poterit. *attentata.*

Miles enim, qui de desertione saltem cogitat, eandem sibi proposuisse dici nequit (§. 706.). Miles vero, qui desertionem vel sibi jam proposuit, eandem tamen attentasse dicendus non est, neque pro desertore haberi potest (§. 705.). Multo minus itaque illud dici poterit de eo, qui de desertione saltem cogitavit.

§. 709.

Desertio tam proposita, quam cogitata pro delicto haberi nequit. *Cum pro-*

Cum enim desertio cogitata nondum dici possit proposita (§. 706.); *posita deli-* proposita vero etiam actus externos nondum supponat (§. 704.): *ctum non* que solo animo saltem consistere, & ad actus tantum internos referri *fit.* debere, facile apparet. Quare cum delictum solo animo non committatur, sed ad illud actio quædam externa requiratur, qua animus delin-

quendi declaratur (§. 664.): Patet, quod desertio tam proposita, quam cogitata solum, pro delicto haberi nequeat.

Hoc ad effectum saltem poenæ positivæ dici posse, facile apparet. Iiuc ipso etiam jure civili dicitur, quod cogitationis poenam nemo patiatur (*L. 18. ff. de Pœnis*). Cum vero iudicio divino & vel cogitationes subiaceant: Propositum etiam & vel sola cogitatio de delicto aliquo committendo, licet non delictum, peccatum tamen est, vindictæ divinæ subiectum. Quod vero actus internus nec ideo delictum efficiat, quod ab eodem periculum imminet, ostendit *perill. L. B. de WOLF (schol. ad §. 643. Part. 8. Jur. nat.)*.

§. 710.

Si plures simul deserant, illi inter se antea debent consentire in desertionem simul faciendam.
Si enim plures simul deserant: Eisdem idem agere facile apparet. Cum vero desertio delictum verum sit (§. 667.); Neque adeo absque animo committatur (§. 665.): In desertoribus voluntas sive animus deserendi supponitur. Si itaque plures una deserunt: Velle debent idem, quod volunt alii. Quare cum qui vult, ut fiat, quod fieri vult alter, consentire dicatur (§. 658. Part. 1. Phil. pract. univ. WOLF.): Patet, quod si plures simul deserant, illi inter se antea consentire debeant in desertionem simul faciendam.

§. 711.

Conspirationis ad desertionem definitio.
 Hinc cum, si plures in idem delictum simul committendum consentiant, conspirare dicantur (*per def.*); Desertio vero sit delictum (§. 577.): Si milites plures in desertionem simul faciendam consentiant, ad eandem eos conspirare, apparet. Ut adeo *Conspiratio ad desertionem* sit consensus plurium in desertionem simul committendam.

Stilo militari, vocabulo licet barbaro, dici solet *ein Desertionscomplot*.

§. 712.

Præcedit desertionem plurium.
Desertionem itaque plurium præcedere debet conspiratio.
 Si enim plures simul deserunt, iidem antea consentire debent in desertionem simul faciendam (§. 710.). Quare cum consensus plurium in desertionem simul faciendam conspiratio dicatur (§. 711.): Statim patet, quod conspiratio desertionem plurium debeat præcedere.

Non vero quis sibi persuadeat, militibus hic imponi conspirandi necessitatem. Cum enim non debeant deserere; Conspiratio vero desertionis gratia fiat (§. 711.): Facile etiam intelligitur, quod nec debeant conspirare, sive hoc ipsis licere nequeat. Dum itaque dicitur, quod desertionem

nem

nem plurium præcedere debeat conspiratio: Aliud nihil asseritur, quam quod desertio plurium fieri nequeat sine prævia conspiratione, sive illa hanc requirat.

§. 713.

Inter eos, qui simul deserunt, adesse debet unus vel plures, qui sa- Desertio
ciunt, ut ad desertionem alii commoveantur. plurium
quid invol-
vat.

Si enim plures simul deserunt, iidem antea in desertionem faciendam consentire debent (§. 710.). Ut quis vero consentiat in aliquid, opus est, ut fieri velit, quod fieri vult alter (§. 658. Part. 1. Phil. præf. univ. WOLF.). Si itaque quis consentire debeat, necesse est, ut sciat, quid alter fieri velit. Cum vero de alterius voluntate non constet, nisi eadem verbis aut factis declaretur (§. 660. loco cit.): Ut desertio a pluribus simul suscipiatur, opus est, ut unus vel plures voluntatem suam deserendi declarent aliis, qui per hanc declarationem ad consensum suum in desertionem simul suscipiendam commoveantur. Facto itaque illorum sit, vel fieri saltem supponitur, ut & alii ad desertionem perducantur. Cum vero hoc in omni desertione a pluribus simul suscipienda locum habere debeat (*per dem.*): Patet, quod inter eos, qui simul deserunt, unus vel plures esse debeant, qui faciunt, ut alii ad desertionem simul commoveantur.

§. 714.

Qui facit, ut ad desertionem simul cum ipso suscipiendam alius com- Quisnam
moveatur, auctor desertionis est. sit auctor
desertio-
nis.

Desertio enim delictum est (§. 577.). Qui itaque facit, ut alius simul cum ipso deserat, ille facit, ut alius cum ipso simul delinquat. Quare cum is, qui facit, ut & alii delinquant, auctor delicti dicatur (§. 626.): Patet, quod auctor desertionis sit, qui facit, ut alius cum ipso deserat, sive ad desertionem simul suscipiendam commoveatur.

§. 715.

Hinc cum is, qui facit, ut alius ad delinquendum commoveatur, *is, qui al-* seducere cum dicatur (*per def.*): *Qui alium ad desertionem cum ipso* rum sedu-
simul faciendam seducit, auctor ejusdem est. cit.

§. 716.

Et porro cum desertio delictum militare sit (§. 587.); Auctores *Gravius*
vero delictorum militarium gravius delinquant iis, qui per ipsos ad ea. *delinquit*
dem commoveantur (§. 628.); Qui facit, ut ad desertionem simul facien- *seducto.*

dam alius commoveatur, sive, qui alium ad eandem seducit, gravius delinquit eo, qui seductus deserit.

§. 717.

Quid, si desertio non sequatur invitatio-nem?

Miles, qui alterum ad desertionem secum faciendam invitat, aut in genere seducere conatur, eo delinquit, licet hic non consentiat, sive desertio actu non sequatur.

Miles enim, qui alterum ad desertionem secum faciendam invitat, eundem ad hanc seducere intendit. Animum vero hunc suum expresse, adeoque actu externo declarat, dum ipsum invitat, quod verbis fieri constat. Licet itaque ponatur, quod alter consentire velit, sive desertio actu non sequatur (*per hyp.*); Adcoque seductio non perficiatur: Miles tamen, qui alterum ad desertionem invitat, id agit, quod ad eandem facit. Seductionem vero ad desertionem delictum esse, in aprico est (§. 716.). Quare cum delictum dicatur attentatum, si quis in actu externos ad idem committendum facientes erumpat, consummatio vero ejusdem non sequatur (*schol.* §. 675.): Seductio etiam attentata dicenda erit, si miles id egrit, quod ad eam committendam facit, eadem vero actu non sequatur. Delictum vero, modo licet attentatum, attamen delictum est (*per dem.* §. 678.). Atque hinc patet, quod miles, qui alterum ad desertionem invitat, sive in genere seducere conatur, delinquat, etsi hic non consentiat, aut desertio actu non sequatur.

§. 718.

Desertio conspirationem necessario non sequitur.

Ut desertio conspirationem ad eandem actu sequatur, absolute non requiritur.

Fieri enim potest, ut ii, qui in desertionem conspirarunt, vel sponte desistant ab illius executione, vel ante desertionem susceptam detegantur, adeoque vel invitati ab eadem desistere cogantur (*per exper.*). Facta igitur conspiratione ad desertionem, æque possibile est, ut hæc sequatur, quam non. Quare cum necessarium dici nequeat, cujus contrarium æque possibile est (§. 279. *Ontol. WOLF.*): Facile apparet, quod absolute non requiratur, sive opus non sit, ut desertio actu sequatur conspirationem ad eandem.

§. 719.

Hæc pro desertione attentata habenda.

Conspiratio ad desertionem plus est desertione proposita, & vel pro attentata haberi poterit.

Conspiratio enim in consensu, in desertionem nempe, consistit (§. 711.). Consensus vero verbis vel factis declaratur (§. 66c. *Part. 1. Phil. præf. univ.*

unio. WOLF.); Adeoque non solo animo deferendi ninitur. Quare cum desertio proposita solo animo deferendi, actibus externis non declarato, absolvatur (§. 704.): Patet, quod conspiratio ad defectionem plus sit defectione proposita. *Q. e. 1.*

Cum itaque eadem non solo animo deferendi contineatur, sed hic actu externo declaratur (*per dem. n. 1.*); Si vero animus deferendi actu quodam externo declaratur, defectione dicatur attentata (§. 675.): Apparet, quod pro defectione attentata haberi poterit. *Q. e. 2.*

Aliter.

Conspiratio ad defectionem preparatoria ejusdem est (§. 711.). Quare cum defectionem attentet, qui quocunque modo se ad eam preparat (§. 676.): Patet, quod pro defectione attentata haberi poterit conspiratio ad eandem.

§. 720.

Conspiratio ad defectionem delictum & quidem militare est, etsi Delictum etiam hac actu non sequatur. *est, defectione licet non secuta.*

Desertio enim obligationi militum contrariatur (*dem. §. 577.*). Quare cum conspiratio ad defectionem faciendam tendat (§. 711.): Eandem obligationi militum contrariam esse apparet. Non vero solo animo absolvitur, sed actus externos supponit (*per dem. §. 719.*). Conspiratio itaque ad actiones externas referenda est. Quare cum actio, externa scilicet, obligationi cujusdam contraria delictum dicatur (*def. §. 540.*): Patet, quod conspiratio ad defectionem delictum sit. *Q. e. 1.*

Sive brevius. Conspiratio ad defectionem pro defectione attentata haberi poterit (§. 719.). Quare cum desertio attentata delictum sit (§. 678.): Idem de illa apparet. *Q. e. 1.*

Defectionem vero non nisi a milite committi, facile intelligitur (§. 576.). Quare cum conspiratio ad defectionem eandem intendat (§. 711.): Nec hæc ab aliis, quam militibus, agitur. Cum itaque delictum sit (*per dem. n. 1.*); Delictum vero, quod non nisi a milite, hoc est, a milite, qua tali, committitur, militare dicatur (§. 543.): Eadem etiam delictum militare est. *Q. e. 2.*

Cum vero ad conspiracyonem non requiratur, ut desertio eam actu sequatur (§. 718.): Apparet, quod eadem nihilominus delictum sit, licet desertio non sequatur actu. *Q. e. 3.*

§. 721.

§. 721.

Quid conspiratio in- In conspiratione ad defectionem adesse debet unus vel plures, qui fa-
volvat. ciunt, ut reliqui in defectionem simul faciendam consentiant.

Ut enim plures in idem consentiant, requiritur, ut sit unus vel plures, qui quid fieri velint, declarent (*per dem. §. 713.*). Quare cum conspiratio ad defectionem in consensu plurium in idem, defectionem nempe simul committendam consistat (§. 711.): Ad eandem etiam requiritur, ut unus vel plures declarent animum deserendi aliis, qui eo ad consensum suum commoveantur. Facto itaque illorum fit & fieri supponitur, ut in defectionem alii consentiant. Quare cum per hunc consensum conspiratio demum oriatur (§. *cit.*): Pater, quod in conspiratione ad defectionem adesse debeat unus vel plures, qui faciunt, ut reliqui in defectionem simul faciendam consentiant.

§. 722.

Quisnam Qui facit, ut alii ad conspirationem commoveantur, auctor ejus-
ejus auctor dem est.
fit.

Conspiratio enim ad defectionem delictum est (§. 720.): Qui itaque facit, ut alii ad eandem commoveantur, efficit, ut alii cum ipso delinquant. Quare cum is, qui hoc efficit, auctor delicti dicatur (§. 626.): Patet, quod is, qui facit, ut alii ad conspirationem commoveantur, auctor sit ejusdem.

§. 723.

Gravius is Hinc cum conspiratio ad defectionem delictum militare sit (§. 720.);
delinquit. Auctores vero delictorum militarium gravius delinquant iis, qui per eos ad eandem commoveantur (§. 628.): *Qui facit, ut ad conspirationem alii commoveantur, sive auctor ejusdem, gravius delinquit iis, qui saltem consensum suum præbent.*

§. 724.

Reticendo Miles, qui conscientiam habet defectionis, quæ ab uno vel pluribus
defectionem delin- intenditur, delinquit, si eam reticeat, neque aperiat.
quitur.

Milites enim obligantur ad omnia, quæ ad bellum gerendum necessaria sunt (§. 157.). Cum vero obligationes militum in genere ad bellum gerendum tendant (*schol. ibid.*): Ad hoc necessarium est, ut singuli obligationibus suis satisfaciant. Obligantur itaque etiam milites, quantum in ipsis est, ad efficiendum, ut alii hoc faciant, adeoque ad impediendum, quantum possunt, ne obligationibus suis adversentur. Per defectionem vero milites obligationi suæ generali contrarium agere, liquet

liquet (*per dem.* §. 577.). Obligantur itaque etiam milites ad impedendum, quantum ipsis datur, ne alii deserant. Impediri vero hoc potest, si desertio, quæ ab uno vel pluribus intentatur, detegatur ab eo, qui ejusdem conscientiam habet (*quod per se patet*). Obligatur itaque etiam talis ad eam detegendam; Adeoque cum obligationi suæ adversari, si illam reticeat, apparet (§. 536.). Quare cum milites, si obligationibus suis contraria agunt, delinquant (§. 540.): Patet, quod miles etiam, qui conscientiam habet desertionis, quæ ab uno vel pluribus intentatur, delinquat, si eam reticeat, neque aperiatur.

Sufficere equidem videri posset, si is, qui conscientiam habet desertionis ab aliis committendæ, eos dehortetur, ne eandem perficiant, sed ut porius ab animo suo desistant. Cui dehortationi si locum concedant, desertio æque impediretur, ac si detegatur, & remedio quidem leniori, quod utrique duriori præferendum est. Denunciationem enim poenam sequi constat. Cum vero intentans desertionem ipsum dehortanti facile promittere, se ab ea desistere velle, ut saltem hunc a detegendo detineat: Remedium hoc tutum non satis est, adeoque efficaciori opus ad impediendam desertionem, quam quis imminere comperit.

Nec obstat, quod delictum actionem quandam supponat; Hic vero saltem non factum, sive actionis omisso occurrat. Hanc enim æque actionem privativam licet esse (§. 24. *Part. 1. Phil. pract. univ. WOLF.*), & non facto etiam delinqui posse (§. 697. *ibid.*), constat. Imo etiam, qui non impedit factum alterius, quod poterat, ei hoc imputatur (§. 678. *loc. cit.*); Et factum alienum imputatur reticenti, ubi non reticendo poterat impediri (§. 679. *ibid.*).

§. 725.

Hinc cum facile appareat, quod miles, qui ab altero ad desertionem ab ipso intentatam invitatur, hujus notitiam acquirat; Miles vero, qui conscientiam habet desertionis ab alio intentatæ, delinquat, nisi eam aperiatur (§. 724.): Miles etiam, qui ab altero ad desertionem invitatur, *Et si in eam non consentiat.* ceteri non consentiat, delinquit tamen, si illud reticeat, neque detegatur.

Dehortatio hic multo minus sufficit, cum desertionem intentans sciat, quod alius hujus notitiam habeat. Quod in casu precedenti non supponitur. Fieri enim equidem potest, præsertim in conspiratione ad desertionem, ut quis casu eandem comperiat, insciis iis, qui ejusdem participes sunt.

§. 726.

Miles, qui ab una cohorte discedit, & alteri ejusdem exercitus se addicit, delinquit quidem, proprie tamen desertor non est. *Qui alteri cohorti se addicit, desertor non est.*

Cum cohorti cuique certus locus commorandi gratia assignari soleat (*per exper. & hypoth.*), Locus vero, qui militibus commorandi gratia assignatus est.

Jus mil. nat.

Pp

affi.

assignatur, mansio dicatur (§. 276. *schol.*): Facile apparet, quod miles, qui a cohorte sua discedit, a mansione sua discedat. Quare cum miles, qui a mansione sua discedit, invito nempe auctore belli, quod subintellegitur, delinquat (§. 657.): Miles etiam delinquit, qui cohortem suam deserit, & alii se addicit. *Q. e. 1.*

Cum vero milites gentis cujusdam in universum sumti, exercitus dicantur (§. 190.); Cohortes vero partes ejusdem constituent (§. 191.): Qui ab una cohorte discedit, & alteri unius nempe ejusdemque exercitus se addicit, a militia discedere dici nequit. Quare cum desertor deum sit, qui a militia discedit (§. 576.): Patet, quod desertor proprie non sit, qui ab una cohorte discedit, & alteri ejusdem exercitus se addicit. *Q. e. 2.*

Cum hic cohortes unius ejusdemque exercitus, adeoque ejusdem principis supponantur: Facile patet, quod alius plane casus constituitur, si copias auxiliaribus se addicat, in eodem licet tunc exercitu constitutis. Cum enim non perpetuum sed temporarium quid saltem hoc esse soleat, ut copiarum auxiliares cum propriis unum exercitum constituent, & finita expeditione sive bello illæ ab his iterum secedant: Miles, qui iisdem se addixit, militiæ domini prioris plane subduceretur; Adeoque utique pro desertore recte censeretur.

§. 727.

*Nec qui
coactus
discedit.*

Si miles necessitate quadam externa coactus fuit ad discessum a militia, pro desertore haberi nequit, nec etiam delinquit.

Desertio enim discessum spontaneum a militia supponit (§. 576.). Cum itaque hic supponatur, militem necessitate quadam externa ad discessum cogi (*per hypoth.*); Neque adeo discessus spontaneus sit: Facile patet, quod desertionem non committat. Quare cum pro desertore haberi nequeat, qui desertionem non committit (§. 682.): Nec pro tali habendus erit miles, qui necessitate quadam externa coactus a militia discedit. *Q. e. 1.*

Cum vero milites invito auctore belli a militia discedere nequeant (§. 296.): Apparet, quod obligationi suæ contrarium agant, si discedant a militia. Necessitate externa vero hoc fieri, hic supponitur (*per hypoth.*): Quare cum milites, licet obligationibus suis adversando delinquant (§. 54.), hoc tamen æque non faciant, si necessitate quadam externa vel physica impellantur ad iisdem contraria agenda (§. 546.): Miles etiam, qui necessitate quadam externa ad discessum a militia cogitur, non delinquit. *Q. e. 2.*

Casus

Casus tales recenset SCHOEPPER (§. 70. *seqq. cap. 3. Diff. de Militie desert.*). Quemadmodum vero miles, qui captus, cum possit, non revertitur, delinquit (§. 598.): Ita quoque apparet, quod miles, qui necessitate quidem externa ad discedendum coactus fuit, delinquat tamen, si, cum possit, non redeat; Imo cum tunc sua sponte absit, siue remaneat a militia, pro desertore habendus sit.

§. 728.

Qui non proprie ad militiam, sed ad militibus saltem auxilia præbenda obligantur, delinquant quidem, pro desertoribus vero haberi nequeunt, si absque dimissione discedant.

Cum enim desertio in discessu a militia consistat (§. 576.); A militia vero discedere dici nequeunt, qui ad eam non obligantur: Hi etiam desertionem committere dici nequeunt. Præterea cum desertio supponat obligationem ad militiam (§. 578.): Desertio non committitur ab iis, qui ad militiam non obligantur. Quare cum pro desertore haberi nequeat, qui desertionem non committit (§. 682.): Patet, quod nec pro talibus haberi possint ii, qui ad militiam proprie non obligantur, si absque dimissione discedant. *Q. e. 1.*

Cum vero supponatur, eosdem ad auxilia præbenda militibus obligari (*per hypoth.*); Auxilia vero præbere non possint, si discedant: Facile intelligitur, quod obligationi suæ adversentur, si discedant absque dimissione, hoc est, permissione ejus, cui obligantur (§. 297.). Quare cum, qui obligationi suæ contrarium quid agit, delinquat (*per dem. §. 540.*): Patet, quod etsi pro desertoribus haberi nequeant, delinquant tamen ii, qui ad auxilia militibus saltem præbenda obligantur, si absque dimissione discedant. *Q. e. 2.*

§. 729.

Quamobrem cum *concionatores bellici, auditores, chirurgi, lixæ & alii* non proprie ad ipsam militiam & bellum gerendum, sed ad auxilia tantum militibus præbenda obligentur (*quod per se intelligitur*); Neque etiam adeo ad milites referantur, quam quoties de ipsorum favore agitur (§. 449.): *Iisdem quidem delinquant, si absque dimissione discedant, pro desertoribus vero haberi nequeunt.*

De quibusdam dubium forsitan videri posset, an ad milites proprie sic dictos, an ad eos saltem referendi sint, qui iisdem auxilia præbent. Quæstio præsertim de tibicinibus & tympanotribis moveri poterit. Facile autem patet, quod cum milites sint, qui ad bellum gerendum adhibentur (§. 14.): Ad eosdem etiam referendos esse, qui bello proprie gerendo intersunt. Quare cum ad bellum gerendum opus sit, ut milites ad pu-

gnandum cum hoste tam convocari, quam, si e re ita videatur, a pugnando avocari possint; Quod experientia testis comprobatur; Huc vero tendat usus tympanorum, & in equitatu tubarum (*per hypoth.*): Tympanotribas & buccinatores ad milites proprie sic dictos referri, dubium non videtur. Tibias autem vero usui bellico non sufficere, sed vel ad oblectandos solum milites spectare, constat. Tibicines itaque etiam, & maxime eminentioris gradus, qui voce gallica *Hautbois* dicuntur, ab eorum numero non absque ratione eximuntur. Quodsi vero & hi aut alii quidam, uti famuli praefectorum, ad militiam lege positiva expresse & vel juramento adstringantur; Ei vero, qui in leges militares jurat, injuria non fiat, si vel gravissima poena illis statuta ipsi infligatur (§. 156.): Dubitari etiam nequit, quod in hoc casu ad desertores referri debeant, & de eo conqueri non possint, si absque dimissione discedant.

§. 730.

Nec voluntarii.

Voluntarii, si absque dimissione, a militia discedunt, delinquant quidem, pro desertoribus vero haberi nequeunt.

Voluntarii enim diutius in militia manere non obligantur, quam ipsis libuerit (§. 304.): Obligatio itaque ad militiam restricta saltem est ad eorum arbitrium, adeoque cessat, quamprimum voluerint. Quare cum voluntarius, si discedat, declaret, quod ad militiam obligatus esse amplius nolit; Quod per se patet: In voluntario discedente cessat etiam obligatio ad militiam. Desertio vero hanc obligationem supponit (§. 578.). Desertio itaque a voluntario discedente non committitur. Quamobrem cum pro desertore haberi nequeat, qui desertionem non committit (§. 682.); Nec pro eo habendus est voluntarius, qui absque dimissione discedit. *Q. e. 1.*

Cum vero voluntarii, dum militantes, ad omnia obligentur, ad quae milites in genere (§. 303.), & in specie etiam, si discedere velint, illud indicare & permissionem exigere debeant (§. 304. *schol.*); In permissione vero militi data discedendi a militia dimissio consistat (§. 297.): Facile patet, quod si voluntarii absque dimissione discedant, obligationi suae non satisfaciunt, sed eidem contrarium agant. Quare cum milites, qui obligationibus suis adversantur, delinquant (§. 540.): Delinquent etiam voluntarii, qui absque dimissione a militia discedunt. *Q. e. 2.*

§. 731.

Qui hosti se dedunt, quando delinquant.

Milites, qui absque necessitate sine mandato hosti se dedunt, aut arma deponunt, delinquant.

Milites enim ad hosti resistendum (§. 161.), adeoque vim ejus arcendam & repellendam obligantur (§. 160.). Si vero hosti se dedant, quod eidem amplius non resistant, constat. Et cum arma dicantur ea instru-

instrumenta, quibus hosti vis infertur, vel vis ejusdem arcetur (§. 331.): Facile etiam apparet, quod si arma deponant, vim ejusdem arcere & repellere amplius non satagant. Milites itaque, qui hosti se dedunt, aut arma deponunt, obligationi suæ non satisfaciunt, sed eidem contrarium quid agunt. Quare cum milites, qui obligationibus suis adversantur, supposito, quod id fiat dolo vel culpa, delinquant (§. 340.): Milites etiam, qui hosti se dedunt, aut arma deponunt, dolo nempe aut culpa eorum intercedente, delinquant. *Q. e. 1.*

Milites vero, si necessitate quadam externa sive physica impediuntur, quo minus obligationibus suis satisfaciant, non delinquant (§. 346). Et cum milites ad ea, quæ ipsis circa ministerium belli a præfectis suis mandantur, faciendi obligentur (§. 221.): Si ad mandatum hosti se dedunt, aut arma deponunt, obligationi suæ adversari, & propterea delinquere dici nequeunt. Non itaque delinquant milites, si ex necessitate vel ad mandatum præfectorum hosti se dedant, aut arma deponant. Licet itaque in genere milites, si hosti se dedant, aut arma deponant, dummodo id fiat culpa aut dolo, delinquant (*dem. n. 1.*): Hoc tamen eo restringendum erit, si absque necessitate aut mandato id faciant.

Q. e. 2.

Nec obijci poterit, quod milites ad mandata saltem obligentur, si eadem obligationibus suis non sint adversa (§. 221.); Cum vero deditio & depositio armorum obligationi ipsorum repugnant (*per dem. n. 1.*): Milites ad easdem non teneri, licet mandentur. Cum enim milites majorem vim hosti inferre, nec plures hostilitates committere queant, quam fieri vult auctor belli (§. 330.); Neque adeo absque jussu aut concessione hujus aut præfectorum hostilitates exercere possint (§. 331.): Obligatio hæc ad hosti resistendum & vim ejus repellendam intelligi saltem potest, si resistentia & repulsio mandetur. Hinc si contrarium ejusdem mandetur, ut nempe a resistendo hosti & vi ejus repellenda desistatur, & arma potius ponantur: Hoc obligationi ipsorum repugnare dici nequit. Deditio etiam prudens sæpius plus prodest, quam pertinax resistentia, effectu non sperando destituta. Illa itaque in bello necessitatis esse potest. Cum itaque judicium de necessitate eorum, quæ ad bellum faciunt, relinquendum sit auctori belli (§. 783. *Jur. gent. WOLF.*), adeoque & præfectis, per quos hic imperium suum exercet (§. 185.): Judicium etiam de deditioe hosti facienda, aut armorum depositione, præfectis relinqui debet a militibus.

§. 732.

Dux belli sive præfectus militum vel loci cujusdam, qui extra necessitatem vel mandatum auctoris belli exercitum imperio suo subditum, sive locum custodiae suæ confisum, hosti dedit, graviter delinquit.

Pp 3

Qui exercitum vel locum hosti dedit, delinquit.

In genere enim milites, qui præter necessitatem sive mandatum, hosti se dedunt, delinquant (§. 731.). Milites vero etiam ad urbem obfessam, cuius præsidium sunt, defendendam obligantur (§. 253.). Quod si vero urbs hosti dedatur, cam non defendi apparet. Milites itaque, qui urbem hosti dedunt, obligationi suæ non satisfaciunt, sed eidem adversantur: Adeoque delinquant (§. 540.); Posito nempe, quod ad id necessitate non adigantur, vel mandato obligentur (*per dem.* §. 731. n. 2.). Exercitus vero, ut & locus, qui contra hostem defendendus est, unius imperio solet committi, qui dux belli (§. 194.), sive præfectus loci dicitur. Quare cum præfecti militum in genere ad milites referendi sint (§. 186.): Hunc etiam ad locum custodiæ suæ confisum defendendum obligari, adeoque si præter necessitatem vel mandatum auctoris belli eundem, vel exercitus imperio suo subditum hosti dedat, delinquere, facile intelligitur. *Q. e. 1.*

Exercitus vero dicuntur vel milites gentis unius in universum sumti, vel qui ad bellum quoddam gerendum simul adhibentur (§. 190.); Adeoque per eundem hosti vis infertur (§. 15.), & vis ejusdem simul arcetur (*dem.* §. 160.). Munimenta vero vel loca, quibus præsidia defensionis gratia imponuntur, tendunt etiam ad vim hostis arcendam (*dem.* §. 252.). Quod si itaque exercitus, aut locus ad defendendum concessus, hosti dedatur, hujus vis amplius non arcetur, sed potius eadem in rempublicam locus conceditur. Quantum vero damni sentiat respublica ex vi hostili, adeoque quam perniciofa res sit jactura exercitus vel loci muniti, & quantum periculi inde immineat, notissimum est. Quamobrem cum ex nocumento quod affertur, & periculo, quod imminet, gravitas delicti æstimanda sit (§. 625. *Part. 8. Jur. nat. WOLF.*): Apparet, quam graviter delinquit dux belli, sive præfectus loci, qui absque necessitate vel mandato exercitum vel locum, imperio vel custodiæ suæ confisum, hosti dedit. *Q. e. 2.*

Quæ de deditionis necessitate & mandato ad eandem monuimus ad §. præcedentem, huc etiam faciunt.

§. 733.

*Deditionis
festinatae
definitio.*

Deditio, quæ sit hosti præter necessitatem, extremam scilicet, sive mandatum superioris, *festinata* dicitur.

De festinatae urbis inprimis obfesse deditione diatriben conscripsit vir ill. CAR. GOTTLIEB KNORRE Halæ 1740., quæ plura huc spectantia continet.

§. 734.

Deditio itaque festinata delictum militare gravissimum est.

*Delictum
militare
gravissi-
mum est.*

Deditio enim festinata dicitur, quæ fit hosti præter necessitatem aut mandatum (§. 733.). Quare cum tam milites, qui semet (§. 731.), quam dux belli sive præfectus, qui exercitum sive locum custodiæ suæ commissum absque necessitate sive mandato hosti dedunt, delinquant (§. 732.): Patet, quod deditio festinata delictum sit. *Q. e. 1.*

Deditio vero milites (§. 731.), aut eorum præfectos supponit (§. 732.). Non itaque nisi a militibus, adeoque ab his, qua talibus, committitur. Quare eum delictum, quod a militibus, qua talibus, committitur, militare dicatur (§. 543.): Patet etiam, quod sit delictum militare. *Q. e. 2.*

Ex deditioe porro, quæ fit hosti, reipublicæ maximum detrimentum infertur, & summum periculum imminet (*dem.* §. 732. n. 2.). Quare cum ab hoc detrimento vel periculo gravitas delicti æstimanda sit (§. 625. *ibi cit.*): Denique etiam patet, quod deditio festinata delictum gravissimum sit. *Q. e. 3.*

§. 735.

Deditio festinata fama militis maxime nocet & infamiam ipsi præcipue contrahit.

*Fama præ-
sertim no-
cet.*

Cum enim deditio festinata non fiat ex necessitate vel mandato (§. 733.); Nihil tamen absque ratione sufficienti fiat (§. 70. *Ontol. WOLF.*): Ratio ejusdem alia poni nequit, quam metus periculi a longiori resistentia imminetis. Quoniam vero timiditas tribuitur ei, qui metu periculi cujusvis ad quid faciendum abduci se patitur, quod non debebat (*def.* §. 242.): Deditio festinata ex timiditate oritur. Eadem vero delictum militare est (§. 734.). Quare eum delicta militum in genere (§. 562.), potissimum vero ea, quæ ex timiditate oriuntur, famæ eorum maxime noceant, & infamiam ipsis præcipue contrahant (§. 566.): Idem etiam de deditioe festinata intelligitur.

Fieri hinc etiam solet, ut dux præsertim belli, qui nimis festinato se vel urbem hosti dedit, pro infami declaretur, & poena infami plectatur.

§. 736.

Si a duce vel præfecto superiore deditio proponatur vel mandetur, in eam consentio vero appareat, eam festinatam esse, milites eorumque præfecti insensientes quando delinquant, si in eam consentiant.

Licet

Licet enim milites obligentur ad ea, quæ ipsis a præfectis suis, & præsertim etiam præfecti minores, quæ ipsis a majoribus mandantur (§. 224.): Subintelligitur tamen, quod certo non appareat, eadem obligationibus ipsorum repugnare (§. 221.). Quamobrem cum deditio, quæ sit absque necessitate vel mandato, adeoque festinata est (§. 733.), obligationi militum utique repugnet (*per dem.* §. 731.): Si certo appareat, eandem festinatam esse, milites utique obligationi suæ adversantur, in eam consentientes, si mandetur a præfecto, & multo magis, si tantum proponatur, adeoque libera ipsis relinquatur consentiendi facultas. Quamobrem, cum milites, qui obligationibus suis contraria agunt, delinquant (§. 540.): Idem etiam dicendum erit de militibus eorumque præfectis inferioribus, qui in deditionem a duce vel præfecto superiore propositam aut mandatam consentiant, si certo appareat, illam esse festinatam.

Legibus itaque etiam positivis poenæ graviores statutz inveniuntur in milites & præfectos inferiores, qui in eandem consensum suum præbent, nec præfectum superiorem ab ea dehortantur, ita ut jure militari patrio præfecti vel dignitatis & famæ expertes in eo casu declarentur.

§. 737.

Non si dubium sit, an sit festinata.

Si dubium sit, an deditio festinata sit, nec ne: Milites, si in eam consentiant, non delinquant.

Si enim ea, quæ militibus mandantur, dubia sint: Milites ad eandem faciendam obligantur (§. 223.). Si itaque dubium esse ponatur, an deditio festinata sit, nec ne: Milites utique ad consentiendum in eandem obligantur. Milites itaque, si consentiant, obligationi suæ minime adversantur, sed potius eidem satisfaciunt. Quamobrem cum milites tunc demum, si obligationibus suis non satisfaciunt, sed iisdem contraria agant, delinquant (§. 540.): Milites non delinquere apparet, consentientes in deditionem, si dubium sit, an sit festinata.

Rationem hoc habet in eo, quod judicium de necessitate eorum, quæ ad bellum gerendum faciunt, relinquendum sit auctori belli, sive ei, cui hic imperium militare committit. Uti hoc plenius apparet ex demonstratione §. 223. cit.

§. 738.

Milites præfectum cogentes delinquunt.

Si milites præfectum ad deditionem festinatam cogant, gravissime delinquant.

Milites enim deditionem festinatam committere, facile apparet, si præfectum ad eandem cogant. Quare cum ea delictum sit gravissimum (§. 734.):

(§. 734.): Gravissime etiam delinquant milites, si ad deditionem festinatam præfectum cogant.

Plenius vero illud hoc modo evincitur. Coacte agere dicitur, qui non nisi vi externa impulsus agit (§. 579. Part. 1. Phil. pract. univ. WOLF.). Quod si itaque milites præfectum cogere debeant ad deditionem: Vi externa impelli debet ad eandem. Facile hinc apparet, quod milites præfectum cogere volentes ampliorem defensionem recusent; Adeoque imperio ipsius resistent, & servitia detrectent. Quamobrem cum detrectatio servitiorum & resistentia imperii seditionem efficiat (§. 619.): Iidem simul seditionem committunt. Seditio vero, quæ fit a militibus, sive militaris, delictum gravissimum est. Patet itaque, quod milites gravissime delinquant, si præfectum ad seditionem festinatam cogant.

§. 739.

Si præfectus loci cujusdam per seditionem militum ad deditionem festinatam cogatur, non delinquit. Præfectus ad deditionem coactus non delinquit.

Seditione enim præfectus ad deditionem cogitur (dem. §. 738.) & hoc fieri in præsentia ponitur (per hypoth.). Seditio vero in detrectatione servitiorum & reculatione imperii consistit (§. 619.). Milites itaque, si præfectum ad deditionem cogere nituntur, servitia præstare detrectant. Ope itaque militum præfectus destituitur. Sine militibus vero quemadmodum bellum in genere geri nequit (§. 17.), ita nec urbs poterit defendi. Physice itaque impossibile est, ut urbem amplius defendat. Quare cum necessarium, physice nempe, sit, cujus contrarium physice impossibile est (§. 279. Ontol. WOLF.): Si defensio urbis physice impossibilis sit, contrarium ejusdem, deditio nempe, physice erit necessaria. Si itaque milites præfectum ad deditionem cogant, adest necessitas physica, ut illam dedat. Quare cum præfectus loci tunc demum delinquat, si præter necessitatem urbem dedat (§. 732.); Milites vero, si necessitate quadam physica solum impediuntur, quo minus obligationibus suis satisfaciant, non delinquant (§. 546.): Patet, quod præfectus loci etiam non delinquat, si a militibus coactus urbem dedat.

Eodem modo & facili applicatione illud etiam de duce belli, vel præfecto militum quocunque patet, qui a militibus coactus hosti se dedit.

§. 740.

Miles, qui absque consensu præfectorum matrimonium init, sive sponsalia celebrat, delinquit. Matrimonium absque consensu delictum est.

Milites enim absque consensu præfectorum neque matrimonium init (§. 495.), neque sponsalia celebrare possunt (§. 497.), sed ad utrumque *ius mil. nat.*

Qq

que

que consensum præfectorum sive auctoris petere obligantur (*ibid.*). Miles itaque, qui absque consensu hoc impetrato unum vel alterum facit, obligationi suæ adversatur (§. 536.). Quare cum milites, qui hoc faciunt, delinquant (§. 540.): Patet, quod etiam delinquant milites, qui absque consensu præfectorum uxorem ducit, sive sponsalia saltem celebrat.

Et cum consensus ad matrimonium militibus, etiam, si petatur, recusari possit (§. 495.): Apparet statim, quod & delinquant, etsi eundem petierint, non vero impetrarint.

§. 741.

Quando etiam in præfectis superioribus.

Præfecti etiam militum superiores, si in casu prohibitionis absque consensu auctoris belli, matrimonium incant, sive sponsalia celebrent, delinquant.

Præfectis enim militum superioribus prohiberi etiam, ne absque consensu matrimonium incant, ratio adest (§. 498.). Quodsi itaque illud prohibitum esse ponatur, dubium esse nequit, quod ad consensum petendum obligentur; Adeoque obligationi suæ non satisfaciant, si absque consensu matrimonium incant, sive sponsalia celebrent (§. 536.). Milites vero, si obligationibus suis non satisfaciunt, sed iisdem adversantur, delinquant (§. 540.). Quare cum militum nomine præfecti etiam eorum comprehendantur (§. 186.): Patet, præfectos etiam militum superiores delinquere, si in casu prohibitionis uxorem absque consensu auctoris belli ducant, sive sibi desponsent.

Exempla poenarum legibus positivis propterea statutarum adduximus ad §. 499.

§. 742.

Us & abusus imperii.

Præfecti militum, qui imperio in milites ipsis commisso quocunque sui imperii modo abutuntur, delinquant.

Imperium enim, quod præfectis in milites competit, non proprio, sed ejus nomine exercetur, qui illud ipsis commisit (§. 185.). Hinc quantumcunque illud sit, maxime tamen limitatum est (§. 218.). Ultra limites itaque illos non procedit, quæ unde æstimandi sint, explicavimus (§. 220.). Præfectos itaque ad illud ulterius non extendendum obligari, adeoque hoc officii sui esse, apparet. Cum autem rectus usus juris is sit, quem officia exigunt, in contrario vero abusus consistat (§. 61. *Part. 1. Jur. nat. WOLF.*): Facile patet, quod ad imperio recte utendum obligentur; Et cum abusus recto usui opponatur (§. 646. *Part. 1. Theol. nat. WOLF.*), quod obligationi suæ contrarium agant, si imperio

perio quocunque modo abutantur. Quare cum milites, qui obligationibus suis adversantur, delinquant (§. 540.): Præfectos etiam militum delinquere elucet, si imperio in milites ipsis commissio quocunque modo abutantur.

§. 743.

Præfecti militum, qui militibus alia mandant, quam que ministerium belli respiciunt, delinquant. *Et mandatum ultra ministerium belli.*

Cum enim imperium præfectorum ultra ministerium belli non procedat (§. 219.); Præfecti vero, qui illud ultra, quam procedit, extendunt, ipso abutantur (*per dem.* §. 742.): Præfectos, qui militibus alia mandant, quam quæ ministerium belli respiciunt, imperio suo abuti, apparet. Quare cum præfecti, qui imperio ipsis commissio quocunque modo abutantur, delinquant (§. *cit.*): Patet, quod & ii delinquant, qui militibus alia mandant, quæ ad ministerium belli non pertinent.

Hinc cum facile concedatur, servitia, quæ personam modo præfectorum respiciunt, ad ministerium belli non pertinere: Præfectos etiam imperio suo abuti, adeoque obligationi suæ adversari apparet, qui ad eadem milites trahunt, nisi id expresse vel tacite saltem concessum sit. Sic & levia extra ministerium belli militibus mandari conceditur Jure militari Brandenburgico. Uti jam monuimus ad §. 221.

§. 744.

Præfecti, qui militibus stipendia præcise non exsolvunt, sive dimittunt, delinquant. *Sic & stipendiorum non præcise solutio.*

Stipendia militibus per præfectos exsolvi, hic ponitur (*per hypoth.*). Quare cum militibus stipendia præcise solvenda sunt (§. 346.): Præfectos ad eorum præcisam exsolutionem obligari, adeoque si eam neglegant, obligationi suæ non satisfacere, sed eidem adversari, apparet (§. 536.). Cum itaque in genere milites, si obligationibus suis contraria agant, delinquant (§. 540.): Præfecti etiam sine dubio delinquant, si militibus, stipendia præcise non absolvant. *Q. c. 1.*

Stipendia vero eadem, adeoque integra debere exsolvi, quæ militibus ab auctore belli constituta sunt, absque opera intelligitur. Integra vero non solvuntur, si diminuuntur. Præfecti itaque militum, quibus exsolutio stipendiorum commissa est, obligationi suæ non satisfaciunt, si eadem integra non solvant, sed diminuunt (§. 536.): Eodem itaque, quo antea modo patet, in hoc casu delinqui. *Q. c. 2.*

Diminutio stipendii jure itaque etiam positivo pro tanto delicto solet reputari in præfectis, ut jactura famæ & militum cum eo plerumque con-

nectatur. Imo sola non præcisa solutio tanti est præjudicii, ut præfectus graviori punitioni se subiciat, & vel absque literis mitti possit, si ejusdem se reddat reum.

§. 745.

Fraus omnis circa militiam delictum est.

Milites vel eorum præfecti, qui ullo modo circa militiam fraudem committunt, delinquant.

Defraudare enim in genere non licet (§. 632. Part. 2. Jur. nat. WOLF). Quare cum illicitum sit, ad quod non faciendum obligamur (§. 170. Part. 1. Phil. pract. univ. ej.): Ad non defraudandum quisque obligatur. Cum itaque milites obligentur ad ea, ad quæ homines in genere (§. 121.): Milites etiam, adeoque & eorum præfecti (§. 186.), ad nullo modo circa militiam defraudandum obligantur; Adeoque si ullo modo circa eandem fraudem committant, obligationi suæ adversantur (§. 536.). Quare cum in hoc casu milites delinquant (§. 540.): Delinquant etiam, si ullo modo circa militiam defraudent.

§. 746.

In specie in lustratione Elî eorum, qui eos aliis in lustrationem locant, vel in lustratione cacos sub-militum.

Milites itaque, qui in lustrationem conduci se patiuntur, vel præf. Elî eorum, qui eos aliis in lustrationem locant, vel in lustratione cacos sub-militum. sistant, vel in numeris loca vacua relinquunt, delinquant.

Omnes enim, quos modo recensuimus, circa militiam dolose quid facere, quo sibi vel aliis lucrum quoddam concilient, quod ipsis jure non competit, adeoque quo alterum, auctorem nempe belli, privent eo, quod suum est, per se patet. Cum itaque omne factum dolosum, simulatum scilicet, quo alter privatur eo, quod suum est, seu quod eidem non competit, fraus sit dicendum (§. 630. Part. 2. Jur. nat. WOLF): Omnes illos fraudem circa militiam admittere intelligitur. Quare cum omnis fraus circa militiam delictum efficiat (§. 745.): Apparet etiam eosdem omnes delinquere.

Omnes has defraudationis species facile agnoscet absque ulteriori explicatione, qui res militares non penitus ignorat. Per easdem vero in genere efficitur, ut stipendia solvantur pro militibus, qui actu non existunt. Fieri eundem etiam potest, ut præfectis liceat aliquando loca quædam vacua relinquere, & eorum stipendia interea lucrari, modo certo demum, ut lustrationis, tempore fuerint suppleræ. Cum hoc consensu auctoris belli fieri supponatur; Adeoque hic non privetur eo, quod suum est; Neque dolose hic agatur: Defraudationem, neque adeo delictum, tunc non subesse, apparet. Supponitur itaque casus, quo loca vacua non permittuntur, nec in plures milites stipendia solent exsolvi, quam quot actu aluntur. Plures etiam defraudationum circa militiam species

species forsan occurrent, quæ vero ex iis facile poterunt judicari, quas modo enumeravimus. Hæ enim sollicitissimæ sunt, quæ vel ipsis legibus militaribus positivis notari solent.

§. 747.

Miles, qui stipendium vociferatur, delinquit.

Ut & vociferatio stipendii.

Licet enim militibus stipendium præcise solvendum sit (§. 346.): Adeoque illi exigere possint, ut idem præcise solvatur (§. 361.): Fieri tamen, belli potissimum tempore, posse constat, ut debito tempore solvi nequeat; Neque adeo in eo casu iusta ipsis conquerendi causa, sed illud inter adversa potius referendum, quæ eum patientia ferenda sunt (*per dem.* §. 600.). Quodsi vero etiam ponatur, dolo vel culpa præfectorum illud fieri, uti per delictum fieri potest (§. 744.); Adeoque milites exigere possint, ut hi vel vi adigantur ad illud præstandum (§. 362.): Videri posset, acsi exactio stipendii iuste non præstiti in vitium ipsis verti non debeat. Cum vero, si subditi iustas etiam habeant conquerendi causas, debita tamen reverentia illas proponere obligentur (§. 1050. & 1052. Part. 3. Jur. nat. WOLF.); Et milites ad eadem obligentur in genere, ad quæ eives (§. 124.): Milites etiam in eo casu, quo stipendiorum præstationem exigere ipsis quidem licet, idem tamen debita reverentia facere debent. Vociferari vero stipendium idem est, ac illud publice eum impetu & minis exigere (*per def.*). Quod cum facile appareat, debitæ reverentiæ repugnare: Milites, qui stipendium vociferantur, obligationi suæ, cum reverentia nempe exponendi ea, de quibus ipsis iusta conquerendi causa esse videtur, contrarium agunt. Quamobrem eum milites, qui hoc faciunt, delinquant (§. 540.): Delinquere etiam milites, qui stipendium vociferantur, patet.

Alio vero adhuc modo idem poterit demonstrari; quo magis patet, quantum delictum sit stipendii vociferatio. Cum enim eadem publice, eum impetu & minis fiat (*per dem.*); Adeoque & alii ad idem faciendum facile possint commoveri: Per vociferationem stipendii seditio facile poterit excitari (§. 619.). Cum itaque vociferationem verbis fieri per se pateat: Miles, qui stipendium vociferatur, verba seditiosa proferret. Qui vero verbis seditiosis occasionem præbet seditioni, concitationis ad eandem reus est (§. 624.); Concitationis ad seditionem hinc etiam reus est, qui stipendium vociferatur. Quare eum concitatio ad seditionem delictum gravissimum sit (§. 629.), licet vel seditio ipsa non sequatur (§. 630.): Hoc etiam modo elucet, quod vociferatio stipendii delictum & admodum quidem grave sit.

Propter metuendum ex vociferatione stipendii periculum seditionis fieri etiam solet, ut rigidissime in eandem animadvertatur, ita ut vel capite plectatur, praesertim si in expeditione hoc crimen committatur. Ut pluribus refert STEPH. WAGA (§. 8. *Diff. de Restit. famae per vxr.*) & peculiariter etiam jure patrio statutum est.

§. 748.

Qui prædam retinet, delinquit.

Miles, qui præda aliquid capit sive retinet absque expressa vel tacita auctoris belli sive praefectorum concessione, delinquit, & in specie furtum committit, eique assimilatur, qui peculatus reus sit (§. 853. Jur. gent. WOLF.).

Et si enim militibus ad prædam faciendam jus esse debeat (§. 336.): Eam tamen suam facere sive sibi retinere non possunt, nisi & quatenus illud ab auctore belli permittitur (§. 337.). Quod si itaque absque hac concessione tacita vel expressa præda aliquid sibi retineant, non faciunt ad quod obligantur, adeoque obligationi suae adversantur (§. 536.). Quare cum in hoc casu milites delinquant (§. 540.): Delinquit etiam miles, qui absque expressa vel tacita auctoris belli sive praefectorum concessione præda aliquid sibi retinet. *Q. c. 1.*

Et cum præda sit auctoris belli (*per dem.* §. 337.), adeoque militum intuitu res aliena (§. 146. *Part. 2. Jur. nat. WOLF.*); Supponatur vero, militem eandem absque consensu auctoris belli sive praefectorum sibi retinere (*per bypoth.*): Si miles prædam absque concessione retineat: Idem est, ac si rem alienam inscio ac invito domino animo eam sibi habendi auferret. Quamobrem cum ablatio rei alienae inscio ac invito domino animo eam sibi habendi vel suam faciendi facta, furtum dicatur (§. 498. *Part. 2. Jur. nat. WOLF.*): Patet, quod miles, qui absque concessione tacita vel expressa aliquid præda sibi retinet, furtum committat. *Q. c. 2.*

Porro cum præda sit in dominio auctoris belli (*per add.*), adeoque reipublicae sive ejusdem rectoris (§. 10.); Res vero, quæ sunt in dominio reipublicae, dicantur publicae (*per def.*): Prædam rem publicam esse apparet. Cum itaque per præda retentionem furtum committatur (*dem. n. 2.*): Hoc circa rem quandam publicam versatur. Quare cum furtum pecuniae publicae peculatus dicatur (*per def.*): Intelligitur, quod præda retentio peculatus assimilatur. *Q. c. 3.*

§. 749.

Qui ultra ea faciunt, quæ vult auctor belli.

Milites, si in bello ultra ea faciant, quæ auctor ejusdem necessaria judicat, & fieri vult, delinquunt.

Mili-

Milites enim in bello gerendo alia facere non debent, quam quæ auctor belli ad illud necessaria judicat & fieri vult (§. 174.): Quod si itaque ultra ea faciant, eosdem non facere ad quæ obligantur, adeoque obligationi suæ adversari (§. 536.), apparet. Quare cum milites in hoc casu delinquant (§. 540.): Patet, quod delinquant etiam, si in bello ultra ea faciant, quæ auctor belli necessaria judicat & fieri vult.

Hinc cum hostilitates, pugnae in specie cum hoste, exactio contributionum militarium, direptiones & depredationes pertineant ad ea, quæ in bello fiunt (*per nos.*): Statim apparet, quod milites delinquant, si in iisdem exercendis ultra procedunt, quam vult auctor belli. Quæ vero singula separatim demonstrandi negotio supersedere forsân licebit: Cum facili applicatione regulæ generalis, quam modo tradidimus, intelligantur & erui possint.

§. 750.

Qui ad militiam obligantur, delinquant, si quocunque modo, data scilicet opera, ad eandem se reddunt inhabiles. *Qui ad militiam se reddunt inhabiles.*

Cum enim ponatur eos, qui ad militiam inhabiles se reddunt, ad eandem obligari (*per hypoth.*): Eosdem obligationi suæ satisfacere non posse, apparet. Et cum data opera inhabiles se reddere, itidem supponatur (*per hypoth.*): Per ipsos stat, quo minus obligationi suæ possint satisfacere. Obligationi itaque suæ contrarium quid agere eosdem, facile intelligitur. Quare cum is, qui obligationi suæ contrarium quid agit, delinquat (*per dem. §. 540.*): Patet, quod & delinquant, qui, dum ad militiam obligantur, ad eandem se reddunt inhabiles.

Delictum hoc maxime apud Romanos pollicis præsertim amputatione vel alia corporis debilitatione usitatum fuisse, refert AUG. LEYSER (§. 1. *Diff. de Fuga militiæ*), & optime monet, illud vel corpus debilitando, vel tale vitæ genus eligendo, quocum militia subsistere nequit, veluti carnificinam, committi (§. 3. 4. *l.c.*). Cum vero hic nondum demonstrari poterit, militem, qui infamis sit, militem manere non posse, uti sit suo loco: In genere hic saltem posuimus, quod quocunque modo id fiat. Sic enim tam factum physicum quam morale subintelligi poterit.

§. 751.

Tam itaque subditi, qui milites nondum sunt, quam milites, si ad militiam præstandam, data scilicet opera, quocunque modo inhabiles se reddant, delinquant. *Tam subditi, quam milites.*

Milites enim in genere ad militiam obligantur (§. 38.), & obligatione eorum generalis in præstatione militiæ consistit (§. 137.). Subditi vero, licet milites nondum sint, ad militiam tamen, in casu scilicet necessitatis,

sitatis, suscipiendam obligantur (§. 749. *Jur. gent. WOLF.*). Tam itaque milites, quam subditi, qui milites nondum sunt, ad militiam obligantur. Quare cum ii, qui ad militiam obligantur, delinquant, si quocunque modo, data scilicet opera, ad eandem se reddant inhabiles (§. 751.): Patet, quod & in hoc casu tam subditi, qui milites nondum sunt, quam milites delinquant.

§. 752.

Murcorum definitio.

Homines, qui quocunque modo data opera ad militiam se reddunt inhabiles, *Murci* dici solent.

Peculiarem de Murcis dissertationem Vitebergæ 1735. conscripsit FRID. BENED. CARPZOV, qui in ea (§. 1.), ut & AUG. LEYSER (§. 1. *loc. cit.*), refert, appellationis hujus primam mentionem facere AMMIANUM MARCELLINUM libro 15. cap. 13. Et licet ibidem usitata saltem videatur de iis, qui pollicis abscissione ineptos se reddiderint ad servitia militaria: Repugnare tamen non videtur, vocabulum illud in genere applicari omnibus, qui quocunque modo ad militiam inhabiles se reddunt.

§. 753.

Quinam sint.

Tam itaque subditi, qui ad militiam suscipiendam, quam milites, qui ad eam ulterius præstandam, inhabiles se reddunt, murci sunt.

Tam enim subditos, qui milites nondum sunt, quam milites, ad militiam se posse reddere inhabiles, per se patet. Illud vero tendere ad militiam non suscipiendam, sicuti hoc ad eam amplius non prosequendam, simul intelligitur. Quare cum homines, qui quocunque modo, data scilicet opera, ad militiam se reddunt inhabiles, murci dicantur (§. 752.): Murcos esse tam subditos, qui ad militiam suscipiendam, quam milites, qui ad eam ulterius præstandam idoneos se faciunt, apparet.

§. 754.

Quando delinquant.

Murci, si ad militiam obligentur, delinquant.

Murci enim dicuntur, qui ad militiam quocunque modo, data scilicet opera, idoneos se reddunt (§. 752.). Quare cum delinquant, qui ad militiam inhabiles se reddunt, si ad eandem obligentur (§. 750.): Patet, quod & murci delinquere dicendi sint, si ad militiam obligentur.

Murcos etenim etiam esse posse, qui ad militiam non obligantur, facile apparet. Ponamus enim, peregrinum quendam territorium quoddam transeuntem, in eodem ad militiam cogi, & ejusdem effugiendæ causâ quocunque modo se reddere inhabilem: Murcus sine dubio is erit. Cum vero ad militiam non obligetur (§. 35.): Neque adeo huic obligationi

tioni advesetur, dum ineptum se reddit: Delinquere eatenus dici nequit. Cum vero murci plerumque mutilatione vel debilitatione membri cujusdam efficiantur (§. 750. *schol.*); Adeoque obligationi naturali de integritate corporis conservanda adversentur (§. 372. *Part. 7. Jur. nat. WOLF.*): Murcos etiam, ad militiam non obligatos, alio quidem respectu delinquere posse concedendum erit. Cum vero obligatio eadem saltem sit erga se ipsum (*loc. cit.*): Contra se ipsum etiam modo in eo casu delinqui patet. Cum vero obligationes militum erga alios tendant (§. 132.): Neque etiam delicta eorum considerantur, quam quatenus erga alios committuntur. Delicta itaque erga se ipsum hujus loci non sunt.

§. 755.

Miles murcus, sive, qui data opera quocunque modo ad militiam ulterius prestandam inhabilem se reddit, desertori assimilatur.

Miles murcus desertori assimilatur.

Cum enim mureus ad militiam inhabilis reddatur (§. 752.): Militem murcum eandem ulterius prestare non posse apparet. Miles itaque murcus quid agit, quocum militia subsistere nequit. Data vero opera id facere supponitur. Et quod invito auctore belli id fiat, per se patet. Miles itaque murcus sponte sua invito vero auctore belli efficit, ut a militia dimitti debeat. Miles vero, qui sponte sua & invito auctore belli a militia discedit, desertor dicitur (§. 576.). Licet itaque miles murcus discedere non supponatur (*per hypoth.*): Idem tamen, quod desertor efficit, ut nempe invito auctore belli amplius non militet. In milite itaque tam mureo, quam desertore inveniuntur, quæ sunt eadem. Quare cum ea, in quibus eadem sunt, ex quibus a se invicem discerni debent, similia dicantur (§. 195. *Ontol. WOLF.*): Patet, quod miles mureus desertori assimiletur.

Hinc desertoribus etiam jure positivo murcos æquiparari, monuit CARPZOV (§. 11. *Diff. de Murcis.*).

§. 756.

Delictum murcorum militare proprie non est; Si vero a milite committatur, militari assimilatur.

Delictum murcorum militare non est.

Delictum enim murcorum tam a militibus, quam a subditis, qui milites nondum sunt, committi potest (§. 753.). Cum vero delictum militare dicatur, quod a milite, qua tali, committitur (§. 543.); Adeoque militare dici nequeat, quod & ab aliis, quam militibus, committi potest: Patet, quod delictum murcorum militare proprie non sit. *Q. e. i.*

Cum vero miles mureus desertori assimiletur (§. 755.): Delictum etiam murcorum, si a milite committatur, desertioni simile reddi intel-

Jus mil. nat.

Rr

ligi-

ligitur. Quare cum desertio delictum militare sit (§. 58.): Patet quod & illud, si a milite committatur, militari assimilatur. *Q. e. 2.*

§. 757.

Gravius, si a milite committatur, Delictum murcorum gravius est, si committatur a milite, quam si a subdito, qui miles nondum est.

Delictum enim murcorum per se militare non est; Si vero a milite committatur, militari assimilatur (§. 756.). Quare cum delicta militaria inter graviora referenda sint (§. 548.): Patet, quod in eo casu gravius sit, si a milite, quam si a subdito committatur, qui miles nondum est.

Uberius vero hoc modo demonstrari poterit. Miles ad militiam actu præstandam obligatur; Subditus vero saltem in casu necessitatis (*per dem.* §. 751.). Obligatio itaque militis re ipsa adest; Obligatio vero subditi a casu necessitatis adhuc suspensa; Adeoque cum hujus existentia incerta sit, eatenus incerta est. An itaque ab ejus inhabilitate ad militiam damnum unquam sentiet respublica, dubium est. A milite murco vero damnum actu infertur reipublicæ, quod a subdito saltem imminet. Damnum autem, quod actu infertur, pro graviori habendum esse eo, quod saltem imminet dubium, an unquam eveniet, facile apparet. Quare cum ex nocumento sive damno, quod infertur, gravitas delicti æstimanda sit (§. 625. *Part. 8. Jur. nat. WOLF.*): Patet etiam hoc modo, quod delictum murcorum gravius sit, si a milite committatur, quam si a subdito.

Cum subditi ad militiam actu præstandam statim obligentur, ac ipsis voluntas superioris declaratur (§. 59.): Facile patet, quod si subditus tunc demum delictum murcorum committat, si voluntas superioris militiam præstandi ipsi jam fuerit declarata, gravius delinquat, quam si ex metu incerto saltem id egerit.

§. 758.

Infamiam Delictum murcorum fama militis maxime nocet, & infamiam ipsi contrahit. contrahit.

Delictum enim murcorum committi plerumque solet metu incommo-
dorum & periculorum, quæ cum militia connexa sunt (*per exper. & hypoth.*). Cum itaque timiditas tribuatur ei, qui metu periculi ad quid faciendum abducere patitur, quod facere non debebat (*def.* §. 242.): Delictum murcorum ex timiditate plerumque oritur. Quare cum delicta militum in genere (§. 562.), potissimum vero ea, quæ ex timi-
tate

tate oriuntur, famæ eorum maxime noceant, & infamiam ipsis præcipue contrahant (§. 566.): Idem etiam de delicto murcorum intelligitur.

§. 759.

*Miles, qui murum sive vallum urbis vel munimenti egrediendi, vel Transcensio muro-
ingredienti etiam, causa transcendit, delinquit.* rum deli-
ctum est.

Ad exitum enim ex urbe vel munimento, ut & introitum in eandem vel idem non muri & valla, sed portæ comparantur, sed illa potius ad arcendos ab exitu vel introitu serviunt eos, quos non ingredi aut egredi urbem, interest reipublicæ (*per hypoth. & exper.*). Quitaque non per portas, sed per muros aut valla urbem aut munimentum egrediuntur, vel ingrediuntur, subvertunt ordinem in republica constitutum. Hoc vero contra officium civium esse, absque ulteriori demonstratione facile forsan conceditur. Quare cum & milites ad omnia obligentur, ad quæ cives in genere (§. 124.); Adeoque si iisdem contraria agant, delinquant (§. 540.): Delinquit etiam miles, qui muros aut valla urbis vel munimenti egrediendi vel etiam ingrediendi causa transcendit.

Cum milites ad leges militares servandas obligentur (§. 137.): Multo magis apparet, quod transcensio murorum vel vallorum in milite delictum sit, si eadem legibus militaribus specialiter prohibeatur, uti quidem fit apud plerasque & vel omnes gentes, ita, ut vel capitali poena nonnunquam plecti soleat. Jure etiam romano id constitutum fuit (§. 10. *Inst. & l. fin. ff. de Rer. div.*). Animo tamen hostili id fieri, supponi videtur ex *d. l.* Quare & ad hoc quoad poenam respiciendum esse monet BODINUS (§. 9. *cap. 2. Diff. de Obsq. mil. in defend. presidio*). Tunc vero non tam transcensionem muri, sed hostilem potius conatam puniri, judicare licebit. Demonstrandum itaque fuit, quod & sola transcensio absque animo hostili delictum sit. Eam vero subintelligi debere, quæ fit egrediendi vel ingrediendi causa, tam ipsa res loquitur, quam ipsis legibus comprobatur, quæ his verbis concipi solent, ut nemo urbem sive munimentum alio quam sueto loco egrediat. Uti ex patriis, imperialibus & aliis apparet.

§. 760.

Transcensio tamen murorum sive vallorum delictum militare non est, Non tamen licet eadem legibus militaribus militibus specialiter prohibeatur. militare.

Eadem enim delictum propterea est, quoniam obligationi civium in genere repugnat (*d. m. §. 759.*). Per eam itaque non a milite, qua tali, sed qua cive in genere, delinquitur. Quare cum delictum militare

Rr 2

dica-

dicatur, quod a milite, qua tali, committitur (§. 543.): Transcensionem murorum vel vallorum delictum militare non esse, apparet. *Q. e. 1.*

Cum vero delicta militum, quæ militaria non sunt, ad communia referantur (§. 550.): Transcensionem etiam murorum eo esse referendam, patet. Quare cum in genere, si delictum commune militibus specialiter prohibeatur, eo non fiat militare (§. 554.): Idem etiam de transcensione murorum & vallorum erit asserendum. *Q. e. 2.*

Hæc sunt ea, quæ de delictis militum, præcipuè qua talium, demonstranda visa fuere. Cum milites tot modis delinquere possint, quot sunt eorum obligationes (§. 572.); Ambitus vero harum admodum sit amplius, uti illud ex capite secundo apparet. Delicta etiam eorum numero non esse pauca, apparet. Neque hinc etiam omnia, quæ circa eadem dici possent, exhaustisse nos putamus. Id vero speramus, tantum effecisse, ut reliqua facili negotio erui poterint, si quæ forsân supersunt. Videri equidem posset, nos omisisse delicta, quæ militibus maxime solent esse consueta. Cum ne verbum quidem de duellis inveniat, quæ tamen inter milites potissimum vigent. Dari vero delicta ipsis cum aliis communia, monuimus quidem (§. 549. 550.). Cum vero ex ipsa hac denominatione intelligatur, eadem ab aliis etiam, quam militibus, committi: Nec eorum tractatio hujus loci est, ubi de iis saltem agimus, quæ milites speciatim concernunt. Hæc itaque ad doctrinam criminum generalem remittimus, si quam forsân, Deo volente, tradere contigerit. Atque adeo de delictis tractationem hæc absolvimus, capite sequenti in pœnas eorum inquisituri.

FINIS CAPITIS QUARTI.



JURIS MILITUM

NATURALIS

CAPUT V.

DE POENIS MILITUM.

§. 761.

In delicta militum, præsertim militaria, pœna statuenda sunt.

*In delicta
militum
pœna sta-
tuenda.*

Interest enim reipublicæ, ne milites delinquant (§. 552.). Delicta vero actiones sunt (*def.* §. 540.): Interest itaque reipublicæ, ne milites tales admittant actiones, quæ delicta constituunt. Delicta vero actiones liberas supponunt (§. 545.). Quare cum actiones liberæ dicantur, quæ a libertate animæ dependent (§. 12. *Part. 1. Phil. pr. univ. WOLF.*); Libertas autem animæ circa voluntatem aut noluntatem versetur (§. 942. *Pfych. Emp. WOLF.*): Delicta etiam a libertate animæ, adeoque & a voluntate pendet. Nulla vero in anima volitio fit sine motivis (§. 889. *loc. cit.*): Ut itaque militibus præbeantur motiva non committendi tales actiones, quæ delicta constituunt, necesse est. Quamobrem cum pœnæ sint motiva actionum committendarum, vel omittendarum (§. 287. *Part. 1. Phil. præct. univ. cit.*): In delicta etiam militum pœnæ statuendæ sunt. *Q. e. 1.*

Et cum delicta militaria dicantur, quæ a militibus, qua talibus, committuntur (§. 543.); Delicta vero in genere obligationibus repugnent (*def.* §. 540.): Delicta militaria obligationibus militum, qua talium, contraria esse, apparet. Milites itaque, qui delicta militaria committunt, obligationibus suis, qua talium, non satisfaciunt, sed iisdem potius adversantur. Quare cum reipublicæ intersit, ut milites obligationibus suis, iis nempe, quibus qua tales tenentur, satisfaciant (§. 140.): Interest etiam in specie, ne delicta militaria committant. Cum itaque propterea in delicta militum in genere pœnæ statuendæ sint (*per dem. n. 1.*): Patet, quod in delicta militaria præsertim idem fieri debeat. *Q. e. 2.*

Cum obligationes militum ad actiones eorundem referendæ sint (*per dem. §. 84.*); Actiones vero militum legibus militaribus determinen-

tur (§. 87.): Facile apparet, quod si obligationibus suis adferentur milites, leges militares transgrediantur (§. 139. *loc. cit.*). Quare cum in genere in civitate, quam & milites supponunt (§. 18.), legibus in casum transgressionis pœnæ addendæ sint (§. 585. *Part. 8. Jur. nat. WOLF.*): Illud etiam circa leges militares fieri, adeoque & in delicta militum pœnas statui debere, exinde elucet.

Jus vero puniendi milite, qui delinquant, siue obligationibus suis contraria agunt, in dubium vocari nequit, propterea, quoniam illud naturaliter unicuique competit adversus eum, qui ipsum læsit (§. 1061. *Part. 1. loc. cit.*), adeoque & universitati in violatorem juris sui (§. 579. *Part. 8. ibid.*). Cum enim obligationes militares siue militum, qua taliū, sint erga rempublicam siue ejusdem rectorem (§. 132.); Adeoque ex iisdem huic jus nascatur (§. 23. *Part. 1. ibid.*): Jus hujus violari siue ipsum lædi intelligitur, si milites obligationibus suis adferentur, siue delinquant; Adeoque in eo casu ipsi jus eisdem puniendi competere.

§. 762.

*Etiā in
quasi deli-
cta.*

Quasi delicta militum puniri quoque possunt & debent.

Cum enim quasi delicta culpa saltem committantur (*per def. §. 541.*); Culpa vero in defectu a rectitudine actionis quoad intellectum consistat (§. 717. *Part. 1. Phil. pract. univ. WOLF.*): Videri posset, quasi delicta a voluntate non pendere; Adeoque, cum in delicta pœnæ propterea statuuntur, ut motivum præbeant voluntati (*per dem. §. 761. n. 1.*), pœnas circa quasi delicta locum non habere. Quoniam vero defectus, in quo culpa consistit, vincibilis supponitur (*per alleg.*); Adeoque evitari potuisset a committente, modo hic voluisset (§. 632. *loc. cit.*): Eatenus utique etiam quasi delicta a voluntate pendent. Quare cum & propterea actiones libere & imputabiles sint (§. 545. *dem. n. 2.*); Adeoque sub nomine delictorum in genere comprehendantur (*dem. §. 541.*); In delicta vero militum in genere pœnæ sint statuendæ (§. 761.): Quasi delicta etiam militum tam puniri poterunt, quam debebunt.

§. 763.

*Vera deli-
cta gravius
punienda
quasi deli-
ctis.*

Vera delicta militum tamen gravius punienda sunt quasi delictis; Adeoque hæc mitius illis.

Vera enim delicta, uti in genere, ita militum in specie, dolo committantur (*def. §. 541.*); Adeoque in committente dolum semper supponunt. Dolum vero in defectu a rectitudine actionis propter voluntatem, aut noluntatem consistit (§. 701. *Part. 1. Phil. pract. univ. WOLF.*): Qui itaque dolo delinquit, illud data opera facit. Quare cum, qui data opera male agit, malitiam committat (*schol. §. 632. Part. 8. Jur. nat.*).

nat. WOLF.): Qui dolo delinquit, malitiam committit. Vera itaque militum delicta malitia committuntur. Contra cum quasi delicta culpa saltem committantur (*per alleg. §. 762.*); Culpa vero in defectu a rectitudine actionis, quoad intellectum saltem, æque licet vincibili, consistat (*per alleg. ibid.*): Qui culpa delinquit, data opera delinquere dici nequit; Neque adeo malitiam committit. Quasi delicta itaque, quemadmodum in genere, ita militum in specie, malitia committi dici nequeunt. Quare cum malitiæ ratio habenda sit in gravitate poenarum determinanda (§. 631. *loc. cit.*); Adeoque delicta, quæ majori malitia committuntur, gravius iis, quæ minori; Et hinc etiam, quæ malitia committuntur, gravius iis, quæ nulla, punienda sint: Patet, quod & vera militum delicta gravius quasi delictis, adeoque hæc mitius illis sint punienda.

§. 764.

Pœna quasi delictorum militum pro gradu culpæ variare, hoc est, Pœna quasi delictorum
graviore aut mitiore esse debent. delictorum variant.

Quod enim quasi delicta puniri possint & debeant, hoc est a culpa, qua committuntur, defectu nempe illo a rectitudine actionis vincibili, adeoque & imputabili (*per dem. §. 762.*): Quasi delicta itaque eo gravius, vel mitius punienda esse, facile apparet, quo major aut minor est culpa, qua eadem committuntur. Quamobrem cum culpa gradu differat, & ideo in latam, levem & levissimam dividi solcat (*schol. §. 759. P. 1. Phil. pr. univ. WOLF.*): Patet, quod pœnæ quasi delictorum, ut in genere, ita militum in specie, variare debeant, hoc est, graviore vel mitiore esse, pro gradu culpæ.

Ipsam jus civile hoc agnoscit, dum in eos, qui custodias amiserunt, statuendum pronunciat pro modo culpæ (*l. 12. ff. de Cust. & exhib.*).

§. 765.

Quare cum culpa lata major sit levi, & hæc major adhuc levissima. *Quenam*
 ma; Contra vero culpa levissima minor sit levi, & hæc minor adhuc la- *gravius aut*
 ta (*loco cit. WOLF.*); Pœnæ vero quasi delictorum variare debeant pro *mitius pu-*
 gradu culpæ (§. 764.): *Quasi delicta, quæ culpa lata committuntur, gra-*
vius punienda sunt iis, quæ culpa levi, & hæc gravius adhuc iis, quæ le-
vissima; Mitius contra, quæ culpa levissima committuntur iis, quæ levi,
& hæc licet gravius illis, mitius tamen adhuc iis, quæ culpa lata com-
mittuntur.

§. 766.

§. 766.

*Pœna gra-
vioris &
mitioris
definitio.*

Cum pœnæ consistant in malo physico, quod propter malum morale inferitur (§. 285. loc. cit.): Quo majus est malum illud physicum, quod infligitur, eo majorem etiam esse pœnam apparet, & quo minus, eo minorem. *Pœna* itaque, qua majus malum, physicum nempe, inferitur, *gravior*; Qua vero minus, *mitior* dicitur (§. 1064. Part. 1. Jur. nat. WOLF.).

§. 767.

*Pœna gra-
viores in
delicta mi-
litaria sta-
tuenda.*

In delicta præsertim militaria graviores pœna statuenda sunt.
Delicta enim militaria publica sunt, sive crimina (§. 547.), adeoque inter graviora referenda (§. 548.). Quare cum delicta publica sive crimina gravioribus pœnis coercenda sint, quam privata (§. 627. Part. 8. loc. cit.); Adeoque & graviora delicta pœnis gravioribus (§. 626. ibid.): Idem etiam de delictis militaribus in specie statim intelligitur.

§. 768.

*Etiam in
communi-
bus gravio-
res, quam
paganis.*

*Militibus, si vel delicta communia tantum admittant, graviores ta-
men pœnas statui, quam paganis, convenit.*

Cum enim pœnæ sint motiva actionum, adeoque & delictorum non committendorum (§. 287. Part. 1. Phil. præf. univ. WOLF.); Pœnæ vero in malo physico consistant (§. 285. ib.), & graviores sint, quo majus est illud malum (§. 766.): Quo graviores pœnæ in delicta statuuntur; Eo majoris mali repræsentatio suppeditatur, & eo fortius motivum præbetur. Cum itaque nulla in anima fiat volitio aut nolitio absque motivis (§. 389. Psych. Emp. WOLF.): Facile apparet, quo magis interest, ut actio quædam fiat, aut non fiat, eo majora etiam motiva cum ea esse connectenda; Adeoque etiam, quo magis interest, ne delicta committantur, eo graviores pœnas in ea esse statuendas. Quare cum reipublicæ peculiariter interlit, ne milites delinquant (§. 552.): Patet, quod & quoad delicta communia militibus graviores pœnæ sint statuenda; quam paganis.

§. 769.

*Disciplina
militaris
definitio.*

Graviorum pœnarum in delicta *militum*, vel communia etiam, constitutio, sive gravior & prompta punitio delictorum militum, communium etiam, *Disciplina militaris* vocatur.

§. 770.

*Ea maxime
necessaria
est.*

Disciplina militaris maxime necessaria est.
In delicta enim militum, tam militaria (§. 767.), quam communia (§. 768.), pœnæ graviores statuendæ sunt. Quare cum hæc graviorum pœna-

pœnarum in delicta militum, communia etiam, constitutio disciplina militaris vocatur (§. 769.): Disciplinam militarem maxime esse necessariam apparet.

Hinc jure civili etiam dicitur, quod disciplina castrorum antiquior fuerit parentibus romanis, quam caritas liberorum (*l. 19. §. 7. ff. de Captiv. & postlim.*).

§. 771.

Cum pœnæ in malo quodam physico consistant (§. 766.); Mala ^{Pœnarum} physica tam quoad se varia sint (§. 567. *Psych. Emp. WOLF.*), ^{communium} quam diverso modo infligi possint (*per exper. & hypoth.*); Pœnæ etiam ^{et militarium de-} militum, sive quæ militibus imponuntur, tam quoad malum, quod infligitur, quam quoad modum infligendi eadem esse possunt cum iis, quæ & paganis immittuntur, vel ab his diversæ. Pœnæ itaque, quæ vel paganis solum, vel tam paganis, quam militibus, infligi solent, *communes*, quæ vero non nisi, aut maxime saltem, militibus, seu militum propriæ sunt, *militares* vocantur.

Distinctio pœnarum militum in militares & communes ipsius juris civilis est, pronunciante ARRIO MENANDRO: *Delictorum militum persecutio aut propria, aut communis est (l. 2. princ. ff. de Re milit.)*. Rei equidem magis conveniret, si pœnæ militares non nisi in delicta militaria statuerentur. Atque tunc definiri possent, quod sint, quæ propter delicta militaria infliguntur. Uti hæc sunt actiones obligationibus militariibus contrariæ (§. 543.). Cum vero sueverit, ut delictis militaribus pœnæ etiam communes, & delictis militum communibus pœnæ militares infligantur: E re magis visum fuit, definitionem usui adaptare. Sic desertio delictum quam maxime militare est (§. 587.), & tamen ipsi pœna non nisi communis, suspendii nempe, imponitur. Homicidium contra, delictum maxime commune, si a milite committatur, globorum transfossione, quæ pœna militaris est, plerumque plectitur.

§. 772.

Cum pœnæ tam quoad malum, quod infligitur, quam quoad modum infligendi, a se invicem differre possint (*per dem. §. 771.*); Pœnæ vero militares a communibus differant (§. cit.): ^{Pœnæ militares tam quonam} *quoad malum, quod infligitur, quam quoad modum illud infligendi, a communibus possunt esse diversæ.*

§. 773.

Cum facile intelligatur, ad modum, quo pœna infligitur, pertinere etiam, a quonam eadem infligatur: In eo etiam differre posse pœnas militares a communibus, apparet (§. 772.): ^{A quibus-} *Pœnæ itaque militares,* ^{nau infli-} *guntur.*

Jus mil. nat.

Ss

capi-

capitales maxime & corporis afflictivæ, in eo præsertim a communibus differunt, quod non nisi a militibus, vel commentariensis servo saltem, dem Steckenknechte, infligantur.

Hoc per hypothesein, experientiæ consentaneam, ponitur. Executionem enim pecuniarum militarium, tam capitalium, quam corporis saltem afflictivarum, fere omnium, a militibus, vel commentariensis minimum servo, peragi, quotidie videmus. Pœnæ vero communes militibus etiam ab iisdem personis, veluti carnifice, infligi solent, a quibus eadem & paganis infliguntur. Id quod conveniat, & quid in infligendis pœnis infamiae militariis debeat obtinere, suo loco ostendemus.

§. 774.

In quonam possunt con- Cum in genere pœnæ consistant in privatione sui, & in faciendo
sistere. dolore in corpore (§. 588. Part. 8. Jur. nat. WOLF.); Speciei vero competant, quæ generi (§. 235. Log. ejusd.): Pœnæ etiam militum, & in specie militares, vel in privatione sui, vel in faciendo dolore in corpore consistere possunt.

§. 775.

In quonam Porro, cum in pœnam adimi possint res quæcunque corporales,
in specie. quæ sunt in dominio nostro, pecunia, jura quælibet, sive in perpetuum, sive ad certum tempus, fama & existimatione quis privari, seu infamia notari, corpus variis modis affligi & ipsa denique vita eripi possit, non unico modo (§. 589. Part. 8. cit.): Pœnæ etiam militum, & in specie militares, vel in privatione rerum corporalium quarumcunque, uti pecunia, vel incorporealis, uti jurium quorumlibet, fama & existimationis, vel in corporis afflictione & ipsius vitæ ademptione consistere possunt.

§. 776.

Quotupli- Pœnæ itaque tam militum in genere, quam militares in specie, vel
ces esse multa, vel pœnæ infamiae, vel corporis afflictivæ, vel capitales denique
possint. esse possunt.

Pœnæ enim, ut in genere, ita militares in specie, vel in privatione rerum corporalium quarumcunque, uti pecuniæ, vel incorporealis, uti jurium quorumlibet, fama & existimationis, vel in corporis afflictione, vel ipsius vitæ ademptione consistere possunt (§. 775.). Quare cum pœnæ, quæ in privatione pecuniæ, vel rei cujusdam corporalis, aut incorporealis consistit, dicatur multa (§. 590. loc. cit.); Pœnæ vero, qua quis privatur fama & existimatione, indeque pendentibus juribus in civitate, pœnæ infamiae (§. 618. ibid.); Pœnæ, quæ dolorem facit in corpore, sed mor-

mortem non affert, corporis afflictiva (§. 611. ib.), & ea denique, quæ vitam homini adimit, capitalis (§. 601. ib.): Patet, quod tam pænæ militum, quam militares in specie, vel mulcta, vel pænæ infamiae, vel corporis afflictivæ, vel capitales esse possint.

§. 777.

Miles itaque privatione stipendii puniri etiam poterit.

Privatio

Stipendium enim dicitur pecunia, quæ militibus sustentationis gratia stipendii solvitur (§. 342.). Miles itaque, qui stipendio privatur, pecunia pri-
vatur. Quare cum pænâ militum in privatione pecuniæ consistere etiam possit (§. 775.): Privatione etiam stipendii miles puniri poterit.

§. 778.

Milem privatione stipendii puniri, non convenit, nisi illud tantum sit, ut ad militis sustentationem totum non requiratur. *Quando non conveniat.*

Stipendium enim dicitur pecunia, quæ militibus sustentationis gratia datur (§. 342.). Quodsi itaque stipendio privaretur miles, sustentatione carere facile posset. Cum vero absque sustentatione miles nec esse, nec ministerium belli præstare possit (*per dem.* §. 339.): Patet, quod nec privatione stipendii eundem puniri conveniat. *Q. c. 1.*

Quodsi vero stipendium tantum sit, ut ad militis sustentationem totum non sufficiat: Miles sustentatione non carebit, licet ea parte stipendii privetur, quæ ad eandem non requiritur. Quod per se patet. Quare cum militem stipendio in pœnam privari, propterea non conveniat, quoniam eo sustentatione carere posset (*per dem. n. 1.*): Ratio ejusdem cessat, si stipendium tantum sit, quantum ad sustentationem non requiritur (§. 56. *Ontol. WOLF.*). Cum itaque cessante ratione sufficiente, cesset etiam, quod propter eam est (§. 118. *loc. cit.*): Patet, quod illud etiam cesset in eo casu, si stipendium tantum sit, ut totum ad sustentationem non requiratur. *Q. c. 2.*

§. 779.

Miles itaque gregarios & præfectos eorum inferiores privatione stipendii puniri, non convenit. *Non in gregariis & præfectis inferioribus.*

Militibus enim gregariis & præfectis eorum inferioribus stipendia tam tenuia solent præberi, ut ad eorum sustentationem necessariam vix sufficiant (*per hypoth.*). Quare cum stipendii privatione puniri militem non conveniat, nisi illud tantum sit, ut ad sustentationem totum non requiratur (§. 778.): Patet, quod nec circa milites gregarios & præfectos eorum inferiores illud conveniat.

§. 780.

*In præfe-
dis supe-
rioribus
non repu-
gnat.*

Contra cum præfectis militum superioribus, eminentioris præsertim dignitatis, tanta stipendia solvi soleant, ut ad sustentationem necessariam tota non requirantur, sed uberiori saltem, & vel splendori infervant (*per hypoth.*). In eo vero casu, quo stipendium tantum præbetur, quantum ad sustentationem non requiritur, ejusdem privationem in pœnam fieri non disconveniat (§. 778.): *Præfectos militum superiores, eminentioris præsertim gradus, privatione stipendii puniri, non repugnat.*

§. 781.

Multa est. Privatio stipendii, quæ fit in pœnam, multa est.

Privatio enim stipendii pœna militum esse potest (§. 777.): Cum itaque stipendium in pecunia consistat (§. 342.): Eadem, si in pœnam fiat, pœna est, qua miles pecunia privatur. Quare cum pœna, qua quis pecunia privatur, multa dicatur (§. 590. Part. 8. Jur. nat. WOLF.): Patet, quod privatio stipendii, quæ fit in pœnam, multa sit.

Additur, quod fiat in pœnam. Privatio enim stipendii contingere etiam potest, etsi in pœnam non fiat. Sic si miles mittatur, stipendio simul privatur. Non omnem vero missionem in pœnam fieri constat. Non itaque etiam multari dici poterit miles, qui quacunque de causa dimittitur.

§. 782.

*Quando Multam militi imponi non convenit, nisi stipendium ejus tantum sit, multa im- ut ad sustentationem totum non requiratur, aut præter stipendia pecu-
poni possit. niam seu bona aliunde habeat.*

Cum enim multa in privatione pecuniæ, quæ fit in pœnam, consistat (§. 590. cit.): Si militi multa imponitur, pecunia privatur. Cum itaque stipendium sit pecunia (§. 342.): Si pecuniam aliam non habeat, stipendio suo debet privari. Quamobrem cum miles privatione stipendii puniri non debeat, nisi illud tantum sit, ut ad sustentationem ejus totum non requiratur (§. 778.): In casu etiam, quo miles pecuniam sive bona aliunde non habeat, multari etiam non poterit, nisi stipendium ejus ad sustentationem ejus totum non requiratur. *Q. e. i.*

Quodsi vero miles præter stipendium pecuniam vel bona aliunde habeat: Si multari debeat, ut stipendio privetur, necesse non est. Quoniam itaque militi multam imponere in genere non repugnet (§. 776): Licet in stipendio locum non habeat, si illud non sit sustentatione majus (§. 778.): In eo etiam casu, quo militi tantum non est stipendium, ut ad sustentationem totum non requiratur, multa nihilominus im-
po-

imponi ipsi poterit, si præter stipendium pecuniam aut bona aliunde habeat.

§. 783.

Militi itaque etiam gregario aut præfecto inferiori multa imponi poterit, si præter stipendium pecuniam aut bona aliunde habeat. *Militi etiam gregario.*

Cum enim milites gregarii, aut præfecti eorum inferiores, privatione stipendii puniri nequeant (§. 779.); Multa vero in privatione pecunie, qualis & stipendium est, consistat (§. 590. cit.); Militi gregario, sive præfecto inferiori, multam imponi non posse, si præter stipendium pecuniam aliunde non habeat, apparet. Quod si vero pecuniam aliam habeat: Ut stipendium privetur, si multari debeat, necesse non est. Quoniam itaque non repugnat, ut militi multa imponatur, si præter stipendium pecuniam sive bona aliunde habeat (§. 782.): Militi etiam gregario sive præfecto inferiori multa imponi poterit in eo casu.

Hinc ipso etiam jure civili multa inter pœnas militum refertur (l. 3. §. i. ff. de Re milit.). Ex qua lege multam etiam gregario & vel stipendio ejusdem imponi posse, tueri student BEYER (n. 1266. Jur. milit. prud. p. 567.), & WAGA (§. 3. Diff. de Es, q. j. e. circa pan. milit. ignom.). Licet in d. l. neque de milite gregario in specie, neque de multa, stipendio ejus imponenda, mentio ulla fiat.

§. 784.

Præfectis vero militum superioribus, eminentioris præsertim gradus, multa imponi poterit, etsi præter stipendium pecuniam aut bona aliunde non habeant. *Ut & prædictis superioribus.*

Cum enim multa in solutione pecunie consistat (§. 590. cit.); Stipendium vero etiam sit pecunia (§. 342.): Si præfectis militum imponi debeat multa, nec præter stipendium pecuniam aut bona aliunde habeant, eandem ex stipendio solvi debere, necesse est. Quoniam itaque non repugnat, ut præfecti militum superiores, eminentioris præsertim gradus, stipendii privatione puniantur (§. 780.): Patet, quod & iidem multari possint, licet præter stipendium pecuniam aut bona aliunde non habeant.

§. 785.

Privatio stipendii, quæ fit in panam, pœna militaris est.

Stipendium enim dicitur pecunia, quæ militi solvitur, sustentationis nempe gratia (§. 342.). Idem itaque militem supponit. Privari hinc etiam stipendium, nec adeo privatione ejusdem puniri poterit, nisi militis. Pœna itaque privationis stipendii locum non habet, nisi in militibus.

Privatio stipendii est pœna militaris.

bus, seu eorum propria est. Quare cum pœnæ, quæ non nisi militibus infligi soleant, sive eorum propriæ sunt, militares dicantur (§. 771.): Patet, quod & privatio stipendii, quæ fit in pœnam, sit pœna militaris.

§. 786.

Mulcta in genere non pendit determinatur. *Mulcta vero in genere pœna militaris non est, nisi pro ratione stipendii.*

Cum enim mulctæ non militibus solum, sed & paganis imponantur (*per hypoth.*): Mulcta in genere pœna militaris dici nequit, sed communis potius est (§. 771.). Privatio vero stipendii, quæ fit in pœnam, mulcta est (§. 781.). Et cum illa etiam sit pœna militaris (§. 785.): Datur tamen mulcta quædam, quæ pœnæ militaris nomen meretur. Ut vero pœna quædam militaris sit, a communibus vel quoad malum, quod infligitur, vel quoad modum illud infligendi, differre debet (§. 772.). Malum, quod in mulcta, sive sit pœna militaris, sive communis, infligitur, hic idem est, pecuniæ nempe privatio. Si itaque, mulcta quædam pœna militaris esse debeat, necesse est, ut quoad modum malum illud infligendi saltem differat a mulcta in genere. Modus vero mulctam imponendi varius esse potest, prout illa determinatur. Quamobrem cum determinatio mulctæ, quæ militibus imponitur, fiat pro ratione stipendii; Quæ vero paganis pronunciatur, per certam quandam pecuniæ summam (*per hypoth.*): Patet, quod mulcta in genere pœna militaris dici nequeat, nisi illa determinetur pro ratione stipendii.

Sic v. gr. militi mulcta hoc modo distitur, ut stipendium unius vel plurium mensium solvat. Paganus vero ad solutionem 100. thalerorum vel aureorum solet condemnari. Malum hic idem est, & stipendium aliquot mensium summam eandem a pagano solvendam efficere potest. Non itaque, nisi modus, quo mulcta ab utroque exigitur, differt. Hoc vero ad pœnam militarem constituendam sufficit (§. 772.).

§. 787.

Mulcta militaris definitur. Hinc cum privatio stipendii quæ fit in pœnam, mulcta sit (§. 781.); Privatio vero stipendii, quæ fit in pœnam, pœna militaris (§. 785.): Privatio stipendii, quæ militi fit in pœnam, sive, pœna, qua miles stipendio privatur, *Mulcta militaris* dici poterit.

§. 788.

Confiscatio bonorum locum non habet in milite, nisi præter stipendium quando obdium bona alia habeat.

Confiscatio enim bonorum est actus, quo in pœnam omnia bona, quæ quis habet, ipsi adimuntur & fisco attribuantur (§. 593. Part. 8. Jur.

Jur. nat. WOLF.) Bonis itaque suis privatur, qui eandem patitur, & quidem in pœnam. Quare cum miles privatione rerum corporaliū & incorporaliū quorumlibet, adeoque & bonorum, puniri possit (§. 75): Confiscationem in militem cadere, dubitari nequit. Eandem vero supponere bona extantia, facile apparet. Cum itaque stipendium militibus sustentationis saltem gratia (§. 342.), adeoque per intervalla temporis solvatur; Neque hinc inter bona, quæ quis habet, referri possit: Patet, quod confiscatio in milite locum non inveniat, nisi præter stipendium bona alia habeat.

Confiscationem bonorum pati solent milites, qui militiam deserunt. Cum vero iidem stipendia sua statim amittant: Facile etiam elucet, pœnam hanc ipsis statutam executione destitui, si præter stipendium bona alia non relinquunt.

§. 789.

Confiscatio bonorum pœna militaris non est, sed communis.

Non est pœna militaris.

Jure enim Romano omnes ob crimen condemnati eandem patiebantur, & hodie illa adhuc in crimine læsæ majestatis obtinet (*not. §. 593. cit.*). Quare cum ob crimen condemnari potuerint, & crimen læsæ majestatis committere adhuc possint alii, quam milites (*quod per se patet*): Confiscationis pœna non militibus solum, sed & aliis infligitur. Cum itaque pœna saltem, quæ non nisi militibus infligitur, militaris; Quæ vero & aliis imponitur, communis dicatur (§. 771.): Patet, quod eadem non sit pœna militaris, sed communis.

§. 790.

Pœna militum in genere, & militares in specie, naturaliter ipsis infamiam contrahunt.

Pœna militum infamiam contrahunt.

Pœnæ enim in genere, quæ militibus infliguntur, in delicta eorum sive in genere, sive militaria in specie, statuuntur (§. 761.). Quodsi itaque pœnæ ipsis infligantur, ex eo apparet, eosdem deliquisse. Quamobrem cum delictis militum & militaribus in specie infamia contrahatur (§. 562.): Ex pœnis eorum cognoscitur, quod infamiam sibi contraxerint. Et cum certo demum constet, quod deliquerint, si puniantur; Cum quis delicti argui quidem, innocens tamen inveniri possit (*quod per se patet*): Pœnæ demum militum sive in genere, sive militares in specie, naturaliter ipsis infamiam contrahunt.

Ratio tamen infamiae, quæ per pœnas contrahitur, in delictis proprie latet. Hinc est, quod dicatur, non pœnam, sed crimen, quod quis admittit, infamare (*Schol. §. 619. Part. 8. loc. cit.*). Et ipso etiam jure civili dicitur

dicitur, quod ictus fustium infamiam non importet, sed causa, propter quam id pati meruit; Et quod in ceteris quoque poenarum generibus eadem forma statuta sit (*l. 22. ff. de His, qui not. inf.*).

§. 791.

Qua facti saltem est. Infamia, quæ per poenas militum, & militares in specie, naturaliter contrahitur, facti saltem est, quæ dicitur.

Infamia enim, quæ per poenas militum naturaliter contrahitur, ex delictis eorundem venit (*per dem. §. 790.*). Quare cum infamia, quæ per delicta militum naturaliter contrahitur, facti tantum sit (§. 563.): Idem etiam de infamia, quæ per poenas eorum naturaliter contrahitur, apparet.

§. 792.

Et effectus civiles non viles non producit. Infamia, quæ per poenas militum naturaliter contrahitur, effectus civiles non producit.

Infamia enim, quæ naturaliter per poenas militum contrahitur, ex delictis eorum venit (*per dem. §. 790.*). Quamobrem cum infamia, quæ ex delictis naturaliter venit, effectus civiles non producat (§. 564.): Illud nec de infamia, quæ per poenas militum naturaliter contrahitur, prædicari poterit.

§. 793.

Infamia poena esse potest. Infamia poena etiam militum esse potest.

Infamia enim famæ opponitur (§. 562. Part. 1. Jur. nat. WOLF.): Infamia itaque in privatione famæ consistit. Quare cum privatio famæ poena militum esse possit (§. 775.): De infamia idem patet.

§. 794.

Pro poena naturaliter, pro poena, positiva nempe, haberi nequit; Sed poena saltem naturalis est. Infamia, quæ per delicta eorumque poenas militibus contrahitur naturaliter, pro poena, positiva nempe, haberi nequit; Sed poena saltem naturalis est.

Cum enim facile intelligatur, quod poenæ, quæ in delicta militum statuuntur, a voluntate auctoris belli, qui idem est cum rectore civitatis (§. 10.), proveniant (§. 761.); Poena vero, quæ cum actione libera ex mera legislatoris voluntate connectitur, positiva dicatur (§. 307. Part. 1. Phil. præct. univ. WOLF.): Sub poenis militum non nisi positivas intelligi apparet. Cum vero infamiam per delicta eorumque poenas contrahi naturaliter militibus, hic ponatur (*per hypoth.*): Eandem ex delictis necessario sequi, neque adeo a voluntate legislatoris pendere, patet. Quare cum poena, positiva nempe, qualis hic intelligi debet, a volun-

voluntate legislatoris proficiscatur (*per alleg.*): Infamia illa, quæ naturaliter militibus contrahitur, pro pœna, positiva nempe, haberi nequit. *Q. c. 1.*

Cum autem infamia famæ opponatur (§. 862. *Part. 1. Jur. nat. WOLF.*); Fama vero inter bona fortunæ referatur (§. 683. *loc. cit.*): Infamiam ad mala fortunæ referendam esse, dubitari nequit. Infamia itaque inter mala cæ referenda est, quæ pœnæ loco infligi possunt (§. 286. *Part. 1. Phil. præct. univ. WOLF.*), physica nempe (§. 285. *ibid.*). Delicta vero ad mala moralia pertinent (§. 374. *Part. 1. Theol. nat. ejusd.*). Cum itaque infamia naturaliter cum delictis militum connexa sit (§. 561.); Naturaliter malum physicum cum morali connectitur. Quare cum in hoc pœna consistat (§. 285. *cit.*): Infamia, quæ per delicta eorumque pœnas militibus naturaliter contrahitur, pœna quidem dici poterit. Cum autem eadem naturaliter cum delictis connectatur (*per dem.*); Adeoque ex his necessario sequatur; Pœna vero, quæ ex actione necessario sequitur, naturalis dicatur (§. 306. *loc. cit.*): Patet, quod infamia, quæ per delicta & pœnas militibus contrahitur, pœna tantum sit naturalis. *Q. c. 2.*

§. 795.

Ut infamia pro pœna militum possit haberi, eadem lege debet statui. Quid requiratur, ut sit pœna.

Pœnam enim positivam intelligi, si infamia pro pœna haberi debeat, jam evicimus (*dem. §. 794. n. 1.*). Pœna vero positiva ex mera legislatoris voluntate provenit (§. 307. *Part. 1. Phil. præct. univ. WOLF.*). Quare cum voluntas legislatoris lege declaretur (§. 272. *loc. cit.*): Si infamia pro pœna militum haberi debeat, id lege statuendum est.

§. 796.

Infamia itaque, quæ militi in pœnam statuitur, est infamia juris. Quando sit infamia juris.

Infamia enim, quæ pœna esse debet, lege statuenda est (§. 795.). Quare cum infamia, quæ lege statuitur, infamia juris dicatur (*per hypoth.*): Patet, quod infamia, quæ militi in pœnam statuitur, sit infamia juris.

§. 797.

Infamia, quæ militi in pœnam statuitur, consistit in judicio, de militis imperfectione morali, quod rationem suam habet in lege. In quonam consistat.

Ut enim infamia pro pœna militum habeatur, lege illa statui debet (§. 795.). Ex constitutione itaque legis intelligitur, cur infamia sit pœna militis. Quare cum id, ex quo intelligitur, cur alterum sit, ratio ejusdem sit. *Jus mil. nat. T t suf.*

sufficiens dicatur (§. 56. *Ontol. WOLF.*): Constitutio legis est ratio sufficiens, cur infamia militi in pœnam imponatur, sive, quod perinde est: Infamia, quæ militi in pœnam statuitur, rationem suam habet in lege. Cum itaque infamia militis in genere consistat in iudicio de imperfectione ejusdem (*per dem. §. 561.*); Infamia militis, quæ lege ipsi statuitur, consistere debet in iudicio de imperfectione ejusdem, quod rationem suam habet in lege.

§. 798.

Infamia notari quis infamia notari dicitur. Si militi uti in genere cuiquam infamia in pœnam statuatur, ille dicitur.

§. 799.

Quid eo Si miles infamia notatur, lege declaratur, eundem obligationibus declaretur. suis non satisfecisse, seu officiis suis recte functum non esse, sed iis de contraria egisse, adeoque deliquisse.

Si enim miles infamia notatur, infamia ipsi in pœnam statuitur (§. 798.). Infamia vero, quæ militi in pœnam statuitur, consistit in iudicio de ejus imperfectione, quod in lege rationem suam habet (§. 797.). Cum itaque imperfectio militis, qua talis, enascatur ex eo, si obligationibus suis non satisfaciat, sive officiis suis recte non fungatur, sed iisdem potius contraria agat (§. 559.): Infamia eadem iudicium præbet aliis, quod miles, qui illa notatur, obligationibus suis non satisfecerit, sed iisdem potius contraria egerit, adeoque deliquerit (§. 540.). Cum vero infamia illa, quæ pœna militum est, lege debeat statui (§. 795.): Patet, quod si miles infamia notetur, lege declaratur, eundem obligationibus suis non satisfecisse, sive officiis suis recte functum non esse, sed iisdem potius contraria egisse, adeoque deliquisse.

§. 800.

Privatio- Si miles infamia notatur, privatur fama in pœnam scilicet. Et vice nem fama versa: Si miles fama in pœnam privetur, infamia notatur. operatur.

Infamia enim famæ opponitur (§. 862. *Part. 1. Jur. nat. WOLF.*). Hinc cum opposita simul esse nequeant (§. 272. *Ontol. ejusd.*): Fama etiam cum infamia simul subsistere nequit. Quod si itaque infamia cuiquam imponitur, fama eidem debet tolli, seu, quod idem est, fama ille privari. Quare cum si miles infamia notetur, eadem ipsi in pœnam imponatur (§. 798.): Apparet, quod miles, si infamia notatur, famam in pœnam privetur. *Q. e. i.*

- Cum

Cum itaque infamia sit privatio famæ (*per dem. n. 1.*): Cui in pœnam infamia statuitur, ei privatio famæ statuitur. Quare cum is, cui infamia in pœnam statuitur, infamia dicatur notari (§. 798.): Is etiam, cui privatio famæ in pœnam statuitur, seu, qui fama in pœnam privatur, infamia notatur. *Q. e. 2.*

Cum hic prædicatum fiat, quod antea erat subiectum, & subiectum, quod prædicatum erat: Propositio primum demonstrata convertitur (§. 282. *Log. WOLF.*). Quare cum hoc non in omni casu possit (§. 649. *ibid.*): Propositione conversa tamen opus habemus ad demonstranda alia: Hanc etiam demonstrare visum fuit: Licet forsitan absque demonstratione facile concedetur.

§. 801.

Quare cum milites fama in pœnam possint privari (§. 775.); *Infamia* les vero, si fama privatur, infamia notetur (§. 800.); Et infamie *notari po-* tatio præterea in pœnam fiat (§. 798.): *notari po-* *test miles.* Milites etiam in pœnam infamia notari possunt.

Quod etiam hoc modo demonstrari poterit. Infamia pœna militum esse potest (§. 793.). Ut vero sit pœna, lege debet statui (§. 795.). Militi itaque infamia in pœnam statui potest. Quare cum miles infamia dicatur notari, si ipsi infamia in pœnam statuatur (§. 798.): Milites etiam in pœnam infamia notari posse, apparet.

§. 802.

Miles, si fama privetur in pœnam, privatur etiam juribus illis, quæ Privatio fame quid in civitate a fama dependent.

Cum enim in civitate a fama certa jura pendere soleant (*per hypoth.*): *operetur.* Hæc jura rationem suam habent in fama (§. 851. *Ontol. WOLF.*). Si itaque miles fama privatur: Tollitur in eo ratio sufficiens illorum jurium. Quare cum, uti posita ratione ponendum sit, ita etiam sublata eadem, tollatur id, quod propter eam est (§. 118. *Ontol. WOLF.*): Patet, quod si miles fama privetur in pœnam, privetur etiam juribus illis, quæ a fama in civitate dependent.

§. 803.

Quare cum, si miles infamia notetur, privetur fama in pœnam *Ut & infamia* (§. 800.); Miles vero, qui in pœnam fama privatur, privetur etiam *notatur.* juribus in civitate a fama pendentibus (§. 802.): *Si miles infamia nota-* *tio.* tur, privatur etiam juribus, quæ a fama pendent in civitate.

§. 804.

Quis pœnam infamiae patitur.

Miles, qui fama privatur in pœnam, pœnam infamiae patitur.
Pœna enim infamiae dicitur, qua quis, expresse scilicet, privatur estimatione sive fama, & inde dependentibus juribus in civitate (§. 618. Part. 8. Jur. nat. WOLF.). Cum itaque miles, qui fama privatur, privetur etiam juribus, quæ ab ea in civitate dependent, & quidem in pœnam (§. 802.): Patet, quod miles, qui fama privatur in pœnam, patitur pœnam infamiae.

Definitioni pœnæ infamiae, quam supeditavit perill. L. B. de WOLF (loc. cit.) addimus, quod eadem quis *expresse* privetur fama. Fieri enim potest, ut per pœnam quidem quis fama privetur; Privatio famæ vero eadem proprie non intendatur, sive ejus objectum non sit, sed saltem cum pœna quadam, quæ v. gr. corporis afflictiva sive capitalis est, connectatur. Hæc pœna quidem ad infames, neutiquam vero pœnas infamiae erit referenda. Uti suo loco pluribus evincemus.

§. 805.

Quis porro.

Cum itaque miles, qui infamia notatur, in pœnam privetur fama (§. 800.), & juribus, quæ ab eadem in civitate dependent (§. 803.); Miles vero, qui fama in pœnam privatur, pœnam infamiae patitur (§. 804.): *Miles etiam, qui infamia notatur, pœnam infamiae patitur.*

Cum infamiae notatio in pœnam fieri supponatur (§. 798.): Infamiam etiam per eandem intendi debere apparet, ut pro pœna infamiae haberi possit. Quodsi enim cum alia pœna connectatur modo, hæc saltem infamis, neutiquam infamiae pœna erit dicenda. Uti ad §. præced. monuimus.

§. 806.

Miles quando fiat infamis.

Cum infamis in sensu jurisdictionis, qui infamia, juris scilicet, sive ea, quæ ex legis notatione venit, laborat (*per def.*); Infamia vero, quæ militi in pœnam statuitur, sit infamia juris (§. 796.), & miles, qui infamia notatur, eandem experiatur (§. 798.): *Miles, qui infamia notatur, infamis fit, in sensu juris.*

§. 807.

Quod extenditur.

Et cum miles, qui fama in pœnam privatur, infamia notetur (§. 800.); Miles vero, qui infamia notatur, infamis fiat (§. 806.): *Miles etiam, qui fama in pœnam privatur, infamis fit.*

§. 808.

Uterius.

Porro cum intelligatur, militem, qui infamiae pœnam patitur, fama in pœnam privari (*per dem.* §. 804.); Adeoque infamia notari (§. 800.); Miles

Miles vero infamis fiat, si infamia notetur (§. 806.), vel si fama in pœnam privetur (§. 807.): Miles, qui infamiae pœnam patitur, infamis fit. Et vice versa: Qui infamis fit in pœnam, pœnam infamiae patitur.

Cum enim infamis dicatur, qui infamia afficitur (def. §. 806.): Qui infamis fit in pœnam, is infamia in pœnam afficitur. Cui vero infamia in pœnam statuitur, infamia notari dicitur (§. 798.). Quare cum is, qui infamia notatur, pœnam patitur infamiae (§. 805.): Militem etiam, qui infamis fit, pœnam infamiae pati apparet.

§. 809.

Miles, qui infamis fit, privatur juribus, quæ in civitate a fama infamis dependent. *quibus juribus privetur.*

Ut enim miles infamis fiat, eundem infamia notari (§. 806.), sive, fama privari debere (§. 807.) apparet. Miles vero, qui infamia notatur, sive fama privatur, privatur etiam juribus, quæ in civitate a fama dependent (§. 802. 803.): Militem itaque etiam, qui infamis fit, in pœnam scilicet, privari juribus in civitate a fama pendentibus, patet.

§. 810.

Miles itaque, qui infamis fit, incapax fit juris standi in communione & societatem ineundi cum aliis. *Quibus in specie.*

Cum fama enim connecti solet in civitate jus standi in communione & societatem ineundi cum aliis (per hypoth.). Jura itaque hæc a fama in civitate dependent. Quare cum miles, qui infamis fit, privetur etiam juribus a fama pendentibus in civitate (§. 809.): Eundem etiam privari jure standi in communione & societatem ineundi cum aliis, apparet.

§. 811.

Hinc cum miles, qui infamia notatur (§. 806.), aut fama in pœnam privatur (§. 807.), & infamiae pœnam patitur (§. 808.), infamis fiat; Miles etiam in specie, qui fama in pœnam privatur (§. 802.) sive infamia notatur (§. 803.), privetur etiam juribus, quæ a fama in civitate pendent: Miles, qui infamia notatur, sive fama in pœnam privatur, adeoque infamiae pœnam patitur, jure standi in communione & societatem ineundi cum aliis privatur. *De quibus nam hoc intelligatur.*

Cum infamia notari, fama in pœnam privari, aut infamem fieri, & pœnam infamiae pati idem proprie significet: Facile apparet, diversis modo locutionibus idem indigitari. Quoniam vero eadem promiscue occurrunt: Ad singula applicare visum fuit, quod de una vel altera demonstratur: Ne circa earum applicationem hæreamus.

§. 812.

*Infamis
miles esse
nequit.*

Miles, qui infamis sit, adeoque &, qui fama privatur in penam, aut infamia notatur, aut infamiae penam patitur, miles manere nequit.

Cum enim milites dicantur homines, qui bello gerendo inserviant (§. 14.); Ad bellum vero gerendum opus sit hominibus pluribus (§. 12.): Pluribus etiam militibus opus esse apparet. Milites itaque inter se, & quicunque cum aliis in communione stare, necesse est. Similiter cum belli finis sit juris, quod denegatur, persecutio (§. 1.); Milites vero huic fini inserviant (*per dem.*); Et pactum sive quasi pactum de fine quodam conjunctis viribus consequendo, societas dicatur (§. 1. Part. 7. *Jur. nat. WOLF.*): Milites etiam in societate quadam constituuntur. Ut quis itaque miles esse possit, competere ipsi debet jus standi in communione & societatem ineundi cum aliis. Quare cum milites hoc jure priventur, qui infames fiunt (§. 810.), ut &, qui infamia notantur, fama in penam privantur, & infamiae penam patiuntur (§. 811.): Eosdem etiam milites manere non posse, apparet.

Jure adeo civili statutum est, ut qui semel infamia notatus fuit, postea nec volens miles fieri possit (l. 4. §. 6. ff. de Re milit.). Et plenarumque gentium legibus militaribus idem esse constitutum, docet STEPH. WAGA (§. 25. *Diff. de Eo, q. j. e. circa pen. mil. ignom.*). Non tamen desunt exempla, praesertim in desertoribus, quorum nomina, praevisa expressa infamiae declaratione, patibulo infixata sunt, ut fama ipsis restitueretur, & in militiam recipiantur.

§. 813.

*Infamia
effectus ci-
viles pro-
ducit.*

Infamia, qua milites, in penam scilicet, notantur, effectus civiles producit.

Milites enim, qui infamia notantur, privantur juribus in civitate a fama pendentibus (§. 803.). Privatio itaque jurium ab infamia ista, tanquam causa dependet. Quare cum causatum, quod a causa efficienter dependet, effectus dicatur (§. 86. *Ontol. WOLF.*): Privatio jurium istorum est effectus infamiae illius. Infamia vero, quae poena militum esse debet, a lege, civili nempe, venit (§. 795.). Effectus itaque ille etiam a lege provenit. Quare cum effectus a lege civili provenientes, sive quae jura in civitate concernunt, civiles dicantur (*per def.*): Patet, quod infamia, qua milites in penam notantur, effectus civiles producat.

Effectus infamiae militum recenset WAGA (*loc. cit.*). Inter quos etiam est, ut testamentum eorundem militare statim desinat valere (l. 26. ff. de Test. milit.); Licet alias anno post missionem adhuc valeat. Quod etiam in ipsa re rationem suam agnoscere, ostendimus (§. 423.).

§. 814.

§. 814.

Infamia, qua miles in pœnam notatur, vel mediata vel immediata Quotuplex esse potest. sit eadem.

Infamia enim, qua miles notatur in pœnam, infamia juris est (§. 796.). Cum itaque infamia juris vel mediata sit quæ non nisi prævia sententia judicis locum habet; Immediata, quæ vel absque prævia sententia ipso jure obtinet (*per hypoth. & def.*): Patet etiam, quod infamia, qua miles in pœnam notatur, vel mediata vel immediata esse possit.

Quod vero actu non sit, sive esse debeat, quam mediata, mox ostendemus.

§. 815.

Ut miles infamia notetur, sive infamis fiat, in pœnam scilicet, certo Quid reconstare debet, cum delictum aut factum tale admisisse, in quod infamia quiritur, ut miles statuta est. fiat infamis.

Cum miles, qui infamia notatur, infamis reddatur (§. 806.); Infamia notari vero in pœnam fiat (§. 798.): Militem in pœnam infamem fieri, hic supponitur. Pœna vero non nisi in malum morale sive delictum statuitur (§. 285. Part. 1. Phil. pract. univ. WOLF.). Miles itaque etiam infamia notari, sive infamis in pœnam fieri nequit, nisi delictum tale commiserit, in quod infamia statuta est. Et cum delicta facta sint (§. 580. Part. 8. Jur. nat. ejusd.); Adeoque certo constare debeat, quendam factum illud admisisse, quod delictum constituitur, antequam deliquisse dici poterit (*quod per se patet*): Intelligitur etiam, quod certo constare debeat, militem delictum tale commisisse, in quod infamia statuta est, antequam eadem notari, sive in pœnam infamis fieri possit.

§. 816.

Miles infamia notari sive infamis in pœnam fieri nequit, nisi judicis declaratione. fiat.

Cum enim infamia notari in pœnam fiat (§. 798.); Et militem in pœnam infamem fieri, hic supponatur (*per dem. §. 815.*): Militem, qui infamia notatur, sive in pœnam infamis fit, puniri apparet. Miles vero civitatem constitutam supponit (§. 18.). Quare cum, si quis in civitate puniri debeat, illud faciendum sit a iudice (*per dem. §. 559. Part. 8. cit.*): Patet, quod si miles infamia notari, sive in pœnam infamis reddi debeat, illud fieri non possit, nisi iudicis declaratione.

§. 817.

§. 817.

*Quid in
specie re-
quiratur.*

Ut itaque miles infamia notetur, siue infamis fiat in penam, causæ cognitio & sententia judicis requiritur.

Ut enim miles infamia notetur, siue in penam infamis fiat, requiritur, ut de delicto certo constet (§. 815.), & judicis declaratio accedat (§. 816.). Quamobrem cum de facto absque causæ cognitione certo constare non possit (§. 542. *Part. 8. cit.*), & per sententiam declaratio judicis fiat (§. 543. *ibid.*): Statim patet, quod ad militem infamia notandum, siue infamem reddendum, causæ cognitio & sententia juris requiratur.

Paulo vero uberius hoc modo demonstratur. Miles enim, qui infamia notatur, siue in penam infamis fit, punitur (*dem. §. 816.*). Cum autem puniri non possit, nisi delicto aut crimine sufficienter probato (§. 673. *Part. 8. cit.*): Neque etiam miles infamia notari, aut in penam infamis fieri potest, nisi delicto aut crimine, in quod infamia statuta est, sufficienter probato. Quare cum notitia facti sufficienter probati cognitio causæ dicatur (§. 542. *ibid.*): Patet, quod miles infamia notari, siue in penam infamis fieri nequeat absque causæ cognitione. *Q. e. 1.*

Causæ vero cognitionem sententia judicis sequitur; Et per hanc demum declaratur, aliquem delictum commisisse & penam in illam statutam promeruisse (§. 543. *ibid.*). Sententia itaque judicis certo demum constat, militem deliquisse, & talem esse, qui infamia notari siue infamis fieri debeat, declaratur. Quare cum tam hoc (§. 816.), quam illud (§. 815.), ad militem infamia notandum vel infamem reddendum requiratur: Ad idem etiam causæ cognitione & sententia judicis opus esse, apparet. *Q. e. 2.*

In casu saltem speciali ejusdem est sententiæ HENR. MYLIUS siue potius GOTTH. EHRENF. WEND (§. 17. *Diff. de Pen. milit. fam.*).

§. 818.

*Infamia
tantum me-
diata obti-
net.*

Infamia itaque circa militem puniendum non nisi mediata obtinet. Seu: Infamia, qua miles in penam afficitur seu notatur, mediata tantum est.

Miles enim infamia notari nequit absque prævia judicis sententia (§. 817.). Quare cum infamia, quæ non nisi prævia sententia judicis obtinet, mediata dicatur (*def. §. 814.*): Infamia etiam, qua miles in penam notatur, mediata tantum est.

Licet

Licet itaque supra asseruerimus, eandem vel mediatam vel immediatam esse posse vel debere (§. 814.): Hoc de possibilitate intrinseca tantum intelligendum esse apparet; Neque adeo obstat, quod hic affirmetur, illam non esse nisi mediatam.

§. 819.

Si miles per factum quoddam infamem semet ipsum reddat, infamia Quando notari, in pœnam scilicet, dicitur; Sed potius delictum committit, animæ adversione adhuc dignum. *Semet ipsum infamem reddat.*

Si enim miles factum quoddam suscipiat, per quod semet ipsum reddit infamem: Delictum eundem nondum commisisse supponitur, propter quod infamia ipsi in pœnam statuatur, sed ipso hoc facto infamiam sibi contrahit. Quare cum pœna malum morale sive delictum supponat (§. 285. Part. 1. Phil. præf. univ. WOLF.): Apparet, quod miles infamia notari, in pœnam scilicet, nequeat, qui eandem semet ipsi facto quodam contrahit. *Q. e. 1.*

Cum vero miles, qui infamis fit, miles manere nequeat (§. 812.): Miles, qui infamem semetipsum reddit, ad militiam se reddit inhabilem. Quare cum milites, qui ad militiam ulteriorem præstandam data opera se reddunt inhabiles, delinquant (§. 751.), & in specie delictum murcorum admittant (§. 752.): In delicta vero militum in genere pœnæ sint statuendæ (§. 761.): Miles, qui facto quodam semet ipsum reddit infamem, delictum committit, animadversioe adhuc dignum. *Q. e. 2.*

Dari facta talia, quibus quis, adeoque & miles, infamem se reddere possit, constat, ut si v. c. carnificinæ se addicat. Infamiam vero, quæ eo contrahitur, pœnam delicti cujusdam antecedentis non esse, sed sponte potius suscipi, facile intelligitur. Cum vero miles per facti talis suspensionem obligationi suæ ad militiam adversetur (*dem.* §. 751.), adeoque delinquat (§. 540.): Propter infamiam istam sponte sibi contractam pœnam adhuc meretur, qualis etiam actu statui solet. Cujus rei in milite Saxone exemplum refert AUG. a LEYSER (§. 4. *Diff. de Fuga militie p. 5.*).

§. 820.

Infamia, quam miles facto quodam, in quod eadem lege positiva statuta est, sibi et ipsi contrahit, immediata est. *Quoniam infamia fit immediata.*

Cum hic supponatur, jure civili statutum esse, ut quis ipso quodam facto infamis fiat (*per hypoth.*): Ad hoc sententia judicis non requiritur, sed eadem ipso jure obtinet. Quare cum infamia, juris scilicet, qualis est, quæ lege civili statuitur (*def.* §. 796.), si absque prævia sententia ipso jure obtineat, immediata dicatur (*def.* §. 814.): Patet, quod infamia *Uu* *mi,*

mia, quam miles factio quodam, in quod eadem lege positiva statuta est, sibi met ipsi contrahit, immediata sit.

Licet itaque infamia, qua miles in pœnam notatur, sit tantum mediata (§. 818.): Immediatam tamen etiam circa militem obtinere posse, ex hoc apparet. Quæ vero pœna proprie non est, sed pœna potius adhuc digna (§. 819.). Id quod monendum duximus, tam ut appareat, quomodo termini juris civilis, si rite determinantur, applicari possint, quam, ne dubium oriarur, si infamia militum, quæ in pœnam statuitur, mediata tantum dicatur.

§. 821.

Prædiorum conductio cur infamet.

Quod miles aliena prædia conducens, ipso jure infamis fiat, juris saltem positivi est.

Licet enim ratione non destituatur, quod militi prædiorum alienorum conductio prohibeatur (§. 474.): Ratio tamen, cur sub pœna infamiæ hoc fiat, non apparet. Quod si itaque lege illud statuatur, a voluntate legislatoris illud dependet. Quare cum jus, quod a voluntate entis cujusdam rationalis dependet, positivum dicatur (§. 147. Part. 1. Phil. præf. univ. WOLF.); jure vero civili sancitum sit, ut milites, qui aliena prædia conducunt, sive aliquo facto, sive aliqua sententia infames fiant (l. ult. Cod. de Locat.): Patet, quod hoc sit tantum juris positivi.

Licet vero in iis, quæ infamiam ipso facto & jure inferunt, sententia non requiratur; Ut tamen constet, quenquam factum tale suscepisse, in quod infamia statuta est, adeoque causæ cognitio requiritur. Præsertim, si propter infamiam sibi contractam puniri adhuc debeat miles. Uti obtinet in casu §. 819.

§. 822.

Declaratio pro infamia per sententiam.

Si miles per sententiam judicis pro infami expresse declaratur, infamis fit, in sensu scilicet juris.

Cum enim miles infamis, in pœnam scilicet, fieri nequeat, nisi judicis declaratione (§. 816.), & sententia (§. 817.): Facile apparet, si miles per sententiam judicis pro infami expresse declaretur, eundem eo fieri infamem. Cum vero simul hoc fiat in pœnam (per alleg.); Infamia vero, quæ militi in pœnam statuitur, sit infamia juris (§. 796.): Simul patet, quod in sensu juris infamis idem dicendus sit.

§. 823.

Declaratio pro exparte fama.

Hinc cum etiam miles, qui fama privatur, infamis fiat (§. 807.); Adeoque si miles per sententiam judicis fama privetur, seu famæ experte declaretur, idem fit, ac si pro infami expresse declaretur: Miles, qui per

per sententiam iudicis fama expers declaratur, sive eadem privatur, infamis fit.

§. 824.

Expressa militis per sententiam pro infami declaratio, *Infamatio* *Infamatio-
dici solet; Et quidem si per sententiam absolvatur, privata; Si vero
nis definitio.*
actu quodam publico corporali peragatur, *publica.*

Denominationem hanc, barbaram licet, suppeditavit G. E. WEND (§. 14. *Diff. de Pœnis militum famosi*). Patrio sermone ea dicitur, *das Schelmenmachen*, & publica quidem, *wenn einer öffentlich zum Schelmen gemacht wird*. In cujus vocis origine indaganda, idem cum aliis operam suam collocavit (§. 15. *loc. cit.*).

§. 825.

*Si miles pro infami declaratur, a militia simul debet dimitti, & qui Miles infa-
dem cum infamia.* *mis mitti
debet.*

Miles enim, qui infamis fit, miles manere nequit (§. 812.). A militia itaque solvatur, necesse est. Quare cum solutio a militia dimissio dicatur (§. 297.): Patet etiam, quod miles, qui pro infami declaratur, a militia mitti debeat. *Q. e. 1.*

Cum vero hic mittatur, qui pro infami declaratur (*per hypo. b.*); Adeoque infamia ipsi imponatur (*def. §. 806.*): Facile intelligitur, quod is cum infamia debeat dimitti. *Q. e. 2.*

§. 826.

Dimissio militis, quæ fit cum infamia, ignominiosa dicitur.

*Dimissionis
ignominio-
sæ defini-
tio.*

§. 827.

Hinc cum miles, qui pro infami declaratur, cum infamia mitti debeat (§. 825.): *Miles, qui pro infami declaratur, ignominiose simul
mitti debet.* *infami im-
ponenda.*

§. 828.

*Si miles delicti alicujus reus, & vel pœnam passus, in militia serve- Non est, qui
tur, pro infami haberi nequit.* *in militia
servatur.*

Miles enim, qui infamis fit, miles manere nequit (§. 812.), sed a militia debet dimitti (§. 825.). Quod si itaque miles delicti alicujus reus, & vel pœnam passus, in militia servetur: Ipso hoc facto declaratur, eundem infamem non esse debere, in sensu scilicet juris. Quare cum infamia, juris nempe, lege statuatur (*def. §. 796.*), adeoque a voluntate superioris dependeat: Patet, quod miles delicti licet cujusdam reus & pœnam passus, si in militia servetur, pro infami haberi nequeat.

Uu 2

§. 829.

§. 829.

*Ignominio-
sa missio est
infamatio.*

Miles, qui ignominiose dimittitur, infamatur, wird zum Schelmen gemacht.

Cum enim ignominiosam dimissionem præcedat pro infami declaratio, expressa nempe per sententiam (§. 827.). Militem, qui ignominiose dimittitur, pro infami declarari, facile intelligitur (§. 826.). Quare cum expressa pro infami declaratio infamatio dicatur (§. 824.): Patet etiam, quod miles, qui ignominiose mittitur, infametur.

§. 830.

*Pœnam mili-
tari esse po-
test.*

Dimissio ignominiosa pœna militum esse potest.

Per infamationem militi infamiam inferri, nullo negotio intelligitur (§. 824.). Cum itaque dimissio ignominiosa sit infamatio (§. 829.): Illa etiam infamia militi inferri patet. Quare cum infamia pœna militum esse possit (§. 793.): Apparet, quod eadem etiam esse queat dimissio ignominiosa.

§. 831.

*Pœna mili-
taris est.*

Dimissio ignominiosa est pœna militaris.

Dimissio enim militiam (§. 297.), adeoque & non nisi milites hic supponit (§. 83.). Ignominiose itaque etiam proprie dimitti nequeunt, nisi milites. Cum itaque dimissio ignominiosa pœna sit (§. 830.): Eadem infligi non potest, nisi militibus. Quare cum pœnæ, quæ non nisi, vel maxime saltem, militibus infligi solent, militares dicantur (§. 771.): Patet, quod dimissio ignominiosa sit pœna militaris.

Alii quidem etiam ab officio suo in pœnam removeri posse, res ipsa loquitur. Si itaque hanc ab officio qualicunque remotionem dimissionem etiam dicere velis: Ea, quæ sit militibus, pœna militaris non esset. Cum vero hic supponatur dimissio ignominiosa; Ea vero circa alios, quam milites, non adeo facile obtineat; Alii etiam ab officio potius removeri, quam dimitti dicantur; Adeoque dimissio ignominiosa proprie non nisi de milite intelligitur: Eandem pro pœna militari haberi, absolum non videtur.

§. 832.

*Pœna mili-
tum exem-
plares sunt.*

Pœna militum maxime sunt exemplares.

Interest enim reipublicæ, ne milites delinquant (§. 552.). Quamobrem cum & propterea in delicta militum pœnæ statuuntur, ut hæc motum non delinquendi præbent militibus (*dem.* §. 761.): Pœnæ militum eo potissimum tendunt, ut aliis incutiat metus, quo a delinquendo deterreant.

terreantur. Quare cum pœnæ, quæ eo tendunt, dicantur exemplares (§. 1062. Part. 1. Jur. nat. WOLF.): Patet, quod pœnæ militum maxime sint exemplares.

§. 833.

Ut itaque infamatio militum fiat actu quodam publico, neque sola sententia absolvatur, convenit. *Infamatio publice fiat.*

Si quid enim publice fit, illud coram pluribus fieri, & ad notitiam plurium pervenire, constat. Quare cum pœnæ militum exemplares maxime sint (§. 832.), adeoque eo tendant, ut & aliis metus incutiantur, quo a delinquendo deterreantur (*def. alleg.*): Ut eadem publice fiant, maxime convenit. Quamobrem cum facile intelligatur, infamationem pœnam esse militum (§. 824.): Apparet etiam, quod licet eadem per solam sententiam absolvi possit (*loc. cit.*), magis tamen conveniat, ut actu quodam publico peragatur.

Cum ea, quæ sensus feriunt, expressa magis in animo relinquant vestigia, quam ea, quæ intellectu solum percipiuntur: Infamatio, quæ actu quodam corporali, adhibitis nempe ceremoniis, peragitur, fortius etiam motivum præbebit, quam si sola sententia absolvatur.

§. 834.

Quodsi *infamatio* fiat in ipsam personam militis, *realis*; Si vero *infamatio* per symbola aut signa fiat, *symbolica* eadem dici solet. *Infamatio realis, & symbolica definitio.*

Hanc infamiae publicæ potissimum divisionem etiam debemus WEN-
DIO (§. 16. loc. cit.).

§. 835.

In absentes locum non habet, nisi infamatio symbolica.

Absentis enim personam non adesse, per se patet. Quare cum infamatio realis fieri debeat in personam (§. 834.): Eadem in absentes fieri nequit. Cum vero symbola dicantur entia, quæ rem aliam repræsentant (*per def.*); Adeoque & infamatio fieri possit per symbola, infamationis realis repræsentativa; Infamatio vero, quæ fit per signa aut symbola, dicatur symbolica (§. 834.): Apparet, quod in absentes non obtineat, nisi symbolica. *Symbolica in absentes obtinet.*

§. 836.

Cum symbola tam verba, quam facta esse possint (§. 289. *Psych. Quomodo empir. WOLF.*); In absentes vero infamatio per symbola fieri possit (*per def.*). (*§. 835.*): *Infamatio in absentes vel verbis vel factis peragi potest.*

§. 837.

*Si publice
pro infami
proclame-
tur.*

Si miles absens publice pro infami proclametur, infamationem patitur, publicam nempe, & in specie symbolicam.

Cum infamia in pœnam inferri supponatur (*per hypoth.*); Ut vero quis infamis fiat in pœnam, sententia judicis debeat præcedere (§. 817.): Ut quis absens pro infami publice proclametur, sententia judicis eundem pro infami declaratum esse debere, apparet. Non vero nuda sententia declarationem hanc absolvi, sed actu aliquo publico corporali, proclamatione nempe publica, demum peragi, ponitur, & quidem contra absentes. Quare cum declaratio pro infami, quæ per sententiam non absolvitur, sed actu quodam publico corporali peragitur, infamatio publica dicatur (§. 824.); Contra absentes vero obtinere nequeat, nisi symbolica (§. 835.): Patet, quod miles, qui absens publice pro infami proclamatur, infamationem publicam, eamque symbolicam patiatur.

Cum ea, quæ publice apud milites aguntur, in peditatu sub tympanorum, in equitatu vero sub tubarum sono fiant (*per exper.*): Proclamatio etiam pro infami, si in militum absentium pœnam fiat, sub tympanorum aut tubarum clangore peragi solet.

§. 838.

*Si nomen
vel effigies
affigatur.*

Si militis absentis nomen vel effigies patibulo affigatur, infamationem ille patitur, publicam nempe, & in specie symbolicam.

Affixionem enim nominis vel effigiei in patibulo, quæ fit in pœnam militis absentis, sententia pro infami eundem declarans præcedere supponitur (*per hypoth.*), & supponi debet (*per dem. §. 837.*). Non vero per sententiam hæc declaratio absolvitur, sed actu quodam publico corporali demum, nominis nempe vel effigiei in patibulo suspensione, quæ ex hypothese itidem pro re infamante habetur. Quare cum declaratio pro infami, quæ non nuda sententia absolvitur, sed actu aliquo publico corporali peragitur, infamatio publica dicatur (§. 824.); Ea vero contra absentem fiat, adeoque non nisi symbolica esse possit (§. 835.): Si militis absentis nomen vel effigies patibulo affigatur, eundem infamationem & quidem publicam in specie symbolicam pati, apparet.

Diversæ quidem infamationis symbolice species sunt nominis affixio & effigiei suspensio; Quas vero, tanquam sub uno genere, ejus nempe infamationis symbolice, quæ non verbis, sed facto quodam absolvitur, comprehensas cumulavimus.

§. 839.

*Si gladius
ipfi adima-
tur s. fran-
gatur.*

Miles, cui gladius abripitur, seu coram genibus frangitur in pœnam, tur s. fran- infamis fit sive declaratur.

Cum

Cum enim gladius signum sit honorificum militiæ (*per hypoth.*): Si militi gladius abripiatur, sive coram genibus frangatur, eo declaratur, illum indignum esse, qui miles sit. De eodem itaque aliter non licet judicare, quam quod officiis suis recte non sit functus. Quare cum in iudicio tali infamia militis consistat (§. 561.): Per gladii ademtionem sive fractionem militi infamia infertur. Id vero in pœnam fieri ponitur. Miles itaque, cui gladius in pœnam adimitur vel frangitur, infamia notatur (§. 798.). Cum itaque miles, qui notatur infamia, infamis fiat (§. 806.): Miles etiam, cui gladius adimitur, vel coram genibus frangitur in pœnam, infamis eo fit, sive declaratur.

§. 840.

Fraçtio gladii pro genibus, sive ademtio ejusdem, quæ fit militi in Infamatio pœnam, infamatio est, & quidem realis. *realis est.*

Per fractionem enim sive abreptionem gladii miles fit infamis (§. 839.). Miles vero absque prævia sententia infamis fieri nequit (§. 817.). Ut itaque militi gladius in pœnam abripiatur, sive frangatur, sententia iudicis pro infami simul declarari debere apparet. Declaratio vero hæc non sola sententia absolvitur, sed actu quodam publico, gladii nempe abreptione vel fractione peragitur (*per hypoth.*). Quare cum talis declaratio infamatio publica dicatur (§. 824.): Patet, quod miles, cui gladius in pœnam adimitur, vel frangitur, infamationem publicam patiatur. Et cum simul ponatur, gladium abripi militi, seu eidem frangi coram genibus (*per hypoth.*): Eandem in personam præsentis fieri debere intelligitur. Quæ cum realis dicatur: Infamatio eadem quoque realis est.

Cum jure romano exauctorari diceretur, cui insignia militaria detrahebantur, eoque infamis miles efficeretur (*l. 2. ff. de His, qui not.*): Exauctoratio inter pœnas militum infamantes refertur a STEPH. WAGA (§. 18. *Diff. de Eo, q. j. c. circa pœnas mil. ignom.*). Cum vero non omnis exauctoratio in pœnam fiat & infamem reddat (*l. 4. §. 8. ff. de Re milit.*): Melius cum WENDIO ab hac denominatione abstinemus (§. 14. *Diff. de Pœn. mil. fam.*). Et exauctoratio huc referri non poterit, nisi in pœnam fiat.

§. 841.

Depulsio vel detrusio corporalis militis pro infami infamatio publica *Detrusio pro infami.*
& realis est.

Per eandem militem pro infami declarari, ex ipsis verbis intelligitur. Non vero eandem per sententiam absolvi, sed actu quodam publico corpo-

corporali, depulsione nempe vel detrusione corporali, peragi, ponitur (*per hypoth.*). Quare cum militis pro infami declaratio, quæ sententia non absolvitur, sed actu demum quodam corporali publico perficitur, infamatio publica dicatur (§. 834.): Depulsio etiam vel detrusio militis pro infami, infamatio publica est. *Q. e. 1.*

Detrusio vero sive depulsio corporalis hic supponitur. Eandem itaque in personam militis fieri patet. Quare cum-infamatio, quæ fit in personam alicujus, realis dicatur (§. 834.): Et eadem realis est. *Q. e. 2.*

Germanice dicitur, *dass einer als ein Schelm fortgejagt wird.*

§. 842.

*Ad missio-
nem igno-
miniosam
accedat.*

Ut dimisso ignominiosa fiat cum detrusione corporali, convenit.

Dimissio enim ignominiosa infamationis species est (§. 829.). Infamationem vero non sola sententia, sed actu quodam publico absolvi, convenit (§. 833.). Quare cum depulsio corporalis pro infami actus talis sit, quo infamatio peragitur (*dem. §. 841.*); Patet, quod conveniat, dimissionem ignominiosam cum eadem fieri.

Obtinere itaque etiam eadem plerumque solet in gregariis maxime militibus, qui ignominie causa mittuntur. Cum prædictis vero nonnunquam mitius agi solet, ut sola sententiae prælectione cum infamia mittantur. Cum depulsio corporalis supponatur, eam corpore fieri debere intelligitur. Quod hoc modo peragi solet, ut carnifex vel servus commensariensis militem a consortio & ex circulo commilitonum suorum pede ad partem corporis posteriore adhibito in notam infamiae propellat.

§. 843.

*Infamia
non semper
insenditur.*

Infamia vel expresse militi in pœnam statui, vel cum pœna alia, quæ non semper militi infligitur, connecti saltem potest.

Infamiam enim pœnam militum esse, seu in pœnam militi expresse statui posse, jam demonstravimus (§. 793.). Eandem vero etiam cum pœnis aliis, imo factis, quæ proprie delicta non sunt, connecti posse & solere, experientia comprobatur (*per hypoth.*). Quia itaque etiam cum aliis pœnis militum, per quas infamia proprie non intenditur, connecti possit, dubium esse nequit. Atque hinc patet, quod infamia militi in pœnam vel expresse statui, vel cum alia saltem pœna, quæ ipsi infligitur, connecti possit.

Dari ejusmodi pœnas, quæ quidem infamiam non pro objecto, eandem tamen quam ærtissime connexam habent, cuivis facile apparebit. Sic licet v. gr. suspendium pœna maxime infamæ sit: Eo tamen non proprie infamia intenditur, sive objectum ejus est, sed potius vitæ ademptio; Hæc vero saltem cum infamia connexa.

§. 844:

§. 844.

Pœna militum, per quas infamia vel expresse statuitur, vel quibus eadem saltem connectitur, infames sunt.

Cum facile intelligatur, pœnas militum, per quas infamia expresse statuitur, eandem pro objecto habere (§. 949. *Ontol. WOLF.*): Infamiam etiam cum iisdem tam arcte connecti apparet, ut absque eadem pœnæ evanescant. Non itaque hic ponuntur pœnæ, quam quibuscum infamia connexa est. Quare cum pœnæ, quæ cum ignominia sive infamia conjunctæ sunt, infames dicantur (§. 619. *Part. 8. Jur. nat. ejusd.*): Tam etiam pœnæ militum, per quas infamia expresse statuitur, quæ quibus eadem saltem connectitur, infames sunt.

*Quenam
pœna mili-
tum sint
infames.*

Perillustis quidem L. B. de WOLF, dum pœnas infames definit, addit: *seu, quæ famæ nocent (loc. cit.)*, & in genere omnes capitales & corporis afflictivas, cum eadem ob crimina perpetrata infligantur, eo refert. Quod utique quoad infamiam facti, quæ per delicta (§. 563.), eorumque pœnas naturaliter etiam contrahitur (§. 791.), procedit. Cum vero hæc ad pœnam, positivam nempe, constituendam non sufficiat (§. 794.); Sed infamia, quæ pœna esse debet, lege statuenda sit (§. 795.): Pro pœna etiam infamia haberi nequit, nisi quæ cum illa a lege connectitur. Nec adeo pœnæ capitales aut corporis afflictivæ indistincte omnes pro infamibus poterunt reputari, nisi cum quibus leges infamiam conjunxerunt. Quarum exempla obvia cuivis sunt. Sic v. gr. pœna gladii, & apud milites globorum transfossio pro infami non habetur. Dantur equidem etiam pœnæ, quæ famæ quidem nocent, seu eandem minuunt, non tamen infamiam inspergunt, utpote quæ famæ privationem totalem involvit. Uti de pœnis militum mox evinere studebimus.

§. 845.

Dari etiam debent pœne infamiae militum.

Pœna enim infamiae dicitur, qua quis, expresse scilicet, fama priva-
tur (*def. §. 804.*). Quare cum miles in pœnam famæ possit privari (§. 775.): Pœnam etiam infamiae poterit experiri. Atque adeo dari debent pœnæ infamiae militum.

*Dantur
pœna mili-
tum infamiae.*

Ex antea demonstratis idem etiam hoc modo evincitur. Miles, qui infamia notatur (§. 805.), sive fama in pœnam privatur (§. 804.), infamiae pœnam patitur. Quare cum milites fama privari in pœnam (§. 775.), adeoque infamia notari possint (§. 801.): Apparet, quod dari etiam debeant pœnæ militum infamiae.

§. 846.

Pœnæ infamiae militum ad infames referenda sunt.
Jus mil. nat.

Xx

Quæ infames sunt.
Pœnæ

Pœnæ enim infamiæ militum sunt, quibus milites fama in pœnam privantur (*dem.* §. 845.). Cum itaque milites, qui in pœnam privantur fama, infamia notentur (§. 800.): Per pœnas infamiæ notantur infamia. Infamia vero notari dicitur miles, si infamia ipsi in pœnam statuatur (§. 798.). Quamobrem eum pœnæ militum, per quas infamia ipsis expresse statuitur, infames sint (§. 844.): Patet, quod adhuc etiam sint referendæ pœnæ infamiæ militum.

§. 847.

*Quando
sint pœnæ
militares.*

Ut pœna quædam infamiæ sit pœna militaris, differre debet a pœnis infamiæ communibus, quoad modum infligendi.

Pœnæ enim militares differre debent a communibus vel quoad malum infligendum, vel quoad modum illud infligendi (§. 772.). Cum vero in pœna infamiæ malum sit privatio famæ, sive infamia (*per def.* §. 804.); Eadem vero tam militi, quam pagano infligi soleat (*per hypoth.*): Malum in pœna infamiæ idem est; Adeoque differre nequit, sive militi sive pagano eadem infligatur. Pœna itaque infamiæ quoad malum infligendum differre nequit. Quare cum nihil superfit, in quo differre possit, nisi modus illam infligendi (*per alleg.*): Patet, quod pœna infamiæ, si sit militaris, differre debeat a communi, quoad modum eam infligendi.

§. 848.

*Quanam
sint pœnæ
infamiæ
militares.*

Dimissio ignominiosa, absentis pro infami publica proclamatio, nominis affixio, vel effigiei in patibulo suspensio, gladii adentio vel fractio, pro infami corporalis detructio sunt pœnæ militum infamiæ, & quidem militares.

Miles enim, qui ignominiose dimittitur, infamatur (§. 819.). Item, qui absens pro infami publice proclamatur (§. 837.); Cujus nomen vel effigies patibulo affigitur (§. 838.); Cui gladius adimitur vel frangitur (§. 839.); Et denique, qui pro infami corporaliter detruditur (§. 841.). Hi omnes infamantur vel infamationem patiuntur (*per alleg.*). Infamatio vero in declaratione expressa pro infami per sententiam consistit (§. 824.). Quare cum miles, qui per sententiam judicis expresse pro infami declaratur, infamis fiat (§. 822.), in pœnam scilicet; Miles vero, qui in pœnam infamis fit, infamiæ pœnam patiatur (§. 808.): Patet, quod omnes illi etiam pœnam infamiæ patiantur, & quod adeo omnes illæ pœnarum species sint pœnæ infamiæ militum. *Q. e. i.*

Quod

Quod dimissio ignominiosa in specie pœna-militaris sit, jam demonstravimus (§. 831.). In reliquis vero etiam pœnarum infamiae speciebus, quas recensuimus, infamia alio modo infligitur militibus, quam id fieri solet paganis. Id quod ex earum descriptione statim apparet (*loc. alleg.*). Pœna itaque istae infamiae a pœnis infamiae communibus quoad modum infligendi differunt. Quamobrem cum, si pœna, quæ militi infligitur, quoad modum infligendi a pœna communi differat, pœna militaris eo constituatur (§. 772.); Et in specie pœnae infamiae, ut militares sint, quoad modum infligendi differre debeant a communibus (§. 847.): Patet, quod omnes memoratae pœnarum infamiae species sint pœnae militares. *Q. c. 2.*

Infamiam aliis adhuc modis militibus infligi posse, adeoque alias etiam dari pœnarum infamiae militarium species, non abnegamus. Et cum vulgo eo etiam referantur omnes pœnae militum infames, & quæ vel famam militum minuunt saltem: Enumeratio illarum admodum fieri solet prolixa, uti ex iis, quas vel ex antiquissimis temporibus recenset G. E. WEND, apparet (§. 4. *Diff. de Pœn. mil. fam.*). Easdem vero ad pœnas infamiae referendas non esse, mox ostendemus. Potiores nos saltem earum, quæ inter nos obtinent, species adduxisse sufficiat.

§. 849.

Miles, uti in genere quisque, cui pœna infamis infligitur, fit infamis. *Pœna infamis infamat.*

Pœna enim dicitur infamis, quacum infamia conjuncta est (*def. §. 844.*): Infamia itaque affici, qui pœnam infamem patitur, facile intelligitur. Quare cum infamis dicatur, qui infamia laborat (*def. §. 806.*): Statim patet, quod, uti quisque, ita in specie miles, qui pœna infamæ afficitur, infamis fiat.

§. 850.

Si militi per personam infamem pœna infligatur, ille fit infamis. *Uti & quæ per infamem infligitur.*

Cum enim infamis dicatur, qui infamia laborat (*def. §. 806.*): Pœnam cum infamia conjunctam esse, quæ per personam infamem infligitur, concipitur; Uti & pro infamibus tales haberi solent (*per hypoth.*). Quare cum miles, cui pœna infamis infligitur, infamis fiat (§. 849.): Idem etiam asserendum est de eo, qui per personam infamem pœna quadam afficitur.

Infamis enim a communione aliorum, qui integræ famæ sunt, excluditur (§. 810.). Quodsi itaque quidam in ejus communionem traditur, uti fieri apparet, si euidam per illum pœna infligatur; Fama eundem privari, adeoque simul infamem fieri debere, consequitur.

§. 851.

Pœna infamies ab in-fami insti-genda. Pœnas infamiae, quæ scilicet actu quodam corporali peraguntur, ut & reliquas pœnas militum infames, infligi non convenit, nisi a persona fami insti-genda.

Cum enim sola judicis sententia pro infami declarante infames fiant milites (§. 822.); Sententia judicis vero ad id semper requiratur, ut milites infamia notentur (§. 817.): Si etiam infamatio per sententiam non absolvatur, sed actu demum quodam publico, uti convenit (§. 833.), peragatur, miles, qui per sententiam judicis pro infami declaratur, infamis jam est, licet actu quodam corporali publico infamia ipsi nondum fuerit inflicta. Infami itaque pœna infligenda est, si infamia militi actu publico corporali debeat inferri. Infamis vero in communione cum aliis stare nequit (§. 810.). Quare cum hic supponatur, infamiam cui-dam corporaliter sive realiter infligendam esse; Adcoque communio quædam requiratur cum eo, qui infamis reipsa jam est (*per dem.*): Patet, quod non conveniat, pœnas infamiae, in specie militum, corporali nempe actu infligi ab aliquo, qui infamis non est. *Q. c. 1.*

Reliquæ vero pœnæ militum infames, quæ quidem pœnæ infamiae non sunt, infamiam tamen habent adjunctam (§. 843.), pro infamibus propterea potissimum habentur, quoniam a persona infami infliguntur (*per hypoth.*). Infames itaque non essent, si ab alio, quam persona infami infligerentur. Patet itaque, quod eadem a persona infami necessario debeant infligi. *Q. c. 2.*

Cum vero pœnæ infamiae militum ad infames referendæ sint (§. 846.); Et pœnæ vel eo fiant infames, si a persona infami infligantur (§. 850.): Optime etiam convenit, ut pœnæ infamiae, uti infames in genere, in specie militum a persona infami inferantur. *Q. c. 3.*

§. 852.

Non itaque a militibus. Pœna itaque infamiae, licet militares, ut & infames alia militares, a militibus, si quæ dantur, a militibus infligi nequeunt.

Pœnas enim infamiae, si actu corporali peraguntur, ut & infames reliquas, infligi non convenit, nisi a persona infami (§. 851.). Miles vero persona infamis esse nequit (§. 812.). Licet itaque pœnæ militares alie in eo potissimum differant a communibus, quod a militibus infligi soleant (§. 773.): In pœnis tamen infamiae, & aliis infamibus militaribus, si hæ dantur, fieri non posse, apparet.

Pœnis infamibus militaribus addidimus clausulam, *si quæ dantur.* Non enim præter pœnas infamiae proprie sic dictas obvenit pœna alia infamis mili-

militariis. Licet enim dentur tales pœnæ infames, infamiam non pro obiecto, sed eam tantum secum connexam habentes, quæ & militibus infliguntur, veluti stigmati inultio, suspendium, rota, aliæ. Eisdem tamen non ad militares, sed communes referri, cuius notum est.

§. 853.

Pœnæ, quæ militibus a commilitonibus suis infliguntur, pro infamibus haberi nequeunt. *Hæ infames non sunt.*

Pœnæ enim infames infligi non debent, nisi a persona infami (§. 851.); Neque adeo propterea infligi possunt a militibus (§. 852.). Si itaque pœnæ, quæ militibus a commilitonibus suis infliguntur, infames reputentur: Pœnæ infames infligerentur a persona non infami. Quod cum sit absurdum (*per superiora*): Patet, quod pœnæ, quæ militibus a commilitonibus suis inferuntur, pro infamibus nequeant haberi.

Hoc etiam observantiæ deprehendimus consentaneum. Non enim occurrerit pœna infamis, cuius executio fiat ab ipsis militibus. Et potius ab his pœnæ militum propterea solent peragi, ut patientibus easdem fama servetur, sine qua ipsis amplius militare non licet. Commilitones vero tantum dici milites, respectu ad se invicem habito, ex ipsâ denominatione intelligitur, ut nempe dicantur milites, qui una in eadem cohorte vel eodem manipulo militant.

§. 854.

Pœna militum, & militares in specie, per se infames non sunt; Pœna militum tamen pœnæ militares infames. *Pœna militum per se non infamant.*

Cum enim pœnæ infames dicantur, quæ cum infamia conjunctæ sunt (*def.* §. 844.); Infamia vero, quæ pœna esse debet, sit infamia juris (§. 796.): Infamiam etiam, quæ cum pœnis infamibus connexa est, juris esse, facile apparet. Licet itaque pœnæ militum & militares in specie naturaliter infamiam contrahant (§. 790.): Infamia hæc saltem facti (§. 791.); Neque adeo talis est, propter quam pœna dici posset infamis. Patet itaque, quod pœnæ militares per se infames non sint. *Q. e. 1.*

Cum autem dentur pœnæ infamæ militares (§. 848.); Pœnæ infamæ vero ad infames sint referendæ (§. 846.): Apparet etiam, quod dentur pœnæ militares infames. *Q. e. 2.*

An præter pœnas infamæ militum, dentur aliæ militares infames, dubium jam movimus (*schol.* §. 852.).

§. 855.

Pœnæ infames militum & militares in specie, famam militis prorsus tollunt. *Infames famam prorsus tollunt.*

X x 3

Cum sunt.

Cum enim infamia opponatur famæ (*schol. §. 362. Part. 1. Jur. nat. WOLF.*); Opposita vero eidem enti simul inesse nequeant (§. 272. *Ontol. ejusd.*): Si infamia militi inferatur, eundem fama amplius gaudere non posse, apparet. Quamobrem cum pœnæ infames cum infamia sint conjunctæ (*def. §. 844.*); Adeoque facile intelligatur, per easdem militi infamiam inferri: Patet etiam, quod pœnæ infames militum & militares in specie famam militum penitus tollant.

Consumere famam hoc dicitur STEPH. WAGAE (§. 8. Diff. de Es, q. j. e. circa pœn. milit. ignom.), & pœnæ militum infames hinc ipsi dicuntur pœnæ ignominiosæ famam militis consumeres, & definiuntur per eas, quibus cum amissione militiæ honestum nomen revera, aliquando cum vel sine corporis afflictione adimitur (loc. cit.). Si vero rem ad notiones revocaveris, accuratius dicemus, pœnis famam militis consumeres esse eas, quibus militi infamia inferitur, seu quibus miles fama penitus privatur. Quod enim eadem militiæ amissionem involvant, & fieri possint vel cum vel sine corporis afflictione: Id sunt consequentiæ ex ipsa notione demonstrandæ, uti a nobis demonstratæ fuere (§. 812. 833.). WENDIO pœnæ, quæ honorem plane tollunt, infamiamque irrogant, famosæ majores dicuntur (§. 6. Diff. de Pœn. mil. fam.).

§. 856.

Pœnæ itaque infames militum, & militares in specie, privationem famæ totalem involvunt. Sive: Milites, qui pœna infami afficiuntur, fama penitus privantur.

Pœnæ enim infames militum & militares in specie famam eorundem prorsus tollunt (§. 855.). Per illas itaque efficitur, ut in milite desit realitas, quæ antea aderat. Cum vero fama prorsus per eas tollatur (*per alleg.*): Nec partem ejusdem superesse, sed omnes ejus partes tolli, intelligitur. Quare cum defectus realitatis, quæ adesse poterat, privatio dicatur (§. 273. *Ontol. WOLF.*); Omnes vero partes simul suntæ totum conficiant (§. 356. *loc. cit.*): Patet, quod pœnæ militum & militares in specie infames privationem famæ totalem involvant, seu, quod idem est, milites, qui pœna infami afficiuntur, fama penitus privantur.

§. 857.

Miles, qui infamia notatur, fama penitus privatur; sive famæ privationem totalem patitur.

Miles enim, qui infamia notatur, pœnam infamiae patitur (§. 805.). Cum itaque hæc ad pœnas infames sit referenda (§. 846.): Miles, qui infamia notatur, pœna infami afficitur. Quare cum miles, qui pœna infami

infami afficitur, fama penitus privetur, sive famæ privationem totalem patiatur (§. 856.). Idem etiam patet de eo, qui infamia notatur.

In superioribus jam quidem demonstratum fuit, quod miles, qui infamiam notatur, fama privetur (§. 800.). Cum vero propter ea, quæ sequuntur, nosse intersit, privationem famæ totalem intelligendam esse: Hæc etiam in specie demonstranda visa nobis fuit.

§. 858.

Quare cum miles infamia in pœnam possit notari (§. 801.); Et in famia notari in pœnam fieri intelligatur (§. 798.): Miles fama in pœnam penitus privari; Seu: Privatio famæ totalis militi in pœnam fieri potest. *Privatio totalis famæ fieri potest in pœnam.*

Cum in superioribus similiter jam fuerit ostensum, quod privatio famæ in genere pœna militum esse possit: Idem, quod ad §. præcedentem, erit monendum.

§. 859.

Miles in pœnam fama pro parte saltem etiam poterit privari. *Partialis etiam.*

Miles enim in genere fama privari potest in pœnam (§. 775.). Et cum penitus hoc fieri possit (§. 858.): Multo magis pro parte saltem posse debere, apparet.

§. 860.

Si miles fama pro parte tantum privetur, fama ejusdem minuitur. *Famæ diminutio nem parit.*

Si enim miles pro parte fama tantum privatur: Hanc pro parte saltem tolli, adeoque partem ejusdem residuam manere, facile intelligitur. Fama itaque, quæ militi tunc superest, parti ejus saltem est æqualis, qua antea gaudebat. Quare cum minus dicatur, quod parti rei cujusdam æquale saltem est (§. 352. *Ontol. WOLF.*): Si miles pro parte privatur fama, hæc minor redditur. Si quid vero, quod majus erat, minus efficiatur, minui illud dicitur (*per def.*). Famam itaque militis minui etiam facile apparet, si pro parte tantum eadem miles privetur.

§. 861.

Hinc cum famæ militis diminutio in eo consistat, quod eadem mi- *Hujus def.*
les pro parte saltem privetur (§. 860.): Definiri illa poterit, quod sit *nitio.*
privatio famæ militis partialis. Uti contra infamia privatio famæ totalis est (§. 857.).

§. 862.

Fama itaque militis in pœnam minui etiam; Seu: Miles in pœnam fieri potest fama minui potest. *Fieri potest in pœnam.*

Dimi-

sint, quæ cum ignominia conjunctæ sunt, *vel fame nocent* (§. 619. *Part. 3. Jur. nat.*): Videri posset, quasi & illæ ad infames utique referendæ sint. Cum vero ad infames omnes capitales & corporis afflictivæ referantur (*loc. cit.*); Omnes autem pœnæ naturaliter saltem infamiam importent (§. 790.): Facile apparet, quod in sensu naturali hoc modo sit accipiendum. Pœnas itaque famam minuentes, quemadmodum in genere omnes, naturaliter infamibus accensendas esse, difficultate caret; Hic autem de pœnis positivis sermonem esse, constat (*dem. §. 794.*). Quare cum ad id, ut infamia pro pœna haberi possit, lege illa debeat statui (§. 795.), adeoque juris esse (§. 796.): Apparet etiam, pœnas in sensu juris civilis nempe infames hic intelligi. Ad quas vero pœnæ famam saltem minuentes referri non debere, ex demonstratis liquet.

§. 866.

Pœnæ tamen militum infames & famam eorum saltem minuentes sub eodem quodam genere continentur. *Cum histamen sub uno genere.*

Cum enim pœnæ militum infames privationem famæ totalem (§. 856); Pœnæ vero famam eorum minuentes partialem famæ privationem involvant (§. 864.): Ambæ quid continent, quod idem est, privationem nempe famæ; Adeoque similes sunt (§. 195. *Ontol. WOLF.*). Cum vero variæ dentur pœnæ militum tam infames, quam famam minuentes (*per exper. & hypoth.*): Utrasque classem quandam constituere, quæ speciei nomine venit, apparet (§. 44. *Log. ejusd.*). Quare cum similitudo specierum genus constituat (§. 45. *loc. cit.*): Patet, quod ambæ sub uno quodam genere constituantur.

§. 867.

Cum pœnarum militum infamium & famam saltem minuentium sit multitudo in eo consistat, quod ambæ privationem quandam famæ involvant, sive circa famam vel ejus privationem versentur (*per dem. §. 866. sistat.*). Similitudo vero specierum genus constituat (§. 45. *cit.*): Genus, sub quo pœnæ militum tam infames, quam famam minuentes continentur, in eo consistit, quod circa famam ejusve privationem versentur.

§. 868.

Cum genera & species peculiaribus nominibus soleant indigitari: Pœnarum Pœnæ, quæ circa famam militum ejusve privationem versantur, *Pœnæ famosarum militum famose* dici poterunt. *definitio.*

Si propria vocis *famosus* significatio spectetur: Eadem quidem pœnis illis militum designandis non prorsus convenire videtur. Cum vero aptior alia non occurrat: Illam cum WENDIO eligimus; Licet quam de ipsis dedit definitionem (§. 6. *Diff. de Pen. mil. fam.*), non accuratam.

Y y

tam

tam satis, & abundantie vitio laborare, arbitremur. STEPH. WAGA quidem ignominiosas easdem appellat: Cum sub his omnes animadversiones comprehendat, quibus fama militis aut minuitur, aut consumitur (§. 7. *Diff. de Po. q. j. e. circa pœn. milit. ignom.*). Cum vero ignominia si vel pro synonymo infamie non habeatur, eidem tamen nimis appropinquet: Sub ignominiosis infames facile possent intelligi. Quod tamen de minuendis famam saltem dici nequit (§. 865.).

§. 869.

Ad eas quanam pœna referenda. Pœna itaque militum tam infames, quam famam saltem minuentes, ad famosas referenda sunt.

Cum enim pœnæ militum infames famæ privationem totalem (§. 856.); Famam minuentes vero partialem tantum inferant (§. 864.): Ambæ circa famam militum ejusque privationem versantur. Quamobrem cum pœnæ militum, quæ circa famam eorum ejusve privationem versantur, famosæ dicantur (§. 868.): Patet, quod utraque etiam illarum pœnarum species ad famosas sit referenda.

Pœnas itaque infames & famam minuentes famosarum species esse, facile apparet. Quorum illæ famosæ majores, hæ minores a WENDIO dicuntur (§. 6. *loc. cit.*). Cur vero speciali hac denominatione non utamur, ad §. 863. jam monuimus.

§. 870.

Fama minui infamia non notatur. Miles, qui pœna famam saltem minuente afficitur, infamia notari dici nequit.

Miles enim, qui infamia notatur, famæ privationem totalem patitur (§. 857.). Miles vero, qui fama saltem minuitur, non nisi partialem (§. 861.): Patet itaque, quod miles, qui pœna famam saltem minuente afficitur, fama notari dici nequeat.

§. 871.

Nec infamis fit. Cum porro infamis dici nequeat, nisi qui fama laborat, sive eadem notatur (*def.* §. 806.); Miles vero, qui fama in pœnam saltem minuitur, infamia non notetur (§. 870.): Miles, qui pœna famam saltem minuente afficitur, infamis non fit.

§. 872.

A persona infami non poni debeant ab alio, infligi a persona infami, non convenit. Pœnas itaque famam militis minuentes, si actu quodam corporali infligendæ.

Si enim militi per personam infamem pœna infligatur, ille fit infamis (§. 850.). Quare cum miles, qui fama saltem minuitur, infamis fieri non debeat (§. 871.): Patet etiam, quod non conveniat, pœnas famam

mili-

militis minuente saltem, a persona infami infligi, si nempe actu quodam corporali opus sit ad eas inferendas.

Hinc evinci poterit, pœnas famam militis minuente a servo commentariensis, dem *Streckenknecchte*, infligi non convenire. Uti suo loco clarum fiet, si hujus notionem prius eruerimus. Clausulam vero adjecimus, *si actu quodam corporali ab alio infligi debeant*. Pœnæ enim famam minuente, quas inter milites obtinere observamus, ita pleræque sunt comparatæ, ut infictio ab alio opus non sit; Uti ex earum recensione mox secutura apparebit. Nec facile earum quædam occurrerit, quæ hanc infictionem ab alio requirar; Nisi forsitan impositionem in equum ligneum huc referre volueris. Quæ quidem, præsertim si equiti fiat, famam utique minuet.

§. 873.

Miles, qui pœna famam minuente afficitur, privari debet juribus quibusdam, quæ cum integra fama conjuncta sunt, non vero omnibus. *Privationem jurium involvunt.*

Si enim miles fama privetur in pœnam, privatur etiam juribus, quæ ab eadem in civitate dependent (§. 802.). Quamobrem cum pœnæ famam minuente, ejus aliqualem privationem involvant (§. 864.): Patet, quod etiam aliquatenus juribus illis debeat privari, quæ a fama pendent. *Q. e. 1.*

Cum vero privatio famæ, quæ per hujus diminutionem inferitur, non sit totalis, sed partialis tantum (§. *cis.*); Neque adeo, cum totum sit majus qualibet sua parte (§. 358. *Ontol. WOLF.*), tantum possit operari, quam totalis: Apparet etiam, quod non omnibus, sed quibusdam tantum juribus, a fama pendentibus, privari debeat miles, qui pœna famam minuente afficitur. *Q. e. 2.*

§. 874.

Miles, qui pœna famam minuente afficitur, militiam necessario non amittit, sed miles adhuc manere potest; Dimitti tamen eundem simul, non repugnat. *Militiæ a-
missionem
non æque.*

Cum miles, qui infamis fit, miles manere nequeat propterea, quia privetur juribus a fama dependentibus (*per dem.* §. 812.): Aptitudo ad militiam inter jura eadem reputari debere, apparet. Cum vero miles, qui pœna famam minuente afficitur, non omnibus istis juribus privari debeat, quæ a fama dependent (§. 873.): Patet, quod nec miles, qui talem pœnam patitur, necessario militiam amittat, sed miles adhuc possit manere. *Q. e. 1.*

Cum vero miles, qui pœna famam minuente afficitur, privari debeat juribus quibusdam, quæ a fama pendent (§. 873.); Jus vero militiæ

inter eadem sit referendum (*dem. n. l.*): Hoc jurē etiam privari, adeoque dimitti poterit. *Q. c. 2.*

§. 875.

*Fama diminutio
quos modis
fiat.*

Fama diminutio vel principaliter militi in pœnam statui, vel cum pœna alia, quæ ipsi infligitur, connecti saltem potest.

Famam enim militis in pœnam minui posse, jam demonstravimus (§. 862.). Cum vero & infamia, utpote famæ privatio totalis (§. 857.), cum alia saltem pœna connecti queat, licet proprie non intendatur (§. 843.). Quin etiam famæ diminutio, quæ privatio saltem partialis est (§. 861.); Cum aliis pœnis connecti possit, quæ eandem proprie pro objecto non habent, dubium esse nequit. Patet itaque, quod diminutio famæ militi tam expresse in pœnam statui, quam cum alia pœna saltem connecti possit.

Exempla pœnarum, quæ famæ diminutionem conjunctam saltem, sed proprie pro objecto non habent, frequentia quidem adeo non sunt: Unum tamen vel alterum occurrit, quod ad easdem forsan poterit referri. Sic v. gr. castrorum purgationem, cum in opere corpore faciendo consistat, pœnam proprie corporis afflictivam esse, fortasse conceditur. Eandem vero simul famam militum diminuere vel ex eo apparet, quod qui eam patiuntur, a consortio reliquorum removeantur, & seorsim castra agere debeant. Similiter, impositionem in equum ligneum pœnam corporis afflictivam esse constat. Famam vero militum ea diminui, negari non poterit: Præsertim si equiti imponatur. Hic enim indignus quasi declaratur: qui equo mereatur. Si vero vel actu tales pœnæ non occurrant: Sufficit tamen nos earum possibilitatem monstrasse: Cum in jure naturali, ubi versamur, non doceantur, quæ obtinent, sed quæ obtinere possunt vel debent.

§. 876.

*Pœnarum
famæ diminutionis
descriptio.*

Pœnæ, quibus famæ diminutio solum aut principaliter intenditur, *Pœnæ famæ diminutionis dici poterunt.*

Hoc fit ad exemplum pœnarum infamiæ, quæ nempe sunt eæ, quibus infamia expresse intenditur, seu, quæ eam pro objecto habent.

§. 877.

*Quinam
patiantur
famæ diminutionem.*

Militer, qui jure quodam in pœnam privantur, quod iis competit, qui integræ famæ gaudent, seu, quod cum integræ militum famæ connexum esse solet, famæ diminutionem patiuntur.

Famæ diminutio in privatione ejusdem partiali consistit (§. 861.). Famæ privatio vero privationem jurium involvit, quæ cum eadem connexa sunt (§. 809.). Si quis itaque his juribus privetur, ex eo privationem

tionem famæ colligere licebit. Ad famæ diminutionem vero opus non est, ut quis omnibus iisdem juribus privetur, sed quædam, vel quoddam etiam, sufficiunt (§. 873): Quodsi itaque milites jure quodam in pœnam priventur, quod cum integra militum fama connexum esse solet, eodem fama minui apparet.

§. 878.

Milites itaque, quibus in pœnam interdicitur, cum reliquis quoddam Quinam in modo stare in communione, famæ diminutionem patiuntur. Specie.

Cum enim in genere cum fama integra connexum esse, solet jus standi in communione & societatem ineundi cum aliis (*dem.* §. 810.): Cum fama militum connecti debere jus standi in communione cum reliquis, sive commilitonibus suis, facile apparet. Quare cum milites, si tali jure in pœnam priventur, famæ diminutionem patiantur (§. 876.): Patet, quod eandem pati etiam debeant, quibus in pœnam interdicitur cum reliquis quoddam modo in communione stare.

§. 879.

Si ex pœna, quæ militi infertur, aliter non liceat judicare, quam Et porro. quod officiis suis militaribus recte functus non fuerit, ille fama diminutionem patitur.

Fama enim militis in eo consistit, si alii judicent, ipsum officiis suis recte fungi (§. 556.). Si itaque aliis hoc judicium ferre non liceat, famæ ejusdem detrahatur. Si vero famæ cujusdam detrahatur, hunc eadem non penitus quidem, sed pro parte privari, intelligitur. Quare cum miles, qui fama pro parte saltem privatur, eadem minui dicatur (§. 860.): Si de milite judicare non liceat, ipsum officiis suis recte functum esse, famam ejus eo minui, apparet. Patet itaque, quod si ex pœna, quæ militi infertur, illud judicare liceat, famæ diminutionem patiatur miles.

§. 880.

Miles, si in pœnam a militia vel plane removeatur, vel gradu ejus. Qui a militia saltem deponatur, famæ diminutionem patitur. etia remouetur, vel gradu deponitur.

Remotionem a militia vel depositionem de gradu hic in pœnam fieri supponitur (*per hypoth.*): Aliter itaque judicare non licebit, quam quod is, qui removetur vel deponitur, indignus sit, qui militia vel gradu hoc amplius gaudeat; Neque adeo officio suo recte functus sit. Quare, cum si ex pœna, quæ militi infertur, aliter non liceat judicare, quam eundem

dem officiis suis recte functum non esse, deminutio famæ oriatur (§. 879.): Patet etiam, quod miles, qui a militia vel plane removetur, vel gradu saltem deponitur, eandem patiatur.

Hoc etiam modo demonstrari idem poterit. Miles, qui a militia vel plane removetur, vel gradu saltem deponitur, cum militibus in genere, vel saltem ejus gradus, de quo deponitur, eodem modo, quo ante, in communione amplius stare nequit. Quod per se claret. Remotionem vel depositionem vero in pœnam fieri, hic supponitur (*per hypoth.*). Idem itaque est, ac si tali interdiceretur in pœnam cum aliis in eadem, qua hactenus, communione stare. Quamobrem cum miles, cui in pœnam interdicitur cum aliis quodam modo stare in communione, famæ deminutionem patiatur (§. 878.): Hoc etiam de eo intelligitur, qui a militia vel plane removetur, vel gradu saltem deponitur.

Ex hac posteriore demonstratione simul elucet, quod miles, qui a militia removetur, vel gradu deponitur, jure quodam privetur, quod cum integra fama connectitur. Id quod ad famæ deminutionem requiri demonstravimus (§. 873.).

§. 881.

Qui absque literis dimittitur. Miles, qui absque literis dimissoriis dimittitur, famæ deminutionem patitur. Sive: Dimissio absque literis famam militis diminuit.

Militem enim, qui dimittitur, a militia removeri (§. 297.), & cum id fiat absque literis dimissoriis, in pœnam illud fieri, facile intelligitur. Quare cum miles, qui in pœnam a militia removetur, fama minuatur (§. 880.): Idem etiam de eo statim patet, qui absque literis, dimissoriis nempe, dimittitur.

Alio vero etiam modo uberius poterit demonstrari. Cum enim literæ dimissoriæ dentur in testimonium solutionis a militia (§. 297.): Eadem etiam testimonium de bene peracta militia continere debent & solent (*per hypoth.*). Si itaque miles absque iisdem dimittatur: Aliis judicare non licet, quod militiam bene peregerit, sed potius, quod officio suo recte functum esse non debeat. In pœnam vero dimissionem fieri, supponitur. Quare cum si expœna, quæ militi infertur, judicare non liceat aliter, quam quod officiis suis recte non sit functus, famæ deminutio sequatur (§. 879.): Patet, quod eandem patiatur miles, qui absque literis dimittitur.

Denique hac ratione idem ostenditur. Cum literæ dimissoriæ in testimonium etiam bene peractæ militiæ dentur (*per dem.*): Militibus, qui militiam bene peregerunt, sive officio suo recte functi sunt, si dimittantur,

tur, jus esse debere petendi, ut id fiat cum literis dimissoriis, facile vel absque demonstratione intelligitur. Cum vero fama militis in eo consistat, ut officiis suis recte fungatur (§. 556.): Non nisi iis hoc jus competere potest, quam qui fama integra gaudent. Si itaque miles absque literis dimittatur, privatur jure quodam, quo milites integre famæ fruuntur. Quare cum in hoc casu miles famæ deminutionem patiatur (§. 87.): Hanc etiam pati apparet militem, qui absque literis dimittitur.

Jure civili statuitur, ut qui sine ignominia mentione missi sunt, nihilominus ignominia missi intelligantur (l. 13. §. 3. ff. de Re milit.). Secundum illud absque literis dimissi, fama non solum minuerentur, sed privarentur porius penitus; Adeoque infames fierent. Cum vero miles infamis non fiat in pœnam, nili expressa judicis declaratione (§. 816.), aut si pœna infami afficiatur (§. 849.): Nec militem infamem fieri convenit, qui absque infamiae mentione dimittitur. Quod & usui consentaneum est. Quoniam tamen fama eorum dubia redditur: Plerumque eadem expresse reservari solet militibus & præsertim præfectis, qui absque literis dimittuntur. Quod, licet priori sententiæ adhæreat, nihilominus improbat GOTTH. EHRENF. WEND (§. 26. Diss. de Pœn. mil. fam.). Convenire tamen, si per pœnam infamiam inferri videri possit, etsi necessario non requiratur, suo loco demonstrabitur.

§. 882.

Remotio a militia, sive dimissio absque literis, quæ præfectis militum statuitur, voce barbara *Cassationis definitio*.

Cum per cassationem dimissio vel remotio absque literis intelligatur (ex hypoth.): Facile apparet, supervacaneum plane esse, si illa decernitur, ut addatur: *absque literis*. Notioni vero cassationis plane repugnat, si illa mediantibus literis dimissoriis decernatur. Uti utrumque recte monuit laudatus WEND (§. 27. & 28. loc. cit.).

§. 883.

Cassatio itaque famam militis diminuit.

Famam ea-

Cassatio enim est dimissio absque literis, præfecti nempe militum (§. 882.). Quare cum dimissio absque literis, in genere famam militis diminuat (§. 881.): Statim elucet, quod idem efficiat cassatio.

§. 884.

Cassatio, quemadmodum dimissio absque literis in genere, si in pœnam, ut fieri supponitur, decernatur, ad pœnas infames referri nequit, nisi expressa infamiae in ea fiat mentio.

*dem dimi-
nuis.
non refe-
renda.*

Cum enim tam cassatione (§. 883.), quam dimissione absque literis in genere, fama militis minuat (§. 881.): Si eadem in pœnam statuatur,

tuatur, ad pœnas famam militis minuentes erit referenda (§. 863.). Quare cum hæc ad infames referri nequeant (§. 865.): Nec cassatio & in genere dimissio absque literis iisdem accenseri poterit. *Q. c. 1.*

Cum vero in genere dimissio ignominiosa esse possit (§. 825.); Atque tunc ad pœnas infamiæ, adeoque & infames (§. 846.), referenda sit (§. 848.): Idem etiam de cassatione, tanquam dimissionis speciem (§. 882.), valebit (§. 235, *Log. WOLF.*). Cum vero miles in pœnam infamis fieri nequeat, nisi expressa iudicis declaratione (§. 846.): Cassatio quoque ad pœnas infames referri non poterit, nisi in eadem expressa infamiæ fiat mentio. *Q. c. 2.*

Hæc ad firmanda ea faciunt, quæ ad §. 881. in scholio jam monuimus.

§. 885.

Cassationis cum infamia definitio. Cassatio, quæ fit cum expressa infamiæ mentione, *Cassatio cum infamia* dici solet.

§. 886.

Eadem pœna infamiæ militaris est. Cassatio cum infamia ad pœnas militum infames, & quidem pœnas infamiæ militares pertinet.

Cassatio enim, si in ipsa expressa infamiæ mentio fiat, ad pœnas infames referenda est (§. 884. *dem. n. 2.*). Quare cum cassatio cum infamia dicatur, quæ fit cum expressa mentione infamiæ (§. 885.): Eadem etiam sine dubio ad pœnas infames referri debet. *Q. c. 1.*

Cum vero cassatio in genere sit dimissionis speciem (§. 882.); Dimissio vero, quæ fit cum infamia, ignominiosa dicatur (§. 826.): Cassationem cum infamia dimissionis ignominiosæ speciem esse apparet. Quare cum dimissio ignominiosa sit pœna militum infamiæ & quidem militaris (§. 848.): Idem quoque de cassatione cum infamia intelligitur. *Q. c. 2.*

Hæc quidem, quæ de cassatione cum infamia jam allata fuerunt, eo proprie pertinent, ubi de pœnis infamiæ militum actum fuit. Cum vero cassatio cum infamia cassationis in genere notionem supponat: Illa etiam huc usque fuere reponenda, quo hanc notionem enucleare nobis datum fuerit.

§. 887.

Detrusio in militiam deterio-rem. Si miles in deterio-rem militiam detrudatur in panam, fama ejus minuitur.

Cum in militia dentur gradus (*per hypoth.*); Gradus vero sit discrimen intrinsecum qualitatum earundem, quod solum salva quantitate in

eas calit. (§. 746. *Ontol. WOLF.*): Gradus militiæ non sunt, nisi id, quo milites salvo statu eorum, sive militia (§. 83.), inter se differunt. Vi gradus itaque militi uni jus esse debet præ militibus aliis. Quare cum jus, quod uni præ aliis eodem ceteroquin jure utentibus competit, prærogativa dicatur (§. 93. *Part. 1. Jur. nat. ejusd.*): Vi gradus militi uni præ aliis prærogativa competit. Quodsi itaque miles in deteriore militiam detrudatur, prærogativa illa privatur; Adeoque gradum suum in deteriore mutatur, sive ab eodem deponitur. Quare cum miles, qui gradu deponitur, fama minuatur (§. 880.): Idem quoque de eo patet, qui in deteriore militiam detruditur.

Militiæ mutatio hoc dicebatur Romanis (*l. 3. §. 1 ff. de Re milit.*): Deteriorem militiam vero supponi, cum qua fiat mutatio, per se patet. Quot modis vero illa apud eosdem fieri potuerit, jam inquirendi locus non est. Nonnulla de eo affert ADR. BEYER (*n. 678. Jur. milit. prud.*).

§. 888.

Depositio præfecti militum a gradu suo *Degradatio* dici solet.

Degradationis definitio.

§. 889.

Præfectus itaque militum, qui degradatur, fama diminutionem patitur. Eadem famam minuit.

Miles enim, qui gradu suo deponitur, fama minuitur (§. 880.). Quamobrem cum præfectus militum, utpote miles (§. 185.), qui degradatur, a gradu suo deponatur (§. 888.): Illum etiam fama minui apparet.

§. 890.

Quamobrem cum facile intelligatur, quod præfectus militum, qui ad excubias ponitur, gradu suo deponatur, sive degradetur: Cum ad gregariorum gradum eo demittatur; Præfectus vero, qui degradatur, fama minuatur (§. 889.): Fama diminutionem etiam patitur præfectus, qui ad excubias ponitur.

Us et positio ad excubias.

Cum præfecti militum sint vel inferiores vel superiores (§. 208. 209.): Utrique etiam positionem ad excubias contingere posse apparet: Licet circa illos magis sit usitata, & circa superiores obtinere saltem non so- leat, nisi qui inferiores adhuc sunt dignitatis; Iar ut circa centuriones minimum definat. Uti ex KOSTKA refert WEND (§. 35. loc. §. 881. cit.).

§. 891.

Eques, si in penam ad peditatum transmittatur, fama diminutionem patitur. Item equis ad peditatum

Jus mil. nat.

Zz

Licet transmissio.

Licet enim pedites integra fama æque gaudeant, quam equites (*per exper.*): Negari tamen non poterit, hisce præ illis ex equorum usu prærogativam eminere. Quodsi vero miles prærogativa seu jure, quo præ ceteris gaudet, privetur, a gradu suo deponitur (*dem. §. 887.*). Quare cum miles, qui gradu suo deponitur, supposito quod hoc fiat in pœnam, famæ diminutionem patiatur (§. 880.): Hanc etiam pati apparet equitem, qui in pœnam ad pedites transmittitur.

Bene vero notandum erit, quod equitis ad pedites transmissio tunc demum famæ diminutionem involvat, si in pœnam eadem fiat. Non enim illam semper in pœnam fieri constat, sed ex equitibus interdum etiam seligi, qui ad pedites transferantur, & vel integras equitum cohortes equis privari & ad pedes demitti, si majoris utilitatis id esse videatur. Neutiquam vero tunc, fama eosdem minui, dici poterit. Licet itaque vel remissio ad peditatum hodie pœnæ loco obtinere forsitan non soleat; Quod licet penitus negare non aulim; Cum tamen apud Romanos olim saltem obtinuerit, & per hypothesin minimum poni possit (*dem. §.*): Eandem famæ diminutionem in eo casu inferre, negari non poterit; Si vel maxime in deteriorem militiam detrusio non sit. Absque re itaque reniti videtur WEND (§. 34. loc. cit.).

§. 892.

*Commoratio extra
vallum &
castra.*

Si milites in pœnam extra vallum & castra seorsim tendere jubentur, fama ipsorum diminuitur.

Facile enim patet, quod milites, qui extra vallum & castra seorsim tendere jubentur, a communione & confortio reliquorum removeantur. Quare cum milites, quibus in pœnam interdictur, cum reliquis quodam modo stare in communione famæ diminutionem patiantur (§. 878.): Idem etiam de iis statim apparet, qui in pœnam extra vallum & castra seorsim tendere jubentur.

Hoc jam antiqua fuit Romanorum pœna militaris; Uti pluribus refert Dn. WAGA (§. 10. *Diff. de Eo, q. j. e. circa pœn. milit. ignom.*). Quæ vero & hodie adhuc plerisque articulis militaribus statui solet, v. gr. Brandenburgicis §. 33. Hallsiacis §. 62. aliis.

§. 893.

*Absque signis
mereri nomen
patiuntur.*

Si milites absque signis mereri debeant in pœnam, fama diminutio-

Mereri enim sub signis jus & prærogativam esse militum, qui integra fama gaudent, experientia satis constat. Si itaque milites absque signis mereri debeant, qui iisdem antea fuerunt usque, privantur jure, quo reliqui, qui sunt integræ famæ, gaudent. Quare cum milites, qui tali quo-

quodam jure in pœnam privantur, fama minuuntur (§. 877.): Hoc etiam de iis patet, qui absque signis mereri in pœnam jubentur.

Notandum vero erit iterum ut ad §. 891. quod in pœnam hoc fieri debeat. Dantur enim etiam militum genera, qui signis non utuntur, uti apud plerasque gentes, qui rei tormentariæ inserviunt, *die Artillerie*, manipuli deprædatorii, qui dicuntur, *die Freycompagnien*, & alix interdum levis armaturæ copiz. Signorum defectus vero his in famæ diminutionem verti nequit, sed alia ratione nicitur, quod iis destituuntur: Cui in eorum potius impedimentum, quam usum vergereat. Ceterum hæc pœna, ut præcedens, hodie adhuc statui solet.

§. 894.

Si milites in pœnam castra debeant purgare, famæ diminutionem Castrorum patiuntur. *purgatio.*

Si enim militibus hæc pœna statuitur, indigitatur, quod sordibus verrendis, quam ad arma tractanda aptiores sint (*loc. §. 892. in sch. cit.*). Ex hac itaque pœna aliter judicare non licet, quam quod illi officiis suis militaribus recte functi non sint. Quamobrem cum si ex pœna, quæ militi infertur, hoc iudicium suppeditatur, famæ diminutio sequatur (§. 879.): Patet, quod milites, qui in pœnam castra purgare jubentur, famæ diminutionem patiantur.

Idem supponitur, in pœnam id fieri. Milites enim etiam ad castra purganda ex necessitate adhiberi constat, si alii non adsint, a quibus illud fieri possit. Hoc vero in eorum famæ diminutionem verti minime poterit.

§. 895.

Remotio a militia, depositio de gradu, dimissio absque literis, cassa. Quanam
tio, in deteriorem militiam detrusio, degradatio, ad excubias positio, equi-
tis ad pedites transmissio, commoratio extra vallum & castra, privatio
signorum militibus statui possunt in pœnam, & si hoc fiat, sunt pœne sa-
mam militum minuentes, in specie famæ diminutionis, & quidem mili-
tares. *famæ dimi-
nutionis
militaris.*

Per remotionem enim a militia, vel de gradu saltem depositionem (§. 880.), dimissionem absque literis (§. 881.), cassationem (§. 883.), in deteriorem militiam detrusionem (§. 887.), degradationem (§. 889.), ad excubias positionem (§. 890.), equitis ad pedites transmissionem (§. 891.), extra vallum & castra commorationem (§. 892.) & privationem signorum denique (§. 893.) fama militis diminuitur. Quare cum famæ militis diminutio in pœnam statui etiam possit (§. 862.): Statim patet, quod omnes memoratæ famæ diminutionum species in pœnam statui queat. *Q. e. i.*

Cum vero per easdem militibus famæ diminutio inferatur (*per alleg. n. 1.*); Hæc vero in privatione famæ partiali consistat (§. 861.): Per illas milites pro parte fama privari patet. Quare cum pœnæ, quibus milites fama pro parte saltem privantur, pœnæ famam militum minuentes dicantur (§. 864.): Omnes illæ famæ deminutionum species ad pœnas famam militum minuentes referendæ sunt. *Q. e. 2.*

Et cum eadem non ad corporis afflictionem, aut vitæ ademptionem, sed ad famæ diminutionem solum tendant; Quod per se patet, & per hypothelin supponitur: Per easdem famæ diminutionem principaliter intendi apparet. Cum itaque pœnæ, quibus famæ deminutio principaliter intenditur, pœnæ famæ diminutionis in specie dicantur (§. 876.): Illas etiam ad has in specie referendas esse, apparet. *Q. e. 3.*

Denique cum eadem omnes ita comparatæ sint, ut militiam supponant (*per alleg. n. 1.*); Militia vero status militum, qua talis dicatur (§. 83.): Non nisi circa milites eas obtinere posse patet, & per hypothelin supponitur. Quare cum pœnæ, quæ non nisi militibus insigi solent, militares vocentur (§. 771.): Pœnæ militares eadem erunt dicendæ. *Q. e. 4.*

Plures equidem pœnarum famam militum minuendum, & in specie famæ diminutionis, dari species, non negamus: Plures etiam antiquitus jam obtinuisse, palam est. Quales ex. gr. fuere cibum stando capere, hordeo pasci, sanguinis missio, ad lixas & calones condemnatio, & aliz, quæ recenset Dn. WEND (§. 4. *Diff. sapius cit.*) & magis describit Dn. WAGA (§. 8. *seqq. loc. §. 892. cit.*). Nonnullas vero etiam ab iisdem ad pœnas famæ diminutionis referri apparet, quæ tales non sunt, sed multæ potius aut corporis afflictivæ, uti est stipendii privatio, fustigium. Cum talibus autem famæ diminutionem connecti etiam posse ostendimus (§. 875.).

§. 896.

*Castro-
rum
purgatio
qualis sit
pœna.*

*Castro-
rum purgatio, si in pœnam militibus statuatur, pœna quidem
famam diminuens, non proprie vero pœna famæ diminutionis, & ad mi-
nimum mixta; Pœna autem militaris est.*

Cum enim castro-
rum purgatio, si in pœnam statuatur, famæ diminu-
tionem pariat (§. 894.): Statim elucet, ad pœnas famam minuentes
eamdem esse referendam (*per dem. §. 895. n. 2.*). *Q. e. 1.*

Cum vero in opere faciendo consistat: Eadem etiam ut condemnatio
ad opus publicum corporis afflictivis accenseri poterit. Famæ diminu-
tio itaque non principaliter, aut saltem non solum, sed corporis etiam
afflictio per eandem intenditur (§. 611. *Part. 8. Jur. nat. WOLF.*).

Quare

Quare cum pœnæ, per quas diminutio famæ solum aut principaliter saltem intenditur pœnæ famæ diminutionis demum dicantur (§. 876.): Patet, quod castorum purgatio proprie non sit pœna famæ diminutionis, sed, ex hac & corporis afflictiva nempe, mixta. *Q. e. 2.*

Quoniam autem castra milites supponunt (§. 359.): Et eorum purgatio non nisi militibus in pœnam statui soleat (*per hypoth.*): Hæc etiam pœnis militaribus erit accensenda (*per dem.* §. 895. n. 4.). *Q. e. 3.*

Ex his ulterius patet, quæ ad §. 875. jam monuimus. Eodem quoque modo ostendi posset, alias etiam militum pœnas famam quidem minuentes, proprie vero pœnas famæ diminutionis non esse. Cum vero hoc quoad singulas nimis foret prolixum: Sufficiet, modum commonstrasse, quo id fieri possit & debeat, in casibus particularibus, applicationem cuius relinquentes.

§. 897.

Ut pœna quadam corporis afflictiva sit militaris, eadem vel quoad *Quid ad pœnam corporis afflictivam militarem requiratur.*
dolorem, qui corpori infligitur, vel quoad modum eundem infligendi dis-
ferre debet a pœnis corporis afflictivis communibus.

Pœna enim corporis afflictiva dicitur ea, quæ dolorem facit in corpore, sed mortem non affert (§. 611. Part. 3. Jur. nat. WOLF.). Cum itaque pœna quælibet malum quoddam physicum contineat (§. 285. Part. 1. Phil. præf. univ. ejusd.): Idem in pœna corporis afflictiva dolorem esse, qui corpori infligitur, apparet. Quoniam vero corpus variis membris constat (*per not.*): Dolor iste vel uni vel alii membro infligi, in eodem vero etiam membro hoc vel illo modo excitari; Adeoque tam quoad se, quam quoad modum eundem infligendi varius esse potest. Quamobrem cum pœnæ militares tam quoad malum, quod infligitur, quam quoad modum infligendi diversæ esse possint a communibus (§. 772.); In pœna vero corporis afflictiva malum illud, quod infligitur, sit dolor in corpore, & hic tam quoad seipsum, quam quoad modum infligendi varius esse possit (*per dem.*): Patet, quod pœnæ corporis afflictivæ militares vel quoad dolorem, qui corpori infligitur, vel quoad modum istum infligendi, differre possint & debeant a communibus.

Cum non omnes pœnæ militares quoad utrumque simul a communibus actu differre possint, sed tam pecuniariæ (*per dem.* §. 786.), quam infamæ (§. 847.), quoad modum saltem infligendi: Demonstrandum simul fuit, quod corporis afflictivæ militares, quoad utrumque diversæ esse queant a communibus. Dari vero pœnas corporis afflictivas militares tam per se notum, quam etiam demonstratum jam est (§. 776.).

§. 898.

Pœna capitalis militares a communibus differre nequeunt, nisi quoad modum ipsas infligendi.

Pœna enim capitalis dicitur, qua homini vita adimitur (§. 601. Part. 3. Juv. nat. WOLF.). Malum itaque, quod ea inferitur, ademptio vitæ, adeoque in pœnis capitalibus omnibus idem est. Quare cum facile appareat, res in iis differre non posse, quæ eadem sunt: Nee pœnæ capitalis militares a communibus differre poterunt quoad malum, quod iisdem infligitur. Cum vero pœnæ militares a communibus distingui debeant, vel quoad malum, vel quoad modum istud infligendi (§. 771.): Capitalibus reliqui nihil est, quam quod differant quoad modum, quo malum, ademptio nempe vitæ, infligitur. Adeoque patet, quod eadem a communibus diversæ esse nequeant, nisi quoad modum infligendi.

Dari posse pœnas capitalis militares itidem jam demonstravimus (§. 776.).

§. 899.

Quenam pœnæ sint militares.

Quenam pœna in specie sint militares, juris saltem positivi est.

Tam enim malum, quod pœnis inferitur, quam modus, quo illud infligitur, variare potest (*per dem. §. 771.*). Pœnarum itaque determinationem variis modis fieri posse apparet. Quare cum pœnæ militares dicantur, quæ militum propriæ sunt, seu, non nisi iisdem infliguntur (§. cit.): Illas etiam varias esse posse intelligitur. Quoniam itaque ea, quæ variis modis fieri possunt, ab arbitrio superioris in civitate dependent (§. 978. Part. 3. cit.): Ab arbitrio etiam superioris in civitate dependet, quænam pœnæ militares esse debeant. Ea vero, quæ ab arbitrio hujus pendent, juris positivi sunt (§. 147. Part. 1. Phil. præf. univ. WOLF.). Patet itaque, quod juris saltem positivi sit, quænam pœnæ esse debeant militares.

Hinc pœnæ militum etiam ipso jure civili recensentur a MODESTINO (l. 3. §. 1. ff. de Re milit.); Quæ tamen non omnes absolvent, neque etiam omnes propriè militares, sed vel & communes sunt.

§. 900.

*Pœnæ communes in-
fligi quoque
possunt.*

Militibus pœnas etiam communes infligi, non repugnat.

Milites enim alia etiam quam militaria (§. 549.), communia nempe, delicta admittere possunt (§. 550.). Delicta vero communia dicuntur, quæ ab aliis, quam militibus etiam, committuntur (*def. §. cit.*). Quare cum pœnæ, quæ & aliis quam militibus infliguntur, communes dicantur.

dicantur (§. 771.); Pœnæ vero propter delicta statuuntur (*per dem. §. 761.*): Pœnas communes etiam delictis communibus proprie statutas esse apparet. Cum itaque milites delicta etiam communia possint committere (*per alleg.*): Patet, quod nec repugnet, militibus pœnas etiam communes infligi.

§. 901.

Ut delictis militum communibus pœna etiam communes; Militari- Quando id bus vero non nisi pœnæ militares statuuntur, convenit. conveniat.

Pœnæ enim communes delictis etiam communibus proprie statutæ sunt (*dem. §. 900.*). Cum itaque militibus pœnæ etiam communes infligi possint (§. *cit.*): Eisdem propter delicta militum communia infligi, quod conveniat, apparet. Dantur vero etiam delicta militaria, quæ scilicet a militibus, qua talibus, adeoque non nisi ab iisdem committuntur (§. 543.). Hæc vero præsertim pœnis coercenda quoque sunt (§. 761.). Cum vero pœnæ communes delictis communibus proprie statuuntur (*per dem.*): Eisdem etiam propter delicta militaria infligi non convenit, sed his, si quæ dantur, pœnæ aliæ potius statuendæ sunt. Dantur vero etiam pœnæ militares, quæ nempe non nisi militibus infliguntur (§. 771.). Et tam hæc, quam delicta militaria in eo conveniunt, quod non nisi circa milites locum habeant (*per not. alleg.*). Invenitur itaque aliqua ratio, cur delicta militaria militaribus etiam potius pœnis plestantur, quam communibus. Quare cum id convenire alteri dicatur, cuius aliqua in hoc ratio adest (*per def.*): Patet etiam, quod conveniat, ut delictis militum communibus pœnæ etiam communes; Militaribus vero non nisi militares statuuntur.

Absolutæ necessitatis hoc non esse vel ex eo statim apparet, quod convenire saltem asseratur. Contrarium vero plerumque usu obtinere, ut tam delicta militaria communibus, quam communia militaribus pœnis coerceantur, jam monuimus & exemplo probavimus (*schol. §. 771.*).

§. 902.

Pleraque pœnarum tam corporis afflictivarum, quam capitalium genera sive species, quæ legibus statuta sunt, militaria non sunt, sed communia. Pleraque pœnæ militares non sunt.

Pleraque enim pœnæ tam corporis afflictivæ, quam capitales, legibus statutæ, militibus vel plane non, vel non solis, sed paganis etiam, & potissimum, infligi solent (*per exper & hypoth.*). Quare cum pœnæ, quæ solis militibus infliguntur, militares, quæ vero tam paganis, quam

quam illis inferuntur, communes dicantur (§. 771.): Patet, quod preterque illarum poenarum non militares, sed communes sint.

§. 903.

*Quenam
corporis
afflictiva in
specie.*

Hinc cum *fustigatio* (§. 612. *Part. 8. Jur. nat. W.*), *mutilatio membrorum*, veluti *digitorum*, *aurium*, *lingue* vel *nasi abscissio*, *manus amputatio* (§. 614. *loc. cit.*), *damnatio ad triremes*, *metallum vel aliquod opus publicum* (§. 616. *ib.*), *stigmatum inustio* (§. 617. *ib.*), sint poenae corporis afflictivae, quibus & *relegatio* (§. 595. *ib.*) *deportatio* (§. 597.) & *carcer* (§. 598. *ib.*) cum aliis addi poterunt (*schol. §. 616. ibid.*); Omnes illae vero delictis communibus etiam solcant statui, veluti *fustigatio*, *digitorum*, *aurium* vel *linguae abscissio* (*art. 108. Constit. crimin. CAROL.*) *manus amputatio* (*art. 108. ibid.*) *damnatio ad opus publicum*, *trirames* vel *metallum*, *stigmatis inustio* (*per not.*), *relegatio* (*art. 123. loc. cit.*), *carcer* (*art. 157. ibid.*) & *deportatio*, ubi ea obtinet (*per not.*); Adeoque cum delicta communia a paganis etiam committantur (*def. §. 550.*), non militibus solis, sed etiam paganis infligantur: Omnia illa poenarum corporis afflictivarum genera, licet vel maxime militibus etiam inferantur, non sunt poenae militares (§. 771.).

Hec licet facile intelligantur, nonnullae tamen poenarum enumeratarum inter poenas militum in specie referri solent, uti vel *fustigatio*, *stigmatis inustio*, *aurium* & *nasi resectio*, *manus amputatio*, *digitorum*, *linguae* vel *labiorum abscissio* (§. 8. *seqq. Diff. de Pen. mil. Jam. WEN. DII*). Ostendendum itaque fuit, easdem, licet vel militibus infligi possint, militares tamen non esse.

§. 904.

*Quenam
capitaliales
in specie.*

Similiter cum *decollatio* (§. 602. *Part. 8. Jur. nat. WOLF.*), *suspensum* (§. 603. *ibid.*), *strangulatio* (§. 605.), *rota supplicium* (§. 606.), *combustio* (§. 608.), *dissectio in quatuor partes* (§. 609. *ibid.*) cum aliis sint poenae capitaliales, quae & militibus infligi solent (*per hypoth.*); Eadem vero & in delicta communia, & proprie quidem statuta sint, ut *decollatio* (*art. 192. Constit. crim. CAROL.*), *suspensum* (*ib. & art. 159.*), *rota* (*art. 131.*), *combustio* (*art. 109.*), *dissectio* (*art. 124. ibid.*), ut & *strangulatio* & aliae (*per not.*); Adeoque & paganis infligantur (*dem. §. 903.*): Omnia illa poenarum capitalium genera, licet vel militibus etiam affligi soleant, non tamen, sunt poenae militares.

Potiora saltem & quae maxime usitata sunt poenarum capitalium genera exempli quasi loco recensemus. Plura vero earum extare, & antiquitus praesertim obtinuisse, quae ab usu recessere, re: notissima est.

§. 905.

§. 905.

Pœna vitium, quæ dicitur, siue decurſo ſub virgis, pœna fuſtium, Quenam ad palum poſitio, armorum geſtio, equus denique ligneus ad pœnas corpo- riſ afflicti- uas militares referende ſunt.

Per omnes enim has pœnas dolorem in corpore excitari, mortem vero, regulariter ſaltem, non inferri, conſtat (*per exper.*). Quare cum pœnæ, quibus dolor fit in corpore, vita vero non adimitur, corporis afflicti- uæ dicantur (§. 611. P. 3. cit.): Omnes enumeratas iis accenſendas eſſe, apparet. *Q. c. 1.*

Easdem vero etiam non niſi militibus, aut forſan, qui eos ſequuntur, infligi conſtat & ſupponitur (*per hypoſ.*). Quare cum pœna, quæ non niſi militibus infligitur, militaris dicatur (§. 771.): Patet, quod etiam ſint militares. *Q. c. 2.*

Pœna vitium germanice dicitur, *Spitzruthe*, vel *Gaſſenlauſen*. Plures pœnarum militarium corporis afflicti- uarum ſpecies dari, & vel effingi poſſe, non negamus. Quam vero hoc juris poſitivi ſit, determinare, quenam pœnæ militares in ſpecie eſſe debeant (§. 899.): Omnes, quæ actu obtrinent, anxie perſequerari hujus loci non eſt, ubi in demonſtrando ſaltem jure militum naturali verſamur; Et ſufficiet ſaltem, hujus ad illud applicationem vel exemplis commonſtraſſe. Caſtrorum purgationem pœnis militari- bus, quæ corpus affligunt, accenſeri etiam poſſe, evicimus (§. 896).

§. 906.

Pœna vitium haberi nequit pro fuſtigatione.

Pœna vitium non eſt fuſtigatio.

Cum fuſtigatione denudatum hominis dorſum virgis cædatur (§. 612. Part. 3. cit.); Idem vero etiam fiat in pœna vitium (*per not.*): Eat- nus utramque ſub uno genere contineri, negari non poterit. Et cum dolor in eadem corporis parte eodem inſtrumento infligitur; Eadem, quoad malum, quod infligitur, a ſe invicem quidem non differunt. Pœnæ vero corporis afflicti- uæ non quoad malum infligendum ſolum, ſed & quoad modum illud immittendi corpori, diverſæ eſſe poſſunt (*per dem.* §. 897.). Fuſtigationem vero fieri virgis in unum colligatis, & quidem a carnifice, conſtat, adeoque & cum infamia, ut & relegatione connexa eſt (n. 14. & 17. *Queſt.* 129. Part. 3. CARPZ. *Juriſpr. crim.*). Pœna vitium vero fit ſimplicibus virgis & ab ipſis commilitonibus militi inferitur; Neque cum famæ aut militiæ ſaltem amiſſione connectitur (*per exp. & hyp.*). Tam itaque quoad modum infligendi, quam quoad effectum pœnæ hæ a ſe invicem differunt. Atque adeo patet, quod pœna vitium pro fuſtigatione haberi nequeat.

Jus mil. nat.

A a a

Pœnam

Pœnam vitium jam olim etiam pro honestiori reputatam, & ad illam infligendam ramulis ex vitibus usam fuisse antiquitatem, ita, ut lege romana sancitum fuerit, cives non virgis verberari, sed vitibus, refert SCHOEPPER (n. 12. Cap. 3. *Diff. de Milite desertore.*).

§. 907.

Pœna militaris capitalis quanam.

Globorum transfossio pœna militaris capitalis est.

Globorum enim transfossionem in eum finem fieri, ut vita in pœnam adimatur, constat & supponitur (*per hypoth.*). Quare cum pœna, qua homini vita adimitur, capitalis dicatur (§. 601. Part. 8. *Jur. nat. WOLF.*): Eadem pœna capitalis est. *Q. c. 1.*

Cum vero infligi non soleat nisi militi, & ab ipsis etiam commilitonibus infligatur (*per hypoth.*), quo potissimum pœna militaris constituitur (§. 773.): Patet etiam, quod pœna hæc militaris capitalis sit. *Q. c. 2.*

Stilo militari dicitur, *das Arquebusern*, & unica forsan hodie pœna est, quæ ad capitales militares referri poterit. Olim quidem etiam obtinuit judicium hastatum criminale, quo quis per hastas militum pellebatur. Et quoniam pulsio hæc cum mortis illatione plerumque erat connexa, & genus pœnæ militibus proprium; Utique ad pœnas capitales militares referenda fuit. Cujus in descriptione multus est LUDOVICI (§. 7. Cap. 7. *Einleit. zum Kriegsproceß*). Pœnam vero hancceusu plane hodie desuevisse constat. Ad pœnas militares capitales Dn. GNÜGE etiam quidem refert ejectionem e navi (§. 638. *der Anleit. zum Kriegsrechte*). Quam vero militum propriam esse dubitamus. Et saltem, cum non nisi militiæ navali conveniat, pro pœna militum in genere haberi non poterit.

§. 908.

Pœnæ militares corporis & vitæ non sunt infames.

Pœnæ militares corporis afflictivæ & capitales cum infamia connecti sive infames simul esse, non convenit.

Pœnæ enim militares corporis afflictivæ & capitales, saltem non omnes hoc habent præcipuum præ communibus, ut a militibus infligi soleant (§. 773.). Pœnæ vero, quæ a militibus infliguntur, pro infamis haberi nequeunt (§. 853.). Licet itaque infamia cum aliis etiam connecti possit, quæ eandem pro objecto proprie non habent (§. 843.): Illud tamen fieri cum pœnis militaribus, quæ corpus aut vitam petunt, adeoque eas infames reddi, quod non conveniat, apparet.

Hinc etiam jam monuimus, quod dubitandum sit, præter pœnas infamiæ alias militares infames dari (*Schol. §. 852.*).

§. 909.

§. 909.

Transfossio globorum, pœna vitium, fustium & reliquæ, quæ ab ipsis Quænamis militibus infliguntur, non sunt pœnæ infamæ, sive non infamant eos, qui præter easdem patiuntur.

Transfossio enim globorum est pœna militaris capitalis (§. 907.); Pœnæ vero vitium & fustium sunt pœnæ corporis afflictivæ militares (§. 905.), quæ ab ipsis militibus inferuntur (*per hypothes.*). Quare cum pœnæ, quæ ab ipsis militibus infliguntur, pro infamibus haberi nequeant (§. 843.): Statim patet, quod nec transfossio globorum, nec pœnæ vitium & fustium, aut si quæ aliæ a militibus infliguntur, infamæ sint, sive eos, qui ipsas patiuntur, infament.

Reliquæ pœnæ corporis afflictivæ, quas §. 905. recensuimus, non a militibus ipsis, quantum quidem notum est, sed plerumque a commentariensis servo infligi solent. Quoniam vero hujus personæ militaris qualitatem nondum explicavimus: Nec qualitas pœnarum, quæ ab ipsa inferuntur, dijudicari satis poterit. Quamobrem necesse erit, illam prius enucleare. Id quod agere, statim studebimus.

§. 910.

Milites, antequam puniantur, sive, qui delicti rei sunt, & quibus Milites puniendi propterea pœna imminet, usque ea infligatur, carcere detinendi sunt.

Pœnæ enim malum quoddam continent (§. 766.). Quamobrem cum homines ipsa natura ita sint comparati, ut mala averfentur (§. 590. *Psych. emp. WOLF.*): Fieri posset, & sine dubio ut plurimum fieret, ut milites, quibus propter delictum commissum pœna imminet, metu mali ferantur ad aufugiendum, si possent. Cum vero interfit, ut delicta militum puniantur (*dem. §. 761.*): Præcaveri etiam debet, ne milites, qui pœnam promeriti sunt, eandem aufugiendo possint evitare; Adeoque iidem certo cuidam loco includi debent, quo exire non possint. Quare cum locus talis, unde quis exire prohibetur, carcer dicitur (§. 598. *Part. 3. Jur. nat. WOLF.*): Apparet, quod milites, antequam puniantur, sive, qui delicti rei sunt & quibus propterea pœna imminet, carcere detinendi sunt, usque ea infligatur.

§. 911.

Cum pœnis corporis afflictivis dolor corpori inferri (§. 611. *loc. Executiv.*), capitalibus vero vita debeat adimi (§. 601. *ibid.*): Facile apparet, easdem actu quodam corporali peragi debere, quo scilicet dolor inferatur, aut vita adimatur. Pœnas vero infamæ militum etiam actu tali peragi, convenit (§. 833.). Quamobrem cum actus corporalis, quo

pœnæ peraguntur, executio pœnarum dici solcat (*per definit.*): Actus corporalis, quo pœnæ militum & in specie militares infliguntur, sive peraguntur, *Executio militaris* dicitur.

§. 912.

Commentariensis definitio.

Persona, cui cura carcerum & executionum militarium committitur, *Commentariensis militaris* vocatur, *der Profos.*

Vir illustris Dn. JO. GEO. ESTOR quæsitorem militarem eundem denominat (§. 145. *Diff. de Jure decor. honor. milit.*). Quoniam vero denominatio hæc aliud etiam officium, receptoris nempe reddituum principis hodiernum significat; Et adeo sub quæsitore militari intelligi potius possit *ein Regimentsquartiermeister*; Licet ipsi CICERONI quæsitore dicatur, qui tormentis quærit: Cum ADR. BEIERO & aliis ipsum potius commentariensem vocare visum fuit, ut statim appareat, de qua persona agatur, & omnis in loquendo ambiguitas evitetur. Ceterum licet cura carcerum & executionum præcipuum sit officii illius: Plura tamen ab eodem præsertim tempore belli peraguntur. Uti apparet ex iis, quæ de officii ejusdem ambitu pluribus adducunt KHEVENHÜLLER (*p. 177. der Observationspuncten*), LUDOVICI (*p. 4. Cap. 6. der Einl. zum Kriegsproc.*), & alii.

§. 913.

Infamis non est.

Commentariensem infamem reputari non convenit.

Cum enim pœnæ militum & militares in specie per se infames non sint (§. 854.); Et præsertim pœnas militares corporis afflictivas & capitales infames esse, non conveniat (§. 908.): Nec milites omnes, qui puniendi sunt, infames fiunt, aut fieri debent. In specie etiam carcer, etsi in pœnam militum statuatur, non infamat (*per hypoth.*). Milites vero puniendi carcere prius detinentur (§. 910.). Quare cum tam carcerum, quam executionum militarium cura fiat per commentariensem (§. 912.); Milites vero, quibus ab infami persona, pœna infligitur, infames fiant (§. 849.): Milites, qui carcere puniuntur, vel custodiæ saltem causa apud commentariensem detinentur, adeoque milites in genere omnes, qui puniuntur, infames redderentur. Sicque pœnæ militum in genere omnes infamarent. Quod cum modo demonstratis contradicat, adeoque sit absurdum: Commentariensem quoque infamem reputari non convenit (§. 550. *Log. WOLF.*).

Hinc etiam observatur, quod ubique integræ famæ habeatur, & vel interdem præfectus quidam inferior officio huic adhibeatur. Licet enim cura executionum militarium ipsi demandata sit: Hæ tamen non ab eodem, sed ab ejus potius servo peraguntur. Id quod pluribus mox indicabimus.

§. 914.

§. 914.

Militem itaque, qui infamis jam factus est, apud commentariensem infamem carcere detineri, non convenit.

Quemadmodum enim pœnas militum infames infligi non convenit nisi a persona infami (§. 851.): Ita etiam facile apparet, quod nec conveniat, infames, qui carcere detinendi sunt, apud alium detineri, quam apud personam infamem. Quamobrem cum commentariensis infamis non sit, nec esse debeat (§. 913.): Patet etiam, quod nec conveniat, militem, qui infamis factus est, apud eundem carcere detineri.

Id quod usu etiam obtinere observamus, ne custodia ipsius macula quædam aspergatur, cum & præfecti militum nonnunquam superiores eidem soleant tradi. Fieri vero posse, ut miles, qui infamis factus jam est, carcere adhuc detinendus sit, perspicitur in desertoribus, qui nomine ipsorum patibulo jam affixo revertuntur. Et aliud exemplum in iis, qui sententia pro infamibus declarati sunt, statim adducemus.

§. 915.

Cum milites, qui puniendi sunt, usque pœna actu infligatur, carcere detinendi sint (§. 910.): Idem patet de iis, qui per sententiam infames declarati sunt, actu vero quodam publico adhuc debent infamari. Quare cum miles, qui per sententiam pro infami declaratus est, infamis jam sit, licet infamia actu quodam publico ipsi nondum fuerit inflicta (*dem.* §. 851.): Infamem vero apud commentariensem carcere detineri non conveniat (§. 914.): *Militem etiam, qui per sententiam infamis jam est declaratus, apud commentariensem carcere detineri non convenit.*

§. 916.

Cum commentariensi cura saltem carcerum, militum nempe puniendorum (§. 910.), ut & executionum militarium, incumbat (§. 912.): Has ab eo ipsomet non peragi, aut pœnas militibus infligi, apparet, & supponitur (*per hypoth.*). Cum vero facile intelligatur, ad executionem pœnarum militum requiri personam quandam, per quam eadem infligantur militibus (§. 911.): Præter commentariensem adesse debet quis, per quem hoc fiat. Persona hæc, per quam pœnæ militares, quæ nempe ab ipsis militibus non solent peragi, præsertim etiam infames, infliguntur, *Servus commentariensis* dici solet; Germanice, *der Steckenknecht*.

Lector idem dicitur illustri Dn. ESTORI (*loc.* §. 912. *cir.*); Aliis etiam lorarius. Quoniam vero denominatio servi commentariensis cum germanica, *der Steckenknecht*, admodum convenire videtur; Eadem po-

tius utendum credimus. Officium vero ejusdem ad executionem pœnarum saltem militarium adstringimus, quæ nempe a militibus ipsis non peraguntur, quales præsertim sunt infames. Communes enim, quæ circa milites etiam obtinent, pœnas a lictore communi sive carnifice infligi, mox ostenderetur.

§. 917.

Infamis est. Servum commentariensis infamem reputari, convenit.

A servo commentariensis pœnæ infames militibus infliguntur (§. 916.). Quamobrem cum pœnas infames infligi non conveniat, nisi a persona infami (§. 851.): Apparet etiam, quod servus commentariensis infamis debeat reputari.

Hoc quidem praxi quoque consentaneum deprehenditur. In ea tamen quid inveniri, quod analogiæ non admodum suffragatur, ad §. sequentem ostendemus.

§. 918.

Non nisi pœnæ infamæ. A servo itaque commentariensis infligi non convenit, nisi pœnas infamæ.

mes ab eo infligende. Cum enim servus commentariensis infamis reputetur (§. 917.); Per pœnas vero, quæ a persona infami inferuntur, miles fiat infamis (§. 850.): Si militi ab eodem pœna quæcunque inferatur, huncce infamem reddi debere, consequitur. Per eundem itaque infligi non convenit nisi pœnas, per quas miles infamis fieri debeat. Cum vero facile intelligatur, pœnas, per quas quis fit infamis, infames esse (§. 844. 849.): Patet etiam, quod a servo commentariensis infligi non conveniat, nisi pœnas infames.

Observantiam non nullibi principio huic & aliis naturalibus contrariam esse, negari non poterit. Licet enim servus commentariensis pro persona infami, aut levis saltem notæ macula, quæ dicitur, notata ubivis ferre habeatur, & pœnis utique infamibus, qualis est detrusio militis pro infami, abreptio & fractio gladii (§. 848.), exequendis adhibearur (*per hyporb.*): Fieri tamen etiam solet, ut milites, qui levis nonnunquam saltem excessus pœnam luunt, vinculis ab ipso injiciantur, neque tamen propterea infamæ notam accipiant; Uti etiam alligatio ad pahn, impositio in equum ligneum & aliæ pœnæ militares per ipsum peragi solent, quæ tamen infames minime habentur. Cum vero, si rem ipsam spectes, pœnæ, quæ per personam infamem inferuntur, infamæ (§. 850.): Convenientius utique esset, servum commentariensis, si infamis, uti debet, reputetur, aut ad pœnas tales non infamantes; Aut ad infames exequendas, plane non adhiberi; Neque in hoc casu infamem reputari.

§. 919.

§. 919.

Pœnas famam militum minuentes, si nempe actu quodam corporali imponi, a servo commentariensis infligi non convenit. Non famam minuentes.

A servo enim commentariensis infligi non convenit, nisi pœnas infames (§. 918.). Quare cum pœnæ, famam militum minuentes saltem, ad infames non sint referendæ (§. 865.): Eisdem etiam a servo commentariensis infligi non convenit.

Vel hoc modo. Pœnas famam militum minuentes, si actu quodam corporali imponi debeant, infligi non convenit a persona infami (§. 872.). Quare cum servus commentariensis pro infami reputandus sit (§. 917.): Quod ab eodem etiam illæ infligantur, non convenire apparet.

Cur clausula adjiciatur, *si actu quodam corporali infligi debeant*, ad §. 872 jam monuimus. Quodsi itaque vel impositionem in equum ligneum ad pœnas famam minuentes referre velimus (*loc. cit.*): Eadem tamen a servo commentariensis propterea peragi non debet.

§. 920.

Pœnas communes, quibus milites afficiuntur, ab ea persona infligi non convenit, a qua pagani. Pœna communes a quo infligenda.

Cum enim pœnæ communes dicantur, quæ vel paganis solum, vel tam paganis, quam militibus solent infligi; Militares vero, quæ militibus solum (§. 771.); Et hæc ab illis differant, vel quoad malum, quod infligitur, vel quoad modum illud imminuendi (§. 772.); Ad hunc vero etiam pertineat, a quonam inferantur (§. 773.): Communes pœnæ non manerent, sed militares potius efficerentur, si non ab eo, a quo & pagani, sed ab eo forsitan, a quo militares, militibus infligerentur. Quoniam vero supponitur, pœnas communes, non militares, militibus debere inferri (*per hypoth.*): Apparet etiam, quod conveniat magis, easdem etiam inferri ab eo, a quo pagani infliguntur.

Ratio quidem necessitatis non adest. Decollatio enim ex gr. pœna communis æque proprie maneret, licet a persona militari perageretur. Quoniam vero differentia pœnarum militarum potissimum in eo ponitur, quod vel a militibus ipsis, vel persona saltem militari infligantur (§. 773.): Ratio tamen aliqua adeoque convenientiæ, adest, ut pœnæ communes a persona communi perficiantur. Id quod usu etiam receptum ut plurimum videmus.

§. 921.

Quare cum pœnæ communes, quæ actu corporali peraguntur, a *A carnifice* carnifice vel ejus lictoribus paganis solcant immitti (*per hypoth.*); Pœnas lictoribus.

nas vero communes militibus & inferri ab eadem persona, a qua paganis, conveniat (§. 920.): *Pœnas communes militibus a carnifice vel ejus licētoribus infligi, convenit.*

§. 922.

Pœna militum civilis & criminalis sunt.

Pœna militum, tam civiles, quam criminales esse possunt.

Licet enim delicta militaria sint publica (§. 547.); Cum tamen milites præter illa alia etiam delicta possint committere (§. 549.), communia nempe (§. 550.); Hæc vero vel publica vel privata sint (§. 551. *Part. 8. Jur. nat. WOLF.*): Milites tam privata quam publica delicta committere posse, apparet. In delicta vero militum communia pœnæ æque statuendæ sint (§. 768.). Quare cum pœnas, quæ propter delictum privatum irrogantur, civiles; Quæ propter delictum publicum, sive crimen, criminales dici conveniat (§. 622. *loc. cit.*): Patet, quod pœnæ militum, tam civiles, quam criminales esse possint.

Definitionem pœnarum civilium & criminalium sumi ex mente perillustri L. B. de WOLF, per citata apparet. Ipse vero monet, easdem non ab omnibus eodem modo distingui & præsertim CARPZOVIIUM allegat, qui pœnas capitales & corporis afflictivas criminales saltem, ceteras, quibus nec vita adimitur, nec corpus affligitur, civiles haberi jure Saxonico asserit (*schol. loc. cit.*). Cum vero delictis privatis damnum saltem inferatur privato, si e civi; Adeoque & huic saltem ejusdem reparatio facienda sit; Delictis autem publicis sive criminibus damnum datur reipublicæ (§. 581. *loc. cit.*): Hæc delictorum definitioni optime etiam convenit, ut pœnæ, quæ propter delicta privata, quæ civilia etiam dici possent, infliguntur, civiles, quæ propter crimina, criminales dicantur. Et ejusdem sententiæ est vir illustris JO. SAM. FRID. BOEHMER, dum asserit, propriè pœnam criminalem dici, unde fisco vel reipublicæ satisfiat; Civilem vero, quæ unice favorem ac utilitatem accusatoris concernit (§. 6. *Se. 2. Elem. Jurispr. crim.*). Nec est, quod posteriorem speciem a praxi ignorari exillimet. Licet enim multa hodie privato non reliquatur: Dantur tamen aliæ pœnæ, quæ accusatoris gratia solum exiguntur. Qualis est v. gr. recantatio, alapæ inflictio ab accusatore coram judicio. Quo vero sensu etiam pœnæ criminales & civiles inter se definiantur: Pœnas militum ad utramque classẽ referri posse, facile apparet.

§. 923.

Quales sint pœnæ delictorum militarium.

Pœnæ, quæ in delicta militaria statuuntur, sunt criminales.

Delicta enim militaria publica sunt sive crimina (§. 547.); In eadem vero præsertim pœnæ sunt statuendæ (§. 761.). Quamobrem cum pœnæ, quæ propter delicta publica sive crimina inferuntur, criminales audiant (*per def. §. 922.*): Pœnæ, quæ in delicta militaria statuuntur, criminales sunt.

§. 924.

§. 924.

Pœnas itaque militares non nisi criminales esse, convenit.

Quales militares.

Ut enim delictis militaribus non nisi pœnæ militares statuuntur, convenit (§. 901.). Quare cum pœnæ, quæ in delicta militaria statuuntur, criminales sunt (§. 923.): Pœnas etiam militares non nisi militares esse, convenit.

Hoc quidem ita convenire apparet. Cum vero pœnæ militares etiam propter delicta communia soleant infligi, uti alibi jam monuimus (*ad* §. 771. & 901.); Hæc vero privata etiam esse possint (*dem.* §. 922.); Pœnæ militares etiam, propter delicta privata inferri poterunt. Quare cum tales pœnæ civiles dicantur (*def.* §. cit.): Pœnas militares civiles etiam esse posse, si praxin spectes, elucet.

§. 925.

Delictis militum, et in specie militaribus, gravioribus graviore etiam poena statuenda sunt. Seu, quod idem est: *Milites, quo gravius delicta gravius, in specie qua tales, delinquant, eo gravius puniendi sunt.*

Delicta enim graviora in genere gravioribus etiam pœnis coercenda sunt (§. 626. Part. 8. *Jur. nat.* WOLF.). Quare cum de specie prædicari possint, quæ de genere (§. 235. *Log. ejusd.*): Idem etiam de delictis militum, et in specie militaribus intelligitur. Cum vero supponantur milites, qui delinquant (*per hypoth.*); Milites vero etiam, qua tales, delinquere possint (§. 542.); Et cum pœnæ propter delicta inferantur, is puniri debeat, qui delinquit: Patet quoque, illud idem esse, ac si dicas, quod milites, quo gravius delinquant, eo etiam gravius puniri debeant.

§. 926.

Hinc cum gravitas delictorum æstimanda sit ex nocumento, quod affertur, et periculo, quod inde imminet (§. 625. Part. 8. cit.); Delictis vero militum et in specie militaribus gravioribus pœnæ etiam graviore statuendæ sint (§. 925.): *Delicta militum & militaria in specie gravius sent punienda, quo majus est nocumentum vel periculum, quod ex iisdem evenit, sive imminet.*

§. 927.

Pœna militum et militares in specie graviore vel mitiores statui debent pro circumstantiis, sub quibus delicta committuntur.

Circumstantiæ enim, sub quibus delictum committitur, gravius illud aut levius reddere possunt (§. 568.). Quare cum delictis militum, & *Jur. mil. nat.* *Rbb* *in*

in specie militaribus gravioribus, graviores etiam pœnæ statuendæ sint (§. 925.): Pœnæ etiam militum, quæ communes vel militares sunt (§. 771.), pro circumstantiis, sub quibus delicta committuntur, graviores vel mitiores statui debent.

§. 928.

Aggravantium & mitigantium definitio.

Cum in genere circumstantiæ, propter quas in delictum pœna gravior statuenda est, aggravantia, & eæ, propter quas mitior, mitigantia dicantur (*per def.*): Circumstantiæ etiam, propter quas pœnæ militum & militares in specie graviores vel mitiores redduntur, *Aggravantia et mitigantia penarum militum & in specie militarium* dicuntur.

§. 929.

Eadem

Aggravantia & mitigantia penarum militum eadem sunt cum aggravantibus & mitigantibus, seu minuentibus potius, delictorum.

sunt penarum, quæ delictorum.

Propter circumstantias enim, sub quibus delicta militum committuntur, illa graviora aut leviora redduntur (§. 568.). Propter eandem vero etiam pœnæ militum graviores aut mitiores statui debent (§. 927.). Quare cum circumstantiæ, quæ delicta militum graviora aut leviora reddunt, aggravantia vel mitigantia, aut minuentia potius, dicantur (§. 569.): Pœnæ militum graviores vel mitiores redduntur propter aggravantia vel minuentia delictorum. Cum itaque circumstantiæ, propter quas pœnæ militum graviores vel mitiores redduntur, aggravantia vel mitigantia penarum dicantur (§. 928.): Patet, quod hæc eadem sint cum illis.

§. 930.

Ex magnitudine damni asstimenda.

Pœna militum & militares in specie graviores esse; seu: Milites gravius puniri debent, si ex circumstantiis, sub quibus delinquant, eveniat nocumentum, aut immineat periculum majus; Mitius, si minus.

Gravioribus enim militum delictis graviores etiam pœnæ statuendæ sunt (§. 925.). Quare cum delictum gravius vel levius reddatur, si ex circumstantiis, sub quibus committitur, majus aut minus nocumentum inferatur, aut periculum immineat (§. 568.): Patet, quod pœnæ militum graviores vel mitiores statui, seu, milites gravius vel mitius puniri debeant, prout ex circumstantiis, sub quibus delinquant, majus aut minus damnum illatum est, vel periculum metuendum fuit.

Hæc et alia, quæ sequuntur, delictis militum & militaribus in specie non propria, sed ipsis cum delictis in genere communia sunt. Cum vero, theoria delictorum generali nondum tradita, eadem aliunde supponere

nere non liceat; Iisdem tamen ad alia eruenda opus sit: Hic de delictis militum in specie fuere demonstranda: Licet facile appareat, eadem de delictis omnibus in genere valere.

§. 931.

Pœnæ militum et militares in specie vel emendatrices vel exemplares esse possunt. *Pœnæ sunt emendatrices vel exemplares.*

Facile enim apparet, quemadmodum per pœnas in genere, ita et per pœnas militum et militares in specie intendi posse, vel ut delinquens animum delinquendi mutet, vel ut metus incutiatur aliis, quo a delinquendo deterreantur. Quamobrem cum pœnæ, quæ alicui eo fine infliguntur, ut animum delinquendi mutet, emendatrices; Pœnæ vero, quæ cum in finem immittuntur, ut aliis metus incutiatur, quo a delinquendo deterreantur, exemplares dicantur (§. 1062. Part. 1. Jur. nat. WOLF.): Patet, quod pœnæ militum & militares in specie vel emendatrices, vel exemplares esse possint.

Cum duplex pœnarum finis simul intendi possit: Pœna eadem tam exemplaris, quam emendatrix esse poterit. Licet itaque pœnæ militum maxime debeant esse exemplares (§. 832.): Ei tamen non repugnat, quod earum quædam vel simul, vel solum sint emendatrices.

§. 932.

Pœnæ militum emendatrices mitiores; Exemplares vero graviores esse debent. *Exemplares graviores sunt.*

Cum pœnæ debeant esse motiva actionum committendarum vel omit-tendarum (§. 287. Part. 1. Phil. pract. univ. WOLF.); Pœnis emendatricibus vero solum emendatio delinquentis, uti exemplaribus exemplum aliis præbendum intendatur (def. §. 931.): In emendatricibus non nisi uni, in exemplaribus vero pluribus motivum exhibendum est. Fortius itaque esse debet motivum in his, quam in illis. Motiva vero in representatione boni vel mali consistunt (§. 890. Psych. Emp. ejurd.). Quo majus itaque est bonum vel malum, quod representatur, eo fortius erit motivum. Quare cum pœnæ sint malum physicum, quod cuidam infligitur (§. 285. Part. 1. cit.): Quo majus est malum, quod pœna quadam infligitur, eo fortius motivum eadem præbet. In pœnis itaque exemplaribus majus infligi debet malum, quam in emendatricibus. Quamobrem cum pœna, qua majus malum inferatur, gravior, qua minus, mitior dicatur (§. 766.): Patet, quod pœnæ militum exemplares graviores, emendatrices vero tantum mitiores esse debeant.

§. 933.

*Emendat-
trices qua-
les esse ne-
queant.*

Pœna militum emendatrices capitales aut infames esse nequeunt.

Pœna enim emendatrix tendit ad emendationem delinquentis (*def. §. 931.*). Pœna capitali vero vita adimitur (§. 601. *Part. 1. Jur. nat. WOLF.*). Quare cum vita amissa amplius emendari non detur (*Quod per se patet*): Pœnæ militum emendatrices esse nequeunt capitales. *Q. e. 1.*

Per pœnam vero infamem milites infames fiunt (§. 849.); Infamis autem amplius miles manere nequit (§. 812.). Per pœnam itaque infamem militia amittitur, & emendationem ejus, cui illa infertur, non intendi, apparet. Quare cum pœna emendatrix ad emendationem delinquentis debeat tendere (*def. alleg.*): Patet etiam, quod pœnæ militum emendatrices nec possint esse infames. *Q. e. 2.*

§. 934.

*Quando lo-
cum inve-
niant.*

Miles delinquens, si in ipso spes sit emendationis, pœna potius emendatrice, adeoque mitius puniri debet, quam si spes ista desit.

Per pœnas enim emendatrices emendatio delinquentis intenditur (*def. §. 931.*). Emendatio itaque locum habere, adeoque sperari posse debet in eo, qui pœna emendatrice plectatur. Quodsi itaque spes emendationis in milite delinquente adsit: Adest potius aliqua ratio, cur pœna emendatrice plectatur, quam si spes ista desit. Quamobrem cum posita ratione sufficiente ponendum sit, quod propter eam potius est, quam non est (§. 118. *Ontol. WOLF.*); Adeoque existente ratione quadam, cur quid potius fiat, quam non, illud etiam faciendum potius sit, quam ratione illa deficiente: Apparet, quod miles delinquens, si in ipso spes sit emendationis, pœna potius emendatrice plecti debeat, quam si spes ista desit. *Q. e. 1.*

Quoniam vero pœnæ militum emendatrices mitiores sunt exemplaribus (§. 932.); Miles vero emendatrice potius pœna plecti debeat, si in ipso spes sit emendationis, quam si eadem desit (*per dem. n. 1.*); Patet, quod in eo casu mitius etiam puniendus sit. *Q. e. 2.*

Facile cuivis apparebit, hic supponi, quod reliqua sint paria, & quod delictum tale sit, cui puniendo pœna emendatrix sufficit. Quodsi enim delictum tantum sit, ut pœna capitali vel alia exemplari coerceri debeat: Nec locus erit pœnæ emendatrici. Vti statim ostendemus.

§. 935.

*Quando
non.*

Si tamen exemplum statui requiratur: Pœna saltem emendatrice locus esse nequit: Sed miles delinquens exemplari, adeoque graviori pœna afficiendus est, etsi in eo spes sit emendationis.

Cum

Cum enim pœna emendatrix tendat saltem ad emendationem delinquentis (*def. §. 931.*); Hic vero exemplum statui requiratur (*per hypoth.*): Illa fini huic non sufficit; Sed cum pœna, qua exemplum potissimum etiam statuitur aliis, exemplaris dicatur (*per alleg.*): Exemplari opus est.

Cum itaque finis quidam necessarius ponatur (*per hypoth.*); Ille vero sine pœna exemplari obtineri nequeat (*per dem.*): Hæc etiam in casu dato necessaria est. Vt vero miles delinquens pœna saltem emendatrice afficiatur, si in ipso spes sit emendationis, ratio non absoluta, sed potior saltem adest, quam si spes ea deficiat (§. 934.). Emendatrix itaque pœna necessario non obtinere debet in eo, in quo emendationis spes est, licet ratio potior sit, ut obtineat in eodem, quam si spes ista desit. Hinc cum intelligatur, quod si in milite delinquente spes sit emendationis, pœna emendatrix obtinere æque nequeat, quam possit; Exemplaris vero in casu dato necessario debeat obtinere (*per dem.*): Patet, quod si exemplum statui requiratur, miles delinquens pœna exemplari debeat affici, etsi in ipso spes sit emendationis.

Q. e. 2.

Et cum pœnæ militum exemplares graviores sint emendatricibus (§. 932.); In casu dato vero miles pœna exemplari affici debeat, etsi in ipso spes sit emendationis (*dem. n. 1.*): Simul apparet, quod miles graviori pœna sit afficiendus, si exemplum statui requiratur, etsi in ipso spes sit emendationis, quæ alias mitiorem pœnam efficit (§. 934.).

Q. e. 2.

§. 936.

Hinc cum facile intelligatur, si delictum tantum sit, aut tam *In specie* frequens evadat, ut pœna emendatrice solum coërceri nequeat, quod *delictum* tunc exemplari opus, adeoque exemplum statuendum sit; Si vero *delictum* exemplum statui requiratur, pœnæ emendatrici locus esse nequeat, sed *nimum,* aut *frequens* exemplari afficiendus sit miles, etsi spem emendationis præbeat (§. 935.): Miles etiam non pœna solum emendatrice, sed exemplari *placēli* debet, si *delictum*, quod commisit, tantum, aut *t. m.* frequens sit, ut illa solum nequeat coerceri, licet in ipso spes sit emendationis.

§. 937.

Si pœna capitalis aut infamis in delictum quoddam statuta sit: Miles, Aut pœna qui illud commisit, pœna solum emendatrice affici nequit, etsi spem emendationis exhibeat. *capitalis* vel *infamis* in illud *statuta.*

Bbb 3

Pœnæ

Pœnæ enim militum emendatrices capitales aut infames esse nequeunt (§. 933.). Quodsi itaque pœna capitalis vel infamis in delictum quoddam sit statuta, emendatrici locum non esse apparet. Licet itaque hæc obtinere potius debeat, si in milite delinquente spes emendationis adsit, quam si hæc deficiat (§. 934.): Miles tamen pœna saltem emendatrice affici non poterit, si pœna capitalis aut infamis in illud delictum, quod commisit, statuta sit, etsi emendationis spem præbeat.

Licet vero spes emendationis sola iudici non permittat a pœna capitali in dictanda sententia recedendi: Principi tamen motivum hanc mitigandi præbere potest. Quæ vero ulterius deducenda non sunt hujus loci, ubi limites inter principis & iudicis potestatem ad examen non revocamus, sed saltem quæ rei intrinseca sunt, ostendimus.

§. 938.

Iterato delinquens quomodo puniendus. Si miles iterata vice delinquat, inprimis vero si idem delictum iterata vice committat, gravius puniendus est, quam si prima; Præsertim, si propterea jam sit punitus.

Si enim miles iterata vice delinquit, et inprimis si delictum idem committit, hoc majorem in ipso delinquendi animum, adeoque malitiam (Schol. §. 631. Part. 8. Jur. nat. WOLF.) prodit, quam si prima tantum vice delinquat. Quod per se satis intelligitur. Cum itaque in gravitate pœnæ determinanda ratio quoque habenda sit malitiæ (§. 632. loc. cit.): Ex eo jam patet, quod gravius puniendus sit miles, qui iterata, quam qui prima tantum vice delinquit, inprimis si idem delictum committat. Q. c. 1.

Si vero miles jam fuerit punitus propter idem delictum, quod iterata vice committit: Ex eo elucet, quod pœna eadem, quam fuit perpeffus, forte satis non fuerit motivum a delinquendo ipsum deterrendi. Cum vero intersit reipublicæ, ne milites delinquant (§. 552.); Absque motivis vero nulla detur in anima volitio aut nolitio (§. 889. Psychol. Empir. WOLF.); Fortius motivum dari debet ei, qui minus forti duci se non patitur. Quare cum motiva actionum, adeoque et delictorum non committendorum sint pœnæ (§. 237. Part. 1. Phil. præf. univ. ej.); Pœno vero gravior, cum majus malum ea inferatur (§. 766.), fortius sit motivum, quam minus gravis, sive mitior: Apparet etiam, quod tunc præsertim gravius puniendus sit miles iterata vice delinquens, si propter idem delictum jam fuerit punitus. Q. c. 2.

Legibus etiam positivis hoc fieri solet, ut graviores pœnæ statuuntur in delicta iterata vice commissa, furtum præsertim. Et pœnas etiam mili-

militum aggravari continuo observamus, si quis delinquendi quasi consuetudinem contrahat. Cum mitius contra agi soleat cum eo, qui prima saltem vice delinquit. Quod vero ceteris paribus intelligendum est. Si enim poena capitalis, qui gravior non datur, in delictum statuta sit: Ab eadem liberari non poterit quis propterea, quod prima tantum vice illud committat.

§. 939.

Propter minorennitatem militum poenas eorum mitigari convenit. *Minor aetas poenam mitigat.*

Minorennitas enim jure naturæ aetas dicitur, cui perfectum judicium actionum adhuc deest (§. 768. Part. 7. Jur. nat. WOLF.). Minores itaque nondum perfecte dijudicare valent actionum rectitudinem & sequelas eorundem. Cum itaque milites, qui obligationibus suis contraria agunt, adeoque qui delinquant (§. 540.), a rectitudine actionum deficiant (§. 537.); Poenæ vero sint sequelæ delictorum (§. 761.): Milites minorennis nec delicta, nec poenas eorundem satis valent ponderare. Dici itaque nequit, quod æque data opera male agant, quam majorennis, qui nempe perfecto judicio gaudent (§. 768. cit.). Neque etiam adeo malitia illorum in delinquendo tanta poterit censeri, quam majorennium (*schol. §. 631. Part. 8. loc. cit.*). Quare cum in gravitate poenæ determinanda ratio etiam habenda sit malitiæ (§. 632. loc. cit.): Poena tanta esse non poterit in milite minorenni, quam in majorenni; Adeoque mitior esse debet in illo, gravior in hoc (§. 766.). Quare cum si mitiori poena quis afficitur, qui alias graviori deberet plekti, poena dicatur mitigari (§. 1090. Part. 1. loc. cit.): Patet, quod propter minorem militum aetatem, poenas eorum mitigari conveniat.

Intelligi tamen hoc debet addita clausula: Nisi circumstantia aggravans alia concurrat, propter quam locum inveniar vulgatum illud: *Malitia supplet aetatem*. Quod utique ratione non desistitur. Uti ex nostra statim demonstratione apparet. Principium enim poenam in minorenni mitigandi est defectus aut minor gradus malitiæ, qui ex minori aetate præsumitur. Quodsi vero malitia hæc ex aliis circumstantiis appareat: Non amplius dici potest, quod eadem in minorenni deficiat. Cessat itaque in eo casu totum fundamentum, quo poenæ mitigatio in minorenni nititur.

§. 940.

Si tyro delictum militare committat, mitius puniendus est, præfer- *Tyro mitius puniendus.*
tim si delinquendo saltem observantiæ cuidam militari adversetur.

Cum delicta militaria sint actiones obligationibus ipsorum, qua talium, sive militaribus contrariæ (§. 543.); Actiones vero militum, qua

qua talium, adeoque & obligationes (*dem.* §. 84.), legibus militaribus determinentur (§. 87.): Patet, quod, si quis delictum militare committat, eo legibus militaribus adversetur. Licet itaque milites ad servandas adeoque et callendas leges militares obligentur (§. 137.); Cum tamen hæ numero plures esse soleant (*per exper. & hypoth.*): Qui miles noviter factus est, adeoque & tyro (§. 37.), easdem omnes statim callere & memoria retinere non poterit. Fieri itaque potest, ut vel ex imperitiis, neque data opera, delinquant; Adeoque malitia ejus tanta haberi non poterit (§. 631. *cit.*), quam militis in militia diutius versati. Quare cum in determinanda pænæ gravitate ratio habenda sit malitiæ (§. 632. *ibid.*); Adeoque mitius puniendus sit, qui minori malitia delinquit: Hoc etiam de tyrone patet, qui delictum quoddam militare committit. *Q. e. 1.*

Cum vero milites actiones suas etiam observantiis militaribus convenienter determinare obligentur (§. 135.): Miles æque delinquit, qui observantiæ, quam qui legi militari scriptæ adversatur. Cum vero observantiæ ex usu demum addiscantur (§. 146.); Usus vero temporis aliquod spatium supponat (*quod per se patet*): Nec ab initio miles noviter factus, qualis est tyro (§. 37.), easdem statim callere poterit. Facilius itaque fieri potest, ut contra easdem impingat, & adeo minus data opera sive malitiose delinquat. Quare cum in determinandis pænis ratio habenda sit malitiæ (§. 632. *jam cit.*): Patet, quod tyro, si præsertim observantiæ cuidam militari adversetur, mitius sit puniendus. *Q. e. 2.*

Imo si observantia quædam tale singulare quid contineat, ut illud agendo nullum delicti sensum habere quis possit, delictum, adeoque et pænna plane cessaret. Ceterum vel ipso jure civili constitutum est, ut mitius puniantur tyrones (*l. 3. §. 9. & l. 14 §. 1. ff. de Re milit.*). Ratio etiam ejusdem hæc expressa adducitur, quod tyrones disciplinam adhuc ignorent (*l. 4. §. fin. ibid.*). Et ex hoc vel apparet, ad sola delicta militaria illud esse restringendum. Cum enim delicta communia obligationibus saltem naturalibus vel civilibus repugnent (*def. §. 550.*); Hisce vero etiam reneantur alii, qui milites non sunt, homines nempe, aut cives in genere: Easdem jam scire supponitur, qui miles sit; Neque adeo initium militiæ veniam ullo modo conciliare potest imperitiæ earum in tyrone.

§. 941.

Ut & cui
leges non
prælectæ.

Miles, cui leges militares, scriptæ scilicet, prælectæ non sunt, secundum rigorem earum puniri nequit.

Leges

Leges enim militares, scriptæ scilicet, ante promulgationem non obligant (§. 143.). Cum itaque prælectio earum promulgationis loco, ut convenit (§. 144.), fieri soleat (*per hypoth.*): Nec obligabunt, nisi fuerint prælectæ. Quodsi itaque miles, cui leges militares prælectæ non fuerunt, contra easdem agat: Proprie vel saltem eatenus non delinquit, quod iis adferetur (§. 540.) Ex delictis vero obligationem ad pœnam demum oriri intelligitur (§. 1071. Part. 1. Jur. nat. WOLF.). Cum itaque in leges militares proprie non delinquat miles, cui eadem prælectæ non sunt (*per dem.*): Nec ad pœnam iisdem statutam obligabitur. Quare cum in eo rigor legis sit ponendus, ut, qui eandem transgreditur, ea præcise pœna puniatur, quæ ipsa statuta est (*per hypoth.*): Patet, quod miles, cui leges militares prælectæ non sunt, nec secundum rigorem illarum queat puniri.

§. 942.

Hinc cum pœna, quæ lege quadam in delictum aliquod statuta est, *Pœna ordinaria* dici soleat (*per def.*); Miles vero, cui leges militares prælectæ *non* sunt, pœna ipsis statuta affici nequeat (*dem. §. 941.*): Miles, cui *leges militares prælectæ non sunt, si delinquat, pœna ordinaria plecti nequit.*

§. 943.

Ut miles pœna ordinaria afficiatur, certum esse debet, eundem illud delictum vere commississe, in quod ista statuta est. Quando eadem punienda.

Pœna enim ordinaria dicitur, quæ lege in delictum quoddam statutæ est (*def. §. 942.*). Quare cum pœna in genere sit malum physicum, quod cum malo morali connectitur (§. 285. Part. 1. Phil. pract. univ. WOLF.): Pœna ordinaria connecti non poterit nisi cum eo delicto, in quod illa lege statuta est. In delicto itaque eodem continetur ratio sufficiens, cur pœna ordinaria alicui possit applicari (§. 10. Cismol. ejusd.). Cum itaque ratione sufficienti demum exillente ponendum sit, quod propter eam est (§. 118. Ontol. ejusd.); Et præterea nemo puniendus sit, antequam de facto ejus, quod pœnam meretur, certo constet (§. 1087. Part. 1. Jur. nat. ej.): Patet, quod, ut miles pœna ordinaria afficiatur, certum esse debeat, eundem delictum illud vere commississe, in quod ista statuta est.

Facile apparet, hæc & alia, quæ vel jam præmissa fuere, vel adhuc ponentur, non de militibus solum, sed de quovis delinquente valere. Cur vero eadem de militibus in specie demonstranda videantur: Ad §. 930. jam monuimus.

Jus mil. nat.

C c c

§. 944.

§. 944.

*Quando
non possit.*

Si dubium sit, an miles præcise delictum illud commiserit, in quod pœna quadam lege statuta est, hæc, adeoque pœna ordinaria affici non poterit.

Cum hic ponatur, dubium esse, an miles delictum illud commiserit, in quod pœna quædam statuta est (*per hypoth.*): Illud certum non esse, facile intelligitur. Quamobrem cum ad id, ut militi pœna ordinaria, siye lege statuta, imponatur, certum esse debeat, quod delictum illud vere commiserit, in quod eadem statuta est (§. 943): Statim etiam apparet, quod miles pœna ordinaria affici nequeat, si dubium sit, an delictum illud commiserit, in quod eadem statuta est.

§. 945.

*Quando
porro non
possit.*

Si circa delictum militis & militare in specie concurrant mitigantia pœna: Pœna ordinaria locum habere nequit.

Mitigantia enim pœnæ dicuntur circumstantiæ, propter quas mitior pœna in delictum quoddam statuenda est (§. 928.). Quodsi itaque circa delictum quoddam mitigantia pœnæ adsint: Pœna mitior statuenda erit, quam alias foret. Quare cum pœna in delictum quoddam alias extra respectum mitigantium lege statuta, ordinaria dicatur (*def. §. 942.*): Patet, quod hæc locum nequeat habere, si circa delictum militis & militare in specie mitigantia concurrant.

An iudici in hoc casu a pœna ordinaria liceat recedere, an principi saltem ejusdem mitigatio sit relinquenda, hujus loci non est disquirere. Sufficit saltem in genere demonstrasse, quando pœnæ ordinariæ locus esse non possit.

§. 946.

*Quando
pœna arbi-
traria ob-
sineat.*

Si miles delinquat; Pœna vero ordinaria locum habere nequeat: Extraordinaria siye arbitraria afficiendus est.

Cum in delicta militum pœnæ statuendæ sint (§. 761.): Militem, si delinquat, puniri debere in apico est. Licet itaque pœna ordinaria, siye, quæ in ipsa lege statuta est, locum non habeat, seu nulla plane pœna lege statuta sit (*per hypoth.*): Ab omni tamen pœna liberari non poterit, sed alia saltem, quam ordinaria afficiendus est. Quare cum pœnis ordinariis opponantur extraordinariæ siye arbitrariæ, quæ nempe legibus aut consuetudinibus definitæ non sunt, sed arbitrio judicis determinandæ relinquuntur (§. 623. *Part. 3. Jur. nat. WOLF.*): Patet, quod miles, si delinquat, pœna ordinaria vero affici nequeat, extra ordinem siye arbitrarie plectendus sit.

§. 947.

§. 947.

Præfecti militum gravius puniendi sunt gregariis, si idem delictum, Præfecti militum gravius puniendi. militare præsertim, committant, ad quod & alii possent seduci.

Præfecti enim militum, si delictum committant, militare præsertim, uti desertionem, fugam ex acie, ad quod & alii facile possunt seduci, propter auctoritatem, qua inter milites pollent, exemplo suo alios facilius ad idem committendum seducere poterunt, quam gregarii. Ex delictis itaque ipsorum, & quidem militaribus, utpote quæ graviora sunt (§. 648.), majus periculum imminet, & nocumentum, si actu non inferatur, ad minimum tamen majus metuendum est, quam ab iisdem delictis gregariorum. Quare cum delicta militum & militaria in specie eo gravius sint punienda, quo majus est nocumentum vel periculum, quod ex iisdem aut evenit actu, aut imminet saltem (§. 926.): Patet, quod præfecti militum gravius puniendi sint gregariis, si idem delictum committant, ad quod & alii possent seduci.

Cum jure civili dicatur, quod circa desertores puniendos ratio habenda sit ordinis, gradus militiæ & inuneris deserti (l. 5. princ. ff. de Remilit.): Præfectos extraordinaria saltem adeoque mitiori, quam gregarios, pœna afficiendos putat SCHOEPFER (§. 63. Cap. 3. Diss. de Mil. des.). Quoad transfugas & fugientes ex acie tamen ejusdem sententiæ est, ut nempe gravius puniantur præfecti gregariis (loc. cit.). Sibi metipsi vero plane consentire non videtur, cum bene merita delictum minuire (ibid.), alibi vero dignitatem illud augere tueatur (§. 14. & 49. Cap. 2. loc. cit.).

§. 948.

Milites tempore pacis delinquentes æque; Mitius tamen puniendi sunt, quam si belli tempore idem nempe delictum committant. Milites mitius pacis tempore.

Milites enim, qui pacis tempore obligationibus suis contraria agunt, æque delinquent, ac in bello actu constituti (§. 632.). Quare cum in genere milites, qui delinquent, puniendi sint (§. 761.): Milites pacis tempore delinquentes æque puniendos esse, ac in bello constitutos, apparet. Q. e. 1.

Cum vero gravius delinquant milites in bello constituti, quam pacis tempore, idem delictum nempe committentes (§. 633.); Delicta vero militum graviora gravius etiam punienda sint (§. 925.): Simul patet, quod mitius tamen puniendi sint milites, pacis tempore idem delictum committentes, quam in bello. Q. e. 2.

Hoc etiam principio usus fuit ARRIUS MENANDER, dum statuit, quod qui in pace deseruit, eques gradu pellendus sit; Pedes militiam

tiam mutet. In bello vero eodem admissum capite puniatur (l. 5. §. 1. ff. de Re milit.).

§. 949.

*Pœnis paganorum subji-
cien-
di.*

*Quod milites pœnis paganorum subji-
ci non debeant, juris mere posi-
tivi est.*

Militibus enim pœnas etiam communes infligi non repugnat (§. 900.). Cum itaque pœnæ communes dicantur, quæ & paganis infliguntur (§. 771.): Quod pœnis paganorum subji-
ci non debeant milites, in ipsa militia rationem suam non agnoscit. Cum itaque jure civili ipsis hoc privilegium sit constitutum (l. 8. Co. l. de Quæst. & l. 3. §. 1. ff. de Re milit.); Illud ex mero favore militiæ concessum esse, facile intelligitur (§. 383.). Quare cum privilegia, quæ militibus ex mero favore conceduntur, juris saltem sint positivi (§. 385.): Idem etiam de eo patet, quod pœnis paganorum subji-
ci non debeant milites.

Privilegio tamen hoc juris civilis hodie non amplius frui milites, experientia satis edocet. Pœnis enim paganorum, capitalibus maxime, sæpius eos subji-
ci videmus, quales sunt gladius, suspendium & aliæ: Licet a furca olim expresse fuerint exempti (l. 3. §. 10. ff. de Re milit.). Quoad reliquas vero, quæ capitales non sunt, negari non poterit, quod non adeo facile ad eas soleat recurri, sed & si miles delictum commune committat, cui pœna quedam corporis afflictiva statuta est, hæc in aliam militarem, si poterit, soleat commutari, qualis v. gr. est fustigatio, relegatio. Non tamen desunt pœnarum etiam corporis afflictivarum communium genera, quæ vel circa milites maxime etiam usitata sunt, veluti carcer, condemnatio ad opus publicum & alia. Ita ut facile appareat, hodie in eo non poni privilegium militum peculiare, quod pœnis paganorum non subji-
ciantur. Nec jure civili romano hoc absque omni fuit exceptione. Sic enim in transfugas redeuntes statutum est, ut torqueantur, ad bestiasque vel in furcam damnentur: *Quamvis milites nihil eorum* (alias scilicet) *patiantur* (l. 3. §. 10. ff. de Re milit.).

§. 950.

*Nec mitius
puniendi.*

*Quod milites mitius debeant puniri paganis, non juris nature, sed
positivi tantum est.*

Tam enim in delicta militaria (§. 767.), quam si vel communiantur admittant milites, graviore pœnæ ipsis statuendæ sunt quam paganis (§. 768.). Quare cum hoc ex meris juris nature principiis fuerit demonstratum (*per dem. ibid.*): Juris nature esse, facile apparet. Oppositum vero ejusdem est, ut mitius puniantur. Cum itaque opposita simul esse nequeant (§. 272. Ontol. WOLF.): Nec juri nature esse poterit, ut mitius puniantur milites paganis. Cum tamen jure civili hoc vidca-

videatur constitutum (*l. 32. in f. Cod. de Locat.*): Illud ex mero militiæ favore provenire apparet. Adeoque eodem, quo antea (§. 949.), modo apparet, quod juris mere positivi sit.

§. 951.

Quod milites torqueri non debeant, juris saltem positivi est.

Aut a tortura eximendi.

Ipso enim jure naturæ tortura in genere illicita non est (§. 688. *Part. 8. Jur. nat. WOLF.*). Nec, si in genere ad confessionem reorum erudendam adhibeatur, in militia ulla apparet ratio, cur ab ea eximantur milites (*per hypoth.*). Cum itaque jure civili hoc sit constitutum (*l. 8. Cod. de Quæst. & l. 3. §. 1. ff. de Re milit.*): Privilegium hoc militibus ex mero militiæ favore concessum esse intelligitur (§. 383.). Quare cum privilegia, quæ militibus ex mero favore conceduntur, juris positivi sint (§. 385.): Quod torqueri non debeant, itidem juris saltem positivi est.

Ratio equidem hujus constitutionis querenda erit in militum dignitate, propter quam & aliæ personæ torturæ non subjiuntur (*n. 65. qu. 113. Pract. crim. CARPZ.*). Exceptio tamen simul fit ipsis legibus in criminibus atrocioribus & aliis casibus, quos recenset SCHROETER (§. 3. *Cap. 4. Sect. 1. Diss. de Jur. mil. sing.*), qui tamen simul monet, jure hodierno hoc tantum ad præfectos militum, non gregarios etiam extendi. Hoc vero modo non ad privilegia militum propria, sed personarum digniorum in genere erit referendum. Aliqua quidem in eo posset poni ratio, quod per torturam infames fierent, adeoque milites manere non possent, qui eandem perpetiuntur (§. 812.). Quoniam vero tortura non adhibenda est, nisi tanti criminis reis, quod capitali pœna coercendum sit (§. 685. *Part. 8. cit.*); Per hanc vero etiam militia sinatur: Ex tortura rei militari nullum imminet detrimentum. Quodsi vero ponatur, innocentem torqueri, qui adeo eo solum militiæ subducetur: Nihil æquius esse apparet, quam ut talis aut exinde nullam infamiae notam accipiat, aut ad minimum, ut ipsi fama, quo potest optimo modo, restituatur. Uti nec pro infami reputandus erit, qui insons pœna quadam infami affectus est.

§. 952.

Si milites torqueri non debent; Nec territorii circa eos locus est.

Territioni quando non locus.

Cum enim, ut milites torqueri non possint, juris saltem sit positivi (§. 951.): Illud lege statutum esse debere apparet. Milites itaque in eo casu sciunt, quod torqueri non possint. Quare cum territorii in minis de torquendo consistat (§. 678. *loc. cit.*): Miles, qui terretur, minas illas simulatas tantum esse agnoscit. Per eandem itaque ad confi-

tendum crimen, cujus reus est, non permovebitur. Cum adeo territio vana esset, si torture locus non sit: Nec illi in eo casu locus esse poterit.

Hinc etiam L. B. de WOLF in genere demonstravit, quod si tortura nunquam adhibenda, nec territioni unquam locus esse possit (§. 682. loc. cit.). Perperam itaque cum ZANGERO (§. 89. Cap. 1. de Quæst.) statuit SCHROETER, quod licet milites tormentis non subiciantur, verbali tamen territione interrogari possint (§. 3. antea cit.).

§. 953.

*Quenam
delicta in-
famia pu-
nienda.*

Delicta militum & militaria in specie, quæ famæ potissimum repugnant, infamia puniri, sive pœna infami plecti conveniunt.

Licet enim in genere delicta militum & militaria in specie, naturaliter ipsis infamiam contrahant (§. 552.): Dari tamen delicta, quæ potissimum & magis famæ nocent, quam alia, simul apparet (§. 566.). Cum itaque infamia pœna militum esse possit (§. 793.); Pœnæ vero propter delicta imponantur (§. 761.); Adest aliqua saltem ratio, ut delicta illa potius infamia puniantur, quæ famæ potissimum nocent, seu quæ infamiam præcipue contrahunt delinquentibus, quam alia. Quare cum convenire quid dicatur alteri, si in hoc aliqua saltem ejusdem inveniatur ratio (*per def.*): Patet, quod etiam conveniat, delicta militum & militaria in specie, quæ famæ potissimum nocent, infamia puniri, sive pœna infami plecti.

Non absque ratione addimus, quod aut *infamia puniri*, aut *pœna saltem infami plecti* debeant: Cum infamia vel expresse in pœnam statui, vel cum in pœna alia saltem connecti possit (§. 843.), quæ propterea infamis est (§. 844.).

§. 954.

*Non nisi,
quæ dolo
committuntur.*

Delicta militum & militaria in specie infamia puniri, seu pœna saltem infami plecti non conveniunt, nisi quæ dolo committuntur.

Cum fama militis in eo consistat, ut alii judicent, ipsum obligationibus suis satisfacere (§. 556.). Si vero milites hoc non faciant, illud dolo vel culpa fieri possit (§. 519.): Dolo vel culpa famæ suæ contraria agere possent milites, quidem apparet. Cum autem dolus in defectu a rectitudine actionis quoad voluntatem consistat (§. 701. Part. 1. Phil. pract. univ. WOLF.); Culpa vero, quoad intellectum saltem (§. 717. *ibid.*); Adeoque qui dolo delinquit, illud data opera faciat, & malitiose agat; Qui vero culpa saltem delinquit, non æque (*dem.* §. 763.): Delicta, quæ dolo committuntur, famæ magis repugnare, quam quæ culpa saltem,

saltem, elucet. Quare cum ea delicta militum & militaria in specie infamia puniri sive pœna infami plecti conveniat, quæ famæ potissimum repugnant (§. 953.): Patet, quod infamia puniri non conveniat, nisi delicta militum & militaria, quæ dolo committuntur.

Juris hoc etiam civilis esse videtur, ut infamis quis non fiat, nisi propter dolum, non propter solam culpam (arg. §. 6. *Inst. de susp. tut. & l. 4. §. 5. ff. de His, qui not. ius.*).

§. 955.

Quare cum delicta militum, & militaria in specie, quæ dolo committuntur, delicta vera dicantur (*def. §. 541. 544.*); Delicta vero infamia puniri non conveniat, nisi quæ dolo committuntur (§. 954.): *Non nisi vera. Adeoque*
nisi vera militum & militaria in specie delicta infamia puniri convenit.

§. 956.

Cum autem quasi delicta non dolo, sed culpa saltem committantur (*def. §. 541. 544.*); Non vero, nisi delicta, quæ dolo committuntur, infamia puniri conveniat (§. 954.): *Quasi delicta militum infamia punienda, sive pœna infami plectenda non sunt.*

§. 957.

Delicta militum & militaria in specie, quæ singulari dolo committuntur, seu, quæ singularem dolum involvunt, infamia puniri, sive pœna saltem infami plecti convenit. *Quæ singularem dolum involvunt.*

Licet enim delicta militum, & militaria in specie, quæ dolo committantur, infamia puniri possint (§. 954.); Ut tamen in omnibus, quæ dolo peraguntur, hoc fiat, ratio necessitatis non apparet. Contra cum per pœnas infamiae & infames milites infames fiant (§. 849.); Adeoque militia amittatur (§. 812.); Numerum vero militum non minui intersit reipublicæ (*per dem. §. 652. ult. loc.*): Delictis militum, levioribus præsertim, etsi dolosis, saltem non omnibus, pœnas infamiae aut infames imponi, non convenit. Cum autem dolus rationem præbeat, in delictum pœna infami animadvertendi (*dem. §. 954.*); Omnia vero, quæ dolo committuntur, infamia puniri non conveniat (*per dem.*): Ut ea, quæ singularem dolum involvunt, pœna infami plectantur, convenire apparet.

§. 958.

Militer, vel eorum præfector, qui alios, vel ipsum auctorem belli defraudant, pœna infamiae vel infami saltem affici, convenit. *Quibus defraudatio committitur.*

Cum

Cum enim defraudatio absque dolo non committatur (§. 682. *Part. 2. Jur. nat. WOLF.*); Imo in verbis & factis in specie doloſis, quibus nempe alter ſuo privatur, conſiſtat (§. 680. *ibid.*): Quod defraudatio ſingularem dolum involvat, apparet. Cum itaque milites vel eorum præfecti, qui ullo modo circa militiam fraudem committunt, delinquant (§. 745.): Ab iisdem committi delictum, quod ſingularem dolum continet, elucet. Quare cum delicta, quæ ſingularem dolum præ ſe ferunt, infamia puniri, ſive pœna infami ſaltem plecti conveniat (§. 957.): Convenire etiam patet, ut milites vel eorum præfecti, qui circa militiam quocunque modo defraudant, infamix pœna aut infami ſaltem afficiantur.

Licet dolus cum fraude non debeat confundi (*ſchol.* §. 702. *Part. 1. Phil. præſt. univ. WOLF.*): Fraudem tamen continere dolum, & ſingularem quidem, ex ipſa illius definitione allegata, negari non poterit. Non temere itaque, in delicta fraudulentæ poſſimum infamiam ſtatuentem eſſe, tueri licebit. Omnem etiam defraudationem a viro integræ famæ abeſſe debere, & nihil magis famæ nocere, quam defraudationem, inter omnes conſtat. Quare cum ea delicta, quæ famæ poſſimum repugnant, infamia etiam notari conveniat (§. 953.): Vel ex hoc præſens propoſitio demonſtrari poterit.

§. 959.

*In ſpecie
quales de-
fraudatio-
nes.*

Quare cum milites, qui in luſtrationem conduci ſe patiuntur; Vel, præfecti eorum, qui eos aliis in luſtrationem locant, vel in luſtratione eos ſubſtituunt, vel in numeris loca vacua relinquunt, circa militiam fraudem committant (*per dnm.* §. 746.); Milites vero vel eorum præfectos, qui hoc agunt, pœna infamix vel infami ſaltem affici conveniat (§. 858.): Omnes illi etiam, ut infamia puniantur, vel pœna ſaltem infami afficiantur, convenit.

Tales etiam pœnas in delicta enumerata plerisque legibus militaribus ſtatutas eſſe, pluribus adducit STEPH. WAGA (§. 7. *Diff. de Reſtit. famæ per vex.*).

§. 960.

*Quæ ex ti-
miditate
oriuntur.*

Delicta militum, quæ ex timiditate oriuntur, pœna infamix vel infami ſaltem puniri convenit.

Delicta enim militum, quæ ex timiditate oriuntur, famæ eorum maxime nocent & infamiam præcipue contrahunt (§. 566.). Quare cum delicta militum, quæ famæ poſſimum repugnant, infamia puniri, ſive pœna ſaltem infami plecti conveniat (§. 953.): Hoc etiam de illis apparet.

§. 961.

§. 961.

Fugam ex acie, desertionem stationis, & deditioem festinatam *Quanam*
pœna infamii plecti, maxime convenit. *in specie.*

Fuga enim ex acie, discessus a statione & deditio festinata delicta sunt, quæ famæ militum maxime nocent, & infamiam ipsis præcipue contrahunt (§. 608. 644. 735.). Quare cum delicta, quæ famæ militum potissimum repugnant, infamia puniri vel pœna saltem infamii plecti conveniat (§. 953.): Patet, quod fuga ex acie, desertio stationis & deditio festinata pœna infamii plecti maxime conveniat.

Legibus etiam positivis plerisque hisce delictis pœnas infames impositas videmus. Quod potissimum etiam in deditioe festinata obtinet. Uti pluribus firmat STEPH. WAGA (§. 11. *Diff. de Restit. f.ima per vix.*). Et hoc usque eo procedit, ut, si plures ejusdem delicti rei sint, & fiat decimatio, reliqui infames declarentur (*loc. cit.*). Cum vero numerus delinquentium, præsertim ex acie fugientium ingens sæpe sit; Per pœnam infamem vero hi omnes militia exuerentur: Non absque ratione pœna famam saltem minuens nonnunquam substituitur: Quo nempe numerus militum conservetur. Uti & articulis patriis statutum est (§. 62. *Nov. rec. §. 15.*), & in sequentibus plenius evincetur.

§. 962.

Delictis militaribus pœna etiam capitales imponi possunt.

Delicta enim sive crimina in genere pœnis capitalibus coercere licet, *Pœna capi-*
tales deli-
 si aliæ non sufficiant (§. 638. *Part. 8. Jur. nat. WOLF.*). Et quo gra-
ties milita-
 viora sunt crimina, eo graviore esse debent pœnæ (§. 626. *loc. cit.*). *ribus statui*
possunt.
 Pœnas vero capitales, cum vita ipsis adimatur (§. 601. *ibid.*), graviores esse, facile apparet (§. 766.). Et cum vita amissa non amplius locus sit emendationi, eas exemplares esse simul intelligitur (§. 931.). Quare cum delicta militaria inter graviora sint referenda (§. 548.); Adcoque iisdem pœnæ graviore statuendæ (§. 767.); Pœnæ militum vero maxime debeant esse exemplares (§. 832.); Et hinc contingere possit, ut absque pœna capitali delictum militare coerceri nequeat: Patet, quod delictis militaribus pœnæ etiam capitales imponi possunt.

In genere quidem jam demonstratum est, quod militibus pœnæ capitales imponi, & pœnæ etiam militares capitales esse queant (§. 776.). Cum vero pœnæ militares non præcise delictis militaribus imponantur (*schol. §. 771.*); Licet hoc conveniret (§. 901.); Eo nondum intelligitur, delictis militum in specie militaribus pœnas capitales imponi posse. Quare cum hic de pœnis in delicta militaria infligendis potissimum agatur: Illud in specie ostendere visum fuit.

§. 963.

*Quibus in
specie.*

Desertio, fuga ex acie, seditio militaris, adeoque & detrectatio servitiorum militarium & recusatio imperit, item concitatio ad eandem, discessus a statione, dormire & inebriari in eadem, festinata deditio & alia pœna capitali plekti possunt.

Desertio enim (§. 587. 588.), fuga ex acie (§. 607.), seditio militaris (§. 611.), adeoque & detrectatio servitiorum & resistentia imperii (§. 619.), item concitatio ad eandem (§. 629.), discessus a statione (§. 643.), ut & dormire (*ibid.*), vel inebriari in eadem (§. 646.), festinata deditio (§. 734.) delicta militaria gravissima sunt (*per alleg.*). Quare cum in genere delictis militaribus pœnæ capitales imponi queant (§. 962.); Quo vero graviora sunt delicta, eo etiam graviores esse debeant pœnæ, quibus illa plektuntur (§. 626. Part. 8. *Jur. nat. WOLF.*): Patet, quod omnibus illis delictis pœnæ capitales statui possint.

Quod & circa pleraque ubivis fere gentium, & vel jure civili constitutum deprehendimus. Uti desertioni, si fiat in bello (*l. 5. §. 1. ff. de Re milit.*), fugæ ex acie (*l. 6. §. 3. eod.*), concitationi ad seditionem (*l. 3. §. 19. eod.*) & aliis.

§. 964.

*Quenam
suspendio
punienda.*

Si fuga ex acie, desertio stationis & festinata deditio capite puniendæ sint, illud suspendio vel alia saltem pœna infami fieri convenit.

Fugæ enim ex acie, desertioni stationis & deditioni festinatæ pœnæ capitales imponi possunt (§. 963.). Easdem vero pœna infami plekti convenit (§. 961.). Quare cum suspendium pœna capitalis infamis maxime usitata sit, quæ & militibus imponitur (*per byposh.*): Patet, quod si delicta adducta capite plekti debeant, illud suspendio vel alia pœna infami fieri conveniat.

§. 965.

*Dormiens
in statione
non statim
occidendus.*

Dormiens vel ebrius in statione stante pede vel absque causa cognitione occidendus non est: Licet in eundem pœna capitalis statuta sit.

Dormire in statione (§. 643.), vel ebrium esse in eadem (§. 646.) delicta militaria gravissima quidem sunt. Cum vero delictum absque dolo vel culpa saltem non committatur (*def. §. 540.*): Dolo vel culpa militis supponitur, si somnus in statione pro delicto debeat reputari. Absque vero dolo vel culpa militis fieri etiam potest, ut in statione somno abripiatur (*schol. §. 637.*). In hoc casu itaque delictum militi imputari nequit. Cum autem pœnæ locum non habeant nisi in delictis

dis (*per dem. §. 761.*): Nec miles dormiens in statione puniendus est, nisi delictum ejus, dolus nempe aut culpa, subsit. Quod cum fieri posset, si miles in statione dormiens stante pede & vel absque causæ cognitione occideretur. Patet, quod hoc fieri non debeat, etsi in dormientem in statione pœna capitis sit statuta. *Q. e. 1.*

Similiter, licet vix casus dabitur, ut quis absque dolo sive proposito aut culpa sua saltem inebrietur (*per hypoth.*); Adeoque dubium fere esse nequeat, quin miles, qui in statione ebrius deprehenditur, dolo vel culpa saltem delinquat: Utrum horum tamen fiat, & an adeo verum, an quasi delictum miles committat, statim non apparet.

Cum autem vera militum delicta gravius, quasi delicta vero mitius punienda sint (§. 763.): Nec in utroque casu eadem pœna affici poterit miles, qui in statione ebrius deprehenditur; Sed causæ cognitione prævia opus erit ad eundem puniendum. Licet itaque etiam pœna capitis statuta supponatur in eum, qui in statione ebrius deprehenditur: Eadem tamen absque prævia causæ cognitione imponi nequit. Et cum præterea ex aliis forsan causis, morbo veluti, in eum statum quis possit reduci, ut ebrio similis videatur; Adeoque pro ebrio haberi, qui talis non est; Nec ideo delinquat (*per. dem. u. i.*); Nemo vero puniri debeat, nisi delicto aut crimine sufficienter probato (§. 673. Part. 8. *Jur. nat. WOLF.*): Patet etiam, quod miles ebrius in statione stante pede & absque causæ cognitione occidi non debeat, licet pœna capitis in eundem sit statuta. *Q. e. 2.*

Quod itaque jure belgico, testante BEIERO (*n. 129. Jur. milit. prud.*): statutum sit, ut miles, qui in excubiis dormiens deprehenditur, stante pede occidi possit impune, approbati nequir. Si vero ipsum art. 27 ejusdem juris intuearis: Nec hoc ex illo sequi videbitur; Sed id solum ex interpretatione commentatoris, PETRI PAPPÍ, est, qui ex exemplis ex antiquitate desumptis illud probat. Rectius itaque sine dubio sentit dn. GNÜGE (§. 549. *der Anleit. zum Krieger.*), quod & in casu impunitatis melius agatur, si ab occisione tali, quæ stante pede sit, abstinetur. Non omne enim, quod impune fieri potest, propterea sic licere, si jus naturæ & conscientiam spectes (*Schol. §. 419. Part. 3. Jur. nat. WOLF. & §. 975. Part. 8. loc. cit.*). Ebrietati in statione pœna capitis plerumque quidem statuta non reperitur, nisi quod *Articulis Brunsvico - Luneburgico - Cellerisibus anni 1673. §. 17.* contineatur, si ex ebrietate in excubiis damnum aliquod rei militari emerget, delinquentem globis transfodendum esse. Cum ebrietas etiam in aliquo facile percipitur; Talis vero in stationem non ducetur: Vix quoque dabitur casus, ut miles in statione ebrius inveniat, nisi ebrietatem in ipsa statione sibi contrahat. Quod licet forsan rarius accidat, vel accideret

etiam possit: Non tamen absque omni est exemplo. Summe vero ebrium, qui nempe rationis usu destituitur, supponi facile intelligitur. Cum vero talis dormienti æquiparandus sit, & vel facile somno abripiatur: De eodem etiam valere debere, quod de hoc valet, ostendendum duximus. Hinc vero nec probari poterit, quod de Turcis memoratur, apud eosdem nempe ebrium a quovis in continenti occidi posse & debere.

§. 966.

Quando delinquens tur, adeoque certum fit: Eo vero possit impediri & vel aliter nequeat coërceri, quam si in continenti occidatur, qui illud suscipit: Ut hoc impune fieri possit, concedendum, imo ut fiat, statuendum est.

Cum enim interfit reipublicæ, ne milites delinquant (§. 552.); Hic vero supponatur, delictum suscipi, quod impedire adhuc licet (*per hypoth.*): Quod omni modo impediendum illud sit, eo magis apparet, quod grave simul supponatur, ex quo itaque magnum reipublicæ damnum metuum est (§. 625. *Part. 8. Jur. nat. WOLF.*). Quamobrem cum pænæ tantæ licitæ sint, quantæ ad deterrendum nocituros a delicto perpetrando requiruntur (§. 637. *loc. cit.*); Adeoque si absque pœnis capitalibus coërceri nequeant crimina, eadem licitæ sint (§. 638. *ibid.*): Tanta etiam in delictum grave, quod in ipso actu seu flagranti est, pœna statui debet, quanta ad illud impediendum & coërcendum requiritur. Cum itaque hic supponatur, delictum quoddam, quod in ipso actu est, eo posse impediri, & vel aliter coërceri non posse, quam si in continenti occidatur, qui illud suscipit (*per hypoth.*): Ut impune illud fiat, concedi, imo statui debere, apparet. *Q. e. 1.*

Cum vero puniri nemo possit, nisi delicto sufficienter probato, seu nisi ejus convictus (§. 673. *loc. cit.*); Adeoque in genere, ut quis possit puniri, certum esse debeat, illum delictum istud commisisse, in quod pœna statuta est: Delictum in ipso actu, adeoque certum & extra omnis dubitationis aleam positum esse debere patet, quod delictum illud vere committatur. *Q. e. 2.*

Hanc juris criminalis in genere propositionem propterea huc traximus, ut inde demonstrari possent, quæ de fuga ex acie statim sequuntur. Ultra vero suos terminos eadem non erit extendenda. Quodsi enim de delicto vere commissio certo non constet; Sed hoc causæ cognitionem quamcunque adhuc requirat; Neque amplius eo possit impediri, si in continenti occidatur committens; Veluti si jam omnibus suis numeris sit absolutum: Nec occisio talis in continenti licere poterit. Uti suo loco erit demonstrandum.

§. 967.

Qui fugam ex acie intendunt, stante pede occidendi sunt, si illa eo possit impediri & coerceri aliter nequeat. *Si fuga ex acie eo impediatur.*

Fuga enim ex acie delictum gravissimum est (§. 607.); Ex quo itaque reipublice maximum damnum evenire potest (§. 625. alleg.). Quod & per se satis constat. Si qui itaque fugam ex acie intendunt, sive suscipiunt: Delictum quoddam grave in ipso actu esse, ut committatur, apparet. Quare cum si delictum, quod in ipso actu est, eo possit impediri & vel aliter nequeat coerceri, quam si in continenti occidatur, qui illud suscipit, hoc concedendum, imo statuendum sit (§. 966.); Qui fugam ex acie intendunt, stante etiam pede erunt occidendi, si eo illa possit impediri, & vel aliter coerceri nequeat.

Hinc etiam plerisque legibus militaribus, hoc cuivis concessum est, ut fugientem ex acie in ipso actu impune occidere possit. Quarum patrias saltem adducere liceat (§. 60. Artic. Hass. 1689. & §. 13. Artic. 1753.). Hoc vero in aliis etiam delictis obtinere debere, ex quibus damnum irreparabile oriri possit, si aliter nequeant coerceri, apparet. Uti v. gr. est abjectio armorum, recusatio pugnae & in genere seditio militaris, praesertim si ea fiat in conspectu hostis. Quoniam vero idem in genere de omnibus delictis, quae ita comparata sunt, ut eo, neque aliter, coerceri queant, demonstratum est (§. 966.): De quibuscunque in specie illud deducere superfluum foret; Adeoque de fuga ex acie id ostendisse, sufficiat.

§. 968.

Si miles desertioni aliud crimen adjungat, gravius puniendus est, quam si illa absque eodem fieret. *Desertio aggravatur alio delicto.*

Cum ea, quae cum re simul fiunt extra eandem, cum ea tamen connectuntur, circumstantiae ejusdem dicantur (*def. §. 567.*); Hic vero cum desertione aliud simul crimen committi ponatur (*per hypoth.*): Hoc ad circumstantias delicti desertionis pertinet. Per delicta vero damnum inferri constat (§. 581. Part. 8. Jur. nat. WOLF.): Si itaque desertioni aliud crimen adjungatur, plus damni inferitur, quam si illa absque hoc committeretur. Quamobrem cum milites gravius puniri debeant, si ex circumstantiis, sub quibus delinquant, eveniat nocuum, vel imminet periculum majus (§. 930.): Miles etiam gravius erit puniendus, si desertioni aliud crimen adjungat, quam si absque eadem illa fieret.

Cum circumstantiae, propter quas poenae militum graviores redduntur, aggravantia poenarum dicantur (§. 928.): Ad aggravantia poenae deser-

tionis hoc pertinere apparet. Ipso etiam jure civili illud statutum legimus (*l. 5. §. 2. ff. de Re milit.*). Facile autem apparet, hoc saltem intelligi, si poena desertionis simplicis talis ponatur, qua gravior datur. Quodsi enim desertio ea sit, quæ capite plecti debeat: Cum capitalis poena gravissima reputetur, desertionis poenam aggravari non posse, licet illi aliud crimen adjungatur, patet. Nisi forsan augmenta poenarum capitalium, quæ dicuntur (§. 610. loc. cit.), adhibeantur. Quod vero circa desertionem fieri non facile solet,

§. 969.

Si fiat cum ablatione armorum & vestitus. Quare cum miles defertor, si arma vel vestitum, & in genere res in usum belli ipsi saltem suppeditas secum abripiat, furtum simul committat (§. 634.); Furtum vero delictum fit (*per not.*): Miles defertor gravius erit puniendus, si vestitum & arma, aut alia quaecunque, in usum saltem belli ipsi suppeditata, secum auferat.

§. 970.

Aut cum derelictione stationis. Similiter, cum desertio aggravetur, si fiat cum derelictione stationis (§. 645.); Aggravantia vero delictorum aggravent etiam poenam (§. 929.): Miles, qui a statione deserit, gravius puniendus est simplice desertore.

Desertionem simplicem dici, quæ cum circumstantiis nullis aggravantibus conjuncta est, in transitu saltem monemus: Cum per se jam intelligatur. Et cum desertio stationis per se capite plecti possit (§. 963.); Illud etiam ipso jure civili (*l. 10. princ. ff. de Re milit.*), & legibus militaribus plerisque statutum sit: Desertori eo magis poena capitalis imponi poterit, si a statione simul discesserit. Non omnem vero discessum a statione cum desertione necessario connexum esse, apparet. Fieri enim potest, ut miles a statione discedens ad suos revertatur, nec simul militiam deferat.

§. 971.

Aut cum transgressionem muri vel valli. Itidem cum transgressio muri vel valli, quæ fit urbis vel munitimenti egrediendi vel ingrediendi causa, delictum fit (§. 759.). Miles vero, qui desertionem aliud crimen adjungit, gravius puniri debeat (§. 968.): Poena desertionis etiam aggravatur, si hæc fiat cum muri aut valli transgressionem.

Cum transgressio muri vel valli per se jam habeatur pro crimine capitali (§. 12. Inst. & l. fin. ff. de Rer. div. & l. 3. §. 17. de Re milit.); Multo magis desertio poena capitis plecti poterit, si cum illa fiat. Plerisque vero legibus politicis non indistincte poena capitalis, sed vel corporis afflictiva saltem statuta est. Et cum delicta militum in specie mitius puniendi sint pacis, quam belli tempore (§. 948.); Posteriori vero potissimum

tissimum interfit, ne muri aut valla transcendatur, cum ad arcendum hostem tendant: Delictum hoc belli potius, quam pacis tempore capite erit puniendum.

§. 972.

Transfugium militis ad hostem pœna capitali puniri debet.

Transfugium enim militis ad hostem non defectionem modo (§. 591.), sed & perduellionem involvit (§. 592.); Proptereaque crimen gravissimum est (§. 593.). Quare cum desertio sola capite plekti possit (§. 963.); Ejusdem pœna vero aggravetur, si cum alio delicto sit conjuncta (§. 968.); Et crimen perduellionis etiam gravissimis pœnis coercendum sit (§. 1053. *Parr. 3. Jur. nat. WOLF.*): Patet, quod transfugium militis ad hostem pœna capitali potissimum plektendum sit.

Transfugium quomodo puniendum.

Hinc etiam jure civili adeo severe in transfugas animadversum est, ut licet pœnitentia ducti redeant, nihilominus torqueri, ad bestiasque vel in furcam damnari debuerint (*l. 3. §. 10. ff. de Re milit.*). Quod vero austerum nimis visum fuit Imperatori LEONI, adeoque eo mutatum, ut si transfuga revertatur, prima vice veniam consequatur, secunda in tricennale.n, & tertia in perpetuam ac æternam servitutem detrudatur; Deprehensus vero morte puniatur (*Nov. 67.*). Ut is, qui *voleus* transfugere adprehensus, capite puniatur, statutum quidem etiam invenitur (*l. 11. ff. de Re milit.*). Cum vero delicta non solo animo committantur (§. 664.): Hoc etiam non de proposito saltem transfugiendi, sed de ipso attentato, seu potius delicto in flagranti erit intelligendum (§. 686.).

§. 973.

Ut desertio, si pœna capitali plekti debeat, suspendio puniatur, Defectio maxime convenit.

Suspendio punienda.

Desertio enim delictum maxime infame est (§. 590.); Adeoque famæ eandem præsertim nocere apparet. Cum itaque delicta militum & militaria in specie, quæ famæ potissimum nocent, infamia puniri, sive pœna infami plekti conveniat (§. 953.): Idem de defectione obtinet. Desertio vero pœna etiam capitali plekti potest (§. 953.). Quare cum suspendium sit pœna capitalis infamis maxime ulitata, quæ & militibus imponitur (*per hypoth.*): Patet, quod si desertio capite debeat puniri, illud suspendio fieri, conveniat.

Suspendium etiam esse pœnam desertorum consuetam & ubivis fere receptam, res notissima est. Infamia vero hujus delicti potissimum ex eo venit, quod perfidiam & perjurium simul involvat (§. 589.). Uti ex demonstratione §. 590. intelligitur.

§. 974.

*Corpora
suspensa-
rum an tol-
lenda.*

Ut corpora militum, in specie desertorum, suspensa tollantur & sepeliantur, juris natura non est, sed ad favorem militie referendum.

Cum enim ipso jure naturæ cadavera supplicium ultimum passorum insepulta in conspectu publico relinqui possint (§. 669. *Part. 8. Jur. nat. WOLF.*); In militia vero non appareat ratio specialis, cur militum suspensorum corpora insepulta non debeant relinqui, sed tolli & sepeliri (*per hypth.*): Nee necesse est, ut hoc fiat. Cum tamen fieri soleat (*per hyp.*): Illud jure naturæ requiri, non apparet. *Q. 1.*

Cum vero corpora paganorum suspensa in patibulo relinqui, neque tolli & sepeliri soleant (*per hyp.*); Sepultura vero inter jura referenda sit (§. 768. *Part. 6. loc. cit.*): Militibus in eo conceditur jus, quod paganis non competit; Adeoque privilegium (§. 853. *Part. 8. loc. cit.*). Illud autem juris naturæ non est, neque ejus in militia ratio datur specialis (*per dem. 1.*). Quare cum privilegia, quæ rationem necessariam in militia non habent, ad favorem militum referenda sint (§. 383.): Eo etiam referri debet, quod corpora militum in specie desertorum suspensorum tollantur & sepeliantur. *Q. 2.*

Quætionem: An desertor suspensus in patibulo relinquendus sit, movet quidem, non æque vero decidit IO. IOACH. SCHOEPPER (§. 96. *seqq. Cap. Diss. de Mil. def.*): Licet in eorum partes tandem transeat, qui insepulta corpora relinqui posse, tuentur. Cum illud jure naturæ neque præcipiatur, neque prohibeatur, sed permittatur saltem (§. 669. *cit.*): Ea vero, quæ naturaliter circa milites in specie neque præcipiuntur, neque prohibentur, sed tantum permittuntur, pro arbitrio determinari queant (§. 106.): Patet, quod hoc etiam ab arbitrio principis dependeat, quod pro circumstantiis erit determinandum. Quodsi enim plures sint, qui supplicio simul dantur; Adeoque ex putredine tot corporum, calidiori præsertim anni tempore, infectio aeris, quæ sanitati nocere posset, metuatur: Ratio sine dubio adest, ut sepeliantur potius, quam insepulta relinquantur.

§. 975.

*Injuste co-
actus non
puniciendus
si discedat.*

Si miles, qui ad militiam injuste fuit coactus, ab ea discedat, puniri nequit, & multo minus poena desertionis affici, nisi postea in militiam expresse vel tacite consenserit.

Miles enim, qui ad militiam injuste fuit coactus, si discedat, sive eam deferat, non delinquit, neque pro desertore, quoad effectum scilicet pænæ, haberi potest (§. 579.). Quare cum pænæ supponant delicta (*per dem. §. 761.*); Adeoque puniri nequeat, nisi qui deliquit, & pæ-

& pœna præsertim in delictum quoddam statuta nequeat affici, nisi qui idem commisit: Patet etiam, quod miles injuste ad militiam coactus, si ab ea discedat, puniri nequeat & multo minus pœna desertionis affici possit. *Q. e. 1.*

Cum vero injuste coactus amplius dicendus non sit, qui in militiam postea expresse vel tacite consentit; Sed talis potius utique delinquat & pro desertore habeatur, si a militia invito auctore belli discedat (§. 580. 581.): Patet, quod ad hoc, ut injuste coactus, si discedat, puniri nequeat, requiratur, eum postea in militiam neque expresse neque tacite consensisse. *Q. e. 2.*

Pluribus hoc explicatur §§. allegatis, & præsertim etiam ostendimus, nullum ex hac thesi rei militari præjudicium metuendum esse (*schol. 579.*). Cum injuste coactus dici non possit, nisi miles conductitius, neutiquam lectus: Hic demonstrata cadere etiam nequeunt, nisi in militem conductitium; Uri §. seq. 978. evincetur.

§. 976.

Si dubium sit, an miles, qui a militia discedit, ad eandem injuste Aut arbitrarie saltem fuerit coactus: Ille tamen pœna desertionis ordinaria affici nequit; Sed arbitrarie saltem.

Quodsi enim miles, qui a militia discedit, injuste ad eam fuerit coactus; nulla plane & multo magis pœna desertionis ordinaria affici poterit (§. 975.). Cum vero miles injuste ad militiam coactus, si ab ea discedat, non delinquat, & multo minus pro desertore haberi possit (§. 579.); Si dubium sit, an miles injuste fuerit coactus: Dubium quoque est, an deliquerit, & desertionis præcise delictum commiserit. Cum autem, si dubium sit, an miles præcise delictum illud commiserit, in quod pœna quædam lege statuta est, hac, adeoque ordinaria affici nequeat (§. 944.): Nec pœna desertionis ordinaria affici poterit miles, a militia discedens, si dubium sit, an injuste ad eandem fuerit coactus. Quare cum miles, si delinquat, pœna vero ordinaria locum non habeat, extraordinaria sive arbitraria puniendus sit (§. 946.): Si dubium sit, an miles, qui a militia discessit, injuste ad eam fuerit coactus: Ille pœna desertionis ordinaria affici nequit; Sed vel plane non; Vel, si deliquisse tamen videatur, arbitrarie saltem, pro arbitrio nempe judicis, puniendus erit.

§. 977.

Si desertor sit miles lectus: A pœna desertionis vel plane vel ab ordinaria saltem non liberatur; Etiam si fuerit coactus ad militiam.

Jus mil. nat.

Ecc

Qui

liberatur.

Qui enim miles legi potest, cogi etiam potest ad militiam, si nempe illam recuset (§. 43.). Quamobrem cum nihil fiat contra jus ejus, qui cogi potest, si cogatur; Adeoque injuste coactus dici nequeat, quem cogere jus est (§. 239. Part. 1. Phil. pract. univ. WOLF.): Quamprimum constat, desertorem esse militem lectum, constat etiam, illum injuste ad militiam coactum non esse. Quamobrem cum miles, qui a militia discedit, tunc demum a pœna desertionis vel plane (§. 975.), vel ordinaria saltem liberetur, si injuste sit coactus, vel saltem dubium hoc sit (§. 976.): Patet, quod a pœna desertionis vel plane vel ordinaria saltem non liberetur miles desertor, licet ad militiam fuerit coactus, si sit miles lectus.

§. 978.

Non nisi conductitius.

A pœna itaque desertionis sive in totum, sive ordinaria saltem, propterea, quod injuste sit coactus ad militiam, liberari nequit, nisi miles conductitius.

Milites enim conductitii ad militiam cogi nequeunt (§. 44.). Quod si itaque nihiloscuius actu cogantur: Contra jus eorum perfectum agi, apparet. Quamobrem cum injustum dicatur, quicquid sit contra jus alterius perfectum (§. 239. cit.): Si miles conductitius ad militiam cogatur, illud injuste fieri apparet. Cum vero milites aut lecti sint aut conductitii (§. 22.); Lectus vero, etiamsi cogatur, injuste tamen coactus dici nequeat (*per dem.* §. 977.): Injuste coactus dici nequit, nisi miles conductitius. Quare cum miles, qui a militia discedit, tunc demum a pœna desertionis vel plane (§. 975.), vel ordinaria saltem liberetur, si injuste fuerit coactus (§. 976.): Patet, quod nec propterea, quod injuste coactus fuerit ad militiam, a pœna desertionis vel in totum, vel ordinaria saltem liberari possit miles, qui discedit, nisi conductitius.

§. 979.

Non subditus, casu necessitatis superveniens.

Et si subditus extra casum necessitatis injuste coactus sit ad militiam: Illo tamen superveniente, si a militia discedat, propterea a pœna desertionis non liberatur.

Subditus enim, qui extra casum necessitatis injuste licet ad militiam fuit coactus, si casus iste supervenerit, delinquit & pro desertore recte habetur, si invito auctore belli a militia discedat (§. 58.). Quoniam itaque miles injuste coactus ad militiam, si ab ea discedat, propterea non possit puniri, seu pœna desertionis affici, quoniam non delinquit, nec

nec pro desertore haberi potest (*per dem.* §. 975.): Patet, quod subditus, qui extra casum necessitatis injuste licet coactus fuit ad militiam, si illo superveniente ab ea discedat, a pœna desertionis propterea non liberetur, quod injuste fuerit coactus.

Aliter.

Cum principia, quæ ad demonstrandum hic fuerunt adhibita, admodum sint remota & plura supponant: Evidentiori forsitan idem hoc ostenditur modo.

Subditi in casu necessitatis ad militiam cogi possunt, si illam amplecti recusent (§. 41.); Extra eum casum vero non æque (§. 45.). Quodsi itaque extra casum necessitatis subditi ad militiam cogatur: Eundem injuste coactum esse apparet (§. 239. *Part. 1. Phil. pr. un. WOLF.*); Adeoque ad militiam non fit obligatus (§. 46.). Si vero casus necessitatis superveniat, subditus antea injuste coactus utique eo redditur obligatus (§. 50); Atque idem est, ac si antea coactus non fuerit (*per dem. ibid.*). Quare cum miles injuste demum coactus, si discedat a militia, a pœna desertionis propterea liberetur (§. 975.): Liberari propterea nequit subditus ab eadem, quod injuste ad militiam sit coactus, si casus necessitatis supervenerit.

Cum in casu necessitatis milites legi possint subditi (§. 23.): Subditus, qui extra eum conductus saltem, & vel injuste coactus est, illo superveniente legi poterit, adeoque miles lectus fit. Quamobrem cum miles lectus propterea a pœna desertionis non liberetur, quod coactus fuerit (§. 977.): Nec subditus liberabitur, qui antea ad militiam fuit coactus, si casus necessitatis supervenerit.

§. 980.

Quamobrem cum milites ad bellum gerendum necessarij sint (§. *Nec si in* 17.); Adeoque facile appareat, casum necessitatis, quo nempe subditi *bello defe-* legi possunt milites, existere, si bellum actu geratur; Casu vero illo *rat.* superveniente propterea non liberetur a pœna desertionis subditus, quod antea injuste fuerit coactus ad militiam, si tunc demum ab ea discedat (§. 979.): *Nec miles subditus, si in ipso bello deserat, propterea liberatur a pœna desertionis, quod antea extra casum necessitatis, adeoque injuste, coactus fuerit ad militiam.*

Ita quidem satis restringi videbitur exemptio a pœna vel omni, vel ordinaria saltem, quam milites desertores propterea sibi vindicare possent, quod ad militiam fuerint coacti. Monuimus etiam jam supra, quod positis omnibus limitationibus, uti poni debent, non facile eveniet casus, quo miles injuste licet ad militiam coactus, absque delicto

eam deferere possit (*schol.* §. 382.). Adeoque nec propterea pœnam facile effugere poterit. Quod in gratiam eorum adjicimus, qui forsitan putarent, ea, quæ hæcenus fuerunt demonstrata, militibus desertoribus patrocinari. Porius enim illis omnis eo tollitur excusatio, quam rem intimius non inspicientes alias militibus a coactione injuncta conciliare student: Cum hæc æctis admodum limitibus circumscribatur, ut pro injusta tempore defectionis adhuc haberi non possit, licet eam antea vis injustæ macula laborasse, negari nequeat.

§. 981.

Pœna defectionis cessat obligatione sublata. Si obligatio militis ad militiam fuerit sublata; Sive: Si miles ad militiam amplius non obligetur: Pœna defectionis affici non potest, si ab ea discedat.

Ut enim defectio sit delictum, eadem obligationem ad militiam supponit (§. 378.). Quodsi itaque obligatio hæc militis fuerit sublata: Delictum defectionis amplius ab ipso non potest committi. Quamobrem cum ad id, ut miles pœna in delictum quoddam statuta afficiatur, opus sit, imo certum constare debeat, eundem illud delictum commisisse (§. 943.): Patet, quod si miles amplius ad militiam non sit obligatus, nec pœna defectionis affici possit, si ab ea discedat.

§. 982.

Us & insoluto a militia. Hinc cum facile intelligatur, quod is, qui a militia solvitur, ad eam amplius non obligetur (*dem.* §. 511.); Miles vero, qui ad militiam amplius non obligatur, pœna defectionis nequeat affici, si discedat (§. 981.); Miles etiam, qui a militia solvitur, pœna defectionis affici nequit, si, invito licet auctore belli, discedat.

Militiam etiam proprie deferere, sive ab ea discedere dici nequit, qui ad eam non obligatur, seu eadem solvitur. Relinquere enim quis non potest, quod non habet.

§. 983.

Item si militi non præstentur ea, quæ ipsi debentur, & licet de eo debito modo conquestus sit, remedium non afferatur: Is, si a militia discedat, puniri, & præsertim pœna defectionis affici nequit.

Militibus enim ab auctore belli præstari debent ea, sine quibus obligationibus suis nequeunt satisfacere (§. 338.). Quare cum jus ex obligatione oriatur (§. 23. Part. 1. Jur. nat. WOLF.): Jus hoc militum, ut nempe ipsis eadem præstentur, obligationem in auctore belli supponit. Quodsi itaque militi non præstentur ea, quæ ipsi debentur, auctor belli obligationi suæ non satisfacit. Inter auctorem belli vero & milites

milites pactum, & tacitum saltem (*schol. §. 40.*), intercedit (§. 51.). Quare cum, si duorum paciscentium unus non præstet, quod debet, nec alter ad præstandum, quod vicissim debet, obligetur (§. 327. *Part. 3. loc. cit.*); Obligatio vero militum mutua generalis sit ad militiam præstandam (§. 131.): Nec milites in eo casu ad militiam amplius obligantur; Neque adeo obligationi suæ adversantur, si a militia discedant; Nec delinquant (§. 540.). Quare cum miles, qui ad militiam amplius non obligatur, pœna desertionis nequeat affici, si discedat (§. 981.); Miles vero, qui non delinquit, nec puniendus sit (*per dem. §. 761.*): Patet, quod miles, cui ea non præstantur, quæ ipsi debentur, neque puniri, neque præsertim desertionis pœna affici possit. *Q. c. 1.*

Cum vero ea, quæ militibus debentur, non immediate ipsis præstari soleant ab auctore belli, sed ab aliis, quibus hic illud commisit, veluti præfectis (*per hypoth.*); Hi vero imperio aliorum (§. 201.), & vel auctoris belli subsint (§. 205.); Non statim dici potest, quod auctor belli obligationi suæ non satisfaciat, si militi ea non præstentur, quæ ipsi debentur. Quare cum in hoc casu milites exigere possint, ut vi adigantur, qui ipsis non præstant, quæ debentur (§. 362.): Quin etiam ad prius de eo conquerendum obligentur, & querelis eorum medela prius recusari debeat, dubitari nequit, antequam ab obligatione sua reciproca solvantur. Quamobrem cum propterea miles, cui ea non præstantur, quæ debentur, a pœna desertionis liberetur, quod ad militiam amplius non obligetur (*per dem. n. 1.*): Patet, quod hoc intelligi non debeat, quam si debito modo conquestus sit antea, remedium autem non allatum. *Q. c. 2.*

Non vero requiri posse a militibus, ut querelas suas ad ipsum usque auctorem belli deferant: Cum nec hic semper adsit; Sed sufficere debere apparet, si vel saltem conquerantur apud eos, quibus subsint ii, qui ipsis non præstant, quæ debentur. Et, ut decenti etiam modo id faciant, requiritur. Cum alias si v. gr. stipendium vociferentur, in delictum incident (§. 747.).

§. 984.

Hinc si militi non servantur ea, quæ ipsi promissa sunt: Is, si, de *Ant non super motis, sed non auditis querelis, discedat, non puniri & multo mi servantur promissa.* *nus desertionis pœna affici poterit.*

Ad ea enim, quæ promissa sunt, obligatur promissor promissario (§. 363. *Part. 3. Jur. nat. WOLF.*). Cum itaque ea, ad quæ quis obli-

gatur, debita dicantur (§. 170. *Part. 1. Phil. pract. univ. ej.*): Ea quæ cuiquam promissa sunt, eidem deberi apparet. Quamobrem cum promissum servari dicatur, si præstetur, quod se præstiturum quis affirmavit (§. 430. *Part. 3. cit.*); Promissa vero servanda sint (§. 431. *ibi. t.*): Si promissa non servantur militi, ea, quæ ipsi debentur, non præstari, apparet. Quare cum si militi ea non præstentur, quæ ipsi debentur, & licet, si debito modo de eo conqueratur, remedium non afferatur, puniri & multo minus desertionis pœna affici possit, si discedat (§. 983.): Patet, quod idem in eo casu obtineat, si militi non servantur ea, quæ ipsi promissa sunt.

§. 985.

Licet querelas non moveris.

Quodsi vero miles, cui non præstantur, quæ ipsi debentur, aut non servantur, quæ promissa sunt, absque querelis antea motis discedat: Pœna quidem, non vero desertionis ordinaria, affici poterit.

Cum in milite, cui ea non præstantur, quæ debentur, adeoque & non servantur, quæ promissa sunt (*dem. §. 984.*), cesset obligatio ad militiam (*dem. §. 983. n. 1.*); Cessante vero hac obligatione, miles, qui discedit, pœna desertionis affici non possit (§. 981.): Nec pœna desertionis locum habere potest in milite, cui ea non præstantur, quæ ipsi debentur, aut promissa non servantur. *Q. e. 1.*

Cum vero talis antea debito modo conqueri debeat (*dem. §. 983. n. 2.*): Si absque querelis motis discedit, obligationi suæ non satisfacit (§. 536.). Quamobrem cum miles, qui obligationi suæ non satisfacit, delinquat (§. 540.): Miles, cui debita non præstantur, seu promissa non servantur, si absque querelis motis discedat, delinquit. Cum itaque in delicta militum pœnæ statuendæ sint (§. 761.), seu, quod idem est, milites delinquentes puniri debeant: Patet etiam, quod licet miles, cui debita non præstantur, aut promissa servantur, si absque querelis motis discedat, pœna desertionis ordinaria affici nequeat (*per dem. n. 1.*), puniri tamen debeat. *Q. e. 2.*

Fieri enim potest, ut miles vel debitum modum querelas proponendi ignoret, vel metu pœnæ deterreatur ab iis proponendis: Cum in eorum prolationem, præsertim si in modo forsan peccetur, severe admodum plerumque soleat animadverti; Et, adducente SCHOEPPERO, militibus vix integrum sit, injurias sibi illatas publice profiteri (§. 36. *Cap. 3. Diff. de Militis deserture*).

§. 986.

Cum itaque miles, cui debita non præstantur, aut promissa non *Arbitraria* servantur, si absque querelis motis discedat, pœna quidem desertionis *tamen* extraordinaria affici nequeat (*per dem. §. 985. n. 1.*), attamen delinquat (*ibid. n. 2.*); Miles, vero qui delinquit; Pœna tamen ordinaria affici nequit, extraordinaria sive arbitraria plesti debeat (§. 946.): Miles, cui debita non fuere præstita, aut promissa non servata, si absque querelis desuper motis discedat a militia, sive deserat eandem, arbitrario puniendus est.

§. 987.

Si miles ad certum tempus capitulatus, illo elapso, & dimissione *Si ultra* rogata, non vero impetrata, seu denegata, discedat, puniri nequit, & tempus *retineatur.* multo minus pœna desertionis affici.

Miles enim, qui ad certum tempus capitulatus est, si illo elapso, dimissione rogata, sed recusata, a militia discedit, proprie non delinquit, & multo minus pro desertore haberi potest (§. 586.). Quare cum puniri nequeat, nisi qui delinquit (*per dem. §. 761.*), & præsertim pœna in delictum quoddam statuta affici, nisi qui hoc commiserit (§. 943.): Miles etiam, qui ad certum tempus capitulatus, eo elapso, venia rogata, sed denegata, discedit, puniri nequit, & multo minus desertionis pœna affici.

Cum miles, qui ad certum tempus capitulatus est, illo elapso non ultra retineri, sed dimitti debeat (§. 503.); Capitulatio vero contractus (§. 55.), adeoque & pactum (§. 53.); Consequenter illud sit ex promisso, quod nempe miles tempore capitulatione expresso debeat dimitti (*dem. §. 51.*): Facile patet, quod in eo casu, si talis non dimittatur, sed ultra retineatur, ipsi non præstetur, quod debetur, aut promissa non servantur. Quare cum in utroque casu miles pœnam, desertionis præsertim, effugiat (§. 983. 984.): Ex his etiam demonstratio peti poterit. Cum vero non obstante hoc militum jure, ut tempore elapso debeant dimitti, ad exigendam tamen dimissionem obligentur (§. 298.): Prius iisdem non præstiti debita, aut servari promissa dici nequit, quam si dimissio rogata ipsis denegetur. Quamobrem cum & non nisi querelis desuper motis, & medela non allata a pœna demum absolvendus sit miles (§. 983. 984. *cir.*): Nec prius hoc in casu præsentis procedet, nisi dimissio rogata, militi vero recusata fuerit.

§. 988.

Si miles, qui ad certum tempus capitulatur est, illo elapso absque *Licet di-* dimissione rogata discedit: Pœna quidem, non vero desertionis ordinaria *missionem* afficiendus est. *non rogave-*

rit.
Miles

Miles enim, qui ad certum tempus capitulatus est, si illo elapso absque dimissionis rogatione discedat, delinquit quidem, proprie vero desertor non est (§. 585.); Neque adeo desertionem committit (§. 682.). Quamobrem licet in delicta militum pœnæ statuendæ sint (§. 761.); Pœna tamen in delictum quoddam in specie statuta plecti nequeat, nisi qui idem commisit (§. 943.): Patet, quod miles, qui ad certum tempus capitulatus est, si illo elapso absque dimissionis rogatione discedat, puniendus quidem sit, neutiquam vero pœna desertionis ordinaria affici possit.

Quod vero talis pro desertore haberi nequeat, neque adeo desertionem proprie committat: Exinde est, quod miles ad tempus certum capitulatus, si illud effluxerit, ad militiam amplius non obligetur (§. 502.); Absque obligatione vero ad militiam desertio non committatur (§. 578.). Quare nec talis invito auctore belli discedere proprie dicendus est: Cum hic dissentire nequeat, adeoque pro consentiente habendus sit (*per dem.* §. 585. n. 2.). Idem vero etiam ostendi posset ex iis, quæ §. 985. fuere demonstrata. Militi enim, qui tempore capitulationis elapso non dimittitur, non præstari, quæ debentur, aut servari promissa, ad §. præced. jam evicinus. Quemadmodum itaque miles, cui debita non præstantur, aut promissa non servantur, si absque querelis moris discedat, pœna quidem, non vero desertionis ordinaria puniendus est (§. cit.). Ita etiam de milite, qui tempore capitulationis elapso, absque dimissionis rogatione discedit, idem apparet. Cum proprie vero militi, cujus tempus elapsum est, debita non præstari, aut promissa non servari diu nequeat, nisi dimissio rogata ipsi fuerit denegata (*sebol.* §. 987.): Illud potius ex alio principio magis evidenti, obligationis ad militiam nempe deficientis, deducendum visum fuit. Cum tamen legibus positivis statui possit, ut talis, qui absque dimissione rogata discedit, pro desertore habeatur (*sebol.* §. 585.): Patet, quod in hoc casu pœna etiam desertionis ordinaria debeat plecti.

§. 989.

*Arbitrarie
tamen pu-
niendus.*

Cum itaque miles, qui tempore capitulationis elapso sine dimissionis rogatione discedit, delinquat quidem (§. 585.); Adeoque puniendus sit; Pœna vero desertionis ordinaria affici nequeat (§. 988.); In eo vero casu, si miles delinquat, pœna tamen ordinaria plecti nequeat, arbitraria quadam puniri debeat (§. 946.): Miles, qui ad certum tempus capitulatus illo elapso absque dimissione rogata discedit, arbitrarie solum puniendus est.

Idem supponitur, ut ad §. præced. monuimus, lege positiva statutum non esse, ut talis pro desertore habeatur, adeoque & ordinaria desertionis pœna in eum animadverti debeat. Propter consensum enim, quem

militis.

milites conductitii etiam, qui ad certum tantum tempus capitulantur, in leges militares & pœnas iisdem statutas, vel juramenti præstatione præbent (§. 155.), illis injuria non fit, si vel gravissima pœna, quæ statuitur, ipsis infligatur (§. 156.). Aliud vero est, an lege naturali consentiente quid statuatur.

§. 990.

Si miles in pace deferat, mitius puniendus est, quam si in bello.

Mitius, qui in pace deserit.

Cum enim desertio delictum sit (§. 577.): Miles, qui deserit, militiam nempe, delinquit. Quare cum milites, qui pacis tempore delinquant, æque quidem, mitius tamen puniendi sint, quam si belli tempore idem delictum committant (§. 948.): Idem etiam de milite, qui in pace deserit, apparet.

Id quod etiam juri civili romano consentaneum est. Statuit enim, quod miles, qui in pace deserit, si eques, gradu pellatur, si pedes, militiam mutet; Si vero in bello, capite puniatur (l. 5. §. 1. ff. de Re milit.). Amo cum desertor haberi debeat, quisquis belli tempore aberit a signis (l. 1. Cod. de Desertor.): Desertionis delicto, adeoque & pœnæ, facilius belli quam pacis tempore locum concedi apparet. Si praxin hodiernam spectes: In desertores deprehensos absque respectu belli vel pacis ubivis fere pœna quidem capitis statuitur. Negari vero non poterit, quod eadem non ita facile executioni detur pacis, quam belli tempore, & vel ex gratia principis plerumque mitigetur. In pœna vero desertoribus ultro redeuntibus determinanda, cum ea non capitalis, sed corporis afflictiva saltem sit, utique respici solet, an tempore belli vel pace discesserint, ita, ut licet eodem pœnæ genere plestantur, gradus tamen admittantur, & vel temporis, quo v. gr. ad opus publicum condemnari esse debeant, ratio habeatur.

§. 991.

Si miles deferat, qui nondum juravit, mitius eundem puniri convenit.

Item, qui nondum juravit.

Juramentum equidem novam obligationem non producit (§. 111.); Adeoque fortiter æque obligatur miles, si non juravit, quam si juraverit; Et hinc etiam si obligationi huic deferendo militiam adverteretur, æque delinquit (§. 540.), & in specie desertor est (§. 576.). Cum vero juramentum illud militare propterea potissimum sumi soleat a militibus, ut obligationis suæ majorem sensum habeant (dem. §. 148), quo itaque carent, si non jurent: Fieri facile poterit, ut miles, si nondum juraverit, obligationem suam non adeo credat fortem, neque tantum sibi delinquere persuadeat, quam juramento præfinito. In hoc casu vero militiam militis tantam non esse apparet, quam si juraverit, & eo

Jus mil. nat.

FFF

ipfi

ipsi vinculum firmissimum impositum esse, agnoscat. Quamobrem cum in gravitate pœnæ determinanda ratio etiam habenda sit malitiæ (§. 632. *Part. 8. Jur. nat. WOLF.*); Adeoque mitius puniendum sit delictum, quo minor ex ipso elucet malitia: Patet, quod licet jûris stricti non sit, conveniat tamen, mitius puniri militem, qui juramentum nondum præstito discedit.

Hoc vero supponit, moris esse, ut juramentum præsteretur ab iis, qui militiæ nomen dant. Ubi enim illud plane non suserit: Ibi etiam, cum juramentum novam obligationem non inducat (§. 151.), ratio non adest, cur mitius puniri debeant desertores, quam alibi, ubi juramentum in necessitatem fere abiit. Hinc etiam videmus, ut Batavorum jure militari æque pœna capitis in desertores, & vel in attentantes, vel apparentes solum statuta sit (§. 16. 21. 24. & *alii des Holland. Kriegsgesets von 1590.*). Licet apud eosdem juramentum militare non obtineat,

§. 992.

*Desertio
iterata
gravius pu-
nienda.*

Desertio iterata gravius punienda est, quam si prima saltem vice fuerit commissa.

Cum enim desertio delictum sit (§. 577.): Miles, qui iterata vice deserit, delictum idem iterato committit. Quamobrem cum miles, si vice repetita delinquit, in primis vero idem delictum committat, gravius puniendus sit, quam si prima saltem (§. 938.): Idem etiam de desertore, & adeo apparet, desertionem iteratam gravius esse puniendam, quam si eadem prima saltem vice committatur.

Hoc tamen non obstat, quo minus desertio prima vice commissa, capite statim puniatur: Desertio enim tantum delictum est, ut in eam simpliciter pœna capitalis statui possit (§. 963.). Supponitur itaque desertionem talem non esse, quæ capite plecti posset, sed propter circumstantias mitiorem pœnam mereri. Et in eo casu utique circa desertionem iteratam gravior & vel capitalis obtinebit, quæ in prima locum non inveniret. Jure romano idem constitutum invenimus: Cum desertor alibi, quam in urbe, deprehensus, ex prima desertione restitui poterit, iterum deferendo vero capite puniendus fuerit (*l. 5. §. 3. ff. de Re milit.*).

§. 993.

*Mitius de-
sertor, qui
revertitur.*

Si desertor ultro, sive sponte sua, revertatur, mitius puniri debet, quam si capiatur.

Desertio enim in discessu a militia consistit (§. 576.). Quare eum eadem delictum sit (§. 577.): Quamdîu absens manet miles desertor, tamdiu delictum desertionis continuatur. Quodsi vero desertor sponte revertatur: Et si vere deliquerit; Delictum tamen porro se continuare nolle,

nolle, & animum delinquendi depositurum esse, eo testatur. Si vero desertor sponte non revertatur, sed capiatur: In delicto perseverat, neque animum delinquendi deposuisse, dici poterit. In priori itaque casu spem emendationis adesse, in posteriori vero abesse, facile apparet. Quamobrem cum miles delinquens, si in ipso spes sit emendationis, mitius puniri debeat, quam si spes ista desit (§. 934.): Patet etiam, quod desertor, si ultro sive sponte sua revertatur, mitius puniri debeat, quam si capiatur.

In eo etiam omnes consentire videntur leges militares, ut mitius puniatur desertor ultro reversus, quam captus, & ipsum etiam jus romanum (*l. 5. princ. & §. 4. ff. de Re milis.*).

§. 994.

Desertor vero ultro reversus, pro temporis, quo absuit, spatio, puniendus est. Pro tempore absentie.

Desertor enim, qui diutius abest, majorem in delicto perseverandi animum prodit, quam qui brevius. Minorem itaque etiam emendationis spem præ se fert ille, quam hic. Id quod vel absque ulteriori demonstratione cuivis facile probabitur. Cum vero miles propter spem emendationis mitius puniri debeat (§. 934.): Mitius puniendus erit miles, in quo spes emendationis major est; Gravius vero, in quo minor. Quamobrem cum desertor, qui diutius abest, minorem præbeat spem emendationis, majorem vero, quibrevius (*per super.*); Adeoque longius vel brevius tempus, quo desertor ultro reversus absuit, pœnam graviores aut mitiores efficiat: Patet, quod desertor ultro reversus, pro temporis, quo absuit, spatio puniendus sit.

Hoc itidem praxi militari convenit, & nonnunquam etiam ipsi legibus militariibus statui solet. Sic articulis Hassiacis, qui anno superiore 1753. aucti prodierunt, constitutum est, ut qui ante annum revertitur, decursione saltem per vites; Qui vero diutius emanet, opere publico puniatur (§. 59.). Imo jure etiam romano temporis, quo quis in desertione fuit, ratio habenda est (*l. 5. princ. ff. de Re militari.*). Et qui post quinquennium demum se obtulit, deportatus fuit (*l. 13. §. 6. ibid.*).

§. 995.

Pœna desertoris, sponte reversi capitalis esse nequit.

Non capite.

Desertor enim ultro reversus mitius propterea puniendus est, quoniam in ipso spes emendationis deprehenditur (*per dem. §. 993.*). Quamobrem cum miles delinquens, si in ipso emendationem liceat sperare, pœna emendatrice puniri debeat, & potius saltem, quam si spe ista desit.

fituatur (§. 934.): Desertor ultro reversus pœna etiam emendatricæ puniendus erit. Cum itaque pœnæ militum emendatricæ nequeant esse capitales (§. 933.): Nec pœna desertoris sponte reversi eadem esse poterit.

In transfuga quidem redeunte aliud statutum est jure romano (l. 3. §. 10. loc. cit.). Quod vero reipublicæ magnopere nocumenta esse, magnamque rationem ad salutem iter monstrantium contrarietatem gignere, adeoque abrogandum visum fuit Imperatori LEONI. Cujus quidem optimam addit rationem, simplicibus etiam desertoribus applicandam. *Necessitatem enim, inquit, transfugis inducit, ne unquam recedantur suorum, neque revertendi in patriam concipiant desiderium. Nullus est enim omnium, qui cum se istiusmodi pœna excipiendum sciat, inter hostes vivere, quam tam acerbam in patria mortem subire non malit. Et: Eum, qui delinquit, deindeque suapte sponte ad mendendum delicto respiscit, tam acerbè puniri, quomodo non est iniquum* (Nov. Leon. 67.).

§. 996.

Quando pœna infami. Si desertoris sponte reversi nomen patibulo jam sit affixum, cum pœna infami plecti convenit.

Cum enim nominis ad patibulum affixio sit pœna infamiæ (§. 848.), adeoque infamis (§. 846.); Miles vero, qui pœnam infamiæ patitur (§. 808.), seu pœna infami afficitur, infamis fiat (§. 849.): Desertor, cujus nomen patibulo affixum est, infamis est. Cum itaque miles, infamis factus in communione vel societate cum aliis esse nequeat, qui nempe integra fama gaudent (§. 810.); Si desertori tali sponte reverso pœna infligenda est, per eandem in communionem vel societatem cum aliis venire non debet, qui sunt integræ famæ. Quemadmodum itaque pœnam infamem inferri non convenit, nisi a persona infami (§. 851.): Ita etiam facile apparet, quod tali pœnam infligi non conveniat, nisi a persona infami, sive si ejusdem inflictio actû quodam corporali non egeat, eundem saltem in communionem vel societatem aliorum, quam infamium, venire non debere. Quamobrem cum facile clucescat, pœnam, quæ a persona infligitur, vel per quam quis in societatem infamium redigitur, infamem esse (§. 851. & per not.): Patet etiam, quod desertorem ultro reversum, cujus nomen patibulo jam affixum est, pœna infami plecti conveniat.

Et sane, si non daretur modus, infami famam restituendi: Non veniret modo, sed aliter fieri non posset, quam ut desertor talis pœna infami plecteretur. Cum vero famam restitui posse constet, & mox etiam ostenderetur; Adeoque & desertori ejusmodi infami fama antea queat restitui, quam pœna afficiatur: Ratio quidem necessitatis non adest, ut infami plectatur; Convenire tamen, ex demonstratis apparebit. Et hoc eo magis

magis, quia desertor ultro reversus, pro temporis, quo absuit, spatio puniendus sit (§. 994.). Quodsi enim tamdiu in desertione perseveraverit, ut nomen ejus insuper patibulo fuerit affixum: Impurè sibi, quod eo infamiam sibi contraxerit. Et cum ante nominis affixionem citari & ad reverrendum invitari soleant desertores absentes (*per hypoth.*): Majorem hoc etiam prodit malitiam & delinquendi perseverantiam in iis, qui huic invitationi non obtemperant, & eo mitiorem sibi pœnam conciliare student.

§. 997.

Desertor sponte reversus, ejus nomen patibulo jam affixum est, apud Apud commentariensem carere detinens non convenit.

Cum milites, antequam puniantur, carere detinendi sint (§. 910.), ^{sem quam} Desertor vero sponte reversus, mitius licet, puniendus tamen sit (§. ^{do non in-} *carceran-* 993.); Ipsum etiam antea carere detinendum esse, apparet. Cum vero desertor, ejus nomen patibulo affixum est, infamis sit (*per dem.* §. 995.); Infamem vero apud commentariensem carere detineri non conveniat (§. 914.): Idem etiam nec circa illum convenire patet.

§. 998.

Pœna desertoris sponte reversi, nec infamis esse debet aut potest, nisi Quando nomen ejus patibulo jam sit affixum.

Desertor ultro reversus pœna emendatrice puniendus est (§. 995.). ^{nec pœna} Cum itaque pœne militum emendatrices nec infames esse possint (§. ^{infami ple-} *stendus,* 933.): Nec pœna desertoris ultro reversi infamis esse poterit. *Q. e. i.*

Cum tamen conveniat, desertorem ultro licet reversum, si nomen ejus patibulo jam sit affixum, pœna infami affligi (§. 996.); Et quod possit, imo debeat, satis appareat (*per dem. & schol. ibid.*): Patet, quod illud de desertore ultro reverso pœna infami non affligendo eo sit restringendum, nisi nomen ejus patibulo jam sit affixum. *Q. e. 2.*

§. 999.

Desertor a patre oblatus, mitius puniendus est, quam si capiat; Mitius de- Et pœna quidem emendatrice solum, adeoque non capitali, neque infami. Desertor a pa-

Cum parentes obligentur ad liberos perficiendos, non vero perden- ^{treoblatus.} dos (§. 637. & seqq. Part. 7. Jur. nat. WOLF.): Patrem, qui filium desertorem reducit, non ejus interitum, sed emendationem potius intendere, præsumendum est. Cum vero desertor deliquerit (§. 577.); Adeoque rempublicam leserit (*per dem.* §. 547.): Reipublicæ etiam ad pœnam obligatur (§. 1071. Part. 1. loc. cit.). Si itaque pater filium desertorem reducat, eo efficit, ut reipublicæ tribuatur, quod suum est;

Fff 3

Adeo-

Adeoque de republica bene meretur. Quamobrem cum ob parentum merita in rempublicam liberis pœna remitti, & multo magis mitigari possit & debeat (§. 660. Part. 3. loci cit.): Patet, quod desertor a patre oblatus mitius puniendus sit, quam si capiatur. *Q. e. 1.*

Cum vero pater per oblationem filii desertoris non interitum ejusdem, sed emendationem intendat (*per dem. n. 1.*); In determinanda vero pœna filii talis ad patrem respiciendum sit (*dem. ibi. l.*): Pœna etiam tali afficiendus est, per quam emendatio ejusdem potest obtineri. Quamobrem cum pœna, quæ alicui eo fine infligitur, ut animum delinquendi mutet, adeoque emendetur, emendatrix dicatur (*def. §. 931.*): Patet, quod desertor a patre oblatus pœna saltem emendatrice debeat plecti. *Q. e. 2.*

Et cum pœnæ emendatrices capitales aut infantes esse nequeant (§. 933.): Nec tali quadam pœna eundem affici debere, statim simul patet. *Q. e. 3.*

Ex eo forsitan etiam deduci posset, quoniam desertor a patre oblatus propter unitatem personæ, quæ quidem jure civili inter ipsos fingitur, pro reverso potius, quam capro debeat haberi. Ille verò mirius hoc puniendus sit (§. 993.). Et cum ex pœna infamæ, qualis & in desertore capitalis est (§. 973.), etiam in agnatos infamia quædam secundum saltem vulgi opinionem, redundet; Iniquum esset, cum simul infamia, aut ejus saltem opinione affici, qui suppresso affectu paterno se civem bonum præbuit. Jus romanum, quod idem sentit, hanc addit rationem, *ne videatur pater ad supplicium obrulisse* (l. 13. §. 6. ff. de Re milit.). Quæ quidem cum ea consentit, quam ab initio attulimus, quod nempe pater interitum filii eo intendere præsumi nequeat.

Hæc quidem potissimum ea ~~causæ~~, quæ pro mitigatione pœnæ desertionis faciunt, quorum quidem plura adhuc adducuntur a SCHOEP-
FERO (§. 30. & seqq. cap. 3. Diss. de Militæ def.). Inter quæ vero spuria etiam occurrere videntur, uti v. gr. si desertor alium substituat, si magna copia militum haberi possit (§. 44. 45. loci cit.) & alia forsitan.

§. 1000.

Qui e carcere fugit, desertor non est.

Miles, qui e carcere aufugit, pro desertore non habendus, & puniendus quidem propterea, non vero desertionis pœna afficiendus est.

Militem enim, qui e carcere aufugit, non animo militiam deserendi, sed metu pœnæ tantum discedere, apparet & hic supponitur (*per hypoth.*). Quare cum ad delictum desertionis requiratur, ut discessus militis fiat animo militiam deserendi (§. 668.): Miles, qui e carcere aufugit, desertionem non committit. Cum itaque pro desertore haberi non possit, nisi qui desertionem committit (§. 682.): Patet etiam, eundem pro desertore habendum non esse. *Q. e. 1.*

Cum

Cum vero ad id, ut quis pœna in delictum quoddam statuta afficiatur, necesse sit, eundem delictum illud commisisse (§. 943.); Miles vero, qui e carcere aufugit, non committat desertionem (*per dem. n. 1.*): Nec hunc pœna desertionis afficiendum esse apparet. *Q. 6. 2.*

Denique cum miles vel in pœnam (§. 903.), vel pœnæ saltem imminenti gratia carcere detineatur (§. 910.); Pœnæ vero non nisi in delicta statuuntur (*dem. §. 761.*): Militem, qui e carcere aufugit, deliquisse apparet. Cum vero delicto quolibet damnum detur, vel injuria inferatur (§. 580. *Part. 8. Jur. nat. WOLF.*), & quidem vel ipsi reipublicæ, vel privato saltem (§. 581. *ibid.*); Adeoque miles, qui aufugit e carcere, vel ipsam rempublicam, vel privatam saltem lædat: Illi etiam vel huic minimum ad pœnam obligatur (§. 1071. *Part. 1. loc. cit.*). Si itaque pœnæ vitandæ gratia aufugiat e carcere, obligationi huic adversatur. Quamobrem cum miles, qui obligationi suæ contraria agit, delinquat (§. 540.); In delicta vero militum pœnæ sint statuendæ (§. 761.): Militem, qui e carcere aufugit, propterea etiam puniendum esse apparet. *Q. 6. 3.*

Huic admodum consentit jus romanum. *Ejus enim fugam, qui cum sub custodia vel in carcere esset, discesserit, in numero desertorum non computandum est, statuitur: Quia custodie refuga, non militiæ desertor sit (l. 13. §. 5. ff. de Re milit.).* Adeo tamen severe in eundem animadvertit, ut eum, qui carcere effracto fugerit, etiamsi ante non deseruerit, capite puniendum, PAULUS scripserit (*loc. cit.*).

§. 1001.

Miles itaque, delicti alicujus reus, gravius puniendus erit, si e carcere aufugiat, quam absque eo foret.

Cum miles, qui carcere detinetur, pœnæ gratia detineatur (*per alleg. §. 1000. n. 3.*); Pœnæ vero non nisi in delicta statuuntur (*per dem. §. 761.*): Militem, qui carcere detinetur, delicti jam reum esse, apparet. Quodsi vero e carcere aufugiat, denuo delinquit (*per dem. §. 1000. n. 3.*); Adeoque delicto illi, cujus gratia carcere inclusus fuit, aliud adhuc adjungit. Quamobrem cum miles gravius puniendus sit, si delicto uni aliud adjungat, quam absque hoc foret (*per dem. §. 963.*): Patet etiam, quod miles delicti cujusdam reus gravius sit puniendus, si e carcere aufugerit, quam absque eo foret.

Hæc etiam sententia juris romani esse videtur, dum statuit, eum, qui carcere effracto effugerit, capite puniendum esse, licet ante non deseruerit (*loc. ad §. 1000. cit.*); Adeoque licet pœna delicti, quod antea commisit, tanta non sit.

§. 1002.

§. 1002.

*Us & frequentia desertio-
lii.* Si desertio, vel in genere delictum militare quodcumque, frequens illud pœna coercendum est (§. 629. Part. 8. Jur. nat. WOLF.). Quamobrem cum facile intelligatur, delicta militaria esse delicta (§. 543.); Imo sint crimina (§. 547.); Et desertio præsertim delictum gravissimum sit (§. 588.), quod per se graviori jam pœna coercendum est (§. 925.): Patet etiam, quod desertio, vel delictum militare quodcumque, si frequens sit, gravius debeat puniri.

§. 1003.

*Et desertio-
nis præme-
ditatio.* Si desertio fuerit præmeditata, graviori pœna coercenda est, quam si ex impetu affectuum fiat.

In genere enim, si delictum vel crimen fuerit præmeditatum, graviori pœna illud coercendum est, quam affectuum impetu susceptum (§. 631. loc. cit.). Quare cum desertio delictum sit (alleg. §. 1002.): Idem de hac statim apparet.

Et ita, cum de specie prædicari possint, quæ de genere (§. 235. Log. WOLF.): Plura etiam, quæ delictis in genere conveniunt, de desertione vel delicto militari alio quocumque ostendi possent. Cum vero applicatione cuius pronahoc saltem indigeat: Eidem potius supersedendum credimus.

§. 1004.

*Desertio
attentata
punienda.*

Desertio tantum attentata puniri quoque potest & debet.

Desertio enim, licet tantum, delictum est (§. 678.). Quare cum delicta militum punienda sint (§. 761.): Quod desertio attentata etiam puniri possit & debeat, dubium esse nequit.

Cum pluribus demonstratum fuerit, illam esse delictum; Ex eo vero sequatur, quod punienda sit: In hoc demonstrando breviorē esse licuit. Et cum variis modis desertio possit attentari, qui §. 676. & seqq. explicati fuere: Pater, quod in iisdem omnibus pœnæ locus sit.

§. 1005.

*Quinam
pœna de-
sertionis
ordinaria
afficiendus.*

Pœna desertionis ordinaria affici nequit, nisi qui pro desertore recte habetur.

Pro desertore enim haberi nequit, nisi qui desertionem aut jam commisit, aut actu saltem committit (§. 682.). Quamobrem cum ad id, ut miles pœna ordinaria pleclatur, necesse sit, eundem illud delictum vere commisisse, aut committere, in quod pœna illa statuta est (§. 943.):

Patet

Patet etiam, quod pœna desertionis affici nequeat, nisi qui pro desertore recte habetur.

Cum plures deduxerimus casus, quo miles pro desertore haberi debeat aut nequeat (§. 683. & seqq. ad §. 703. usque): Facile apparet, quod in illis pœna ordinaria infligi possit; In his autem eidem locus non sit. Quæ vero in casu quolibet dato absque opera applicari poterunt. Quare plura non adduceimus, quam quæ aliis demonstrandis inserviant.

§. 1006.

Hinc cum pro desertore haberi nequeat, qui desertionem absque discessu attentat (§. 683.): Miles, qui desertionem absque discessu attentat, pœna ordinaria desertionis affici nequit (§. 1005.).

Non qui absque discessu attentat.

§. 1007.

Cum vero, si miles desertionem propius attentans apprehendatur, pro desertore recte habeatur; Neutiquam si ante desertionem perfectam sponte revertatur (§. 685.); Tunc demum vero quis pœna desertionis ordinaria affici possit (§. 1005.): Miles propius attentans desertionem, si apprehendatur, pœna ordinaria affici potest; Neutiquam vero, si ante desertionem perfectam sponte revertatur.

§. 1008.

Desertio itaque attentata pœna desertionis ordinaria plecti nequit, nisi propius fuerit attentata, & miles in ea apprehensus.

Quando desertio attentata?

Desertio enim absque discessu attentata pœna ordinaria desertionis plecti nequit (§. 1006.). Non itaque hoc poterit, nisi quæ cum discessu attentatur. Quamobrem cum desertio, quæ cum discessu militis a mansione sua attentatur, propius dicatur attentari (§. 677.); Miles vero desertionem propius attentans tunc demum pœna ordinaria affici possit, si in ea apprehendatur (§. 1007.): Patet, quod desertio attentata pœna desertionis ordinaria nequeat plecti, nisi propius fuerit attentata, & miles in ea apprehensus.

Dissentit quidem SCHOEPPER statuens, quod conatus deserendi, nec eo ad actum proximum pervenerit miles, pœna tamen desertorum ordinaria plecti nequeat (§. 40. Cap. 3. Diff. de Mil. des.); Neque adeo etiam deservit in flagranti apprehensus ordinaria puniri posse. Absque vero ratione hoc statui apparet. Desertor enim etiam dicendus est, qui propius desertionem attentans apprehenditur (§. 687.). Quod vero uti ex principiis a nobis stabiliris facile deducitur: Ita & observantia consentaneum invenitur, ut miles in discessu adhuc versans, si apprehendatur, pro desertore capto, adeoque pœnam ordinariam promerito

Jus mil. nat.

Ggg

habea-

habeatur, & belli præsertim tempore in desertores in flagranti deprehensos adeo severe animadvertatur, ut stante pede pœna ordinaria plectantur, & in propiori qualibet arbore suspendantur.

§. 1009.

Quando eadem arbitrarie. Desertio itaque absque discessu, vel propius licet attentata, non vero cum militis deprehensione, sed spontaneo potius reditu conjuncta, arbitrarie saltem puniendi est.

Desertio enim absque discessu pœna desertionis ordinaria plecti nequit (§. 1006.); Neque etiam propius attentata, nisi miles desuper fuerit deprehensus, non vero ante desertionem perfectam sponte reversus (§. 1007.). Desertio tamen quocunque etiam modo attentata delictum (§. 678.), atque adeo puniendi est (§. 1004.). Quamobrem, cum, si miles delinquat, pœna vero ordinaria locum non habeat, arbitraria afficiendus sit (§. 946.): Facile apparet, quod desertio attentata absque discessu, vel propius licet, non vero cum militis deprehensione, sed spontaneo potius reditu conjuncta, arbitrarie saltem puniendi sit.

Huc itaque restringenda sunt, quæ de conatu desertionis pœna saltem arbitraria plectendo proferuntur. Dari enim casus, quo & conatus pœna etiam ordinaria coerceatur, in contrariam licet partem a SCHOEPPERO (*loc. cit.*) adductus CARPZOVIVS ipse sentit (*n. 13. quæst. 17. Præf. crimin.*).

§. 1010.

In flagranti deprehensus ordinaria. Desertor in flagranti deprehensus, desertione licet nondum perfecta, pœna ordinaria puniri potest.

Miles enim, qui super desertione in flagranti deprehenditur, pro desertore habendus est (§. 688.). Cum vero miles, qui super desertione in flagranti deprehenditur, sit tantum in propius eam attentando (§. 687.): Attentatum desertionis autem supponat, quod desertio perfecta non sit (§. 675.): Desertorem in flagranti deprehensum desertionem nondum perfecisse, apparet. Quamobrem cum miles, qui pro desertore recte habetur, pœna desertionis ordinaria affici possit (§. 1005.): Idem etiam de desertore in flagranti deprehenso, desertione licet nondum perfecta, intelligitur.

Cum statim intelligatur, quod quis pœna desertionis ordinaria affici possit, quamprimum de eo constat, quod vere desertor sit: Non monitus etiam quisque idem de desertore in flagranti deprehenso perspicieret, ubi demonstratum fuerit, eundem pro desertore recte haberi. Ad firmitus tamen stabilienda ea, quæ ad §. 1008. monuimus, speciatim illud deduc-

deducendum visum fuit. Cum enim desertor, qui in flagranti deprehenditur, defectionem nondum perfecit, sed in ea solum attentando adhuc versetur (*per dem.*): Speciali inde exemplo comprobatur, quod defectio etiam attentata tantum poena tamen ordinaria coerceri possit. Plures equidem sunt casus, quibus defectio propius attentatur, & quibus adeo miles desuper deprehensus pro desertore recte habetur (§. 689.). In omnibus itaque etiam militem deprehensum poena defectionis ordinaria affici posse, ex generaliter demonstratis apparet (§. 1007.). Cum vero idem in casu quovis speciali facile se praebeat: Ejus ad casus quoscunque applicatione superfedemus.

§. 1011.

Defectio cogitata aut proposita solum puniri plane nequit.

Tam enim proposita, quam cogitata solum defectio pro delicto haberi nequit (§. 709.). Quare cum poenae non nisi in delicta sint statuendae (*per dem.* §. 761.). Pater, quod neque cogitata, neque proposita solum defectio puniri possit.

*Cogitata
& proposita
non puni-
enda.*

Bene vero in memoriam erunt revocanda, quae de defectione tam proposita, quam cogitata supra demonstravimus: Ne malitiosis desertoribus, aut militibus saltem defectionem molientibus, patrocinari videamur. Tunc demum enim defectionem sibi tantum proposuisse dicendus erit miles, si animum saltem habuerit deserendi, actu vero externo eundem nondum declaraverit (§. 704.). Defectionem itaque propositam intra actuum internorum fines solum adhuc substituisse, claret. Cum vero delicta animo non committantur, sed ad eadem actio externa requiratur (§. 664.); Actus vero interni in genere puniri nequeant (§. 643. Part. 8.^a *Fur. nat. WOLF.*): De defectione solum proposita idem etiam patet, quod nempe neque delictum sit, neque puniri possit. Quodsi vero propositum deserendi in actus quoscunque externos eruperit: Defectio non proposita solum, sed attentata potius erit dicenda (§. 673.); Atque adeo, uti haec (§. 1004.), punienda. Cogitata vero nec propositum deserendi involvit, sed sola cogitatione, aut ad summum deliberatione absolvitur (§. 707.). Jus itaque etiam civile agnoscit, quod cogitationis poenam nemo mereatur (*l. 18. ff. de Panis*). Quod utique ad omnes actus internos, adeoque & propositum, extendendum est (*Schol. ad §. 643. cit.*). Quodsi itaque ad notiones suas revocentur, quae hic asseruntur: Cuius apparebit, nos hic non tueri, quam quae in ipsa rerum natura rationem suam agnoscunt, & vel ipsi juris dispositioni conveniunt.

§. 1012.

*Conspiratio ad defectionem punienda est, licet haec actu non se- Bene con-
quatur. spiratio ad*

Conspiratio ad defectionem enim delictum est, ipsa licet defectio non consequatur (§. 710.). Cum itaque delicta militum sint puni-
*defectio-
nem.*

Ggg 2

nienda

nienda (§. 761.). Idem de conspiratione ad desertionem statim apparet, licet hæc actu non fuerit secuta.

Objici non poterit, quod conspiratio ad desertionem, quam hæc ipsa non sequitur, speciem desertionis propositæ saltem constituat; Adeoque cum hanc ab omni pœna vindicaverimus (§. 1011.), contradictionem involvat, quod conspirationem puniendam asseramus. Fallunt vero quam maxime, qui hanc non nisi desertionem propositam reputant, & distinctis notionibus non assueti, non nisi ex confusis, aut obscuris forsân, ratiocinantur, vel potius sibi quæcunque fingunt, quorum sensum habere sibi persuadent. Cum enim in conspiratione ad desertionem adesse debeat unus vel plures, qui faciunt, ut alii in desertionem suscipiendam consentiant (§. 721.); Apparet, quod illa actibus internis non absolvatur, sed externos supponat. Conspirationem ad desertionem itaque plus esse desertione proposita, & pro attentata habendam, supra jam demonstravimus (§. 719.). Nullum itaque contradictionis periculum metuendum erit, si notionibus satis determinatis inhæseris, quod non effugiunt, qui terminos ad justas revocare notiones, dedecori sibi fere ducunt.

§. 1013.

Ejus auctores gravius militaris, gravius puniendi sunt iis, qui per ipsos an eandem vel idem commoventur.

Auctores enim delictorum militarium in genere gravius delinquant iis, qui per eos ad illa commoventur (§. 628.); Et in specie auctor conspirationis gravius iis, qui saltem consensum suum præbent (§. 723.). Quamobrem cum delicta graviora gravioribus etiam pœnis sint coercenda (§. 626. Part. 8. Jur. nat. WOLF.); Adeoque & ii, qui gravius delinquant, gravius puniendi sint iis, qui minus: Patet, quod auctores conspirationis ad desertionem, ut in genere delicti cujusvis militaris, gravius sint puniendi iis, qui per ipsos ad eandem vel idem commoventur.

Et utique, cum auctor conspirationis plures ad delinquendum, & in specie deserendam militiam, inducat (§. 721. 722.); Adeoque per ipsum fieri possit, ut delictum gravissimum, quale est desertio (§. 587. 588.); & a pluribus quidem simul committatur: Reipublicæ & præsertim militiæ maximum ab eo imminet periculum. Quamobrem cum milites eo gravius puniri debeant, quo majus ex delictis ipsorum periculum imminet (§. 930.): Auctorem conspirationis vel gravissima pœna plecti posse, apparet. Articulis hinc etiam Hassiaci novioribus an. 1753. publicatis constitutum est, ut capite luat (§. 58.).

§. 1014.

Emanfor mitius puniendus est desertore.

*Emanfor
quomodo
puniendus.*

Emanfor enim dicitur miles, qui absque venia a statione sua abest, vel ultra veniam emanet, aut alibi discedit (§. 660.). Licet itaque delinquat miles emanfor (§. 661.): Pro desertore tamen statim haberi nequit (§. 662.). Non ita graviter adeo ipsum delinquere apparet, quam desertorem. Quamobrem cum pro gravitate delicti pœna sit determinanda (§. 626. Part. 8. Jur. nat. WOLF.): Patet, quod emanfor non adeo graviter, & mitius ideo puniendus sit desertore.

Cum jure civili statuatur emanforis delictum levius habendum esse, desertionis gravius (l. 4. §. 14. ff. de Re milit.): Illud consentire apparet. Dantur equidem casus, ubi emanfor desertionem attentasse censetur (§. 699.), vel etiam in desertorem degenerat (§. 700.): Illum vero tunc intra simplicis emanforis limites non substituisse, adeoque pro modo delicti puniendum esse, patet. Quod vero, cum ex iis, quæ hætenus fuere demonstrata, in casu quovis speciali facile eruatur, ulterius non deducimus. Et cum statui etiam possit jure positivo, ut miles, qui ultra certos dies emanet, pro desertore habeatur: Eundem tunc etiam qua talem puniendum esse intelligitur.

§. 1015.

Miles, qui a statione recedit, gravius puniendus est emanfore.

*A statione
recedens.*

Miles enim, qui a statione recedit, gravius delinquit emanfore (§. 663.). Quare cum delictis gravioribus graviores etiam pœnæ sint imponendæ (§. 626. antea cit.): Militem, qui a statione recedit, gravius puniendum esse emanfore, statim patet.

Cum discessus a statione delictum militare gravissimum sit (§. 643.), quod vel & pœna capitali plekti possit (§. 963.): Eo firmatur, quod emanforis gravius sit puniendus. Hic vero non supponitur, quod miles, qui a statione recedit, simul deserat. Discessum enim a statione vel absque desertione committi posse, jam alibi monuimus. Et si hæc simul fiat a recedente a statione, uti plerumque fieri solet: Desertio potius committi dicenda est, quæ derelictione stationis aggravatur (§. 645.). Hunc itaque casum respicere videtur MODESTINVS, dum statuit, quod si præsidis vel cujusvis præpositi ab excubatione quis desistat, peccatum desertionis subeat (l. 3. §. 6. ff. de Re milit.). Cum alias, qui stationis munus relinquit, pro modo delicti aut castigandum, aut gradu militiæ deiciendum, & plus quam emanforem esse asserat (§. 5. loc. cit.).

§. 1016.

Milites, qui solutionem stipendii vociferantur, graviter puniendi Stipendii sunt.

*um vocife-
rants.*

Ggg 3

Voci.

Vociferatio enim imperuosam & irreverentem stipendii rogationem indicat; Adeoque milites, qui stipendium vociferantur, delinquant (§. 747.). Cum vero concitationis ad seditionem reos se faciant, qui huic per verba seditiosa occasionem dant (§. 624.); Per vociferationem autem stipendii seditio facile possit concitari (*per dem.* §. 747.); Et licet hæc actu non sequatur, attamen delinquant, qui quocunque modo ad eam concitant (§. 630.): Milites, qui stipendium vociferantur, concitationis ad seditionem reos se faciunt. Quare cum hoc delictum gravissimum sit (§. 639.), quod vel pœna capitali plecti possit (§. 963.): Facile patet, quod milites, qui stipendium vociferantur, graviter puniendi sint.

Legibus itaque etiam positivis vociferationi maximæ & vel capitales pœnæ statutæ sunt; Uti pluribus refert STEPH. WAGA (§. 8. *Diff. de Restit. famæ per vex.*). Cum vero delictum gravius sit, si dolo, quam si culpa saltem committatur (§. 649.); Adeoque & gravius puniendum in illo casu, quam in hoc (§. 626. P. 8. *J. N. W.*): Non absque ratione statutum est jure civili, ut vel seditio, quæ intra vociferationem, aut levem querelam mota est, dejectione a gradu militiæ saltem puniatur (*l. 3. §. 20. ff. de Re milit.*).

§. 107.

Quando nam mitius.

Vociferatio stipendii mitius tamen punienda est, si privatim, aut in presidii vel hibernis fiat, quam si publice, aut in acie vel expeditione.

Si enim vociferatio stipendii privatim fiat: Non adesse alios, vel saltem non plures, per se intelligitur. Cum itaque seditio plures supponat, qui nempe servitia militaria detrectant & imperio resistunt (§. 619.): Per vociferationem stipendii seditio excitari non poterit, si eadem privatim fiat. Quamobrem cum pœna gravior vociferationi stipendii propterea sit statuenda, quoniam hæc concitationem ad seditionem simul contineat (*per dem.* §. 106.): Patet, quod non æque graviter, adeoque mitius, punienda sit, si fiat privatim, quam si publice. *Q. e. t.*

Similiter, cum in expeditione & acie hostis actu adsit; Per milites vero hosti vis sit inferenda (§. 15.): Militibus in expeditione & acie potissimum, & plus opus esse, facile intelligitur, quam in presidiiis aut hibernis, ubi hostem imminere non supponitur. Quodsi itaque in casu priori milites deficiant: Hosti resisti nequit; adeoque majus inde nocumentum inferri potest, & periculum majus instat, quam si in casu saltem posteriori deficiant milites. Cum itaque milites

milites seditiosi servitia præstare detrectent (§. 619.); Adeoque iidem pro nullis sint habendi: Facile patet, quod, si seditio oriatur, milites deficient. Majus itaque periculum imminet, si in ipsa expeditione vel acie seditio oriatur, quam si in præfidiis vel hibernis saltem. Per vociferationem stipendii vero seditio facile potest excitari (*per alleg. §. 1016.*). Ex illa itaque majus periculum imminet & damnum metuendum est, si illa in expeditione & castris, quam si in præfidiis aut hibernis saltem fiat. Cum autem ea, quæ cum re, simul fiunt extra eandem, cum ea tamen connectuntur, circumstantiæ ejusdem dicantur (*def. §. 567.*): Ad circumstantias vociferationis stipendii referendum est, an eadem in præfidiis aut hibernis, vel in expeditione aut ipsa acie fiat. Ex circumstantiis itaque vociferationis majus vel minus nocumentum potest evenire, & majus vel minus periculum imminet. Quare cum, si ex circumstantiis, sub quibus milites delinquant, majus nocumentum possit evenire, aut majus periculum immineat, illi sint puniendi gravius; Si vero minus, mitius (§. 930.): Patet etiam, quod vociferatio stipendii mitius sit punienda, si in præfidiis aut hibernis fiat, quam si in expeditione aut ipsa acie. *Q. e. 2.*

In gratiam legum earum militarium hoc adjecimus, quæ pro diversitate harum circumstantiarum diversas vociferationi pœnas statuunt; Uti patriæ (§. 73. *Artic. milis. anni 1689. & §. 27. anni 1753.*).

§. 1018.

Miles ab hoste captus, qui partes ejus nulla alia causa accedente amplectitur, si ejus copia fiat, graviter quidem, pro circumstantiis tamen desertore & transfuga alio mitius puniendus est. *Quomodo captus, qui hostis partes amplectitur.*

Amplexus enim servitorum militarium apud hostem a milite capto susceptus, alia causa non accedente, delictum gravissimum est (§. 596.). Quare cum delicta graviora pœnis etiam gravioribus coercenda sint (§. 626. *Part. 8. Jur. nat. WOLF.*): Statim etiam patet, quod miles ab hoste captus, qui partes ejus alia causa non accedente amplectitur, si ejus copia fiat, graviter debeat puniri. *Q. e. 1.*

Cum itaque miles captus, qui alia causa non accedente, quæ nempe ipsum a militia solvat, hostis partes amplectitur, pro desertore & transfuga habendus sit (§. 595.): Videri etiam posset, quasi eadem, qua talis, pœna debeat affici. Captivitatem vero hic accedere supponitur. Quæ cum soleat connecti cum variis miseriis (*per not.*);

Ab

Ab his vero liberari queat miles captus, si hostis partes amplectatur (*per hypoth.*): Adest ratio quædam, aversatione mali naturali suffulta, quæ militem caprum ad partes hostiles amplectendas movere potest facilis. Supervenire etiam possunt & quandoque solent persuasiones, minæ aut vis, quæ omnia militi capto motiva præbere possunt, miserias captivitatis cum statu feliciore permutandi. Causa itaque externa saltem vel potissimum ad delinquendum perducuntur milites capti, qui hostiles partes assumunt (§. 882. *Ontol. WOLF.*). Et cum hic adsint motiva appetitui & aversationi sensitivis saltem non inconvenientia (*per dem.*); Motivis vero voluntas demum determinetur (§. 889. *Psych. emp. ej.*): Non adeo sponte sive data opera delinquere milites capros apparet, qui hostis partes, nulla licet causa a militia solvente superaccedente, amplectuntur, neque delictum illorum adeo esse præmeditatum, quam eorum, qui aliisque illis motivis, quæ captivitas præbet, militiam deserunt, & vel ad hostem transfugiunt. Quamobrem cum delictum gravius sit puniendum, si fuerit præmeditatum (§. 631. *Part. 8. cit.*), & quo major fuerit in delinquente malitia (§. 632. *loc. cit.*), quæ nempe in eo consistit, ut quis data opera, sive sponte mala agat (*Schol. ad §. 631. cit.*): Intelligitur denique, quod licet miles ab hoste captus, qui partes ejus nulla alia causa, a militia scilicet solvente, accedente, partes ejus amplectitur, graviter quidem debeat puniri (*per dem. n. 1.*), mitius tamen pro circumstantiis puniendus sit desertore aut transfuga alio.

§. 1019.

*Quomodo
qui prohibita
facit.*

Si miles in bello faciat, quæ prohibita sunt, puniendus est, etsi res bene cesserit; Mitius tamen in posteriori casu.

Milites enim, qui in bello faciunt, quæ prohibita sunt, delinquant, etsi res bene cesserit (§. 616). Quare cum milites, qui delinquant, puniendi sint (§. 761.): Idem etiam de eo statim patet, qui in bello facit, quæ prohibita sunt, etsi res bene cesserit. *Q. e. 1.*

Cum vero mitius puniendi sint milites, si propter circumstantias, sub quibus delinquant, minus nocumentum inde eveniat (§. 930.): Mitius adhuc puniri debent, si plane nullum damnum ex delicto quodam oriatur. Quamobrem, cum hic supponatur, quod res bene cesserit (*per hypoth.*); Adeoque commodum potius, quam damnum ex delicto militis evenit: Patet, quod miles, si in bello faciat, quæ

quæ prohibita sunt, re bene cessâ, pœna licet, mitiori tamen, sit afficiendus. *Q. e. 2.*

Cum in casu præsentis non damnum, sed commodum potius ex delicto sequatur; Videri posset, quasi nulla plane pœna in illud animadvertendum esset. Cum vero delictum ejusque gravitas, non solum ex nocumeto, quod actu infertur, sed & ex periculo, quod inde imminet, æstimetur (§ 625. *Part. 8. Jur. nat. WOLF.*); Hic vero, si res male vergat, gravissimum in se periculum imminere supponatur: Utique etiam delinquens in hoc casu puniri, & ne factum ejus in exemplum trahatur, graviter quidem adhuc poterit; Mitius licet, quam si res aut plane non, aut male successerit. Jus quidem romanum discrimen hoc admittere non videtur, dum capite puniendum statuit militem, qui in bello rem a duce prohibiram fecit, aut mandata non servavit, etsi res bene cesserit (*l. 3. §. 15. ff. de Re milit.*); Et ejus exempla, a patribus etiam in filios statuta, præbet antiquitas, quorum nonnulla refert PET. MÜLLER (§. 4. *Cap. 5. Diss. de Mand. duc. milit.*); Si tamen rem ipsam spectes; Mitius cum eo agendum esse, cui res prohibita licet, bene cessit, ex demonstratis apparebit: Licet graviter adhuc factis in eum animadverti posse non negemus. Ceterum apparet, quod idem sit, si miles prohibita faciat, siue mandata non faciat. Cum vero statim intelligatur, militem puniendum esse, ac delinquere eundem constât (§. 761.); In plurius vero casibus militem delinquere, capite præcedenti deduxerimus: In omnibus iis etiam eundem esse plectendum, abque ulteriori applicatione patet. Quamobrem ab hac abstinemus, ubi singularis circumstantia non adit, quæ eandem monstrari requirat; Uti in casu dato est, quod pro circumstantiis mitior aliquando pœna possit obtinere.

§. 1020.

Miles, qui negligentiam admisit in præstatione officiorum suorum, puniendus quidem est; Mitius tamen eo, qui dolo officia sua non præstat. *gentiam admittit.*

Miles enim, qui negligens est in præstatione officiorum suorum, delinquit (§. 570.). Quare cum in delicta militum pœnæ sint statuendæ; Adeoque miles, qui delinquit, puniri debeat (§. 731.); Idem etiam patet de eo, qui in præstatione officiorum suorum negligentiam admittit. *Q. e. 1.*

Cum vero negligentia ex culpa saltem committatur (*per dem. §. 570.*); Miles, qui negligentiam in præstatione officiorum suorum admittit, culpa tantum delinquit; Adeo non nisi quasi delictum committit (*def. §. 541.*). Contra cum militem, qui dolo officia sua non præstat, obligationi suæ adversari (§. 138), adeoque delinquere, itidem facile intelligatur (§. 540); Delictum autem, quod dolo committitur,

Jus mil. nat.

H h h

tur,

tur, verum dicatur (*def. §. 541.*): Eundem delictum verum admittere, constat. Quamobrem cum quasi delicta militum mitius punienda sint veris (§. 762.): Mitius quoque plectendus erit miles, qui negligentiam tantum admisit in præstatione officiorum suorum, quam qui dolo eadem non præstat. *Q. e. 2.*

§. 1021.

Qui captivum fuit meretur; Graviorem tamen, si dolo id fiat, quam si culpa saltem.

Miles enim, qui captivum custodiæ suæ commissum evadere finit, delinquit (§. 648.). Quare cum delicta militum punienda sint (§. 761.): illum etiam pœnam mereri, apparet. *Q. e. 1.*

Cum vero delictum militis gravius sit, si dolo, quam si culpa committatur (§. 649.); Et in specie gravius delinquat miles, qui captivum evadere finit, si dolo ejus id contingat, quam si culpa saltem (§. 651.); Delicta vero graviora pœnis etiam gravioribus coercenda sint (§. 626. Part. 8. *Jur. nat. WOLF.*): Graviorem etiam merbitur pœnam miles, si dolo ejus fiat, ut captivus custodiæ suæ commissus evadat, quam si culpa saltem. *Q. e. 2.*

Ex §. præcedenti etiam hoc modo poterit deduci. Cum enim miles ad custodiendas personas, quæ ipsi committuntur, ne evadant, obligetur (§. 270.): Facile patet, quod miles, qui captivum custodiæ suæ commissum evadere finit, obligationi suæ non satisfaciat, si ve officia sua non præstet (§. 138.). Quodsi vero culpa sua id tantum fiat, negligentiam ipsum committere in præstatione officiorum suorum, apparet (*per dem. §. 570.*). Quamobrem cum miles, qui negligentiam modo committit in præstatione officiorum suorum, mitius puniendus sit, quam si dolo eadem non præstet (§. 1020.); Adeoque gravius in casu posteriori, quam priori: Pater etiam hoc modo, quod miles, qui captivum evadere finit, graviorem pœnam mereatur, si dolo ejus id fiat, quam si culpa saltem.

Discrimen hoc optime attenditur jure romano. CALLISTRATO enim adducente statutum est, ut milites, si custodias amiserint, ipsi in periculum deducantur. Exquiri vero, HADRIANO rescribente, debere addit, utrum nimia negligentia militum evaserint, an casu; Et ita demum afficiendos supplicio milites, si culpa eorum nimia deprehendatur; Alioquin pro modo culpæ in eos statuendum. Item, in eum, qui custodiam dimisit, aut sciens ita habuit, ut possit custodia evadere, animadvertendum; Si tamen per vinum aut desidiam custodiæ id evenierit, casti-

caſtigandum & in deteriore militiam dandum; Si vero fortuito amiſerit, nihil in eum ſtatuendum (*l. 12. ff. de Cuſtod. & exhib. reor.*).

§. 1012.

Murci, ſi ad militiam obligentur, puniendi ſunt.

Murci puniendi.

Murci enim dicuntur homines, qui quocunque modo data opera ſe reddunt inhabiles ad militiam (§. 752.) Quare cum ii, qui ad militiam obligantur, ſi quocunque modo data opera ſe reddunt inhabiles ad eandem (§. 750.), adeoque & murci, ſi ad eam obligentur, delinquant (§. 754.); In delinquentes vero pœnis ſit animadvertendum (§. 761.): Pater etiam, quod murci, ſi ad militiam obligentur, puniendi ſint.

§. 1013.

*Delictum murcorum gravius puniendum eſt in milite, quam in ſubdi-
to, qui miles nondum eſt.* *Gravius ſi milites.*

Delictum enim murcorum gravius eſt, ſi committatur a milite, quam ſi a ſubdito, qui nondum miles eſt (§. 757.). Quare cum delictis gravioribus pœnæ etiam graviores ſint ſtatuendæ (§. 666. Part. 3. *Jur. nat. WOLF.*): Statim apparet, quod delictum illud graviori pœna coercendum ſit in milite, quam in ſubdito nondum milite.

§. 1014.

Delictum murcorum pœna infami plecti convenit.

Pœna infami.

Delictum enim murcorum famæ militis maxime nocet, & infamiam ipſi præcipue contrahit (§. 758.). Quamobrem cum delicta militum, quæ famæ poſſimum repugnant, pœna infami plecti conveniat (§. 953.): Convenit quoque, ut delictum murcorum pœna infami plectatur.

Pœnæ itaque etiam infames inveniuntur inter eas, quas in murcos ſtatutas reſert FRID. BENED. CARPZOV (§. 9. ſeqq. *Diff. de Murcis*).

§. 1015.

Delictum murcorum in milite vel capite plecti poteſt.

Capite etiam.

Delictum enim murcorum, ſi a milite committatur, deſertioni aſſimilatur (§. 755.). Quare cum deſertio pœna etiam capitali plecti poſſit (§. 963.): Non etiam repugnat, ut delictum murcorum, cum huic ſit æquiparandum, eadem etiam pœna poſſit coerceri, ſi e re illud eſſe videatur.

Hhh 2

Hinc

Hinc iisdem etiam, quibus desertores, pœnis murcos subijci, vel exemplis & præjudiciis comprobatur CARPZOV (*loc. cit.*). & AUG. a LEYSER (§. 5. & 6. *Diff. de Fuga militiæ*).

§. 1016.

Matrimonium absque consensu puniendum. Milites & eorum præfecti, in casu prohibitionis nempe, si absque consensu matrimonium incant, sive sponsalia celebrent, puniri possunt.

Milites enim, ut & eorum præfecti in casu prohibitionis, si absque consensu matrimonium aut sponsalia contrahant, delinquant (§. 740. 741.). Quamobrem cum milites, qui delinquant, puniri debeant (§. 761.): Facile etiam de iis eorumque præfectis in casu prohibitionis patet, quod si absque consensu nuptias aut sponsalia celebrent, puniri possint.

- Hinc etiam pœnas actu statutas esse, passim deprehendimus. Sic apud Hispanos præfectos, qui absque regis consensu uxores ducunt, ab officio removeri, novimus ex Novellis Francofurtensibus, quæ *Diarium, das Journal*, dicuntur, anni 1750. N. 91. pag. 2. Et in iisdem etiam (N. 222 p. 1.) ex Napoli memoratur, quod ibidem super mandato nuper prolato, ne quis præfectus absque permissione regis uxorem ducat, adeo severe habeatur, ut vel frater principis de Stigliano, *Brigadier Colonne* dictus, qui viduam equitis de Palma duxerat, ad castellum quoddam ductus, hæc vero cœnobio fuerit inclusa. Legibus etiam patriis non ita pridem fuit constitutum, ut præfectus, qui absque consensu principis uxorem ducit, cassatione, quæ dicitur, puniatur (§. 18. *Art. milit. Hoff. nov. an. 1753.*).

§. 1027.

Remitti aut mitigari pœnae possunt. Pœnae tam militum in genere, quam militares in specie, quæ legibus statuuntur, vel remitti plane, vel mitigari saltem possunt.

In genere enim pœnæ legibus constitutæ remitti & mitigari possunt (§. 658. *Part. 8. Jur. nat. WOLF.*). Quare cum facile intelligatur, pœnas militum & militares in specie sub pœnarum genere tanquam species contineri (§. 771.); De specie vero prædicari possint, quæ de genere (§. 235. *Log. ejusd.*): Patet etiam, quod pœnæ militum & in specie militares, legibus statutæ, remitti æque aut mitigari queant.

Quid per remissionem & mitigationem pœnæ intelligendum sit, explicatur §. 1029. & 1030. *Part. 1. loc. cit.*

§. 1028.

remittere aut mitigari debet. Quamobrem cum pœnæ militum remitti & mitigari possint (§. 1027.), si ejusdem ratio sufficiens adsit (§. 1028.); In casu dato vero inveniatur ratio sufficiens, cur non omnes capite plectantur (*per dem.*); Et posita ratione sufficiente ponendum etiam sit, quod propter eam est (§. 113. *Ontol. WOLF.*): Patet etiam, quod in eodem casu non omnes capite sint plectendi.

Thefin hanc uberius explicat & quoad cives in genere etiam adstruit SAL. SEVER. DOBERMANNUS in eleganti, quam sub præsidio DRESSÉLII Jenæ an. 1731. habuit dissertationem, de *Decimatione delinquentium* §. 34. Quæ cum maximam partem notionibus determinatis & principiis solidis sit superstructa: Materia de decimatione, quoad milites jam secutura, optime intersit. Non omnia tamen eundem exhaustisse, quæ de objecto isto possent deduci, sed addi adhuc posse plura, nec ubique recta via eum incesisse, vel ex iis patebit, quæ de decimatione in specie militum mox demonstrabimus, & passim monēbimus.

§. 1031.

*Decimatio-
nis definitio.*

Si plurium, qui una delictum, in quod pœna capitalis statuta est, commiserunt, non omnes, sed aliqui saltem capite plectuntur, delinquentes *decimari* dicuntur. Ita ut *Decimatio* sit actus, quo ex pluribus, qui simul deliquerunt, & eo pœnam capitalem promeruerunt, certus denum numerus, veluti decimus quisque, seligitur, qui pœna capitali plectatur.

In laudata modo dissertatione decimatio quidem definitur per pœnam, qua decimus quisque supplicio afficitur (§. 36.). Cum vero per decimationem fiat, ut quidam, qui pœnam capitalem promeriti sunt, ab ea eximantur, & modo ii determinentur, a quibus eadem sumi debeat; Reliqui vero aut nulla plane aut mitiori scilicet pœna afficiantur (*per dem.* §. 1030.): Decimatio pœnam non constituit, sed ejus potius remissionem aut mitigationem continet. Quare & eadem pro aggratiationis specie ab ipso auctore recte venditatur (§. 43. *cit. loc.*).

Ut plurium delinquentium decimus præcise supplicio detur, ratione necessaria non nititur, sed eandem in numero usitato per denarios computandi inveniri videtur. Pro iutrinseco itaque rei haberi non poterit. Quare cum ea, quæ rei intrinseca non sunt, nec ingredi debent definitionem (§. 134. *Log. WOLF.*): Numeri denarii non, nisi per modum exempli, mentionem faciendam esse duximus. Prostant enim exempla, & ad minimum rei non repugnat, quod numerus eorum, a quibus ex pluribus delinquentibus supplicium sumatur, aliter determinetur; Veluti, ut vicesimus, vel etiam centesimus tantum sumatur. Quod nec abnuat citatus auctor: Licet numeri decimalis partes admodum tueatur (*Schol. §. 39.*). Sed & ex tribus interdum unum saltem sumi, qui capite

capite plectatur, constat. Quos casus omnes sub decimatione comprehendere licebit: Quamvis quibusdam speciales sint denominationes, veluti vicesimatio, tricesimatio, centesimatio (*Schol. §. 36. loc. cit.*).

§. 1032.

Decimatio itaque circa milites eorumque pœnas capitales obtinet, & Quando obferi debet, si plures milites una commiserint delictum, in quod pœna capitalis statuta est.

Si enim plures milites una delictum committant, in quod pœna capitalis statuta est, non omnes capite plectendi sunt (§. 1030.). Quare cum, si ex pluribus delinquentibus non omnes, sed quidam saltem supplicio afficiuntur, decimatio fiat (§. 1031.): Patet, quod hæc circa milites eorumque pœnas capitales obrineat, & in casu, quo plures delictum capite plectendum commiserunt, fieri debeat.

Exempla decimationis militum jam ab antiquo prostant, quorum plura recenset laudatus auctor (*Schol. §. 37. Diff. de Decim. delinq.*). Inter quæ memorabile maxime videtur illud, quod per decimationem a LICINIO CRASSO susceptam deperierint ferme 4. millia.

§. 1033.

Decimatio militum, quemadmodum in genere, sorte fieri debet.

Si enim decimatio fieri debeat: Ex pluribus, qui simul deliquerunt, aliqui saltem pœna capitali afficiendi sunt (§. 1031.). Cum vero, si eadem obrineat, supponatur, omnes, qui decimantur, idem delictum admisisse, quod nempe capite plectendum est (§. 1032.): Ratio intrinseca non adest, cur hi potius capite luant, quam alii (§. 1004. *Log. WOLF.*). Certo itaque consilio fieri nequit & dubium est, quinam præ reliquis supplicio dandi sint. Quamobrem cum in eo casu ad sortem confugere liceat (§. 296. *Part. 5. Jur. nat. ej.*); Imo debeat, si negotium exitum aliter nequeat habere (§. 853. *Part. 8. ibid.*): Patet, quod decimatio militum, quemadmodum in genere, sorte fieri debeat.

Accedit & hoc. Cum omnes, qui decimantur, pœnam capitaleam, adeoque mortem promeruisse supponantur (*per hypoth. & §. 1032.*); Non omnes tamen eadem debeant affici (§. 1031.); Et ratio intrinseca non adit, cur ex omnibus illis hi potius quam alii supplicio dentur (*per dem. §. hoc*); Equum tamen est, ut omnes saltem periculo ejusdem æqualiter subiciantur. Quod cum fiat, si sorte, alex jactu ex. gr. institatur: Vel ex hac ratione sorte instituendam esse decimationem, evincit auctor supra memoratus (§. 39. *Diff. de Decim. delinq.*). Id quod etiam

etiam jam agnovit CICERO. *Statuerunt*, inquit enim, *maiores nostri, ut si a multis esset flagitium rei militaris admissum, sortitione in quosdam animadvertetur, ut metus videlicet in omnes, pena vero ad paucos pertineret.* Uti ex oratione ejus pro Cluentio allegat DAV. STAVINSKY (§. 22. *Cop. 1. Diss. de Jure princ. pœnas lege div. de term. mitig. vel remitt.*).

§. 1034.

*Inter quos
obtimeat.*

Decimatio fieri nequit, nisi inter eos, qui aequaliter deliquerunt.

Cum enim decimatio sorti sit subjicienda (§. 1033.); Per sortem vero determinatio fortuita fiat (§. 295. *Part. 5. Jur. nat. WOLF.*). In decimatione fortuita sit determinatio eorum, quinam inter plures supplicio dandi sint (§. 1031.). Quodsi itaque non omnes, qui decimantur, æqualiter deliquerint: Fieri æque posset, ut supplicio subjicerentur, qui non adeo graviter deliquerunt, quam alii qui a capitis pœna eximerentur; Adeoque illi, qui minus deliquerunt, gravius punirentur iis, qui gravioris delicti rei sunt. Quoniam vero, qui gravius delinquant, graviori etiam pœna sint afficiendi (§. 626. *Part. 3. loc. cit.*).

Principio huic repugnaret, adeoque absurdum foret, si, qui decimantur, æqualiter non deliquerint. Quamobrem cum quod contradictionem involvit, impossibile sit (§. 518. *Log. WOLF.*); Adeoque fieri nequeat: Patet, quod decimatio fieri nequeat, nisi inter eos, qui æqualiter deliquerunt (§. 552. *loc. cit.*).

§. 1035.

*Quid eam
præcedere
debeat.*

Si itaque decimatio fieri debeat: Ii, qui in delicto a pluribus commissio gravius vel minus etiam deliquerunt, antea eximendi & peculiariter puniendi sunt; Gravius nempe aut mitius, prout plus vel minus deliquere.

Cum enim æqualia dicantur, quæ salva quantitate sibi mutuo possunt substitui (§. 349. *Ontol. WOLF.*): Qui gravius delinquit, æqualiter delinquere dici nequit ei, qui minus. Qui itaque in delicto a pluribus commissio gravius vel minus deliquerunt: Æqualiter deliquisse dici nequeunt cum iis, qui non adeo graviter, aut gravius peccarunt. Quare cum decimatio fieri nequeat, nisi inter eos, qui æqualiter deliquerunt (§. 1034.): Patet, quod ii, qui in delicto a pluribus commissio gravius, vel minus etiam deliquerunt, eximi debeant, si decimatio sit facienda. *Q. e. l.*

Cum

Cum hi tamen deliquisse, & vel gravius iis, qui decimantur, supponantur (*per hypoth.*); Gravius vero delinquentes, gravius etiam sint puniendi; Adeoque mitius, qui minus (§. 626. *Part. 8. Jur. nat. WOLF.*): Patet etiam, quod ii, qui gravius aut minus inter plures deliquerunt, peculiariter sint puniendi; Gravius scilicet vel mitius, prout plus vel minus iis deliquerint, qui decimantur. *Q. e. 2.*

§. 1036.

Quare cum auctores delictorum gravius delinquant iis, qui per eos *Auctores delicti eximendi.* ad illa commoventur (§. 628.); Ii vero, qui in delicto a pluribus commissio gravius delinquant, eximendi antea & peculiariter puniendi sint, si decimatio fieri debeat (§. 1035.): *Auctores delicti a pluribus commissi eximendi antea & peculiariter puniendi sunt, si decimatio instituenda est.*

§. 1037.

Porro cum milites, qui initium faciunt fugæ ex acie, sint auctores *Qui primi ejusdem, adeoque delicti (§. 631.); Auctores vero delicti a pluribus ex acie fugiunt.* commissi a decimatione sint eximendi & peculiariter puniendi (§. 1036.): *Si propter fugam ex acie a pluribus commissam decimatio facienda est: Ii, qui initium illius fecere, antea eximi & peculiariter puniri debent.*

Cum fuga ex acie capite plecti possit (§. 963.); Pœna vero capitalis in decimatione supponatur (§. 1031.): Facile apparet, quod decimationi circa fugam ex acie locus sit, si nempe a pluribus committatur. Imo eadem & seditio proprie ea sunt delicta, in quibus potissimum locum sibi vindicat decimatio. Uti & peculiariter adhuc in sequentibus ostendetur.

§. 1038.

Similiter cum ii, qui ad seditionem alios concitant, sint auctores *Qui ad seditionem concitant.* ejusdem (§. 627.), adeoque delicti militaris gravissimi (§. 629); Seditio vero plures supponat, qui eandem suscipiunt (§. 619.); Et auctores delicti a pluribus commissi a decimatione antea sint eximendi & peculiariter puniendi (§. 1036.): *Si propter seditionem fieri debeat decimatio: Ii, qui ad eandem alios concitarunt, antea eximendi & peculiariter, gravius nempe (§. 1013.), puniendi sunt iis, qui per eos commoti fuerunt.*

Quod præter fugam ex acie, si a pluribus committatur, circa seditionem potissimum locum sibi vindicet decimatio, ad §. præced. jam monuimus.

§. 1039.

*Quomodo
puniendi
reliqui.*

Si fiat decimatio militum: Reliqui, quibus pœna capitalis non contingit, a'isq; omni pœna dimittendi non sunt, sed alia pœna, quæ capitali mitior est, afficiendi.

Licet enim, si plures milites una delinquant, non omnes pœna capitali afficiendi sint (§. 1030.): Hoc tamen saltem sit propterea, ne numerus militum nimis minuatur, vel exercitus ultra, quam par est, debilitetur (*per dem. cod.*). In eo itaque ratio sufficiens ponenda est, cur non omnes, qui una deliquerunt, capite plectantur (§. 56. *Ontol. WOLF.*). Cum vero non per omnem pœnam pereant milites, aut tales esse desinant (*per not.*): Puniri milites possunt absque diminutione numeri eorum vel exercitus debilitatione. Non itaque eadem ratio adest, cur ii, qui ex pluribus delinquentibus a pœna capitali eximuntur, nulla alia affici debeant. Contra cum & hi deliquerint (*per hypoth.*): Milites vero delinquentes puniendi sint (§. 761.): Adest potius ratio sufficiens, ut & iidem, licet non capitali, sed alia mitiori pœna plectantur. Quare cum uti posita ratione sufficiente ponendum sit, ita & cessante ea cesset quoque, quod propter eam est (§. 118. *loc. cit.*): Apparet, quod ii, quibus per decimationem pœna capitalis non contingit, absque omni pœna dimitti non debeant, sed alia quadam mitiori affici.

Quomodo in reliquos, qui per decimationem a pœna capitali eximuntur, jam apud Romanos sit animadversum, & adhuc hodie illud fiat, memoratur a DOBNERMANNO (§. 59. *loc. ad §. 1030. cit.*).

§. 1040.

Quali?

Pœna, quæ milites reliqui, qui per decimationem eximuntur a capitali, efficiuntur, talis esse nequit, quæ ipsos militia privaret, sed talis esse debet, quacum militia ejusque actualis præstatio subsistere potest.

Ratio enim sufficiens, cur in delicto a pluribus commissio non omnes pœna capitali plectantur, sed decimatio fiat, in eo est, ne numerus militum nimis minuatur, & exercitus eo, ultra quam par est, debilitetur (*dem. §. 1039.*). Si vero ii, qui per decimationem a pœna capitali eximuntur, alia pœna, quæ cum militia ejusque præstatione subsistere non posset, sed potius eadem ipsos privaret, afficerentur: Militum numerus æque minueretur & exercitus eo debilitaretur, quam si supplicio darentur. Eadem itaque adest ratio, ut pœna militum tollente non afficiantur, quam ne capite plectantur. Quare cum posita ratione sufficiente ponendum etiam sit, quod propter eam est (§. 118. *Ontol. WOLF.*): Patet etiam, quod pœna, quæ reliqui per decimationem a capitali eximuntur

emti afficiuntur, talis esse debeat, quæ cum militia potest subsistere, neque adeo talis esse possit, quæ eisdem militia privaret, aut hujus præstationem saltem impediret.

Quali poena affiendi sint ex decimatione superstites, ulterius non determinavit, sed solum durius ipsos tractandos asserit pluries laudatus auctor (§. 59. *Diff. de Decim. delinq.*). In hoc itaque §. principium generale stabilimus, qualis esse debeat vel non possit poena eorum. Ex quo dijudicari poterit, quænam in specie poenæ locum habeant, vel non. Id quod ulterius adhuc de quibusdam generibus vel speciebus deducemus.

§. 1041.

Pœna itaque, qua milites reliqui ex decimatione superstites afficiuntur, infamis esse nequit. Sive: Militibus ex decimatione superstilibus imponi nequit poena infamis.

Cum enim miles, qui poena infami afficitur, infamis fiat (§. 949.); Miles vero infamis factus miles nequeat manere (§. 812.): Poena quæcunque infamis talis est, quacum militia nequit subsistere, sed quæ potius militem eadem privat. Quamobrem cum milites, qui per decimationem a poena capitali liberantur, tali nequeant affici, quæ militia ipsos privaret (§. 1040.): Nec poena infami eisdem plecti posse, apparet.

Si leges positivas & usum spectes: Fieri equidem etiam solet, ut poena infamis in hoc casu statuatur. In deditione enim festinata id plerumque obrinet, ut reliqui, qui per decimationem a poena capitali liberantur, infames declarentur & mittantur. Quod etiam, cum hic conservatio militum non adeo attendatur, non omni ratione destituitur. Si tamen in genuinam decimationis rationem inquiras, qualem eam tradidimus (§. 1030.): Eidem illud contrarium deprehendi, negari non poterit. Et dubitamus etiam, an poenæ eidem locus facile concedatur, si numerus delinquentium major sit.

§. 1042.

Cum vero militiam non amittat miles, qui poena famam minuente *Bene vero afficitur* (§. 874.); Adeoque cum hac militia possit subsistere; Tali *ve famam minuent.* poena, quacum militia subsistit, affici possint milites ex decimatione reliqui (§. 1040.): *Milites, qui per decimationem a poena capitali liberantur, poena famam minuente affici possunt.*

Non tamen quavis poena famam minuente ipsos affici posse, inde consequitur. Dantur enim etiam tales poenæ famam minuentes, quæ militæ privationem involvunt. Qualis est remotio a militia sive cassatio (§. 895.). Hic itaque aliud nihil asseritur, quam quod poena eorum, qui ex decimatione reliqui sunt, esse possit ex numero famam minuentium.

§. 1043.

*In specie in
fuga ex
acie.*

Si propter fugam ex acie decimatio fiat: Milites ex ea reliqui pœna famam minuente plekti convenit.

Fugam enim ex acie proprie quidem pœna infami plekti convenit (§. 961.); Adeoque si capite plektenda sit, suspendio (§. 964.). Cum autem hic supponatur, fieri decimationem (*per hypoth.*); Militibus vero ex decimatione reliquis pœna infamis imponi nequeat (§. 1041.): Milites etiam ex decimatione propter fugam ex acie facta reliqui, pœna infami alliei non poterunt. Cum tamen fuga ex acie famæ militum maxime repugnet (§. 608.): Ut etiam tali pœna, si potest, plektantur, quæ famam afficit, convenit (*dem.* §. 961.). Quare cum pœnæ famosa, sive, quæ circa famam militum versantur (§. 868.), vel infames sint, vel famam minuentes (§. 869.); Pœna autem infami plekti nequeant milites ex decimatione propter fugam ex acie superstites (*per demonstrata*): Quod pœna saltem famam minuente ipsos affici, conveniat, apparet.

● §. 1044.

*Quali in
specie pœ-
na.*

Quamobrem cum commoratio extra vallum & castra, item mereri absque signis, sive privatio signorum, ut & purgatio castrorum, sint pœnæ famam militum minuentes, & quidem militares (§. 895. 896.), quæ pluribus conveniunt; Quibus tamen milites non impediuntur, quo minus militiam præstent (*per not.*): *Ut milites ex decimatione propter fugam ex acie reliqui extra vallum & castra tendere, ut & absque signis mereri, imo purgare castra jubeantur, convenit (§. 1040. 1043.).*

Hæ quidem etiam ex sunt pœnæ, quæ ipsis legibus positivis in superstitibus ex decimatione propter fugam ex acie facta statuuntur. Hancce itaque juris positivi dispositionem optima niti ratione ex consensu ejusdem cum iis, quæ ex ipsis juris naturæ principiis eliciuntur, apparet.

§. 1045.

*In quibus
delictis ob-
sineat de-
cimatio.*

Decimatio militum locum habet in omnibus illis eorum delictis, in specie etiam militaribus, quæ a pluribus committuntur, & pœna capitali coerceri debent.

Per decimationem enim ex pluribus, qui una delinquant, certus demum numerus seligitur, qui pœna capitali plektantur (§. 1031.). Ut itaque decimatio fiat, adesse debent plures, qui una deliquerunt, & propterea capite plekti possent. Quamobrem cum facile appareat, in omnibus militum delictis, in specie etiam militaribus, quæ a pluribus commit-

committuntur, & poena capitali cocreenda sunt, hæc adesse: Patet etiam, quod in illis locum habeat decimatio.

Satis ita determinata videntur delicta, in quibus obtinere potest decimatio: Cum plures tradat regulas auctor sæpe citatus (§. 49. *Diff. de Decim. delinq.*); Quæ vero decimationem potius tanquam pœnam, quam ejus remissionem aut mitigationem supponunt. Quod autem perperam fieri, ex iis elucescet, quæ ad §. 1047. monebuntur.

§. 1046.

Hinc cum seditio plures supponat (§. 619.); Eadem vero simul *In quibus detractionem servitiorum militarium & resistenciam imperii, sive re-inspecie.* cufationem obedientiæ (§. 618.), involvat (§. 619. *cu.*); Adeoque hæc etiam delicta a pluribus committi possint; De fuga ex acie, deditione festinata, desertione & transfugio vero idem constet; Hæc autem delicta omnia capite plecti possint (§. 963. 971.); Atque adeo ita sint comparata, ut in illis decimatio locum habere possit (§. 1045.): *In seditione militari, detractione servitiorum, recusatione obedientiæ, vel resistenciam imperii, fuga ex acie, deditione festinata, desertione & transfugio locus est decimationi.*

§. 1047.

Decimatio militum, quemadmodum in genere, est modus aggra- *Est modus aggratiandi.*

Omnes enim, inter quos fit decimatio, pœnam capitalem promeruerunt (§. 1031.). Cum vero per illam fiat, ut hæc non nisi quidam ex iisdem afficiantur (§. *cit.*): Reliqui aut nulla plane, aut alia non capitali pœna plectuntur. Et cum absque omni pœna dimitti non debeant: Tali tamen saltem afficiuntur, quæ capitali mitior est (§. 1039.). Quamobrem eum, qui puniri poterat, non puniatur, pœna dicatur remitti (§. 1089. *Part. 1. Jur. nat. WOLF.*); Si vero leviori saltem afficitur, qui graviori poterat, mitigari (§. 1090. *loc. cit.*): Per decimationem fit, ut majori delinquentium numero pœna vel plane remittatur, vel mitigetur saltem. Cum itaque pœnarum remissio & mitigatio aggratiationem efficiat (§. 843. *Part. 8. loc. cit.*); In decimatione vero singulari modo fiat, ut a pœna capitali, quam omnes promeruerunt, maxima pars liberetur: Dum nempe illi, qui eadem adiciendi sunt, sorte determinentur (§. 1033.): Patet, quod decimatio tam in genere, quam militum in specie sit modus aggratiandi.

Idem statuit auctor dissertationis *de decimatione delinquentium* (§. 41.): Licet simul eandem pro modo summi pœnam capitalem & speciem ju-

juris vitæ & necis vendiret (§. 44.). Quod vero minus accurate dici videtur. Decimatio enim non jus pœnam capitalem sumendi, aut jus vitæ & necis, quod dicitur, demum tribuit, sed illud jam supponit. Si enim, qui decimantur, tales sunt, qui jure capere pleſſi poſſent (§. 1031.). Cum vero non iidem omnes ſupplicio dentur: Decimatio jus pœnam potius tollendi, quam ſumendi tribuit. Modus etiam, quo pœna capitalis ab iis, qui decimantur, ſumitur, determinatus jam eſt, ut v. gr. ſuſpentione afficiantur, quos ſors tangit; Neque adeo per decimationem demum determinatur. Minus recte itaque dici, quod ſit modus ſumendi pœnam, apparet. Auctori ſupra laudato id vero ex minus exacte formata decimationis definitione eveniſſe arbitramur, dum eam pœnam dixerit: Cum potius tanquam aggravationis ſpecies, quam ipſe eam vocat, pœnæ potius remiſſio vel mitigatio ſit (*per allegata.*).

§. 1048.

Pœna Si a malo, in quo pœna conſiſtit, liberatur, qui hac fuit affectus; quando tollitur. Pœna tollitur.

Pœna enim in malo, phyſico nempe, quod cuidam propter delictum infligitur, conſiſtit (*def. §. 761.*): Quod ſi itaque a malo illo quis liberetur, cui idem fuit inflictum, hunc pœnam amplius non pati, adeoque pœnam amplius non addeſſe, apparet. Quamobrem cum facile intelligatur, quod pœna tollatur, ſi efficiatur, ut is, cui eadem fuit inflicta, eam amplius non patiatur, ſeu ut pœna amplius non adſit; Sed idem potius ſit, ac ſi eandem non fuerit perpeſſus: Patet etiam, quod ſi a malo, in quo pœna conſiſtit, liberetur, qui hac fuit affectus, pœna tollatur.

Quæ hic & §§. ſeqq. demonſtrantur, juris non proprie militaris, ſed criminalis in genere ſunt. Cum vero iſtis tanquam principiis opus habemus ad demonſtranda alia, quæ militum propria ſunt: Neque tamen eadem aliunde liceat ſupponere: Ut ea hic inferamus, neceſſe fuit.

§. 1049.

Si ademta Si itaque ea, quæ cuidam, & in ſpecie militi, in pœnam ademta ſunt, reſtituantur. Pœna tollitur.

Pœnæ enim & in ſpecie militum, adeoque & malum, quod iisdem inferuntur, in privatione rerum quarumlibet conſiſtere poſſunt (§. 775.). Quod ſi itaque ea, quibus quis in pœnam privatus eſt, ipſi reſtituantur, illum a malo, in quo pœna conſiſtit, liberari apparet. Quare cum in hoc caſu pœna tollatur (§. 1048.): Eandem etiam tolli patet, ſi cuidam & in ſpecie militi reſtituantur ea, quæ ipſi in pœnam fuere ademta.

§. 1050.

§. 1050.

Quamobrem cum pœna tunc demum tollatur, si a malo, in quo *Quando*
eadem consistit, quis liberetur (§. 1048.), aut in specie si ipsi resti-^{tollit non}
tuantur, quæ in pœnam eidem ademta fuere (§. 1049.): *Si a malo, in*^{possit.}
quo pœna consistit, liberari quis, in specie miles, nequeat: Aut ipsi resti-
tui non possint, quæ in pœnam fuere ademta: Pœna tolli nequit.

§. 1051.

Pœna corporis afflictiva, quæ in dolore saltem faciendo in corpore ^{Non corpo-}
consistunt, tolli nequeunt. ^{ris afflicti-}
^{va.}

Pœnas enim & in specie militum in dolore corpori inferendo consi-
stere quoque posse (§. 774.), & easdem corporis afflictivas appellari
constat (§. 776.). Malum itaque, quod iisdem inferitur, est dolor in
corpore. Si itaque pœna talis tolli deberet: A dolore isto liberandus
esset, qui eundem fuit perpassus (§. 1048.). Cum vero dolor hic non
continuus, sed transiens saltem supponatur: Efficiendum esset, ut idem
sit, ac si eodem non fuisset affectus. Cum vero impossibile sit, ut fa-
ctum fiat infectum (*per not.*): Fieri etiam nequit, ut a malo liberetur,
qui pœna corporis afflictiva in dolore saltem faciendo consistente fuit
affectus. Quare cum si a malo, in quo pœna consistit, liberari quis
nequeat, nec pœna tolli possit (§. 1050.): Patet, quod nec pœna cor-
poris afflictiva, quæ in dolore saltem faciendo consistit, tolli queat.

Sic miles, qui decursione per virgas sive vites fuit punitus, in inte-
grum restitui nequit, ita, ut idem sit, ac si pœnam istam non esset per-
passus. Adeoque eadem tolli nequit.

§. 1052.

Si pœna in corporis afflictione continua consistat, & ab hac liberetur, ^{Quando}
qui ipsam in pœnam patitur: Pœna eadem proprie non tollitur, sed tan- ^{bac finit-}
^{tur.}
tum finitur.

Si enim pœna corporis afflictionem continuam involvat, ab hac libe-
rari posse eum, qui eandem patitur, facile apparet. Cum vero pœna
corporis afflictiva dolorem in corpore inferat (*def.* §. 774.): Qui a cor-
poris afflictione continua liberatur, dolorem istum eo usque jam fuit
passus, in quo eadem consistit. Cum itaque fieri nequeat, ut idem sit,
ac si eodem non fuerit affectus (*per dem.* §. 1051.): Nec a malo, in
quo pœna talis consistit, hactenus saltem infecto, liberari potest, licet
eodem affici desinat. Quare cum si a malo, in quo pœna consistit, seu
consistit potius, liberari quis nequeat, nec pœna tolli possit (§. 1050.):

Nec

Nec pœna tollitur, si a corporis afflictione continua, qua quis in pœnam afficitur, quis liberetur. *Q. e. 1.*

Cum vero a malo illo, quod in pœnam hæcenus fuit infligendum, liberetur, qui idem patitur (*per hyporb.*): Pœnam amplius ei non infligi, adeoque eam desinere apparet. Quamobrem cum, quod esse desinit, finiatur: Pœnam etiam, quæ in corporis afflictione continua consistit, finiri patet, si ab ea liberetur, qui eandem hæcenus fuit perpeffus. *Q. e. 2.*

Non cuivis forsan statim perspecta erit differentia, quæ in eo ponitur, quod pœna vel tollatur, vel finiatur. Et ad subtilitates eadem fortasse rejicietur. Si vero eandem ad exemplum applicare lubuerit: Eam iuristica ratione non desitui apparebit. Sic v. gr. si, qui ad opus publicum vel ad certos annos, vel vitæ dies condemnati sunt, annorum impletione, vel etiam ex singulari principis gratia ab hac pœna, quæ in corporis continua afflictione consistit, liberentur: Eadem finiri quidem dicitur. Tolli vero dici non poterit: Cum eo non efficiatur, ut idem sit, ac si eam non fuissent perpeffi. Contra, si cui pecunia restituitur, quæ in multam ipsi fuit ablata: Idem esse intelligitur, ac si quis multatus non fuisset. Adeoque tunc non finitur, sed tollitur pœna: Cum ea pecuniæ solutione jam fuerit absoluta. Finiretur vero multa, si cui in pœnam fuerit dictatum, ut quovis ex gr. anno certam pecuniæ summam solveret: Ab hac vero præstatione vel temporis lapsu, vel ex gratia liberetur.

§. 1053.

*Capitalis
solli ne-
quit.*

Pœna capitalis & corporis afflictiva, quæ fit cum membri alicujus corporis amissione, tolli nequit.

Pœna enim capitali vita (*def. §. 776.*), & corporis afflictiva, quæ fit eum membri ejusdam amissione, membrum aliquod corporis adimitur ei, qui eadem afficitur. Vitam vero & membra corporis semel sublata restitui non posse constat. Quare cum si ea, quæ in pœnam adempta fuere, restitui nequeant, nec pœna tolli possit (§. 1050.): Patet, quod pœna capitalis & corporis afflictiva eum membri ejusdam corporis amissione conjuncta tolli nequeat.

§. 1054.

*Quomodo
multa tol-
latur.*

Si militi, vel in genere cuivis, restituitur pecunia, quæ in pœnam ipsi fuit ablata: Multa tollitur.

Multa enim dicitur pœna, quæ in solutione pecuniæ præsertim consistit (§. 590. Part. 8. *Jur. nat. WOLF.*). Qui itaque multam patitur: Ei pecunia in pœnam adimitur. Quamobrem cum si militi vel in genere cuivis

cuius restituantur ea, quæ in pœnam ipsi fuere ademta, hæc tollatur (§. 1049.): Patet etiam, quod si eidem restituatur pecunia, quam in pœnam solvit, multa tollatur.

Cum hic ostendatur modus, quo multa tolli possit; Et, cum pecuniæ restitutionem fieri posse cuius appareat, de modi ejusdem possibilitate dubitari nequeat: Liquet simul, quod multa tolli possit.

§. 1055.

Si cui restituantur jura, quæ in pœnam ipsi fuere ademta: Tollitur Quomodo pœna, quæ per eorum ademtionem cuidam fuit illata.
jurium ademtio.

Si enim ea restituantur, quæ in pœnam alicui fuere ademta: Pœna tollitur (§. 1049.). Quare cum hic ponatur, jura cuidam in pœnam fuisse ademta (*per hypoth.*): Statim etiam apparet, quod si eadem restituantur, tollatur pœna, quæ per eorum ademtionem ipsi fuit illata.

§. 1056.

Cum itaque militi, qui fama privatur in pœnam, adimantur jura *In specie* ea, quæ cum fama in civitate connexa sunt (§. 802.): Adeoque jura eorum quæ hæc militi in casu dato sint ademta in pœnam (*per hypoth.*): Si mili fama adti, qui fama in pœnam privatus est, reddantur jura, quæ cum fama connexa sunt, pœna tollitur, quam per eorum ademtionem passus fuit (§. 1055.).

§. 1057.

Si militi, qui fama in pœnam privatus est, reddantur jura, quæ cum fama connexa sunt: Ipsa fama illi restituitur.
Quomodo fama restituitur.

Cum enim jura eadem cum fama, in sensu scilicet juris tali, connexa supponantur (*per hypoth.*): Ea a fama dependent (§. 14. *Cosmol. WOLF.*): Adeoque rationem sufficientem in fama agnoscunt (§. 851. *Ontol. ejusd.*). Quare cum absque ratione sufficiente nihil esse possit (§. 70. *loc. cit.*): Si jura eadem debeant adesse, sive reddi, ipsa etiam fama adesse, sive reddi debet. Patet itaque, quod, si militi, qui fama in pœnam privatus est, reddantur jura, quæ cum fama sunt connexa, hæc ipsa illi restituantur.

§. 1058.

Cum si ea restituantur, quæ in pœnam alicui fuere ademta, pœna *Eo tollitur* tollatur (§. 1049.): Fama vero militi in pœnam sublata supponat pœna.

Jus mil. nat.

Kkk

tur

tur (per hypoth.): Si militi, qui fama in pœnam privatus est, eadem restituatur. Tollitur pœna, quam per famam privationem passus fuit.

§. 1059.

Jurium etiam redditione.

Hinc cum si cuidam reddantur jura, quæ cum fama connexa sunt, hæc ipsa restituatur (§. 1057.); Si vero fama restituatur, pœna tollitur, quam quis per ejus privationem passus fuit (§. 1058.): Si militi; qui fama in pœnam privatus fuit, reddantur jura, quæ cum fama connexa sunt: Pœna tollitur, quam per hujus privationem fuit expertus.

§. 1060.

Quomodo pœna infamiae.

Quamobrem cum pœna, quam quis per privationem famæ & inde dependentium jurium patitur, pœna infamiae dicatur (def. §. 804.); Pœna vero eadem cesset, si restituatur fama (§. 1058.), aut reddantur jura, quæ cum fama connexa sunt (§. 1056. 1059.): Pœna infamiae tollitur, si et, qui eandem patitur, restituatur fama, sive reddantur jura, quæ cum fama connexa sunt.

§. 1061.

Fama restitui potest.

Fama militi restitui potest, qua in pœnam fuit privatus.

Cum jus in facultate morali agendi consistat (§. 156. Part. 1. Phil. pract. univ. WOLF.); Adeoque si facultas hæc agendi reddatur ei, qui ea fuit privatus, jus ipsi reddatur: Jura reddi posse, quorum in pœnam quis expers factus est, facile apparet. Jura itaque etiam reddi possunt, quæ cum fama connexa sunt, quibus vero quis in pœnam fuit privatus. Quare cum si jura hæc reddantur, fama simul restituatur (§. 1057.): Patet, quod militi fama possit restitui, qua in pœnam fuit privatus.

§. 1062.

Infamia.

Militi itaque, qui infamia notatus, vel in pœnam infamiae factus fuit, fama potest restitui.

Miles enim, qui infamia notatur, sive quod idem est, qui in pœnam fit infamis (§. 806.), fama privatur in pœnam (§. 800.). Quare cum militi, qui in pœnam fama fuit privatus, eadem possit restitui (§. 1060); Restitui etiam poterit, qui infamia notatus, vel in pœnam infamiae factus fuit.

§. 1063.

§ 1063.

Si militi, infami factō, fama restituatur: Reddi etiam ipsi debent Quid hoc involvat.
jura, quæ cum illa connexa sunt.

Jura enim, quæ cum fama connexa sunt, rationem sufficientem in illa habent (*per dem. §. 1057*). Si itaque fama militi, infami factō restituatur: In eo ponitur ratio sufficiens illorum jurium. Quare cum posita ratione sufficiente ponendum etiam sit, quod propter eam est (§. 113. *Ontol. WOLF*): Ponenda etiam, siue ei reddenda sunt, jura ista, quæ cum fama connectuntur, si hæc restituatur.

§. 1064.

Si militi, infami factō, fama restituatur: Miles iterum fieri Miles fieri potest.
poteſt.

Ut quis enim miles fieri possit, inter ea jura referendum est, quæ cum fama connexa sunt (*per dem. §. 812*). Quare cum miles, qui infamis fit in pœnam, juribus istis priveretur (§. 809): Nec propter ea miles manere potest (§. 812. *cit.*). Cum vero jurium eorum iterum particeps fiat miles, si fama ipsi restituatur (§. 1063.): Patet etiam, quod in hoc casu miles iterum fieri possit, qui infamis fuit factus.

Jure quidem civili statutum est, ut qui semel infamia notatus fuit, postea nec volens miles fieri possit (*l. 4. §. 6. ff. de Re milit*). Quemadmodum vero hoc juris naturæ non esse, modo demonstravimus; Ita & alibi jam monuimus, quod observantiæ militari repugnet (*Schol. §. 811*).

§. 1065.

Fama restitutio est species remissionis pœna; Et ad jus aggratiandi fama restitutio qualem sit jus.
referenda.

Per famæ enim restitutionem tollitur pœna, quam per illius privationem quis fuit passus (§. 1058.). Amplius itaque non punitur, qui puniri poterat. Quamobrem cum si non puniatur, qui posset, pœna dicatur remitti (§. 1039. *Part. 1. Jur. nat. WOLF*): Pœna quoque remittitur ei, cui fama restituitur. Et hinc patet, quod famæ restitutio sit remissionis pœnæ species. *Q. e. 1.*

Et cum jus pœnas remittendi ad jus aggratiandi pertineat (§. 843. *Part. 8. loc. cit.*); Famæ vero restitutione fiat remissio pœnæ (*dem. n. 1*): Famam restituere nequit, nisi qui jure aggratiandi gaudet.

Kkk 2

Atque

Atque hinc simul elucet, quod famæ restitutio ad jus aggratiandi referenda sit. *Q. c. 2.*

Hæc & alia ad jus potius criminale in genere spectantia, propterea hic evincuntur, quia ad demonstranda alia faciunt, quæ juris propriè militaris sunt, neque eadem aliunde supponere liceat. Uti pluries jam monuimus.

§. 1066.

Cui competit.

Famæ restitutio non competit nisi superiori in civitate sive principi.

Famæ enim restitutio ad jus aggratiandi pertinet (§. 1065.). Cum itaque hoc sit jus majestaticum (§. 843. cit.): Famæ restitutio etiam competere nequit, nisi qui juribus majestaticis gaudet. Jura majestatica vero dicuntur, quæ ad summum imperium pertinent (§. 207. loc. cit.). Competere itaque nequeunt, nisi qui hoc habet. Quare cum is, cui imperium summum in civitate competit, superior dicatur (§. 141. ibid.): Patet etiam, quod famæ restitutio non competat, nisi superiori in civitate sive principi.

§. 1067.

Declarari debet.

Ut militi fama restituatur, illud a principe debet declarari.

Cum enim famæ restitutio principi competit (§. 1066.): Illam ab ipsius voluntate pendere, facile intelligitur. Quare cum de voluntate cujusdam non constet, nisi declaretur: Patet, quod etiam a principe illud sit declarandum, si militi fama restitui debeat.

§. 1068.

Quot modis.

Cum itaque voluntas alicujus verbis vel factis possit declarari (§. 3. Part. 3. loc. cit.): Famæ restitutio vero declarari debeat (§. 1066.): *Fama militi vel verbis vel factis restitui potest.*

§. 1069.

Quo modo militi ipso facto.

Si miles, qui in pœnam infamis factus fuerat, miles iterum assumitur, sive constituitur: Eisdem ipso facto fama restituatur.

Ut enim quis miles fieri possit, inter ea jura referendum est, quæ cum fama connectuntur (cfr. §. 1064.). Si itaque miles quis constituitur, qui infamis fuit factus: Ei jus redditur, cum famæ connexum. Quare cum militi, qui fama in pœnam privatus est, sive quod idem est, qui in pœnam infamis fuerat factus (§. 807.), reddantur jura, quæ cum fama sunt connexa, hæc ipsa illi restituatur (§. 1057.):

Patet

Pater etiam, quod militi fama ipso facto restituatur, si qui infamis factus fuerat, miles iterum assumatur sive constituatur.

Licet militibus fama ipso facto non soleat restitui (*per exper.*): Quod tamen possit, per demonstrata dubitari. nequit. Urique vero constare debet, quod infamis fuerit factus, si ex eo, quod miles reassumatur, famæ restitutio concludi debeat. Uti recte monet Dn. WAGA (§. 22. *Diff. de Restit. fama per vex.*).

§. 1070.

Ut tamen fame militum restitutio non solis verbis, aut nudo facto absolvatur, sed actu quodam publico, adhibitis ceremoniis, fiat, convenit.

Infamationem enim militum actu quodam publico fieri, neque sola sententia absolvi, convenit (§. 833.). Cum itaque per infamationem miles infamis declaratur (§. 824.); Adeoque fama privetur (*dem.* §. 807.): Famæ privationem militum actu publico corporali peragi convenit, uti & plerumque solet. Ea vero, quæ publice & actu corporali sive adhibitis ceremoniis peraguntur, cum in sensu incurrant, majori vi animis inprimi constat. Quamobrem cum per famæ restitutionem infamatio sive famæ privatio removeri seu tolli debeat (§. 1058.): Tolle etiam debet impressio ista, quæ per famæ publicam & solennem privationem sive infamationem incussa fuit. Cum itaque facile intelligatur, hoc aptius fieri non posse, quam si eodem, sensus adeo fortiter tangente, modo restituatur fama, quam quo fuit ablata: Pater etiam, quod conveniat, famæ restitutionem militi fieri actu quodam publico, adhibitis ceremoniis.

§. 1071.

Modus militaris famam per vexillum restituendi, symbolicus est & optime convenit.

Quodsi enim per vexillum fama cuidam debeat restitui: Vexillum super capite ipsius vibratur, addita famæ declaratione (*per hypoth.*). Cum itaque vexilla sint signa militum honorifica & ab antiquo jam fuerint (*per not.*): Per hunc actum is, cui fama restituenda est, dignus declaratur, qui sub signis mereri, adeoque miles fieri possit. Cum vero, cui jus militiæ reddatur, fama simul restituatur (§. 1069.): Actus iste vexillum movendi super caput ejus, cui famæ restitutio fieri debet, hæcce optime repræsentat. Quare cum res symbolicè fieri dicatur, si actus eandem repræsentativus celebretur

tur (§. 50. *Disp. de Imposs. poss. in diem tradit. symb. CRAMERI*): Patet, quod modus iste sit symbolicus. *Q. e. 1.*

Et cum hic actus famæ restitutionem optime repræsentet (*per dem. n. 1.*): Fortiter etiam hæc animis inprimitur. Cum itaque conveniat, ut æque fortiter sensus tangente modo fama restituatur, quam auferri solet (*per dem. §. 1070.*). Optime etiam hunc modum famæ restitutioni convenire apparet. *Q. e. 2.*

De hac famæ per vexillum restitutione peculiarem dissertationem habuit STEPH. WAGA, Regiomonti 1730., quæ cum illa de eo, q. j. e. circa pœn. mil. ignom. recusa prodiit Lipsiæ 1744. In qua tamen non eam solum tractat, sed & plurima, quæ a militibus committuntur, delicta percurrit.

§. 1072.

Nomen patibulo affixum refigi debet. Si militi fama debeat restitui, cujus nomen patibulo affixum est, hoc refigi debet.

Cum affixio nominis in patibulo pœna infamiæ sit (§. 848.): Facile patet, per eandem infamiam inferri ei, cujus nomen affixum est. Quamobrem cum si fama cui restituitur, pœna infamiæ tollatur (§. 1060.); Tolli etiam debet id, per quod infamia infertur. Cum itaque hoc fiat, si nomen, quod patibulo affixum erat, refigatur (*per hypoth.*): Elucet, quod hoc fieri etiam debeat, si fama restituenda sit ei, cujus nomen patibulo est affixum.

§. 1073.

Quod a pœna infami liberat. Si desertoris sponte reversi nomen, quod patibulo affixum est, refigatur: Alia quam infami pœna plecti poterit.

Et si enim conveniat, desertorem sponte reversum, si nomen ejusdem patibulo jam sit affixum, pœna infami plecti (§. 996.): Ratio tamen hujus convenientiæ saltem in eo continetur, quod nomen ejus patibulo affixum sit (*per dem. ibid.*). Cessat itaque ratio eadem, si nomen refigatur, adeoque fama ipsi restituatur (*dem. §. 1072.*). Quamobrem cum uti posita ratione sufficiente ponendum sit, ita ea cessante cesset etiam, quod propter eam est (§. 118. *Ontol. WOLF.*): Patet, quod desertor sponte reversus alia etiam, quam infami pœna plecti possit, si nomen ejus, quod patibulo affixum est, refigatur.

§. 1074.

Quis fama restitutione indigeat. Restitutione fama opus non habet miles, nisi infamis.

Resti-

Restitutio enim supponit, quod sublatum sit id, quod restitui debet. Quod per se intelligitur. Si itaque fama debeat restitui, hoc supponit, quod eadem fuerit ademta. Quamobrem cum miles, qui infamia notatur, sive infamis sit in pœnam (§. 806), fama saltem penitus privetur (§. 857.): Patet etiam, quod famæ restitutione non egeat miles, nisi infamis.

§. 1075.

Hinc cum miles, qui pœna famam saltem minuente afficitur, in-
 famis non fiat (§. 871.); Restitutione famæ vero non indigeat mi-
 les, nisi infamis (§. 1074): *Restitutione famæ etiam non eget miles, saltem mi-*
qui pœna famam saltem minuente affectus est, si hæc tolli debeat. *nuitur.*

§. 1076.

Si pœna famam militis minuens tolli debeat: Restituendum est id, Quomodo
quod per eandem fuit ademtum. Et vice versa: Si militi restituatur pœna fa-
id, quod per pœnam famam minuentem ipsi fuit ademtum: Hæc tol-
litur. *latur.*

In genere enim si ea, quæ militi in pœnam ademta sunt, restituantur, pœna tollitur (§. 1049.); Adeoque ut pœna tollatur, restitui debent, si quæ per eandem ademta fuere (§. 1050.). Quamobrem cum per pœnas famam militum minuentes, privatio famæ particulis fiat (§. 864.); Adeoque utique aliquid adimatur: Patet, quod istud restituendum sit, si pœna famam militis minuens tolli debeat, Et quod vice versa hæc tollatur, si illud restituatur.

§. 1077.

Quare cum per pœnam famam minuentem fama pro parte privetur
 milites (§. 864.); Ut vero pœna ista tollatur, restitui debeat, *Per partem*
 quod per eam fuit ademtum (§. 1076.): *fama restitu-*
tionem.
uens tolli debeat: Pars famæ, qua privatus fuit, ipsi restituenda est.

§. 1078.

Et cum miles, qui fama minuitur, juribus quibusdam priveretur
 (§. 873.); Ut autem tollatur pœna, quam quis per jurium quorundam
 ademtionem passus fuit, hæc debeant reddi (§. 1055.): *redditi-*
onem.
famam militis minuens tolli debet: Reddi debent jura, quæ per eandem
fuere amissa.

§. 1079.

§. 1079.

Quomodo fama redintegratur. Si militi famæ diminutionem passus, restituatur id, quod per eandem amisit: Fama ejus redintegratur.

Cum enim famæ diminutio sit privatio famæ partialis (§. 861.): Miles, qui illam passus fuit, partem famæ amisit. Cum itaque totum omnibus suis partibus demum conficiatur (§. 342. *Ontol. WOLF.*): Famam militis integram non esse, qui ejusdem diminutionem fuit passus, apparet; Sed eidem deest, quod per famæ diminutionem ademptum est. Quamobrem cum si id, quod integro deest, eidem redatur, illud dicatur redintegrari (*per def.*): Patet, quod fama militis redintegratur, si ipsi restituatur id, quod per ejusdem diminutionem amisit.

§. 1080.

Quomodo bucopus sit, aut suus. Quare cum si poena famam militis minuens tolli debeat, illud restituendum sit, quod per illam ademptum fuit, & contra, si hoc restituatur, fama redintegratur (§. 1079.): Si poena famam militis minuens tolli debet; Fama ejus redintegranda est; Et vice versa; Si fama militis poenam hujus minuentem passi redintegratur: Poena hæc tollitur.

§. 1081.

In quibus in specie. Si miles, qui in poenam a militia vel plane fuit remotus, vel gradu ejusdem saltem depositus, in illam recipiatur, vel ad pristinum gradum evehatur: Fama ejus redintegratur.

Miles enim, qui in poenam a militia vel plane fuit remotus, vel ejus gradu saltem depositus, famæ diminutionem passus est (§. 880.). Si vero militi hanc passio restituatur, quod per eam ipsi deest, fama ejus redintegratur (§. 1079.). Quare cum facile intelligatur, quod militi, qui in poenam a militia fuit remotus, si in eam recipiatur, & ei, qui gradu saltem fuit depositus, si ad hunc rursus evehatur, restituatur id, quod ipsi in poenam fuit ademptum: Patet etiam, quod in iis casibus fama ejusdem redintegratur,

§. 1082.

Specialius ad huc. Remotio a militia, depositio de gradu, dimissio absque literis, cassatio, in deteriorem militiam detrusio, degradatio ad excubias positio & equitis ad pedites transmissio tolluntur, & militum, qui eisdem passi sunt,

sunt, fama redintegratur, si in militiam recipiantur, vel ad pristinum ejus gradum evehantur.

Omnes enim, quæ recensite fuere, pœnarum species, sunt pœnæ famam militum minuentes (§ 895). Milites vero, qui iisdem afficiuntur, vel a militia plane removeri, vel gradu ejus saltem deponi apparet. Quare cum militibus, qui a militia remoti vel gradu depositi sunt, restituatur id, quod ipsis in pœnam deest, si in militiam recipiantur, vel ad pristinum gradum evehantur (*per dem. §. 1081.*); Si vero militi restituatur ea, quæ in pœnam ipsis fuere adempta, pœna eadem tollatur (§. 1049.): Tolluntur etiam omnes istæ pœnæ, si in militiam recipiantur & ad pristinum gradum evehantur, qui iisdem fuerunt affecti. *Q. c. 1.*

Et cum militis, qui in pœnam a militia fuit remotus, vel gradu depositus, fama redintegretur, si in illam recipiatur, vel ad hunc rursus evehatur (§. 1081.); Milites vero, qui enumeratas pœnas patiuntur, a militia vel removeantur, vel gradu saltem deponantur (*per dem. n. 1.*): Patet etiam, quod eorum omnium fama redintegretur, si in militiam recipiantur, vel ad pristinum gradum evehantur. *Q. c. 2.*

§. 1083.

Si miles, qui in pœnam extra vallum & castra tendunt, in illud *In commo-
ratione ex-
tra castra.*
vel hæc recipiantur: Fama eorum redintegratur.

Milites enim, qui in pœnam extra vallum & castra tendunt, fama minuuntur (§. 892.). Si vero militi fama minuto restituatur, quod propterea ipsi deest, fama ejus redintegratur (§. 1079.). Quare cum si milites, qui in pœnam extra vallum aut castra tendunt, in eadem recipiantur, reddatur, quod in pœnam ipsis fuit ademptum (*quod per se patet*): Eo etiam famam eorum redintegrari claret.

§. 1084.

Similiter si miles, qui in pœnam absque signis merentur, sub hæc *In militia
absque si-
gnis.*
recipiantur, vel signa iisdem reddantur: Fama eorum redintegratur.

Cum enim milites, qui in pœnam absque signis merentur, famæ diminutionem patiantur (§. 893.); Facile vero intelligatur, quod si iisdem sub signa recipiantur, sive hæc ipsis reddantur, illis restituatur, quod in pœnam abest: Eodem etiam, quo antea (§. 1083.), modo patet, quod tunc fama eorum redintegretur.

§. 1085.

*Pœna eo
tollitur.*

Quare cum tendere extra vallum et castra, ut et mereri absque signis, sint pœnæ famam militis diminuentes (§. 895.); Hæ vero tollantur, si fama eorum redintegretur, qui easdem patiuntur (§. 1080.): *Pœna commorationis extra vallum & castra, item militia absque signis tolluntur, si milites easdem patientes in illa, vel sub hac recipiantur* (§. 1083. 1084.).

§. 1086.

*Castrorum
purgatio
quatenus
tollatur.*

Castrorum purgationis pœna, quatenus famam minuit, tolli potest; Non vero, quatenus simul est corporis afflictiva. Sed si ab ea liberentur milites, qui eidem subjacent, hæc eatenus saltem finire dicenda est.

Castrorum enim purgatio, quæ fit in pœnam, pœna quidem famam minuens, non vero proprie pœna famæ diminutionis solum, sed ad minimum ex hac & corporis afflictiva mixta est (§. 896.). Quare cum pœna famam minuens tolli quidem possit (§. 1076.); Non vero corporis afflictiva (§. 1051. 1052.): Patet, quod & castrorum purgationis pœna, quatenus est famæ minuens, tolli quidem possit, non vero, quatenus simul est corporis afflictiva. *Q. e. 1.*

Castrorum autem purgatio in opere continuo peragendo consistit (*per not.*). Et quod ab eo liberari possit, qui in pœnam illud peragere debet, dubium esse nequit. Quare cum, si quis liberetur a pœna, quæ in corporis afflictione continua, adeoque & opere continuo peragendo, consistit, pœna eadem finire dicenda sit (§. 1052.): Patet etiam, quod pœna purgationis castrorum, quatenus est corporis afflictiva, finiatur saltem, si ab ea liberetur, qui eandem patitur. *Q. e. 2.*

§. 1087.

*Quando fama
redintegrandi.*

Militibus, qui fama diminutionem in pœnam passi sunt, eandem redintegrari non convenit, nisi officio suo antea neglecto melius fungi cœperint.

Cum enim interfit, ut milites officiis suis bene fungantur (§. 140.); Absque motivis vero nulla in anima detur volitio (§. 889. *Psych. emp. WOLF.*): Ut motivis eo ducantur milites, convenit. Ut itaque etiam motivum præbeatur ad melius fungendum officio suo iis, qui idem neglexerunt, convenire apparet. Milites vero, qui famæ diminutionem in pœnam patiuntur, officio suo recte functos non esse constat (§. 879.). Ut itaque iisdem ad melius eo fungendum præstare quoque præbeantur, convenit. Motiva vero in repræsentatione vel

vel mali consistunt (§. 890. loc. cit.). Quare cum fama, adeoque & si deminuta sit, ejus redintegratio, bonum sit (§. 633. Part. 1. Jur. nat. WOLF.); Et hinc si, qui fama minuti sunt, sciant, hanc ipsis non redintegrari, nisi inclius officio suo neglecto fungi cœperint; motivum eo præbeatur ad eo enitendum: Patet etiam, quod militibus, famæ deminutionem passis, illam redintegrari non conveniat, nisi officio suo antea neglecto melius fungi cœperint.

Hoc etiam legibus militaribus plerisque statutum est, ut v. gr. ii, qui hosti terga verterunt, eo usque ad separatam extra castra commorationem, militiam absque signis & castrorum purgationem condemnentur, donec neglectum officii sui per facta virilia suppleverint.

§. 1088.

Si miles per poenam infamis fieri videri posset, qui talis tamen esse non debet: Hoc expresse declarari convenit. *Quis pro non infamis declarandus.*

Cum enim infamia, quæ militi in poenam imponitur, lege debeat statui (§. 795.), & infamia juris sit (§. 796.): Eandem ab arbitrio legislatoris sive superioris in civitate pendere, facile intelligitur. Ab arbitrio itaque legislatoris etiam pendet, an per poenam miles infamis fieri debeat. Cum vero de voluntate cujusdam non constet, nisi eadem quocunque modo declaratur (*per not.*); Hic vero supponatur, quod miles per poenam infamis fieri possit videri, qui talis tamen esse non debet (*per hypoth.*): Patet, quod in eo casu hoc declarandum sit, aut declarari saltem conveniat.

§. 1089.

Si expresse declaratur, quod infamis esse non debeat, qui videri talis possit: *Fama reservari* eidem dicitur. *Reservatio- nis fama definitio.*

Cum enim fama privetur, qui infamis sit, aut quod idem est (§. 806.), infamia notatur (§. 800.): Si quis infamis fieri non debeat, nec fama privandus est, sed hæc potius ipsi servanda. Convenit itaque, ut si hoc declaratur expresse, fama dicatur reservari.

§. 1090.

Si miles per poenam infamis fieri videri posset, qui tamen talis esse non debet: Famam ei reservari convenit. *Quando ea conveniat.*

Si miles enim per poenam infamis fieri videri posset, qui talis esse non debet: Hoc expresse declarari convenit (§. 1088.). Quare cum, si expresse declaratur, quod quis infamis esse non debeat, qui videri talis possit, fama dicatur reservari (§. 1089.): Patet, quod in illo casu conveniat, famam reservari.

Cum infamia, qua miles in pœnam afficitur, privationem iurum, quæ in civitate a fama dependent, involvat (§. 803.) & effectus civiles producat (§. 813.): Apparet, quanti intersit, ne quis pro infami reputetur, qui talis non est; Adeoque famam reservari ei, qui videri posset.

§. 1091.

Si dubium, an pœna infamiam reservari conveniat, si dubium videri posset, an pœna, qua miles afficitur, ad infames sit referenda, quæ tamen infamis non est: Famam reservari convenit.

Cum enim per pœnam infamem infamis fiat, qui eam patitur (§. 849.): Si miles pœna quadam afficiatur, quæ dubia videri posset, an ad infames sit referenda: Videri posset, ac si miles per eandem infamis redderetur. Cum vero pœna ea infamis non sit (*per hypoth.*): Nec miles per eam infamis fieri debet. Quamobrem cum si miles per pœnam infamis fieri posset videri, qui tamen talis esse non debet, famam ei reservari conveniat (§. 1090.): Patet, quod hoc etiam conveniat in eo casu, si dubium videri posset, an pœna, qua miles afficitur, ad infames sit referenda, quæ talis tamen non est.

§. 1092.

Præsertim, si itaque dubium videri posset, an pœna, quæ famam saltem minus minuit, ad infames sit referenda: Famam reservari militi, qui ea afficitur, convenit.

Licet enim pœnæ famam militis minuente solum ad infames non sint referendæ (§. 865.); Cum tamen cum his sub eodem quodam genere (§. 866.), famosarum nempe, contineantur (§. 869.): Dubium facile videri posset, an pœna, quæ famam minuens saltem est, ad infames sit referenda. Quoniam vero in eo casu, quo nempe dubitari posset, an pœna sit infamis, quæ talis non est, famam reservari convenit (§. 1091.): Patet, quod hoc etiam tunc conveniat, si de pœna famam minuente dubium videri posset, an ad infames sit referenda.

§. 1093.

Et in dimissione absque literis.

Quamobrem cum dimissio absque literis (§. 881.) & in specie cassatio simplex quæ dicitur, famam militis diminuat (§. 883.); Et, neutra licet, si in pœnam imponatur, ad pœnas infames referenda sit (§. 884.): Dubitari tamen de eo soleat interdum (*per hypoth.*); In hoc casu vero famam militi reservari conveniat (§. 1092.): In dimissione absque literis & simplici, quæ dicitur, cassatione famam reservari non disconvenit.

In contraria quidem sententia est Dn. WEND; dum frustra reservari putat, quod saluum et integrum permanet (§. 26. *Diff. de Pan. mil. fam.*): Licet ipse negare non poterit, aliud ab aliis tam statui, quam usu obtinere. Cum vero per reservationem famæ nihil addi debeat; Sed declarari saltem, quod infamis non sit, qui videri possit, & dubium adeo saltem removeri, quod circa famam moveri posset; Quod quanti interlit, jam monuimus (*Schol. §. 1090.*): Patet, quod notione reservationis famæ determinata supposita, eadem nihil contradictionis involvat, sed quam optime porius conveniat.

§. 1094.

Cum vero cassatio, sicuti dimissio absque literis, ad pœnas infames referri nequeat, nisi expressa infamiae in ea fiat mentio (§. 884.); Adeoque eadem pro pœnis infamibus haberi nequeant, etsi fama expresse non reservetur, modo infamiae mentio expressa non fiat: *In dimissione absque literis & simplici cassatione famam expresse reservari necessitatis tamen absoluta non est.*

§. 1095.

Omissa itaque in dimissione absque literis & simplici cassatione reservatio famæ eadem pœnas infames non efficit.

Licet enim in dimissione absque literis & simplici cassatione famam reservari conveniat (§. 1093.): Cum tamen ambæ ad pœnas infames referri nequeant, nisi expressa infamiae mentio fiat (§. 884.); Necessitatis illud non est absolutæ (§. 1094.). Quare eum contrarium ejus, quod necessarium non est, æque sit possibile (§. 279. *Ontol. WOLF.*); Adeoque reservatio famæ æque possit expresse fieri, quam omitti: Patet, quod ejus omissio in dimissione absque literis & simplici cassatione eadem pœnas infames non efficiat.

Absolvimus ita quoque ea, quæ de pœnis militum dicenda nobis visa fuere, & quantum ad theoriam eorum naturalem stabiliendam faciunt. Addi forsitan possent adhuc specialiora: Quæ vero fundamentis positis facile superstruuntur. Speciminis itaque loco hæc sufficiant. Interea ferre non dubitamus fore, ut prolixi nimis videamur iis, qui uno quasi intuitu omnia perspicere sibi persuadent. Qui vero methodi ad solidiorem doctrinam perveniendi leges non ignorant: Leviora etiam æque ferent, sine quibus ad altiora ascendere non licet.

Capitis quinti finis.



JURIS MILITUM

NATURALIS

CAPUT VI.

DE FORO MILITUM ET PROCESSU
MILITARI.

§. 1096.

*Milites jura
& obli-
gationes
acquirunt.*

*Milites jura acquirere & obligationes sibi contrahere possunt, tam qua
cives, quam qua milites.*

Milites enim usu juris civium communis gaudent, nisi quatenus ille per obligationes militares limitatur (§. 370.). Ad jus civium commune jus etiam contractuum pertinere constat. Et licet hoc quoad milites possit esse limitatum (§. 473. 474. 476.); Cum tamen milites non debeant esse deterioris conditionis paganis (§. 392.): Totum illud ipsis sublatum esse nequit, sed contractus, licet non omnes, ipsis adhuc licere debet celebrare. Cum itaque per contractus obligationes, perfectæ scilicet, producantur (§. 793. *Part. 3. Jur. nat. WOLF.*); Quibus & jura debent respondere (§. 23. *Part. 1. loc. cit.*): Per contractus tam obligationes contrahuntur, quam jura acquiruntur. Quare cum milites, qua cives, contractuum jure gaudeant (*per demonstrata*): Patet, quod milites, qua cives, jura acquirere & obligationes sibi contrahere possint. *Q. e. 1.*

Cum vero milites, qua tales, etiam jura acquirant, quibus pagani non gaudent (§. 318.); Qualia in specie sunt, præmia, quæ militibus (§. 379.), & jura, quæ veteranis constituuntur (§. 461.); Quæ acquiri non posse, nisi a milite, per se constat: Milites etiam, qua tales, jura acquirere posse patet. Et cum ex delictis obligatio ad penam nascatur (§. 1071. *loc. cit.*): Milites vero etiam, qua tales, possint delinquere (§. 541.): Qua tales quoque obligationes sibi contrahere posse claret. Atque adeo evicimus, quod & qua tales tam jura acquirere, quam obligationes sibi possint contrahere. *Q. e. 2.*

Plures

Plures quidem dantur obligationes, & jura quam plura, quibus milites præ paganis tenentur & fruuntur. Hæc vero jura & obligationes non a militibus demum acquiruntur & contrahuntur, sed eo ipso, quo milites constituuntur; Adeoque cum per militiæ susceptionem id fiat, ab iis, qui milites nondum sunt. Præmia vero militum factum aliquod militis jamdum existentis supponunt, antequam iisdem poriri detur. Qualia in specie sunt jura & præmia veteranorum, quæ non nisi militibus, qui statutos militiæ annos explevere, conceduntur. Ea itaque a militibus, qua talibus, proprie demum acquiruntur. Et cum delicta militaria etiam supponant militem, qui eadem committat (§. 543.): Per ea demum etiam obligatio a milite, qua tali, contrahitur. Hinc opus visum fuit, ut ad evincendum, quod jura & obligationes a militibus in specie qua talibus acquirantur & contrahantur, non ea ponantur, quibus qua milites in genere tenentur & gaudent; Sed talia, quæ qua milites demum acquirunt, aut sibi contrahunt.

§. 1097.

Dantur itaque negotia militum, tam qua civium, quam qua talium, quibus jura acquiruntur, & obligationes contrahuntur. *Dantur negotia militum.*

Cum enim tam jura acquisita (§. 35. Part. 1. loc. cit.), quam obligationes contractæ (§. 18. ibid.) factum quoddam interveniens supponant: Ut jura acquirantur & obligationes contrahantur, adhiberi debent omnes actiones, quæ requiruntur, ut illud fiat. Quare cum complexus omnium actionum ad aliquid obtinendum vel efficiendum requisitarum, negotium dicantur (§. 68. Part. 7. loc. cit.); A militibus vero tam qua talibus, quam qua civibus, jura acquiri & obligationes contrahi possint (§. 1096.): Patet, quod dari debeant negotia militum, tam qua talium, quam qua civium, quibus jura acquiruntur & obligationes contrahuntur.

Hæc & alia, quæ jam evincuntur, facilia & demonstratione non egentia aut superflua videri possent. Ex sequentibus vero apparebit, quod iisdem ad doctrinam de jurisdictione militari pederentim eruendam opus fuerit; Et quidem, ut illa firmis principiis stabilietur, horum evidentia præsertim etiam fuerit ostendenda.

§. 1098.

Quare cum dentur negotia militum, tam qua civium, quam qua talium, quibus jura acquiruntur, & obligationes contrahuntur (§. 1097.); Negotia vero, quibus jura acquiruntur & obligationes contrahuntur, in sensu juris causæ dicantur (§. 1. Diff. de Jurisd. prorog. CRAMERI): *Dantur causæ militum, tam qua talium, quam qua civium, in sensu juris tales.*

§. 1099.

§. 1099.

*Causarum
communi-
um & mi-
litarium
definitio.*

Cum id, quod militibus qua civibus tribuitur, ipsis propterea competat, quia cives sunt; Adeoque civibus in genere competere debeat: Causas militum, qua civium, esse etiam civium reliquorum sive paganorum (§ 80.) facile apparet. Quæ vero militibus, qua talibus, competunt, non nisi eorum esse constat. Quare cum id, quod militibus non solum, sed reliquis etiam civibus tribuendum est, commune; Quod vero militum proprium est, nec de aliis intelligitur, militare dici solet (§ 87. 98. 543. 550. ut & l. 2. princ. ff. de Re milit.): *Causæ* militum, qua talium *militares*; Qua civium, *communes* dicuntur.

§. 1100.

*Quanam
sint causæ
militum.*

Causæ militum sunt aut pacta sive contractus, vel quasi contractus; Aut delicta, vel quasi delicta.

Contractus enim a pactis naturaliter non differunt (§ 794. Part. 3. Jur. nat. WOLF.). Quamobrem cum pactum quodcunque unam vel plures & mutuas promissiones contineat (§ 788. loc. cit.); Ex promissione vero tam obligatio (§ 363. ibid.), quam jus nascatur (§ 364. ibid.): Ex contractibus, quemadmodum ex pactis jura acquiri & obligationes contrahi constat. Cum itaque negotia, quibus jura acquiruntur, & obligationes contrahuntur, causæ dicantur (def. §. 1098.); Milites vero contractus etiam possint celebrare (per dem. §. 1096.): Patet, quod contractus, quemadmodum pacta, ad causas militum sint referendi. Q. e. 1.

Et cum ex quasi contractu æque nascantur obligationes mutue, ac ex contractu vero (§ 505. Part. 5. loc. cit.); Quibus itaque etiam jura reciproca respondere debent (§ 23. Part. 1. loc. cit.): Quasi contractibus etiam jura acquiri & obligationes contrahi, facile apparet. Cum vero quasi contractus sub genere contractuum contineantur (§ 504. Part. 5. loc. cit.); Adeoque & a militibus celebrari posse debeant: Eadem ratio adest in illis, quæ in contractibus in genere, cur ad causas militum referantur (dem. n. 1.). Quamobrem cum posita ratione sufficiente ponendum sit, quod propter eam est (§ 118. Ontol. WOLF.): Quasi contractus etiam causas militum constituere possunt. Q. e. 2.

Similiter cum per maleficia æque ac quasi maleficia, sub quibus etiam delicta & quasi delicta comprehenduntur (§ 581. Part. 3. loc. cit.), alteri damnum detur, vel injuria inferatur (§ 580. ibid.: Tam per delicta, quam quasi delicta lædi alterum elucet (§ 662. Part. 1. loc. cit.).

Cum

Cum itaque, qui alterum lædit, obligetur ad pœnam patiendum (§. 1071. *ibid.*): Læso vero jus ad pœnam competat (§. 1061 *ibid.*): Ex delictis & quasi delictis tam obligationem, quam jus oriri, palam est. Quare cum negotia, quibus jura acquiruntur vel obligationes contrahuntur, cause dicantur (*def.* §. 1098.); Milites autem tam vëra, quam quasi delicta committere possint (§. 541.): Patet, quod cause militum queant etiam esse delicta vel quasi delicta. *Q. e. 3.*

Quod hic de causis militum in specie asseritur, id causis in genere, quæ in sensu juris ita dicuntur, convenire facile perspicitur. Cum enim in genere cives, vel homines etiam, contrahere & delinquere possint: Causæ in genere vel contractus vel delicta esse queunt, sub quibus & quasi contractus & quasi delicta comprehenduntur. Id quod ipso jure civili confirmatur: Dum omnem obligationem esse vel ex contractu vel quasi, ex maleficio vel quasi, statuit (§. 2. *Inst. de Oblig.*).

§. 1101.

Cause militum communes tam contractus, quam delicta esse possunt; Quæ communes & Militares vero potissimum delicta sunt.

Jus enim contractus celebrandi militibus qua civibus competit (*dem.* ^{*quæ militares.*} §. 1096. n. 1.). Et cum milites etiam qua cives delinquere possint (*dem.* §. 549.): Dantur tam contractus, quam delicta, quæ a militibus, qua civibus tantum celebrantur aut committuntur. Cum itaque contractus & delicta ad causas militum sint referenda (§. 1100.); Et dentur cause militum, qua civium (§. 1098.): Contractus, qui celebrantur, & delicta, quæ committuntur a militibus, qua civibus, ad causas militum, qua civium, pertinent. Quamobrem cum cause militum, qua civium, communes dicantur (§. 1099.): Patet, quod cause militum communes tam contractus, quam delicta esse queant. *Q. e. 1.*

Vix vero dabuntur contractus, qui a militibus, qua talibus, celebrentur, aut saltem iidem frequentes non sunt (*per hypoth.*): Contra cum delicta militaria tot esse possint, quot sunt obligationes militares (§. 572.): Harum vero sunt quam plurimæ, quæ toto capite 2. fuere recensite: Delictorum etiam militarium quam plurima sunt. Et cum eadem a milite, qua tali, committantur (§. 543.): Delicta militum, qua talium, quam plura possunt esse. Cum itaque cause militum sint vel delicta, vel contractus (§. 1100.); Dentur vero in specie cause militum, qua talium (§. 1098.), quæ militares dicuntur (§. 1099.): Causas militares vel contractus vel delicta militum, qua talium esse debere, intelligitur. Quare cum contractus militum, qua talium, non facile occurrant (*per*

Jus mil. nat.

M m m

hyp.);

hyp.); Delicta vero eorum, qua talium, quam plura dentur (*per dem.*): Apparet, quod causæ militares potissimum constituentur delictis.
Q. c. 2.

Plane autem non dari posse contractus, qui a milite, qua tali, celebrantur, non negamus. Et ipsum contractum militare, qui dicitur (§. 53.), eo referre forsitan licebit. Licet enim is, qui per eundem miles constituitur, dici nequeat, quod illum tanquam miles celebret: Cum is miles nondum sit, sed fieri demum debeat: Jus tamen milites conducendi etiam committi potest & solet militibus vel eorum præfectis (*schol. §. 33. & per hyp.*). Hi itaque in eo casu alios milites conducere possunt. Et cum contractus militaris intercedat cum iis, qui milites conducuntur (§. 53.): Huncce etiam celebrare posse debent. Militibus vero sive præfectis eorum, si jus conducendi ipsis committatur, id qua talibus fieri dici poterit: Cum aliis non æque solet committi; Quod fieri tamen non repugnat, & exemplis etiam non destituitur. Contractum itaque illum tunc etiam ab ipsis, qua militibus, celebrari; Adeoque dari contractum militum, qua talium, dici fortasse conceditur. Cum tamen non ex ipso militum statu hoc jus conducendi consequatur; Sed ex speciali saltem concessione indulgeatur; Et hoc æque fieri possit & soleat aliis, ac militibus (*per hypoth.*): Non omni suo rigore illud constare, simul videbitur.

§. 1102.

Litigiosa Causa militum, tam communes, quam militares, esse possunt litigiosa.

Si unus contendat jus ipsi competere, quod alter non tribuit; Alter vero neget, se ad illud obligari, adeoque tribuere detrectat: In eo casu jus illius & obligatio hujus controversa fiunt (§. 867. *Part. 5. Jur. nat. WOLE.*). Cum itaque facile appareat, quod vel militi tribui non possit jus, quod ipsi qua civi vel qua militi competit; Aut, quod miles obligationi, qua ipsi qua tali vel qua civi incumbit, satisfacere non possit & hoc nolle queat: Jura & obligationes militum, tam qua talium, quam qua civium, controversa fieri posse evidens est. Jura vero & obligationes eorum negotio quodam niti, quod causam constituit, simul apparet (*Idem §. 1078.*). Jura itaque etiam & obligationes militum causas eorum supponunt, qua vel communes sunt vel militares (§. 1099.). Quare cum si vel ipsum negotium sit controversum, vel jus & obligatio ex eodem, causa dicatur litigiosa (§. 2. *Diff. de Jurisd. prorog. CRAMERI*): Causæ militum tam communes quam militares litigiosæ esse queunt.

§. 1103.

Delicta militum ad causas eorum litigiosas referenda sunt.

*Delicta eo
referenda.*

Delicta enim cum obligationem ad pœnam operentur, ad causas militum referenda (§. 1101.). Cum vero non eadem pœna in omnia delicta sit statuta, sed ejus determinatio vel interdum judicis arbitrio relinquatur (*per hypeth*): Dubium esse potest, an hac præcise pœna afficiendus sit miles, qui deliquit. Fieri etiam potest, ut miles neget, quod delictum, vel hoc præcise, commiserit, adeoque ad pœnam, vel certam saltem obligetur. Totum itaque negotium, quo obligatio ad pœnam contrahitur, vel hæc saltem, controversum fieri potest (§. 367. cit.). Quare cum in hoc casu causa dicatur litigiosa (*def. §. 1102.*): Patet, quod delicta militum ad causas eorum litigiosas pertineant.

§. 1104.

Milites judici debent subesse.

*Milites ju-
dici subesse
debent.*

Cum cause militum dentur litigiosæ (§. 1102.): Ex eo apparet, quod fieri possit, ut milites alteri jus suum non tribuant, adeoque injuriam aliis inferant. Quod etiam præsertim fit per delicta (§. 580. Part. 8. *Jur. nat. WOLF.*), tanquam malefactorum species (§. 581. *ibid.*). Cum vero ipso jure naturæ & in statu naturali contra eum, qui jus alicui non tribuit, illud vi persequi liceat (§. 1061. *ibid.*): Contra militem etiam, qui jus cui non tribuit, hoc vi persequi, & si injuriam inferat, sive ledat alterum, ipsum punire licere debet. Jus vero persequendi vi jus suum adversus alterum, qui idem denegat, jus belli dicitur* (§. 5.). Si itaque cuique liceret jus suum vi persequi contra militem, qui hoc ipsi denegat: Bellum privatum oriretur (§. 7.). Milites vero civitatem supponunt (§. 18.). Quare cum in civitate bellum privatum tolerari nequeat (§. 560. Part. 8. loc. cit.); Sed in ejus locum judicia successerint (§. 561. *ibid.*); Et si ob injurias factas quis sit puniendus, judex eum debeat punire (§. 559. *ibid.*): Patet, quod milites judici debeant subesse.

§. 1105.

Cum in genere judex curare debeat, ut unicuique jus suum tribuatur, & quisque adversus injurias aliorum defendatur (§. 538. loc. cit.); *Quid ejus
officium sit* Milites vero etiam judici debeant subesse (§. 1104.): *Judicis militum
est, curare & efficere, ut aliis tribuatur jus suum, quod a militibus ipsis
denegatur, & ut contra horum injurias alii securi reddantur.*

§. 1106.

*Quale jus ei
competat.*

Judici militum competere debet jus milites vi adigendi ad tribuendum jus, quod tribuere detrectant, & eosdem puniendi.

Judices enim in civitate succellere in illud jus, quod unicuique in statu naturali competit contra eos, qui jus suum cui non tribuunt, aut alios ledunt (§. 561. loc. cit.). Iisdem itaque idem jus competere debet, quod in statu naturali cuilibet. Quare cum unicuique in statu naturali competat jus vi adigendi ad jus suum ipsi tribuendum eum, qui idem denegat, & puniendi eum, qui ipsum læsit (*per alleg. §. 1104.*): Idem etiam jus competere debet judicibus. Quare cum & milites judici subesse debeant (§. cit.); Et hujus præsertim sit curare & efficere, ut aliis tribuatur jus suum, quod a militibus ipsis denegatur, ut & alii securi reddantur ab injuriis militum (§. 1105.); Hoc vero præsertim fiat per pœnas, quæ viva sunt actionum non committendarum (§. 287. Part. 1. Phil. pract. univ. WOLF.): Judici militum competere quoque debet jus milites vi adigendi ad aliis jus suum tribuendum, & eosdem puniendi.

§. 1107.

Jus statuendi in causis eorum.

Judici itaque militum competere debet jus seu potestas aliquid statuendi in causis eorum, præsertim litigiosis.

Si enim quis contendat jus ipsi tribui debere, quod a milite denegatur: Jus illius & obligationem hujus controversum esse apparet (*per alleg. §. 1102.*). Quod si vero jus vel obligatio quædam ex negotio aliquo sit controversum: Causa dicitur litigiosa (*per eadem*). In casu itaque, quo miles jus quoddam tribuere denegat alicui, qui id sibi competere contendit, causa militis litigiosa est. Similiter cum pœnæ supponant delicta (*per dem. §. 761.*): Si miles puniendus sit, eundem delictum commisisse necesse est. Quare cum delicta ad causas militum (§. 1100.), & quidem litigiosas, sint referenda (§. 1103.): Si miles puniendus sit, causa ejusdem supponitur, quæ itidem litigiosa est. Quod si itaque miles vi adigatur ad tribuendum jus, quod denegat; vel puniatur: Aliquid statui in causis militum apparet. Quamobrem cum judici militum competere debeat jus adigendi milites ad jus suum ei tribuendum, cui illud denegant, & eosdem puniendi (§. 1106.): Eidem etiam competit jus seu potestas aliquid in ipsorum causis, præsertim litigiosis, statuendi necesse est.

§. 1108.

Potestas ista in causis militum judici ipsorum auctoritate publica, sive Undenam summi imperantis competit. *illud sit.*

Cum enim iudices sint magistratus (§. 566. Part. 3. Jur. nat. WOI F.); Atque adeo ipsis partes quædam imperii exercendæ committantur a superiore in civitate (§. 162. loc. cit.): Eos auctoritate publica sive summi imperantis constitui apparet. Et cum propterea jus non suo, sed superioris nomine reddant (§. 567. *ibid.*): Potestatem, qua pollent, ipsis auctoritate publica competere intelligitur. Quare cum judici militum competere debeat jus sive potestas in causis militum statuendi (§. 1107.): Eandem ipsis auctoritate publica sive summi imperantis competere patet.

§. 1109.

Quare cum potestas, quæ alicui in causis obviis auctoritate summi *Jurisdic- tionis mi- litaris defi- nitio.* imperantis competit, jurisdictio vocetur (§. 3. *Diss. de Jurisd. prorog. ipsi compe- C RAM.*); Judici vero militum potestas in causis publicis quid statuendi (§. 1107.), eaque auctoritate publica sive summi imperantis com- petat (§. 1108.): *Judici militum & jurisdictio competit, & quidem,* cum facile pateat, judicem militum dici, cui milites subsunt (§. 1104.), *in milites.*

§. 1110.

Jurisdic- tio. Quare in milites competit, sive exercetur, *militaris Jurisdic- tionis mi- litaris defi- nitio.* dicitur. Quæ, cum jurisdictio in genere sit potestas, quæ in causis ob- viis alicui competit auctoritate summi imperantis (*per def. §. 1109.*), de- finiri poterit, quod sit potestas, quæ alicui in causis militum quid sta- tuendi, auctoritate publica competit.

§. 1111.

Quare cum jurisdictio in milites competat judici eorum (§. 1108.): *Ea compe- tit judici militum.* Jurisdic- tio vero, quæ in milites exercetur, militaris dicatur (§. 1109.): *Judici militum jurisdictio militaris competit.*

§. 1112.

Jurisdic- tio militaris tam voluntaria, quam contentiosa esse potest; Voluntaria vel conten- tiosa est. Potissimum licet sit contentiosa.

Licet enim causæ militum litigiosæ esse possint (§. 1102.): Omnes tamen eorum causas tales esse, necesse non est, sed dari etiam non contentiosas constat (*per hypoth. & not.*). Cum itaque jurisdictio milita- ris in causis militum competat (§. 1110.): Eadem tam in causis mili-

tum contentiosus, quam non contentiosus obtinere potest. Quamobrem cum jurisdictio, quæ in causis litigiosis competit, dicatur contentiosa (§. 4. *Diff. de Jurisdic. prerog. CRAM.*); Quæ vero in non contentiosis, voluntaria (§. 5. *loc. cit.*): Patet, quod jurisdictio militaris tam voluntaria quam contentiosa esse possit. *Q. e. 1.*

Cum vero cavendum sit, ne milites nimis implicentur negotiis (§. 475.); Negotia vero, quibus jura acquiruntur, & obligationes contrahuntur, causæ dicantur (*def. §. 1098.*): Causas etiam eorum, non contentiosas nempe, sive voluntariæ jurisdictionis, eo diminui apparet, Contra cum delicta militum sint frequentiora (*per hypoth.*); Eadem vero ad causas litigiosas militum sint referenda (§. 1105.); Frequentiores has esse, vel ex hoc patet, ut & ex demonstratis (§. 1107.). Quare cum jurisdictio, quæ in causis litigiosis exercetur, contentiosa dicatur (*per alleg. n. 1.*): Patet, quod jurisdictio militaris potissimum esse debeat contentiosa. *Q. e. 2.*

Propter hanc jurisdictionis in contentiosam & voluntariam divisionem, definitionem ejusdem aliter paulo, quam vulgo fieri solet, formari debere, monuit Vir perillustis L. B. de CRAMER (§. 6. *Diff. pluries cit.*). Cum enim in exercenda voluntaria jus proprie non dicatur: Nec eandem in genere per publicam juris dicendi potestatem definiri posse, patet.

§. 1113.

In milites *Milites, quoad causas ad minimum militares, peculiari judici sive sit peculia-jurisdictioni subesse convenit.*

ris.

Dantur enim causæ militum, quæ talium peculiares, quæ militares dicuntur (§. 1099.). Quare cum in genere causæ jura & obligationes supponant (*def. §. 1098.*): Causæ militares peculiares militum jura & obligationes supponunt, quæ militaria dicuntur (§. 120. & 319.). Cum itaque judex militum in causis militum debeat statuere (§. 1107.); In eoque jurisdictio militaris consistat (§. 1110.): Apparet, quod in iudice militum, sive ad exercendam jurisdictionem militarem peculiaris requiratur cognitio, jura nempe & obligationum militarium. Quare cum militum actiones vel observantiis militaribus convenienter sint determinandæ (§. 136.); Neque adeo cognitio ista peculiaris in quovis iudice possit supponi: Patet, quod conveniat, milites ad minimum quoad causas militares peculiari judicio sive jurisdictioni subijci.

Ipsis legibus civilibus idem constitutum est, ut milites vel in causis civilibus peculiari suo iudici subiant. Cujus rei ratio ipso jure romano hæc redditur, quod id ipsum de more litigantium esse videretur, constetque, militarem reum, nisi a suo iudice, nec exhiberi posse, nec si in culpa fuerit,

fuerit, coerceri (l. 6. Cod. de Jurisd. omn. jud.). Quod & constitutum invenitur (l. fin. pr. Cod. de Re milit. & l. 17. Cod. de Judiciis); Et quidem siue causæ militares fuerint, siue non (l. 2. Cod. Ubi quis decur.). Uri & convenire, suo loco demonstrabitur. Ratio enim jurisdictionis militum peculiaris non qualitate causarum absolvitur, sed alia adhuc expostum personæ qualitate accedit. Uri ex iis apparebit, quæ subjiçuntur.

§. 1114.

Cum in genere iudex dicatur, cui competit jurisdictionis (§. 7. Diff. *Judicis militaris definitio*. *CRA M. cit.*): *Judex*, cui peculiaris in milites jurisdictionis competit, *militaris* dicitur.

§. 1115.

Hinc cum jurisdictionis, quæ in milites competit, *militaris* dicatur *Jurisdictionis* (§. 1110.); Eadem vero peculiaris esse debeat (§. 1113.): *Jurisdictionis militaris militaris debet esse peculiaris*; Et cum jurisdictionis peculiaris in milites *judicis militaris* competat (§. 1114.): Huic debet *competere*.

§. 1116.

Milites peculiari foro gaudere debent.

Jurisdictionis judicis cujusdam, quatenus quis eidem subest, siue intuitu ejus, qui eidem subest, forum ejusdem dici solet (*per defn.*). Quare cum milites peculiari jurisdictioni subesse conveniat (§. 1113.): Facile etiam intelligitur, quod milites foro peculiari debeant gaudere.

Forum peculiare constituitur.

In formanda fori definitione non admodum defudant JCTi, sed potius equidem notione confusa contenti sunt. Pro loco quidem, quo jurisdictionis exercetur, plerumque sumitur, & expresse ita cum ISIDORO definitur a JOH. PET. MATTERN (§. 4. Diff. *inaug. de Foro compet. bab. Marb. 1661.*). Quod vero minus recte fieri ostendit JO. PHIL. STREIT (§. 2. Diff. *de Foro compet. bab. Erf. 1715.*), & eandem definit per potestatem exercendi jurisdictionem intuitu territorii plerumque competentem &c. Quam vero definitionem nec navis suis carere facile agnoscent, qui regulas eandem formandi non ignorant. Forum quidem a jurisdictione non nisi relative differre videtur: Ita, ut hæc intuitu judicis, cui illa competit; Illud vero intuitu eorum, qui jurisdictioni judicis cujusdam subfunt, intelligendum sit. Quod forum dici etiam possit judicium, coram quo, vel locus judicii, in quo quis conveniri queat, absolum quidem non videtur. Locum vero tunc non physicum proprie intelligi, simul apparet. Cum vero notionem judicii hic supponere nondum liceat; Significatus etiam tunc alius debeat admitti, quam quo sumitur, si ejus notio determinata debeat esse: Eam potius, quo fecimus modo, formari visum fuit.

§. 1117.

§. 1117.

Certo loco non adstringenda. — *Milites ratione personæ suæ jurisdictioni certi cujusdam loci adstricti esse nequeunt.*

Cum enim milites ad bellum gerendum adhibeantur (§. 14.); Bellum vero modo hic, modo illic geratur; Pacis vero etiam tempore, non in eodem loco continua ipsis commoratio contingat, sed potius adsint rationes, cur interdum & vel sæpiissime præsidia mutare jubeantur (*per hypoth.*): Non in eodem loco semper manere, sed plurics fieri, ut illum debeant mutare, apparet. Si itaque jurisdictioni certi cujusdam loci essent adstricti: In eundem se conferre deberent, quoties in personam ipsorum jurisdictio esset exercenda. Cum vero præstatio servitiorum militarium præsentiam eorum alibi requiratur: Eo ab illis detraherentur & a signis suis avocarentur. Quod cum fieri non debeat (§. 391.): Milites etiam jurisdictioni certi cujusdam loci, saltem quoad personam, adstricti esse nequeunt.

• Additur, *ratione personæ suæ.* Quodsi enim jurisdictio in milites præsentiam personæ eorum non requiratur: In genere non apparet ratio, cur milites jurisdictioni loci cujusdam nequeant esse subiecti. Dantur potius causæ, quarum cognitio non nisi certo loco fieri potest. Quales v. gr. sunt, quæ bona immobilia concernunt. Ut in talibus cognitio fiat in eo, quo sita sunt loco, qualitas eorum potius requirit: Quodsi itaque tales etiam obveniant militibus: Fieri vix aliter potest, quam ut in isdem jurisdictionem etiam ejusdem loci agnoscant. Uti in sequentibus disquiretur.

§. 1118.

Forum militum non est locale. — Cum itaque jurisdictio judicis, quatenus quis eidem subiectus est, intuitu hujus forum dicatur (*def.* §. 1116.), & in specie personale, quod quis intuitu personæ suæ sortitur (*per def.*); Ratione personæ vero milites jurisdictioni certi cujusdam loci nequeant subesse (§. 1116.): *Forum militum personale esse nequit locale, sive loco cuidam adstrictum.*

§. 1119.

Nec forum domicilii. — *Forum militum nequit esse forum domicilii.*

Domicilium enim dicitur locus, quo quis continuo habitare constituit (*per def.*). Cum vero militibus in uno loco continuo commorari non detur, sed signa sua sequi debeant, quoties id requiratur (*per def.* §. 1117.): Domicilium de militibus prædicari proprie nequit. Quare cum forum, quod quis intuitu domicilii sortitur, seu jurisdictio loci cujusdam, cui quis propterea subest, quoniam ibidem domicilium suum habet,

habet, forum domicilii dicatur (*per defm.*). Patet, quod hoc in militem non cadat;— Seu, quod forum militum non possit esse forum domicilii.

§. 1120.

Ut miles peculiari judici sive jurisdictioni subsint, adeoque foro Cur debeat peculiari gaudeant, tam qualitas causarum militarium, quam persone eo esse peculiariter requirit.

Cum enim causæ militares peculiarem requirant cognitionem (*dem. §. 113.*); Et propterea quoad causas militares ad minimum peculiari judici sive jurisdictioni milites debeant subesse (§. *cit.*): Hoc ex causarum militarium qualitate venire apparet. Cum vero milites etiam ratione personæ suæ jurisdictioni certi cujusdam loci nequeant esse adstricti (§. 1117.); Patet, quod & ex eorum personæ qualitate sit, quod peculiari judici debeant subijci. Quamobrem cum propter hoc milites peculiari etiam foro debeant gaudere (§. 1116.): Intelligitur, quod tam causarum militarium, quam personæ militum qualitas requirat, ut peculiari judici sive jurisdictioni subsint, adeoque peculiari foro gaudeant.

Quod causarum militarium qualitas hoc requirat, ipso jure civili comprobatur. Quod enim militariis hominibus judicandi facultas concessa sit, hac ratione suffulcitur. Quid enim obstaculi est, homines, qui alienus rei peritiam habent, de ea re judicare? Cum sciamus, & militares magistratus, & omnes tales homines per usum quotidianum jam esse approbatos, ut & audiant lites, easque dirimant, & pro sui, & legis scientia, hujusmodi altercationibus finem imponant (l. 17. Cod. de Judiciis).

§. 1121.

Forum peculiare, quo milites gaudent, dicitur Forum militare.

Fori militaris definitio.

§. 1122.

Forum militare privilegiatum est, & quidem tam ratione causarum, quam personæ militum. *Privilegium est.*

Forum enim militare proprium est militibus (§. 1121.). Neque adeo pagani eodem gaudent. Cum vero jurisdictioni judicis cujusdam, cui quis subest, intuitu hujus, forum dicatur (*def. §. 116.*); Judex autem, cujus jurisdictioni milites subsunt, militaris dicatur (§. 1114.): Milites alio judici non subsunt, neque etiam coram alio conveniri possunt, quam coram judice militari. Dum itaque milites

Jus mil. nat. Non foro

foro peculiari, quod militare est, gaudent, fruuntur jure saltem negativo, quo ceteri carent. Quare cum concessio juris cujusdam affirmativi vel negativi uni vel pluribus facta privilegium dicatur (§. 853. *Part. 3. Jur. nat. WOLF.*): Patet, quod forum militare inter privilegia militum referendum, sive privilegiatum sit. *Q. c. 1.*

Cum vero tam qualitas causarum militarium, quam personæ militum requirat, ut milites foro peculiari gaudeant (§. 1120.); Forum hoc militum peculiare vero militare dicatur (§. 1121.), & privilegiatum sit (*dem. n. 1.*): Patet, quod privilegium hoc fori militibus tam ratione causarum, quam personæ concessum sit. *Q. c. 2.*

Rationem hujus privilegii fori militibus concessi ERN. FRID. SCHRÖTER in eo ponit: I.) Ne milites fortissimi alieno submittendo judicio læsionem aliquam sive dispendium patiantur (*l. fm. princ. Cod. de Re milit.*); II.) In favore erga milites, quo Imperatores semper ducti ad beneficia illis largienda (§. 1. *Cap. 3. Sect. 1. Diss. de Jur. mil. sing.*). Magis vero intrinsecam rationem peti, ex qualitate causarum & personæ militum evicimus §. 1120.

§. 1123.

Non in quibusdam causis communibus, quarum cognitio fieri nequit, nisi certo loco, milites jurisdictioni ejusdem debent subesse.

Supponuntur hic tales causæ militum communes, quarum cognitio non nisi certo loco fieri potest (*per hypoth.*). Quamobrem cum judicis sit cognoscere causas (§. 540. *Part. 3. Jur. nat. WOLF.*): Causæ militum communes, quarum cognitio non nisi certo loco fieri potest, a iudice militari non poterunt cognosci. In iistamen cognosci debere ponitur. Cum itaque iudex dicatur, cui jurisdictioni competit (§. 1114.): Patet, quod in causis communibus, quorum cognitio fieri nequit, nisi certo loco, milites jurisdictioni ejusdem subesse debeant.

§. 1124.

In iis foro peculiari jurisdictioni subsunt. Quare cum milites eatenus foro privilegiato gaudeant, quatenus peculiari jurisdictioni subsunt (*dem. §. 1116.*); In causis vero communibus, quæ nonnisi certo loco cognosci possunt, non peculiari, sed jurisdictioni ejusdem loci debeant subesse (§. 1123.): *In causis communibus, quarum cognitio non nisi certo loco fieri potest, milites privilegiato foro non gaudent, sed communi subsunt.*

§. 1125.

- *Forum itaque militum reale commune quoque esse potest.*

Reale potest

Cum milites ratione personæ suæ jurisdictioni certi cujusdam loci ^{esse commune} adstricti esse nequeant (§. 1117.); In causis vero communibus, quarum cognitio non nisi certo loco fieri potest, jurisdictioni ejusdem debeant subesse (§. 1123.): Facile concluditur, quod causæ hæ non nisi rem quandam concernant. Intuitu rei cujusdam itaque milites foro communi subjiuntur. Quamobrem cum forum, quod quis intuitu rei cujusdam sortitur, reale dicatur (*per def.*): Patet, quod forum militum reale commune quoque esse possit.

§. 1126.

Hinc cum forum rei sitæ dicatur, quod quid sortitur in certo loco *Forum rei* propter rem ibidem sitam (*per def.*); Adeoque illud reale esse facta obtineant apparet. Foro vero reali communi milites subesse quoque possunt (§. 1125.): *Forum rei sitæ, forum etiam militum esse poterit.*

§. 1127.

*In causis communibus etiam, quæ personam principaliter concernunt, in quibus aut personæ præsentiam requirere possent, cognitionem in certo loco verosansis com-
necessario non requirunt, milites etiam non nisi judici militari subesse, manibus.
adeoque foro privilegiato gaudere, convenit.*

Ut enim milites peculiari judici, qui militaris dicitur (§. 1114.), subint, non solum est propter causas eorum militares, sed & qualitatem personæ ipsorum (§. 1120). In causis itaque, quæ personam principaliter concernunt, siue personæ præsentiam possent requirere, judici etiam militari subesse debent. Quamobrem cum dentur etiam causæ tales militum communes, quæ personam ipsorum principaliter concernunt (*per hypoth.*): Patet, quod in iisdem milites judici militari quoque subesse conveniat. *Q. e. i.*

Et cum milites eatenus, quatenus judici militari subint, foro peculiari, quod privilegiatum est (§. 1121.), gaudeant (§. 1116.): Milites etiam in causis eorum communibus, quæ personam concernunt, vel personæ præsentiam requirunt, foro privilegiato gaudere debent. *Q. e. 2.*

Cum vero in iis causis communibus, quarum cognitio non nisi certo loco fieri potest, milites jurisdictioni ejusdem debeant subesse

(§. 1123.); Neque adeo in iisdem foro privilegiato possint gaudere: Simul patet, quod & hoc ad causas communes militum, quæ forum privilegiatum fundare debent, requiratur, ut cognitionem in certo loco necessario non requirant. *Q. e. 3.*

Licet vel ipsum jus civile hoc statuat, ut in causis etiam communibus milites foro peculiari gaudeant (*Schol §. 1113.*): Inveniuntur tamen aliæ leges complures, quæ eidem contradicere videntur. Utrasque recenset JO. GOTTL. LAURENTIUS, & glossatorum potissimum interpretatione introductum præjudicium, quasi fori privilegium militibus saltem in causis militaribus, neutiquam communibus, competat, fusius refellit §. 16. & seqq. *der Abhand. von der Jurisd. über die Soldaten*. Eo vero magis opus fuit disquirere, in quibusnam causis militum communibus a foro communi ipso jure naturæ, sive statu eorum & natura rerum exigente, eximi debeant milites, aut possint saltem, vel penitus nequeant.

§. 1128.

Quenam actiones in militari; Reali vero etiam peti possunt in foro communi; Si nempe quoquo foro cognitio causæ ibidem fieri necesse sit.

Cum enim actio personalis in jure dicatur, quæ ex jure ad rem oritur; Adeoque non nisi in personam detur (*per vulg.*): Actionem personalem personam ejus concernere, contra quem instituitur, apparet. Quamobrem cum in causis etiam communibus, si personam militum principaliter concernant, milites foro privilegiato gaudeant (§. 1127.), quod militare dicitur (§. 1122.): Patet, quod actione personalis conveniri nequeant milites, nisi in foro militari. *Q. e. 1.*

Cum vero actio realis dicatur in jure, quæ ex jure in re oritur; Adeoque rem principaliter petat (*per vulg.*): Eandem in foro reali, quod nempe intuitu rei quis sortitur, institui posse claret. Quare cum forum militum reale commune quoque esse possit (§. 1125.): Patet, quod milites in foro communi actione reali quoque possint conveniri. *Q. e. 2.*

Cum autem milites in causis communibus foro communi tunc demum subsint, si illarum cognitio ibidem necessario debeat fieri (§. 1124.); Si vero hæc ibidem absolute necessaria non sit, in iisdem quoque foro privilegiato gaudeant (§. 1127.): Patet etiam, quod tunc demum conveniat, milites actione reali peti in foro communi, si cognitio causæ non nisi in eodem fieri possit. *Q. e. 3.*

Si

Si praxin spectes: Pro norma quidem haberi solet, ut actiones personales in foro militari; Reales vero in genere in communi foro contra milites instituuntur. Imo nonnullibi etiam, veluti in terris Brunsvicensibus & Austriacis constitutum est, ut in personalibus quibusdam fori privilegio non muniantur milites. Uti refert LAURENTIUS (§. 14. loc. cit.). Eo vero milites, si rem spectes, neque in omnibus reallibus, nedum personalibus quibusvis, privari debere, ex demonstratis intelligitur.

§. 1129.

Forum itaque contractus circa milites non abinet.

Forum contractus non abinet.

Forum enim contractus dicitur, cui quis propterea subicitur, quoniam in eo loco contractum celebraverit; seu propter contractum in eo loco celebratum (*per defm.*). Quare cum actio, quæ datur ex contractu, personalis sit (§. 6. Tit. 3. Lib. 3. Jurisp. R. G. F. STRUV.): In foro contractus non nisi actione personali agi posse, consequitur. Cum vero actiones personales contra milites instituendæ sint in foro militari (§. 1128.): Patet, quod in foro contractus milites nequeant conveniri.

§. 1130.

In delictis etiam communibus milites subesse jurisdictioni militari, Delicta adeoque foro privilegiato gaudere, convenit, nisi cognitio illorum certo de communia quodam loco fieri possit aut debeat.

Delicta communia foro militari sub-

Delicta enim communia, si a militibus committantur, ad causas eorum communes referuntur (§. 1101.). Cum vero ex delictis obligatio ad pœnam oriatur (*dem.* §. 1100. n. 3.); Pœna vero fiat, aut fieri saltem possit, in personam ejus, qui deliquit: Delictorum cognitio præsentiam personæ requirit in eo loco, ubi illa instituitur. Quare cum in iis causis communibus, quæ personam concernunt, vel ejusdem præsentiam requirere possent, cognitionem vero in certo quodam loco non requirunt, milites non nisi jurisdictioni militari subesse, adeoque foro privilegiato debeant gaudere (§. 1127.): Patet, quod conveniat, idem etiam privilegium ipsis concedi in delictis communibus, nisi cognitio illorum certo quodam loco fieri debeat necessario.

Quid in praxi quoad delicta militum communia ratione fori obtineat: Non omnes eadem sententia feruntur: In levioribus quidem omnes consentientes deprehenduntur, quod eorum cognitio & cognitio ad jurisdictionem militarem pertineat. Quoad graviora vero foro communi eandem nituntur vindicare doctores quam plurimi. Contra-

Nam 3

riam

riam autem & juri naturali magis consentaneam sententiam cum aliis tue-
tur & ex principiis suis rem deducit laudatus LAURENTIUS (§. 16.
& seqq. loc. cit.). Quod, cum hujus loci non sit, indicasse saltem suf-
ficiat.

§. 1131.

Foro delicti Quare cum forum delicti dicatur, quod quis propter delictum in
milites non certo loco commissum sortitur (*per def.*); Milites vero in delictis
subsunt. etiam communibus foro privilegiato gaudeant (§. 1130.); Neque
adeo forø cujusdam loci propterea subjiciantur, quod ibidem deli-
querint: *Milites foro delicti non subsunt.*

§. 1132.

Quid in *Causas militum ecclesiasticas jurisdictioni certi cujusdam loci, belli*
causis mili- *præsertim tempore, adstringi non convenit. Sed si adsint rationes singula-*
tum eccle- *res, cur eadem judici militari seculari non subjiciantur: Belli præser-*
siasticis *tim tempore judici peculiari jurisdictionem in milites ecclesiasticam man-*
conveniat. *dari, expedit.*

Causas enim ecclesiasticas personam concernere & ejus præsentiam
plerumque requirere; Cognitionem earum vero non in certo solum
loco necessario fieri posse & debere, constat (*per exper.*), & vel sup-
ponitur (*per hypoth.*). Quamobrem cum milites ratione personæ
sux jurisdictioni certi cujusdam loci adstringi non debeant (§. 1117.);
Belli vero præsertim tempore militibus permitti nequeat, ut a man-
sione sua in alium locum trahantur (*per not.*): Statim patet, quod
causas militum etiam ecclesiasticas jurisdictioni certi cujusdam loci sal-
tem adstringi, belli præsertim tempore, non conveniat. *Q. c. 1.*

Cum vero adesse possint rationes, cur causas ecclesiasticas judici se-
culari decidendas relinqui non conveniat (*per hypoth.*): Hoc suppo-
sito, nec causæ militum ecclesiasticæ judici militari seculari subjici po-
terunt. Cum tamen easdem jurisdictioni certi cujusdam loci, adeoque
foro ecclesiastico subesse propter qualitatem personæ militum præser-
tim belli tempore æque non conveniat (*per dem. n. 1.*); Sed propter
hanc qualitatem peculiari jurisdictioni debeant submitti (§. 1120.):
Patet, quod in eo casu, quo adsunt rationes, cur causas militum ec-
clesiasticas judici militari seculari subjici non conveniat, jurisdic-
tionem in milites ecclesiasticam judici peculiari mandari expedit.
Q. c. 2.

Quænam sint causæ ecclesiasticæ, quid per jurisdictionem ecclesiasticam & secularem intelligatur, hic tanquam cuius notissimum supponitur: Cum hujus loci non sit in notiones easdem ulterius inquirere, sed confusæ hic sufficere possint. Quænam vero sint rationes, cur causæ ecclesiasticæ tam apud Catholicos, quam Protestantes, judici seculari non submittantur, nos edocet Vir illustris CAR. AUG. BOEHMER (§. 1. (a) Cap. 3. de Jure milit. eccles.). Quod opusculum, uti præclaro suo auctori illud denominare lubuit, cum hanc materiam ex asse pertraheret, satisfaciet iis, qui in eadem erudiri cupiunt. Nobis sufficere poterit, illam saltem in quantum ex ipso militum statu consequitur, attingisse. Hanc vero naturalem ejusdem theoriam iis, quæ ipso jure positivo statuta sunt, non admodum dissentientem esse, apparebit. Licet enim perumque milites forum ecclesiasticum commune, quod apud Protestantes Consistorii nomine venit, agnoscere debeant: Non desunt tamen principum instituta, quibus belli præsertim tempore ad negotia militum ecclesiastica peculiare consistorium militare, quod & castrense dici solet, restringitur. Quod cum status militiae peculiaris non adeo patiatur, ut milites ad consistorium ordinarium semper alligentur, laudandum deprecatur modo laudatus auctor (§. 3 loc. cit.). Præterea vero judici militari seculari nonnihil interdum etiam, quod forum ecclesiasticum proprio spectaret, relinqui solet. Uti ex Jure militari Brunsvicensi refert LAURENTIUS (§. 13. in fine loc. cit.).

§. 1133.

Cum in genere apud Protestantes judicia illa, quibus jurisdictione Consistorii ecclesiastica competit, consistoria dicantur (*per hypoth.*): Judex ille castrensis le, sive judicium, cui peculiaris in milites jurisdictione ecclesiastica definitio. mandatur, Consistorium militare sive castrense vocatur.

Jus tale erigendi principibus vindicat V. I. BOEHMERUS (§. 3. loc. cit.), & exempla Borussia, Suecorum, Danorum & Tigurinorum affert (§. 4. seqq.).

§. 1134.

Judex militaris cum militibus esse & commorari debet, ut & locum mutare. Judex militaris ubi nam esse debeat.

Cum enim judex militaris dicatur, cui peculiaris in milites jurisdictio competit (§. 1114.): Milites jurisdictioni ejusdem in genere subsunt. Si itaque judex militaris certo loco semper commoraretur, neque cum militibus esset, & locum mutaret: Milites jurisdictioni certi cujusdam loci etiam ratione personæ suæ adstringerentur. Quod cum fieri nequeat (§. 1117.): Pater, quod judex militaris cum militibus esse, commorari, & locum etiam mutare debeat.

§. 1135.

§. 1135.

*Jurisdictio
militaris
cui conce-
denda.*

*Jurisdictionem in milites peculiarem, sive militarem præfectis con-
cedi, convenit.*

Cum enim judici militum adeoque & militari competere debeat jus eosdem puniendi (§. 1106.); Cui vero jurisdictio in milites peculiaris competit, judex militaris sit (§. 1114.): Ei etiam, cui jurisdictio militaris conceditur, competere debet jus milites puniendi. Cum autem præfectis militum in hos imperium (§. 185.); Adeoque vi ejusdem jus competat ipsos puniendi (§. 198. *Part. 7. Jur. nat. WOLF.*): Imperio præfectorum utique conveniens videbitur, ut ipsis etiam jurisdictio in eos concedatur, ne ab aliis puniantur, si puniri debeant. Quamobrem cum & præfecti militum cum iisdem semper sint & commoventur (*per not.*); Hoc vero ad judicem militarem requiratur (§. 1134.): Paret, quod utique conveniat, jurisdictionem in milites præfectis eorum demandari.

Quod & ubique receptum & vel jure civili constitutum est, ut jurisdictio in milites competat eorum præfectis (*l. fin. princ. Cod. de Remil.*). Non singulis autem præfectis jurisdictionem concedi, sed iis demum, quibus in classem quandam militum potioris imperium competit, uti obtinet, ita convenire ostendi poterit, & inferius etiam de tribunis in specie demonstrabitur.

§. 1136.

Quousque.

Ab arbitrio superioris in civitate dependet, quousque jurisdictio militaris præfectis concessa procedere debeat.

Jurisdictio enim militaris involvit potestatem in causis militum quid statuendi (§. 1110.). Quare cum hæc potestas auctoritate publica, sive summi imperantis, qui superior in civitate est, competat (§. 1108.): Ab hujus ætiam arbitrio dependere debet, quousque eam velit extendere, & adeo quousque jurisdictio præfectis militum concessa procedere debeat.

Cum itaque superior arbitrium suum non unico modo possit determinare; Jurisdictionis vero varix sint species, sive gradus: Perperam in genere disquiritur, quantum jurisdictio præfectis competat, uti fit a SCHRÖTERO (*m. 5 Sect. 6. Dissp. de Auditor.*). Cum enim ejus concessio ab arbitrio superioris dependeat (*per dem.*): Eadem etiam in quavis civitate variare potest (§. 106.).

§. 1137.

§. 1137.

Quamobrem cum jurisdictio causis tantum civilibus & delictis le-
vioribus adstringi; Vel etiam ad graviora, adeoque & pœnas capi-
tales, infamiae & corporis afflictivas graviore extendi possit; Inque
priori casu inferior, in posteriori vero superior dicatur (*per def. & nos.*); A principis autem pendeat arbitrio, quousque jurisdictio in
militēs debeat procedere (§. 1136.): *Præfectis militum jurisdictio in
eisdem vel inferior saltem, vel superior etiam concedi potest.*

§. 1138.

*Præfectis militum jurisdictionem superiorem illimitatam concedi non
convenit.*

Cum enim jurisdictio superior involvat etiam jus, tam pœnas infa-
mie & corporis afflictivas graviore, quam ipsas capitales irrogandi
(*def. §. 1137.*): Eadem jus gladii involvit (§. 834. *Part. 8. Jur. nat.*
WOLF.). Cum vero superior jus gladii summa religione debeat exer-
cere (§. 833. *loc. cit.*); Adeoque in pœna capitali irroganda suo stare
judicio, non judicium (*Schol. §. 841.*); Neque hinc pœna capitalis
ante ejusdem ab ipso factam confirmationem facile irroganda sit (§. *cit.*):
Jurisdictionem etiam superiorem eousque præfectis militum conce-
dendam non esse apparet, ut pœnas capitales absque superioris con-
firmatione, in omni minimum casu, exequi possent. Et cum fama
cum vita pari passu credatur ambulare; Per pœnas vero etiam cor-
poris afflictivas graviore maximum inferatur præjudicium, quod ple-
rumque tolli nequit: Quoad has etiam & pœnas infamiae jurisdictio-
nem præfectorum restringi conveniens videbitur. Major itaque ju-
risdictionis gradus concipi potest, quam qualem præfectis militum
concedi convenit. Quare cum illimitatum non sit, quo majus conci-
pi potest (§. 825. *Ontol. WOLF.*): Patet, quod jurisdictio, quæ præ-
fectis militum conceditur, superior licet sit, non tamen debeat esse
illimitata.

Non facile itaque etiam præfectorum jurisdictio illimitata deprehende-
tur, nisi quod tribunis cohortium pedestrium imperialibus jus pœnas ca-
pitales absque confirmatione exequendi tribuatur; Uti ex BEHAIMIO
refert LUDOVICI (§. 8. *Cap. 1. der Einl. zum Kriegsproc.*).

§. 1139.

*Si delictum a milite commissum tale & tantum sit, ut ad statuen-
dum exemplum capitaliter & sine mora quidem puniri debeat: Executio
Jus mil. nat. Ooo pœna*

pœna capitalis, etiam absque prævia confirmatione, præfæctis militum, aut supremo saltem exercitus duci, concedenda est,

Cum pœnæ debeant esse motiva actionum non committendarum (§. 237. *Part. 1. Phil. pract. univ. WOLF.*): Finem eorum potissimum etiam esse constat, ut aliis metus incutiat, quo a delinquendo deterreantur, adeoque exemplarem (§. 1062. *Part. 1. Jur. nat. ej.*). Cum itaque delictum tale possit esse, ut alii ad idem committendum facile queant allici, nisi ejusdem exemplum statuatur; Tantum vero etiam illud ponatur, capite plecti possit (*per hypoth.*): Finis pœnæ in hoc casu non obtineretur, nisi eadem in continenti executioni detur; Adeoque prompta ejusdem executio necessaria est, si saltem finis pœnæ obtineri debeat. Cum vero milites in expeditione constituti, adeoque longius abesse possint a superiore: Executio pœnæ capitalis in continenti fieri, adeoque nec finis hujus obtineri posset, si illius antea confirmatio deberet accedere. Quare cum pœnæ capitalis irrogatio sine mora hic necessaria ponatur (*per dem.*); Ejus vero, quod necessarium est, contrarium impossibile sit (§. 279. *Ontol. WOLF.*): Patet, quod in casu dato executio pœnæ capitalis absque confirmatione concedenda sit.

In dubium hoc vocari poterit eo minus, quoniam in continenti occidi potest miles, si delictum, quod ab eo committitur, aliter nequeat coerceri (§. 966.). Hic enim nondum ponitur, quod pœna capitalis stante pede absque causa cognitione & prævia sententia, sed solum, quod absque superioris confirmatione irrogetur.

§. 1140.

Judicii militaris definitio.

Cum in genere judicium dicatur haberi, si jurisdictio actu exercetur; Ita ut judicium, in sensu nempe juris, sit ipsum jurisditionis exercitium, sive modus, quo eadem exercetur (*per defn.*). Exercitium jurisditionis militaris, sive modus, quo eadem exercetur, *Judicium militare* erit dicendum.

Cum judicium extra significatum, quem in Philosophia tuetur, in sensu juris interdum etiam sumi soleat vel pro loco judicii, vel pro ipsis personis, quibus jurisdictio exercenda simul competit, sive quæ judicium constituunt: Eo magis opus fuit, ut terminus iste accurata definitione circumscribatur, ne in ejusdem applicatione dubium resulter.

§. 1141.

In eo casu militum tractantur.

Quare cum jurisdictio militaris sit potestas, quæ in causis militum competit (§. 1110.); In judicio militari vero ipsa militaris jurisdictio

Etio exerceatur (§. 1140.): In iudicio militari causæ militum, & cum hæ potissimum litigiosæ sint (dem. §. 1112. n. 2.), litigiosæ præsertim tractantur.

§. 1142.

Cum ordo, qui observatur in decidenda causâ litigiosa in iudicium *Processus* deducta, sive modus, quo causæ in iudicio tractantur, processus di-*militaris* catur (*per defin.*): Modus, quo causæ militum litigiosæ in iudicio *definitio* militari tractantur, *Processus militaris* dicitur.

§. 1143.

Cum itaque in iudicio militari causæ militum tractentur (§. 1141.): *Quomodo* Modus vero, quo hæ in illo tractantur, processus militaris dicatur *et, ut & ju-* (§. 1142.): Adeoque tam iudicium militare, quam processus circa *judicium va-* rios militum versetur: *Prout causæ militum variant: Variare etiam* potest tam iudicium militare, quam processus militaris.

§. 1144.

Causæ militum tam civiles, quam criminales esse possunt.

Cum enim causæ militum tam contractus, quam delicta esse possint *Quotupli-* (§. 1100.): Delicta vero tam privata, quam publica sive crimina *es causæ* esse constet (§. 581. Part. 8. *Jur. nat. WOLF.*): Causæ militum circa *militum.* contractus & delicta, tam privata, quam publica versantur. Quare cum causæ, quæ circa contractus vel delicta privata versantur, seu iura & obligationes ex iisdem concernunt, civiles; Quæ vero circa delicta publica, sive crimina, adeoque pœnas criminales irrogandas (*def. §. 922.*) versantur, criminales dici soleant (*per defin.*): Patet, quod causæ militum tam civiles, quam criminales esse queant.

§. 1145.

Causæ militum communes tam civiles, quam criminales; Militares In specie vero potissimum sunt criminales.

Cum enim causæ militum communes tam contractus, quam delicta *munnes,* esse possint (§. 1101.): Hæc vero vel privata vel publica sint (§. 581. *quæ milit-* *ares.* *cit.*): Causis militum communes tam circa contractus & delicta privata, quam circa delicta publica sive crimina versari apparet. Quare cum causæ, quæ circa contractus aut delicta privata versantur, civiles; Quæ circa publica seu crimina, criminales dicantur (*def. §. 1144.*):

Ooo 2

Patet,

Patet, quod causæ militum communes tam civiles, quam criminales esse queant. *Q. e. i.*

Cum vero causæ militares potissimum delicta sint (§. 1101.), & quidem militaria (*dem. ibid. n. 2.*); Delicta militaria vero publica sint, sive crimina (§. 547.): Causas militares circa delicta publica sive crimina potissimum versari elucet. Quare cum causæ tales criminales dicantur (*per alleg. n. 1.*): Causas militares criminales esse potissimum patet. *Q. e. 2.*

Dari vero causas etiam militares, quæ & in sensu §. 1144. civiles dici possint, plane non negamus. Cum enim ex contractu militari jura & obligationes resultent (*per super.*): Eadem etiam controversi fieri posse facile intelligitur. Cum vero, si jus aut obligatio ex negotio quodam controversum fiat, causa dicatur litigiosa (*def. §. 1102.*): Si jus vel obligatio ex contractu militari reddatur controversum, hoc sine dubio ad causas civiles erit referendum. Cum vero tales non frequentes soleant esse, neque etiam in judicium deduci, sed brevi manu decidi; Causæ vero, quæ judicia militaria occupant, penitus fere sint criminales (*per dem.*): Militares etiam potissimum criminales esse, dici non repugnabit.

§. 1146.

*Judicium
militare
quosuplex.*

Judicium itaque militare tam civile quam criminale esse potest.

Judicium enim militare tot modis potest variare, quot causæ militum (§. 1143.). Quare cum causæ militum vel civiles esse possint, vel criminales (§. 1144.); Judicium vero, in quo causæ civiles tractantur, civile; In quo criminales, criminale dici solet (*per defn.*): Patet, quod judicium militare vel civile vel criminale esse possit.

§. 1147.

*Judicii mi-
lit. civilis
& crimin.
definitio.*

Judicium itaque militare, in quo causæ militum civiles tractantur, civile; In quo criminales, criminale dicitur.

Judicium militare civile dici quidem solet germanico idiomate *das Kammerrecht oder Kammergericht* (n. 1518. *Juris milit. prud. BEYER.*); Uti criminale *das Malfizrecht* (n. 1502. l. c.). Quæ vero denominationes non ubique usitatæ sunt.

§. 1148.

*Quenam
causa in
utroque
tractetur.*

Hinc cum causæ militum criminales, tam communes quam militares esse possint; Civiles vero sint potissimum communes (§. 1145.): In judicio militari criminali tam causa militum communes quam militares tractantur; In civili vero potissimum communes.

Cum

Cum vero negari plane nequeat, quod dentur causæ militares, quæ & civiles dici possint (*Schol. §. 1145.*): In iudicio etiam militari civili currere plane non posse causas militares, dicere non licebit. Cum vero nec in genere causæ militum civiles omnes in iudicium soleant deduci (*§. 9. Cap. 7. LUDOVICI Einl. zum Kriegsproc.*); Sed brevi manu absque omnibus processibus ambagibus decidi; Et causæ militares, si quæ dantur civiles, ejus sint præsertim conditionis, ut inter milites eorumque præfectos agantur (*per exp. & dem. ad §. 1145.*); Quos in iudicio secum committere propter subordinationem convenire non videtur: Patet, quod in iudicio militari civili non facile, aut non adeo frequenter, occurrunt causæ militares, adeoque dici non disconveniat, quod in eodem potissimum causæ communes tractentur.

§. 1149.

Processus militaris tam civilis quam criminalis esse potest.

*Processus
militaris
quotuplex.*

Processus enim militaris tot modis potest variare, quot variant causæ militum (§. 1143.). Quare cum causæ militum tam civiles, quam criminales esse possint (§. 1144.); Processus vero, qui circa causas civiles instituitur, civilis; Qui vero circa causas criminales, criminalis dicatur (*per defn.*): Patet, quod processus militaris tam civilis, quam criminalis esse possit.

§. 1150.

Processus itaque militaris, qui circa causas militum civiles instituitur, civilis; Qui circa causas eorum criminales, sive crimina, criminalis dicitur.

*Processus
milit. civ.
& crimin.
definitio.*

Cum causæ criminales dicantur, quæ circa delicta publica sive crimina versantur (*def. §. 1144.*): Facile patet, quod causæ militum criminales aliæ non sint, nisi crimina eorum; Adeoque, quod processus militaris dici possit, qui circa crimina ipsorum instituitur.

§. 1151.

Processus militaris civilis maxime causas militum communes; Criminalis vero tam communes, quam militares spectat.

*Crimin. Quasnam
causas use-
roque spe-
det.*

Causæ enim militum communes tam civiles, quam criminales; Militares vero potissimum saltem criminales sunt (§. 1145.); Quare cum processus militaris civilis dicatur, qui circa causas militum civiles; Criminalis, qui circa criminales instituitur (§. 1150.): Patet, quod hic tam circa causas militum communes, quam milita-

res; Ille vero ut plurimum circa causas militum communes saltem versetur.

§. 1152.

Quæ ad processum milit. requirantur. Processus militaris ad solennitates juris civilis non est adstringendus; Sed in eo plura non requiruntur, quam quæ natura causæ tractandæ & recta ratio exigit.

Cum enim solennitates juris dicantur circumstantiæ mere arbitraræ, ad validitatem actus cujusdam jure civili requisitæ (def. §. 402.); Ad processum vero inprimis solennitates plurimæ jure civili requirantur (per hypoth.): Quod milites litibus & negotiis implicarentur, si in processu militari omnes illæ solennitates deberent observari, facile perspicitur. Quare cum cavendum sit, ne illud fiat (§. 475.): Patet, quod processus militaris ad solennitates juris civilis non sit adstringendus. Q. c. 1.

Cum vero ea, quæ sunt juris naturæ; obtinere etiam debeant circa milites (§. 105.); Ea vero, quæ natura rei alicujus exigit, sint etiam juris naturæ (§. 2. Part. 1. Jur. nat. WOLF.): In processu militari etiam ea, quæ natura causæ tractandæ & recta ratio exigit, observari debent. Et cum ea, quæ sunt juris civilis, in processu militari observanda non sint (per dem. n. 1.). Patet, quod in processu militari plura non requirantur, quam quæ natura causæ tractandæ & recta ratio exigit. Q. c. 2.

§. 1153.

Summarius sit. Processus itaque militaris quam maxime debet esse summarius.

In processu enim militari neglectis solennitatibus juris civilis plura non debent observari, quam quæ natura causæ tractandæ & recta ratio exigit (§. 1152). Quamobrem cum processus, in quo neglectis solennitatibus juris civilis saltem ea observantur, quæ natura causæ tractandæ & recta ratio requirit, summarius dicatur (per def.): Patet, quod processus militaris quam maxime debeat esse summarius.

Hoc propterea potissimum esse, ne milites per processus ambages a servitiis suis diutius abstrahantur, ex iis, quæ ad § 475 & alibi demonstravimus, facile intelligitur. Processus summarius plerumque quidem solum de civili sumi solet; Adeoque & ad militarem, qui in causis civilibus obinet, illud restringi solet, quod debeat esse summarius, uti fit cum aliis a Dno. GNÜGE (§. 741. der Anl. zum Kriegesrechte). Ad esse

esse vero rationem, cur & a processu militari criminali ea rescindantur, quæ meræ solennitatis sunt, tam apparet, quam praxi etiam consentaneum deprehenditur. Qua de re propositio illa magis universaliter enuncianda, quam ad processum militare in causis saltem civilibus adstringenda visa fuit.

§. 1154.

In processu militari adsunt due partes, quarum una contendit, jus sibi competere, quod altera denegat; Altera vero, a qua tributio juris petitur.

Processus enim militaris causam litigiosam supponit (§. 1142.). Causa vero litigiosa tunc dicitur, si negotium quoddam, aut jus, aut obligatio ex eodem sit controversum (def. §. 1102.). Cum itaque jus controversum dicatur, si duo vel plures eandem rem tanquam suam vel sibi debitam prætendant (def. loc. cit.); Adeoque si jus, vel in genere res quædam, controversum sit, adesse debeat unus, qui illud vel hanc sibi competere, contendit, & alter, qui idem negat, adeoque jus vel rem tribuere detrectat: Pater, quod in processu militari etiam adsint due partes, quarum una contendit, jus sibi competere, quod altera denegat, & alteram, a qua tributio juris illius denegati petitur.

§. 1155.

Quamobrem cum si partes de jure controvertant, actor dicatur, *In civili* qui jus prætendit, quod pars adversa ipsi competere denegat; *actor & Reus* autem, a quo tributio juris illius petitur (§. 980. Part. 5. Jur. reus. nat. WOLF); Si vero partes de jure controvertere dicantur, hoc de processu civili maxime intelligatur (*per hypoth.*); Et in processu militari adsint due partes, quarum una jus sibi competere contendit, quod ab altera denegatur, & a qua propterea ejusdem tributio petitur (§. 1154.): *In processu militari civili actor & reus adesse debet.*

§. 1156.

In processu militari reus esse nequit, nisi miles; Actor vero tam *Reus non
nisi miles
est.*
paganus quam miles.

Cum processus militaris dicatur modus, quo causæ militum litigiosæ in judicio militari tractantur (§. 1142.): Adeoque judicium militare, & hinc etiam jurisdictionem militarem supponat (§. 1140.)

(§. 1140.); Is vero, cui hæc competit, iudex militaris dicatur (§. 1114. 1115.): Processus militaris iudicem supponit, cui milites subfunt. Iudici vero milites subesse debent propterea, quoniam fieri potest, ut jus alteri non tribuant, quod ipsi debetur, adeoque vi eo adigendi sint (*per dem. §. 1104.*). Propter eos itaque, qui ius aliis denegant, milites iudici subiecti sunt, qui quidem eorum peculiaris esse debet (§. 1113.) & militaris vocatur (§. 1114.). Processum itaque militarem institui solum contra milites, qui aliis ius suum denegant, & a quibus adeo tributio illius petitur, apparet. Quare cum in processu militari is, a quo tributio juris denegati petitur, reus dicatur (§. 1155.): Patet, quod in processu militari reus esse nequeat, nisi miles. *Q. e. 1.*

Cum vero per se intelligatur, militem tam militem alii, quam pagano jus denegare posse, quod ipsi competit; Et ut hoc tribuatur, processu militari effici debeat (*per dem. n. 1.*); Is vero, qui in processu militari contendit, ut jus sibi tribuatur, actor dicatur (§. 1155.): Patet, quod in eodem actor esse possit tam miles, quam paganus. *Q. e. 2.*

Cum eos etiam, qui milites proprie non sunt, sed hos tantum sequuntur, foro militum uti constet, & debere suo loco demonstrare: Videri posset, quasi & pagani in processu militari rei possent esse. Cum vero in eo casu ad milites referendi sint, qui hos sequuntur (§. 447). Illos non proprie paganos dici convenit. Nec est, quod per reconventionem actor constitui possit reus; Adeoque cum in processu militari paganus etiam actor esse queat (*per dem. n. 2.*): Idem reus per reconventionem constituatur. Actorem enim a reo in eodem iudicio reconventionem pulsari posse, expediti quidem juris positivi est; Ejusdem vero naturalis necessitas nondum supponitur; Neque adeo eadem ad processum militarem absolute requiritur (§. 1152.). Quodsi vero eadem etiam in hoc processu ponatur; Facile tamen patet, quod cum reus sit, qui actione quadam convenitur, talis proprie non sit, qui reconvenitur, sed actor potius reconventus dicendus. Ita ut cum dicatur, reum esse non posse, nisi militem, hoc idem sit, ac quod in foro militari conveniri nequeat, nisi miles. Uti §. seq. idem hoc modo enunciat.

§. 1157.

Nec convenitur, nisi miles. Coram iudice militari sive in foro militari conveniri nequit, nisi miles.

Cum

Cum enim is conveniri dicatur, a quo coram iudice tributio juris, quod denegat, petitur (*per def.*); A reo vero itidem juris tributio & quidem in iudicio petatur (*def. §. 105.*): Si quis conveniatur, eundem eo reum constitui, apparet. Procellus vero militaris iudicem militem supponit (*per dem. §. 156.*). Et cum huic jurisdictio in milites competat (§. 114.); Hæc vero intuitu ejus, qui eidem subest, forum dicatur (*def. §. 116.*): Processum militem in foro militum, quod peculiariter esse debet (§. 116.), & militare dicitur (§. 112.), institui simul intelligitur. Quare cum in processu militari reus esse nequeat, nisi miles (§. 1156.); Si quis vero conveniatur, is eo reus constituatur (*per dem.*): Patet, quod coram iudice militari, sive in foro militari conveniri nequeat nisi miles.

Absque vero propositione §. 1156. demonstrata idem etiam deduci poterit hoc modo. Cum jurisdictio militaris sit ea, quæ in milites competit (§. 1106.): Eandem non nisi in milites competere apparet. Quare cum iudex militaris dicatur, cui ea competit (§. 114.): Idem jurisdictionem exercere nequit, nisi in milites; Neque alii jurisdictioni ipsius subsunt, quam milites. Et cum jurisdictio intuitu ejus, qui eidem subest, forum dicatur (*def. §. 116.*); Et in specie militare, cui milites subsunt peculiariter (§. 112.): Foro militari etiam non subsunt nisi milites. Iudici vero jus competere debet vi adigendi ad jus tribuendum eos, qui idem denegant (§. 1106.). Iudex itaque militaris ad idem adigere nequit, nisi milites; Neque in foro militari alii possunt ad idem adigi, quam milites. Quare cum is conveniri dicatur, a quo coram iudice tributio juris, quod denegat, petitur (*per def.*); Adeoque ab eo iudice sive in eo foro, coram vel in quo quis convenitur, adigi posse debeat ad jus tribuendum, quod denegat: Patet, quod coram iudice militari, sive in foro militari conveniri nequeat, nisi miles.

Hoc modo magis adhuc removeretur dubium, quod a reconventione peti posset. Cum enim hic dicatur, quod conveniri non possit, quam miles; Conveniri vero proprie non dicatur, qui reconventionem petitur: Nec illud excludit, quod in foro militari reconventionem pulsari queat alius, quam miles. Cum tamen idem sit, conveniri & reum esse (*per prius dem.*): Nihil etiam incongrui esse apparet, quod dicatur, in processu militari reum non esse nisi militem: Licet vel maxime in eodem paganus reconventionem peti possit.

§. 1158.

In processu militari civili requiritur, ut actor factum, quo jus, quod *Quæ in* pretendit, acquisitum esse debeat, & quod a reo negatur, narret, probet; Reus processu
Jus mil. nat. *verò milit. civi.*

P p p

*li requi-
rantur.*

vero ad facti narrationem respondeat, utrum id pro vero habeat, nec ne, aut num saltem circumstantias quasdam neget, & quoniam contra ea que admittit, excipiat, & hoc adversus actorem negantem sufficienter probet.

Utrumque enim ipso jure naturæ tam in actore (§. 936. Part. 5. Jur. nat. WOLF.), quam in reo requiritur (§. 937. *ibid.*). Quare cum in processu militari opus sit iis, quæ natura causæ tractandæ & recta ratio exigit (§. 1152.): In processu vero militari civili tam actor quam reus adsit (§. 1155.): Patet, quod in hoc processu eadem etiam utrique incumbant.

§. 1159.

*Scriptis
num agen-
dum.*

In processu militari civili scriptis agi non convenit.

Scripta enim processum diffusorem reddere constat. Et cum oretenus æque ac scriptis agi possit in judicio (*per not.*): Naturam causæ tractandæ & rectam rationem non exigere, ut scriptis agatur, apparet; Sed potius naturæ processus summarii hoc est contrarium. Quare cum ad processum militarem plura non requirantur, quam quæ natura causæ tractandæ & recta ratio exigit (§. 1152.); Contra vero processus militaris quam maxime debeat esse summarius (§. 1153.); Processus summarius vero de civili potissimum intelligatur (*schol. ibid.*): Patet, quod in processu militari civili scriptis agendum non sit.

Dum scriptis agi non debere, asseritur: De partibus litigantibus hoc intelligendum esse, ne scilicet ea, quæ ab ipsis proferenda sunt, scriptis tradant, facile perspicitur. A judice enim ea, quæ a partibus proferuntur, scriptis consignari, utique convenit, & quod debeant, demonstrare facile licebit.

§. 1160.

*Libello an
locus
est.*

In processu militari civili locus tamen est libello: Licet idem necessarius non requiratur.

Cum libellus sit scriptura, qua mediante causa in judicium deducitur (*per defn.*); Scriptis vero in processu militari civili non sit agendum (§. 1159.): Libello nec locum concedi debere, videri posset. Cum vero per libellum causa demum in judicium deducatur (*per alleg.*); Adeoque per eundem processus saltem initium fiat: Hunc eo non fieri diffusorem apparet. Quare cum in eo ratio ponatur, cur scriptis agi non debeat (*per dem. §. 1159.*): Eadem quoad libellum cessat. Cum itaque cessante ratione sufficiente cesset etiam, quod propter eam est (§. 118. *Ontol. WOLF.*): Patet, quod libello locus concedi debeat in processu militari civili. *Q. e. 1.*

Cum

Cum vero tam oretenus, quam scriptura, causa in iudicium deduci posse constet: Ipsa causæ tractandæ natura libellum non exigit. Quare cum ea, quæ natura causæ non exigit, nec in processu militari civili requirantur (§. 1152.): Patet, quod libellus non sit necessitatis. *Q. e. 2.*

Ut scriptis agi dici possit: Facile patet, quod hoc duos supponat, 1. quibus scripta mutua proferuntur. Cum vero libellus sit scriptura, quæ causa in iudicium deducitur (*per sup.*): Actoris autem sit causam in iudicium deducere: Actori etiam soli scripturam concedi intelligitur, neque adeo reo simul scriptura reciproca permittitur. Proprie itaque dici nequit, quod scriptis agatur, dum libellus actori conceditur. Neque adeo hoc antea demonstratis repugnat.

§. 1161.

In processu militari civili reus debet citari, siue citatio rei requiritur. *Citatio rei requiritur.*

Cum in processu militari civili reus debeat respondere ad ea, quæ profert actor (§. 1158.); Scriptis vero agi non liceat (§. 1159.): Ut reus oretenus respondeat, adeoque in iudicio compareat, opus est. Quare cum mandatum de comparando in iudicio citatio dicatur (*per def.*): Patet, quod & in processu militari civili reus debeat citari, siue citatio rei requiratur.

Cum jurisdictio militaris præfatis, ut convenit, plerumque soleat committi (§. 1135.): His vero simul imperium in milites competat (§. 1135.): Citatio militum præsertim gregatiorum absque ambagibus & vel per modum imperii peragitur. Et quod vel corporis, prehensione siue realiter fieri possit, statim subjungemus.

§. 1162.

Milites in processu civili seu propter causas civiles incarcerari quoque possunt. *Incarceratio fieri potest.*

Causæ enim militum civiles esse quoque possunt delicta, privata licet (*per dem. §. 1145.*). Et cum processus civilis circa causas civiles instituat (§. 1150.): In eodem etiam delicta occurrere, adeoque milites delicti reos reddi posse apparet. Quare cum milites delicti rei propter imminentem poenam carcere detinendi sint (§. 910.): Patet, quod milites in processu civili seu propter causas civiles incarcerari quoque possint.

§. 1163.

Milites itaque realiter possunt etiam citari.

Adeoque realis citatio.

Cum enim milites in processu civili seu propter causas civiles incarcerari quoque possint (§. 1162.): Incarceratus vero, si in iudicio debeat

ppp 2 com.

comparere, eo duci, adeoque corpore prehendi debeat: Milites etiam corporis prehensione in iudicium posse duci apparet. Quamobrem cum citatio, quæ fit corporis prehensione, realis dici soleat (*per defn.*): Patet, quod & realiter citari possint milites.

Corruit itaque ea, quæ consuetudine saltem introductam putat thes. ERN. FRID. SCHRÖTER (§. 2. Cap. 3. Sect. 1. *Diff. de Jur. milit. sing.*), quod miles realiter citari non possit. Quodsi quidem realem citationem de antiqua illa in jus vocatione, quæ obtorto collo fiebat & vel privatis concedebatur, intelligas: Cum hæc hodie in genere non amplius liceat privatis; Nec in milites exerceri poterit. Cum autem citationem a iudice fieri supponatur: In eo sensu militem realiter citari posse dubium esse nequit.

§. 1164.

*Quenam
ad proce-
lit. civ. ius-
fiant.*

Cum ad processum summarium, qui civilis supponitur, plus non requiratur, quam ut qualis qualis facti narratio fiat ab actore; Reus a iudice citetur; Citatus respondeat; Probatio injungatur, & sine solenni attestationum disputatione statim sententia feratur (§. 1. Tit. 6. Lib. 4. *Jurispr. R. G. F. STRUV.*); Processus vero militaris maxime debeat esse summarius (§. 1153.): *Ad processum militarem civilem ea, quæ jure civili ad summarium requiruntur, sufficiunt.*

§. 1165.

*Quenam
sunt partes
in processu
criminali.*

In processu militari criminali partes, inter quas causa agitur, sunt respublica & miles delinquens.

In processu enim militari in genere duæ sunt partes, quarum una contendit, jus ipsi competere, & altera, a qua tributio juris petitur (§. 1154.). Processus vero criminalis circa crimina instituitur (§. 1150.). Quare cum delictis publicis sive criminibus ipsi reipublicæ damnum datur vel injuria inferatur (§. 581. Part. 8. *Jur. nat. WOLF.*); Processus vero militaris criminalis militem supponat (§. 1150.): In eodem rempublicam & militem delinquentem partes esse, quas inter res agitur, apparet.

Cum ex delicto jus ad pœnam nascatur ei, qui per illud læditur (*dem. §. 1100.*); Per delicta vero publica, utpote circa quæ processus militaris versatur, ipsa respublica lædatur (*per alleg.*): Reipublicæ jus ad pœnam competere, adeoque illam eam esse partem, apparet, quæ jus sibi competere contendit; Militem delinquentem vero eam, a qua tributio juris illius petitur vel potius, cum jus illud sit perfectum, exigitur.

§. 1166.

§. 1166.

Cum vero respublica univcrsa, tanquam persona moralis, agere ne-
queat (*quod per se patet*); Eadem vero in processu militari criminali par-
tem unam constituat (§. 1165.) earum, quæ adesse debent (§. 1154.): *Partes rei-
publicæ a-
gere quis
debet.*
*In processu militari criminali præter militem delinquentem adesse debet
quis, qui partes agat reipublicæ.*

§. 1167.

Cum iudices reipublicæ causa constituti sint (§. 539. Part. 8. Jur. *Judex ipse
nat. WOLF.*); In processu vero criminali reipublicæ partes agere quis
debeat (§. 1166.): In eodem iudex ipse, reipublicæ partes agere, aut
alius, qui hoc faciat, constitui debet. *aut alius.*

Quidnam expediat, & num adeo processus inquisitorius vel accusato-
rius debeat præferri: Hujus loci non est disquirere, ubi ad milites saltem
ea applicantur, quæ in jure occurrunt. Paucis saltem postea indigitabi-
mus, quisnam quoad milites præstare videatur.

§. 1168.

Quare cum si iudex ipse partes agat reipublicæ, idem ex officio *Qui accu-
agere dicatur (per def.);* Si autem in processu criminali constituatur *sator dici-
alius, qui id agat, hic accusator dicatur (per def.): In processu vero mi-
litari criminali aut ipse iudex, aut alius reipublicæ partes debeat agere
(§. 1167.): In eodem iudex aut ex officio debet agere, aut accusator
constitui.*

§. 1169.

Hinc porro cum processus criminalis in genere, in quo iudex ex *Processus
officio agit, inquisitorius, in quo vero accusator vel constituitur, militaris
accusatorius dicatur (per def.);* In processu autem militari criminali *criminalis
iudex vel ex officio agere, vel accusator constitui debeat (§. 1168.): Pro-
cessus militaris criminalis quoque vel inquisitorius vel accusatorius est.*

De Processu inquisitorio in judiciis militaribus usitato sub præsidio Dni.
HENR. BROKES dissertationem inauguralem habuit C. C. V. RÜ-
CKERUS Jenæ 1748.

§. 1170.

Cum processus militaris ad solennitates juris civilis non sit adstrin-
gendus (§. 1152.); Processus vero accusatorius plura requirat, quæ so-
lennitatis fere tantum sunt, quam inquisitorius (*per hypoth.*): *Inquisito-
rium esse,
convenit.*
*sum militarem criminalem esse potius inquisitorium, quam accusatorium
convenit.*

Cum in naturam utriusque processus hic non sit locus penitus inquirendi, sed illud ad doctrinam juris criminalis generalem pertineat: Nec in genere hic demonstrari poterit, quinam alteri præstet; Nec in specie etiam plene deduci, quinam judiciis militaribus magis conveniat. Per hypothesein itaque saltem ponimus, accusatorium soënnitatibus abundare, quæ ad essentiam processus non pertinent. Atque illa posita saltem asserimus, quod inquisitorius conveniat.

§. 1171.

*Mixtus esse
possit.*

Porro cum processus criminalis in genere partim inquisitorius, partim accusatorius esse possit, qui mixtus dicitur, in quo nempe iudex ab initio ex officio agit, postea vero accusator constituitur (*per desu.*); Processus vero etiam militaris criminalis tam inquisitorius, quam accusatorius esse queat (§. 1169.): *Processus militaris criminalis ex inquisitorio & accusatorio mixtus etiam esse potest.*

Talis etiam plerumque esse solet, qui inter milites obrinet processus criminalis, ut ab initio iudex ex officio inquirat in crimen, cujus miles arguitur, & si illud ab hoc negetur, eundem ejus convincere studeat; Postea vero solennitatis magis, quam necessitatis gratia plerumque constituitur accusator, qui contra rei defensorem processum ad finem usque perducatur.

§. 1172.

*Qui tamen
maxime sit
inquisito-
rius.*

Cum vero processum militare criminalem inquisitorius potius, quam accusatorius esse conveniat (§. 11. o.); Idem autem ex utroque mixtus esse possit (§. 1171.): *Si processus militaris criminalis mixtus ob-
tineat: Eundem tamen potissimum inquisitorius esse convenit.*

Judicis itaque militaris erit, eo enim, ut processus criminalis, si mixtus sit, maxime tamen partem inquisitorio, qui accusatorius præcedit, absolvatur, posterior eo brevior reddi possit. Judicem propterea, præsertim militare, eo magis sedulum debet esse in inquirendo, ut ambages, quibus processus accusatorius expositus est, eo facilius evitentur & declinentur.

§. 1173.

*Quanam
requiran-
tur ad
proc. mili-
t. crimin.*

*Ad processum militare criminalem plura non requiruntur ex pro-
cessu criminali communi, quam quæ substantialia ejus rei sunt.*

Substantialia enim dicuntur ea rei cujusdam determinationes, quæ ei-
dem constanter insunt, nec abesse possunt (§. 39. *Jur. seu l. nat.*); Ad-
eoque tam essentialia, quam attributa (*schol. ad §. cit. & 40.*). Cum
itaque essentialia rei essentiam ejusdem constituent (§. 13. *Ontol. WOLF.*);
Attributa vero per essentialia determinantur (§. 146. *ibid.*): Substantialia
sunt, quæ per essentiam & naturam rei determinantur. Et cum ea,
quæ

quæ per essentiam & naturam rerum determinantur, juris naturæ sint (§. 2. *Part. 1. Jur. nat. WOLF.*): Quæ natura rerum sive recta ratio circa rem requirit, substantialia ejus sunt; Adeoque substantialia processus criminalis, quæ natura causæ in eo tractandæ & recta ratio exigit. Quare cum in processu militari plura non requirantur, quam quæ natura causæ tractandæ & recta ratio exigit (§. 1152.): Patet, quod ad processum militarem criminalem plura non requirantur ex processu criminali communi, quam quæ substantialia ejus sunt.

Quenam sint substantialia processus criminalis in genere, ad theoriam processus generalem pertinere, facile perspicitur. Quæ cum hic non tradatur; Nec illa recensere, sed supponere potius aut speciali tractationi reservare licebit. Quædam solum, quæ jam demonstrata inveniuntur, ad processum militarem applicabimus, & vel speciminis loco adducemus.

§. 1174.

Si miles, qui criminis alicujus arguitur, illud neget: Hoc probari, Quid si delictum ne-
sive reus ejusdem convinci debet, antequam puniri possit.

Ipsi enim juris naturæ est, ut nemo puniatur, nisi delicto aut crimine sufficienter probato, aut nisi ejusdem convictus (§. 673. *Part. 8. Jur. nat. WOLF.*). Si vero miles criminis inculpetur, hoc processum militare criminalem supponit (§. 1150.). Quare cum ea, quæ in processu criminali juris naturæ sunt, adeoque ad substantialia pertinent, obtinere etiam debeant in processu militari criminali (§. 1173.): Patet etiam, quod si miles, qui criminis arguitur, illud neget, hoc probari, sive reus ejusdem convinci debeat, antequam puniri possit.

Docrinam de probatione, qualis ipso jure naturæ debet esse comparata, tradidit Vir illustris L. B. de WOLF capite 5. tomi 5. egregii operis Juris naturæ.

§. 1175.

Probatio criminis, si illud negetur a milite ejusdem reo, in processu Cui probatio criminis incumbit
accusatorio incumbit accusatori; In inquisitorio vero judex ex officio in veritatem illius inquirere debet.

In processu enim militari criminali respublica parsea est, quæ jus sibi competere contendit (§. 1165.). Cum itaque pars ea, quæ jus sibi competere contendit, quæ actor dici solet (§. 980. *Part. 5. Jur. nat. WOLF.*), hoc probare debeat, si negetur (§. 986. *loc. cit.*): Reipublicæ probationem criminis, quod a milite negatur, incumbere apparet. Quare cum in processu accusatorio reipublicæ partes agat accusator; In inquisitorio vero judex ipse (§. 1167. 1169.): Patet, quod in illo probatio

batio criminis a milite ejusdem reo negati incumbat accusatori, in hoc vero iudex ex officio in ejusdem veritatem debeat inquirere.

§. 1176.

*Reo defen-
sio conce-
denda.*

Cum ipsius juris naturæ sit, ut reo criminis, antequam condemnetur, defensio concedatur (§. 675. Part. 8. loc. cit.); Ea vero, quæ juris naturæ sunt, in processu militari præsertim etiam criminali obtineant (§. 1173.): *Militi criminis reo, antequam condemnetur, defensio concedenda est.*

§. 1177.

*Et defen-
sor adjun-
gendus.*

Cum vero in defensione ea sint proferenda, quæ reum criminis excusare, vel in totum, vel ex parte, possent (§. 675. cit.); Illam jurium peritiam requirere apparet. Quare cum hæc in milite supponi; Adeoque defensio ab eo ipso peragi nequeat: *Militi criminis reo, antequam condemnetur, defensionis sue gratia adjungendus est alius, qui aut jurium ipsemet sit peritus, aut saltem eor, qui jura callent, consulere possit.*

§. 1178.

*Praefectum
convenit.*

In delictis militaribus militibus eorum reis defensoreni dari præfectum convenit.

Delicta enim militaria actiones obligationi euidam militari contrarias supponunt (§. 543.): Obligationes vero militares, cum milites iisdem teneantur, præsertim notæ esse debent militibus, & in specie præfectis, quorum imperio actiones illorum subjacent (§. 221.). Præfecti itaque militum nosse potissimum poterunt, an miles delictum militare vere commiserit, & quid forsan ejus excusationem facere posset. Quare cum in prolatione eorum, quæ reum criminis excusant, defensio consistat (dem. §. 1177.); Cognitio obligationum militarium vero singularis sit, quæ adeo nec cuivis, jurium alias perito, inest: Patet, quod in delictis militaribus defensoreni constitui præfectum conveniat.

Cum tamen cognitio jurium generalis etiam ad defensionem rei requiratur, vel requiri saltem possit: A præfecto defensore constituto, qui officii sui partes adimplere voluerit, in consilium adhiberi juris peritum, præstabit, cui ea, quæ militaria sunt, saltem suppeditet: Ne forsan ex omissione quorundam, quæ in criminis excusationem possent adduci, reo præjudicium oriatur.

§. 1179.

§. 1179.

Cum in genere judicis sit, cognita causa, quæ in iudicium deducitur, pronunciare, a cujusnam parte jus stet (§. 540. Part. 8. Jur. nat. WOLF.). Effatum vero judicis, quo declarat, quid in causa controversa iustum sit, sententia dicatur (§. 543. loc. cit.): *Judex etiam militaris sententias ferre potest & debet.* *Sententia a judice militari ferenda.*

§. 1180.

Sententia a judice militari prolata dicitur militaris. Cum itaque iudicis militaris potestas non sit nisi in causis militum (§. 1107. 1157.): Hæ vero in iudicio militari tractentur (§. 1141.): Sententia militaris definiri etiam poterit per eam, quæ in causis militum, vel in iudicio militari fertur. *Quæ militares dicuntur.*

§. 1181.

Cum sententia, quæ fertur in causa civili, civilis, quæ in causa criminali, criminalis dicatur (*per defn.*); Sententiæ vero militares in causis militum ferantur (§. 1180.); Et hæ vel civiles, vel criminales sint (§. 1144.): *Sententia quoque militares vel civiles vel criminales possunt esse; Et cum a judice militari ferantur (§. 1180.): Ab eo tam civiles quam criminales sententia ferri queunt.* *Et vel civiles vel criminales sunt.*

§. 1182.

Ad sententias militares ferendas opus est applicatione legum, quibus actiones militum determinantur, ad facta eorum, adeoque cognitione seu requirant peritia legum eorum. *Quenam.*

Ad id enim, ut pronuncietur, quid in causa controversa iustum sit, applicatione legum ad facta opus est (*dem.* §. 984. Part. 5. Jur. nat. WOLF.). Cum itaque effatum judicis de eo, quod in causa controversa iustum sit, sententia dicatur (*alleg.* §. 1179.): Ad sententiam ferendam eadem applicatione opus etiam esse liquet. Sententiæ vero militares in causis militum feruntur (§. 1180.); Causæ vero militum iura acquisita & obligationes contractas involvunt (*dem.* §. 1098.); Adeoque facta militum supponunt (*dem.* §. 1097.). Facta militum vero ad actiones eorum pertinent (§. 153. Part. 2. Phil. pract. unto. WOLF.). Et actiones eorum lege quadam debent determinari (§. 85.). Quare cum ad sententiam ferendam opus sit applicatione legum ad facta (*per dem.*): Ad sententias militares ferendas opus esse applica-

Jur. mil. nat.

Q 99

tionem

tione legum earum, quibus actiones militum determinantur, ad facta eorum apparet. *Q. e. 1.*

Et cum ad applicationem legum ad facta legum earum peritia requiratur (§. 985. *Part. 5. cit.*); Ad sententias militares ferendas vero opus sit applicatione legum, quibus actiones militum determinantur, ad facta eorum (*dem. n. 1.*): Patet, quod ad easdem etiam peritia harum legum sit necessaria. *Q. e. 2.*

§. 1183.

Per eas causas et jura sive litigiosa dijudicantur. *Per sententias militares itaque causæ militum controversæ scilicet,*

Per sententias enim militares leges, quibus actiones militum determinantur, ad facta eorum applicantur (§. 1182.). Et cum per sententiam pronunciatur, quid in causa contröversa justum sit (*def. §. 1179.*): Per sententias militares pronunciatur, an actiones militum legibus ipsorum conformes sint nec ne; Adeoque actionibus eorum vel conformitas cum legibus tribuitur, vel removetur ab iisdem. Quamobrem cum actus iste mentis, quo aliquid a re diversum eidem vel tribuitur, vel ab ea removetur, judicium dicatur (§. 39. *Log. WOLF.*); Sententiæ vero militares in causis militum ferantur (§. 1180.): Patet, quod hæc per illas dijudicentur.

§. 1184.

Secundum quas leges hoc fiat. Quare cum sententiæ militares ferantur applicatione legum earum, quibus actiones militum determinantur, ad facta eorum (§. 1182.); Per sententias vero militares causæ militum dijudicentur (§. 1183.); Causæ militum dijudicari debent secundum leges seu jura eadem, quibus actiones eorum determinantur.

§. 1185.

Primario secundum militares. Causæ militum, & militares in specie, primario dijudicari debent secundum leges militares, sive jus militare.

Causæ enim militum facta, adeoque actiones, militum supponunt (*dem. §. 1182.*); Et cum causæ militum qua talium, militare dicantur (§. 1099.); Causæ militares in specie actiones militum, qua talium, supponunt. Actiones militum qua talium vero determinantur legibus militaribus (§. 87.) sive jure militari (§. 89.). Quare cum causæ militum dijudicari debeant secundum eas leges, quibus actiones eorum determinantur.

terminantur (§. 1184.); Patet, quod causæ militares secundum leges militares, seu jus militare, debeant dijudicari. *Q. e. 1.*

Legibus vero militaribus aliæ etiam militum actiones, quam qua talium, possunt determinari (§. 553.). Et cum eadem actiones legibus civilibus etiam determinatæ supponantur (*per hypoth.*): In hoc casu lex militaris cum civili collideretur. Quare cum in tali collisione illa vincat, & hæc cedat (§. 100.): Patet etiam, quod in hoc casu, si actiones militum, etiam non qua talium, legibus militaribus sint determinatæ, dijudicatio causæ ex iis ortæ secundum hæc fieri debeat, & quod adeo causæ militum in genere etiam secundum easdem primario sint dijudicandæ. *Q. e. 2.*

Exemplum est in delictis communibus. Pleraque enim eorum legibus militaribus notata sunt singularibus pœnis diversis, ab iis, quæ legibus communibus statuuntur, plane diversis, & ut convenit (§. 768.), gravioribus. Quod si itaque eveniat, ut miles tale delictum committat: Nullus dubitat, quin ea potius pœna, quæ legibus militaribus, quam quæ civilibus, in illud statuta est, in ipsum debeat animadverti.

§. 1186.

Cum jus militare detur etiam non scriptum (§. 94.), quod ob-*Et obser-*
servantia militaris vocatur (§. 95.); Dijudicatio causarum militum *privantia mi-*
mario vero fieri debeat secundum jus militare (§. 1185.); Jus scriptum *litares.*
tamen, quod expressa superioris voluntate nititur, prævalere debeat non scripto, quod saltem tacita (*def.* §. 84.): *Si lex militaris scripta non adsit: Dijudicatio causarum militum, in specie militarium, fieri debet secundum observantias militares.*

§. 1187.

Si neque leges scriptæ, neque observantia militares adsint: Causæ etiam jus militum, præsertim etiam communes, dijudicari debent secundum leges civiles, sive jus civile.

Quatenus enim milites sunt cives: Eatenus actiones eorum jure etiam civili determinantur (§. 78.). Quoniam itaque causæ militum secundum easdem leges dijudicari debent, quibus actiones eorum determinantur (§. 1184.): Causæ etiam militum dijudicari poterunt secundum leges illas civiles. Cum vero hisce actiones militum qua civium saltem determinantur (*per super.*); Causæ vero militum, qua civium, communes dicantur (§. 1099.): Patet, quod causæ militum, præsertim communes, secundum leges civiles sint dijudicandæ. *Q. e. 1.*

Cum autem causæ militum primario dijudicari debeant secundum leges militares, tam scriptas (§. 1185.), quam observantias (§. 1186.): Quamdiu adsunt leges sive observantiæ militares: Tandiu dijudicatio secundum leges civiles fieri non poterit. Patet itaque etiam, quod hoc demum intelligendum sit, si leges militares scriptæ, & observantiæ deficiant. *Q. c. 2.*

§. 1188.

Aut analogiam juris. Si actio quædam militum legibus expresse non determinetur: In decidendis causis militum, quæ eandem supponunt, ad analogiam juris recurrendum est.

Cum principium dicatur id, quod in se continet rationem alterius (§. 866. *Ontol. WOLF*): Principia juris rationem hujus sive legum in se continere, apparet. Si quid itaque principiis juris conveniat: Adest ratio, cur quid sit juris. Quodli itaque actio quædam militum legibus expresse non sit determinata; Principiis vero juris conveniat, ut certo quodam modo determinetur: Ratio etiam adest, ut hoc fiat (§. 118. *loc. cit.*). Quamobrem cum in consensu cum principiis juris analogia ejusdem consistat (*def.* §. 399.); Dijudicatio vero causarum militum fieri debeat secundum eas leges, quibus actiones eorum determinantur (§. 1184.): Patet, quod in decidendis causis militum ad analogiam juris sit recurrendum, si quædam actio militum legibus expresse non determinetur.

§. 1189.

Ex jussura. Si defint leges positivæ, tam militares, quam civiles, quibus actiones militum determinentur: Causæ militum, quæ has supponunt, secundum jus naturæ dijudicandæ sunt.

Cum enim milites ad ea obligentur, quæ sunt juris naturæ (§. 122.): Actiones eorum jure etiam naturæ determinari, apparet. Quare cum causæ militum dijudicari debeant, secundum eas leges, quibus actiones eorum determinantur: Dijudicationem causarum militum fieri etiam posse & debere secundum jus naturæ patet. Cum tamen eadem primario fieri debeat secundum leges militares (§. 1185.), & si hæ deficiant, civiles (§. 1187.): Consequitur, quod secundum jus naturæ causæ militum tunc demum sint dijudicandæ, si defint leges positivæ, militares aut civiles, quibus actiones eæ determinantur, quas causæ supponunt.

§. 1190.

§. 1190.

Ad dijudicandas itaque causas militum & ferendas sententias militum non solum juris militaris, sed & civilis & naturalis prudentia sive scientia opus est. *Scientia eorum juris requiritur.*

Cum causæ militum per sententias militares dijudicentur (§. 1183.): Ad dijudicandas illas idem opus esse, quod ad hæc ferendas, intelligitur. Ad sententias vero militares ferendas opus est peritia legum earum, quibus actiones militum determinantur (§. 1182.). Quare cum per illas causæ militum dijudicentur (*per alleg.*): Ad easdem ferendas opus est peritia legum earum, quibus causæ militum dijudicantur. Causæ vero militum tam secundum leges militares (§. 1185.), quam civiles (§. 1187.) & naturales dijudicandæ veniunt (§. 1189.). Quare cum complexus legum jus dicatur (§. 89.); Patet, quod tam ad causas militum dijudicandas, quam sententias militares ferendas opus sit prudentia sive scientia juris non tantummodo militaris, sed civilis etiam & naturalis.

§. 1191.

Hinc cum iudex militaris sententias, militares nempe (§. 1180.), *Quis ea debeat polle-* ferre debeat (§. 1179.); Ad hoc vero opus sit juris tam militaris, quam civilis & naturalis prudentia sive scientia (§. 1190.), & applicatione horum jurium ad facta militum (§. 1182.): *re.* *Judex militaris aut ipse jus tam militare, quam civile & naturale callere & ad facta militum applicare posse debet; Aut alius eidem adjungi, qui scientia eorum & eadem applicandi polleat.*

§. 1192.

Si præfæctis militum jurisdictioni militaris deferatur: Ad eandem Præfæctis exercendam & processum militare dirigendum adjungi ipsi debet persona ad na, qua leges calleat & easdem valeat applicare ad facta militum. *jungenda est.*

Cum per sententias militares in causis militum quid statuatur (§. 1180.); In potestate vero in causis militum statuendi jurisdictioni militaris consistat (§. 1110.): Per sententiarum lationem hanc exerceri consequitur. Et cum ipsum jurisdictionis militaris exercitium constituat judicium militare (§. 1140.); Modus vero, quo causæ militum in judicio militari tractantur, processus militaris dicatur (§. 1142.): Sententias militares etiam hunc supponere elucet. Quoniam vero processus militaris modum sive ordinem innuit, quo causæ in judicio militari ve-

niunt tractandæ (*per alleg.*); Adeoque plura involvat, quæ se invicem consequuntur (§. 472. *Ontol. WOLF.*); Qui jurisdictionem militarem voluerit exercere, curare debet, ut hæc omnia observentur; Adeoque, cum in hac cura directio processus consistat (*per defm.*), processum militarem dirigere. Ad sententias itaque ferendas exercitio jurisdictionis & processus directione opus est. Quare cum ad illas jurium prudentia sive scientia (§. 1190.), ut & applicatio legum ad facta requiratur (§. 1182.): Eædem etiam necessariae sunt ad exercendam jurisdictionem & processum dirigendum. Licet vero milites leges militares callere obligentur (§. 137.): Juris tamen præsertim civilis, aut naturalis istimior prudentia sive scientia in iis supponi vel desiderari nequit. Quodsi itaque præfectis militum jurisdictio militaris committatur, uti convenit (§. 1135.); Adeoque iidem iudices militares eo constituantur (§. 1114.): Ipsos tamen jurium ad exercendam jurisdictionem scitu necessariorum cognitione & habitu leges ad facta applicandi pollere, supponi nequit. Quamobrem cum si iudex militaris ipsemet hac peritia destituatur, adjungi eidem debeat persona alia, quæ eadem polleat & leges applicare valeat (§. 1191.): Patet, quod præfectis militum ad exercendam jurisdictionem militarem & processum dirigendum adjungenda sit persona legum peritia & habitu eadem ad facta applicandi prædita.

§. 1193.

*Auditoris
definitio.*

Persona, quæ judici militari ad exercendam jurisdictionem & processum dirigendum adjungitur, sibi militari *Auditor*, sive *Prætor militaris* aut *castrænsis* vocatur.

De Auditoribus dissertationem inauguralem inscripsit HENR. CHRISTI. SCHRÖTER, quam habuit Altdorfi 1678. Cum per prætorem jam intelligatur persona, cui jurisdictio competit, seu quæ iudex est; Talem vero non esse auditorem, statim ostensuri sumus: Nec prætoris militaris denominatio proprie eidem convenit, nisi de eo intelligatur, qui jurisdictionem alterius nomine saltem exercet.

§. 1194.

*Non est ju-
dex milita-
ris.*

Auditor sive prætor militaris non est, seu dici nequit, iudex milita-

Auditor enim judici militari saltem adjungitur ad jurisdictionem exercendam (§. 1193.). Non itaque ipsimet hancce competere, sed ei, cui adjungitur, apparet. Quare cum is demum iudex militaris dicatur,

cui

cui jurisdictio in milites nempe peculiaris competit (§. 1114.): Patet, quod auditor non fit, neque dici possit iudex militaris.

Fieri quidem hoc plerumque solet ab iis, qui notiones rerum non satis evolvunt. Sic v. gr. iudices militares auditores esse, vel juris civilis auctoritate sustinere conatur H. C. SCHRÖTER (§. 1. Sect. 3. Diff. de Audit.) & auctor dissertationis (§. 1169.) allegat iudices caestrenses eos denominat (§. 5.). Recte itaque hoc reprehenditur a GUST. GEO. KOENIG (§. 2. Cap. 3. Diff. de Foro militis oberati). Qui tamen in eo ultra, quam par est, procedere videtur, quod auditores saltem actuarios & iudicum ministros existimet. Cum enim infra demonstraturi simus, quibus votum concedendum & intra adfessores iudicii militaris eos eligendos: Officium eorum illo actuarii nobilius esse, facile appareat. Quod & in eo casu largitur modo citatus KOENIG, & jus suffragii & adfessoris tribui ipsis posse, & apud quosdam actu tribui, ipse monet.

§. 1195.

Ut unicuique tribuno jurisdictio in cohortem suam concedatur, con- Tribunis
jurisdictio
conceden-
venit. da.

Ut enim milites iudici sive jurisdictioni peculiari submittantur, etiam est ex qualitate personæ eorum (§. 1120.); Ne scilicet, si ad certum quendam locum adstringerentur, eo a loco commorationis suæ avocarentur, & a servitiis suis abstraherentur (*dem.* §. 1117.). Licet itaque jurisditionem in milites præfectis eorum concedi conveniat (§. 1135.): Ratio tamen adest, ut in plures milites uni non concedatur, quam qui una plerumque soleat commorari. Quare cum cohors clafsis sit militum (§. 188), quæ eorum tot continet, quot simul commorari plerumque jubentur (*per hypoth.*); Præfectus vero militum, qui cohorti præest, tribunus dicatur (§. 189): Patet quod conveniat, ut unicuique tribuno jurisdictio concedatur in suam cohortem.

Cum vero cohortes ex turmis vel agminibus aliquot; Hæc autem ex pluribus manipulis soleant constare (§. 188.); Adeoque fieri possit, ut turma vel agmen unum, vel aliquot saltem manipuli, vel unus etiam, in certum quendam locum ponantur: Tunc aut præfectis iis, quibus imperium turbine aut agminis alicujus committitur, aut qui manipulis præfunt, jurisdictio exercenda etiam relinqui deber, vel causæ eorum ad præfecturam cohortis remittendæ erunt. Quorum prius in turmis & agminibus integris, posterius vero in manipulis solet observari, si separari ponantur. Et cum manipuli, turma & agmina, quæ unam cohortem constituunt, non ita tamen a se invicem ut a præfectura cohortis soleant removeri, ut longius distent: Exinde non adeo magnum detrimentum rei militari metuendum est. Causas etiam, quæ moram fe-

run

runt, usque ad conjunctionem manipulorum cum præfectura reservari non repugnabit. Nec aliud ipsam rei naturam pati, ex iis apparebit, quæ de centurionibus statim adjicientur.

§. 1196.

Non centurionibus. Singulis centurionibus in manipulos suos jurisdictionem committi non convenit.

Cum enim manipulis aliquot, vel uni saltem, etiam, commoratio in certo loco possit assignari (*schol. §. 1195.*); Præfectis vero tot militum, quot una collocari solent, jurisdictionem concedi conveniat (*dem. §. eod.*): Videri posset, quasi & singulis centurionibus, utpote qui manipulis præfunt (*§. 189.*), jurisdictio in hosce concedenda sit. Cum vero centuriones sint præfecti militum (*§. cit.*); Præfectis vero militum, si jurisdictio ipsis deferatur, ad illam exercendam persona quædam juris perita debeat adjungi (*§. 1193.*), quæ auditor dicitur (*§. 1194.*): Singulis etiam centurionibus auditores essent adjungendi. Cum vero manipulus classis militum infima sit (*§. 188.*); Adeoque in exercitu manipuli quam plurimi inveniantur (*§. 191.*): Auditorum numerus eo nimis augetur. Cum vero hoc ex aliis rationibus, quæ hic supponuntur, non conveniat (*per hypoth.*); Jurisdictio etiam in tam paucos milites, ex quibus manipulus constat, eos non satis occuparet: Patet, quod centurionibus jurisdictionem in manipulos suos concedi non conveniat.

Si quidem aliquibus manipulis, vel omnibus unius ejusdemque cohortis sive agminis unus saltem auditor adjungeretur: Videri posset, quasi tunc totum argumentum, quod ab auditorum pluralitate petitur, cessaret. Sed cum manipuli unius ejusdemque etiam cohortis ab invicem separari possint (*schol. §. 1195.*); Adeoque nec tunc singulis jurisdictio in eo loco exerceri possit, quo commorantur: Alterum rursus incommodum emergeret, cujus evitandi gratia cuivis centurioni jurisdictio concedenda videretur. Accedunt & aliæ rationes, quarum non minima est, quod ad exercendam jurisdictionem militarem constitui soleant judicia militaria, quæ ex pluribus personis convocantur. His itaque rite ordinandis numerus ille & gradus militum, quibus manipulus constat, par non esset. Negandum interea non est, aliqualem tamen jurisdictionem & centurionibus indulgeri, in iis nempe causis, quæ brevi manu & vel absque processu institutione decidi possunt. Quod cum auditoribus ad processum dirigendum præsertim etiam opus sit (*§. 1194.*): Hic vero nullo processu res indigere supponatur (*per hypoth.*): Conveniens etiam admodum videtur. Quodsi enim causæ militum breviter absque processu queant componi: Eo, uti debet (*§. 475.*), caveatur, ne iidem litibus & negotiis implicentur.

§. 1197.

Centuriones, & præfecti cohortis vel manipuli alii, qui subalterni vocantur, jurisdictioni tribunorum debent subesse. *Cajus jurisdictioni tribuni bi subfuit.*

Centuriones enim dicuntur præfecti, qui manipulo præfunt (§. 189.). Quare cum manipuli partes sint cohortis (§. 188.): Centuriones ad cohortem pertinere, vel cohortis appellatione simul comprehendi constat. De aliis cohortis vel manipuli præfectis, qui subalterni dicuntur, idem facile intelligitur. Cum itaque tribunus jurisdictionem in cohortem suam, uti convenit (§. 1195.), competere supponatur; Præterea vero centuriones & præfecti alii minores imperio tribunorum subsunt (§. 205.); Ex imperio vero, quod præfectis competit, ratio etiam petatur jurisdictionis in eos, qui eidem subsunt (*dem.* §. 135.). Patet, quod centuriones, & præfecti cohortis & manipuli alii, qui subalterni dicuntur, jurisdictioni tribunorum debeant subesse.

§. 1198.

Præfectis urbium jurisdictionem competere convenit in eos milites irregulares, qui præfidiis continuis destinati sunt; Non vero in milites regulares, qui saltem ad tempus præfidia agunt; Nisi in causis, quæ præfidia speciatim spectant. *jurisdictioni competet.*

Milites enim irregulares, qui præfidiis continuis alicubi peragendis destinati sunt, adeoque præfidiarii vocantur, defensionis urbis inservire constat (§. 251.). Quare cum præfectus urbi dicatur, qui huic ejus defendendæ gratia præest (*per defm.*); Adeoque ab eo dependere debeant, quæ ad defensionem ejusdem faciunt. Milites etiam præfidiarios, sive qui perpetuis præfidiis destinantur, imperio præfecti subesse debere apparet. Cum itaque propter imperium, quod præfectis in milites competit, illis etiam jurisdictionem in eosdem concedi conveniat (*per d.m.* §. 135.): Patet etiam, quod præfectis urbium jurisdictio in milites irregulares, præfidiis perpetuis destinatos, committenda sit. *Q. e. i.*

Cum vero & milites regulares urbi ad ejus defensionem possint imponi (*Schol.* §. 254.); Ea vero, quæ ad defensionem urbis requiruntur, a præfecto ejusdem debeant pendere (*per dem. n. 1.*): In iis etiam, quæ ad defensionem urbis faciunt, illos hujus imperio subesse debere apparet. Quare cum propter imperiam præfectorum in

Jur mil. nat. Rrr mili-

milites, istis etiam jurisdictionem concedi conveniat (*per alleg.*); Propter defensionem urbis vero præsidia agi dicantur (§. 251.): Patet quod & in milites regulares, qui præsidia agunt, urbis præfecto-jurisdictio debeat competere in iis, quæ præsidia speciatim spectant. *Q. e. 2.*

Quoniam autem milites regulares (§. 254.), adeoque in cohorte constituti supponuntur; In cohortem vero jurisdictio tribuno competat (§. 1197.): Eosdem jurisdictioni tribunorum jam subesse apparet. Quare cum manente imperio horum, non appareat ratio, cur eidem subtrahantur in aliis causis, quam quæ præsidia spectant (*per dem.*): Non convenire apparet, ut jurisdictioni præfecti urbis, in qua præsidia agunt, in aliis causis sublint, quam quæ hæc concernunt. *Q. e. 3.*

§. 1199.

Cui in tribunos & duces.

Tribunos jurisdictioni ducum, vel cum hisce simul jurisdictioni summi ducis, sive collegii ejusdam, cui duces adsident, subesse convenit.

Licet enim tribuni jurisdictione ipsimet polleant in cohortes suas (§. 1195.); Cum tamen qua præfecti militum (§. 189.) ad milites in genere sint referendi (§. 186.); Hi vero judici (§. 1104.), & peculiari quidem debeant subesse (§. 1113.): Tribunos etiam, ut & duces, qui iidem præfecti militum sunt (§. 189.), jurisdictioni ejusdam ipsosmet subesse debere apparet. Quare cum propter imperium, quod præfectis militum competit, ipsis etiam jurisdictionem concedi conveniat (*dem. §. 1135.*); Tribuni vero imperio ducum, aut cum his ducis summi sublint (§. 205.): Illos etiam jurisdictioni ducum, aut cum his summi ducis subijci, convenit. *Q. e. 1.*

Cum vero ad exercendam jurisdictionem ducibus tamen adjungi debeat saltem persona jurium perita (§. 1192.); Ad res militares in genere ordinandas vero constitui soleant collegia jurisperitorum, cui & duces adsident (*per hypoth.*): Quod vel tali collegio jurisperitorum jurisdictio in tribunos & belli duces concedi conveniat, appareret. *Q. e. 2.*

§. 1200.

Collegii bellici definitio.

Collegium, cui præter curam rerum bellicarum generalem, jurisdictio etiam in tribunos & belli duces committitur, *Collegium bellicum* vocari solet.

Hac

Hæc quidem denominatio arbitraria, & non ubique eadem est. Cum vero corpora eorum, quibus in republica certa res administrandæ committuntur, in genere collegia dici soleant; Hic vero cura rerum bellicarum supponatur: Convenit saltem, ut collegium bellicum vocetur, Cui etiam germanica locutio, *der Kriegsrath, das Kriegsrathscollegium oder Kriegcollegium* respondet, quæ passim occurrere solet. Licet aliis locis aliter etiam appelletur.

§. 1201.

Collegio bellico tam duces, quam jurisperiti adfidere debent.

*Quinam et
adfideant.*

Collegio enim bellico præter curam rerum militarium in genere jurisdictionem in tribunos & belli duces etiam competit (§. 1200.); Cum vero jurisdictionem in tribunos competere conveniat ducibus, aut, ut & in hos, duci belli supremo (§. 1199.): Collegio bellico adfideant etiam duces, & vel dux belli supremus, appareat. *Q. e. 1.*

Cum vero ad exercendam jurisdictionem militarem opus etiam sit persona jurium perita (§. 1192.); Collegium vero ex pluribus personis constare notum sit: Ut collegio bellico jurisperiti etiam adfideant, opus esse patet. *Q. e. 2.*

§. 1202.

Jurisperiti, qui collegio bellico adfident, *Consiliarii bellici* vocari solent. *Consiliarii
bellici defini-
tio.*

Cum in genere, qui collegio cuidam adfident, vocari soleant consiliarii, cum additamento a differentia collegiorum specifica desumpto; Uti v. gr. consiliarii regiminis, vel cameræ: Apparet, quod & eos, qui collegio bellico præter duces adfident, consiliarios bellicos proprie dici conveniat. Cum vero tituli aliis etiam possint tribui, qui munere, quod exprimunt, non funguntur (§. 763. Part. 8. Jur. nat. WOLF.): Patet, quod & consiliarii bellici dici possint, qui collegio bellico non adfident, ut scilicet eo indicetur, ipsos quoad merita singularia iis æquiparari, quæ munere funguntur (*loc. cit.*). Et cum titulorum tributio a superioris arbitrio dependeat; Consiliarii denominatio vero singularem præcellentiam indicet: Fieri etiam poterit, ut collegio bellico intersint, qui titulum eundem non præ se ferunt. Uti v. gr. sunt auditores superiores, vel generales, & adfessores. Quod etiam in aliis collegiis obtinere, experientia loquitur.

§. 1203.

*Ut in tribunos & duces belli, si in expeditione constituentur, jurisdictio commissatur duci belli supremo, pacis vero tempore collegio bellico, in tribunos
convenit.* *pro tempore differt.*

Rrr 2

Colle-

Collegium enim bellicum certo cuidam loco adstrictum esse solet & supponitur (*per hypoth.*); Et illud quemadmodum collegia superiora in genere, in sede principis constitui constat. Quare cum tribuni & duces belli, si in expeditione constituantur, locum sapissime mutant, & longius interdum remoucantur a loco consilii bellici; Propterea vero milites jurisdictioni certi loci adstringi nequeant (§. 1117.); Sed iudex militaris cum militibus esse & locum mutare debeat (§. 1134.): Judicem etiam, cujus jurisdictioni sub sint, cum ipsis in expeditione constitui debere apparet. Cum itaque milites, qui in expeditione constituuntur, uniuersim sumti exercitum conficiant (§. 190.); Adeoque dux belli supremus, cum toti exercitui præsit (§. 193.), simul in expeditione versetur; Jurisdictio vero in tribunos & belli duces inferiores vel summo duci vel collegio bellico competere possit (§. 1099.): Ut eadem illi competat in expeditione conuenit. *Q. e. 1.*

Cum vero extra expeditionis tempora non singulæ cohortes una, sed sparsim ponantur; Adeoque & tribuni, qui iisdem præsent (§. 189.), diuersis locis commorentur: Dux belli supremus nec omnibus præsens esse potest. Pacis itaque tempore cessat ratio, cur in expeditione tribunos ut & duces inferiores jurisdictioni ejusdem subesse conueniat (*per dem. n. 1.*). Contra vero cum pacis tempore tam dux belli summus, quam duces inferiores in sede principis plerumque soleant commorari; Tribuni etiam eo sæpius se conferre debeant (*per hyp. & exp.*): Ut forum suum ibidem sortiantur conuenit. Illud vero non commune, sed peculiare esse debet (§. 1116.). Quare cum supponatur collegium bellicum ibidem esse constitutum, cui & belli duces, & vel supremus, adfident (§. 1201.); Tali vero collegio jurisdictio in tribunos & belli duces committi possit (§. 1199.); Patet, quod pacis tempore conueniat, ut eadem collegio bellico concedatur. *Q. e. 2.*

§. 1204.

Cui in præfectos urbium conuenit.

Jurisditionem in præfectos urbium committi etiam collegio bellico

Præfectos urbium enim ex præfectis militum eminentioris gradus, veluti tribunis vel ipsis belli ducibus sumi constat. Cum vero imperium in milites illis competat (§. 1198.): Ad præfectos militum adhuc referri debent (§. 185.). Jurisdictioni itaque etiam non communi,

muni, sed peculiari eos subesse convenit (§. 1113.). Cum itaque tribuni & belli duces jurisdictioni vel ducis summi vel collegii bellici subesse debeant (§. 1199.): Unum horum etiam circa præfectos urbium obtineat, necesse est. Cum vero evenire possit, ut dux belli in expeditione constitutur (*dem.* §. 1203. n. 1.); Adæque locum sapius mutet; Præfectis vero urbium non simul expeditionum necessitatem, sed potius in præfecturæ suæ loco commorationem continuam incumbere, supponatur: A iudice suo nimis distare possent, si ducis summi in expeditione constituti jurisdictioni subesse deberent. Præfectos itaque, urbium extra expeditionem constitutos esse apparet. Quare cum in hoc casu conveniat, jurisdictionem in tribunos sive belli duces committi collegio bellico (§. 1203.): In præfectos urbium etiam jurisdictionem huic concedi, convenire patet.

§. 1205.

Tribuni & urbium præfecti iudices militares inferiores; Duces Quinam vero, sive collegium bellicum, superiores sunt.
judices militares inferiores & superiores.

Cum enim tam tribunis (§. 1195.), quam urbium præfectis (§. 1198.), jurisdictio in milites; Ducibus vero aut collegio bellico in tribunos, imo & duces (§. 1199.), ut & huic in urbium præfectos competat (§. 1204.); Iudex vero militaris dicatur, cui jurisdictio in milites, peculiaris nempe, competit (§. 1114.): Tam tribunos, quam urbium præfectos, ut & duces belli & ipsum collegium bellicum iudices militares esse apparet. Tribuni vero jurisdictioni ducum vel collegii bellici, ut & urbium præfecti, imo duces ipsi jurisdictioni hujus subsunt (*per alleg.*). Quare cum iudex, qui jurisdictioni alterius subest, inferior; Is vero, cui in illum jurisdictio competit, superior dicatur (*per def.*): Patet, quod tribuni & urbium præfecti iudices militares inferiores; Duces vero & collegium bellicum superiores sint.

§. 1206.

Jurisdictio collegii bellici, militarium suprema est.

Cum enim duces belli præfectorum militum sint supremi (§. 189.), Jurisdictio vero, quæ in milites exercetur, militaris dicatur (§. 1110.): Jurisdictionem militarem superiorem non dari ea, quæ in duces belli exercetur, apparet. Quare cum eadem collegio bellico commissa supponatur (§. 1200.); Quo vero superius non datur, illud summum

Rrr 3

sive

sive supremum dicatur (*per defm*): Patet, quod jurisdictio collegii bellici militarium sit suprema.

§. 1207.

*Quibusnam auditor ad-
fctio militaris committatur, ad eandem exercendam ipse auditor ad-
jungendus sit.* Si tribunis, præfectis urbium, belli ducibus & vel supremo jurisdi-
ctio militaris committatur, ad eandem exercendam ipse auditor ad-
jungendus est.

Tribuni enim & belli duces (§. 189.), ut & dux belli summus (§. 193.), præfecti militum sunt; Præfectos autem urbium ad eosdem quoque referendos esse constat (*dem.* §. 1204.). Omnibus illis vero jurisdictio militaris potest committi, & ut hoc fiat, convenit (§. 1195. 1198. 1199.). Quodsi vero præfectis militum jurisdictio militaris deferatur, ad illam exercendam & processum dirigendum ad-
jungitur debet persona jurium perita (§. 1192.). Quare cum hæc perso-
na, quæ judici militari jurisdictionis exercendæ gratia adjungitur, au-
ditor vocetur (§. 1193.): Patet, quod tam tribunis & urbium præ-
fectis, quam belli ducibus & vel summo, si jurisdictio militaris ipsis
committatur, adjungi debeat auditor.

§. 1208.

*Auditorum
species.* Cum itaque tribuno in cohortem (§. 1195); urbis præfecto in
præfidiarios, & in rebus, quæ præfidia concernunt (§. 1198.); belli
ducibus vero in tribunos, & in illos duci supremo jurisdictio com-
mittatur (§. 1199.); Omnibus illis vero, si jurisdictio ipsis defera-
tur, auditor adjungendus sit (§. 1207.): Auditor, qui tribuno ad-
jungitur, seu qui ad jurisdictionem in cohortem exercendam adhibe-
tur, *Auditor cohortis*; Qui præfecto urbi adjungitur, seu ad exer-
cendam jurisdictionem in præfidiarios & in rebus præfidiæ adhibetur,
Auditor præfidiæ; Qui duci belli, sive legato, cum huic jurisdictio
in tribunos, adeoque præfectos superiores (§. 209.), competat, *Au-
ditor superior*; Et denique, qui duci belli summo adjungitur, cum
hujus jurisdictio vel in alios belli duces se exferat (*per alleg.*), qui
officiales generales dicuntur (§. 211.), *Auditor generalis* vocari solet.

* Germanico idiomate Auditores cohortis *Regimentsauditeurs*, præfidiæ
Garnisonsauditeurs, superiores *Oberauditeurs* & generales *Generalaudi-
teurs* vocantur. Datur quidem & aliud eorum genus, qui *Stabsauditeurs*
audiunt. Hi, cum *der Stab* sub præfecturæ nomine veniat (*Schol.* §. 211.);
Auditores præfecturæ dici possent. Cum vero facile appareat, non præ-
fecturam cohortis (§. 210.), sed exercitus sive generalem eo indigitari
(§. 211.)

(§. 211.): Hæc vero ducem belli supponat (*ibid.*), cui adeo in tribunos saltem jurisdictio competit (§. 1199.): Ad genus auditorum superiorum illos proprie referendos esse apparet; Licet, si praxin spectes, iisdem postponantur. Hoc vero inde est, quod duci plerumque addantur, cui imperium in modicum saltem militum corpus, vel nonnullos modo cohortes committitur; Superiores autem auditores, qui ita dicuntur, majori demum militum multitudini adjungantur. Cum cohors voce a Gallis, ut videtur, recepta dici etiam soleat *Regimen*, & ab aliis legio (*Schol.* §. 183.): Auditores cohortis dici etiam solent a nonnullis Auditores regiminis, uti a SCHRÖTERO (§. 1. *Secl.* 5. *Diff. de Audit.*), aut legionarii. Quoniam autem significatus vocis regiminis cohorti minime convenit (§. 218. *Part.* 7. *Jur. nat.* WOLF); Et hæc etiam perperam legio vocetur (*Schol. cit.*): Auditorum cohortis denominatio magis conveniens videtur.

§. 1209.

Cum jurisdictio tribunorum inferior sit jurisdictione ducum; Hæc *Quinam* vero illa ducis supremi (§. 1205. & *dem. ibid.*); Auditores vero co-^{aliis infe-}hortis tribunis, auditores superiores ducibus, & generales duci sum-^{rioribus.}mo ad jurisdictionem exercendam adjungantur (§. 1208.): *Auditores cohortis inferiores sunt auditoribus superioribus; Hi vero auditores generali.*

§. 1210.

Et cum jurisdictio præfectorum urbium sit tantum in milites præ-^{Quibus au-}sidarios, irregulares nempe (§. 1198.): Inter eos, qui illi subsumunt, ^{ditores} non facile occurrent tribuni aut duces. Quod & per hypothesein po-^{præsidii.}nitur. Quare cum jurisdictio ducum sit in tribunos, & ducis summi in ipsos duces (§. 1199); Jurisdictio ducum superior est illa, qua urbium præfecti pollent. Cum itaque auditores præsidii ad exercendam jurisdictionem hæc; Auditores superiores & generales vero illis adjungantur (§. 1208.): *Auditores præsidii inferiores sunt auditoribus superioribus & magis adhuc generali.*

Cum urbium præfecti non ex tribunis solum, sed vel ex ipsis belli ducibus sumi soleant (*dem.* §. 1204.); Auditores præsidii vero iisdem adjungantur (§. 1208.): Fieri quidem potest, ut hi etiam belli duci adfint in exercenda jurisdictione. Quare cum auditores, qui ducibus adjunguntur, superiores dicantur (§. 1208.): Videri posset, ac si auditores præsidii ad hos etiam essent referendi. Notandum vero est, quod licet præfectus urbis sit e ducibus belli: Auditorem præsidii eidem non adjungi qua duci, sed qua præfecto urbis saltem. Et cum hujus jurisdictionis non sit in tribunos (§. 1199.): Sed vel ipse e tribunis esse possit (*per alleg.*): Non ad auditorum superiorum, sed auditorum cohortium potius

potius classẽ auditorem præsidiĩ referri posse apparet. Negandum licet non sit, quod si præsfectus urbis ducis qualitate radiet, auditori, qui ipsi adjungitur, præ cohortium auditoribus prægativa quædam sic tribuenda.

§. 1211.

Auditores juris sive legum tam militarium, quam civilium, imo & jurium sint naturalium periti esse, eorumque scientia pollere debent.

Auditores Auditores enim ad exercendam jurisdictionem judici militari adjunguntur (§. 1193). Quare cum ad jurisdictionis exercitium faciat etiam sententiarum latio (*dem.* §. 1192.): Auditorum officium etiam circa sententias ferendas versetur. Cum itaque ad ferendas sententias militares non solum juris militaris, sed & civilis & naturalis prudentia sive scientia opus sit (§. 1190.): Patet, quod auditores juris sive legum tam militarium quam civilium, imo & naturalium periti esse, eorumque scientia pollere debeant.

De aliis auditorum attributis vane & vel ad risum usque disquiritur, uti v. gr. a SCHRÖTERO (*Seß. 7. Diff. de Audit.*). Quo etiam pertinet questio: An auditor uxoratus esse debeat. De qua videri potest LUDOVICI (§. 23. *Cap. der Einleit. zum Kriegsproc.*).

§. 1212.

Præsertim Auditors præsertim. jus militum naturale sive universale scire juris mili. debent.

sum natu- ralis. Auditors enim etiam juris naturalis scientia debent pollere (§. 1211.). Cum vero hoc sit propter sententias ferendas (*dem. ibid.*); Per sententias vero, militares nempe, causæ militum dijudicentur (§. 1183.); Adeoque actiones militum hic supponantur (*dem.* §. 1182.): Auditors scire præsertim debent, quid circa milites eorumque actiones ipsius juris naturalis sit. Quare cum ea pars juris naturæ, quæ tradit ea, quæ circa milites eorumque actiones præcipiuntur, prohibentur, vel permittuntur, Jus militum naturale seu universale dicatur (§. 113.): Patet, quod & hujus scientia auditors debeant pollere.

§. 1213.

Us & artis Auditors arte ratiocinandi & habitu demonstrandi pollere ratiocinan. debent.

di. Ad sententias enim militares opus est applicatione legum ad facta militum (§. 1181.). Ex lege itaque atque facto sententia elicitur. Quare

Quare cum tam lex, quam factum, ut & sententia propositionem contineat (§. 41. *Log. WOLF.*): In sententiis ferendis ex duabus propositionibus tertiam elici debere apparet. Si vero ex duabus propositionibus terminum communem habentibus eliciamus tertiam, ratiocinari dicimur (§. 50. *loc. cit.*). Ad sententias itaque ferendas opus est ratiocinio. Quare cum auditorum officium etiam circa ferendas sententias versetur (*dem. §. 121.*): Patet, quod auditores ratiocinari possent, adeoque arte ratiocinandi pollere debeant. *Q. e. 1.*

Cum vero facta & in specie delicta semper committantur sub circumstantiis (§. 567.): Non unico semper ratiocinio ad sententiam venire licere, facile perspicitur. Quare cum oratio, qua ratiocinium proponitur, syllogismus dicatur (§. 332. *loc. cit.*): Pluribus sæpius syllogismis inter se concatenatis opus est ad propositionem eam erucendam, quæ sententiam efficit. Cum autem ad sententias ferendas (§. 1190.), adeoque & in auditoribus scientia supponatur (§. 1211.); Scientia vero principia certa & immota requirat (§. 30. *Disc. præl. loc. cit.*): Præmissæ syllogismorum ad sententiam eliciendam necessariæ principia talia esse debent. Quamobrem cum illatio propositionis mediante syllogismorum concatenatorum serie ex principiis certis & immotis demonstratio dicatur (§. 498. *loc. cit.*): Scientia vero simul habitum ea, quæ affirmamus vel negamus, demonstrandi requirat (§. 594. *loc. cit.*): Patet, quod auditores etiam habitu demonstrandi debeant pollere. *Q. e. 2.*

Quod ad sententiam militarem ratiocinio & subinde pluribus opus sit, exemplo facile ostenditur. Ponamus ex. gr. militem desertorem. Hic habemus propositionem unam, quæ factum continet: *Cajus desertor est.* Habemus etiam propositionem aliam, quæ legem complectitur: *Desertor hoc vel illo modo puniendus est.* Et inde consequitur tertia, quæ sententiam efficit: *Cajus hoc vel illo modo puniendus est.* Cum vero non omnis miles desertor sit, qui pro eo haberi possit, veluti, qui ex alia, quam militiæ deserendæ causa discedit (§. 694.): Ratiocinio præjudiciali antea opus est, quam dici possit, quod Cajus sit desertor. Et cum miles captus aliter puniatur, quam qui sponte revertitur (§. 993.): Antequam pronunciari possit, quo modo sit puniendus Cajus, opus est ratiocinio, quo determinetur, an pro desertore capto sive sponte reverso sit habendus. Tribus hic itaque ratiociniis sive syllogismis opus esse potest, antequam ad conclusionem, quæ sententiam constituit, perveniamur. Quorum primo eruitur, quod Cajus sit desertor; Secundo, quod sit desertor captus aut sponte reversus; Et tertio, quod itaque hoc vel illo modo sit puniendus. Ridebunt hoc sine dubio ii, qui syllogismos ad nugæ eruditas vel scholasticas referunt, & eosdem infra inge-

nii sui dignitatem constitutos autumant. Perpendant vero hi alii simplici homines, quod nec iudicium de rebus simplicissimis ferre valeant, nisi ratiocinio utantur, & quod de ratiocinii vel iudicii sui veritate tuti esse nequeant, nisi illud regularum syllogisticarum examen possit sustinere.

§. 1214.

Judiciorum militarium species.

Cum ipsum jurisdictionis militaris exercitium iudicium militare dicatur (§. 1140.); Jurisdictio militaris vero tam tribunis (§. 1195.) & urbium praefectis (§. 1198.), quam belli ducibus & vel supremo concedatur (§. 1199.); Iudicia militaria etiam differre, prout in iisdem jurisdictione tribunorum, praefectorum urbium vel ducum exercetur, apparet. Cum itaque tribunorum jurisdictione sit in cohortem (§. 1195.), praefectorum urbium in praesidiarios (§. 1198.), ducum in tribunos, adeoque praefectos superiores (§. 209.), & ducis summi in ipsos duces (§. 1199.), qui praefecti generales dicuntur (§. 211.): Iudicium militare, quo tribuni ejusdem jurisdictione exercetur, *Judicium militare cohortis*; Quo urbis praefecti, *Judicium militare praesidiarium*; Quo ducis belli, *Judicium militare superius*; Et quo denique ipsius supremi belli ducis jurisdictione exercetur, *iudicium militare generale* dici solet.

Patrio sermone has iudiciorum militarium species *Regiments- Garnisons- Ober- und Generalkriegsgerichte* denominari constat.

§. 1215.

Quenam inferiora, aut superiora.

Cum tribuni & urbium praefecti sint iudices militares inferiores; Duces vero superiores (§. 1205.); Et jurisdictione collegii bellici militarium suprema (§. 1206.): *Judicia militaria cohortium & praesidiaria inferiora*; *Judicia vero militaria superiora & generalia superiora sunt*; Et collegium bellicum iudicium militare supremum est (§. 1214.).

§. 1216.

A quibusnam auditoribus quasque habeantur.

Similiter, cum in iudiciis cohortium jurisdictione tribunorum, in praesidiariis praefectorum urbium, in superioribus ducum, in generali ducis summi jurisdictione exercetur (§. 1214.); Ad exercendam vero jurisdictionem tribunis adjungatur auditor cohortis; Praefectis urbium auditor praesidii; Ducibus auditor superior; Et summo duci auditor generalis (§. 1208.): *Judicia militaria cohortium ab auditoribus cohortium*; *Praesidiaria ab auditoribus praesidii*; *Superiora ab auditoribus superioribus*; Et generale denique ab auditore generali habentur.

§. 1217.

§. 1217.

Judex militaris judicio militari vel ipsemet interesse debet, vel ab eo alius constitui, qui ejus nomine in eodem exerceat jurisdictionem. *An judex
militaris
ipse debeat
interesse.*

Cum enim ipsum jurisdictionis militaris exercitium judicium militare dicatur (§. 1140.): In judicio militari jurisdictionem militarem exerceri apparet. Quare cum hæc judici militari competat (§. 1114.); Jura vero, adeoque & jurisdictio, in alios etiam possint transferri (§. 11. Part. 3. Jur. nat. WOLF.), vel per alios exerceri (§. 333. Part. 8. loc. cit.): Patet, quod judex militaris judicio militari vel ipsemet interesse, vel ab eo alius constitui debeat, qui ejus nomine jurisdictionem exerceat.

§. 1218.

Qui nomine judicis militaris in judicio militari jurisdictionem exercet, eidem *præsidere*, vel *Præses judicii militaris* dicitur. *Præsidis
judicii mi-
litaris de-
finitio.*

In judiciis militaribus, cohortium præsertim & præsidariis, obtinere solet, ut non ipse judex, tribunus nempe vel urbi præfectus, jurisdictionem exerceat, sed quod alius, uti in illis supremus vigiliarum præfectus, *der Major*, & in his itidem supremus vigiliarum præsidii præfectus, *der Platzmajor*, præsideat.

§. 1219.

Jurisdictio præsidis judicii militaris non propria, sed mandata est. *Quæ sit ejus
jurisdictio.*

Præses enim judicii militaris in eodem nomine judicis militaris (§. 1218.); Adeoque non suo sed alieno jurisdictionem exercet. Quare cum jurisdictio, quam quis jure & nomine alterius exercet, mandata; Quam vero quis nomine proprio exercet, propria dicitur (*per def.*): Patet, quod ea, quam præses judicii militaris exercet, non propria sit, sed mandata.

Cum potestas ea, in qua jurisdictio militaris consistit (§. 1110.), auctoritate summi imperantis comperat (§. 1108.): Alio quoque respectu dici posset, quod nec ipsius judicis militaris jurisdictio propria, sed mandata saltem sit. Cum vero jurisdictio, quam quis immediate habet a republica, vel ejus rectore, propria ramen dicatur, licet ejus nomine exerceatur; Et ea demum mandata dicenda sit, quam quis exercet nomine alterius, cujus non est summa potestas; Prouti optime monet ULR. HUBERUS (§. 7. *Prælect. jur. civ. ad tit. ff. de Jurisd.*): Apparet, quod jurisdictio ipsius judicis militaris in sensu juris propria sit.

§. 1220.

Præter eum alii adhibendi. Ut in iudicio militari, præsertim criminali, præter præsidem ad dijudicandas causas militum adhibeantur etiam alii, convenit.

Cum enim in iudicio militari causæ militum (§. 1140.), & in criminali quidem criminales tractari soleant (§. 1147.); Hæc vero circa crimina eorumque pœnas vertentur (*def.* §. 1144.): In iudicio militari crimina etiam militum, eorumque pœnæ, dijudicanda occurrunt. Cum vero crimina sive delicta publica gravioribus pœnis cœrenda sint (§. 627. *Part. 8. Jur. nat. WOLF.*); Pœnæ vero graviore vel corporis afflictivæ, vel infamiæ, vel capitales etiam esse possunt (*per vulg.*): In iudicio militari, præsertim criminali, de corpore, fama & ipsa vita militum agi potest. Hæc vero inter res arduas & maximi momenti debere referri, nemo dubitabit. Quare cum rebus tanti momenti, quanti sunt pœnæ capitales, uti non alieno stare iudicio debeat superior (*Schol.* §. 841. *loc. cit.*), ita nec easdem unius iudicio relinquere consultum sit: Patet, quod in iudicio militari, præsertim criminali, ad causas militum dijudicandas præter præsidem alios etiam adhiberi conveniat.

§. 1221.

Adfessorum iudicii criminalis desinitio. Personæ, quæ iudicio militari præter præsidem inter sunt, sive ad dijudicandas militum causas adhibentur, eidem *adsidere* seu *Adfessores iudicii militaris* dicuntur.

§. 1222.

Quinam sumendi. *Adfessores iudicii militaris ex ipsis militibus sumi conveniunt.*

Plura enim dantur inter milites, quæ usu saltem obtinent, adeoque ad observantiam militarem spectant (§. 95.). Observantiæ vero militares principium etiam præbent causarum militum dijudicandarum (§. 1186.). Qui itaque causas militum dijudicare voluerit, observantias eorum nosse debet. Observantiæ vero militares ex usu addiscuntur (§. 146.). Nemini itaque easdem melius nosse datur, quam qui in ipsi militia versatur, adeoque militibus. Quare cum adfessores iudicii militaris ad dijudicandas causas militum adhibeantur (§. 1221.): Patet quod conveniat, eosdem ex ipso militum numero sumi.

§. 1223.

Non sine perpetui. Cum vero non adsit ratio, cur ex tanto militum numero, quantum v. gr. cohors efficit, hi potius, quam alii ad adsidendum iudicio militari

tari semper adhibeantur; Milites vero ad ea, quæ per ipsos peragenda sunt, singuli certo demum sumantur ordine (*per hypoth.*): *Adfessores judicii militaris, qui ex militibus sumuntur, non perpetui esse, sed secundum ordinem sumi, convenit.*

Sic etiam si singulis sensum contingat in judiciis adfidere: Causarum tractandum cognitionem aliqualem eo acquirunt, & a delinquendo forsitan eo facilius deterrentur, si condiscant, quam severe leges in delinquentes animadvertant. Cum vero adfessores propterea sumi ex militibus conveniat, quod hi observantias militares, ex usu utpote addiscendas, oprime nosse possint (*dem. §. 1222.*): Facile patet, quod non tyrones, sed milites in militia jamdum versati, sumendi sint. Et cum ad didicationem causarum adhibeantur (§. 1221); Stupidus vero ad quid didicandum non admodum sit aptus: Apparet, quod si stupidi ingenii milites deprehendantur, ut & tyrones, si vel maxime ipsos ordo tangat ad adlidendum judicio, prætereundi tamen sint.

§. 1224.

Ut milites adfessores judicii militaris non sint infra dignitatem ejus, cujus causa agitur, sive rei, convenit. *Nec infra dignitatem rei.*

Cum adfessores judicii militaris ad didicandas causas militum adhibeantur (§. 1221.): Eisdem ad jurisdictionem exercendam concurrere, facile perspicitur. Cum vero milites imperio præfectorum vel infimorum (§. 112.); Hi vero aliis majoribus ad summum usque ducem sublint (§. 224.); Eoque subordinatio constituatur (§. 227.): Si milites adfessores sumantur infra dignitatem ejus, cujus causa agitur, sive rei, evenire posset, ut jurisdictio exerceretur in eum, cujus tamen imperio subsunt. Quoniam autem jurisdictio potestatem involvit in eum, qui eidem subjicitur (*def. §. 1109.*); Imperium vero iridem sit potestas (§. 200. *Part. 7. Jur. nat. WOLF.*): Jurisdictionem exercere in eum, cujus imperio quis subest, sibi invicem repugnare videtur. Subordinationi itaque nec convenit, ut milites adfessores sumantur infra dignitatem rei. Quare cum inter milites subordinario quam maxime sit observanda (§. 228.): Patet, quod idem nec conveniat.

Hoc in praxi strictissime observatur, ut adfessores saltem eligantur ejus gradus, cujus est reus; Superioris vero etiam. Id quod cum propter imperium jurisdictionem etiam concedi conveniat (*dem. §. 1235.*), tantum abest, ut contrarii quid contineat, ut optime potius consentiat.

§. 1225.

Adfessoribus judicii militaria vota competere debent.

Votis gaudent.

Cum adfessores iudicii militaris ad dijudicandas causas militum adhibeantur (§. 1221.); Dijudicatio vero causarum per sententias fiat (§. 1183.): Quod ad sententiam concurrant, apparet. In iudicio itaque militari plurium consensu determinandum est, quænam sententia feratur. Quare cum declaratio voluntatis suæ de eo, quod plurimum consensu determinandum est, suffragium, aut vocabulo minus licet latino, maxime tamen usitato, votum dicatur (§. 62. loc. cit.): Patet, quod adfessoribus iudicii militaris vota debeant competere.

§. 1226.

Duo quique non nisi uno Cum vero dijudicatio causarum militum non unius iudicio sit relinquenda (*dem.* §. 1220.); A militibus vero præterea exigere non possit, ut iura tam exacte calleant & ad facta valeant applicare; Adeoque in dijudicanda causa facile possit aberrare miles, si suo tantum stet iudicio: *Convenit, ut militibus, si iudicii militaris adfessores constituantur, non nisi duobus quibusque votum unum concedatur, super quo ferendo inter se deliberent & conveniant.*

Ufu adeo solet esse receptum, ut adfessoribus inferioris gradus, gregariis præsertim, tribus demum aut quatuor, unum saltem relinquatur votum; Reliquis vero superioris licet dignitatis, non tamen nisi duobus simul.

§. 1227.

Auditor ad adfessores referendus. Auditor ad adfessores iudicii militaris quoque referendus est.

Auditor enim ad exercendam jurisdictionem iudici militari adiungitur (§. 1193.); Adeoque officium ejus etiam circa ferendas sententias versatur (*dem.* §. 1211.). Cum itaque jurisdictio militaris in iudicio militari exerceatur (§. 1140.); Per sententias vero militares causæ militum dijudicentur (§. 1183.): Auditorem in iudicio militum ad causas militum dijudicandas adhiberi elaret. Quare cum personæ, quæ præter præsidem iudicio militari interfunt, ad causas militum nempe dijudicandas, adfessores iudicii militaris dicantur (§. 1221.): Patet, quod talis etiam sit auditor.

Minus recte itaque eundem actuarium, saltem haberi, monuimus & jam refellimus (*Schol.* §. 1194.).

§. 1228.

Voto gaudeat. Cum itaque adfessoribus iudicii militaris votum competat (§. 1225.): Auditori votum quoque concedendum est.

Admodum

Admodum quidem super hac re disceptatur, an auditori nempe votum competat, aut competere debeat. Et si praxin spectes, apud omnes non idem observari videbitur. Apud quosdam tamen, Suecos, Borussos & Savones v. gr. auditores inferiores voto destitui, & illud saltem auditori generali, apud alios vero, uti Imperiales, liberum votum auditoribus etiam cohortis concedi; Et apud alios adhuc votum ipsius cum præfide esse commune, memorant scriptores processus militaris, uti KNORRE (§. 15. Cap. I.) & LUDOVICI (§. 18. Cap. V.). Cum vero auditores singulari jurium peritia & habitu leges ad facta applicandi pollere supponantur (§. 1212. 1213); Adeoque de causis militum eo rectius judicare posse debeant: Voto eorum eo major fides est habenda. Et ratio potior adest, cur idem iisdem concedatur.

§. 1219.

Cum auditor judicii militari ad jurisdictionem exercendam & processum dirigendum adjungatur (§. 1193.); Adeoque judex militaris *just a latere* in exercenda jurisdictione consilio ejus utatur; Præses vero nominare judicis in judicio exerceat jurisdictionem (§. 1218.): *Auditor in judicio militari præfidi debet esse a latere.*

§. 1230.

Cum porro auditor ad exercendam jurisdictionem & processum dirigendum constituatur (§. 1193.); Illa vero in judicio exerceatur *Adfessor, perpetuus* (§. 1140.); Et per hunc causæ in judicio tractentur (§. 1147.); Au *est*, ditorem omnibus judiciis militaribus interesse debere, facile patet. Quare cum propterea, quod in judicio militari ad judicandas causas adhibeatur, inter adfessores referendus sit (§. 1227.): *Auditor adfessor judicii militaris perpetuus est.*

§. 1231.

Et cum auditor non supponatur alius imperio, quam ipsius judicis militaris, cui adjungitur, subesse (*per hypoth.*); In imperio *Infra dignitatem* ro contineatur ratio, cur milites *rei dignitatem* infra dignitatem rei non possint *rei potest.* constitui adfessores judicii militaris (*dem.* §. 1224.): Ratio hæc in auditore cessat. Quare cum *posita ratione* posita ratione sufficiente ponatur, ita cessante ea cesset, quod propter eam est (§. 118. Ontol. WOLF.): *Auditor esse potest infra dignitatem ejus, cujus causa in judicio agitur, sive rei.*

Sic v. gr. in judicio militari cohortis agi potest causa centurionis vel præfeti cujusdam alterius, cujus dignitatem non attingit auditor cohortis. Præfeti vero militum adfessores constitui non poterunt, qui sunt infra eandem dignitatem.

§. 1232.

§. 1232.

*Præfidi vo-
tum conce-
dendum.*

*Præfidi judicii militaris votum præprimis concedendum est, & po-
tius quidem adfessorum voto.*

Præses enim judicii militaris in eodem nomine judicis jurisdic-
tionem exercet (§. 1218.). Cum itaque ad hujus exercitium etiam per-
tineat sententiarum latio (*dem. §. 1192.*); Vota vero ad sententias fe-
rendas faciant (*dem. §. 1225.*): Patet, quod præfidi judicii militaris
præprimis votum concedendum sit. *Q. e. 1.*

Et cum judicis militaris proprie sit ferre sententias (§. 1179.); Præ-
ses vero ejusdem vices in judicio militari sustineat (*per alleg.*): Patet,
quod votum præfidis potius esse debeat voto adfessorum. *Q. e. 2.*

§. 1233.

*Ex votis
sententia
concipien-
da.*

Ex votis in judicio militari latis concipi debet sententia militaris.

Per sententias enim militares causæ militum dijudicantur (§. 1183.).
Cum itaque in judicio militari præter præsidem alios etiam ad dijudi-
candas causas adhiberi conveniat (§. 1220.); In eodem consensu plu-
rium determinandum est, quænam sententia feratur. Cum itaque
declaratio voluntatis cujusque de eo, quod plurium consensu determi-
nandum est, votum dicatur (*loc. §. 1225. cit.*); Adeoque ex votis in ju-
dicio militari latis appareat, quænam cujusque sit voluntas de sen-
tentia ferenda & in quod plures consentiant: Patet, quod ex votis in eo-
dem latis concipi debeat sententia militaris.

§. 1234.

*A præfide
& audito-
re.*

Cum in judicio militari præses vices ipsius judicis sustineat (§. 1218.);
Hujus vero proprie sit ferre sententias (§. 1179.); Per sententias
vero jurisdicção exerceatur (*dem. §. 1192.*); Et ad hanc exercendam &
processum dirigendum auditor adjungatur (§. 1193.): *Præfidis & au-
ditoris est ex votis judicii militaris sententiam concipere.*

Cum sententiæ ad certam formam concipiendæ sint; Auditor vero
ea, quæ ad formam processus pertinent, potius nosse debeat, quam præ-
ses: Auditoris etiam potissimum esse partes in concipienda sententia,
apparet.

§. 1235.

*Secundum
vota majo-
ra.*

*Si vota judicii militaris inter se non consentiant, aut unanimia non
sint: Sententiæ militares secundum majora concipiendæ sunt.*

Cum

Cum enim ex votis in judicio militari latis sententiæ militares sint concipiendæ (§. 1233.); Per sententias vero militares causæ militum judicande sint (§. 1183.): Per vota judicii militaris concludi aliquid debere, apparet. Quare cum, si vota inter se contendant, seu unanimia haberi nequeant, majora concludant (§. 79. Part. 7. Jur. nat. WOLF.): Patet, quod & si vota judicii militaris inter se non consentiant, seu unanimia non sint, sententiæ militares concipi debeant secundum majora.

§. 1236.

Si vota judicii militaris paria sint: Efficiendum est, ut majora *Quæ efficienda, & paria sint.*

Licet enim per vota paria decisio negotii controversi fieri quoque possit, qui modus calculus Minerva dicitur (§. 84. loc. cit.): Eidem tamen locus esse nequit, quoties concludendum quid est (§. 85. ibid.). Quamobrem cum per vota judicii militaris concludi aliquid debeat (dem. §. 1235.): Ad sententias militares concipiendas, vota paria non sufficiunt. Quare cum eadem secundum majora concipi possint & debeant (§. cit.): Patet, quod si vota judicii militaris paria sint, efficiendum sit, ut evadant majora.

Supponitur, quod hoc fieri possit. Dantur enim præter calculum Minervæ alii quidem modi, quibus in casu votorum parium ad exitum pervenitur (§. 97. & seqq. loc. cit.): Facile tamen ex eorum contemplatione apparet, quod omnino præster, si majora effici possint.

§. 1237.

Ut præfidi judicii militaris votum decisivum concedatur, convenit.

Votum enim decisivum dicitur, quo vota paria in majora vertuntur (§. 102. loc. cit.). Cum itaque si vota judicii militaris paria sint, effici debeat, ut majora evadant (§. 1236.): Ut in judicio militari votum unum sit decisivum, convenit. Votum vero decisivum potius esse votis reliquis, apparet. Quare cum præfidi votum potius concedendum sit (§. 1232.): Patet etiam, quod conveniat, ut votum ipsius sit decisivum.

§. 1238.

Ut votum præfidis cum voto auditoris conjungatur, adeoque præfidi *Cum audire cum auditore votum commune sit, convenit.*

Cum votum præfidis decisivum esse conveniat (§. 1237.); Adeoque paria eo vertantur in majora (per alleg. ibid.); Secundum majora vero sententiæ militares concipiendæ sint (§. 1235.): In casu votorum parium
Jur. mil. nat. T t t senten.

sententia ab ipsius voto pendet. Cum vero per sententias militares cause militum dijudicentur (§. 1183.); Causarum in iudicio militari dijudicatio vero non unius iudicio relinquenda sit (*dem.* §. 1220.): Patet, quod nec prædici nec auditori votum peculiare concedendum sit. Quare cum auditoris voto major fides sit habenda (*schol.* §. 1228.); Adeoque si cum voto prædici, cum hoc decisivum sit, aliud debeat coniungi, adsit ratio, cur illud potius, quam aliud eidem adjungatur: Apparet quoque, quod conveniat, ut votum prædici cum voto auditoris coniungatur, adeoque prædici cum auditore votum sit commune.

Quod hoc quibusdam locis actu quoque obtineat, ad §. 1228. jam adduximus. Et apud nos in Hassia idem expediti juris militaris esse, constat.

§. 1

Quid, si vota majora reddi nequeant?

Si vota iustitiae militaris, nec voto decisivo majora reddi possint: Sententia concipienda est secundum ea, quibus paucissima adversantur.

Cum vota majora vota partis majoris consentientia supponant (§. 66. *Part. 7. Jur. nat. WOLF.*); Facile vero intelligatur, quod fieri possit, ut vota partis majoris non consentiant, sed ea, quæ consentiunt, neque majorem, neque dimidiam partem efficiant: Vota neque majora neque paria esse poterunt. Quare cum votum decisivum vota paria supponat (§. 102. *loc. cit.*): Nec in hoc casu voto decisivo majora effici possunt. Sententia itaque etiam militaris neque secundum majora, uti deberet (§. 1235.), concipi potest. Hinc cum in eo casu, quo vota majora haberi nequeunt, sequendum sit id, quod paucioribus displicet, seu cui paucissima vota adversantur (§. 95. *loc. cit.*): Patet etiam, quod si vota iudicii militaris nec voto decisivo majora reddi possint, sententia concipi debeat secundum ea, quibus paucissima contraria sunt.

Facile perspicitur, quod hoc obtineat in eo casu, quo vota in tres vel plures sententias abeunt diversas. Tunc enim fieri potest, ut neque majora, neque paria constituentur: Licet quædam numero plura possint esse alii. Uti ex iis magis illustratur, quæ ad §. 95. citatum adducuntur.

§. 1240.

Appellatio a sententiis militariibus an liceat.

A sententiis militariibus appellationem concedi, in genere non repugnat; Restringeri tamen convenit.

Cum enim sententiæ militares in causis militum feruntur (§. 1180.): Milites iisdem æque ac alii gravari possunt. Quare cum in genere si quis sententia iudicis se gravatum existimet, ei permissum esse debeat, querelas suas ad superiorem deferre & ejusdem decisioni causam committere (§. 547. *Part. 8. loc. cit.*); Milites vero deterioris conditionis esse

esse non debeant paganis (§. 391.): Idem etiam ipsis permitti debere, apparet. Cum vero talis a iudice ad superiorem propter sententiam, qua gravatum quis se existimat, provocatio, ut ipse causam decidat, appellatio dicatur (§. 548. loc. cit.): Patet, quod in genere non repugnet, a sententiis militaribus appellationem concedi. *Q. c. 1.*

Cum autem per appellationem causas protrahi, per se pateat; Cavendum vero sit, ne milites litibus & negotiis nimis implicentur (§. 475.); Et in genere etiam non in qualibet causa permittenda sit appellatio (*schol. §. 549. loc. cit.*): A sententiis etiam militaribus appellationem indistincte non esse permittendam, apparet. Quare cum facile videatur, appellationem a sententiis militaribus eo restringi, si non in qualibet causa permittatur: Patet etiam, quod illud fieri conveniat. *Q. c. 2.*

§. 1241.

Appellatio a sententia iudicis cohortis fieri debet ad iudicium militare Ad quem superius sive generale, si tale constitutum sit; Ab his vero, aut sinecurum nam fiat. ad sit, ab illo etiam statim, ut & a iudiciis præfidiariis, ad collegium bellicum; Ab hac vero ad ipsum principem.

Appellatio enim fit a iudice inferiore ad superiorem (§. 548. cit.). Cum vero iudex inferior dicatur, qui alterius jurisdictioni subest; Superior vero, cui in illum hæc competit (*def. §. 1205.*): Iudicem, a quo fit appellatio, subesse debere jurisdictioni ejus, ad quem eadem suscipitur, apparet. Quare cum tribuni subsint jurisdictioni ducum, vel cum his ducis summi, sive, ut & urbium præfecti (§. 1204.), collegii cuiusdam (§. 1199.), bellici nempe (§. 1200.); Jurisdictio hujus vero militarium suprema sit (§. 1206.), quæ adeo nemini nisi principi subest: A tribunis ad duces vel summum, si hisce jurisdictio sit concessa, aut cum his, ut & ab urbium præfectis ad collegium bellicum, ab hoc vero ad ipsum principem appellatio, si eadem liceat, fieri debet; Aut, cum iudicium militare, quo tribuni jurisdictio exercetur, iudicium cohortis dicatur; Quo ducis, superius: Quo supremi ducis, generale; Et quo urbium præfecti, præfidiarium (§. 1214.): A sententia iudicii cohortis ad iudicium superius aut generale, si tale constitutum sit; Alias vero, ut & ab his & præfidiariis, ad collegium bellicum; Ab hoc vero ad ipsum principem.

§. 1242.

A sententia militari, qua militi pena levior suis dictata, que ipsam Si pena levior dictata, non le-
militia non privat, appellationem concedi non convenit.

Ttt 2

Cum cer.

Cum enim milites puniendi carcere detinendi sint (§. 910.); Et in causis etiam civilibus id fieri possit (§. 1162.): Facile apparet, quod miles, cui pœna, levior licet, dictata est, carcere detineatur. Incarceratum vero servitium præstare non posse, per se patet. Cum vero per appellationem causa protrahatur (*dem.* §. 1240. n. 2.); Adeoque miles, cujus causa est, diutius carere detinendus sit: Idem a servitiis suis appellatione diutius abstraheretur. Quare cum præstatio militie obligatio militum, & quidem militaris summa sit (§. 131.); Ea vero permittitur nequeat, quibus milites ab obligationibus suis detinerentur (§. 469.): Patet, quod à sententia, qua levior saltem pœna militi dictatur, appellationem concedi non conveniat. *Q. c. 1.*

Cum vero miles, si pœna ipsi dictata fuerit, quæ militia ipsum privat, hanc passus servitium ulterius nequeat præstare: Nec a servitiis abstrahitur, carcere licet diutius detineatur. Cessat itaque ratio, quæ pro non permittenda appellatione fuit adducta (*dem.* n. 1.). Quare cum uti posita ratione sufficiente ponendum sit, ita ea cessante cesset, quod propter eam est (§. 118. *Ontol. WOLF*): Patet, quod sub pœna leviori intelligi debeat pœna, quæ militia ipsum non privat. *Q. c. 2.*

Cum ad carcere quendam detinendum adhiberi debeant milites alii, qui ipsum custodiant: Facile apparet, quod fieri etiam possit, ut appellatione alii etiam diutius a servitiis abstraherentur. Cum vero in quavis cohorte plerumque excubatio ad custodiendos delinquentes soleat constitui, quæ excubatio præfecturæ, *die Stabrvacht*, aut in expeditionibus excubatio, sive custodia vexillorum, sive signorum, *die Fahnenwacht*, dicitur: Ratio ea semper non obtineret; Neque adeo pro principio demonstrandi sumi potest.

§. 1243.

Nec si statim executionenda. Si miles sine mora puniendus sit, pœna etiam capitali: Appellationi locus esse nequit.

Cum enim per appellationem causa protrahatur (*dem.* §. 1240. n. 2.): Pœnam sine mora executioni dari non posse apparet, si a sententia, qua ipsa fuit dictata, liceat appellare. Quare cum evenire posset, ut ad exemplum statuendum miles sine mora & vel capitaliter sit puniendus (§. 1139.): Patet, quod in eo casu appellationi locus non sit concedendus.

§. 1244.

Quid tunc procedat. Licet miles in continenti sine mora sit puniendus: Iudicio tamen præcedat. viro, & non absque sententia, hoc fieri convenit.

Quam-

Quamvis enim miles delinquens certis casibus in continenti vel a quovis possit occidi (§. 966.): Non tamen tunc proprie puniri dici potest; Sed hoc saltem medium est delictum impediendi vel coercendi, quod aliter averti nequit (*per dem. ibid.*). Qui casus cum hic non supponantur: Militem, qui sine mora licet, puniri debet, a iudice puniendum esse apparet (§. 1104.). Ad jurisdictionem vero hoc pertinere, quæ in milites iudici competit, itidem facile intelligitur (*dem. §. 1109.*). Si itaque miles in continenti licet puniendus sit: Jurisdictio exercenda est. Quare cum jurisdictionis exercitium iudicium dicatur (§. 1140.), & ad eundem sententiarum latio etiam pertineat (*dem. §. 1192.*): Patet, quod licet miles sine mora & in continenti sit puniendus, hoc tamen iudicio & sententia prævis fieri debeat.

Quam certum etiam possit esse delictum & pœna, quamidem meretur: Aliquali tamen cognitione opus esse, negari non poterit.

§. 1245.

Judicium militare, quo pœna in continenti exequenda decernitur, *Judicii statarii definitio.*

Denominationem hoc iudicium statarium, quod germanice *Standrecht* dicitur, habet ab eo, quod stando habeatur ab iis, qui eidem interfunt. Quomodo & in quibus causis illud haberi soleat, explicat KNORRE (§. 17. Cap. 1.) & LUDOVICI (§. 3. seq. Cap. 7. der Einl. zum Kriegsproc.). Peculiarem de iudicio statario dissertationem conscripsit BECKIUS.

§. 1246.

Judicium statarium uno actu, & quam potest brevissime, debet absolvi. *Quomodo peragendum.*

Judicium enim statarium involvit pœnam in continenti sine mora exequendam (§. 1245.). Non itaque admittit ea, quæ in executione pœnæ moram necesse possent. Quare cum facile cuivis appareat, quod si iudicium statarium non uno actu perageretur, pœna in continenti executioni dari nequeat: Patet etiam, quod illud uno actu & quam potest brevissime debeat absolvi.

§. 1247.

Judicio statario locus esse nequit, nisi iam delictum, quam pœna sint certissima, & miles in flagranti deprehensus. *Quid requiratur.*

Ut enim miles pœna quadam affici possit: Certum esse debet, eundem delictum illud commississe, in quod eadem statuta est (§. 943.). Tam itaque delictum, quam pœna, certum esse debet, antequam miles puniri

possit. Quodsi itaque delictum a reo negetur, nec hic ejusdem convictus sit: Delictum certum dici nequit. Cum vero delictum, si negetur a reo, probandum, sive reus ejusdem convincendus sit, antequam puniri possit (§. 1174.): Miles delictum negans, nec puniri poterit, antequam illud probatum, sive reus ejusdem convictus fuerit. Miles itaque in continenti puniri non poterit, nisi delictum fuerit certum. Et cum pœna in continenti imponi nequeat, si eadem dubia, adeoque antea discutiendum sit, quænam in eo casu obtineat (§. 943. cit.): Simili modo patet, quod eadem certa esse debeat, si delicto cuidam in continenti imponatur. Quare cum judicium statarium involvat pœnam in continenti sine mora infligendam (§. 1245.): Patet, quod eidem locus esse nequeat, nisi tam delictum, quam pœna certissima sint. *Q. e. 1.*

Facile vero perspicitur, delictum certum esse, neque a reo posse negari, si in ipso committendo deprehendatur miles. Quamobrem cum quis in flagranti dicatur deprehendi, si in ipso delicto committendo capiat (§. 686.): Patet, quod judicio statario locus esse possit, si miles in flagranti deprehendatur. *Q. e. 2.*

§. 1248.

*In quibus delictis ob-
tineat.* Judicio statario locus non est, nisi in iis delictis, quibus expeditio in hostem impediri, & toti exercitui damnum inferri posset, nisi in continenti punirentur, & exemplum statueretur.

Cum enim judicium statarium pœnam in continenti exequendam supponat (§. 1245.): Eodem locus non est, nisi delictum absque mora debeat puniri. Quamobrem cum facile pateat, hoc non requiri, nisi exemplum statuendum sit, quo minus expeditio in hostem impediatur & toti exercitui damnum inferatur (*dem.* §. 1139.): Apparet, quod nec in iis delictis, quibus hoc fieri posset, nisi in continenti plecterentur, & eo exemplum statueretur, judicio statario locus sit. Delicta talia sunt, desertio vel seditio in conspectu hostis, aut fuga ex acie.

§. 1249.

*Quoniam
tempore.* Judicio statario locus non est, nisi in expeditionibus contra hostem, neutiquam de praefidiis aut hibernis.

Cum enim judicium statarium pœnam in continenti infligendam involvat (§. 1245.): Eodem etiam opus non est, nisi pœna in continenti imponenda sit. Quodsi itaque pœna infliccio moram ferat: Nec judicio statario locus est. Quare cum facile intelligatur, pœnae impositionem tunc demum requiri, si hoste quasi præsepte, adeoque in expeditione

tione

tione (§. 393.), delictum committatur, ex quo damnum exercitui emergere possit (*dem. §. 1248.*); In præsiidiis vero & hibernis hostis periculum præsens adeo non sit, adeoque delictorum punitio moram magis ferat: Patet, quod iudicio statario locus non sit, nisi in expeditionibus contra hostem, neutiquam in præsiidiis aut hibernis.

§. 1250.

A sententia iudicii statarii appellare non licet.

Appellatio-
nem non

admittit.

Cum enim per appellationem causa protrahatur (*dem. §. 1240. n. 2.*); Sententia vero in iudicio nempe criminali lata, pœna decernatur (§. 1181.): Pœnam sententia quadam decretam executioni statim dari non posse, si ab eadem appellare liceat, apparet. Quare cum pœna, quæ in iudicio statario decernitur, statim sit exequenda (§. 1245.): Patet, quod a sententia ejusdem appellari nequeat.

§. 1251.

Sententias militares criminales, quibus pœna capitalis, infamiae aut corporis afflictiva gravior dictatur, absque confirmatione superioris perfici non convenit, nisi in casibus moram non ferentibus.

Sententiae
criminales
absque con-
firmatione

Cum jurisdictio superior dicatur, quæ circa pœnas capitales & alias graviores versatur (*def. §. 117.*); Et si pœnæ hæc absque superioris confirmatione peragi deberent, eandem esse illimitatam, appareat (*dem. §. 118.*); Si sententias militares criminales absque superioris confirmatione excqui liceret, jurisdictio superior illimitata concederetur. Quoniam vero eandem concedi non convenit, (§. 118.) In genere etiam pœna capitali quis afficiendus non sit, nisi ea a superiore fuerit confirmata (§. 84. Part. 3. Jur. nat. WOLF): Patet etiam, quod non conveniat, ut in genere sententiæ militares criminales executioni dentur, nisi confirmatæ a superiore. Q. e. 1.

Quodsi vero sine mora pœna absque confirmatione sumi non debeat: Eandem in continenti perfici non posse apparet. Cum vero fieri possit, ut ad exemplum statuendum pœna in continenti sine mora debeat ad executionem perducere (*per hypoth. & dem. §. 119.*); In eoque casu etiam permittendum sit, ut executio absque prævia confirmatione fiat (§. cit.): Patet etiam, quod casus moram non ferentes excipiendi sint. Q. e. 2.

§. 1252.

Quamobrem cum pœnæ, quæ iudicio statario decernuntur, in continenti exequendæ sint (§. 1245.); Adeoque executio earum moram non ferat: *Sententia in iudicio statario lata absque superioris confirmatione exequenda sunt* (§. 1251.).

In iudicio
statario la-
ta tamen.

§. 1253.

§. 1253.

*Nec tunc appellatio-
ni locus.* Si sententia militares a superiore debeant confirmari, antequam pos-
sint executioni dari: Ab iisdem appellationi locus non est.

Quodsi enim sententia a superiore confirmetur: Tunc idem est, ac si ab eo ipso fuerit lata. Si itaque a sententia confirmata appellaretur: Ab ipso superiore in civitate, sive principe appellatio fieri deberet. Cum autem appellatio fiat ad superiorem, eo nempe, a quo fit (*def. §. 1249.*); Superiore vero in civitate sive principe superior alius non detur (*Quod per se patet, & vel per hypothesein supponitur*): Patet, quod si sententia militares a superiore confirmetur, antequam dentur executioni, ab iisdem appellationi non sit locus.

Quod supponi addatur, superiore in civitate superiorem alium nondari: Hoc propterea est, quod quaestio moveri soleat, an & in rebus militaribus ad iudicia Imperii appellari possit. Cujus vero discussio hujus loci non est.

§. 1254.

*Neque si
paena gra-
vior dicta-
ta.* Cum itaque sententia militares criminales, quibus poena capitalis, infamiae aut corporis afflictiva gravior dictatur, ante confirmationem exequenda non sint (§. 1251.); In hoc vero casu appellationi locus non sit (§. 1253.): A sententis militaribus criminalibus, quibus poena graviores, capitalis scilicet, infamiae, aut corporis afflictiva gravior, dictantur, appellationi non est locus.

Cum per poenas militum leviores intelligantur, quae militia ipsos non privant, licet corporis afflictivae esse possint (§. 1242.): Per graviores indignantur tales, quae ad minimum militiam tollunt. Quales sunt capitales, infamiae & corporis afflictivae majores.

§. 1255.

*In genere
non a sen-
tentia cri-
minali.* Hinc cum tam a sententia militari, qua gravior (§. 1254.), quam qua levior poena dictata fuit (§. 1242.), appellatio locum non habeat, vel eandem concedi non conveniat; Omnis vero sententia criminalis circa poenam versetur (*alleg. §. 1181.*): A sententia militari criminali in genere appellatio locum non habet, sive saltem non convenit.

§. 1256.

*Judicium
basatum
non conve-
nit.* Judicium basatum criminale, apud Germanos quondam institutum, principis juris naturae non convenit. Licet enim praefectis militum jurisdictionem concedi conveniat (§. 1137.): Ipsis tamen simul ad eam exercendam persona quaedam jurium perita

perita

perita adjungenda est (§. 1192.). Cum etiam jurisdictionem superiorem illimitatam ipsis concedere non conveniat (§. 1138); Nec sententiæ criminales absque prævia superioris confirmatione exequendæ sint (§. 1251.): Multo minus plebi militum concedendum est, ut ipsi liceat pro suo saltem arbitrio pœnam capitalem statuere & in continenti executioni dare. Quare cum per judicium hastatum apud Germanos olim usitatum, hoc factum fuerit, utpote, quo a plebe militum, variis licet adhibitis ceremoniis, pœna capitalis militi diceretur, & in continenti per hastarum innuisionem peragebatur (*per hyporh.*): Pater, quod judicium illud hastarum principis juris naturæ non conveniat.

Germanis illud dicebatur, *das Spiesrecht*, & propter nimiam ejus duritiem factum etiam est, ut ab usu plane recesserit; Præsertim etiam, cum hastarum usus fuerit sublatus. Cum vero decurrere debuerit eodem damnatus per series hastatorum: Quæ per vires aut virgas adhuc obtiner decurio, inde forsitan originem traxit, quæ etiam pœna *die Spiesstruben* dicitur. Uti innuere videtur BEYER (*n. 1503. Jur. milit. prud.*), Modum, quo idem fuit peractum, ex SCHOTTELIO *de Sing. quib. & ant. in Germ. jur.* explicat KNORRE (§. 18. *Cap. 7.*) & magis adhuc LUDOVICI (§. 7. *Cap. 7. der Einleit. zum Kriegsproc.*).

§. 1257.

Cum ipso jure civili permittatur, ut judex suspectus recusari possit (*l. 16. Cod. de Judic.*); Militibus vero usus juris communis concedendus sit, quatenus per obligationes militares non limitatur (§. 370.): Militibus etiam jus hoc concedi debet, ut judicem tanquam suspectum possint recusare; Licet, ut illud restringatur, convenire possit. Cum vero nihilominus judici debeant subesse (§. 1104.), & peculiari quidem (§. 1113.): Ut judex alius ipsi constituatur, cui alias jurisdictionis in eundem non competit, necesse est, qui extraordinarius dicitur (*per def.*). Et cum jurisdictionis judicis per judicium exerceatur (§. 1140.): Judicium constitui debet extra ordinem, cui alias in eum, cujus causa agitur, jurisdictionis nulla est. Judicium tale militare, quod extra ordinem constituitur in causa militis, jurisdictioni ejusdem alias non subiecti, *Judicium militare neutrum* dici solet, *eim unpartheysches Kriegsrecht*.

Cum concessio judicii talis neutrius ab arbitrio superioris ut plurimum dependeat; Nec cuivis concedenda sit, qui ad illud provocat; Ipso vero jure civili definiatur, quid ad recusandum judicem requiratur: Hic saltem sufficiat, ea adduxisse, quæ ad notionem ejusdem eruendam faciunt.

Jus mil. nat.

Uuu

§. 1258.

§. 1258.

*Jurisdictio
voluntaria
ab auditore
exercenda.*

Ut Auditoribus actus voluntaria jurisdictionis, qui dicuntur, nomine licet judicis militaris, expediendi relinquuntur, convenit.

Cum jurisdictio voluntaria dicatur, quæ in causis non litigiosis exercetur (§. 5. *Diff. CRAMER. de Jurisd. pror.*): Actus voluntariæ jurisdictionis ii sunt, qui causas non litigiosas concernunt. Cum itaque eosdem certis regulis jure civili soleant esse adstricti, ut validi evadant (*per hyp.*): Qui eos exercere voluerit, regulas istas jure civili ad validitatem eorum præscriptas nosse debet. Licet itaque causæ militum in judicio militari soleant tractari (§. 114.); Cum tamen ejusdem adfessores præter auditorem ex militibus sumi soleant, uti convenit (§. 122.); In militibus vero supponi nequeat cognitio regularum juris civilis; Auditor vero jurium peritia pollere debeat (§. 121.); Adfessores reliqui præter auditorem nihil agerent; Adeoque ad actus voluntariæ jurisdictionis exercendos judicium militare perperam constitueretur. Et hinc etiam ad causas potissimum litigiosas illud restrictum est (§. 141. *cit.*): Cum tamen & actus jurisdictionis voluntariæ inter milites possint occurrere (*per hypoth.*): Patet, quod eorum expeditionem auditoribus relinquere convenire videatur.

Q. c. 1.

Cum autem actus voluntariæ licet jurisdictionis ad jurisdictionem in genere pertineant (§. 6. *loc. cit.*); Jurisdictio vero quoad milites judicii eorum competat (§. 1109.); Auditores contra judices non sint (§. 1194.): Nec jurisdictionem suo nomine exercere poterunt, si ejusdem exercitium ipsis concedatur. Quare cum facile appareat, per actum voluntariæ licet jurisdictionis expeditionem, jurisdictionem exerceri (*per dem.*): Patet etiam, quod actus iidem ab auditoribus non proprio, sed judicis nomine expediantur, si hoc ipsis concedatur.

Q. c. 2.

Ad actus tales pertinent testamenta,* hypotheçæ, donationes, pacta dotalia, contractus in genere, alia, quæ ab auditoribus solis etiam plerumque solent expediri; Licet in quibusdam ipsis præfectus quidam, majoris auctoritatis gratia, solent adungi, veluti in inventarii confessione, subhaftatione, testium ad requisitionem examine. Imo causæ etiam civiles leviores interdum absque judicii militaris constitutione ab auditore sub auctoritate præfecti judicis solent peragi, vel saltem usque ad sententiam definitivam perducì. Quæ vero, cum in iis multum arbitrio pro circumstantiis determinando tribuendum sit, jam hic ultra non deducimus, sed eadem saltem indigitasse, sufficiens videtur.

§. 1259.

§. 1259.

Actus voluntariæ jurisdictionis a milite coram alio quoque judice, Et ab alio quam militari, peragi possunt, si id ipsi videatur; Imo debent, si qua-judice-litas causarum illud requirat.

Actus enim militum voluntariæ jurisdictionis causas tantum communes, nec militares esse, facile constar (*Schol. §. 1258.*). Non itaque qualitas eorum requirit, ut peculiari judici subiciantur (§. 1120.). Cum vero nec necessario intuitu eorum certæ jurisdictioni subesse, sed saltem, si ipsis ita videatur, actus suos voluntarios ibidem possint peragere (*per hypoth.*): Jurisdictioni certi loci eo non adstringuntur; Neque etiam propterea personæ ipsorum qualitas requirit, ut peculiari judici subsint (§. 1116.). Quare cum jurisdictio militum peculiaris in qualitate vel causarum vel personæ eorum rationem suam habeat (§. 1120.): Hæc quoad actus voluntariæ jurisdictionis cessat. Contra vero cum ipso jure civili permittatur, ut actus hi ad quemvis judicem possint deferri (*l. 16. princ. §. 1. ff. de adopr. &c.*): Deterioris forent conditionis milites pagani, nisi idem ipsis liceret. Quod cum fieri non debeat (§. 392.), sed potius usus juris communis ipsis æque debeat concedi, quatenus per obligationes militares non limitatur (§. 370.); Quod vero non fieri liquet (*per dem.*): Patet, quod actus voluntariæ jurisdictionis a milite, si ita ipsi videatur, coram alio quoque judice possint peragi. *Q. c. 1.*

Cum vero causarum quarundam qualitas requirere possit, ut actus jurisdictionis voluntariæ non nisi certo loco peragi queant (*per hypoth.*); In causis vero communibus, quales sunt actus jurisdictionis voluntariæ (*dem. n. 1.*), quarum cognitio non nisi certo loco fieri potest, milites etiam jurisdictioni ejusdem debeant subesse (§. 1123.): Patet, quod & actus voluntariæ jurisdictionis coram alio, quam militari, judice peragere debeant milites, si causarum qualitas id requirat. *Q. c. 2.*

Per fori enim privilegiati constitutionem militibus jus quidem tributum est, quod aliis non competit, ut nempe non nisi coram suo judice conveniri queant. Nondum vero inde consequitur, quod nec volentes judicis alius jurisdictionem agnoscere possent. Quod quidem, quantum ipsis liceat, mox videbimus. Quoad actus vero voluntariæ jurisdictionis, nihil impediendi esse, ex demonstratis patet. Ut ex. gr. testamentum suum & alii judici offerant, vel contractum inirum ab eodem confirmari sinant. Imo certarum causarum qualitas vel sua natura, vel ex legis constitutione requirere potest, ut certo loco peragantur. Qualis v. gr.

Uuu 2

est

est hypothecæ constitutio: Cum alias creditori prospici tuto nequeat, nisi eadem in foro rei sitæ confirmetur. Quodsi itaque & miles hypothecam velit constituere: Id fiat in eo loco, quo res sita est, necesse videbitur. Ea itaque, quæ de foro militum privilegiato supra fuere demonstrata, jurisdictionem contentiosam potissimum supponere apparet.

§. 1260.

*Jurisdictio
contentiosa
prorogari
nequit.*

Milites jurisdictionem contentiosam in alium judicem prorogare nequeunt; Seu, quod idem est, alterius judicis jurisdictionem in causis litigiosis in se non prorogare.

Quod enim milites peculiari jurisdictioni subsint, præsertim propterea est, ne a servitiis suis detrahantur (*dem. §. 1120.*). Quare cum milites ad servitia militaria nempe præstanda obligentur (§. 182.), & quidem reipublicæ sive ejusdem rectoris (§. 132.); Huic vero ex ista obligatione jus resultet (§. 27. *Part. 1. Jur. nat. WOLF.*): Jus etiam reipublicæ sive rectoris ejusdem in eo versatur, ut milites jurisdictioni peculiari subsint. In proroganda itaque jurisdictione militari non de solo militum, sed & alterius jure agitur. Quamobrem cum jurisdictio tunc demum in alium judicem prorogari possit, si de proprio solum jure agatur (§. 17. *Diff. de CRAMER. de Jurisd. prorog.*): Pater, quod milites jurisdictionem judicis alterius in se nequeant prorogare.

Vir perillustis L. B. de CRAMER idem deducit (§. 38. *loc. cit.*), ex alio licet principio, quod nempe, si quis jurisdictioni alicujus judicis intuitu muneris vel dignitatis suæ subjectus sit, alius judicis jurisdictionem in se prorogare nequeat (§. 37. *ibid.*): Et ejusdem rationem reddit, quod ejus quoque, a quo munus vel dignitas dependet, & reliquorum ejusdem ordinis intersit, ut dignitas in suo valore permaneat, neve munus impediatur, vel auctoritas ejus labefactetur (*dem. ibid.*). Eam vero etiam, qua usi sumus, rationem agnoscit, quod nempe utilitatis publicæ causa forum eorum privilegiatum introductum sit, ut præcaveatur, ne a signis avocentur, vel in munere suo strepitu forensi milites impediuntur (§. 30. *loc. cit.*). Nobis autem hoc potissimum principio propterea utendum visum fuit, quoniam idem antea demonstraverimus. Hinc militibus volentibus etiam jurisdictionis prorogationem concedendam non esse, doctores iuris militaris statuere monet LUDOVICI (§. 2. *Cap. 2. der Einl. zum Kriegspr.*), & vel legibus positivis ipsam prohiberi memorat KNORRE (§. 10. *Cap. 2. des Kriegspr.*).

§. 1261.

*Quando
prorogari
dici ne-
queat.*

Quodsi milites propter quasdam causas jurisdictioni judicis alterius, quoniam militaris, subjecti sint: Jurisdictionem militarem eo prorogari, dici nequit.

Cum

Cum enim fieri possit, ut milites propter causarum quarundam qualitatē alii iudici, quam militari, debeant subesse (§. 1123.): Iudici eidem jurisdictionem in isto causarum, militum etiam, genere competere, adeoque iudicem competentem eum esse, apparet (§. 9. *Diff. CRAM. alleg.*). Quamobrem cum jurisdictionis prorogationem in iudicem alias incompetentem fieri intelligatur (§. 11. *ibid.*): Patet, quod in illis causis jurisdictio militaris prorogari dici nequeat.

Tales causæ v. gr. sunt ecclesiasticæ, in quibus milites jurisdictionem consistorii, quod dicitur, ut plurimum debent agnoscere. Licet aliud belli præsertim tempore convenire deduxeramus (§. 1132.).

§. 1262.

Jurisdictionem militarem in causis inter paganos etiam prorogari, In causis inter paganos potest.
repugnare non videtur.

In iudice enim, cui jurisdictio prorogatur, requiritur saltem jurisdictio in simili causa concessa (§. 34. *Diff. de Jurisd. pror. cit.*). Quamobrem cum iudici militari jurisdictio in causis etiam communibus competat (§. 1127.), quæ adeo & paganorum sunt (§. 1099.): Adeoque iudici militari jurisdictio in similibus causis, quam quæ sunt paganorum, competat. Patet etiam, quod non repugnet, ut jurisdictio in causis inter paganos prorogetur.

Ex eodem fere principio contrarium adstruere videtur perillustis allegatæ dissertationis auctor (§. 36.), quod nempe jurisdictio in causis diversi generis prorogari nequeat (§. 35.). Cum vero causæ, in quibus jurisdictio militaris versatur, non militares solum, sed & communes (§. 1127.): Hæ vero & reliquorum civium, sive paganorum sint (§. 1099.): Apparet, quod iudici militari jurisdictio etiam competat in causis, quæ ejusdem generis sunt cum causis paganorum; Neque adeo principiis hætenus stabilitis convenienter aliter liceat sentire, quam quod jurisdictio militaris in paganos etiam prorogari possit; Dummodo hoc fiat in causa, circa quam illa versatur. Quodsi vero jurisdictio ad solas causas militares, sive militum proprias adstringeretur: Tunc utique in paganos prorogari non posset, utpote quorum nullæ sunt causæ militares.

§. 1263.

Miles, si contra paganum agat, sequi debet ejusdem forum.

Miles actor

Cum enim actor dicatur, qui contendit jus sibi competere, quod alter denegat (§. 980. *Part. 5. Jur. nat. WOLF.*): Si miles contra paganum agat, hunc illi jus suum non tribuere aut denegare, aut illud militi saltem videri, apparet. Cum vero propterea iudices in ci-

forum rei sequitur.

vitae sint constituendi, ut cuique jus suum tribuatur (*dem. §. 539. Part. 8. loc. cit.*), & si quis præstare nolit, quod debet, a iudice eo vi sit adigendus (§. 540. *ibid.*): Si contra paganum agatur, hoc fieri debere a iudice apparet, ejus jurisdictioni subiectus est. Quare cum jurisdictio intuitu ejus, qui eidem subest, forum hujus dicatur (*def. §. 116.*); Paganus vero jurisdictioni iudicis militaris non sit subiectus, neque adeo conveniri possit in foro militari (§. 1157.): Patet, quod miles etiam, si contra paganum agat, forum hujus sequi debeat.

Alio etiam modo idem demonstrari poterit, quo magis adhuc apparet, illud fori militum privilegio non repugnare. Quodsi enim miles contra paganum agat, causam communem supponi apparet (§. 1099.). Cum vero quisque si tribuere nolit, quod debet, a iudice suo vi sit adigendus (*per antea dem.*); Adeoque ab eo, ejus jurisdictioni est subiectus: Si miles contra paganum agat, causæ cognitio fieri nequit nisi ab eo iudice, ejus jurisdictioni hic subest. Quare cum in causis communibus, quarum cognitio fieri nequit, nisi certo loco, milites ejusdem jurisdictioni debeant subijci (§. 1123.): Patet, quod non repugnet, eosdem etiam sequi debere forum pagani, contra quem agunt.

Cum supra etiam demonstraverimus, quod in iudicio militari reus esse nequeat, nisi miles (§. 1156.), neque adeo paganus: Ex eo etiam demonstratio peti possit.

§. 1264.

Eo jurisdictio non prorogatur nisi possit. *Eo, quod miles actor forum pagani sequi debeat, jurisdictio militaris proprie non prorogatur; Licet vel maxime miles & ibidem reconven-*

In causis enim paganorum iudicem competentem esse eum, ejus jurisdictioni subsunt, satis claret (*alleg. §. 1261.*). Quodsi itaque miles contra paganum coram eodem agat: Jurisdictio non defertur in iudicem alias competentem. Quare cum jurisdictionis prorogatio in iudicem alias incompetentem fieri intelligatur (*per eadem*): Patet, quod eo jurisdictio militaris non prorogetur. *Q. c. i.*

Et cum supponatur, eidem iudici, coram quo paganus pullatur, in causa reconventionis etiam jurisdictionem competere (*per hypoth.*); In hac etiam pro iudice competente habendus est. Licet itaque miles coram eodem reconveniri etiam possit (*per hypoth.*): Eo tamen juris-

jurisdictionem militarem non prorogari, eodem quo antea modo (n. 1.), apparet.

Quousque vero reconventio contra milites in foro paganorum permittenda sit, statim subjiciemus.

§. 1265.

Reconventionem contra milites in foro paganorum concedi non convenit, nisi in causa connexa. *Reconventio quousque concedenda.*

Quodsi enim causa, propter quam miles reconvenitur, connexa sit eum causa conventionis: Illius cognitionem fieri non posse, vel saltem non tam facile, quam ab eo iudice, qui posteriorem cognoscit, apparet. Hancce vero causam communem, non militarem, supponere constat (*dem. §. 1263.*). Quare cum in causis communibus, quarum cognitio fieri nequit, nisi certo loco, milites etiam ejusdem jurisdictioni submitti debeant (§. 1123.): Patet, quod in causis connexis milites in foro paganorum reconveniri posse, conveniat. *Q. c. 1.*

Cum vero in causis communibus, quæ cognitionem in certo determinum loco necessario non requirunt, milites etiam non nisi iudici militari subesse debeant (§. 1127.); Causarum vero, quæ cum causa conventionis connexæ non sunt, cognitio æque in foro militari fieri possit, & supponatur (*per hypoth.*): Patet, quod reconventionem contra milites in foro paganorum concedi non conveniat, nisi in causa connexa. *Q. c. 2.*

Principiis itaque hisce ex ipsa rei natura desumptis magis convenit dispositio juris Saxonici, quam communis, utpote quod teste SCHAUMBURGIO reconventionem non admittit, nisi in causis connexis (§. 6. Cap. 4. Sect. 2. Lib. 1. Princ. prax. jud.).

§. 1266.

Qui miles sit, lite alibi jam capta; seu, si miles, antequam talis factus sit, ante huc est, alibi jam fuerit conventus; Foro privilegiato in ea causa non gaudet militiam; Sed litem ibi, quo capta fuit, prosecutus debet. *captam ibi prosecutus*

Cum enim nonnisi causa cognita sententia ferri debeat (§. 543. da. Part. 8. Jur. nat. WOLF.); Adeoque iudex, ad quem causa ejus cognoscendæ gratia in judicium deducitur, sententiam etiam in eadem ferre debeat (§. 40. loc. cit.): Facile perspicitur, quod ipsius juris naturæ sit, causam coram eo iudice ad finem perducere, coram quo capta fuit. Cum vero hoc fieri nequeat, si miles foro privilegiato

giato gaudere deberet in ea causa, quæ jam ante militiam in judicium fuit deducta (*Quod per se patet*): Elucet etiam, quod si miles, antequam talis factus est, alibi jam fuerit convenus, foro privilegiato in ea causa non gaudeat, sed litem debeat prosequi, ubi cæpta fuit.

Idem quoad praxin sentiunt doctores juris, veluti LUDOVICI (§. 12. *Cap. des Kriegspr.*), KOENIG (§. 5. *Cap. 3. Diff. de Foro conc. mil. ober.*), & alii, auctoritate juris civilis suffulti (*l. 7. ff. de Judiciis*). Et multo magis hoc intelligitur, si quis litis vitandæ aut protrahendæ causa miles factus fuerit. Qui propterea etiam exauctorari potuit aut debuit (*l. 4. §. 8. ff. de Re milit. & l. 1. §. 1. Cod. Qui milit. poss.*).

§. 1267.

Delictum ante militiam ubi puniendum.

Si miles ante militiam deliquerit, & metu pœnæ hanc fuerit amplexus: Ad judicem ordinarium remittendus est.

Cum enim delictum ante militiam commissum supponatur (*per hypoth.*): Illud a milite commissum non est. Licet itaque delicta etiam causæ militum esse possint (§. 1100.); Delicta militum tamen supponi apparet; Neque adeo delictum ante militiam ab eo commissum, qui postea miles factus est, ad causas militum proprie referri potest. Quare cum jurisdictio militaris non nisi in causis militum competat (§. 1110.); Apparet, quod eidem etiam delictum ante militiam commissum non subit. Cum vero delicta punienda sint (*dem. §. 761.*); Neque adeo miles, qui ante militiam deliquit & metu pœnæ hanc, amplexus est, impunitus manere debeat: Patet, quod ad judicem ordinarium remittendus sit.

Ita ex principiis simplicissimis derivatur, quod ipso jure civili constitutum est (*l. 16. ff. de Re milit.*) & in quo doctores sere consentiunt. Perperam itaque est, ut judices militares in eo difficultatem moveant: Cum ipsa naturalis ratio id postulare videatur.

§. 1268.

Miles delinquens a quovis capiendus.

Miles delinquens a quolibet magistratu capi posse debet; Captus vero judici militari extradendus est.

Cum enim fieri possit, ut judex militaris non adsit, si miles delinquat; Miles delinquens vero metu pœnæ fugam facile susciperet, nisi caperetur: Idem effugere posset, nisi ab alio, quam judice militari capi posset. Cum vero delicta militum præsertim sint punienda (§. 761.); Nec adeo impunita relinqui debeant; Hoc vero fieri posset, si per omissam capturam ipsis occasio fugiendi præbeatur:.

Pater,

Patet, quod cuilibet magistratui, imo cuivis in genere, captura militum delinquentium concedi debeat. *Q. c. 1.*

Cum vero delictum a milite commissum supponatur; In delictis vero communibus etiam milites judici militari subsint, nisi cognitio eorum certo demum loco fieri possit, aut debeat (§. 1130.); Quod vero hic non supponitur: Patet etiam, quod miles delinquens ab alio iudice captus militari extradendus sit. *Q. c. 2.*

Ipso etiam jure civili hoc constitutum est (*l. 1. Cod. de Exhib. & transm. reis*). Exceptio vero fit, si miles gravius delictum commune commiserit. Tunc enim ibi plecti debet; ubi deliquit (*l. 3. princ. ff. de Re milit. & l. ult. ff. de Accusat.*). Quod vero juris naturæ esse non videtur, nisi quatenus cognitio ejusdem forsitan non nisi certo loco fieri possit (§. 1130. alleg.).

§. 1269.

Si inter militem & paganum querelæ reciprocae moveantur: Ut Querelæ ad eas decidendas judicium quoddam ex militari partim, & communi mutua ubi comp. natur, convenit. decidenda.

Quodsi enim inter militem & paganum querelæ reciprocae existant: Tam hic quam ille reus dicendus est (*def. §. 1155.*). Cum vero in foro militari reus esse nequeat, nisi miles (§. 1156.); Reus paganus vero in suo foro etiam a milite conveniendus sit (§. 1263.): Querelæ istæ mutua neque jurisdictioni militari, neque communi, soli subsunt. Cum vero tam judicis militaris, quam communis, in iis quædam sint partes (*per dem.*); Decidendæ vero eadem veniant (*per hypoth.*): Patet, quod ad eas decidendas judicium quoddam partim ex militari, & partim ex civili constitui conveniat.

§. 1270.

Judicium, quod ad decidendas querelas inter militem & paganum *Judicii reciprocas ex militari partim & communi constituitur, Judicium mixti definiti dici solet.*

Hoc ita fieri plerumque suevit, ut judici ordinario auditor vel præfatus etiam saltem adjungatur. Id quod etiam nonnunquam conceditur in causis, quæ proprie solum judici communi subjacent, ad præcavendum, ne militi ullum inde emerget præjudicium. Tunc vero sententiam a posteriori solo ferri facile videtur.

§. 1271.

*Milites ad
testimoni-
um dicen-
dum obli-
gantur.*

*Milites ad testimonium in causis etiam paganorum dicendum obli-
gantur, & vel invitati cogi possunt; Non tamen nisi coram iudice mili-
tari; Nec volentes alibi possunt.*

Cum enim naturaliter ad testimonium dicendum obligemur (§. 1059. Part. 5. Jur. nat. WOLF.); Et in statu civili quidem perfecte (Schol. ad eund.); Milites vero solum civilem supponant (§. 18.). Milites etiam perfecta obligatione ad testimonium dicendum teneri, apparet. Quare cum, qui perfecte obligatur ad quid faciendum, cogi possit, si facere nolit (§. 236. Part. 1. Phil. pract. univ. ej.): Licet in statu naturali quis ad testimonium dicendum invitus compelli nequeat (§. 1059.); Milites tamen vel invitos ad idem cogi posse patet. *Q. e. 1.*

Cum itaque milites ad testimonium dicendum vel cogi possint (dem. n. 1.); Jus vero milites cogendi competat eorum iudici (§. 1106.): Huic etiam competere debet jus milites ad testimonium dicendum cogendi. Quare cum milites peculiari iudici subesse debeant (§. 1113.), qui militaris dicitur (§. 1114.): Pater, quod ad testimonium dicendum cogi non possint nisi coram iudice militari. *Q. e. 2.*

Quoniam igitur testimonium coram iudice militari dicendum est (dem. n. 2.); Iudex vero militaris sit, cui jurisdictio in milites, quae militaris dicitur (§. 1110.), comperit (§. 1114.): Testimonii dictio a militibus jurisdictioni militari subest. Et cum ad eandem milites vel invitati cogi possint (dem. n. 1.): Illam non ad actus voluntariae jurisdictionis, sed contentiosam potius pertinere, intelligitur. Quare cum milites jurisdictionem contentiosam in alium iudicem nequeant prorogare (§. 1262.); Licet actus voluntariae jurisdictionis coram alio possint peragere (§. 1259.): Patet, quod milites nec volentes testimonium alibi dicere possint. *Q. e. 3.*

Cajus quidem posterioris ratio ipso jure romano redditur, ne milites *avocentur a signis & numeribus* (l. 3 §. fin ff. de Testibus). Iudicem vero militarem permittere posse, ut coram alio iudice testimonium dicant, si e re esse videatur, dubium esse nequit. Sic v. gr. si miles jam cum venia sit in aliquo loco: Eidem permitti, ut testimonium ibidem dicat, quam propterea a venia revocetur, praestare concipitur. Ceterum quoniam milites inter eos referuntur, qui invitati testimonium dicere non coguntur (l. 8. ibid.): A SCILICET ET ERO hinc inferitur, quod milites invitati ad idem cogi nequeant (§. 3. Cap. 3. Sect. 1. Diff. de Jur. mil. sing.). Cum vero in d. l. addatur, *vel qui cum magistratu absumt, vel qui*

bus venire non licet: Satis inde apparere videtur, id saltem eo co-
stringendum esse, ut ad testimonium dicendum aliorum evocari nequeant.
Ipsemet itaque exceptiones & limitationes quasdam affert. Quibus ve-
ro opus non est: Cum generaliter jam fuerit demonstratum, milites ad
testimonium dicendum, coram iudice militari nempe, cogi posse.

§. 1272.

Militi, qui ab hoste revertitur, & se captum fuisse refert, creden-
dum est, nisi & quousque de contrario constet, aut probabiles magis ra-
tionem in contrarium adsint. *ptum se di-*
centi, cre-
dendum.

Quodsi enim miles, qui ab hoste revertitur, captus ab eo non sit:
Eundem transfugam esse debere, facile apparet (*Id. §. 591.*). Quare
cum in transfugas vel poena capitalis statuitur (§. 972.): Miles, qui
ab hoste revertitur, ea vel alia saltem graviore puniendus esset, si cap-
tus non fuerit ab hoste, sed sponte ad eum transgressus: Cum ve-
ro nemo puniri possit, nisi delicto aut crimine sufficienter probato,
seu nisi ejusdem convictus (§. 673. Part. 8. Jur. nat. WOLF.); Ra-
tiones vero in contrarium extare, unde transfugum probari, vel
ejusdem convinci possit, qui captum se dicit, hic non supponatur
(*per hypoth.*): Patet, quod militi, qui ab hoste revertitur, & cap-
tum se fuisse refert, credendum sit, nisi & quousque de contrario
constet, aut saltem rationes probabiles in contrarium adsint.

Idem fere jure romano constitutum est, ut nempe militi credatur, si
bonus miles antea fuerit estimatus; Non vero, si remansor, aut ne-
gligens suorum, aut segnis fuerit (*l. 3. §. 12. & l. 5. §. 6. ff. de Re milit.*).
Quae restrictiones idem fere involvunt, ac si rationes probabiles in con-
trarium non adsint. Apparet vero facile, quod veritas eo non consti-
tuatur. Milites enim, qui captum tantummodo se dicit, testis in pro-
pria causa est, ex qua incommodum sentire posset, si nempe pro trans-
fuga haberetur. Quare cum ipso jure naturae nemo in tali propria causa
testis esse queat (§. 1048. Part. 5. Jur. nat. WOLF.): Nec miles po-
terit, qui captum se dicit, ad effectum scilicet probationis. Perperam ita-
que inter exemplum probationis plenae per unum testem hoc refert
CASP. HEINR. HORNIUS (*ib. 27. Cap. 2. Diff. de Prob. plena per
un. test. p. 50*); Et non est, ut exinde peculiare militum privilegium
eliciatur, quod ipsis nempe in judiciis major fides habeatur, quam plebe-
jis & rusticis: Uti fit a SCROETERO (§. 4. Cap. 3. Sect. 1. Diff. de
Jur. mil. sing.).

§. 1273.

Quod milites post sententiam exceptiones peremptorias adhuc oppone-
re possint, privilegium est juris saltem positivi; Quod vero cessat, si per nes post sen-
sentiam ad-
procuratorem litigent. *mittenda.*

Xxx 2

Cum

Cum enim regulariter exceptiones peremptoriae ante sententiam saltem adhuc, non vero post eandem opponi possint (*l. 2. Cod. Sent. resc. non poss.*): Militibus vero hoc peculiariter sit concessum (*l. 1. Cod. de Jur. & facti ignor.*): Militibus in eo jus est tributum, quod aliis, paganis scilicet, non convenit. Quare cum concessio juris cuidam facta, quo alii carent, privilegium dicatur (§. 853. Part. 8. J. N. W.): Patet, quod in eo privilegium ponendum sit. *Q. e. 1.*

Quoniam autem ratio ejusdem in ignorantia militum, quoad jura ponitur (*l. 1. alleg.*); Naturaliter vero militibus ignorantia juris non succurrat, nisi in expeditione constitutis (§. 398.): Jure etiam naturali illud ipsis proprie concedendum non esset, nisi in expeditione constituantur. Cum vero idem jure civili in genere tributur (*per alleg.*): Patet, quod privilegium illud juris saltem sit positivum. *Q. e. 2.*

Et cum fieri possit, ut milites per procuratorem litigent (*per hypoth.*); Procuratorem vero talem sumere possint & debeant, qui jura callet: Ignorantia juris cessat, si milites per procuratorem litigent. Quamobrem cum ratio privilegii ejusdem in imperitia militum ponatur (*per alleg. n. 2.*); Cessante vero ratione sufficiente cesset etiam, quod propter eam est (§. 18. Ontol. WOLF): Patet etiam, quod in eo casu privilegium illud debeat cessare, si per procuratorem litigent. *Q. e. 3.*

§. 1274.

Stipendia propter sententiam non retinenda. Propter executionem sententiae militibus stipendia retinenda non sunt, nisi quatenus forsitan ad eorum sustentationem tota non requiruntur.

Quodsi enim stipendia militibus retineantur, sustentatione carere facile possent (*dem. §. 778.*). Cum vero absque hac milites nec esse, nec ministerium belli praestare queant (*dem. §. 339.*): Patet, quod & nec propter executionem sententiae militibus stipendia retinenda sint. *Q. e. 1.*

Si vero stipendia militum tanta sint, quanta ad eorum sustentationem non requiruntur: Tunc milites sustentationis periculum non inire, licet ea parte stipendiorum priventur, quae ad eandem opus non est, facile perspicitur. In eo itaque casu cessat ratio, cur propter executionem sententiae stipendia retinenda non sint (*dem. n. 1.*). Cum itaque cessante ratione sufficiente cessare quoque debeat, quod propter

propter eam est (§. 118. alleg.): Patet, quod in executionem sententiae stipendia militibus retineri non repugnet, quatenus forsitan ad sustentationem tota non requiruntur. Q. c. 2.

Stipendiorum retentionem ipsum etiam inhibet jus civile (l. 4. Cod. de Exec. rei jud.).

§. 1275.

Hinc cum militibus gregariis, & praefectis eorum inferioribus sti
pendia tam tenuia soleant praebere, ut ad eorum sustentationem ne-
cessariam vix sufficiant (dem. §. 779.); Praefectis vero superioribus,
eminentioris praesertim dignitatis, tanta, ut ad sustentationem ne-
cessariam tota non requirantur, sed uberiori saltem, & vel splendori
inserviant (dem. §. 780.); Militibus vero stipendia eatenus tantum
possint retineri, quatenus ad sustentationem eorum non requiruntur
(§. 1274.): Militibus gregariis & praefectis eorum inferioribus solutio-
nis sive sententiae exequenda gratia stipendia plane non, superioribus vero
non nisi eatenus retineri possunt, quatenus ad sustentationem eorum ne-
cessario non requiruntur.

Hinc etiam constitui solet pro circumstantiis, ut praefectis militum ter-
tia solum, vel ad summum dimidia stipendiorum pars ad solutionem de-
bitorum detrahatur.

§. 1276.

Militibus beneficium competentiae competere debet.

*Beneficium
competen-
tiae compe-
tit.*

Militibus enim propter executionem sententiae sive solutionem de-
bitorum, stipendia retineri nequeunt, nisi quatenus forsitan ad susten-
tationem tota non requiruntur (§. 1274.). Solvere itaque ulterius
non tenentur, quam quatenus salva eorum sustentatione facere pos-
sunt. Quare cum beneficium competentiae dicatur, vi cujus debitor
ad solutionem condemnatus plus solvere non tenetur, quam salva
ipsius sustentatione facere potest (per def.): Patet etiam, quod illud
militibus debeat competere.

Definitionem huius beneficii sumere licuit ex l. 173. princ. ff. de Reg.
jur. & l. 10. §. fin. de Re jud. Et militibus etiam specialiter hoc benefi-
cium jure civili concessum est (l. 6. pr. & l. 18. ff. de Re jud.). Quod
licet aliis pluribus etiam competat: Non tamen indistincte omnibus
concessum videtur (l. 16. & 21. eod.); Adeoque eatenus etiam privile-
giis militum, quae ipsis jure civili contingere, accensendum erit. Ne-
cessarium vero, adeoque unius juris naturalis idem esse, modo evicimus.
Rationem ejusdem in eo quidem ponit SCHROETERUS, quia du-
rum

rum & inhumanum esset, militem, qui pro republica capitis pericula subit, ita urgere, ut nihil ipsi superesset (§. 1. Cap. 4. Sect. 1. *Diff. de Jur. mil. sing.*). Quæ vero extrinseca saltem est, & veteranis potius, quam militibus convenire videtur: Cum hi potiori & intrinseca suffulciantur.

§. 1277.

Propter debita carcerem non detinendi.

Milites propter debitorum solutionem in carcerem non sunt conjiciendi, nisi de fuga sint suspecti, aut in pœnam id fiat.

Quodsi enim milites carceri includantur, eos servitia præstare non posse facile intelligitur. Et cum carceris inclusio ad solutionem debitorum proprie nihil faciat; Alia vero suppetant media, quibus solutio obtineri possit, aut extare saltem supponantur: Ratio necessaria non adest, cur propter debitorum solutionem milites in carcerem conjiciantur, vel saltem non supponitur. Quare cum milites a servitiis suis non sint abstrahendi (§. 391.); Nec ratio necessaria supponatur, cur in carcerem mittentur (*per dem.*): Patet etiam, quod propter debitorum solutionem id fieri non debeat. *Q. e. 1.*

Fugam vero militis propter debitorum solutionem cum militia simul desertione fieri, liquet. Quamobrem cum ipsius reipublicæ interfit, ne milites deserant (§. 147.); Hoc vero præcaveatur, si miles de fuga suspectus carceri immittatur; Jure etiam civili non concedatur, ut sub specie privilegii alii defraudentur (*l. 2. Cod. de Privileg. scolar.*): Patet, quod & propter debitorum solutionem in carcerem possit conjici miles, si de fuga sit suspectus. *Q. e. 2.*

Et cum milites in pœnam etiam carcere detineri possint (§. 903.); Si propter debitorum solutionem, quam præstare non possunt, pœnam mereantur, in carcerem eosdem conjici quoque posse, dubium esse nequit. *Q. e. 3.*

Ad milites in expeditione constitutos idem saltem restringit KOENIG (§. 4. Cap. 4. *Diff. de Foro conc. mil. obar.*). Et negandum non est, quod in his ratio potior, adhuc addit: Licet eadem, eo, quo factum est, modo limitata, generalis videatur.

§. 1278.

Neque arma aut alia.

Arma & alia, quæ ad usum belli necessaria sunt, militibus propter solutionem debitorum, detineri nequeunt.

Cum enim milites ad bellum destinantur (§. 14): Si arma aut alia, quæ ad usum belli necessaria sunt, ipsis detinerentur, servitia mili-

militaria præstare, neque adeo obligationibus suis satisfacere possent (§. 182.). Quare cum ipsius reipublicæ interfit, ut obligationibus suis satisfaciatur (§. 140.): Patet, quod & arma aut alia, ad usum belli necessaria, militibus detineri nequeant.

§. 1279.

Voluntarii foro quoque militari frui debent.

Voluntariorum forum.

Forum enim militare ad privilegia militum pertinet (§. 1122.) Et cum ratio ejusdem in ipsa militia sive statu eorum contineatur (§. 1120.); Adeoque qua talibus concedendum sit (§. 83.): Forum militare privilegium militare est. Quare cum voluntariis etiam privilegia militaria competere debeant (§. 522.), quæ nempe in ipsa militia rationem suam habent (§. 523.): Patet, quod iidem foro quoque militari debeant gaudere.

Quod jus civile idem non statuat, & undenam illud sit, monuimus jam ad §. 522.

§. 1280.

Milites provinciales, si ad servitia militaria adhibeantur, foro etiam militare gaudere debent; Extra hunc vero casum, foro communium provinciarum utuntur.

*Quale sit
communium
provinciarum
forum.*

Quodsi enim milites provinciales actu serviant, privilegia militaria ipsis debent competere (§. 521.). Cum itaque ad hæc forum militare quoque sit referendum (*dem.* §. 1279.): Patet, quod si servitia militaria actu præstant, foro militari debeant gaudere. *Q. e. 1.*

Cum vero extra hunc casum ad milites referendi non sint (§. 259.); Foro vero militari milites, qua tales, gaudeant (§. 1121.): Patet, quod nec extra servitiorum præstationem eodem frui possint, sed foro communi uti debeant. *Q. e. 2.*

Cum milites provinciales casui necessitatis saltem referentur (§. 255.): Et hinc extra huncce aliis negotiis, opificiis vel agricultura occupentur; Neque etiam una commorentur, sed per totam provinciam dispergantur; A negotiis suis abstraherentur, si ad certum forum militare adstricti essent. Ut itaque judici cujusque loci, quò degunt, sub sint, magis convenit. Cum vero præfecti militum provincialium ex militibus sumi, & stipendiis ali soleant (*per hypoth.*): Adeoque aliis negotiis ipsos implicari opus non sit; Præterea talis sint dignitatis, ut judici cujusque loci subesse non conveniat. Ratione non destituitur, ut foro privilegiato etiam extra casum servitiorum fruantur.

§. 1281.

§. 1281.

*In delictis
militari-
bus.*

Quare cum delictum militare dicatur, quod a milite, qua tali committitur (§. 543.); Milites vero provinciales ad milites referendi non sint, nisi actu serviant (§. 359.): Nec eosdem etiam delicta militaria committere posse, quam si servitia præstent, apparet. Quare cum in hoc casu foro militari gaudeant (§. 1280.): *Milites provinciales in delictis militaribus foro militari utuntur.*

§. 1282.

*Præfæctis
jurisdictione
concedenda.*

Cum in genere conveniat jurisdictionem militarem præfæctis militum concedi (§. 1225.); Milites vero provinciales, si actu serviant, jurisdictioni militari subesse debeant (§. 1230.): *Jurisdictionem in milites provinciales, si actu serviant, præfæctis eorum concedi, convenit.*

§. 1283.

*Auxiliato-
res militum
foro horum
gaudent.*

Qui quocunque modo militibus auxilia præbent, & propterea eorundem, vel in expeditionem, sequuntur, foro militari gaudere debent, sive jurisdictioni militari subsint.

Quod si enim foro militari non gauderent: Ab alio iudice possent in jus vocari. Quod cum, præsertim si in expeditione constituantur, incommodum foret: Commodum eorum in eo versatur, ut foro militari subsint. Quare cum ii, qui militibus auxilia præbent, & propterea hosce vel in expeditionem comitari debent, ad milites referendi sint, quoribus de eorum commodo agitur (§. 447.): Milites vero foro militari gaudeant (§. 1221.): Patet, quod & iidem hocce gaudere debeant. *Q. e. l.*

Cum vero forum ratione unius jurisdictionem in altero (*Schol. §. 116.*), adeoque forum militare jurisdictionem militarem supponat: Patet, quod, ut foro militari fruuntur, jurisdictioni etiam militari debeant subesse. *Q. e. 2.*

Auxiliis etiam necessariis milites egerent, si qui eadem præstant, aliorum in jus possent vocari.

§. 1284.

*Quinam in
specie.*

Hinc cum concionatores bellici, auditores, chirurgi & vel lixe; *Ut & famuli eorum & præfectorum militum, aliique*, militibus auxilia præbent, ac propterea hos in expeditionem sequi debeant (§. 449.): Hi omnes privilegio fori militaris fruuntur.

Cum ad fori privilegium pertineat etiam, ut ad testimonium dicendum alibi cogi non possint milites (§. 1271.): Patet, quod & hoc auxiliatoribus eorum concedi debeat. Uti de mercatoribus victualium idem jure civili

civili expresse statuitur. (*l. 19. ff. de Testibus*). Cujus rationem adducit SCHROETER (§. 3. Cap. 3. Sect. 1. *Diff. de Jur. mil. fing.*).

§. 1285.

Uxores etiam & liberi militum, in patria potestate adhuc constituti, Us & uxores militum privilegio gaudere debent, quatenus hosce sequuntur. *res & liberi.*

Uxoribus enim militum, si hos in expeditionem sequantur, privilegia eorum competere debeat (§. 451.). Quare cum ad hæc privilegium fori quoque sit referendum (§. 1122.): Uxores militum eodem etiam gaudere, quatenus hos sequuntur, apparet. *Q. e. 1.*

Et cum liberi in patria potestate adhuc constituti imperio parentum sub sint (§. 662. Part. 7. *Jur. nat. WOLF*); Quod in jure actiones eorum dirigendi consistit (§. 661. loc. cit.): Liberos cum parentibus esse debere constat. Quamobrem cum propterea uxores militum, quod hos sequantur, privilegio fori gaudeant (*sem. n. 1.*): Idem etiam liberis convenire patet.

§. 1286.

Si miles a militia quocunque modo solvatur: Privilegium fori cessat. Quando forum militare cessat

Si enim miles a militia quocunque modo solvatur, miles esse desinit. Milites vero, quamprimum tales esse desinunt, privilegia sua amittunt (§. 530). Quare cum ad privilegia militum referendum etiam sit, ut foro peculiari gaudeant (§. 1122.): Patet, quod privilegium hoc fori debeat cessare, quamprimum miles a militia solvitur.

Cum in genere deduxerimus modos, quibus milites privilegia sua amittant (§. 531. seqq.): Iisdem etiam hoc fori privilegium finiri apparet.

§. 1287.

Veterani foro militari non gaudent, nisi quatenus servitiis quibus Veteranico dam adhuc adhibentur. *excidant.*

Veterani a militia dimissi sunt (§. 460.). Quare cum a militia solvatur, qui dimittitur (§. 297.): Veterani a militia soluti sunt. Cum itaque fori privilegium cesset, si miles a militia solvatur (§. 1286.): Patet, quod veterani illud amittant, neque adeo eo amplius gaudeant. *Q. e. 1.*

Si vero veterani servitiis quibuscunque militaribus adhuc adhibeantur: Illi ad milites, irregulares licet (§. 254.), quodam modo referendi sunt. Quales v. gr. sunt defensionarii, qui castello cuidam custodiendo imponuntur (§. 255.). Quare cum militibus fori privilegium competat (§. 1122.): Convenit, ut in hoc casu veterani quoque eo gaudeant. *Q. e. 2.*

§. 1288.

*Ut & vidua
& liberi
defuncto-
rum.*

Vidua & liberi militum defunctorum ad forum commune recidere debent.

Quod enim uxores & liberi militum foro militari gaudeant, hoc saltem est propterea, quod hosce sequantur (§. 1285.). Quodsi itaque milites moriantur: Cessat ratio, cur uxores & liberi privilegio illoutantur. Quare cum cessante ratione sufficiente cessare debeat, quod propter eam est (§. 118. *Ontol. WOLF.*) Patet, quod viduæ & liberi militum defunctorum foro privilegiato amplius gaudere nequeant; Adeoque ad forum commune recidunt.

§. 1289.

*Lis super
hereditate
ubi deci-
denda.*

Si super hereditate militis defuncti lis oriatur: Eandem coram iudice militari decidi, convenit.

Licet enim privilegia militum morte eorum expirent, nec in heredes transeant (§. 535.): Privilegium fori morte militis statim finitur, nec in heredes ejus transmittitur. Quoniam vero ponitur, quod lis oriatur super hereditate militis defuncti (*per hypoth.*); Neque adeo constat, quinam ejus heredes sint: Nee lis eadem in heredum foro potest decidi. Necessè itaque est, ut ventiletur in eo foro, quo defunctus usus fuit. Quare cum miles defunctus foro militari fuerit gavissus (§. 1121.): Patet, quod in eodem etiam seu coram iudice militari lis super hereditate militis orta debeat decidi.

Plura quidem addi potuerint, quæ materiam de foro militum & processu militari spectarent, & vel illustrationi eorum, quæ ex ipso jure naturæ demonstrata fuere, inservirent. Cum vero ea, quæ deduximus, specimini sufficere possint: Capiti & toti tractationi finem imponimus.

Capitis sexti & totius operis finis.



INDEX



INDEX

RERUM PRAECIPUARUM,

in quo numeri paragraphos denotant.

A.

Abusus imperii militaris delictum est 742.

Accrescendi ius quousque valeat in testamento militari 443.

Accusator quis dicatur 1168.

Actiones, quænam contra milites in quoque foro obtineant 1128.

Actiones militum qua civium 78. propriæ dantur 84. determinantur lege 85. diversimode 86. juxta quid 135. etiam observantias 136. ad voluntatem superioris determinandæ 175.

Actus bellici definitio 235.

Adfiores judicii militarii. Definitio 1221. quinam sumendi 1222. non sint perpetui 1223. nec infra dignitatem rei 1224. votis gaudeant 1225. duo quique uno 1226.

Aggratiatio. Ei locus est circa pœnas militum 1029.

Aggravantia delictorum 569.

Aggravantia pœnarum. Definitio 928. eadem, quæ delictorum 929. unde æstimanda 930.

Agmen. Definitio 188.

Amici militum privilegiato modo non testantur 451.

Analogia juris in causis militum adhibenda 1188.

Animus delictum non efficit 664. in delicto vero abesse nequit 665.

Animus deferendi ad defectionem necessarius 668. quid si non declaretur 703.

Annona militaris. Definitio 351.

Appellatio, an liceat a sententia militari 1240. ad quemnam fiat 1241. non in pœna leviori 1242. aut quæ statim exequenda 1243. nec a judicio statario

1250. nec si sententia à superiore confirmanda 1253. nec in pœnis gravioribus 1254. in genere non a sententia criminali 1255.

Arma. Definitio 231. in arham militarem dari possunt 64. non alienanda, nec oppignoranda 287. militibus dari debent 365. eorum usus extra militiam 488. eorum depositio quando delictum 731. eorum gestio pœna 905. propriè debita non detinenda 1278.

Artha militaris. Definitio 63. in armis consistere potest 64. obligationem inducit 67. & probat 69. præfertur nudæ promissioni 70. absolute non requiritur 71.

Arrogatio testamentum militis non infirmat 426.

Articuli militares 88. prælegendi tyronibus 144. sæpius repetendi 145.

Assiguari. Definitio 72. qui possint 73. quomodo obligentur 74.

Auctor belli. Definitio 9. quinam sit 10. cum militibus conductitiis paciscitur 51. quid ejus intersit 147.

Auctor delicti. Definitio 626. gravius delinquit 628. gravius puniendus 1013. eximendus a decimatione 1036.

Auditor. Definitio 1193. quando ad milites referendus 449. testamento militari gaudet 450. pro desertore non habendus 729. non est judex 1194. quibus adjungendus 1207. jurium sit peritus 1211. præfectorum juris militum naturalis 1212. ratiocinio et habitu demonstrandi polleat 1213. adfessor judicii militaris est 1227. voto gaudeat 1228. communis cura præfide 1228. huic sit à latere

Yyy 2

1239.

INDEX RERUM

1229. adfessor perpetuus est 1230. infra dignitatem rei esse potest 1231. sententiam concipit 1234. foro militari gaudet 1284.

Auditor cubortis. Definitio 1208. inferior auditore superiore 1209.

Auditor generalis. Definitio 1208. superior aliis 1209. 1210.

Auditor praefectura. 1208.

Auditor praesidii. Definitio 1208. quibus inferior 1210.

Auditor superior. Definitio 1208. inferior generali 1209.

Aurum abscisso non est poena militaris 903.

Auxiliatores militum, quando ad hos referantur 447. privilegiis fruuntur 448. qui ad eos referendi 449. testamentum militare condunt 450. foro militari gaudent 1283.

B.

Bellum. Definitio 1.

Bellum gerere s. inferre. Definitio 2.

Bellum geri. Definitio 3.

Bellum privatum. Definitio 7.

Bellum publicum. Definitio 7. a quo geratur 8. supponit civitatem 12. multos homines requirit 13. geri nequit absque militibus 17.

Beneficium competentiae militibus competit 1276.

Buccinatores, an ad milites referendi 729. schol.

C.

Capitulatio. Definitio 55. servanda est 56. obligat 57.

Capti ab hoste non desinunt esse milites 306. nec obligationibus liberantur 307. militiam hostis amplecti nequeunt 309. sustentari debent 506. & liberari 507. quomodo 508. exigere hoc possunt 510. quando a militia solvantur 511. quod limitatur 512. hosti se dare in militiam nequeunt 514. nisi conducticiorum tempus expiret 515. dummodo non sint cives 516. aut sustentatio & liberatio

omittatur 517. jura non amittunt 518. reversi in pristinum statum restituuntur 519. jure postliminii gaudent 520. si hostis partes amplectantur, quando delinquant 594. desertores & transfuga habendi sint 595. quando non 597. nisi revertantur, delinquant 598. quomodo puniendi, qui hostis partes amplectuntur 1018. captos se dicentibus credendum 1272.

Captivi evasio quando delictum constituit 648. gravius, si dolo fiat 651. quomodo punienda 1021.

Carcer non est poena militaris 903. puniendi eo derivendi 910. fuga ex eo non est desertio 1000. poenam aggravat 1001.

Cassatio. Definitio 882. famam minuit 883. non infamat 884. qualis sit poena 895. quomodo tollatur 1082. reservationem famae admittit 1093. non requirit 1094.

Cassatio cum infamia. Definitio 885. poena infamiae militaris est 886.

Castigari praefecto resistere non licet 610.

Castra. Definitio 359. tendere extra ea poena est 892. qualis 895. convenit superstitionibus ex decimatione 1044. quomodo tollatur 1083. 1085.

Castrorum purgatio. Definitio 894. qualis sit poena 896. convenit superstitionibus ex decimatione 1044. quatenus tollatur 1086.

Causa militum dantur 1098. quotuplices 1099. quarum sint 1100. litigiose esse possunt 1102. quarum 1103. quotuplices 1144. per sententiam dijudicandae 1183. secundum quas leges 1184. primario secundum militares 1185. & observantias 1186. etiam leges civiles 1187. aut analogiam 1188. & jus naturae 1189. scientiam juris requirunt 1190.

Causa militum communes. Definitio 1099. litigiose esse possunt 1102. quando forum sunt 1123. quando non 1124. quotuplices 1145.

Causae militum ecclesiasticae ubi cognoscendae 1132.

Causae

PRAECIPUARUM.

- Causa militum militares.* Definitio 1099. quanam 1101. litigiose esse possunt 1102. quanam 1145.
- Centurio.* Definitio 189. imperio tribuni subest 205. ei jurisdictio non concedenda 1196. jurisdictio tribuni subest 1197.
- Chirurgi castrenses* quando ad milites referendi 449. privilegio testamenti gaudent 450. pro desertoribus non habendi 729. foro militari gaudent 1284.
- Circuitio* s. *circulatio.* Definitio 273.
- Circuitores.* Definitio 273.
- Circumstantiae* delicta aggravant vel minuunt 568.
- Citatio* in processu militari civili locum habet 1161. etiam realis 1162.
- Coacti milites iniuste*, non obligantur 46. nisi postea velint 48. & sponte militiam continent 49. aut necessitas superveniat 50. etli jurent 152. desertionem non committunt 579. nisi postea stare velint 580. & sponte militiam continent 581. aut in subditis casus necessitatis superveniat 582. non puniendi, si discedant 975. aut arbitrarie saltem 976. non nisi conductitii 978. non subditi 979. nec si in bello deserant 980.
- Cocorum substitutio* delictum est 746. poena infami plectenda 959.
- Cogi ad militiam* subditi possunt 41. non alii 42. quanam 43. non, qui conduci debent 44. subditi: quando non, nec peregrini 45.
- Cohors.* Definitio 188. circulatoria 273. discessus ab una ad alteram 726.
- Colliso* juris naturalis cum civili quid operetur 100.
- Collegium bellicum.* Definitio 1200. quanam ei assideant 1201. ejus jurisdictio superior est 1205. & militarium suprema 1306.
- Combustio* non est poena militaris 904.
- Commensus.* Definitio 278. si excedatur 702.
- Commentariensis militaris.* Definitio 902. non sit infamis 913. infames non detinet 914. 915. quando nec desertorem 997.
- Competentia beneficium* militibus competit 1276.
- Concionatores bellici*, quando ad milites referendi 449. testamento militari gaudent 450. pro desertoribus non habendi 729. foro militari gaudent 1284.
- Concitatio ad seditionem.* Definitio 623. quanam ejus rei 624. quomodo per eam delinquatur 625. auctores seditionis efficit 627. delictum gravissimum est 628. licet seditio non sequatur 630. capite plectenda 963. decimatione privat 1038.
- Condemnatio ad metakum* v. M. ad treumes v. T.
- Confiscatio bonorum* quando obtineat in milite 788. non est poena militaris 789.
- Conscientia desertionis* quando delictum sit 724.
- Consigliarii bellici.* Definitio 1202.
- Consistorium militare* s. *castrense.* Definitio 1133.
- Conspiratio ad desertionem.* Definitio 711. desertionem plurimum praecedit 712. eam desertio non necessario sequitur 718. pro desertione attentata habenda 719. delictum est 720. quid involvat 721. quisnam ejus auctor 722. hic gravius delinquit 723. puniendi 1012. auctores gravius 1013.
- Contractus militaris.* Definitio 53. quousque ineatur 54. servandus est 56. obligat 57. probari posse debet 61. per quidnam 62. qualis sit 65. arrha perficitur 66. ad libitum militis iniiri potest 299. est locatio conductio 345.
- Contributiones militares* quousque exigii possunt 332.
- Corporals* v. *Decuriones.*
- Custodia.* Definitio 269. omissa delictum est 647.
- Custodire.* Definitio 269.
- Custus.* Definitio 269.

D.

- Decimatio.* Definitio 1031. obtinet circa milites 1032. quomodo, facienda 1033. inter quos obtineat 1034. quid praecedat

INDEX RERUM

- dat 1035. quinam ab ea eximendi 1036. quomodo puniendi reliqui 1039. quali pœna 1040. non infami 1041. at famam minuente 1042. in quibus delictis obtimeat 1045. in specie 1046. est modus aggratiandi 1047.
- Decollatio* non est pœna militaris 904.
- Decuriones* (Corporals) 207. sunt præfecti inferiores 208.
- Decursio sub virgis* v. Virium pœna.
- Deditio hosti facta* quando delictum 731. in specie exercitus sive loci 732.
- Deditio festinata*. Definitio 733. delictum est 734. famæ nocet 735. in eam consentientes quando delinquant 736. non si dubium subsit 737. si milites præfectum cogan 738. hic non delinquit 739. infami pœna plectenda 961. capite potest 963. suspensio convenit 964. decimationem admittit 1046.
- Defensio* reo concedenda 1176. adjungendo defensorem 1177. quem conveniat 1178.
- Degradatio*. Definitio 888. famam minuit 889. qualis sit pœna 895. quomodo tollatur 1082.
- Delicta* non committuntur animo 664. vera nec absque animo 665. hæc gravius puniendi 763. si negentur a reis, quid agendum 1174.
- Delicta militaria*. Definitio 543. vera vel quasi sunt 544. actiones liberae & imputabiles 545. publica sunt 547. graviora 548. infamiam contrahunt 562. quænam potissimum 566. quor modis committantur 572. puniendi sunt 761. gravius 767. graviora gravius 925. 926. quænam infamia 953. non nisi dolo commissa 954. & vera 955. quæ singularem dolum involvunt 957. pœnis capitalibus plecti possunt 962. frequentia aggravantur 1002.
- Delicta militum* præter militaria dantur 549. quæ ad communia referenda 550. publica vel privata sunt 552. specialiter prohibenda 553. eo non sunt militaria 554. infamiam contrahunt 562. quænam potissimum 566. sub circumstantiis sunt 567. & eo graviora vel leviora redduntur 568. aggravantia & mitigantia habent 569. quænam graviora 649. vera quasi delictis 650. punienda sunt 761. gravius 768. graviora gravius 925. quo majus est damnum 926. iterata quomodo puniendi 938. quænam infamia 953. non nisi, quæ dolo committuntur 954. & vera 955. quæ singularem dolum involvunt 957. & ex timiditate orientia 960. cause litigiosæ sunt 1103. communia etiam foro militum subsunt 1130. ante militiam ubi puniendi 1267.
- Delictum plurium* non quoad omnes capite plectendum 1030.
- Delinquens* quando stante pede occidendus 966.
- Deportatio* non est pœna militaris 903.
- Deposito de gradu* famam minuit 880. qualis sit pœna 895. quomodo tollatur 1082.
- Deprædationes* quousque possint committi 332.
- Depulsio pro infami* 841. dimissioni ignominiosæ adjicienda 842. pœna infamiae militaris est 848.
- Deferere militiam* quis dicatur 576.
- Desertio*. Definitio 576. delictum est 577. obligationem ad militiam supponit 578. ab injuste coacto non committitur 579. nisi postea consentiat 580. & militiam continuet 581. aut in subdito, necessitate superveniente 582. delictum militare maximum 587. & gravissimum est 588. perfidiam & injuriam involvit 589. adeoque maxime infame 590. ablatione rei aggravatur 635. ut & derelictione stationis 645. non nisi dolo committitur 666. verum delictum est 667. quid ad eam requiratur 668. quando actu externo declaratur 669. quando perficitur 670. 671. quando commissi dicenda 679. quando attentando non committitur 681. quid si plures deserant v. Desertio plurium. Ejus conscientia 724. capite plecti potest 963. pœna aggratur alio crimine

PRAECIPUARUM.

erimine 968. ablatione armorum 969. stationis derelictione 970. transgressionem 971. suspensio puniendi 973. quando ejus poena cesset 981. si militia solvatur 982. si debita non praestentur 983. aut promissa servantur 984. licet querelae morte 985. arbitrarie tamen puniendi 986. si miles ultra tempus retineatur 987. dimissione licet non rogata 988. arbitrarie puniendi 989. mitius in pace 990. iterata gravius 992. frequentia aggravatur, 1002. ut & praemeditatione 1003. decimationem admittit 1046.

Desertio attentata. Definitio 675. committitur praeparatione 676. quando propius 677. delictum est 678. commissi dici nequit 680. quando censetur 693. intra veniam 701. puniendi est 1004. absque discessu non ordinaria poena 1005. nisi propius attentata 1007. quando 1008. quando arbitrarie 1009.

Desertio cogitata. Definitio 707. dici nequit attentata 708. delictum non est 709. nec puniendi 1011.

Desertio consummata. Definitio 672.

Desertio perfecta. Definitio 672. alterius militiae susceptione 673. alius vitae generis electione 674.

Desertio plurimum. Quid eam praecedat 710. conspiratio 711. quid involvat 713. quisnam ejus auctor dicendus 714. hic gravius delinquit 716.

Desertio propostia. Definitio 704. desertionem non efficit 705. quando nondum sit 706. pro delicto non habenda 709. nec puniendi 1011.

Desertio simplex. Definitio §. 970. scilicet.

Desertor. Definitio 576. delinquit 577. quis talis sit, si non rogata dimissione discedat, aut non impetrata 584. quis non 585. quando furtum committat 634. quinam pro eo habendus 682. qui quid agit militiae adversum 690. longo tempore abest 691. reduci se non paritur 692. non qui sponte redit 693. aut ex alia ratione discessit 694. quando qui ultra veniam emanet 695. & durante ve-

nia 696. qui aliam militiam amplectitur 697. non qui necessitate coactus 727. nec qui proprie non obligatur 728. qui non juravit, mitius puniendus 991. ut &, qui revocatur 993. pro tempore absentiae 994. non capite 995. quando poena infami 996. nec apud commentariensem incarcerandus 997. quando non poena infami plectendus 998. 1073. mitius a patre oblatum 999.

Designatores (Fouriers) 207. sunt praefecti inferiores 208.

Desultorii equites. Definitio 106.

Detractio ministerii belli delictum est 599. militare 602. a pluribus suscepta seditio 619. capite plecti potest 693.

Detrusio in militiam deteriorem famam minuit 887. qualis sit poena 895. quomodo tollatur 1082.

Detrusio pro infami v. Depulsio.

Digitorum abscissio poena milit. non est 903.

Diligentia a milite requiritur 168.

Diinacba. Definitio 196.

Dimissi an in genere sint veterani 467. in specie ad eorum instantiam 468. jura & privilegia militum amittunt 531.

Dimissio. Definitio 297. roganda est a discedere volente 298. necessaria vel voluntaria est 505. non rogata delictum efficit 583. quandoque & desertionem 584. poena ordinaria non puniendi 988.

Dimissio absque literis famam minuit 881. qualis sit poena 895. quomodo tollatur 1082. reservationem famae admittit 1093. non requirit 1094.

Dimissio ignominiosa. Definitio 826. poena esse potest 830. est poena militaris 831. cum depulsione corporali peragenda 842. poena infamiae militaris est 848.

Direptiones quousque possint committi 332.

Discessus a statione delictum est 636. gravissimum 643. famae nocet 644. gravius emanatione 663. infamia puniendus 961. capite plecti potest 963. suspensio convenit 964. gravius emanatione 1015.

Disciplina militaris. Definitio 769. necessaria est 770.

Dis-

INDEX RERUM

Diffectio in quatuor partes poena militaris non est 904.

Dolus delictum gravius reddit 650.

Donatio concubinae facta revocari potest a milite 435. ultra 500. reos insinuatione non eget 486.

Dormire in statione delictum est 637. militare gravissimum 643. capite plecti potest 963. stante pede non debet 965.

Duces belli. Definitio 139. summus 193. definitio generalis 194. imperio summi subsumt 205. ad officiales generales & praefecturam exercitus referendi 211. cuius jurisdictioni subsumt 1199. iudices superiores sunt 1205.

E.

Ebrietas in statione delictum est 638. si contrahatur a destinato ad excubias 640. vel servitio quacunque 641. omni fere tempore 642. delictum gravissimum est 646. capite plecti potest 963. stante pede non debet 965.

Effigiei suspensio in patibulo infamat 838. poena infamiae militaris est 848.

Emanfio. Definitio 660. delictum est 661.

Emanfio. Definitio 661. pro desertore non habendus 662. quando desertionem attentasse censendus 699. quando pro desertore habendus 700. mitius puniendus 1014.

Equi dandi sunt equitibus 364.

Equitatus. Definitio 197.

Equites. Definitio 195. defultorii 196. ipsi equi dandi & pabulum eorum 364. si ad pediatum transmittantur 391. quomodo restituantur 1032.

Equus ligneus poena militaris 905.

Exaudivitatio quae poena fuerit 840. *scbol.*

Exceptiones militi post sententiam licent 1-73.

Excubie. Definitio 265. quando non ferventur 647. positio ad easdem v.P.

Excubare. Definitio 265.

Excubitores. Definitio 265.

Executio militaris. Definitio 911.

Exempti. Definitio 214. eorum conditio 215.

Exercitia militaria. Definitio 233.

Exercitus. Definitio 190. ex quibus partibus constet 191. ex quot militibus 192.

Expeditio bellica. Definitio 237. in ea constitui 393.

Explorare hostem. Definitio 244.

Exploratores. Definitio 246.

F.

Fahnemacht 1242.

Falcidia cessat in testamento militari 444.

Fama militis in quo consistat 556. quando non subsistat 557. non, si delinquit 558. quando minuitur 860. quando restituitur 1057. restitui potest 1061. infami 1052. quid hoc involvat 1063.

Fama reservari quando dicatur 1089. quando conveniat 1090. si dubium, an poena infamiae 1091. praesertim si famam minuens sit 1092. omissa reservatio poenam non efficit infamem 1095.

Fame deminutio. Definitio 861. in poenam fieri potest 862. quot modis fiat 875. quinam eam patiantur 877. seqq. quomodo tollatur 1076.

Fame privatio quid operetur 802. poenam infamiae 804. privationem iurium 811. totalis esse potest 858. partialis etiam 859. quomodo poena ejusdem tollatur 1058. 1059.

Fama reintegratio quomodo fiat 1079. quando ea opus 1030. quando fiat in specie 1081. 1082. quomodo in commoratione extra castra 1083. in militia absque signis 1034. quando facienda 1087.

Fama restitutio quomodo fiat 1057. quid involvat 1063. quale sit ius 1065. cui competat 1066. declarari debet 1067. verbis aut factis 1068. quomodo ipso facto 1069. quis modus conveniat 1070. per vexillum 1071. per nominis restitutionem 1072. quis ea indigeat 1074. non fama minurus 1075. quoad partem 1077.

Famuli praefectorum quando ad milites referendi

PRAECIPUARUM.

rendi 449. & pro defectoribus habendi 729. foro militari gaudent 1284.

Favor militiae. Definitio 383. singularis est in jure 384.

Prohibere nequeunt milites 476.

Patris familias miles testari potest 425.

In flagranti deprehensus defector quis dicitur 686. quandonam sit 687. pro defectore habendus 688. delinquens quando occidendus 966. poena ordinaria afficiendus 1010.

Fortitudo bellica 241. *schol.*

Forum contractus non est militum 1119.

Forum delicti non est militum 1131.

Forum domicilii non est militum 1129.

Forum militare. Definitio 1121. privilegium est 1122. in causis communibus quando deficit 1123. 1124. in quibus obtineat 1127. quasnam actiones admittat 1128. in eo non convenitur nisi miles 1157. quando cessat 1286.

Forum militum sit peculiare 1116. personale non est locale 1118. nec forum domicilii 1119. cur peculiare sit 1120. reale potest esse commune 1125. & forum rei sitae 1126.

Forum rei sitae potest esse militum 1126.

Fraus circa militiam delictum est 745. in specie in lustratione 746. poena infami puniendi 958.

Frequentia delictum aggravat 1002.

Fuga ex acie delictum est 606. militare & gravissimum 607. maxime infamat 603. qui initium faciunt, auctores sunt 631. poena infami plestenda 961. capite plesti potest 963. suspendio convenit 964. in continenti capite 967. ejus auctores a decimatione eximendi 1037. quomodo puniendi ex decimatione superflues 1043. quali poena in specie 1044. decimationem admittit 1046.

Functiones bellicae. Definitio 166. ad eas obligantur milites 167. etiam in pace 169. aequae exacte obeundas 170.

Furci v. Designatores.

Furtum quando committatur a defectore 624.

Jus nat. mil.

Fugatio non est poena militaris 903.

Fustium poena corporis afflictiva militaris 905. non infamis 909.

G.

Gassenlaufen v. Vitium poena.

Gefreyter v. Exemptus.

Gladii abreptio vel fractio infamia 839. poena infamiae militaris est 848.

Gradus praefectorum militum 199.

H.

Habitacula militibus debentur 355.

Hantbois an ad milites referendi 729. *Schol.*

Hereditas militis foro militari subjacet 1289.

Heredes testis esse nequit 418. ejus institutio in testam. milit. non necessaria 419. inhabilis institui potest 436. habitus ex quo tempore censenda 437.

Hiberna. Definitio 395. ad expeditionem non referenda 396.

Hospitia personalia militibus debentur 355. publica extendenda 357.

Hostilitates. Definitio 235. ad eas obligantur milites 236. quo usque 330. 331.

Hostis. Definitio 11. quando delinquit captus, qui ejus militiam amplectitur 596. quomodo puniendus 1018.

I.

Ignorantis juris civilis quando milites excuset 398. quando jure civili 399. juris militaris non excusat 400.

Immunitates militibus concedendae 455. ad privilegia pertinent 456. quoruplicis generis sint 457. quoniam necessario concedendae 458. veteranis etiam 464.

Imperfectio militis in quo consistat 559. ex delictis oritur 550.

Imperium militare. Definitio 183. cuiusnam competat 184. praefectorum limitatum est 218. quousque procedat 219. ex quo estimandum 229. ordinarium &

Z z z

extra-

INDEX RERUM

- extraordinarium 249. ei resistere delictum est 609. ut & ejus abusus 742.
- Infamatio*. Definitio 824. est in ignominiose missis 829. ut actu publico fiat, convenit 833. quomodo fiat contraabfentes 836.
- Infamatio privata*. Definitio 824.
- Infamatio publica*. Definitio 824. convenit 833. eam quis patitur 837. 838.
- Infamatio realis*. Definitio 834. quis eam patitur 840. 841.
- Infamatio symbolica*. Definitio 834. contra absentes obtinet 835. quis eam patitur 837. 838.
- Infamia* poena militum esse potest 793. non semper obiectum poenae est, licet cum ea connexa 843.
- Infamia juris* quando contrahatur 565.
- Infamia militis* in quo consistat 561. per delicta contrahitur 562. haec facti est 563. effectus civiles non producit 564. per poenas contrahitur 790. naturaliter, quae facti tantum est 791. nec effectus civiles producit 792. nec poena est 794. sed lege debet statui 795. ut infamia juris est 796. in quo consistat effectus civiles producit 713. quatuorplex esse potest 814. quando mediata 818. quando immediata 820.
- Infamia notari* quis dicatur 798. quid eo declaratur 799. privationem famae operatur 800. potest miles in poenam 801. privationem jurium involvit 803. quorum in specie 811. famae privationem totalem 857.
- Infamis* quando fiat miles 806. 807. 808. juribus privatur 809. 810. miles esse nequit 812. quid requiratur, ut fiat 815. 817. quomodo fiat 816. quando miles se reddat 819. qui praedia aliena conducit 821. si per sententiam pro tali declaratur 822. si per famae experte 823. dimitti debet 825. ignominiose 827. non est, qui retinetur 828. si poena infamis ipsi inferatur 849. si per personam infamem 850. non si poena famam minuens 871. apud commentariensem
- non detinendus 914. 915. ei fama restitui potest 1062. & tunc miles fieri 1064. si non sit, declarandum 1088.
- Infructores* (Sergeantem) 207. sunt praefecti inferiores 208.
- Intervalle reipublica*, ut milites satisfaciant obligationibus suis 140. leges servant 141. ne deserant 147. nec a serviis detineantur 391. ne delinquant 552.
- Judex militaris*. Definitio 1114. ei iurisditio in milites competit 1115. ubinam esse debeat 1134. quando ex officio agat 1168. sententias ferre potest 1178. iudicio interfit, aut alium constituat 1217.
- Judex militum* esse debet 1104. ejus officium 1105. quale jus ei competat 1106. jus statuendi in causis eorum 1107. undenam hoc sit 1108. ei competit iurisditio 1109. scientia jurium polleat 1192.
- Judicium basitatum* non convenit 1256.
- Judicium militare*. Definitio 1140. in eo causae militum tractantur 1141. quatuorplex 1143. civile & militare 1146. utriusque definitio 1147. quanam causae in utroque 1148. ejusdem species 1214. quodnam inferius aut superius 1215. a quibus auditoribus quodque habeatur 1216. praeter praesidem alii adhibendi 1220.
- Judicium mixtum*. Definitio 1270.
- Judicium neutrum*. Definitio 1257.
- Judicium statarium*. Definitio 1245. quomodo peragendum 1246. quid requirat 1247. in quibus delictis obrineat 1248. quonam tempore 1249. appellationem non admittit 1252. nec confirmationem a superiore 1252.
- Jura militaria*. Definitio 319. perfecta sunt 320. eorum ratio 321. necessaria sunt 322. jure naturae competunt 323.
- Jura militum* propria dantur 81.318. qua hominum 324. qua civium 325. militaria non sunt 327. quanam auferti nequeant 376. quanam recte adimantur 472.

PRAECIPUARUM.

472. quando amittantur **530.** dimissionem **531.** defectione **532.** morte civili **533.** personalia sunt **534.** morte naturali expirant, nec transmittuntur **535.**
Juramentum militare. Definitio **149.** novam obligationem non producit **151.** quinam ad illud obligentur **153.** & cogi possint **154.** consensum in poenas operatur **155.** injuriam removet **156.** non praestitum poenam mitigat **991.**
Jurisdiclio contentiosa prorogari nequit a milite **1260.**
Jurisdiclio militaris. Definitio **1110.** competit judici militum **1111.** contentiosa potissimum est **1112.** peculiaris est **1115.** praefectis concedenda **1135.** quando non prorogetur **1261.** **1264.** potest in paganos **1262.**
Jurisdiclio voluntaria ab auditoribus exercenda **1288.** & ab alio iudice **1289.**
Jurisprudentia militaris. Definitio **116.** sine jure militum naturali esse nequit **117.**
Jus belli. Definitio **5.** cui competat **6.**
Jus militare. Definitio **89.** civitatem supponit **90.** & jus civile **91.** a superiore constituitur **92.** jus positivum est **93.** non scriptum datur **94.** jus civile particulare est **97.** divertum a communi **98.** quare **99.** vincit jus civile **100.** per modum exceptionis se habet **101.** variat **102.** consentaneum sit juri naturae **103.** in quantum idem ubique sit **105.** vel mutari possit **106.** omne habet, quae sunt juris naturae **107.** & quae mere juris positivi **108.** ejus theoria naturalis **111.** est pars juris naturae **112.**
Jus militum naturale s. universale. Definitio **113.** scitu necessarium est ad condendas **114.** & dijudicandas leges militares **115.** ad jurisprudentiam militarem **116.** auditoribus scitu necessarium **1212.**
Jus naturae circa milites **104.** quae ejus sunt, mutari nequeunt **105.** in omni jure militari quaedam ejus sunt **107.** juris naturae hypothetici **109.** quoniam sunt juris naturae **110.**

Jus optimi cavalli juris naturae non est **432.**

L.

Legati militibus praebendi **356.**
Legatus. Definitio **189.**
Legatus centurionis **207.**
Legati ducenti **211.**
Legatus tribuni **210.**
Leges militares. Definitio **87.** quomodo vocentur **88.** milites eas servare & calere debent **137.** iis poenae addenda **144.** promulgari debent **143.** praegendae **140.** superius **145.** non praestae poenam mitigant **941.** ab ordinaria liberant **942.** causae militum secundum eas dijudicandae **1185.**
Legio. Definitio **188.**
Libellus in processu militari civili locum habet **1160.**
Liberi praereri nequeunt in testam. milit. **440.** militum foro militari gaudent **1285.** defunctorum ad forum commune recidunt **1288.**
Ligna militibus praebenda **356.**
Linguae abscisso non est poena militaris **903.**
Lis ante militiam coepta ubi persequenda **1266.** super hereditate militis ubi decidenda **1289.**
Litterae dimissoriae. Definitio **297.**
Lixae quando ad milites referendi **449.** privilegio testamenti gaudent **450.** pro desertoribus non habendi **729.** foro militari gaudent **1284.**
Lustratio. Fraus ejusdem delictum est **745.** poena infamiae **959.**
Lytrum. Definitio **507.**

M.

Magister equitum. Definitio **198.**
Magister militum. Definitio **198.** ad praefecturam & officiales generales referendus **211.** a patria potestate solvitur **489.**
Magister peditum. Definitio **198.**
Mandata praefectorum quousque obligent **221.** quoniam sunt **222.**
Manipulus. Definitio **183.**
Manusio quid significet **276.** *Schol.*
Manubiae,

INDEX RERUM

Munibia, quomodo differant a præda 335.

Manus amputatio non est poena militaris 923.

Maturum militiæ non convenit 492. militibus neque pro lubitu permittendum, nec in totum prohibendum 493. ab auctore belli dependet 494. regulari potest consensus 495. prædictis etiam prohiberi 498. Specialiter debet 499. absque consensu initum delictum est 740. a præfecto etiam 741. puniendum 1025.

Membrorum mutilatio non est poena militaris 903.

Metakuu. Condemnatio ad idem non est poena militaris 903.

Moutery quid dicatur 623 *sebol*.

Miles gregarius. Definitio 213. stipendii privatione non puniendus 779. nec stipendia ipsi solutionis gratia retinenda 1275.

Miles perpetuus. Definitio 28. an legi possit 29.

Milites. Definitio 14. per eos vis inferitur 15. masculi sunt 16. civitatem supponunt 18. a quo constituantur 20. ad militiam obligantur 38. unde 39. sunt cives 77. eorum actiones qua civium determinantur jure civili 78. jura & obligationes civium habent 79. & propria 81. ut & statum 82.

obligantur qua homines 121. ad ea, quæ juris naturæ sunt 122. qua cives 124. non contrarietatur 126. quatenus ad leges civiles 128. reipublicæ 129. cogi possunt ad satisfaciendum 134. juramento adstringendi 148. obligantur ad bellum gerendum 157. ad vim inferendam 158. ad pugnam 159. ad vim arcendam 160. ad resistendum 161. judicio auctoris belli adstringuntur 174. & ad voluntatem ejus 175. sunt in imperio 176. subiecti 177. obedire debent 178. servituri subint 179. in classes distribuendi 187. sub imperio præfectorum sunt 212. præ-

fectis obligantur obedire 216. quando & exemptis 217. ad mandata eorum 221. præcepta & prohibita 222. ad quid in casu dubio 223. ad subordinationem 228. ad obediendum eis, qui imperium extraordinarium habent 230. armis instructi esse & eorum usum scire debent 232. obligantur ad exercitia militaria 234. ad actus bellicos, operationes & hostilitates 236. ad expeditiones 238. ad proelia & obsidiones 239. ad periculum vitæ & membrorum 240. fortes sint 241. nec timidi 242. obligantur ad hostem recognoscendum 245. non explorandum 247. ad intermedionem hostium 248. ad defensionem auctoris belli 249. ejusque rerum 250. ad præsidia agenda 252. ad urbem obsessam defendendam 253. ad præcavendum hostilia 264. ad excubias & vigiliis 266. ad custodias 270. & omnia, quæ ad ea necessaria 271. ad manendum in statione 272. ad circuitiones 274. semper præsto esse 275. ad non discedendum a statione 276. non absque venia 277. ad quid tempore belli 279. & pacis 280. quid conveniat 281. 282. 283. ad munitiones extruendas 284. ad omnes actus vis illativos 285. omnia exacte facienda 286. arma non alienanda 287. ad quamdiu in militia manendum 288. non discedendum absque permissione 296. dimissionem petendam 298.

desiunt quando 305. non si capiantur 306.

quænam facere liberum ipsis esse debeat 315. ad quæ jus 316. quæ licere 317.

quæ jura ipsis competant qua talibus 318. quæ non competere non possint 326. jus ad ea, quæ ad bellum necessaria 328. & vim inferendam & arcendam 329. quousque 330. ad hostilitates committendas 331. direptiones, depredationes & contributiones 332. ad res hostiles capiendas 334. ad prædam 336.

336. non tamen retinendam 337. quænam ipsis præbenda 338. fultentatio 339. quomodo 341. victus & amictus 349. vestitus 352. hospiria 355. lecti & ligna 356. non alia ab hospitibus 357. tentoria 358. exigere possunt, quæ ipsis debentur 361. 362. arma ipsis danda 365. in excubiis securi reddendi 366. quid licere debeat 367. 8. 9. usu iuri communis gaudent 370. privilegiis 371. de republica bene merentur 372. præmia ipsis constituenda 379. ad quæ non obligentur 390. a servitus non detinendi 391. deterioris non sint conditionis pagani 392. quando in expeditione constituantur 394. quando ignorantia juris excusentur 398. non militaris 400. ad subtilitates non teneantur 401. nec ad solemnitates juris 402. in specie testamentorum 403. privilegiario modo testantur 405. etiam filii familias 425. & capite damnati 427. non jure militari 428. ex eorum hereditate nihil competit præfectis 431. emeritis stipendium præbendum 459. quænam licere nequeant 469. licet jure communi permittantur 470. quænam recte prohibeantur 471. jura ipsis recte adimuntur 472. agrorum comparatio recte prohibetur 473. ut & alienatum rerum conductio & procuratio 474. litibus & negotiis non implicandi 475. fidejubere nequeunt 476. dominio gaudent in rebus ipsorum pecunia emtis 477. pœna commissi non tenentur 478. a tutela immunes sunt 479. procuratores esse nequeunt 481. donationem revocare possunt 485. & donare sine inscriptione 486. in integrum restituantur 487. armorum usu extra militiam gaudent 488. a patria potestate sint soluti 490. matrimonium pro libitu non licet 495. nec sponsalia 497. quando nam alii militare 513. quando juribus renunciare 525. quibusnam non 526. quibus in specie 527. non militaribus 528. quibus in specie 529. quando jura

sua amittant 530. quando obligationibus adversentur 536. & a rectitudine actionum deficiant 537. quotuplici modo 538. dolo vel culpa 539. *delinquent* quandonam 540. vere vel quasi 541. qua tales 542. quando non 546. etiam alia delicta, quam militaria committunt 549. culpa quoque delinquant 571. si legibus militaribus contraria agant 573. sive eas non servant, sed transgrediantur 574. si a militia discedant 575. si eam deserant 577. non si injuste coacti 579. nisi postea consenserint 580. recte saltem 581. aut subditi sint 582. si non rogata dimissione discedant 583. seqq. si capti hostis militiam amplectantur 594. seqq. aut non revertantur 598. si ministerium belli detrectent 599. emanente licet stipendio 600. si pugnare recusent 604. si fugiant ex acie 606. si resistant imperio vel obedientiam recusent 609. si resistant præfectis castigantibus 610. si non faciant mandata 611. non si aliena mandentur 612. in dubio tamen 613. non si injusta 614. etsi res bene cessent 616. si absque mandato pugnent 617. pacis etiam tempore 632. gravius in bello 633. si ineptos se reddant 639. si captivum evadere sinant 648. ab hostibus distinguendi 652. delinquant si absque venia discedant a mansione 657. si ultra veniam 658. si alibi discedant 659. si hosti se dedant 731. si fraudem committant 745. in lustrationem se locant 746. si stipendium vociferentur 747. si prædam retineant 748. si ultra ea veniant, quæ vult auctor belli 749. si se reddant inhabiles ad militiam 751. si murum aut vallum transcendant 759. *puniri possunt* stipendii privatione 777. quando non 778. infamia notari 801. quando infames fiant 806. seq. se reddunt 819. puniendi carcere detinendi 910. pacis tempore mitius puniendi 948. pœnis paganorum subijciendi 949. non mitius his 950. torqueri possunt 951.

INDEX RERUM

quomodo puniendi qui prohibita faciunt 1019.

jura & obligationes acquirunt 1096. iudici subesse debent 1104. ratione causarum peculiari subint 1113.

foro gaudent peculiari 1116. ratione personæ jurisdictioni loci cuiusdam non subsunt 1117. quid si in continenti puniendi 1244. forum rei sequi debent 1263. delinquentes a quovis capiendi 1268. captos se dicentibus credendum 1272. propter debita non incarcerationi 1277. v. plura sub voce *Forum militum & militare*.

Milites in expeditione constituti, de quibus ipsis prospiciendum 360 excusantur ignorantia juris civilis 358. non militaris 420. non tenentur ad subtilitates 401. nec solennitates juris 402. in specie testamentorum 403. absque solennitate testantur 404. privilegiato modo 405. quando 406. pro parte possunt 429. quid in hoc casu fiat 430. legare possunt absque heredis institutione 433. plura testamenta faciunt 434. ex tempore & ad tempus heredem instituunt 435. etiam inhabilem 436. substituunt pupillariter 438. etiam extraneo 439. pacta successoria inire possunt 453.

Milites conducere. Definitio 22. non licet nisi volentes 33. subditos & peregrinos 36.

Milites conductitii. Definitio 37. unde obligentur 39. paciscuntur 51. obligantur ex pacto 52. ex contractu militari & capitulatione 57. quamprimum 60. quamdiu 291. si subditi sint 292. si tempus non expressum 293. 294. si sponte militiam continuant 295. si capiuntur 308. 309. quando dimissionem petant jure imperfecto 501. quando perfecto 502. quandonam neque dimitti neque retineri possint 503. dimitti pro lubitu quando nequeant 504. quando non rogata dimissione desertores sint 584. quando non 585. quando non delinquant, si discedant 586.

Milites constituere sive conscribere. Definitio 19. quis possit 21. per quos 30. quomodo liceat 32.

Milites defensionarii. Definitio 255.

Milites irregulares. Definitio 254.

Milites legere. Definitio 22. quando non liceat 23. quamdiu non 24. quando liceat 25. qui legi possint 26. a quonam 31. non nisi subditi 34. nec peregrini 35.

Milites lecti. Definitio 37. unde obligentur 39. naturaliter 40. ex pacto tacito *Schol. ibid.* quamprimum 59. quando ex promisso 150. quamdiu 289. invito auctore belli discedere nequeunt 290. quando dimissionem petere possint 500. coacti licet a pœna desertionis non liberantur 977.

Milites praefidiarii. Definitio 251. 255.

Milites provinciales. Definitio 255. quatenus ad milites referendi 259. ad quæ obligentur 260. ministerium belli addiscere debent 261. in armis exerceri 262. quæ ipsis mandanda 263. quando ipsis sustentatio præstanda 240. jura & privilegia militum competant 521. quibusnam exceptis 523. in quo casu 520. foro militari quousque gaudeant 1280. in delictis militariibus 1281. præfatis jurisdictionis concedenda 1282.

Milites regulares. Definitio 254.

Militia. Definitio 83. ad eam alliciendi homines 378. favor ejus 383. qui ad eam se reddunt inhabiles, delinquant 750.

Militia provincialis. Definitio 256. legi potest 257. non continuo servit 258.

Ministerium belli. Definitio 162. ad illud obligantur milites 163. addisci debet 164. & exerceri 165. operas requirit 171. ejusdem detrectatio delictum est 599.

Minorennitas mitigans pœnæ est 939.

Misgauria delictorum 569.

Misgauria panarum. Definitio 928. eadem, quæ delictorum 929. unde æstimanda 930. a pœna ordinaria libeant 945.

Multa quando militi possit imponi 782. in specie gregario 783. præfatis superioribus 784. quando pœna militaris 786. quomodo tollatur 1054.

Multa militaris. Definitio 787.

Murei.

PRAECIPUARUM.

Marci. Definitio 752. quoniam sunt 753. quando delinquant 754. milites desertoribus assimilantur 755. eorum delictum militare non est 756. gravius in milite 757. infamiam contrahit 758. puniendi 1022. gravius si milites 1023. poena infami 1024. capite etiam 1025.

N.

Nasi abscissio non est poena militaris 903. *Negligentia* in praestatione officiorum delictum est 570. quomodo puniendi 1020. *Negotia.* his non implicandi milites 475. militum dantur 1097. *Nominis affixio* in paribulo infamat 838. poena infamiae militaris est 848. tollitur reflexione 1072. *Numeri* apud Romanos quid 187. *Schol.*

O.

Obedientia militaris. Definitio 225. quousque extendatur 226. ejus recusatio delictum est 609. *Obligatio militaris.* Definitio 120. contrariari nequit naturali 126. vincit civilem 127. ratio earum 130. generalis quoniam 131. erga quem 132. perfectae sunt 133. ad eas cogi potest 134. pacis tempore etiam obtinent 170. quando cessant 310. finiuntur dimissione 311. morte civili 312. personales sunt 313. morte naturali exlinguuntur 314. *Obligatio militum* unde 39. conductitiorum ex pacto 52. sive contractu militari & capitulatione 57. in subditis accedere potest naturalis 58. ante arrham nulla 67. obtundi nequit 68. ex arrha probatur 69. in casu dubio 70. *Obligaciones militum* propriae dantur 81. variant pro statu 118. quatuorplex sunt 119. qua hominum 123. qua civium 125. *Observantia militaris.* Definitio 95. vim legis habet 96. juxta eas actiones determinandae 137. ex usu addiscuntur 146. secundum eas causae militum dijudicandae 1186. *Officio militum* dantur 138. definitio 139.

Officiales. Definitio 185. milites sunt 186. inferiores 208. superiores 209. generales 211.

Opere militares. Definitio 172. ad eas milites obligantur 173. servitia vocantur 180.

Operatio bellica. Definitio 235.

Optio, quae persona sit 207.

Opus publicum non est poena militaris 903.

Ostiosi cives legi possunt milites 27.

P.

Pabulum equorum praebendum est equitibus 364.

Pacta successoria militibus licent 453. revocari nequeunt 454.

Pactum inter auctorem belli & milites vel tacitum adest 40. *Schol.* vel expressum 51. obligat 52. quomodo vocetur 53.

Pagani. Definitio 80.

ad Palum positio poena militaris est 905.

Patria potestas magisterio militum solvitur 489. naturaliter militia in genere 490.

Peculium militare. Ejus jus ipsius juris naturae est 491.

Pecunia diurna. Definitio 343.

Peditatus. Definitio 197. remissio ad eundem famam minuit 891. qualis sit poena 895.

Pedites. Definitio 195.

Peregrini quomodo milites fiant 35. conducere possunt 36. cogi non possunt 45. per militiam sunt cives 75. & subditi 76.

Perficio militis in quo consistat 555.

Poena legibus militaribus addenda 142. in delictis militum statuenda 761. etiam in quasi delictis 762. quando tollantur 1048. 1049. quando non possunt 1050. quomodo poena per quam jura adempta 1055. in specie cum fama connexa 1056.

Poena arbitraria quando obtineat 946.

Poena capitales militares, quo differant a communibus 898. non sunt plures 902. non sunt infames 908. tolli nequeunt 1053.

Poena communes. Definitio 771. militibus etiam infligi possunt 900. quando id conveniat 901. a quonam 920. 921.

Poena

INDEX RERUM

Pæne corporis afflictiva, ad militares quid requiratur 897. pleræque non sunt militares 902. militares non sint infames 908. tolli nequeunt 1051. 1053. quando finiantur 1052.

Pæne famæ diminutionis. Definitio 876.

Pæne famam minuentes dantur 863. definitio 864. infames non sunt 765. sub uno tamen genere 866. sub quonam 866. infamia non notant 870. nec infamant 871. a persona infami non infligendæ 872. privationem jurium involvunt 873. non militiæ amissionem 874. quomodo tollantur 1076. per partis famæ restitutionem 1077. jurium redditionem 1078.

Pæne sumose. Definitio 868. ad eas quonam referendæ 869.

Pæna gravior. Definitio 766.

Pæna infames quonam sint 844. infames reddunt 849. a quonam infligendæ 851. non a militibus 853. famam prorsus tollunt 855. privationem famæ totalem involvunt 856.

Pæna infamiae. Quis eam patiat 804. 805. quid operetur 811. dantur earum circa milites 845. infames sunt 846. quando sint militares 847. quonam hæc sint 848. a quonam infligendæ 851. non a militibus 852. quomodo tollantur 1060.

Pæna militares. Definitio 771. in quonam differant a communibus 772. a quonam infligantur 773. in quo consistant 774. in specie 775. quotuplices sint 776. infamiam contrahunt 790. per se infames non sunt 854. quonam sint. juris positivi est 899. criminales sint 924. graviore pro circumstantiis 927. emendatrices vel exemplares 931. remitti aut mitigari possunt 1027. non absque ratione 1028. jus aggregandi admittunt 1029.

Pæna militum in quo consistant 774. in specie 775. quotuplices sint 776. infamiam contrahunt 790. sunt exemplares 832. quonam sint infames 844. per se infames non sunt 854. civiles & criminales 921. 923. graviore pro circumstantiis 927. emendatrices vel exemplares 931. illæ

mitiones 932. non capitales aut infames 933. quando obtineant 934. quando non 935. seqq. remitti aut mitigari possunt 1027. non absque ratione 1023. jus aggregandi admittunt 1029. sine mora exequendas quid precedat 1244.

Pæna mitior. Definitio 766.

Pæna ordinaria quando militi imponenda 943. quando non 944. 945. desertionis quando 1005.

Positio ad excubias famam minuit 890. qualis sit pæna 895. quomodo tollatur 1082.

Posthumus præteriri nequit in testamento militari 441.

Præcipuum cohortis. Definitio 210.

Præda. Definitio 335. retineri nequit a militibus 337. retentio delictum est 748.

Præfæci cohortis præcipui quinam 210.

Præfæci militum. Definitio 185. milites sunt 186. gradu differunt 199. quinam digniores 202. in specie 203. centurione minores 205. adigi possunt ad præstandum, quæ militibus debentur 362. cogere possunt milites 363. matrimonium ipsis prohiberi potest 498. specialiter debet 499. qui ineunt absque consensu, delinquant 741. ut & qui imperio abutuntur 742. qui mandant aliena 743. qui stipendia remorantur vel diminuunt 744. qui fraudem committunt 745. in lustrationem milites locant, cæcus substituit & loca vacua relinquunt 746. gravius puniendi gregariis 947. jurisdictio militaris ipsis concedenda 1135. quousque 1136. superior & inferior potest 1137. non illimitata 1138. quandonom indulgenda 1139. ipsis alius adjungendus 1192. quousque stipendia ipsis possint retineri 1275.

Præfæci militum inferiores quinam sint 208. stipendii privatione non puniendi 779. nec hoc ipsis solutionis gratia retinendum 1275.

Præfæci militum majores. Definitio 200. quinam 204. duci summo obedire debent 224.

Præfæci militum minores. Definitio 200. majores

PRAECIPUARUM.

majoribus subfunt 201. quinam 204. majoribus obedire debent 224.

rafeciti militum superiores. Definitio 209. stipendii privatione puniri poffunt 780. & illud ipsis folutionis gratia retineti 1275.

Præfectus vigiliarum 207. fupremus 210.

Præfectus urbi. Jurisdictione polleat 1198. cujus jurisdictioni fubfit 1204. judex inferior eft 1205.

Præfectura cohortis. Definitio 210.

Præfectura exercitus. Definitio 211.

Premia militibus conftituenda 379.

Præfedi militaris. Definitio 1218. quæ fit ejus jurisdictioni 1219. voto polleat 1232. decifivo 1237. cum auditore communì 1238.

Præfidium. Definitio 251.

Prætor militaris v. Auditor.

Privilegia militibus concedenda 371. quatalibus 372. quænam neceffaria 374. & juris naturæ 375. nec aufertur poffunt 376. in præmiis conftituenda 380. quæ neceffaria non funt 381. fed arbitraria 382. ex favore conceffa 385. jure romano conceffa 386. liberant ab obligationibus 387. quando concedenda 388. exceptiones funt 389. quibusnam præter milites competant 448. 449. quando amittantur 530. dimiffione 531. defertione 532. morte civili 533. perfonalia funt 534. morte naturali extinguuntur 535.

Privilegium militare. Definitio 373.

probatio criminis cui incumbat 1175.

Proceffus militaris. Definitio 1142. quodplex 1143. civilis & criminalis 1149. quænam requirit 1152. fummarius fit 1153. duas partes fupponit 1154.

Proceffus militaris civilis. Definitio 1150. quasnam caufas fpectet 1151. actorem & reum involvit 1155. reum non nifi militem 1156. quænam requirit 1158. non fcriptis agi 1159. libellum admittit 1160. citationem requirit 1161. realem admittit 1163. & incarcerationem 1162. quænam in eo fufficiant 1164.

Jus mil. nat.

proceffus militaris criminalis. Definitio 1150. quasnam caufas fpectet 1151. quæ in eo funt partes 1165. quis partes reip. agat 1166. judex aut alius 1167. quodplex 1169. inquisitorius fit 1170. mixtus effe poteft 1171. maxime tamen fit inquisitorius 1172. fubftantialia in eo fufficiant 1173.

Proclamatio pro infami publica 837. eft pænâ infamiæ militaris 848.

Procuratores effe nequeunt milites 481.

Profes v. Commentariensis.

Pugna absque mandato non licet 333. ejus recufatio delictum eft 604. militare 605.

Q.

Quarta Falcidia celfat in teftamento militari 444.

Quafi delicta milites etiam committunt 541. in fpecie quæ tales 544. puniendæ funt 762. mitius tamen 763 pro gradu culpæ 764. 765. non infamia 956.

Querela inofficiofi locum habet contra teftamentum militare 442.

Querela mutua inter militem & paganum ubi decidendæ 1269.

R.

Recognoscere hoftem. Definitio 244.

Reconventio contra milites quando concedenda 1269.

Recufatio obedientie delictum eft 609. militare 618. capite plefti poteft 903. decimationem admittit 1046.

Recufatio fervitiorum militarium delictum eft 599. fupendii remotione non excufatur 600. fed tamen delictum eft 601. & quidem militare 603.

Religatio non eft pænâ militaris 903.

Remotio a militia famam non nuit 880. qualis fit pænâ 895. quomodo tollatur 1082.

Reftituentia Imperii delictum eft 609. etiam contra caftigantem 610. absque reverentia effe 613. a pluribus fufcepta feditio 619. decimationem admittit 1046.

Aa aa

Roffi.

INDEX RERUM

Restitutio in integrum militibus indulgetur 47.

R. timentia desertionis alterius delictum est 724. et si non consentiat 725.

Reverentia erga perfectos 615.

R. us in processu militari civili esse nequit nisi miles 1156. citari potest 1161. etiam realiter 1163. & incarcerari 1162.

Rotæ supplicium non est pœna militaris 904.

S.

Schelmen machen 824. *Schol.*

Seditio militaris sive *bellica*. Definitio 620. delictum militare gravissimum est 621. quomodo oriatur 622. quisnam ejus auctor 627. capite plecti potest 963. decimationem admittit 1046.

Sedacens ad desertionem auctor hujus est 715. gravius delinquit seducto 716. etiam si defectio non sequatur 717.

Sententia militaris. Definitio 1180. quodplex 1181. quænam requirat 1182. causas militum dijudicat 1183. concipi debet ex votis 1233. a præside & auditore 1234. secundum majora 1235. appellationem admittit 1240. criminalis absque confirmatione non exequenda 1251.

Sergeanten v. *Instructores*.

Servitia militaria quæ dicantur 180. in quo consistant 181. ad quæ obligantur milites 182. ab iis non detinendi 390. 391. eorum recusatio delictum est 599. capite plectendum 563. decimationem admittit 1046.

Servus commentariensis. Definitio 916. infamis reputandus 917. pœnas infames solum infligit 918. non famam minuentes 919.

Signa. Mereri absque iisdem pœna est 893. qualis 895. convenit superfluis ex decimatione 1044. quomodo tollatur 1084. 1085.

Signifer 207.

Solemnitates juris. Ad eas milites non tenentur 401.

Sponsalia militibus quomodo liceant 497. absque consensu celebrata delictum efficiunt 740. etiam a præfecto 741.

Stab 211. *Schol.* Regimentsstab 210. Generalstab 211.

Stabsauditor 1208.

Stabsofficiers 210.

Stabswacht 1242.

Statio. Definitio 267. ab ea recedere non licet 268. si fiat, delictum est 636. item dormire 637. vel ebrium esse in eadem 638. militare gravissimum 643. famæ nocet 644.

Stationarii. Definitio 265.

Status belli. Definitio 2.

Status militaris. Definitio 83.

Streckenkecht v. *Servus commentariensis*.

Stigmatum iustitia non est pœna militaris 903.

Stipendium. Definitio 342. diurnum 343. merces est 344. promissa solvendum 346. quando quid præter illud 347. quando augendum 348. ejus remoratio recusationem servitiorum non excusat 600. ejus vociferatio delictum est 749. in pœnam adimi potest 777. propter solutionem non retinendum 1274. in specie gregariis & præfectis inferioribus 1275.

Stipendii privatio pœna est 777. quando conveniat 778. non militibus gregariis & præfectis inferioribus 779. multa est 781. non pœna militaris 785.

Strangulatio non est pœna militaris 904.

Subditi milites legi possunt 34. etiam conducere 36. ad militiam obligantur naturaliter 40. & ex pacto tacito *Schol. ibid.* quando cogi possunt 41. quando non 45. conductis obligatio naturalis superaccedere potest 58. assignari possunt 73. qui ad militiam inhabiles se reddunt, delinquant 751. & puniendi 1022. 1023.

Subordinatio. Definitio 227. milites ad eam obligantur 228.

Subprædicti quinam sint 208.

Substitutio pupillaris militum 438. quousque extendatur 439.

Sub-

PRAECIPUARUM.

Subtilitates juris. Ad eas milites non tenentur 402.

Suspensum non est pœna militaris 904. quibusnam delictis conveniat 964. desertioni 973.

Suspensorum corpora an sepeliendi 974.

Sustentatio militibus præstanda est 339 quando & provincialibus 340. quomodo 341.

T.

Taggeld. Definitio 341.

Tentoria militibus præbenda 358.

Territio. Ei quando non locus 952.

Tessera. Definitio 653. ejus revelatio delictum est 654. militare gravissimum 655. ejus oblitio quando 656.

Testamentum militare. Definitio 407. privilegium est 408. subtilitates non admittit 409. quænam in eo cessent 410. quæ requirantur 411. ad validitatem quoad modum testandi 412. quot modis condatur 413. quod simplex sit 414. ad scriptum quid requiratur 415. quomodo probetur 416. quid ad nuncupativum 417. extra expeditionem condici nequit 419. nec in hibernis 420. aut pace 421. quamdiu valet 422. an si testator ignominiose mittatur 423. an ante militiam conditur 424. heredis institutionem non requirit 433. inhabilem admittit 437. in eo locum non habet præteritio liberorum 440. nec posthumi 441. utique vero querela inofficiosi 442. quatenus jus accrescendi 443. Falcidia cessat 444. non rumpitur alterius confectioe 445. quomodo revocetur 446. a quibusnam præter milites confici possit 450. a quibus non 451.

Testimonium ubi a milite dicendum 1271.

Theoria juris militaris naturalis datur 111. est pars juris naturæ 112.

Tibicines an ad milites referendi 729.
Schol.

Timiditas militibus repugnat 242. eosde-
decer 243.

Tortura. Ab ea milites non eximendi 951.

Transfugio muri aut valli delictum est 759. non tamen militare 760. desertionem aggravat 971.

Transfugio globorum pœna militaris est 907. non infamis 909.

Transfugium militis ad hostem involvit desertionem 591. & perduellionem 592. delictum gravissimum est, proprie non militare 593. quomodo puniendum 972. decimationem admittit 1046.

Tribuni. Definitio 189. imperio ducum subsumt 205. ad præfecturam cohortis referendi 210. eis jurisdictio concedenda 1195. cujus jurisdictio subsumt 1199. pro temporis discrimine 1203. iudices inferiores sunt 1204.

Triremes, condemnatio ad eas non est pœna militaris 903.

Turra. Definitio 188.

Tutela. Ab ea milites sunt immunes 479. non veterani 480.

Tympanotriba an ad milites referendi 729.
Schol.

Tyrones. Definitio 37. mitius puniendi 940.

V.

Vacua loca qui relinquunt, delinquent 746. infamia puniendi 959.

Venia. Definitio 277. absque ea non discedendum 657. nec alibi 659. aut ultra emanandum 658.

Vestes dari debent militibus 352. uniformes dari præstat 353. in natura dandæ 354.

Veterani. Definitio 460. stipendium iis præbendum 461. & præmia conferenda 463. iis immunitates & privilegia concedenda 464. quæ juris sint positivi 465. quamdiu testamentum eorum va-

INDEX RERUM PRAECIPUARUM.

- leat 466. quinam non sint 467. 468.
 an a tutela immunes 480. foro militari
 excidunt 1287.
Vidus dari debet militibus 349. praestat in
 natura dari 350.
Viduae militum ad forum commune reci-
 dunt 1288.
Vigiliae. Definitio 265.
Vitium poena corporis afflictiva militaris
 905. non est fustigatio 906. non infam-
 is 909.
Vociferatio stipendii delictum est 747. gra-
 viter punienda 1016. quandonam mi-
 tius 1017.
Voluntarii. Definitio 300. consensu au-
 thoris belli militant 301. ex pacto 302.
 ad quid obligentur 303. quousque ma-
 nere 304. juramento non adstringendi
 303. *Schol.* juribus & privilegiis mili-
 tum fruuntur 522. quanam excipian-
 tur 523. in qdo casu 524. pro deser-
 toribus non habendi 730. foro militari
 gaudent 1279.
Pot. Adfessoribus judicii militaris conce-
 denda 1225. majora sententiam efficiunt
 1235. quid si paria 1236. si majora
 reddi nequeant 1239.
Uxores militum quatenus horum privilegii
 fruuntur 452. secundas nuptias inire,
 quamdiu nequeant 482. nec processu de-
 fertionis agere 483. quando possint 484.
 foro militari gaudent 1285.

F I N I S.



ERRATA.

In Præfat. pag. 2. lin. 8. *nemini* l. *nomine*. & pag. 7. l. 19. *conquætere* l. *quætere* aut *concutere*.

Pag. 7. lin. 13. loco *intrinsecæ lege intrinsecæ*. p. 9. l. 18. *-scribi* l. *-duci*. p. 26. l. 34 *dele se*. p. 27. l. 21. *Confes* l. *Confert*. p. 42. l. 14. *determinatur* l. *determinetur*. p. 43. l. 5. & 6. *mili-tum* l. *civi-um*. & lin. 36. *proprie* l. *propria*. p. 51. l. 14. post verba: *Leges etiam addatur militares*. p. 53. l. 27. *flinc* l. *flunc*. p. 55. l. 29. *injusto* l. *injuste*. p. 56. l. 21. *illam* l. *illos*. p. 61. l. 30. *folet* l. *solent*. p. 66. l. 34. *debeat* l. *debet*. p. 70. l. 2. *duci* l. *duce*. p. 76. l. 35. *cognosce* l. *cognoscere*. & l. 41. *illi* l. *illius*. p. 77. l. 32. *imperia* l. *imperio*. p. 80. l. 17. post verb. *Quare add. cum*. p. 88. l. 15. (§. 265.) *lege* (§. 255.). p. 91. l. 6. *que* l. *quædam*, & *con venias* l. *e-veniat*. p. 93. l. 16. *diverge* entur l. *diverterentur*, vel potius *divagarentur*. p. 96. l. 8. a fine *de eorum* l. *de necessitate eorum*. p. 108. l. 18. *hosti* l. *hostis*. p. 110. l. 4. *mutatio* l. *deminutio*. p. 112. l. 22. *alias* l. *alios*. p. 113. l. 7. *obligationibus* *istis* teneantur l. *juribus* *istis* fruuntur. p. 116. l. 11. *dele eo*. p. 121. l. 25. *injuria* l. *injurias*. p. 126. l. 5. *pecunia* l. *pecuniarum*. p. 145. l. 29. *astimatur* l. *astimantur*. p. 160. l. 31. *arbitraria* l. *arbitrarius*. & l. 39. *juris* l. *jure*. p. 161. l. 26. *testetur* l. *testetur*; p. 171. l. 8. *quem* l. *quam*. p. 177. l. 9. *invenitur* l. *invenitur*. p. 185. l. 3. *supponitur* l. *supponatur*, & lin. ult. *obligationibus* l. *obligationibus* vero. p. 195. l. 23. *admittetur* l. *admittatur*. p. 198. l. 33. *utrabantur* l. *detra-bantur*. p. 199. l. 4. a fine *insuunt* l. *insuunt*. p. 205. l. 12. *ps-* l. *pa-*. p. 206. l. 8. *dimittatur* l. *dimittatur*. p. 211. l. 17. *sunt* l. *sint*. p. 216. l. 12. *restringantur* l. *restringuntur*. p. 219. l. 21. *Voce* l. *Verè*. p. 225. l. 7. & 8. *dele sal-tem*. p. 232. l. 20. *eodem* l. *eodem*. p. 243. l. 13. *deserendi* l. *deserendo*. p. 248. l. 31. *imperii* l. *imperio*. p. 249. l. 7. a fine *facere* l. *facile*. p. 258. l. 15. *ejusdem* l. *ejusdem*. p. 261. l. 14. *ipsi* l. *ipsi*. p. 263. l. 7. *que* l. *quo*. p. 271. l. 10. & 11. in marg. *alicubi* l. *alibi*. & l. 1. & 4. a fine *divergat* l. *divertat* p. 277. l. 15. *deseruit* l. *deseruerit*. p. 281. l. 4. *committat* l. *committit*. p. 285. l. 12. 22. & 26. & aliis locis *divergit* & *divergat* l. potius *divertit* & *divertat*. p. 287. l. 1. in marg. *Ante* l. *Quandò*. p. 291. l. ult. in marg. *fit l. est*. p. 299. l. 13. *nequeant* l. *nequeant*. p. 307. l. 10. a fine *absolvant* l. *exsolvant*. p. 315. l. 9. *sed illa* l. *et illa*. p. 316. l. 13. *apparet* l. *apparet*. p. 321. l. 3. *vocatur* l. *vocetur*. p. 326. l. 3. *solent* l. *solent*. p. 335. l. 7. *Immediata* l. *Vel immed-ita*. p. 338. l. 20. *sive aliquo facto* l. *sine aliquo facto*. p. 340. l. 14. *infamia militi* l. *infamiam militi*. p. 344. l. 10. a fine *Quia* l. *Quia*. p. 352. l. 21. *partialis* l. *partiali*. p. 357. 364. l. 353. 360. p. 360. l. 10. *Cum* l. *cum*. p. 361. §. 892. l. 6. a fine *lat l. ita*. p. 371. l. 7. a fine *sunt* l. *sint*. p. 375. l. 19. *insligi non convenit* l. *insligi convenit*. p. 376. l. 12. *sunt* l. *sunt* p. 382. l. 10 post verb. *recedendi add. potestatem*: & l. 6. a fine *Pano* l. *Pana*. p. 386. l. 8. a fine *in ipsa lege* l. *in delictum ipsa lege*. p. 390. l. 26.



l. 26 dele in. p. 406. l. 12. a fine *discedet* l. *discedas*. p. 415. l. 12. *privatum* l. *privatum*. p. 421. l. 14. *degenerat* l. *degeneret*. p. 425. l. 4. a fine *Adco* l. *Adcoque*. p. 427. l. 10 a fine *es* l. *eat*. p. 429. l. 4. a fine *dicatur* l. *hec dicatur*. p. 432. l. 19. & 20. in unam ducendæ sunt & pro loc. cit.). l. loc. cit.): p. 438. l. 8. dele *potius*. p. 444. l. 4. a fine *fama* l. *fama*. & l. 3. *cum militi* l. *cum si militi*. p. 447. l. 21. *particulis* l. *particularis*. p. 448. l. 4. in marg. *Quomodo* l. *Quando*. p. 449. l. 10. *ipfibus* l. *ipfi*. p. 451. l. 27. & 38. *posfit* l. *posset*. p. 462. l. 2. & 4. *contentis* l. *potius litigiosis*. & l. 2. a fine *videtur* l. *videatur*. p. 468. l. 20. *cognitio* l. *cognitionem*. p. 471. l. 22. *proprio* l. *proprie*. p. 472. l. 14. *commoventur* l. *commoventur*. p. 473. l. 11. *concedi* l. *concedi*. p. 474. l. 5. *eorum* l. *earum*. p. 481. l. ult. & quod a reo negatur, narrat, probet; l. narrat, & quod a reo negatur, probet; p. 491. l. 14. dele *diversis*. p. 495. l. 26. *fulcat* l. *fulent*. p. 497. l. ult. *imperium* l. *imperium*. p. 499. l. 3. *certa* l. *certa*. p. 504. l. 12. *versetur* l. *versatur*. p. 505. l. 9. a fine *miles* l. *desertor*. p. 524. l. 14. *reclor* l. *reclori*. p. 526. l. 7. a fine *competentem* l. *incompetentem*. p. 531. l. 28. *Milites* l. *Miles*. & l. 33. *exemplum* l. *exempla*. p. 534. l. 17. *mittentur* l. *mitterentur*. p. 537. l. 8. *debeat* l. *debent*.

His & aliis, quæ præsertim quoad distinctionum signa occurrent, propter auctoris absentiam veniam concedat L. B.

ANT
1518115

XVIII

E

39

8456



